

四庫禁燬書叢刊編纂委員會

北京出版社

四庫禁燬書叢刊

史部第六三冊目次

本朝京省人物考一百十五卷(四)

〔明〕過庭訓撰
明末刻本

一

表揚錄續編不分卷

〔清〕尹嘉銓撰
清乾隆三十七年刻本

六四九

北學編四卷

〔清〕魏一鰲輯 尹會一續輯
清光緒十四年四川尊經書院刻本

六六九

本朝京省人物考一百十五卷(四)

〔明〕過庭訓撰

明末刻本

北京大學圖書館藏

人物考卷之八十九目錄

河南彰德府

郭資

石璞

蘭從善

翟政

周晟

劉潺

李和

李顯

徐憲

樊凱

崔陞

李鎰

賈鉞

崔銑

張士隆

馬卿

張衍瑞

王勲

葛覃

郭樸

李泰

王邦直

河南衛輝府

邢晃

靳義

郭欽

馬英

周鳳

王嵩

李文泰

原潔

劉濟璋

陳曄

陳玉

馬龍

李光幹

潘鐸

李可登

劉珪

蔡揚金

陰秉賜

河南懷慶府

郎敏

蓋霖

劉粹

王徽

王懋

何璵

劉涇

本朝分省人物考卷之八十九

河南彰德府

郭資

郭資字存性彰德府武安縣人自幼志氣超羣弱冠入邑庠從師受春秋有所造就洪武辛酉人太學甲子領應天府鄉薦明年乙丑進士初爲戶科庶吉士改戶部主事丁外艱服闋實授本部湖廣司主事吏不容奸聲譽頓起陞都察院左僉都御史無何尚書郁新以才薦之授前北平布政司右叅議蒞事之初卽以本司弊政爲言 太祖嘉其忠直陞本司右布

政司

政司

政司悉心碑慮贊佐有方不數月陞左布政使精勤詳慎紀綱大振豪猾飲跡良善復安時 成祖在藩邸尤愛重之資有所言無不聽納及起義靖難命資城守撫輯兵民供給糧餉百費所需未嘗乏誤嘗以漢蕭何擬之 成祖卽位論功召陞戶部尚書 賜白金文綺幣視諸伯未閱月以北平重地命掌布政司事未幾 詔建北平設行部拜資行部尚書資以北地軍民初安生業始遂而官司所費冗濫當樽節以恤下乃倦倦以祛弊舉廢爲務或有不悅而謗資者 成祖聞之降敕儆諭益以心膂任之滿考賜

宴內廷頒勅獎諭歲辛丑定都北京華行部調資戶部職務叢勝資勤以卒下百事修舉 仁宗嗣位加太子太師寒義復原吉數短於上謂資偏執妨事且病令致仕 上意不然間以語大學士楊士奇曰先皇興義旅一切軍需糧餉皆出資調度及吾昔居守甚得資力其人亦才且誠今必如二臣請是吾危則任人安卽棄之吾誠不忍士奇對曰故舊無大故不棄此 皇上盛德顧資疆域人不得干以私但詔勅所蠲租稅資必責有司依歲額徵此過之大者誠如二臣言然耿介守廉非衆所及 上曰吾在此

復有原吉與同事彼雖偏執真能行也已竟罷政事

賜璽書歸武安資歸 上念之不已間謂士奇等曰

無使大臣怨乎不以資其謂我何 命戶部給半俸復其家 宣皇嗣位詔起資爲戶部尚書免朝調資視事勤雖大風雨不避僚吏敬懼滿考 賜宴於禮部獎以勅書譬資如歲寒松柏愈老愈勁其優待隆厚若此宣德癸丑十二月疾劇屢言蒙被 朝廷重任無以効報爲愧切切訓諸子及孫當感恩思報不及家事以卒年七十三 上深悼惜爲資罷朝遣禮部尚書胡濙賜祭初工部製棺管葬贈進光祿大夫

莊國湯陰伯謚忠襄官其子任爲戶部廣東清吏司主事卒之日家無餘貲公卿大夫皆往哭弔致奠祭自始仕至老家視關事凡所施爲毅然自任不畏強禦怨有弗避害有弗辭與人辯論服屬之氣見於辭色而推之於政略無害人蠶物之心所居在馬莊村顏垣樸舍未嘗治第府城故人稱其有守云

石 璞

石璞字仲玉臨漳人永樂庚子鄉貢入太學初爲監察御史宣德中遷江西按察副使按察使山西布政使璞剛介有治才所在著稱在江西時民娶婦三日

哭婿婦往拜其家婿先歸婦後失之徧索不獲婦翁訟婿殺女婿不勝撈掠自誣服云棄尸前塘中官使八求之果得尸獄成獨璞疑曰殺其人而棄尸非深怨者不如是也彼初婚方燕好胡乃爾爾乃齊沐夜音祝曰此獄關網常萬一其婦與人私其夫既受房名又枉死於理安邪夜夢人贈一麥字璞思曰兩人矣一人也獄有歸矣比明械囚首令待時行刑囚未出璞見一童子竊向門內窺璞令人召入曰爾羽容胡爲至此得非爾師令爾俱其四事乎童子大驚吐實果二道士素與婦通見匿之榻麥中江西入號

曰斷鬼石在山西時議修堯廟一夕大風拔木積廟前肯棟梁材後進工部尚書正統戊辰河決榮陽經潰至湯毅入漕河潰沙灣東隄入于海命璞治之河決口塞明年已巳處州盜起命璞討平之景泰辛未也先寇獨石命璞兼大理寺卿往璞充餉勸兵修垣守險 康定帝賜璽書曰爾忠勤善謀素爲邊人信故爾事平進太子太保改兵部尚書丙子湖廣苗叛奸民李珍魏玄冲往爲向导引之寇掠作讖文于湖湘訛言曰騰民用大援又命璞往璞以計生得珍玄冲檻送京師苗平還治部事數年致仕天順庚辰英皇召大學士李賢謂曰石璞純臣也聞其尚健然貧爲我以璽書召來至京師 上召見文華殿璞服素袍繫用帶入 上曰吾賜爾絳玉徽乎璞叩頭曰臣平生以孤忠膏無結納今臣自分填溝壑矣詔至臣自知亡他途必臣有罪當誅遣耳 上說是時璞微曠乃命掌南京都察院事成化初致仕歸五年卒初璞在山西時其夫人與諸僚妻燕歸憚曰彼多金珠綺采吾布裙襖甚不稱布政妻也璞曰爾何坐曰席首曰使吾墨于憲汝安得居此座且吾素不以妻子故官彼金珠綺采者後飲居汝席得乎明年

其夫果有以墨罷者自大司馬歸彰德買田百餘畝
貧不能治第爲別業「高平吳南但傍岸作屋三楹
卑甚且闔屋左茅舍」內僅一畝有安陽人自典史
歸璞往其家盛治具凡上陳銀器前列金杯十餘璞
見之問曰爾宦幾年曰未一考也曰胡歸乎曰刁民
誣吾貪奪職曰使吾治爾爾焉能還鄉里哉拂衣出
其肅介性成若此

蕭從善

蕭從善字從善磁州人山永陵縣教諭遷揚州府學
教授 宣皇爲皇太孫志慕堯舜 文皇擇天下名
儒輔之中選者毋得拘階序從善召授翰林編修與
王值錢習禮十五人日侍講讀從善行端貌重所論
上皆帝王之道閱十年從善遷贊善 宣皇爲皇太
子從善自侍讀遷洗馬 宣皇嗣位同事者皆遷門
要甚者即拜尚書而從善獨與王值留滯不調遷者
得志逞氣勢炳赫赫從善日坐東閣中細書暇則取
秘書讀遇休沐與抑菴公載酒郊遊覽勝賦詩意洽
如也又數年以久次遷學士 上方嚮學從善以舊
臣見信用每進講多稱旨 上日久宣不改其素從
善其君子哉年七十授何求謝事上慰留之又四年

乃得請還郡而卒

翟政

翟政字以德安陽人少穎悟超人同舍生傳萬學士
詩義數百篇甚珍愛每夜俟諸生寢始出而誦之政
立戶外竊聽盡憶景泰甲戌舉進士授大理評事晉
山西金事李都御史者嘗生事 詔廷臣案之廷臣
下政勘政以實報都御史幾失秩吏部汰省府官都
御史署政考下下曰難任風憲亡能激揚遂罷政政
不能平曰上官過固當覆如欺君何古以忠實今罰
吾忠吾君安得聞遂 奏辯 詔令致仕政歸貧甚
守志不干謁日坐庭中誦書學詩取古帖臨寫政質
直言不依阿行無藻飾居鄉幾固十年而卒

周晟

周晟字德明安陽人也始生之夕其祖夢一儒生趨
而揖之祖曰是孫他日必以儒興吾家既能言即誦
敏如成人爲文章即有理趣歸補郡庠生甫一歲即
領河南鄉薦時年十九也甲戌登進士第拜廣西清
吏司主事又三年奉 聖書審南畿重固天順中推
永平知府在任七年陞湖廣右叅政歲辛卯丁父憂
服闋改叅山東政乙未就陞按察使於山東丁酉晉

江西左布政使觀政刑部時大司寇尚嚴毅屬官少當其意者獨嚴所分因引審未嘗有所反異其所爲獄辭往往得事情合律意用是大爲稱重具疏留爲本部主事前後有所平反全活者甚衆然未嘗出法外以邀舉出守永平政尚寬大尤留心民事聞屬邑有不種二麥者親爲勸課之民始得享其利民間子女有貧過時而不婚娶者諭富戶出財帛資之一時婚配殆盡晟出自刑曹於治獄尤其所長郡中積年冤滯一一爲之伸理民有水清鏡平之謠及泰湖藩所至剝舉惟當凡利民事不擇劇易視其力所及而爲之收山東其所施爲略如在湖藩時院長憲臺發摘奸伏幾無所容然嚴而不苛論者以爲得憲體其施爲大略有如此者事母極孝待諸弟更友愛人以爲天性夙稟抑復得之家學云

劉潯

劉潯字宗瀾安陽人天順丁丑舉進士授刑部主事四時着布袍出止乘驢湖廣都御史翁世資與都指揮訟詔潯往會御史焦顯治顯欲歸獄于指揮潯曰如公言何名爲法卒坐世資還郎中京師有兄弟爭鬻者各重賂累年不決至是賂潯潯持金白于司

寇乃竟其事晉浙江叅議進士盧某暴其鄉潯案問除名再改陝西鄜民寇氏關中大猾也部民寇扁頭與其祖通戊者寇扁都名相近遂竄軍籍潯問籍疑之卒驗實軍歸寇氏還叅政再遷四川布政使却宣愆楊氏金召爲順天府尹道出褒城流民人蜀就食守關吏不許潯令弛禁還都御史巡撫遼東弘治初致仕歸自課童僕耕時兩子舉于鄉日校授諸孫所誦書春秋祭墓必泣諄切質直無華言雖幼賤與均視弘治乙丑疾革進命母于恩澤作墳擾鄉里卒年七十有八

李和

李和字水中安陽人天順丁丑進士授吏科給事中嘗論事件旨廷杖幾死遷都給事中過政司叅議右通政每居一官積年不徙成化末李孜省以左道進而大臣競樹黨中官梁方等用事最後萬喜有寵士夫躁進者與相結納朝令夕遷和獨以靜正淹滯有齊姓者問和久次謂曰公常恬如將俟河清邪今諸貴人亦素敬愛公特二帕贊造請食項耳而卿佐可得時乎可隨而不可與之亢也和謝曰吾譬之廢黑髮守節皓首乃求聘乎退謂所親曰吾見附人者有

望仁利是時有郎中素結倡優進欲爲通政乃傳旨
遷和爲南京戶部右侍郎以彼代和至戶部六閏月
而卒和豐貌極量雖倉卒言色罔躁喜愠莫顯然內
合獨朗於事低昂及人賢不肖不失分寸父光道得
疾疾彌年和自己奉養躬上溺器久益虔儉薄不計生
產子華少好俠稍侈和每責之曰由奢入儉難爾少
耽安閒老必辛苦論者稱其不競不激含光蓄景如
澄潭無波珠玉自瑩時以爲確論云

李顯

李顯字道彰安陽人成化丙戌進士授翰林院檢討
事吉王後拜長史再改楚府弘治辛亥卒年五十
一顯介特有志不輕下人凡舉進士者即圖防顯要
富貴可致而顯終身留藩邸當選授時多稱病避或
託貴勢請免顯曰士筮仕即擇便利刑必如公等顧
令王孤立乎往就選在楚府放逐豪猾官田稅改令
謹厚者掌奸人訟指揮于某受賕顯直其罔某夜持
金謝顯叱却之顯居鄉時歲大凶日以糜藥給饑暨
涸者在楚歲又凶出俸金寄親戚少與張文友文死
顯塋之事其兄如父時人稱焉

徐憲

徐憲字振綱安陽人成化戊戌進士授松江府推官
松江天下稱饒而民頗狡憲以約已推誠爲治民稱
之曰徐青天有盜牛者以火刀更其角莫辨也憲令
縱牛入野牛奔王家園中乃治盜罪入內臺爲御史
出按甘肅奮貢獅子憲令守園者勿納上疏言獅子
異物受之則夷生玩心況日食羊百夫扛之昔武
王受葵召公戒曰細行能累大德往者夷貢獅子受
之故敢再貢彼蓋窺我好尚矣却之便時例贖徒者
并贖杖憲上奏流之罪三贖米四十石而止雜犯死
罪不贖五十石今增贖杖法則三年者米至四十五
石矣是雖輕於死而實重於流也憲以親老謝病歸
天池卒年五十

樊凱

樊凱字大振安陽人少給役至縣令見其狀貌驚令
學凱長身玉立美須髯成化初選尚廣德公王凱
與周景同鄉凱慕景爲人襲其行事景傾心與友凱
亦能爲詩成化丙午命統禁兵日介胄升殿侍衛正
德初劉瑾用事自公卿以下莫不折節而凱獨不屈
嘗曰凱幸託主爲朝廷肺腑戚縱自輕奈辱主何所
說卒王某者瑾鄉人也有心疾凱數掠治某知瑾惡

欽正值瑾出東華門將升肩輿其希免狀列飢愛禁
卒金且多私役者遂罷飢待衛飢善論事有康濟心
河間諸郡民貧苦於繁役生于越兩人卽聞之每歲
終禮部納用數千人不與者猶數千人部中諱自尚
言以下反避匿飢曰此已無家故志意蘊憤誠得發
遣使事藩王嚴禁後勿得聞不二年此患遂息論國
官軍曰軍太半私役矣不卽受錢代人役或負擔以
生逮操弱弓敗矢取具臨時食頃罷一旦有緩急非
但不可賴亦不能集宜於都城東曠郊指揮以下將
兵官各立保伍毋得他出給兵符爲稽且守且練有
事命將往統之斯強餘而制枝矣子瑋瑋俱錦衣指
揮同知

崔陞

崔陞字廷進號南郭學者稱南郭先生其先樂安人
也後籍安陽童時會父失官貧甚日一食然猶獨也
而於書顧益攻成化乙酉舉于鄉已丑登進士拜都
水主事改武選以父憂起改主客又以母憂起武選
罷職方員外郎出知延安府陞參政歷中外凡三十
餘年陞既以達軍力致青雲巨才洪識遠越倫輩
而水蘖膏厲無妹寒約遂能輝前裕後慶流于子孫

至今相人訓學誨德必曰不見南郭公少時貧邪今
人凡少貧至貴願必焚而陞王客時嘗人有論類以
請者業賂鉤樞者許之矣日趣上議而執弗命名者
人夜持玳瑁香各十餘斤餽斥之出且聲其事遂
寢雖歷三部階五品然僦屋而居競競如少時出則
一瘦馬青布袍耳僅日出拾馬通淑人李維翰薪手
爨之先是星變求言與餘于蘇章同奏陞聞于政妖
僧壘或拔花儉壬竄逐忠良所致又言兵部尚書王
恕今之伊傳不宜置之南京奏人不報而他言者或
頗及官禁秘密上爲之怒於是書言者六十人姓
本朝名臣考卷八十九

主

名于屏擬升則絀其級不則違惡地於是吏部故遲
之孝宗卽位乃有延安之命邊郡瘠耗習僧而俗
夷至則立規畫固扇鑄諸簿書節浮浪省遊宴公暇
則親植菜私園乃清疆場嚴徵稅平徭役鋤豪橫招
流進墾荒田實廩便葺廢墜療疾疫教行布惠熟邪
崇禮興學誨徒咸鑒鑒名實先是成化末郡大饑民
大半亡漢中山谷中陞泣郡復者十六七會屢豐斗
米數錢耳嘗見宜川知縣唐來馬轅轡曰鞍如是華
邪廉其價近百金日有一鞍百金者邪遂收按之果
盡獲其貪狀又杜文祥者延之巨猾每大言曰崔誠

好怨貧官也聞其自少貧吾起大獄必使之不寤意聞之必通其關節而伴若不知者已而以殺人事致于理鞠之罪不至死遂生之議者謂其內明而外容剖大決難靡動聲色而不知屢堅秉貞識體負器自郎署時定矣在郡七年擢西川右叅政弘治丙辰監營善王官於保寧役者數萬人費數而力舒戊午逆申王于境民無擾者人稱之行部勾稽既詳願又喜廉臧否與食事曲鏡齊名蜀人語曰崔泰曲食吃如雪山嘗如松茂得量疾久弗愈已未秋遂致仕歸歸三十年卒陞恭儉出于天性少壯隱顯致故能易

李 鑑

李鑑字時器場陰人天資穎敏氣宇端凝成化壬辰進士授都水主事督河隴清改作板閘又緝內使私臣數萬引沒官復除刑部遷員外郎郎中奉命賑山西饑民多活流民有為盜者鑑入其巢諭還本業歸

渠灌田萬頃民刻石頌德權鴻臚寺少卿諫罷鄧常恩廢職及毀西山戒壇弘治初數上言便宜再從巡撫會有沮之者遷南京太僕少卿再遷光祿卿削冗濫之倖抗章數工部器具腐薄耗財無益遷工部侍郎虜入榆林命兼憲職治餉虜遁還朝言十事且謂外攘宜先治內今盛齊燕嗜燕游龍他技以雜金紫畜異食以康梁肉此好漸長恐遠人俱伺以順逆還方親視以勤惰命山東漕上言壩城之壞毋毀洸河之塞毋通浚泉疏水漕利可復邊城奏密雲將有虜宜備之上曰非鑑往不可召至榻前諭旨鑑始至

簡將虞儲已乃治壁壘飭器械宇陰監梁漕潯壘荒田疏河流悉有成績上謂司馬劉大夏曰鑑果善幹國者正德初還尚書劉理用事惡先朝大臣不附已遂致仕理誅詔起還部加太子少傅四辭乃允是後倭幸益雜修建大增蠶山之戲內苑之供造軍器稍綺豹房僧寺鎮國延壽疑舉太素知碑刻畫色累金碧文后米瓦窮麗極者隱憂顯諫未嘗違已也內宮災新作之鑑雅有心計量物平價擇舊成新費省而工堅諫疏歲數十上其曰漢文之賢罷露臺而著隋帝之敗開汴河而致蓋民所有惟財與力力竭

罰慧財報則效今亡微已顯可文便之屢請停他管併成內宮上或奉俸示譴或間從一二太監劉養監各工錢與議不協而叱之養素龍貴並懇于上前直鏹不究嘉靖改元年七十有五曰吾在先朝義不可去今聖主與遺賢進吾納祿讓能此其時乎歸來八年春秋祀墓外靜坐觀書不出戶庭不燕飲無音樂益天性節約至老不渝云卒年八十二諡恭敏

賈銳

賈銳字良金別號東林安陽人幼有奇質刻志苦學弱冠補郡庠弟子員成化丁酉領鄉薦戊戌聯舉進士授知山西汶水縣汶水民健訟至則務以德化遠近帖服甫三載以賢能被刻薦召授監察御史行囊蕭然民有包老之稱老稚遮道悲號不忍捨去居臺未幾即巡中路風裁栗粟盜賊進息丁外艱奔歸哀毀踰禮服闋按遼東有都指揮李姓者久橫不法首勅之武弁震懼而邊地蕭然再按兩浙值溫處礦賊陳廣等構亂勢焰甚烈不避危險提兵勦平之捷報上有彩幣之賞弘治壬子擢福建按察僉事時遂寧礦賊循溫處奉勅兵備其地一方以寧遂攝憲

剛歷山刺憲長左右有政使意度嚴明獨意譏類在在有登而滑操益至正德壬申督巡撫陝西等處地方兼督理軍務丁內艱聞訃即日歸時逆瑾恣橫繼羅百司以直慙不阿坐事劾米千斛輸邊傾家償之畢事僅他禍遂乞休情極迫切再疏乃俞理敗銓部累起辭不赴世宗初詔晉秩二品階資善大夫逾年卒享年七十有六性資沉靜器度宏雅嘗以矜莊自持自外觀之貌若遲鈍及其臨事毅然有為雖甚難處者無不曲中厥歷中外餘三十年始終一節不少渝其居林下十有六年自處一室無勝妾暇則課子讀書性行孝弟絕口不及時事物論高之

崔銳

崔銳字子鍾更字仲鳧安陽人父陞仕至泰政京靖有聞母李淑人之嫁也芝產門闕及誕夢致龍驚寤而生啼聲洪亮風骨岐嶷見者異之五歲口占成誦稍長博極羣書讀太極圖通周易弘治戊午年舉於鄉庚申入太學祭酒謝鐸歷試稱首大奇之王戊會試又不利乃與主原秦備馬理諸公相友約明經修行母慕高虛母溺訓誥母耽詞章母蹈利名其志毅然以洙泗為師乙丑舉進士改翰林庶吉士正德丁

卯授編修預校實錄戊辰會試爲同考官執欲私其子以託銑銑不可竟出他手時聞理竊政囚戊元老奴僕端揆銑與修撰何塘見理長揖而已理怒謂其黨吏部尚書張綏曰翰林白面後生輕薄如崔銑尤甚欲重罪之緣不可塘謂曰吾兩人不可易節對曰銑安義命久矣是歲實錄成理僞傳上旨史臣未練政體各陞俸二級調部屬州縣統改同京吏部驗封司主事部歲儲縱糧長易美惡銑齎出之糧長賂請權貴固執不可尚書謂曰爾調遷也何苦爲此對曰何動非忠孰忠非分竟格姦庚午瑾誅召還史館辛未會試再爲同考官時輔臣治文藝銑上書勸以及時悟主救民薦賢理財強兵母事瓊末懇懇千餘言癸丑冊封周藩歸鄒厚餽還京掌廷試卷充經筵展書會御史王廷相下獄瀕死亟請執政曲求出之丙子充經筵講說官啓上以擇相輔德納誨去說頑戒逸豫時權倖錢寧錢安廖鵬在側大銜之各歷三考晉侍讀丁丑春罷經筵引疾求去少傳梁儲素重銑固留之乃三爲會試同考官事改得歸稱觴二親時父母年皆八耋餘矣已卯作後渠書屋董耕授徒刪定二程遺書作和書世廟卽位輔臣諫官

交薦起修武廟實錄以備經筵癸未講論梁開陳治本啓沃懇切尋擢南京國子監祭酒銑開誠心崇正議明教條嚴祀事獎僑彥警輟情諸生朝夕問難銑禦答不倦周貧佚老問疾賻喪士林大說逸尹梅繩南調時友也抗違奪官貧且卒矣其母自鬻書屋統分祿以養爲治棺歛甲申議大禮銑抗疏勸上勤聖學辯忠邪以回天變自分必被逮已而報休銑曰天恩蕩覆見老父幸矣諸生愕然如失怙恃銑歸囊無江南一物惟携古書數篋因自笑曰人言金祭酒我今若水矣公卿及諸生送者千餘人從而渡本朝分省人物考卷八十九

江者又數人銑乘醉登舟歌曰故園菽水知堪養旋徑南山保未曾歸見父愉愉如也日讀書洎上折衷羣言四方來學者衆或持厚幣來學悉却之每教以研經飭行曰道在五倫學在治心功在慎獨內成羅父艱哀更甚於母時著松窓齋言中庸凡演大學全文又著士翼政議中說考文苑春秋家居十六年初號後渠繼又號洄野已丑立皇太子上慎選官寮起銑詹事府少詹事兼翰林院侍讀學士少師夏言政暇過談夜午忘歸贈句有一字不曾通政府十年始得見先生尋進南京禮部右侍郎庚子署戶部

豪清耗屨樊進賀 萬壽聖節部側公履悉拒不受
時有風霾之變銑自幼 溫自慰留冬過家疾作杜
客調攝者讀易餘言辛丑病不克南行議乞休未果
病劇卒年六十四號博學善談從遊者多所感發門
人如吏部郎中王與齡輩皆日依之不能舍去計聞
上遣官治塋諭祭贈禮部尚書諡文敏所著書多
行於世天下學者惟稱曰後渠先生

張士隆

張士隆字仲修安陽人弘治乙卯舉于鄉卒業太學
春試不利三原馬理集友講學期以明經修行母某
本朝分省人物考 卷八十九 九

高空母溺詔訓母號許母陷利與名其志以沐浴爲
師士隆獨持議曰諸君日端默寂寂可謂能閑其心
矣要須于事爲驗其實身與世爲二理與事相乖非
聖人合內外之道也已而士隆還安陽乙丑舉進士
授廣信府推官晉監察御史光祿卿李良素諂事少
師洛陽劉公得美遷又以女字少師孫時少師以諫
爲劉瑾所逐良詐言女死乃他適仲修上疏劾良良
坐罷葵酉巡河東鹽法運使劉瑜貪而有與援士隆
幼罷之豪右肅然欽手鹽法大行又以其暇建正學
書院鑿青石槽開茅津皆爲大衝甲戌內宮災上疏

曰陛下前有逆瑾之橫後遭竊盜之亂既不知警
方且與居無度墮近非人積戎醜于禁中戲于戈于
臥內徹夜燕游親信內臣取貨于外又扣軍糧皆名
進貢織造龍幄科害靡極鄙猥無聞使之巡撫納銀
指揮授之政事盜伏而虜發民竭而兵罷守法御史
如劉天和則就逮張瑛則死詔獄間聞之苦禍機之
蓄皆不知也今宜痛懲前弊更宜克慢絕滯早朝親
政講官說經師保論道究精一之傳考與亡之故以
表天下哀衣博帶之雅執與市井狡穢之羣廣厦細
旃之樂孰與邊徼凶危之隊不報巡按風陽織造中
本朝分省人物考 卷八十九 十

官史宣醕酒作威以大括財荷黃挺二日賜惟有拒
令者杖殺自都御史以下都不敢禁士隆疏言之且
列其賄若干還京守道事有張順者京大猾也隨中
官守雲南歐門子死潛回京避之雲南巡撫移文逮
之急乃出官以二隸押送至桃源重貨二隸竊取淮
上病丐斃之二隸告順死期貢給文歸已三年矣士
隆聞案疑之密廉之數月果得順坐殺二人罪特發
寧大有寵賜姓朱廖鵬附之初鵬以中官廖堂爲兄
守河南鵬凶殘積金帛如山既敗又以鵬爲兄鎮守
陝西而其子鐙用事二廖名振京師傾財結納自師

保元臣相與接席酣飲士隆率其寮屬其罪且曰室來鸞往兄甫罷而弟嗣任鴈內鎧外父制中而子擅利鴈毒河南已起內盜鎧毒陝西必召外虜朝廷豈無他才專用一家兩省亦有何罪日受百害耶鴈寧大恨罷職御史薛鳳鳴以殺人被逮又夜自殺二婢子置朝門外懷諜訴其冤鳳鳴素事逆瑾當案者卽遷去累年不決都御史幸庵彭公以獄付士隆及御史許完掠治取服鳳鳴知事急貨錢寧以其妻女往要之寧受鳳鳴慙爲上奏乃下士隆及完獄閏七月士隆降判晉州完判定州已而士隆陞知州嘉靖

本朝八行錄卷之六

三二

明倫彙編

士隆諭之曰汝能擒賊卽汝功吾賞若否則吾率軍焚山是二者禍福汝何居主見士隆備飭語直告叩頭曰幸公活我居數日各獻賊士隆又取賊主怙惡者十家破滅之歲遂大安乃堰響水溉田千畝立隄防溢又修雲霧水未成而卒安陽崔銑痛惜之輯其行實志之甚備

馬卿

馬卿字敬臣林縣人也父國沁州知州卿少而穎敏甫十齡圖示以經書大旨既曉析已摘文清峻弘治初年十七舉鄉試兩試春官不利卒業大學時臨清王佑以貢至卿察其博覽有行遂偕張士隆田汝舟輩講易於王氏十八年會試中式人對大廷策問道未行法未守卿答曰政事之柄握於司禮刑法之權移於厥衛蓋切中時弊云大學士劉健覆閱卷奇之改庶吉士正德二年授戶科給事中六年同考會試永揭駝禮部移文內廉王考學士靳貴奴洩試題於常州舉人某其受千金主考劉忠驗號一人中式比填榜黜之曰用戒鬻貨者已出院卿疏請究之竟坐奴罪一舉子充吏貴大愧恨吏部遂以卿爲大名府知府時蘇盜大亂大名戎馬充斥又值凶歲卿至郡

本朝八行錄卷之六

三二

明倫彙編

修城浚池疏濬募兵以令陳智教諭陳傑爲總領視
閱能否大彰賞罰人思奮力東明小邑賊攻闔十有
二日不拔遂去相戒勿入郡中鄉復請留運米若干
斛採荒得報自散之無餘侍郎王某掌賑濟怒鄉之
導入境見道樹不伐民安不派乃更稱其才初遼東
寧果自御史陞食都御史已除名潛居京師厚賂閣
承求復官擒賊永諷諫官薦之鄉適在工科同官有
及之者鄉奮袂而言曰世果無人寧用驚如鄉者可
也畿內可復令渠壞之耶已而傳旨復果食都御史
巡撫真定并討羣盜果必欲中鄉以危法至大名摘
疵索殺威有語侵鄉不爲動亦無從得聞乃令供軍
需二千金鄉謂必得甲信公移乃敢發卒如請十年
進浙江按察副使溫處兵備孝豐湯氏作亂莫克平
者鄉至上議曰湯氏自知罪大不敢無一日而忘死
則爲備必深凡孝豐在官者皆與通我有作彼必知
之今糧差不及孝豐湯之故也豪右名曰響之實欲
存之以便已况法網顧民畏湯如虎而眇官如羊
夫千里襲人情必先露山路險狹如鼠穴林木蔽
翳可以設伏彼安居以待我竭力以攻或遭連雨勞
難持久皆我之所忌也然度彼之勢敗形亦多負險

固守聚而不散則可圖拒命假息多疑少決則可劫
素雖桀驁未見大敵則可威收召豪傑引結營家明
示利害公出刑賞則可用榜諭謀說降赦逃誅我威
既振彼思自脫則可離皆彼之所忌也夫用兵者不
以短擊長而以長擊短則兵未接而勝已定矣時不
能用及改山西提學轉參政時晉國發喪妖民張鉞
欲乘虛取會城張旂舉號鄉先知之有備鉞不得發
御史不然後行部爲鉞黨所攻幾不免乃大索賊忿
將多戮鄉又從容開釋無辜者甚衆嘉靖二年進浙
江右布政使中官張志聰吳勛造幣于杭自擅權利
又縱行頭色料既不中程而挾僉以通十年不訖工
鄉澁之乃與御史歐珠協心裁抑檄杭守查仲道以
平價易色料於商他無與也中官奏鄉及仲道抗違
新命凌忽使臣有詔逮鄉及仲道詔欲治鄉及仲道
各引爲已罪珠疏救鄉請鶴慶知府珠仲道亦坐降
調鄉歸省親會文飲燕甚洽久之適當別笑語之日
丈夫志在萬里如雲南直履堂與耳至滇見鎮守中
官不答禮鄉立而言曰吾不通耳繫而已矣中官改
容謝過鶴慶民樸而士少文鄉推誠布化抹撒煩苛
均徭平賦通遭水利漾江而至登和地亢而藉潤桔

梓渺濟詢之士人云惟麗江可竄而灌之然異境民私之而壅其流卿乃移文麗江委官作漾江堰高丈許濶如之沿江鑿渠深濶幾文旬日而就殿則教誨生徒講授大學中庸又諭之以文曰古之學者首之六藝近事也繼之六行崇本也至六德考厥成矣今習課試之文科第爲志官祿爲功及幸一第筌蹄盡廢名曰舉業之獎綴砌爲文偕偶爲詩拾古人之餘敝一生之力不足以覆瓿名曰詩文之弊晚宋陋儒沒伏羲之畫轉濂溪之圖不反身心但求毫楮今又齊其精粗以自述名曰理學之獎宋之四子翊道之

功大矣造詣深矣乃有人入室操戈之徒訾張詆邵右陸左朱肆怪僻自高而忘其履之卑此過門不入吾不憾焉者也或有已則不學專以非人凡人之善曲爲巧詆諸生能如古人之學聖賢何患而不至舉業資也詩文藝也性理本也天下之善吾師也又令行鄉約郡人化之士官鳳朝文及安銓叛或指卿問道可逸也卿厲色曰丈夫不死國而死家者何麗江土官沐公朝文之女兄衆畏其兵悍視其順逆爲從違卿約會兵境上告之曰汝兵誠精然賴累朝恩命而然汝叛朝廷兵不能叛汝耶汝受厚恩而忘之兵受

汝恩與汝之受朝廷者厚不待較一旦反噬何難麗江人欲得汝之處者何限顧長朝廷威鎮之且朝文不有其君與其兄何有於戚即事成容能處汝下乎君乃北而而事之乎沐公感泣出兵二千往援會城滇人曰麗江兵故難調也由是二酋失助瓦解矣七年正月遷雲南參政再遷按察使委勦平蠻功過賞實當道器之御史劉臬薦卿宜亟召還貳六部贊國大猷巡撫大同蔡天祐薦卿自代謂卿氣量可以消反覆才畧可以理紛結不報明年轉福建右布政使尋進南京大僕寺卿丁外艱十六年服除起光祿寺卿遂擢右副都御史總督漕運巡撫鳳陽地方卿至淮會漕憲議者紛紛謂復海運圖濟汝卿謂六月無漕京師困矣姑紓目前之急乃疏黃河故道而固隄毋令走洩未幾漕利上錫白金緣段奏除淮揚軍餘無田于粒凡若干兩又請餘鹽并鈔關銀賑濟僅畢事而卒年五十有八

張衍瑞

張衍瑞字元承河南林縣人也舉弘治十八年進士明年爲正德改元授清豐知縣以勤事執法爲逆瑾所惡矯旨下詔獄楚毒備嘗願於死者數矣瑾誅赦

三 歷代史記文選 郎中十四年 毅皇自榆林還
復欲南狩特寧藩蓄逆上下以爲憂大臣科道交疏
留不聽江彬輩又從史詔以三月壬子駕出衍瑞曰
即畏罪不言寧不爲宗廟朝廷慮乎乃抗疏率同官
六七輩赴闕上之大畧言巡游費財動衆寓縣騷然
而隱憂伏禍且不可測 上不允明日諸曹屬各上
疏諫前後百有七人詞益亟切 上怒罰跪門五日
贈京師忽風靈畫晦禁內海水水溢高四尺許橋下
七鐵柱折有金吾衛指揮張英者以是爲變之明驗
乃內袒戟刃于育以 諫 上大驚詔諸言事者各
杖三十倡之者請外衍瑞得平陽府同知 世宗即
位召復原秩尋擢太常寺少卿踰年卒於是言官疏
衍瑞負性忠直兩遭困厄宜加褒恤以勵臣工詔可
贈太僕寺卿仍賜祭葬廕子

王 勳

王勳湯陰人少爲諸生納粟入太學銓授涿水知縣
慈於撫字明於聽斷衆稱其才正德初官官用事有
歸塾其親者有旨令衆開會塾所通州縣說事者相
熟恐屬民止備性體數事逆理聞之忿怒欲立加顯
爾時聞人有家於涿水者屢以勳清廉爲辭理俾還

校入縣署視之室中蕭然惟衣帶掛壁婦手紡績絮
瑾始信其廉猶以肉帛敷分給里甲一無所留說言
曰令衆感劉之惠也時優伶有進戲 御前者一鬼
躍舞於途諸達官過之鬼恬不畏忽傳呼王勳來鬼
亟趨避之問何故鬼曰官不要錢神鬼皆怕由是勳
廉名徹於內廷矣特蒙旌獎且令吏部移文爲天下
諸官式權知汾州勳堅持廉操終始如一無何去官
歸里躬耕食力不履城市幾三十年始卒

葛 覃

葛覃字延之磁州人正權甲戌舉進士令樂清三遷
官至南京戶部郎中守平陽乃憲陝西覃有治才瑾
簿書詰囚獄精明立可辯吏不得爲奸在樂清堪輿
家言建署背吉地故令無還官者宜改治延之不從
減武官濫役民遭其構不動在平陽辟廬生又辯其
勵之誣皆忤上官蓋其操廉無可指瑕故遇事守法
執典天性簡言笑交遊每日就就律身恐越繩墨論
者謂宜濟之以弘裕然循其習性無變也

郭 棧

郭棧字質夫世稱東野先生安陽人也生而穎特甫
就軒傳即開敏見奇文聲籍甚里中文教崔公器異

之固安楊公以狀元督學中州鮮所許可至閱其文
未嘗不擊節稱善也十四舉茂才二十一爲嘉靖辛
卯舉於鄉乙未成進士 肅皇讀其策亟稱善命鐫
一甲後蓋異數云尋讀書中秘授翰林院編修歷春
坊庶子典試兩畿分校禮閣最稱得人晉禮部侍郎
尋加太子賓客子二品服後以六載秩滿還南京禮
部尚書加太子少保辛酉命掌部事尋拜吏部尚書
俱出特簡壬戌大計手詔模慎評衆職以守令爲先
奉行惟謹癸亥丁外艱 賜乘傳歸乙丑冢鄉虛席
時未終禫 肅皇念其持衡平特 旨召用 疏懇
不召命 命 文 八 九 三
辭弗獲其母以大義趣就道比入都門服既已闋矣
乃易服拜命尋以二品秩滿加太子太保丙寅兼武
英殿大學士入參機務丁卯 肅皇升遐 穆皇嗣
服念翼戴功加少保命 總裁 肅皇實錄同知
經筵重錄 永樂大典成加少傅兼太子太傅一日
忽念母春秋高適稱疾疏乞骸骨 穆皇固不許諭
留甚溫命醫視疾資子特厚疏累上始得請 賜乘
傳歸侍養樸壑歷禁垣鬱負公輔之望一分校禮閣
再典兩都試所錄士必學術經濟有裨實用毋取發
言以故得人爲盛兩典銓部絕請託奔競惟以

行之其稱進以賢不以舉其斥適以不肖不以毀且
度地遠近才細大要使人與事相稱而止否雖權勢
所至不稍假借而大指適在惜人才捐細過母以起
核絕下管謂人稱銓曹爲恩怨府夫亦已自爲恩怨
耳恩怨出於己實難自人何害故在事日人其測其
喜愠之端亦卒無能以私喜愠有加也迨人內閣受
命滋益恭與同事諸臣造膝陳謀計心圖理未嘗有
所勃候一時相業無嘗議焉歸且十年乙亥丁母憂
壬午 神宗念 先朝舊舊月賜廩歲賜與諫庚寅
壽八表遣行人將命 存問如賜月廩與諫癸巳五
月十八日以疾卒蓋年八十有三矣爲人豐順洪聲
舉止端慎天性至孝初第時將二尊人京邸朝夕色
養怡怡如也比居喪雖白首如孺子必盡哀撫諸弟
爲擊仲先亡每念之必泣下視其子猶子也立宗法
建祠堂以聯其族敦睦亡間性尤冲澹茹蔬衣素家
居未嘗高大垣屋將令後世師吾儉治二親窺有司
欲大其塋制亟止之請卹賜祭具成禮而已諸子若
孫皆謙冲節約望之者不知其爲相君胤也當其以
太宰宅憂學使者里選三子俱異等矣識其深意無
一赴省試者比得謝歸角巾私第絕跡不至公府然

武兩臺果諸大夫而下式廬就訪政事所宜與整
職規力贊其便里人甚德之

李泰

李泰字仲西河南臨漳人生而穎異嘉靖十三年舉
於鄉明年登進士改庶吉士授刑科給事中尋轉吏
科左條陳時政六事 上嘉納之著爲令陞禮科都
給事中時分宜任禮部尚書寵子眷頗放縱納賂素
抗疏劾之分宜惶懼訴辨疏雖留中不報而泰聲望
大著後竟遭中傷調任大名分宜屢因考察欲罷泰
奪於公論不果泰在郡聽斷明允屢白獄獄有濟民
屬際者素虐其妻妻逃去妻父告際厥死沉屍於河
指際警僕證其事際誣服獄成數歲泰聞案疑之密
勘於五橋堡民家獲際妻際得開釋歲饑上官委泰
施賑旬日徧歷十一邑給散有法全活甚衆郡守載
之守魏錄永爲荒政式陞鳳陽府同知父喪去任服
除陞戶部郎中尋丁母憂服除補武選郎中陞通政
司右叅議遷左通政自嚴氏專政淹滯外內二十餘
年後竟爲其黨所排歸來結廬海上名曰知止時與
朋舊吟咏灌蔬種芋此外無所事也卒年七十

王邦直

王邦直字國寧徽州人舉生而駢腹須臾力稱王千
斤云弱冠補州學生業已食廩矣而非所好也乃學
騎射窮緒畧有求試請纓願繫單于之志日振甲令
左右奉弓刀侍自府谷歸遇虜于道發一矢不中中
石石爲之激虜取矢視如枉膝焉遂不敢近嘉靖二
十一年邊警頗急詔舉才勇於是兵科都給事中戴
夢桂薦邦直於朝命詣大同贊義總督侍郎翁萬達
與語甚驩乃延入幕府以國士遇之解衣投食分陞
議邊邦直亦願以肝膽相歸再踰年謀報虜將入寇
萬達使邦直同募將張鳳率義兵五百人出塞外覘

視抵鵠鴿峪窺山上賊數十騎往來邦直威而擊之
無孑遺者復見山下賊百餘奔焉邦直與鳳謀可悉
取殲之後者曰將軍功奇矣可勿逞竟飛騎以往踰
谷口數里忽至大陸溝中伏兵約三萬餘騎列兩大
翼而陣邦直激果奮勇以矢石急擊而身自引弓射
殺賊首賊憤合圍七重戰七日夜邦直斬虜千餘級
會天雨雪矢食俱盡邦直潰圍而出檢義兵從者惟
王國廟一人耳邦直嘆曰吾與汝等本欲立功沙漠
以報主恩不意衆寡不敵損亡殆盡且鳳既亡 吾
獨存耻也異日何顏面見軍門邪遂策馬復入賊營

力竭被害虜固壯邦直環其尸相視嚙指翌日遂引
退我軍與其尸而歸既而有自虜中還者云諸部落
皆悲泣謂是役死傷不勝紀自此虜數年不復敢犯
初邦直之死也諸鎮士吏知與不知皆爲盡哀萬達
親爲文祭之已乃上疏請錄恤又擬張世忠故事乞
謚表爲立祠與張鳳並祀而以李尚倫等八人附焉
詔從之贈邦直都指揮僉事建祠以祠仍謚子化烈
爲潞安衛正千戶世襲

河南衛輝府

邢冕

邢冕新鄉人洪武初進士任江寧縣主簿勵操清苦
妻張氏躬親杵爨太祖微行至其廨舍見之翌日
朝謁特召出班嘉賞歷陞戶部郎中重慶知府皆以
賢稱歷官都御史

靳義

靳義字原禮淇縣人洪武中以鄉薦任北平道監察
御史正色立朝風憲得體永樂初出按北京糾治貪
墨讞決疑獄咸得其情吏民畏服日啖蔬食稱毫髮
不苟宋八一九
無取於下時皇太子居守北京賜魚米以旌其廉
且語左右曰靳義可謂真御史也陞湖廣按察副使
以入覲卒於京

郭欽

郭欽字千敬獲嘉縣人登永樂甲申進士授行人擢
監察御史嚴毅清簡吏民憚服鑒呂梁洪以通運道
後護軍北征皆以風力見稱於是權貴亦欽手畏避
焉

馬英

馬英衛輝人天性剛介有志操景泰中以鄉薦任

安府通判九職公廉卓有惠政淹人愛戴之擢本府同知蒞官始終一致聲績益著自懇乞休雅志恬澹動循禮度鄉人重之

周鳳

周鳳字文祥汲縣人提躬狷介不屑脂韋天順中舉進士授兵部主事歷員外郎郎中陞大平知府廉儉之操終始如一蠹衣糲食如寒素士九載滿去郡人老稚擁道泣送仕至福建都轉鹽運使

王嵩

王嵩字邦鎮汲縣人也成化十一年進士授太湖知縣丁母憂服除再授青城以卓異拜監察御史高恥苛察崇忠厚務持大體初按遼左遼之將領弊端百出嵩悉爲裁正其間原鐵嶺諸衛前按遼者多不至其地嵩過爲閱歷事事嚴明一時邊備清肅繼按江右會巨盜楊九龍者聚嘯山林吉安進南俱爲騷動嵩處以方略不踰時而盜就擒事聞降璽書文綺旌之會歲侵民饑人多轉死嵩急令郡縣長吏容廉賑之所活甚衆擢大理寺丞進左右少卿指揮某母再以其不孝告法比再告者不復訊其犯稱冤不已嵩疑其母與人通而疾其子又據律有父母誣告之疑

遂駭之諫刑曹皆失以爲再審無驗者及復訊其母於囚棚下產一女舉朝歎服內府匠申能格殺人法當抵命匠迺貨綠擢貴得 上旨與之辨理勘者欲希順 上意嵩獨曰生殺予奪君上之權也奉公執法臣下之職也匠兇殺人其慘若生者得以倖免死者何辜覆以爲不可 上從之由是嵩名益著十一年擢右副都御史巡撫延綏時武備久廢鎮守暴貪嵩至頓革其弊而邊務始振後逆瑾擅政求賂於嵩嵩弗從遂誣嵩侵佔官銀矯詔下獄籍其家仍戍於鄴嵩雖爲瑾所誣而怡然自處不以夷險易節後四年事白瑾棄市復嵩爵而所沒之產仍命有司給焉年八十四卒嵩生平篤於孝友兄三人事之甚恭所得財產悉以讓之

李文泰

李文泰字時雍輝縣人成化丁酉科舉人任長清縣教諭造就人才卓有聲譽歷翰林院待詔陞榮府紀善加奉議大夫性至孝遇父母疾衣冠不解親嘗藥餌以進宗黨咸以孝稱

原潔

原潔肅州人少勵志讀書登成化辛丑進士歷官

部郎中居官清謹嘗督大同兵餉以羨餘還所司不悅者以藥瘖其音上疏乞歸結廬草店布衣蔬食潛泊自甘邑人至今稱之

劉璋

劉璋字廷圭汲縣人登成化丙辰進士授高密縣令廉明仁恕典刑除奸增學舍勵生徒聲稱茂著擢福建道監察御史陞山東按察僉事歷官右副都御史勞績弘多風紀振肅比卒朝廷遣官論祭并營葬事纂集山東通志以才名見重於時

陳暉

陳暉字文曜汲縣人成化間以鄉薦分教臨清精於易學諸士多執經受業弘治九年任池州通判清慎明敏監司優其處屯軍之宜奏調蘇州府以障水功陞廣平同知改真定任至陝西按察司僉事臨清池州兩祀于名宦于與音進士官御史歷參政

陳玉

陳玉字德輝輝縣人舉弘治庚戌進士授靈璧知縣治績稱最擢浙江通監察御史累有建白爲時所重出按福建風紀大振值延寇嘯聚設機蕩平孝宗嘉其功賜衣一襲正德初以事謫湖廣布政司照磨

旋擢令會稽陞四川按察僉事以母老求歸杜門謝客未嘗一至公府人高其行

馬龍

馬龍字道濟英于耿介有父風登弘治丙辰進士授臨汾尹有治行再補新城權監察御史風裁凜然以名節自勵凡言行必取則於古人居親喪哀經不去身者三載其事兄尤盡禮人以孝友稱之

李光幹

李光幹新鄉人弘治己未進士任南京戶科給事中時逆瑾擅權抗疏力諫言甚切直瑾激上怒逮下本朝分省初考卷八十九
錦衣衛獄廷杖革秩世宗卽位詔復原官尋陞台州府知府政暇輒進諸生躬課教之士類翕然化焉所著有定疑諸書

潘鐸

潘鐸新鄉人弘治己未進士任兵科給事中時雍泰巡撫宣大廉隅峻峻嘗縛參將李傑撻之傑有內援奏泰擅打將官罷職鐸抗章力諍泰有敢死之節克亂之才爲逆瑾所忌尋以都給事中出知漢中府公議鐸之歷官浙江右布政使

李可登

李可登字思善輝縣人翰林待詔文奉之子也幼懷慨有大志居恒以忠義自許孝親信友內外無間言已爲宗黨所推重矣弘治甲子領鄉薦正德十三年任大理寺司務轉兵部司務嘉靖三年會大禮議未決隨諸大臣後昌言之越明日伏闕候命衆大聲號慟徹於宮殿上震怒命執其疏首八人餘固伏不肯起命俱執下獄三日詔杖于廷各三十而可登竟斃於杖下見者莫不悼惜之穆宗馭極首褒直言諸臣詔贈可登光祿寺少卿

劉珏

本朝分省人物考

卷八十九

三十九

河南

劉珏汲人以貢士任刑部照磨正德中武廟將南巡珏連疏伏闕諫止上大怒令同諫者跪於午門五日因下獄廷杖卒車駕亦不果出世廟嗣位詔贈刑部主事命有司諭祭蔭其子鈺爲太學生以旌其忠令從祀鄉賢祠

蔡揚金

蔡揚金字子彌衛輝人舉嘉靖甲辰進士授溧陽知縣有惠政擢監察御史巡茶陝西嚴飭販禁增額外馬四百匹以足邊用巡按順天條奏荒政見之施行民賴全活者甚衆歷陞浙江左布政使以入覲卒於

京邸平生忠信謙謹小心周慎絕無矜傲輕倨之習鄉族以孝友稱子叔達進士官布政使叔達舉人

陰宗賜

陰秉賜字子寅衛輝人舉嘉靖丁未進士授餘干知縣有善政擢監察御史毅然風紀自任前後抗疏數十上朝紳憚之後爲忌者所排請判同州稍遷館陶知縣平涼同知歷陞陝西僉事衆議所至皆有聲績還家堅志不起益肆力於問學居常佩服聖訓紀其言行以自考驗士類推服所著有四書贊說等編六卷四書自訓歌一卷陰氏讀書抄三卷內經類考十卷

卷

本朝分省人物考

卷八十九

四十

河南

河南懷慶府

郎敏

郎敏河南濟源人洪武七年以國子生選入武英堂紀事校監察御史九年以才能陞饒州府知府敏爲治廉明有惠愛樂平縣民有詣闕訴邑大姓五十餘家謀逆者詔指揮潘某率兵往捕之兵至饒敏驚曰樂平民素淳朴未必有此請先往察之至樂平民皆耕牧如常時敏廉得告者乃無賴子素以假貸不得怨諸大姓故重誣之冀獲賞耳敏還白潘初不之信自往察視故如敏言於是各以其家長至京辨其誣

李朝分省人物考

卷八十九

四十一

河南六

蓋霖

蓋霖孟縣人有奇才洪武中由太學生任禮部主事三十六年被旨掌部事規畫建置多所裨益歷戶工二部員外郎坐事請與齊鴈授交趾同知未抵任卒

劉幹

劉幹字孟貞修武人洪武癸酉鄉舉初仕長洲縣丞清修苦節公平仁恕民信愛之比卒邑人如失父母貧不能歸民爲買舟資送留衣冠葬于虎丘山側立石表其上曰劉公墩歲時致祭焉

王猷

王猷河內人永樂癸卯鄉舉授嶧縣知縣蒞政廉勤練達治體秩滿嶧民詣開乞留上從之仍賜勅褒異後致仕歸民遮道挽留不忍釋

王懋

王懋字希昭修武人永樂甲辰進士授海鹽知縣嘗入覲以治行卓異詔賜錦衣一襲楮幣五百緡仍宴禮部以褒顯之累遷西安知府

何瑋

何瑋字粹夫其先楊州如皋人國初隸河南懷慶衛本朝分省人物考

卷八十九

四十二

河南六

籍性穎異弱冠時即已博通六經諸史討探有得於天人理欲邪正是非之辨卓有定見必欲措之踐履名重一時弘治辛酉解元壬戌進士選翰林庶吉士甲子授編修不納泛濫之交不入勢要之門讀書窮理衣布食蔬縉紳重之乙丑孝廟升遐與修孝宗實錄陞修撰時逆瑾專政瑋無異容自知不免遂乞休歸里瑾敗始復職辛未四方流賊起瑋上言祛賊三事時論趨之癸酉瑋於經筵直言納諫數日有旨外補同知開州爲三審法以平徭役爲分程法以築河堤民覲戴之乙亥陞東昌府同知尋兩疏求歸

既得命乃隱居於南村四方從學者衆瑋以大學條
領立爲訓格究辨經旨常曰從此研究涵養則進取
自裕 世宗嗣位起瑋爲山西提學副使以父憂不
赴癸未改浙江提學副使浙人文華靡瑋務敦實行
士風丕變甲申陞南京太常寺少卿署翰林院事比
郭學士來代有羨餘白金十斤應瑋得者瑋執義不
取郭以修公署勒石誌之丁亥夏陞本寺正卿秋陞
南京工部右侍郎署印奏革 神帛暨九庫多餘機
戶夫役絲料工作省銀數千是年改工部右侍郎隨
改戶部以官民財用虛空之由立論六篇未幾改禮

本朝分省人物考

卷八十九

四三

河南

部右侍郎偶疾兩具疏乞歸方允御史毛鳳紹疏瑋
敦朴正大允宜邦禮改命在京調理再乞休致尋陞
南京右都御史力辭有旨致仕居家讀書不問寒暑
輿關中呂涇野靈實許司徒儀封王浚川諸人簡札
往來究辯經書性命之學戊戌母卒瑋先有足疾至
是袒跣乞養主廢坐立晦日不起壽七十歲瑋資稟
高明孝友端潔早歲讀書勵志躬行剛直不阿爲文
浩瀚宏暢醫卜術數皆潛心通曉所著有陰陽律呂
管見大要以繫辭動靜有常虞廷依永和聲爲正有
儒學管見醫學管見等書行于世

劉涇

劉涇別號天山懷慶衛人少承父訓長游柏齋何公
之門講性命之學舉進士入史館讀中秘書者三年
學益進既授貴州道監察御史初奉命清戎順天故
事請戍者類編發遠方歲頒清勾類多遁逃無補軍
政涇職清戎時胡虜寇掠土伍空虛計以寇方在近
且徵兵於遠而畿輔之民顧使之請戍遠方非所以
實畿輔壯根本也乃疏請發成邊薊邊益新軍而民
免遠行疏入報可迄今著爲令時上役未休工部以
順天所屬積欠料價數多請兼委清戎俾嚴督輸辦

本朝分省人物考

卷八十九

四十四

河南

復奏以民新被虜方急撫摩願以數十年之通而責
之一旦人將不安執政避之事遂寢其臨事敢言有
補國是者多類此後按滇南適沐國襲爵之後權奸
構煽人心皇皇沐氏幾搖至則鎮以安靜廣綏懷釋
疑束約束一新故事遠方選用頗輕官不得入易以
借亂涇奏請視內地參用進士又念遠方文教未揚
民不知禮請增廣解額以作士人心咸悅服復命諸
所舉劾小大悉協輿論已權知鳳翔府涇念地震之
後民多蕩析乃加意拊循事稍煩民者悉爲破除暇
則進士子課教之以父憂去民奔擁扶送者百里不

絕服闋補任登州如鳳翔先時遼東饑賑濟爲難建
議者請寬海禁聽民市糴于登萊後遂聚衆商販勢
不可止至有挺刃相戕者涇憂之上書政府恐以一
時之權而啓異日之患市糴遂止三年晉山西按察
副使整飭潞安兵備分巡冀南嘗與防秋駐師雲中
八角堡時虜入犯嚴兵固守身爲長城屹不可動虜
遂逡巡退去言者誤以前保沐國事疵之涇殊不辨
遂落職歸涇少學於柏齋何先生已知自立既由史
館授御史所建白率據經引理可垂久遠出補郡守
撫民必賑其急計事必防其微既晉臬司籌邊事尤
能身捍虜衝卒被浮論略無怨尤惟建家塾教子弟
與朋舊吟咏自適已耳

本朝分省人物考

卷八十九

四十五

河南人

本朝分省人



人物考卷之九十目錄

河南河南府

蔡子英

李郁

劉洋

關濟

宋禮

薛崑

周濟

耿九疇

閻禹錫

滕昭

耿裕

畢亨

劉健

程瑄

許進

喬輝

何鈞

李興

韓鎬

張九功

王尚綱

許誥

許讚

王卿

王邦瑞

王冕

孫應奎

許論

梁震

曹端

吳瀚

補遺

齊魯

張用瀚

李何實源

戴珙

李情

陳相

喬佑

楊松

董定策

河南河南府

蔡子英

蔡子英永寧人也元季舉進士以擴廓帖木兒薦授
參判累擢都督參軍及王師征西擴廓帖木兒軍敗
子英軍騎入終南有司繪形求之檻送京師至江濱
公去未幾次西又購得之械過洛陽遇信國公湯和
不爲禮怒焚其詣傳之終不屈其妻適寓洛聞子
英至欲相見子英避不肯見至京上命釋之授以
官子英不受退而上書曰欽惟 皇帝陛下乘時而
和批三尺劍削平羣雄混一四海九夷八蠻莫不賓
貢臣釜魚漏網假息南山曩者見獲河南拘送京師
垂及渡江復得脫以七年之久勞動有司既達 陛
下又忤大臣揆之常情雖死不足以贖其罪而 陛
下以萬乘之尊欲全匹夫之節不降天誅及察其疾
易其冠裳賜以酒餼授以名爵 陛下之量包乎天
地之外矣臣感恩無極非不欲竭犬馬之力以報履
載之仁但以名義所在不敢改其初志自惟家本羣
布遭值亂離操戈行伍智識粗淺蒙主將之薦仕至
知命躍馬食肉十有五年愧無尺寸之功以報國士

之遇及國家板蕩又復失節何面目見天下士所以
寧死不取有他志也蓋臣之仕君猶女之適人一哭
之醮終身不改昔馮道歷仕五代司馬光曰不正之
女中士羞以爲家不正之人中君羞以爲臣偉哉言
乎管子又曰禮義廉耻國之四維四維不張國乃滅
亡方今金城湯池兵極其精器械其利府庫充實米
粟紅腐國家之盛古未有也 陛下猶以爲未足於
是興學校明人倫褒死節獎忠義蓋以爲治天下之
本莫大於禮義廉耻也夫以今天下之廣人物之衆
既不以臣一人而加少又豈以臣一人而加多授臣
以官何益於國合臣不用何損於事 陛下創業垂
統正當提學大經大法以昭示聖子神孫功臣烈士
不宜以無禮義廉耻之俘虜而廁於維新之朝賢士
大夫之列也臣自被獲以來日夜所思惟追咎昔之
不死以爲今日惟死可以塞責 陛下乃待臣以禮
沐臣以恩臣固不敢買死以市名然不敢全身以苟
祿若察臣之愚全臣之志禁錮海南以終殫露之命
則雖死於炎瘴亦受賜多矣奏入 上命館於儀曹
忽一夜大哭不止人間之子英曰思舊主耳語聞
上知志不可奪勅有司送之出塞

李郁字文輝洛陽縣人由洪武丙子鄉薦授四川中
州訓導秩滿起遷工科給事中舉正駁違無所顧忌
坐事謫戍五載 朝廷方有營建將取材於巴蜀廷
臣以郁薦起掄揀有方應期而集洪武改元轉禮科
給事中尋遷光祿寺丞復出爲長沙知府遇璽書便
宜行事宣德八年召還陞行在兵部右侍郎又二年
奉命鎮守山東無幾特節使交趾封王進理部事正
統丁巳丁內艱服闕調南京兵部右侍郎以疾卒於
官遣官諭祭命有司營葬事郁有才智臨事明決多
歷世故弊之後進自謂不及云

劉淳

劉淳字文中洛陽人自幼穎敏不羣長嗜學問博物洽聞凡天文地理陰陽書卜諸子百家無所不窺居家孝友工詩書屬文策室懷中以文史自娛不求聞達元末兵亂中原鼎沸避地洛陽洛陽士大夫愛其文行多樂與遊壺觴咏歌以待天下之清皇祖開基始出遊四方所過郡邑有司交薦辭不就洪武二十五年壬申以原武令陳義薦爲其邑學訓導時兵燹之餘北方學校久廢士弗知學淳循循啓迪靡聞

崇譽自是人文蔚興登科第者數人是時年尚未及
乃遊謝事以去占籍梓符治田舍爲定居計杜門掃
軌專力著述茅屋土垣若將終身焉維時周藩方闢
東書堂延訪者宿爲世子師會有薦其學者乃禮
聘就進淳每進語必先忠孝禮義俾子遠聲色貨利
以無干訓與世子庶子輩守淳之誨咸知飭檢無驕
縱氣壬午右長史闕子疏薦於朝九之其爲右長史
也數有論諫如毀塌房酒務減省朴刑一切起禮度
者咸更之持正匡輔不遺餘力雖游衍燕閒弗怠規
諷如中和亭熙春堂簡雪軒虛白齋悉爲箴銘欲王

陳子昂

聖賢

知所警惕永樂甲申有騶虞產於封內神后山表獻京師淳作頌以張天休端禮門夾路槐盛夏如蓋偶枯數榦屋陳咎徵進戒於王王納其言脩省虔惕枯榦復榮王乃書一牌懸於樹曰德忠槐一日自惟曰昔人謂知足不辱知止不殆吾以衰老之年曳裾不已母乃有戾於古訓歟懇乞骸骨歸卧夷門之下是時年八十餘矣華髮丹顏猶親翰墨里中子弟樞永從游者弗拒德望風節士林悚慕學者咸稱之曰菊莊先生洪熙元年卒壽九十有七所著有菊莊集白雲小稿修辭正音四書解疑小學大學羣經要義刊

正王叔和脈訣纂述傷寒秘要皆粹行於世

開濟

開濟字來學洛陽人以明經舉爲府學訓導陸國子助教與副丞相善以疾罷歸訓徒里中洪武十四年御史大夫安然薦其有治才召試刑部尚書未幾爲真濟動敏有爲嘗奏令司置考功圖日書所行事稽覈勤怠上喜賜大第其宏麗曰有司以此爲式十五年論濟等條議取士之例以經明行修爲一科工習文辭爲一科通曉四書爲一科人品俊秀爲一科言有條理爲一科曉達治道爲一科六科備者

不第入官爲

文二

二

河南七

爲上三科以上爲中三科以下爲下不通一科者不在擢中濟敏慧有才辯凡國家經制田賦獄訟公役河渠事衆莫能裁定得一籌畫卽有條理可爲世守以得上信任益奮勵效職他部事輒爲兼理人忌其才高又見上每召之議事謗言遂起竟暴卒

宋禮

宋禮字大本永寧人也父彬知儀隴縣有惠政禮以明經克貢補國子生是時諸生以才能選者皆待以不次洪武中授禮山西按察僉事持法嚴峻劾奸剔

黨無少貸

文皇卽位累擢工部尚書九年二月命

開濟會通河會通者卽元之故河也初元都燕京運江南糧有二海道由蘇州太倉至直沽入京歲約三百餘萬石然風濤不測損失頗多又自東平州安民山開河北至臨清引汶絕濟直屬衛河建脾以節蓄洩名曰會通河當是時河道初開岸狹水淺不能負重載每歲運不過數十萬石不若海運之多也故終元之世海運不能國初會過河故道猶在洪武二十四年河決原武漫過安山湖而會通河遂淤自是南運舟楫不通而立陸路運所往來者悉由德州入河永樂初改立運法自海運者踵元人之舊由直

治達京自河運者

山江入淮

淮至陽武發山西河

南丁夫陸運至衛輝入河舟運至京而海險陸費耗

財溺舟不可勝紀至是濟寧州同知潘叔正上言舊

會通河四百五十餘里其淤塞者三之一浚而通之

非惟山東之民免運運之勞實國家無窮之利從之遂命禮及刑部侍郎金純都督周長發山東六郡丁夫十餘萬開濬以復故道禮乃築壩於汶上之戴村橫亘五里遏汶之東流今盡出於南旺分爲二水四分南流以接徐沛六分北流以達臨清又相地勢高下增脩水閘以時開自分水至臨清地降九十尺

縣開十有七而達於漳御南至沽頭地降百十有六尺爲閘二十有一而達於淮自是河成而平江伯璉亦疏鑿淮揚一帶南北遂通矣祖等還京上嘉勞賜寶鑑二百錠文錦二襲其分董役者爵賞有差十四年營建北京令漕聚材川蜀又六年卒於官弘治間主事王寵上疏以祠祀請上允之遂建祠於南旺以金純周長配

薛 崑

薛崑閬鄉人有口辯建文三年以鎮江知府爲大理左少卿是年方孝孺建議草詔令崑賁至北平又作

河橋

河橋

宣諭數千言刊印千紙付崑令密散北兵諸將士崑見成祖曰上言殿下旦釋甲謂孝陵暮卽旋師成祖叱曰事至此尚誰欺左右請殺崑成祖曰天子命使也釋之歸靖難後免崑死謫廣西

周 濟

周濟字大章洛陽人初父以不羈之才遍涉江湖濟自入郡庠爲弟子員博學強記因讀論語至父母在不遠遊章味定省數而音問疎之語愀然不樂曰父在數千里之外幾星周矣若之何而不往省乎卽棄學徒步以往再越月抵閬適遇疾已危一見濟遂愈

乃奉以歸復入學曰方寸定矣於是刻苦不知寒暑者累年遂領河南甲午鄉薦赴太學學業大進尋歷事烏臺會蠡縣豪民毆人至死賂同行證一老人已問未決濟訊其情有疑既二日乃得豪民狀遂出老人合院異之聞於都堂自後獄有疑必以委之無不得其情者適宣廟馭倖寵中貴因有過大怒送院鞠之御史嚴繼先輩莫測上意咸避之濟曰何以避爲立訊成獄都御史劉觀由此注意提補監察御史以目疾不就宣德戊辰夏陞江西都司斷事初獄有輕重惟都指揮是決濟曰此吾職也彼何與焉雖盛怒執愈堅既久服其公反加禮焉藩臬鉅公由是皆重之癸亥春以父喪去位居家不作佛事一從文公家禮鄉人咎之謝曰僕儒者流安敢從佛因歎曰昔程子之賢亦不能化况我輩乎服闕調湖廣都司正統改元用薦拜監察御史立朝有蹇諤風士大夫爲之改觀二年冬鎮大同中官郭姓者以豪橫僭度聞於朝廷勅一御史往廉之先往者不得其情復以濟往乃微行代負笏者入其宅盡得其違法狀實於理朝廷嘉之明年出巡宣府邊將欲逐邊務一請四年夏以母喪還家躬修塋域見其地多磽曰此

必古者不封之墓卽掩之因增土數尺是夜夢一老人衣冠甚偉揖謝曰感公脩吾宅問其名垂崖也旣覺悟曰垂崖乃張詠之號已而考之實葬其地七年春服除復受命往巡西蜀威州土官董敏王允警殺累年不解勢愈大朝廷勅濟率方鎮兵數千至其境濟曰朝廷本意欲安之撫而不服然後加兵未晚也吾不忍其肝腦塗地乃令人齎榜往允沉思之書囑字於榜尾今持還衆不解其意曰此非難見囑者誘禽鳥之媒也意謂誘而殺之耳復釋此意原以誠信允大驚曰非凡御史也卽投服以爲數十令人貢贖罪敏亦愧服一方遂安朝廷嘉勞之十年秋復巡鳳陽逢歲歉民多窘於食輒開倉賑之然後聞於朝有司危之曰以此得罪甘心焉若俟報何帝穿并以沃焦釜和民賴全活者數十萬事竣出守安慶至之明日召合郡父老問疾苦昔流涕曰此處三歲不熟矣以子女易食滿載而南者無虛日卽命止其并借漕運糧以濟之子女得存者不下萬餘連章懇陳歲荒民流之故復乞停稅朝廷俱從之復與僚屬捐俸再新余忠宣祠而民之樂從者亦甚衆俗尙奢覲沒不葬者數百家女聘未歸者千餘家乃出令示期違

者罰之貧者助之不兩月無留焉閩中冠起天下騷動安慶貧民亦欲乘勢聚衆強取富民粟富民以盜訟於濟曰此非盜也乃貧耳曰得其殺者報以數吾代償之貧民聞之感愧遂解散暇則集職行錄以驗爲政之得失櫛垢爬癢務蘇其困民賴之如父母焉工部尚書周公忱巡撫畿郡獨慮安慶歲必數至親爲綜理自濟下車之後曰吾無安慶之憂矣在任三年以疾卒六縣之民爲之罷市巷哭若親喪願扶柩至洛陽者數十人視古之循吏亦何愧焉爲人謙恭不立崖岸外和内剛事上接下交友無不得其權心風流醞藉善記子籍凡事必究其出處雖隱僻事亦精到喜清談遇知己對酒達旦不寐友人論文忽聞濟語卽窘復爲開示人皆立悟真所謂豪傑之士也

耿九疇

耿九疇字禹範廬氏縣人永樂甲辰進士宣德辛亥擢禮科給事中凡事務存大體有清操正統改元之明年大臣言兩淮鹽政之弊必得重名檢者理之於是擢爲鹽運司同知巡行諸鹽場盡革宿弊公私便之復條奏數事曰均歲派節操鹽二事遂著爲令癸亥丁母憂鹽場數千人詣闕乞留從之乃進陞鹽運

司益循法責效廉名大著十四年以註誤逮至京
白朝廷知其廉正特陞刑部右侍郎屢與司官辯
疑獄不爲勢利所休八月有邊警乘輿出巡命留
守京師既而鳳陽歲凶盜起復勅往緩之乃留英
武飛熊諸衛軍耕守以杜姦寇詭覲之心招徠流民
七萬餘戶一方晏然兩淮離政自九疇去任多廢至
是復屬兼理之於是奏罷易米法申飭條戒有加於
舊尋復勅巡撫江北諸郡益盡心宣布德意凡可以
惠民者無不極力爲之景泰初勅審錄諸郡大辟囚
九疇曰洗冤澤物吾所願也凡以情得原者二十六

河南七

人三年代還適議關中重地守臣缺人特勅以往
既至革弊黜貪威望愈振初六部卿佐使外文移不
得徑下按察司以故偃蹇不受約首奏下之邊將請
於臨洮諸衛添取防兵朝廷下九疇議上疏言邊
城市卒不爲少矣在爲將者取之何如耳果能嚴紀
律精練習勤撫卹絕侵漁以養其銳氣則一可當百
加之以賞罰明信則人人自奮而醜虜不足慮矣不
然添兵何益徒冗食耳遂從之初邊民春夏就耕田
作秋冬移入具疏言邊將所以禦寇而衛民也今民
自避寇而失恒產將何爲哉乞委邊將以止移人不

能衛者罪之民皆稱便朝廷以九疇兼理戎政宜
居憲職遂轉都察院右副都御史仍鎮其地聞朝
廷下有司買羊角以充燈費上疏曰昔宋神宗買浙
燈而蘇軾輒諫止之此忠臣愛君之至情也今買羊
角製燈無乃類是遂止繼以災異下詔求直言復
上疏願延儒碩以廣聰明公賞罰以別忠佞擇守令
以惠黎庶簡將帥以固邊疆優詔答之英宗復位
思九疇可大用顧侍臣曰耿九疇廉正人也卽召爲
右都御史士類皆賀臺憲得人時子裕任給事中上
言父子同在要地非宜遂改裕爲翰林檢討自幸遭

河南七

遇恩圖報稱首進五事曰崇廉耻以勵士風清刑獄
以召和氣勸農桑以厚民生節禮賞以簡軍士任憲
臺以振綱紀上皆嘉納之因勅戒風憲乃進御史
告曰朝廷望治於憲職至矣各宜操滌以副任使
不然吾不汝貸衆皆悚息風紀爲之肅清時邊事不
寧將臣怠命將率諸道御史劾之事泄遂爲所訴置
九疇等於理朝廷察非其罪出爲江西右布政使
尋陞四川左布政使明年召爲南京刑部尚書先在
職者流於諸俗有乖清議及至肅然一歸於正大天
順四年卒年六十有五計開上深哀悼遣官諭祭

於其家復令有司爲營葬事士大夫識與不識莫不
惜之後謚清惠

閻禹錫

閻禹錫字子與洛陽人負氣自許不肯脂韋世俗亦
不事邊幅與物無忤童時穎敏讀書日記萬言長博
極羣書性純孝九歲時哭其父幾至滅性正統甲子
年十九領河南鄉薦明年會試中乙榜授昌黎訓導
丙寅以母喪歸廬於墓終制有強暴見化白蟻出巢
之應有司以聞詔旌其閭旣而閻河汾薛文清公講
明濂洛閻學遂謝舉業去洛從之遊得其大指而
歸以考功員外郎紀振薦爲開州訓導遂以其所得
爲教四方從者日衆學舍幾不能容州之氓無少長
皆化之曰無取閻先生非刺也稍涉不義卽相誡曰
母令閻先生知之正身飭行望者消釋人以比司馬
端明之在洛云天順丁丑大學士李文達公薦爲國
子學正尋陞監丞諸生之事于調者悉不得行不遂
者或以買怨癸未謫徽州府經歷諸生詣 關奏留
者至再甲申陞南京國子監助教復轉監丞掌京衛
武學事世祿子弟悉知讀書由禮登甲科者相望而
中外擁貂擢虎符號稱儒將者亦多出其門四典

文衡尤號得入久之聲望愈隆薦舉騰沸起拜御史
提督畿內學校禹錫感知遇慨然有造就人材之志
勵名節敦士風抑詞章之習明本原之學取周子太
極圖通書爲士子講明之一時人士皆粗知性理又
疏場屋數十弊陳之皆賜施行時論稱快焉世方仰
其有爲咸化丙申無疾正承冠而逝公卿大臣多惜
之士子如失所怙恃宦遊三十年清苦蕭索如吳隱
之每去任囊無一錢如劉寵死之日家計如黔婁其
文武門人及故屬吏相與贈而殯之平日著述甚富
有自信集晦菴要語二程全集薛文清公讀書錄河
汾詩文司馬法吳子註解孫子選註武學詞範行於
世

滕昭

滕昭字自明汝州人正統六年以鄉舉授監察御史
巡按順天福建俱有聲績天順初擢左僉都御史佐
理院事逾年以憂去 純皇嗣位詔起復巡撫遼東
昭謹斥墾嚴訓練備芻粟明賞罰凡數年虜不敢近
塞昭乃上疏言大明律乃一代定法而決斷武臣獨
舍律用例以是武臣益貪縱不檢請一切以律從事
不報成化二年進右副都御史總督漕運兼巡撫淮

揚昭奏建吳二庶人宜移本城舊中書省居之或安置有城池軍衛之所稍便出人亦聖王罪人不學之意也疏下禮部議不可遂止五年召還復遣巡視福建上杭有紫雲臺者鄧茂七之黨嘗據爲亂昭乃相其要害請立歸化縣治未遠改視蘇松而馬駱涉最繁盛寄治江陰民苦往返昭復請分置靖江縣上俱報可七年拜兵部右侍郎復轉左侍郎時汪直管西廠刺事橫日熾中外累足而立於是兵部尚書項忠倡義草疏約九卿會劾詔罷西廠而御史戴縉久不得調乃言直所行皆公直不宜革罷於是

上復命直管西廠縉遂進用直既司廠事首發忠過廷鞫遂坐賊罷去昭以忠故亦致仕年五十九卒於家

耿裕

耿裕字好問廬氏縣人父九疇南京刑部尚書謚清惠裕登景泰甲戌進士改翰林庶吉士與修寰宇通志丙子授戶科給事中尋改工科天順丁酉清惠公任都察院右都御史裕言不當在言路改翰林檢討當是時將臣有怙寵專恣者清惠劾奏之忤旨出爲江西布政使裕亦判泗州既而丁清惠公受服潛

改定州成化乙酉朝廷知裕無罪召還復檢討丙戌同考禮部會試預修英宗實錄進脩撰仍充經筵講官己丑陞國子監司業十二年陞祭酒尋擢吏部右侍郎丁母太夫人憂服除轉左侍郎丙午擢吏部尚書俄忤旨相萬安妖人李孜省改南京禮部尚書丁未孝宗卽位轉南京兵部參贊機務弘治戊甲召爲禮部尚書癸丑仍爲吏部明年加太子太保累階至榮祿大夫又二年而卒年六十七贈太保謚文恪裕儀觀豐偉鬚髯若神而器度弘遠人莫能窺測涯涘初列官清要一旦被斥於外人皆爲裕不

至則孜孜訪求民瘼兩州忠政被廢人者甚多至國子時臨諸生舉教條嚴而有恩公而有法勲咸年幼者奉旨受業裕患其難教取其所當習讀者卒成一書授之他日中使至偶持去上閱之嘉歎及擢吏部益慎其職李孜省執左道以登顯仕庇其鄉人故裕不得安於其位居南京二年鎮靜持重論者以爲得大臣體後既召還禮部當峻元之歲多行大典禮裕素博雅通知古今能斟酌而行得會通之宜時以災異求言裕率左侍郎倪岳同羣臣等陳七事一預節觀審一懲究欺弊一均平銓選一舉劾附羣

一、裁造軍器一遵復舊制一裁抑侵越大意謂同土有限藩封日增國賦日消乞開示條件去國之際不許生事擾人在國之時不得輒行奏討又人臣事君以不欺爲本近日諸邊鎮侵犯者不爲剋復之計盜竊者不聞捕勦之策甚者殺良民以爲賊假敗績以爲功捷奏率爲虛聲掩護遂爲良策宜一一從公究理以懲欺弊又兩京官職出身既同而遷轉之際乃至懸絕及監生考選先後互異須斟酌通融庶事體歸一又南京兵仗局前廠建造軍器貯庫候用今地卑年久朽壞鏽爛有名無實乞暫且停止以後減半成造至於鈔關收稅乞免戶部差官照舊制勅鎮撫巡委府官管理及曹經抽分去處給與執照不許重復抽分上謂有防微杜漸之意深嘉納焉

崇王嘗乞詣京師朝賀勅諸臣策議裕言王雖至親於制不宜犯茲饑歲所過必勞供役民何以堪上從之西夷貢獅子上言賈胡嗜利受之無益且彼泛海而來非由故貢道宜却其物亦從之畿內多自宮以求進者上就請治其罪一時雖不能絕然自是禁例甚嚴無敢再犯者至再掌銓曹感上知遇益竭心力凡所舉薦必當其人舊緣傳奉賂賄有

求復進用者上疏極陳其弊極極之舉祿任都督府都事秩滿當遷裕故緩之衆稱其無私裕爲人坦衷公平常以關輔錢代祀獄鎮所過輒督有司賑卹還朝上章言十事悉下所司議行若事有係於天下者會議於朝必持正道不可徇人意或舉人才從衆論而用之及退朝獨居不敢以物私饋右至老不營產業不治居第自奉儉約人以爲有清惠公之風居清惠公喪哀毀踰禮奉庶母及待弟禮意殊厚與人交和易可親其學該博凡前代人物與山川古蹟考求無所遺著有青崖稿澹菴稿若干篇

畢亨字文亨河南府洛陽人景泰甲戌登進士第除南京陝西道監察御史時都御史軒親掌臺事兼督京儲性剛介人少當其意者獨委錢穀之任亨盡心清理宿弊頓革及凡諸道有疑獄一以付之片言之間立以剖決天順六年壬午陞福州知府臨三司事繁劇而民健訟亨蒞事區處斷決咸得其宜如素君然者衆咸畏服閩藩歲造段疋聽民自辦往往以造作不如法累及二司亨曰百工居肆以成其事乃設織造局於府門之右時加檢閱是所費如故而清

餼中程度舊例驛傳馬每足率用民糧數百石然所得皆羸弱未久即斃乃痛革其弊價減其半而馬得其良數歲乃一易民甚稱之凡所施爲必爲經久計甲申陞應天府尹登轂之下俗雜五方頗難於治且舊京百司所在凡有營爲必責於有司徵求無虛日一以公心應之非理者一切拒絕在任七年以省事節費爲先歲終計二縣所費比前政減十之三四民不受害而官事亦不廢民到於今稱之成化八年陞右副都御史巡撫江南兼督浙西賦役自文襄後至此餘二十年八易其人矣蓋浙西民俗浮靡士風最薄人惟利已而不恤公一不如意輒作無名詩騰榜當道者不及察故用者不三四年輒罷去亨至究心經制一應賦歛征調率循公道以行凡欲舉一事輒問曰舊例如何如此得無虛於官損於民乎必須官得其用民不受害然後行之有以私意相干者雖不行亦以善辭遣之然時移世變終不能以盡如其意十二年三乞休得致仕買田數畝偶得司馬溫公獨樂園故址乃曰文正公大賢君子故獨采其樂吾安敢獨有其樂哉盡與衆共之乃與洛耆舊十數人徵古人結真率會朔望相與樂遊其間命之曰水南樂

處在官時自奉儉約致政家居無良田大屋兩年日食不給然厥之晏如卒年六十有九爲人質實通達不爲城府善於詩文不事雕刻著述有復齋小集六卷省慈錄四卷藏於家

劉健

劉健字希賢河南府洛陽縣人父任華州教諭時母張夫人夢一偉人致上帝命持紫玉帶賜其家驚而寤猶有見也時白夫人有身比寤則報生男生而頭骨隆隆起相貌奇甚教諭公大異之性聰慧又絕嗜學自幼所與遊皆洛陽老生知名者於是洛陽人長幼無不知名也天順庚辰登進士改庶吉士尋授翰林編修成化甲午進修撰丙申陞春坊右諭德丁酉進左庶子丙午陞詹事府少詹事凡三任皆職輔導皇太子二十三年丁未孝宗錄輔導功陞禮部右侍郎兼翰林院學士入內閣參預機務賜胡騎夷奴戊申改元弘治上始御經筵初知經筵事辛亥進禮部尚書文淵閣大學士甲寅加太子太保賜麒麟服進武英殿戊午加光祿大夫柱國少傅兼太子太傅戶部尚書謹身殿大學士庚申健率同官上言曰自古願治之君必早朝晏罷日省萬幾 祖宗

祀朝在黎明以前每日奏事二次矧今各邊啓釁四方海災尤爲可慮急是戒勵精是圖庶可以回天意慰人心也 上嘉納辛酉健率同官上言近有旨中官任武當山設像樹旛修舉齋醮命臣等撰勅并祝文茲山宮觀像設已極壯麗若復差官實爲無益矧今災異迭出生民困苦賊肆亂軍旅方興糧餉供餽猶恐不及若門萬里豈能悉知宜斥邪妄以遏無良報罷癸亥加少師兼太子太師吏部尚書華蓋殿大學士甲子健率同官上言近有旨欲於朝陽門外修建壽塔臣等竊惟人主信佛莫梁武帝爲甚卒反以致禍似此異端竊財惑衆何關於治欲造佛塔非所以訓天下垂後世也又今撰真人杜永祺等誥命朝廷所以獎貞勵能雖卿士大臣必待秩滿考最乃得頒給况 聖宗廟號不過十六字親王及武大臣有功德者謚號止一二字此輩何賢何能封號多十八字流布朝野傳聞後世皆曰此 朝廷所給與儒臣所撰撰也天下後世其謂之何俱報罷蓋自戊午以來 孝廟之御極十餘年矣益明習機務勵精治平而健身任天下極所私凡進用大臣及政事咸

否必及覆審喻侃侃忠愍而 上亦推心委用未嘗不嘉納也 上數御文華殿及平臺召健等奏對至則屏左右左右莫得聞時竊從屏隙中觀但聞上數數稱善 上性至孝雖望治切甚而守憲奉法不變易尤惡慘酷健等善將順德意每議及政令及積弊與革必却顧遠謀省機而發使天下隱然受其福乙丑 上寢疾召健等至大內進御榻前執手敕諭令 太子侍立具言軍國重事命健等匡輔 武宗卽位健以領命大臣翼新政承 先帝之後舉故事勅 上耕藉田幸太學冊大婚御經筵惠天下百反派肅海內晏然居逆瑾竊柄奸黨盈據國政日廢健率同官自劾上奏曰臣等俱以愚庸遭遇 先帝簡任內閣委以腹心 臨終 顧命惓惓以 陛下爲托臣等痛心刻骨誓以死報及當初政竭力主持未敢輕易求退近者謫謫公行奸邪得計變亂黑白顛倒是非人怨於下而不知天變於上而不畏諫言者以爲多言幹事者以爲生事宗章執奏則謂之再投查革舊弊則謂之紛更憂在於民生國計則若罔聞知事涉於近于貴戚則半不可破以一二人之私恩懷百年之定制而不顧以一二人之邪說破滿朝

之公論而不恤臣等叨居重地徒擁虛銜或 旨從
中出略不預聞或有所擬議徑行改易似此之類不
能一一條舉臣等心知不可義所當言累有論列多
不見 允比爲兵戶等部議處鹽法功次等事具本
上陳極言利害拱候數日未蒙 批答若以臣等言
是則宜俯 賜施行臣等言非則亦明加斥責而乃
留中不報視之若無使臣等趨向不明進退無據因
循玩愒竊恐苟容既負 先帝又負 陛下不但取
譏當時亦將貽諸方來乞特允退休別選賢能代茲
重任少這分毫之罪幸延犬馬之齡不報又率同官

上奏臣等肅惟 孝宗皇帝大漸之時召臣等至

乾清宮 御榻前面賜顧命諄諄數百言臣等頓首
拜受不勝鳴咽數月以來往往 旨從中出略不預
聞有所議擬徑自改易 詔書不信政令失中臣等
不敢縷數姑以其重者言之商人譚景清等附托
皇親奏討殘監既不肯奉 詔還官又不肯領回原
價挾制 朝廷搖撼官府論其情罪死有餘辜而乃
曲爲庇護寧使帑藏空虛邊餉匱乏而不之顧此政
令之失一也大同隨征所開衝鋒破敵紀功官原開
接伏不係封陣查近年弊政累陞數百冗員以官法

爲人情視爵祿如糞土此政令之失二也 內府冗
員奉 旨裁節食書守門及分守守備等官減革者
百無一二而南海子淨身人又選入千餘至於蟒龍
王帶濫賞無算比政令之失三也御用監書篆缺大
吏部奉 旨考選乃令革退人役通送本監考校優
劣是不信銓衡之任而信寵幸之臣况該部查出革
退之人俱係實緣緣鞫陞奉 詔裁革幾不幾時遽開
此例此政令之失四也他如 皇莊田土已令巡按
官查數又復差官踣勘取者未回差者繼出帶領人
役騷擾地方此政令之失五也 駕帖出外拿人累

八月十八日

文元

二日

河南

經各衙門論奏恐生詐僞近因 皇親家人奏懇畿
民侵占田土枉憑一面之辭輒爲出給提解來京鎮
撫司打問情節俱與原奏不同未免仍解本處官司
問理株連負累破家蕩產此政令之失六也革興齊
玄蠱惑 先朝盜空府庫罪大惡極一則貪緣分守
累劾不退一則奉請追免止令取回遷延至今未正
刑典此政令之失七也各營執事官軍及 內府軍
匠各倉庫十俱經奏 准查赴團營及各衙門乞留
仍復照舊撥營伍之籍供私門之用此政令之失八
也 內庫承運庫銀兩支銷累數百萬 內庫支用

不給印票該庫內官自請查算竟爾不行司鑄庫銅錢該部累奏支用展轉遲延至今未發此政令之失九也饒州磁器奉詔鑄二年又令起運來用此政令之失十也臣等或傳聞坐視無可奈何或封還執奏不能終止其爲失職實所難辭伏乞特賜罷歸亟還非常之才俾任難爲之事疏上付各該衙門查奏華之未幾戶部尚書韓文首倡九卿共劾劉瑾而王岳范亨徐智爲之內應德卒亦助之上震怒傳旨捕岳等繫獄令劉瑾入司禮監勢傾中外瑾等先嘗奏內閣專主大事納賄行私及言文官欺壓

河南七

內官軍職之事行於劇戲上久信之至是遂令劉瑾與謝遷自陳唯致仕惟李東陽獨留不出又榜示天下指爲朋黨矯詔奪其官謫罰米復逐謝遷子不而言者悚息受稱矣久之瑾誅復原官還所罰米上數符邊又幸江南使每聞必嘆息不飲食曰嗟乎使帝繫承露蓋自苦如此而吾安處家食吾死無以兄先帝矣觀又憶弘治時事復不語淚漣漣下也世宗嗣位改元詢謀遺老徵召用而徙年已九十不可強起乃降詔存問明年遣撫臣就其第致東甬餼羊上尊酒成化下健嘗掌制勅比又修兩朝實

錄成又續通鑑綱目總裁會典皆直質宏雅無溢詞又嘗主文試所第皆海內名士教子務依儉嗇忠厚鄉里信而化之無間言賦性剛正理學深遠朔運三朝夷險一節卒年九十四贈太師諡文靖

翟瑄

翟瑄字廷瑞洛陽人天順甲申登第初授奉化令擢浙江道監察御史巡禁城及通州倉及濟寧以南河道所至有聲按應天徽州諸府至寧國廉知有二豪宦焰甚熾有司庇之莫敢發公事竣且去忽厲聲曰吾再至倉陳兒不毀倉許小官不拆船罪且死府縣

河南七

皆連坐衆相顧駭愕於是二豪者皆屏跡後復業改行焉改山東道掌道事兼總諸道奏廣名益起甲辰監禮部會試綜理有法尋擢南京大理寺左寺丞評駁惟允丁未擢都察院右僉都御史巡撫山西兼督雁門諸關內輒外捋務勤夙夜逆賊王良李欽潛遣人出境構虜患且作瑄馳至忻州道阻賊衆即督官兵擒之或請報捷瑄慮及無辜執不可以常奏上降勅獎勵加俸一級邊儲折銀民困輸納多流徙失業奏減大半歸者相屬弘治辛亥遷右副都御史入理院事陳極刑革弊數條上以其深切時務多賜

孫納兩辰進右都御史庚申遷刑部尚書皆在南京
寬嚴中適每斷太獄必詳加審覆未嘗苟夫人皆以
長者稱之聞疾作具疏乞休不允後再疏未上而卒
作今數年始以政績被徵雖若晚達竟臻顯用弟瑛
舉進士官至南京太常寺卿

許進

許進字季升河南府靈寶縣人成化丙戌舉進士
丁父憂已丑授浙江道御史庚寅丁母何氏憂服闋
復除山東道御史乙未命巡按甘肅都指揮周敏
私騎官馬奏問如律黜食暴官數千餘人上下肅然
岷隣番夷人利其貨物潛結爲親致剽掠居民爲邊
方害進於西寧候口等處增設橋寨遣指揮劉琬等
分兵守之遣番僧往諭利害及禁結親邊徼遂安河
州致仕兵部尚書王公竑名素重爲族姪王竑誣奏
不法事進辯理寘紹於法王公從末道人致謝進亦
從無間遺之禮人兩多之丙申回京掌道事戊戌再
命巡按山東憲體益舉事千官吏及豪右多自問不
批行所司貪污望風解組長清等縣大小瀟河專通
鹽船舊設二十五關每關夫十二名盡爲一奏政修
華陽官諸遊遊所役進劾奏落職減十八關關止夫

三名華濟寧等處濫設役夫三千餘名已亥直歲虎
節財役均輸繹民不知災平反死獄數十人人服其
明樂孔林周垣修陵縣顏真卿沂州諸葛孔明祠而
不及他日吾崇仰在此濟南察院後一亭相傳有崇
進常息其中左右以異告進叱曰焉有避崇御史是
年冬回京兼看三法司奏疏雲南太監錢能誅求煩
擾交人不靖進奏罷鎮守先是太監汪直妄殺建州
夷人兵部尚書陳鉞附勢從人員襲賞陞遣黨邊方
御史強珍劾直直反誣奏珍以檻車徵至京下獄進
不平具疏直強之冤劾汪及鉞之罪留中不出士夫
多爲達危者數日得旨珍謫戍遼東進得罰俸三
月總兵李震鎮守湖廣日一道士以黃白術不遂
怨之誣首李不執事於直謂李回南京船泊洞庭湖
數日招夷軍爲亂直奏逮李氏百口至京諷錦衣銀
鍊成獄憲廟疑有冤命都察院勘問畏勢不敢
二詞進審知無他即自具冤狀以聞上允其議禁
校尉不許妄緝即日誅道士於市李氏百口獲全直
怒進日令邏卒偵於門無隙可指後竟以章疏字訛
奏進被杖於午門幾殆士寅罷山東副使李氏暮懷
金致謝進固却之奏則監臨鄉試揭曉之前同事欲

實貴介一卷榜中進士聲曰天下事俱廢盡公道幸
此事存耳若然無事不壞也同事者屢言進直議不
回乃止東昌一武職子與一生員飲酒肆中囊中有
銀兩西幕散武職子隨被殺且無首其家以爲生員
殺之也訴於官不勝拷掠即誣服進視生狀知其冤
私念必酒肆中人殺之又意貪人得銀必易貨物忽
拘一縣買客人不知其故至則驗問私曆見市酒者
以飲之第三日易布數疋一鞠即款服始獲死首於
空桑樹中其他理冤抑發奸伏東人戴而且畏之丁
未春分巡遼東六月以地方事與巡按俱逮至京下

御史衛獄八月值 憲廟賓天赦出之 孝宗卽位
命爲廣西按察使俄擢都察院右僉都御史巡撫大
同兼贊理軍務條陳邊備四事一曰定策應二曰備
戰具三曰修墩牆四曰築屯堡反覆千餘言皆極切
邊方戰守利害又開種引鹽通草包攬等弊比三年
邊儲充實奏勲將官爲害者數輩武邑王兇縱不檢
具實跡以聞 詔譴爲庶人徙大原再陳邊事八條
曰恤邊軍寬邊民專主守均輸納復軍糧便捷運去
無益革冗官 上多可其奏庚戌北虜深入營長三
百里號六萬欲爲寇遂疑數月進悉加備禦置定戰

守事宜令各城兵馬嚴備烽火砲石相應不絕馬行
係帶於尾塵翳障天虜計難入遂稱款蓋北來小王
子引瓦剌同行兩首部落共八十營臨時入貢則欲
携瓦剌同入又欲比常數增二百名 朝廷不可進
謂虜雖包藏禍心但既稱納款効誠意不可阻 詔
遂許以一千七百人入貢諸處分充精悉充當北虜
凡貢三次其初入擁衆本欲爲寇賴進防禦於未貢
之先厚待於既貢之後使 朝廷威德遠布四年之
間通事無警其力居多奏舉謀勇堪用將官數人劾
太監石崖食舉崖據拾中傷差官勘問無實崖乃於
中排擠竟以擅用前官所遺藍緞旄 詔譴兗州知
府辛亥九月抵任值荒旱秋河決凡事寬平專務
鎮靜銜聖公弘泰素厚進乘間曰公此來政體何與
昔年異進曰昔日法官今乃稱有司耳矧吾此行小
人多不足者不謂吾乘威以虐吏屬則謂吾忿懣不
堪於懷吾所以優游寬適者正以絕物議也甲寅錦
承百戶全鑾暨南京後府經歷周廣榮應 詔上言
進清俱有爲忠直不阿可當大任十一月 命爲陝
西按察使先北虜大寇 甘肅地方殘破十二月事益
急 上命都督汪鑑馬升傳京管人馬二萬往援又

用廷臣議復以進爲左倉都御史經撫甘肅乙卯虜酋也克里東於近邊貨易以爲障蔽進奏言宜照赤斤罕東番夷事例一體屬廩上陳邊事其略謂用兵之道非務多而無實在精強而有制今調到延緩等處副總兵朱瑾等人馬一萬二千名兵老財費俱宜收回京營人馬不必啓行止可於固原等處共選精兵五千名統以都指揮聽其京鎮巡將官調度則緩急易於應援自致克捷 詔可再奏復兆岷漢土軍官於甘京鎮番二處備禦更調副總兵彭清各守所宜地方督勵指揮楊義張濟等累取斬獲虜方引去邊郵遂安哈密國在嘉峪關外幾二千里 成祖勝金印封元之道孽脫脫爲忠順王成化間與吐魯番爲讐因擄其金印而去朝廷累立其王營爲吐魯番殺擄弘治甲寅其酋速檀阿黑麻備稱可汗轉略罕東等處使降且令其部首牙蘭占據哈密城池爲經久計因挾求爲忠順王聲言若 朝廷不從則大舉兵取甘肅城衆計議無所出及進巡撫甘肅謂僚佐曰往事旣不能威服其心又不爲自立之計苟且爲之宜乎有今日也乃獨以哈密可復狀 上聞詔可卽勅進經略達謂自古有以夷攻夷之法乃遣人

罕東赤斤也也克里各宣布 朝廷恩威時加犒勞又厚撫苦峪寄住夷人旣得其歡心爭爲用命又因北虜小列禿之子於吐魯番有讐乃通和小列禿部落俾與也克力屯兵哈密吐魯之間以斷吐魯番東援牙蘭之路復遣人數十往吐魯番議和以款其心詎旣定乃令總兵劉寧統官軍至肅州再以副總兵彭清統精銳官軍同去嘉峪關隨路調赤斤罕東各衛番兵以彭清所部及番兵之半深入二千里直抵哈密克奪故城獲回忠順王罕慎妻女斬首百餘獲牛馬三千器械無算牙蘭與所部夜遁時城中居民被牙蘭脇從者尚八千人總兵貪功募誦進耳語曰此輩已從牙蘭且而貌不異吐魯番人若誅之得八百首級真奇功也進正色曰此皆真哈密人但被牙蘭脇耳吾此來務在安輯且得城無人城誰與守乎率乃止旣撫定居人乃全輩而還克復事聞 上賜勅獎勞進旣人關卽遣苦峪寄住遣人歸哈密故城給牛種衣糧率真俾爲生聚計且令小列禿及也克力兩部常住收哈密之西以藩蔽之吐魯番旣不能逞越二載遂稱款以所虜忠順王金印來歸西域乃定皆進之謀也丙辰以前功進右副都御史辭不允

署詔爲陝西巡撫儀賓樊瑛淫兇事發詞連撫按三司莫敢誰何進劾至卽奏棄市陳地方事宜八條曰設驛通以便接應革僻驛以甦民困禁緩例以除民害別淑慝以示勸懲省盤詰以除奸弊給月糧以資後効嚴防守以保地方降印信以防奸詐上多見採納先是州縣徵納公事人役役牌三司皆苦於科罰留難進至間以牌呼訊之革其弊因廉了令臧否軍民利病上下肅然潘臬出巡多應故事進者令凡巡歷所部府期十日州縣期三日逐日自藉行過政績回則憑藉稽其勤惰至是守巡多留心民隱鎮守

太監劉珣貪虐跋扈巡撫莫敢誰何進數勸戒尸不遜進乃數其不法諸事欲手擊之珣懼更爲循法進承安福張公敷華之後關中人有張明鏡許肅唐之誣丁巳轉戶部右侍郎時太原周公經爲尚書亦正人也與進同留心國計常有詔取太倉銀三萬兩爲張燈具進同周公執奏不可乃止孝皇每痛孝穆太后上仙求其族不獲乃施恩后家但益其富弗假政權而公及文瑞公志全主德嘗上言東宮親王則例每畝徵銀三分獨以五分厚戚氏是恩有偏施例爲徒具戊午轉左侍郎十二月刑部主事鄭岳

無罪下獄進爲疏雪得微譴時慧星見進與周公經復上言宜加修省明用舍省靡費會推大臣或不協時議卽正言人以爲侵官進曰古之大臣知無不言今旣曰會議而乃默然豈朝廷法意也庚申奉命往勘河間貴戚莊田事竣卽疏言實係民人承買納稅養馬地土宜照舊營業事不得行四月北虜火節大寇宣大命以本官兼左僉都御史提督宣大諸軍總兵多帶領諸貴游子弟爲參隨諸目初意欲叨冒功次進出居庸關卽下令曰參隨諸人旣以自備鞍馬報效而來驛不得應付鞍馬廩給每日止給行糧三升到鎮卽編入行伍聽征敢有買功并侵擾地方以軍法從事近習不便乃競爲媒孽五月入大同卽奏處糧芻百餘萬簡閱士馬屢出奇挫虜得首級六十餘諸務就緒乃參總兵官王璽平江伯陳鉞長縮玩寇六月二日奉旨以參劾將官不與監督同議行取回京尋言者訕其畏怯嬰城日守無功罷職致仕辛酉西夏不寧府部科道會薦爲陝西總制不允又尚書林瀚都御史林俊臺省任良弼周魯等先後四十八疏謂宜起用以當重事乙丑武宗嗣位值北虜寇大同戢遊擊事勢甚急科道復文章奏薦遂

召爲兵部左侍郎提督京營人馬復命兼理部事疏
辭不允尋陞兵部尚書仍督團營未幾命預經筵進
乃上疏有伏望時敏問學痛止遊逸以古堯舜之君
爲必可師以昔堯舜之主爲必當戒等語 上嘉納
之方起廢居官五月章凡十數上多與權貴爭論事
其奏討車船頭目出常例者皆執奏不與時有太監
王岳奏稱官校王縉等十餘人緝事拿賊有功得
旨官校陞一級王縉象房管事進執奏謂賞罰 人
主之大柄當功則勸浮功則辭各邊官軍萬死得一
首級止陞一級比之此輩勞逸懸絕此 命一行各

邊聞之孰不解體太監陳貴錦衣千戶蕭瑄總旗韋
龍等各奏稱有拿賊功希圖陞職太監劉雲亦爲其
姪乞官皆格不行且請治賞賁等罪以爲奏擾者之
戒魏國公爲言官劾其聽信下人不法諸事定國公
新寧伯各自陳乞加品級進曰勲臣乃武職領袖所
爲如是何以令人皆請寬治或加切責以彰懲戒京
衛武職有以賄營求者卽呼至部堂大杖數十郎中
於廷掃每言曰只此一事已痛快人心然非公不可
也團營及三大營聽征官軍爲內府做工借撥
頗致逃亡具疏言團營非爲營造而設且發兵之

必於急事時結其歡心作其銳氣有事方可得其死
力因備諭內監役占軍匠納錢諸弊反覆千餘言章
凡三四上有 詔以陳新等五百餘名收充勇士極
言投進濫收之弊屢費糧食俱宜革退又條陳八事
其重者曰遵 成命欲將 內府役占軍士三萬三
千名革退送操并治中貴阻撓 成命之罪曰革冗
員欲將 午門等門并九門多餘內臣取回別用毋
令資緣添設曰蘇困苦欲復嘉疏所舊制革司北局
科剋軍士額陪等弊曰重爵賞欲裁革傳陞冒濫軍
職前後論諫雖或不得行然 國家典章尚賴以存

者爲多海賊鈕山東爲患東南守臣奏已殄絕進奏
勘謂事涉不明未幾果復出爲寇正德初公卿臺諫
共劾羣倖之罪衆必欲置之極刑進獨曰此輩得蕭
鍊斤足矣何可激也甘露黨錮之事不可不監後丁
卯之變果如其言其先見如此十一月會推吏部尚
書既受命切切以薦賢爲心取人先行檢氣節而後
才藝於抑奔競杜請託尤嚴御史某滿三考及郎中
某員外郎某皆結與緩必覲京秩進一日悉外補正
侍某同里閉託問營求改吏部公對衆面語之曰君
年尚未秩已不罕俯資而往不憂不貴乃託斯人速

化乎瑾矯 旨欲輩天下提學按察司官進執奏不
可謂提學作養人材之本竟得留行取推官羅鳳文
選司門外不曉文選短其驕傲進曰爲推官已能不
屈膝文選使爲御史肯長強禦乎卒用羅爲監察御
史南京科道忤瑾盡械至京具奏南京科道俱緊要
衙門欲行南京部屬督署科遇以待各官同舉還職
瑾怒罰進俸刑部郎中孫綏洎一郎中劉姓者皆素
識也劉候問頻而孫疎遇擬推大理寺丞竟以孫補
其喜恬退類此劉公忠楊公廷和以學士遇講經進
因議諷切直忤 武廟論改調別用二公皆自危進

八閩人言八閩人言

可報七

撥劉南禮部侍郎斥爲南戶部侍郎未幾推劉爲南
戶書楊爲南吏書俱如進擬丁卯四月 賜玉帝加
太子少保正治上卿是後奸宦劉瑾始大用事一切
請託悉不聽凡遇戕害士類假 詔旨廷議進必委
曲調護處以善地戊辰考察天下諸司官楊黜幾二
千名甚愜公議荊州知府貪暴無比監司考語不敢
署其惡進奏爲民知府復賄瑾中批留用且命查其
考語來看僚屬悉懼退乃查奏諸司考語而自署其
後曰上司畏其挾制而考語欺天下民被其殘虐而
恣聲動地知府後卒廢棄先是銓選考畢不判名第

六卷或有請託者因得上下之進每考畢卽看定卷
面而以還簿挨次填註選人劉姓者一輔臣內弟也
燭進上下之過曰名第業已判定雖余亦無所庸力
竟不從纂修譯字諸色人不畏清議多請託權要儒
士某人書法精楷而貧其會纂修考選書辦其人自
分必不可得及 旨出某乃在選論者謂選法之公
自王端毅公而來惟選一人王處其易進處其難時
過瑾竊弄威柄自輔宰以下多阿意奉承吏侍員缺
望意有所囑凡六推皆不用或勸進通一言進正色
曰扶同奏啟 國有明法雖百推改節乎卒行進言

八閩人言八閩人言

可報七

初進提督團營與瑾同事進既諳練事務每標演口
授方略譚笑指麾意氣閑雅瑾及諸老將咸服一日
操畢忽呼一把總都指揮至將臺下杖數十不言其
故如此者凡三日瑾請其故進乃出請權貴請託札
示之瑾心服後瑾得志進入吏部凡有賄瑾屬進者
瑾常難之進在當時猶能自行其志使綱紀不至大
壞者蓋清節偉望有以束服其心耳其後瑾之欲甘
心於進也乃輔臣焦芳因請託不遂積成讐恨遂謀
起張綏到京因與共謀拊進適一選人賄瑾欲得房
山縣丞進復拒絕不聽綏復加誣詞請進以激瑾怒

進業重尚書周經都御史雍泰常曰周伯常雍世隆
不用吾即死不暇目累次推薦上起用周爲禮部
尚書復推雍爲南京戶部尚書瑾既恨之戊辰七月
推南京刑部署員外主事劉吉爲署郎中乃百餘年
舊制瑾誣爲違越選法勒令致仕恨不解八月御史
郭東山奏宣府都御史沱澗邊糧內有雍泰名瑾即
令查雍泰履歷以遂及馬文升劉大夏俱會推薦雍
咸削爲民二子誥謂調外任庚午瑾謀諸奸黨欲重
害之又據其大同時常籍軍丁出銀顧役爲典守者
所剋故苛爲稽察因以中之幾至不測事未決而瑾
敗用言者復其官仍致仕而已卒矣年七十有四贈
太子太保進諡諒政體愷指駐蔬曰爲政如理此蔬
須備知其可灌其可壅斯茂矣賀賀然爲之能不亂
乎立朝無朋進用皆因公論去世幾二十年謚典
未頒天下咸抱不平嘉靖丙戌巡按河南御史以爲
請詔謚異穀後其子讀爲吏部尚書入內閣進少傳
誥爲南京戶部尚書論爲兵部尚書人爲盛德之報
云

喬縉

喬縉字廷儀洛陽人也少穎敏學士薛瑄見而奇之

授以毛詩及太極西銘諸書成化八年登進士尋以
家舉歸服闋授都水司主事督理山東泉源初漕由
魚臺至臨清行洸汶泗沂四水其地復有泉百七十
餘道會於四水而分流於漕渠爲牐凡三十有六設
守津吏以司啟閉爲淺二百二十各有津老以時疏
治然歲遠法弛諸泉湮塞或爲豪宦侵權漕運屢廢
告艱縉行郡得湮塞泉四百有奇侵匿泉二百有奇
合六百餘泉會於四水漕運大濟工部以蹟奏改兵
部職方又二年遷員外郎弘治四年出補四川布政
司叅議時馬湖府知府安釐殺敎南衛千戶曹明奏
檄數下釐賂當路獄久不具縉至一訊即服未幾貴
州苗蠻叛焚掠州縣命都御史鄧廷瓚帥三省兵討
之以縉督餉苗誅有文綺寶鑑之賜久之縉不調仍
坐治泉之故縉知有怨者遂上疏乞歸年七十二卒
所著有性理解惑河南郡志及族譜若干卷

何鈞

何鈞字仲衡靈寶縣人成化乙未進士授太常寺博士
陞浙江道監察御史歷太常寺丞少卿再遷右副
都御史巡撫山西兼提督雁門等關時晉王妃父怙
勢驕縱有司不能制鈞至欲發其姦其人懼伏門請

罪鈞責以大義乃自戕鈞亦不較底幾寬而有制也正德改元陞戶部右侍郎提倉場旋以足疾請告後遂致仕正德五年十月卒

李興

李興字伯起嵩縣人也成化十一年進士授冠縣知縣以憂去百姓遮道泣留起復改鄆縣尋擢監察御史忠鯁敢言每上疏言別妻子不復留意家事及按陝西大振風紀所至姦盜屏息是時參將郭鏞怙勢違法諸司皆畏之問有劾者鏞即令人劫於道并其奏章奪之興乃密疏罪狀請按誅之上俞其奏興

補鏞戮於市百姓稱快又儀賓樊某者嘗毆父父懲之官莫敢有理者興廉之以計縛至階下杖死其它鋤強戡暴皆類此布政韓某素與興不合及轉都御史即撫關中因郭樊二氏子懇遂奏興逮至京師坐以重辟吏部尚書王恕乃上疏論拯其略曰邇者御史與巡按陝西克盡憲職所至秋毫無犯其有益於地方多矣今之所傷雖有數人蓋欲懲治奸頑初非有意挾私今若處之以死是使御史垂首喪氣而貪污豪強無所忌憚欲小民獲安四方晏然難矣疏入上薄其罪謫戍嶺表而興名益震會赦歸所著有西

巡奏議嵩南野錄若干卷子向當父興被誣論死三上章乞代及興謫戍賓州遂從行弘治十一年尚由賓州學生中鄉試

韓鎬

韓鎬字民瞻河南盧氏縣人成化十四年進士授給事中陞浙江右叅議屬浙大旱金匱爲甚有饑民奪富家食以自救奸盜乘之劫掠鄉村往來東陽義烏山中鎬聞之即抵義烏夜遣人諭之曰汝饑民欲自救耳亦何罪吾來將賑之宜各散去否則勦殺之固不分饑民與盜聞者相顧愕然比明悉遁去即命各

縣發粟賑濟且令鄉村嚴立保伍以相救護糾察由是數郡肅然不復有警弘治八年陞本司左叅政學紹台溫四郡濱海歲輸粟數百萬於沿海各倉而鄆縣糧長相率爲奸詐稱出洋遇風沉溺復議重徵積弊者累年鎬至復有詐者鎬曰海神乏食矣何民奉之數耶因廉得其實衆皆驚服十二年陞本司右布政使海鹽濱海塘岸崩塌數千丈衆議塞之計費不貲以民貧無所于辦鎬曰此事屬某富不煩官民而可成蓋塘雖決舊石皆在又今年海鹽糧長富過餘價數千兩行令每銀若干兩脩塘一丈當衛之田亦

令若干畝備磨一大糧長憚於出銀誠得備樂則米穀雜貨皆可僱役充舊石之外增添不多半歲可塞也乃以屬鎬不三月而磨成十四年陞湖廣左布政使中使往來者多以私鹽蓄於府縣索厚價鋪行率至破家鎬和買之民賴以不擾十五年遷右副都御史巡撫其地贊理軍務命下甫七日而卒計閭遺官賜祭

張九功

張九功字敘之河南陝州人成化十四年進士改翰林院庶吉士授戶科給事中陞禮科右給事中戶科都給事中轉吏科弘治五年陞太僕寺少監丁父憂服闋復除太僕寺卒賜祭九功性簡直寡合居言職能先其所重弘治上疏請正祀典下禮官詳考其他建白多見採納未竟其施而卒人多惜之

王尚綱

王尚綱字錦夫號蒼谷陝縣人五歲讀孝經至立身揚名以顯父母乃謂其父曰兒長當如此年十八以儒士中弘治乙卯鄉試壬戌第進士授兵部職方主事正德戊辰調吏部稽勳主事尋遷驗封員外郎稽勳郎中值尚書張綏阿逆瑾勢每有私囑輒以正對

且反覆理諭終甚銜之或謂尚綱曰固知不屑富貴如取禍何尚綱曰是有命焉非逢迎所能免不閱月錄坐瑾黨誅楊遠巷爲尚書與議論多不合乞補外爲山西叅政疏請侍養家居十九年於蒼山谷中築讀書臺閑居睡洞往來於巖洞聖倚伴於馬牛亭隨意所適若將終身京師故舊不遺一字雖微書屢至不應起四川叅政亦不赴嘉靖丙戌起陝西時陝西值虜寇遂巷自吏部尚書歸復起三邊總制見尚綱喜曰吾今日乃知王錦夫也卽以兵柄付之不閱月奏捷還巷特疏以薦聞母喪歸起復赴部中途適歲饑秦隸荒十三事又上昭聖心述臣志疏復除山西叅政遷浙江右布政使巡按御史李佑以其不行磨折妄擬論列尚綱遂棄官歸吏部奏信職在激揚論事不實尚綱宜照舊供職乃復入浙蓋亦非其志矣冬十月疾卒四壁蕭然囊無一金子三人仰體先志卻賻金四百有蒼谷集十二卷

許誥

許誥字廷綸號函谷靈寶人也襄毅公進之子其母夢巨蛇入室覺而生公在童髫岐嶷不羣長而機神警朗望見之者無不美其奇偉十歲治大小篆體便

生能屬文弘治乙卯與弟貢同舉於鄉已未登進士第
庚申選授戶科給事中奉 命清理延綏倉場檢閱
精嚴不避權貴時有苗中官者出督三邊食縱罔法
卽劾其狀邊人懷之乙丑陞刑科右給事中屢疏上
時務其均考察便解納備要害數事迄今行之正德
初 朝廷以舊德道老起襄毅公爲大司馬例宜避
言路改翰林院檢討奉 命教司禮監官戊辰襄毅
公爲太宰直弗始阿中人亦弗敢干以私逆瑾忌之
乃欲誅納交以通出入絕跡瑾門瑾乃大怒曰謂我
不能制爾邪乃矯詔黜襄毅公籍罰邊儲三百石寃

可謂七

詰廣西全州判官欲置之死歷險冒瘴與鬼魅仁
挺無賦容竟宜風土無恙庚午襄毅公卒奔赴憂制
卽宦情泊如矣自是閉門掃軌潛修遂覽嘯嘯聖眞
罔深弗入乃遂受徒講道若將終身焉久之都御史
御史交章以薦有 詔守正不阿爲普逆瑾所斥者
錄之遂起爲尚寶司丞復疏病還十餘年來養晦存
神矍屈林藪壬午 世宗改元復起爲南京通政司
叅議詰曰堯舜在上夔羿思奮斯其時也乃起從仕
丙戌 帝以文學侍從弗克經幄 命輔臣各舉所
知被薦改侍講學士戊子爲經筵講官進講多所訓

切據經引史古昔興衰治亂之跡如指諸掌 帝皆
聽納嘉獎復上緝熙聖學四事一曰則圖書以明道
原二曰主聖經以求道是三曰辨諸儒以祛惑惑四
曰屏襍說以防避害其餘尊經崇聖闢邪衛道無不
至焉己丑主武舉試事尋擢太常寺卿掌國子監祭
酒事乃弘獎風節絀抑華競以經世爲士荃尊德爲
學軌故一時人士翕然化之徒敦悅典墳涉志弦
誦而已時太學生有遐方旅視舉露無歸者幾二千
人歲時名字漫滅無稽乃以公督美餘購地葬之復
察生理窘迫衣食弗給者數十人咸加周卹由是生

可謂八

徒感德懷服又奏罷教職不稱者及劾黜成習禮不
律者一時成均條約肅然改觀因災異乃上乞察天
道以平治道疏其略云 大君爲天下神人之主情
發中節斯用人行政順應天心陰陽和而風雨時矣
帝嘉納之先是文華殿有孔子塑像 帝欲從古易
以木主詰乃以所著道統書上之 賜茶及禮神品
物復 命各爲講章以進詰衍中庸喜怒哀樂章入
講 帝謂詰欲以一人之情通天下之情所言良是
自後月朔望 帝必躬祭事品物必 賜以爲常辛
卯 帝開講無逸殿宴幽亭詰與焉明日以無逸

篇中宗受命敷之講義以進謂民者天之心天心不離乎民中宗以天命度其身以身治其民所謂欽崇天道永保天命也 帝善其說壬辰擢吏部右侍郎時天下人觀謂官之失德寵賂彰也况干涉公事以敗名憲乎乃具奏以戒諸司 帝從之復上疏乞休帝不允尋擢南京戶部尚書時兄弟居南京大司徒又出襄毅公之後父子兄弟竝至八座前此未有縉紳榮之流事無私與勿以誠難議論激發而儀度死綽僚屬靡不敬服有司厨軍五百餘人以例更調管操而糧賞不及各營軍士詰與具奏增之他如倉場之弊無益之費多見裁省復上疏乞休 帝再不允甲午春將 朝費如京忽一夕痰疾作卒享年六十有四

許 讚

許讚字廷美河南府靈寶縣人太子少保吏部尚書謚襄毅進之子也進生八子伯曰詔鄉貢士次詰太子太保南戶部尚書謚莊敬次即讚次記次詩工部主事次詞鹽運使次誌青城尹次論太子太保兵部尚書金緋銀艾並聯通籍一時海內莫與京焉讚生穎異弱不好弄十歲通戴氏經力學強記罕時手不

釋卷弘治丙辰舉進士授大明府推官以明法舉職有夜殺人者取其首去比曉劉姓者負薪售諸市途拾其血刃置薪中邏者執以告拷掠之遂証服謂獨疑之曰豈有手刃人而不秘形跡者乃榜市曰劉某殺人已服罪有能得其首者重賞遂得殺人者一訊即服乃釋負薪者鄰稱神明焉方士妄以妖言誣讐家詞連開州民李志且旁引十餘人李志素儉者讀曰志且冤矣况濫及其他乎執捕細究已而方士果坐誣死壬戌徵拜陝西道御史乙丑以疾歸正德丙寅復入爲御史戊辰襄毅公入位冢宰以例改翰林院編修閣瑾盜王鈇鉗織士類襄毅素不附瑾瑾之遂矯旨罷襄毅莊敬調全州判官讚調臨淄尹庚午丁襄毅憂瑾誅起復陞浙江僉事孝豐寇湯毛允集衆陷城邑乃分地畫籌元克就擒戊寅陞副使巡視海道會宸濠反兩浙戒嚴潛募丁壯扼險要待之民恃安焉已卯改山西提學校士先理道而後詞章每試畢必進諸生於庭下論身心之要晉人士斌斌知問道焉辛巳陝四川叅政西陽土酋構兵累歲不能平往出數語折之二酋稽首服兵罷嘉靖癸未陞按察使平反冤獄脫死籍者數十人甲申陞浙江布

政使浙賦繁重吏胥緣爲奸乃摘發其尤者置於法
一應織造顏料發銀府縣擇大戶給領限完不由本
司其府縣文移註爲號數循序散給杭人有許不鮮
担之誣丁亥陸光祿寺卿瀕行以羨銀三千付汪公
鉉汪私歎不已至比之於楊公四知既而陞刑部右
侍郎尋轉左時熟賁郭勛恃權寵擅勢邊官取充戍
人犯爲臺諫所論劾下刑部鞠之勳賁人恃勢無敢
決者讀上疏曰明法所以重王章申天討也今不能
行法於貴近可爲尊朝廷乎上特允之獄乃成
戊子陞本部尚書是歲議郊禮分合讀上疏曰分祀
者致嚴禘之道也合祀者通功用之妙也昭格于地
不在禮文而在淵衷請慎茲大典先是揚州商袁
英者武廟南狩錦衣指揮施恭佑權璫韋霸之勢
矯詔藉其家至是英妻訴聞屬訊理權者日偵伺
敲爨爲挾持計讀不爲動竟寘恭重典棍徒童原李
糾挾詐張皇親不遂奏張乞斷萬壽山龍脉諸違
法事及奏內閣并邸署官員數十人受張賊計數萬
讀辯析其賊諸臣賴焉諸凡計奏妄議事關國紀者
讀悉據法讞之不少徇戾寅改戶部尚書河南軍餉
舊允於大名府小灘有奏改他鎮者讀曰利不百不

變法乃今增役創置勞費且十倍勿改便又有議令
有司積穀備荒以多寡爲殿最者讀曰預備既有倉
今舍此而刑積穀徒增苛歛勿從便會諸省類報災
傷因條議救荒便宜并條鹽法在減價革勸罰量地
免搭配以寬報邊之商餘鹽不過正數下商免其附
帶以制餘鹽之濫兵部議興井蘭屯田發銀三十萬
南讀曰兵弱虜強士不得耕徒損國儲非計及論內
府供億海戶冒濫宗室祿米十餘事俱報可御史郭
弘化疏請止採珠讀覆疏以憂天變憫民窮廣聖
心乞俯從其請太監奏各馬房香火地土不敷供
支乞照舊增添四十頃讀指摘循襲積弊請旨
飭竟未增一畝凡所規措務循舊則數報罷新議曰
母徒徇名貽害也甲午聞高太夫人病疏乞終養不
允令給驛歸省高卒哀毀踰禮十五年特簡吏部尚
書候服闋蒞事既至乃上疏決壅滯公薦舉復久任
停無故改調之法抑奔競濫陞之習上皆嘉納下
酉考績加太子太保己亥冊大禮成加少保扈從
聖駕南巡疏節程途以保聖躬上褒答勞錫之
東宮應設官僚四十餘員有求進者毅然拒之曰輔
導東宮須端人正士今一營求卽是奔競何以充選

集衆議會同乃擬數人推上以是輔臣銜甚辛丑

九廟災引咎乞罷詞甚切詔許致仕給驛歸上

雖從其請而意不釋復起吏部尚書至則條奏諸弊

政及上安邊方略數千言壬寅上懲邊患未寧責

在巡撫大臣專恣罪在言官各令議考察讀乃參稽

輿論釋巡撫脂韋批法及苞苴自私者擬斥十餘人

其科道素乖風紀并寔白無聞冗曠可厭者擬黜調

二十餘人一時士氣復振尤念人才當愛惜有孤特

自立爲人擠棄及言事傷激遭擯者前後薦起十餘

人如南科給事中曾鈞等以其資深敢言不次敘陞

其甄別流品南北各定所宜除目一下人人稱平

面以上或以儀通問舉人監生調選或經營美缺必

當衆發其私竟抑壓示懲每大計吏治雖憑考語猶

跡行履若官常素守爲上官所刺必留之存心險詐

干清議雖考無貶詞不曲貸甲辰春考察外官有一

二巧宦竊虛稱擬欲黜之都院不從讀指而言曰今

爲公等留此人異日害人誤國陷善須雖悔無及後

果如其言丙辰以一品六載考績加太子太傅尋

命兼文淵閣大學士入閣辦事乙巳太廟成加少

傅歲冬素所銜者復起柄政卽連疏乞休忤旨令

傳歲冬素所銜者復起柄政卽連疏乞休忤旨令

傳歲冬素所銜者復起柄政卽連疏乞休忤旨令

閑住歸出賜金過惡鄉族曰吾不忍自私也又助修

孔廟山川炫疾革謂諸子弟曰吾父子兄弟俱列上

卿吾以京德受主上寵甚渥知其深故數履危機

卒賴保全今已矣爾輩有官守者當思圖報遂卒年

七十有六讀歷官五十餘年晚荷隆遇凡大典禮多

遣命將事其錫子飛魚服銀狐彩帶及白金綺幣不

可勝紀讀德性溫粹意氣凝定蒞官翼翼小心以不

欺不忍爲主在吏部前後十年用人不憑臆決每遇

來京官見各令舉所知其薦同者注錄於心不拘疏

選推用之每銓注必論才高下與地繁簡兼風土南

北而劑量之考覈公而恕或疵以細故飛語悉置不

行以是人德之子姓祗嚴訓閉門息黷無敢以私入

僕從穿短衣如農家裝士大夫美其家法不釋口平

生寡慾年已七十猶作細楷政暇閱經史典籍耄而

不倦所著有松臯集續集諸史私論五經臆說諸曹

奏議若干卷卒贈少師諡文簡

王卿

王卿字良佐弘農衛人舉正德甲戌進士初授德清

令後改上海令上海三年召爲戶部主事敦厚實

所居不爲赫赫名其治上海也循循然因土之故而

所居不爲赫赫名其治上海也循循然因土之故而

所居不爲赫赫名其治上海也循循然因土之故而

辨上官未之或知也卿處之淡然不疑無礙城府人樂親附有以非意于者卽睚目視面類然變竟不一其人流行走故卿之去行李才數簾爾舉之若囊橐葉也民尤以是思之武廟南巡道降河洶有緣以爲姦利者卿抗諸還索一不應第曰車駕至日云不供有令也何先事自擾爲竟以安堵他郡已有至是得謫者時疫流行操善藥作糜粥躬行鄉落遍然之小舟獨行侍御簡少民初不知爲官也江藩犯順人心騷動諭衆曰江海潮汐非賊利也因無慮奈武庫何吾且有備乃以告訐人獲罪者許以鐵贖由是兵刃森然而民免科賦矣尤愼改作三年無土木之後舊民復甦公宇巋舍嘗曰取足居止已矣至於出令則曰今何可遽出出必祈於行行必祈于久朝自爲之暮自更之何以範民爲故終卿之任若畫一焉雖胥隸坊甲之人亦以不諱乃若疎簡權倖抑遏刁頑理剔冤滯躬親淡泊一用清淨之治海俗幾爲之一變其德遠矣

王邦瑞

王邦瑞字惟賢別號鳳泉宜陽人也敏惠溫方凝靜不苟識量弘遠視天下事無一不可爲應機立斷而

張弛必中要以久暫鮮毫髮出入者言擇可而登平居退然若不出諸口至臨大節建大議衆所喁喁挺然評之而不疑弱冠舉進士改翰林庶吉士居父憂起復授廣德知州祖喪去職補滁州有材賢聲陞南京刑部員外郎南京吏部文選郎中陝西按察司僉事提督學校以誥謫謫山東濱州知州復陞陝西僉事分巡開內道平反八年寃獄人稱神明陞本司副使整飭固原兵備居祖母憂復補陝西副使提督學校士喜其再至益興於學陞陝西布政司泰政丁母憂服闋陞右僉都御史巡撫寧夏在任二年餘陞南

京大聖寺卿兵部右侍郎改吏部右侍郎轉左侍郎庚戌陞兵部尚書性幼穎拔九歲知文自始學至終老無故未嘗一日釋卷性尤喜觀史道及古今之務禮典法制兵賦沿革繁略之變歷歷如指掌其爲文能發心所欲言者頃刻數千言立就而俊辯可親初以才選儲禁林迨守三州按北地所至必以教化爲務至以其俸入易經史百家之言貯之學宮視學政時朔正學書院羣士肄業其中爲政雄和易坦直至於鈞校欺漏剗剗豪黠又不爲一切恩貸如廣德之豪夏姓滁州指揮徐爵及涇陽之孽令張某者寧

廷臺臣之意雖三反不爲移判故所至肅然憚而去後則復見思自少側僞負奇總非爲諸生屬山東盜起卽上安剿十四事河南守哨曰異哉洛陽少年迴爾奇絕耶及兵備固原屬松石劉公視西師劉公固自偉人見則大加器重延之幕府每事朝夕諮語時涇邠巨盜李孟春等流劫河東西莫之擾也至則艾夷之無遺類民用大靖初以文行吏治有名其以武略顯自茲始追寧夏益著寧夏介在河曲三隅逼寇烽火貫四時歲爲常內治既嚴又能招携夷黨刺虜中事甚悉每有先事備虜嘗乘間一入輒失利斬其首而去不敢輒近塞者終在任之日西人語保障功者前後多稱之故庚戌之變衆籍籍恃以爲重云卒年六十有七

王冕

王冕字服周洛陽人也正德十二年進士授萬安知縣踰年宸濠叛所過屠燒無孑遺諸郡縣長吏多望風潛走冕聞變卽奮義募勇得死士數千人會都御史王守仁帥兵至冕以衆從時我軍已復南昌濠解安慶圍還救至鄱陽湖兩軍相拒濠盡出金帛犒士殊死戰自晨至午我兵不利王守仁憂之俄而風順

見密白守仁以小艇實葦於中擬建昌人語就賊乘風舉火濠兵大驚遂潰敗焚溺死者無算濠幼舟挾官女四人而遁冕追及濠投水水淺濠不救遂并官女執之檻送京師伏誅嘉靖初論功守仁封新建伯其下爵賞有差而冕仍知萬安縣久之稍遷兵部主事命守山海關甫五旬而妖卒作亂侍吏欲搜冕趨避冕曰不可吾有親在乃亟趨母所執兵以衛賊至執之以刃脇不從遂見害守臣疏聞詔贈光祿寺少卿仍命有司建祠祀之子西星舉鄉試第一

孫應奎

孫應奎河南洛陽人正德辛巳進士初授章丘縣令徵拜給事中嘉靖十五年以言事忤旨兩繫獄既得釋旋以大計論臺臣不法謫高平縣丞稍遷兵部員外郎歷陞都察院右僉都御史巡撫順天左副都御史協理院事戶部右侍郎提督倉場本部尚書被論改南京工部尋改戶部引年致仕隆慶四年九月卒賜祭葬如例應奎爲人恩謹退然如不能言及居官則鏡剖刃斷吏不能欺勢不能屈而其要卒歸于仁厚故所至人皆畏愛之

許論

上諭字廷諫靈寶人正德己卯舉鄉試第四人起七年成進士奉使餉榆林邊士氣勃勃自負直將長驅沙漠封狼居胥出理邢州以無害課最會仲叔並列卿貳例格臺垣尋進職方既終母喪補禮部奉詔進九邊圖論世宗嘉納之歲庚子由尚書郎進南京光祿少卿尋遷南京大理寺丞釋曰汪敬劉鎮寬獄會還事起南京交薦論材可備急邊會推京兆撫臣署居次上曰是嘗上圖論者遂進都察院右僉都御史撫薊州始入軍上備邊十二事要以振律宣威汰冗蘇困居常選鋒團練攢槽飼秣士馬一新白通事結虜入邊襲殺守備大掠而去論督將士設伏出奇斬白通事及首虜四十人捷聞進右副都御史賜金幣躬厚諸要害築邊城增敵樓造營房計出百全登陴可守矣以勞致疾請告歸庚戌虜大入薄郊關廷臣奉詔薦論可屬大事上覆閱圖論驗其蚤見亟召論分宜故不可羈閣下論年得命出撫山西籌山西一如籌薊上書力卻互市厚戍嚴關疊疊數十章亡不剴切乃設亭障謹烽火列拒馬佃營田部署周詳屹然足當山河之固虜犯柁子塢不得入乃何八同罷聚墩集精銳邀擊之虜挫復入親援桴鼓護

軍血戰以捷聞詔進兵部右侍郎賜金幣獎諭壬子入月虜犯紫荆關督入八營兵布八陣厚待之虜聞而遁時論業已受詔協理京營會城京師奉璽書爲植特雲中上谷饑甚釋憾者出之督虜且謀弔之甫出關檄傳雲中兵亂殺副將笑曰治亂如治絲也急之益焚亟發條約懸書徧諭之聞伍乃輯論疏其狀乞假歲月以布恩威上心然之手條約置坐側既至申令善師吾家世受國恩直將奉不肖之軀以殉爾曹起距之日久矣寧避強場而就市曹意懇辭嚴亡不人人感奮既以軍興不給亟請發度支通鹽焚足芻糧廣轉輸審核妖民呂鶴結虜入決策於御斬之獻馘者四十詔進右都御史鶴既誅虜旋馬西回既敗之紫塞八角堡追襲俘馘百七十有奇詔進兵部尚書磨一子世襲錦衣千戶總督如故甲寅虜寇營犯瓦剌口業已完聚備之虜先嘗我伴通諭督諸軍奮擊俘馘百四十有奇明年秋人掠獨石其酋俺答大舉四十萬衆寇山西分部發兵遣輕騎搗其穴據險設伏夜出銳師破其營虜衆藉分斃次傷不可勝紀已復犯龍門火山嶺勒標兵尾擊之至響水瀾出虜不虞募死士持刀斧乘夜突虜中虜驚糜爛

虜大潰墜崖窺谷膏血川原伏兵悉起夾攻聲震數百里火鼓徹夜不絕明發殘寇號泣而遁乘勝躡之俘馘者五百三十詔加太子太保廕一子世襲正千戶上益多其伐召入爲兵部尚書於時北虜南倭誓息日至上患倭與患虜等集羣議下本兵論折衷上平倭九事諸軍謹奉廟略悉中機宜丙辰倭入淮揚虜入寧夏諸軍戮力驅剿悉從本兵受成苗寇盧阿項等寇馮天恩會寧寇許以明陳孔榮各員固稱兵有司通上變論決策誅首事者餘黨悉平上故眷論習兵下手札問邊方大計乃援其要七事以對悉當上大同右衛孤懸虜圍不解因陳六事五要大率主於振厲積衰責成專任言者偃偃告急請罷本兵憾者主之遂免已未虜大掠涼西上曰薊遼督府務得入朕欲仍用許論命甫下驢聲震邊隅通上便宜申條約一如嚮法庚申虜酋把都兒辛大舉分寇東西諭業已完結亭障簡練部伍不遺餘力虜覘不得闖入無何何大水略聚精騎傳諸壘計無堅不取登陴誓諸軍力戰而卻迨至段伏嶺俘馘以聞上賜金幣軍中尋下與命憾者無所釋施以虛報邀功輒獻六俘面詰乃寢論既經略邊微分

爲十區各以憲臣監之區分衝援爲主守分兵奇正爲犄角至今從之歲大侯列戎噉噉待餉爲之請賑言者以亟請撫之遂罷核諸軍實無闕出入乃已丙寅冬十月自理喪具端生而終年七十二論故於文事優率以用武顯終始邦政身繫邊圉安危者餘三十年以首功計者二萬三千降者二千首首旗纛車馬羅伏以鹵獲計者三萬五百修築邊牆以里計者四千墩堡以座計者三千入言襄毅之有恭襄猶絳侯之有條侯驃姚之有冠軍也穆考卽位詔復故秩謚恭襄諭祭九壇遣中書劉天衢營葬

梁震

梁震新野人世榆林衛指揮使嘉靖七年陞署都指揮僉事協守寧夏典武營慣戰敢先登破虜入年進遊擊將軍益奮勵士卒練訓東西援應有斬虜功十一年進副總兵延綏十三年斬虜首功歷陞都督同知十四年總兵鎮守陝西當是時關中少虜患大同宣府虜數入塞殺掠吏民十五年陞右都督政總兵大同大同自五堡之役殺虜無張文錦恭襄將賈鑑詩又殺總兵李瑾鎮巡每甘言煦之稍不如意卽反唇瞪目或飛章訛言以相撻撼震聞命率家丁五百人

駟至雲中申明約束曰我無爾凌爾無我叛王法軍令具在我不敢破紀綱誤國其家丁時時向鎮兵語曰爾敢殺主將者恃衆耳兒郎輩無不一當百五步內恐爾不得用其衆也自是鎮兵稍稍欲縮十六年春震率兵出玉林川斬虜首一百四十進左都督又出黑山門衛兒在各斬首八十敘一子百戶十八年鳩卒給餉修五堡軍中不敢譁益身先之與同甘苦五堡竟復虜不敢近寨卒以五堡功贈太子太保歿五堡亦旋歿十九年二十年俺答阿卜孩吉囊三入雲中寨直逾太原窺平陽假令震不死五堡不再廢虜亦不敢輒輕入自是鴈門河東雲中上谷殘破朝廷亦思其功優與卹典贈太保謚武壯震在邊專練家丁時時出塞切虜營虜不敢輒近寨得虜營馬盡與諸出塞切者以故入皆效死趙利虜以故益畏其威或謂以出邊起釁者曰起釁律有之謂承平時虜牧獵爲生不擾我邊而我邊將撲殺以邀功也乃今虜數深入駐帳寨上官堡民堡十去七入我曾搗巢否也及卒家丁無所歸守臣以聞令人伍與衣糧邊將頗得其力

曹端

曹端號月川河南沔池人戊子鄉薦己丑乙榜授寧州學正壬寅改蒲州教人以爲履爲主日著述有四書說詳太極西銘通書釋文孝經述解性理文集儒家宗統諸家規輯略存疑錄夜行燭等編其事父母養志愉色飲食衣服惟務精潔及遭喪五味不入口寢苦枕塊始終不易旣葬廬墓六年建祠堂以事先又建義祠以薦外族之無後者不用浮屠巫覡諸縣上書請毀淫祠年荒勸賑全活甚衆屢舉同僚之貧貧不能赴任者贖之客死者葬之學徒從教一於禮義郡人皆薰然而化甲辰蒲霍二州弟子上章競留不刺分省人知字

文元

蒲南七

之霍州先上得允宣德甲寅卒於官正統中沔南食事始蘇張敬灑池知縣胡復立特祠祀之

吳瀚

吳瀚字受夫洛陽人少敏慧日誦數千餘言嘗覽羣籍發爲文辭迥出流輩與弟濂同舉鄉薦又同第進士初授南京山西道御史性素介直自負慨然有埋輪之志會中官廖鵬播虐河陝事發逮詔獄羣黨猶曲護之冀得末減乃抗疏列鵬罪狀竟寘重典時論快之陞江西按察僉事所蒞湖西訟訴繁委乃省文例詳聽斷發奸摘伏人稱神明嘗平反疑獄其人感

泣繪像祠之陞湖廣布政參議守辰沅諸郡歲旱率吏民徒步雪鬴雨隨沾足郡人歌頌其事時流殍載道請於撫臺發廩賑貸議欲行勸諭曰勸則遲久亡者遇半矣竟發之撫臺益既薦其賢陞陝西副使整飭延安兵備有妖賊聯黨爲幻出沒無常悉計擒之陞陝西行太僕寺卿復陞山西按察使論法比精練爲衆推服凡大獄訊決罔留罔無淹禁陞右布政使轉左使是歲虜酋擁衆寇太原城素無備警衆分部固守而躬督糧出犒師已而援兵四集士獲宿飽衆賴以安又議築外城以固保障晉人至今德之陞應天府尹尋陞右副都御史巡撫畿甸兼督三關值邊疆多憂遣戍靡常乃廣積貯修器械簡士馬嚴校閱匝月而戰守之具各備又以馬水口李家嶺爲宣大要衝乃剗壁築垣增屯置戍備戒孔嚴後虜果至浮圖峪不得入議者以二堡經略爲有功焉無何以事忤時議以四箚聽用於是乃遂洛解迹山聖人罕見其面撫按薦其經濟可以匡時清忠可以勵俗宜亟起用以慰人望而竟以疾不起年六十有五瀚簡重沉審遇事能斷雖糾紛盤錯從容暇裕不動聲色以史能稱於時性樂易不自岸異人尤樂從之事親孝

以諸弟友愛雖通顯滄素如布衣時喜聲律晚益工集古句千餘首彙帙藏於家子三長三樂領有解第進士改翰林庶吉士歷官獨部郎中次三聘舉人

補遺

齊魯

齊魯河南嵩縣人洪武初進士授監察御史龔介敢言嘗以言事觸上怒命力士擊落二齒魯徐拾之曰此二齒當送史館上默然者久之自是益重其人歷遷都御史

張用瀚

張用瀚字志本河南府鄭縣人宣德癸丑進士授戶部主事正統元年進員外郎出納謹飭操守不渝四年調吏部考功司員外郎六年陞驗封司郎中於公侯襲爵及百官封贈惟守舊章無所訛法尚書王直喜其謹厚特薦陞吏部右侍郎未幾同官忌之構以罪戾謫陝西右叅議歷叅政卒于官

何濬

何濬字東哲河南府靈寶人正統中以貢士知集州值洞蠻黃甫崇叛濬親往宣示德意遂致款服後入覲甫榮幸所部護送出境改知道州有宦官侵民

田二千餘頃濬以狀聞卒歸其地于民陞南康知府修白鹿洞書院廣講齋舍聚屬邑子弟讀書其中延知名士胡居仁等六人以教之一時造就者甚衆以致仕歸所在皆祀千名宦

戴珙

戴珙字廷璧河南府滎池人景泰中進士授監察御史天順初巡按真定劾總兵官石彪不法請博野知縣時大風振搖禁殿天色昏慘召還原職清理在京三千營凡軍士爲權貴役占者悉奏歸伍成化元年恩縣民劉南聚衆募緣惑衆有僧密閤執僧三百人赴京憲廟命珙鞠之察其非罪奏爲釋免累官山東布政使以致仕歸

李情

李情字宗善河南府靈寶人弘治中進士授御史彈劾不避權倖通理卿之請驛丞瑾誅起僉事陞江西副使姚源洞賊王察等叛情率兵討之竟爲賊所殺事聞贈按察使錄一子入監賜祭于家時登封李錫爲主簿尉氏馬聰爲饒州縣廖同死于難

陳相

陳相字君輔洛陽人正德末進士知崇德縣事爲人

剛果庭無留訟吏不敢欺誣悍飲跡時中費用事黨至邑者賂遺之相獨不爲禮一切裁抑唐侍御史得其狀有不畏強禦旁邑咸羞之奏擢爲御史

喬佑

喬佑字德徵河南洛陽縣人嘉靖八卒進士由行人遷南道御史丁憂改補貴州道巡按遼東應天建言降階州判官累陞山東叅議

楊松

楊松字惟喬河南衛人嘉靖四十四年進士由刑部主事改山西道御史建言降山西布政司廖慶六年陞廬州府推官累陞山西副使卒

董定策

董定策號昆星洛陽縣人中萬曆丁酉鄉試甲辰會試授真定府推官庚戌行取壬子實授湖廣道御史巡中城北城巡蘆溝甘肅巡按丙辰卒父堯封戶部亞卿爪持風節定策討理畿輔豁然不樂綽有父風遷入臺中議論盛鑒不與俗伍惜未竟其施也

人物考卷之九十一目錄

河南南陽府

唐俊

鐵鉉

宋鉉

鄭剛

朱昇

張鵬飛

侯諒

焦顯

焦宏

李賢

周宗

胡瑞

張景純

王鴻儒

柴昇

徐茂

周書

蕭麟

熊紀

任賢

牛鳳

藍瑞

衛道

張苴

王鴻漸

宋伊

郭良

張誦

霍達

張沂

史筆

蘇文

本朝京省人物考卷之九十一

河南南陽府

唐俊

唐俊南陽人誠信廉介始終不渝洪武初授兵馬指揮拜監察御史持部使者節恭預戎機以政事著稱超拜福建右叅政

鐵鉉

鐵鉉鄧州人洪武中國子生授禮科給事中調五軍斷事奏對詳明上喜賜字鼎石藩府坐法刑官久鞫不能奏當上屬鉉立決上益喜凡兩法司疑

獻盡屬鉉未幾陞山東叅政建文二年李景隆駐德州鉉督餉飛芻挽粟水陸並進軍興不乏五月靖難

兵圍濟南甚急鉉暨徐將軍盛統兵宋叅軍高食憲等悉力防禦令軍民詐降開城門候文皇人急下

鐵鉉幾中比出戰令軍士噪罵又皇大怒攻至政

七月不能克舍之南去宋叅軍說鉉曰濟南天下之

中北兵今南去其留守北平者類老弱且永平保定

雖叛諸郡縣堅守者實多郭布政軍書生大叅公能

出奇兵陸行抵真定南朝諸將潰逸者稍稍收合不

數日可至北平其間豪傑有聞義而起者大叅公便

宜署節號令招徠之北平可破也北平破北兵回顧
家室必散歸徐沛間素稱驍勇大恭公檄諸守臣倡
義義勇候北兵歸合南兵征進者晝夜驅之大恭公
館穀北平休養士馬迎其至擊之彼腹背受敵大難
旦夕平耳鉉以軍餉盡於德州城守三月士卒困甚
而南將皆驚鈍無足恃莫若固守濟南率北兵使江
淮有備北兵不能越淮歸必道濟吾邀而擊之以逸
待勞全勝計也乃設宴天心水面亭備問辛苦述賦
賦歌激發忠義未幾又有東昌之捷建文以却敵之
賞賞鉉進布政使再陞兵部尚書恭盛庸軍務賜金

幣鉉入謝京師賜宴饌粟肉小河之捷中原震動

文皇欲北還以諸將言再戰得勝遂長驅渡江鉉感
憤欲自裁 文皇登極鉉尚擁殘兵駐淮南已而擒
鉉至不肯屈今一顧終不可得割其耳鼻竟不肯顧
碎其體至死罵不絕聲時年三十七子福安成河
池康安先卒父仲名年八十二母薛安置南海

宋 鉉

宋鉉唐縣人洪武中舉人材知杞縣廉慎有為治行
超卓擢授監察御史執法不阿不避豪右陞知南雄
府轉金華俱有賢名

鄭 剛

鄭剛南陽人天資英邁質直無偽家貧嗜學洪武中
釋褐胥監署廣西布政使事尋改兗州知府留心民
瘼均田稅正版籍有遺愛在民爲時所重持節巡視
江淮救荒撫民踰年卒于官洪熙初贈工部尚書制
稱其資稟純寔蹈履清慎夷險之際一心不渝

朱 昇

朱昇舞陽人洪武中由進士授行人司行人砥礪名
節務存大體奉使安南不辱 君命尋擢廣東道監
察御史正色立朝糾彈不避權奸凜然有桓典之風

未幾卒于官

張鵬飛

張鵬飛唐縣人初名九萬洪武二十年以耆宿聽宣
諭 上問唐鄧動靜近日如何鵬飛應對稱旨賜今
名字以九萬授戶部郎中廉勤清謹時有里商餽鴨
子者強其家人受之鵬飛怒請 朝自劾 上笑曰
張郎中何乃至此仍賜鈔二十貫尋陞平涼知府未
行以明刑命錄大理寺囚三月獄獄平九尋卒于京

特 賜鈔一百二十貫以資歸葬

侯 諒

侯諒舞陽人體貌魁梧穎悟過人讀書攻苦貢入太學時高廟勅吏部簡拔風憲而諒與焉立朝風裁凝峻有激揚之志纔踰四年擢安南守值遠夷弗庭諒日夕惶惶屯聚士馬多方訓練隨機應敵民賴以安朝廷嘉其績褒封之未幾致仕

焦顯

焦顯字宗仁南陽人爲諸生時居母憂有司以入試當服闋迫之行弗從永樂甲午領鄉薦歷易州訓導轉府教授年四十致仕平生達於理學旁通星曆地理醫卜力田甘隱謝絕公庭頃白蓮社作孽招累千

焦宏

焦宏字克明萊縣人性至孝篤學永樂辛丑進士拜監察御史守正不阿時都御史顧佐駁下嚴御史有不謹禮法者皆罷斥獨善待之常出按貴州貴有疑獄不決論死者百餘人察其實以聞皆釋免坐者十人而已公署相傳有妖前御史皆避正寢不敢居宏處之恬然陳都督鎮鳳陽行有違法者人重誣之欲寘之死地宣帝疑之命擇御史之賢且明者往廉問以命宏至則爲直其誣而坐以所當罪得不死謫

成山是日益有名人有受誣不能白者皆以得劉爲幸壬子陞江西按察副使人謂江西俗健訟宏曰吾知其人多讀書識道理吾當以理論之訟無難決者於是惟折之以理不尚嚴酷人亦感其德無不服從獄遂清有江西連歲歉積通稅藩府病之吏部侍郎趙新任總督奏委宏以循撫之民皆歡趨事以辦治已未陞江西右布政使益務寬厚不事苛察下吏中有才行者累疏奏進有起自未僚而爲縣令者九江歲納蘆柴此地不產乃斂錢於民買自他所適歲積民益困踣乃爲奏免重新南昌府學修公署正堂及吏舍皆相俸以倡僚屬故不勞而集每以公亭行縣寬而不縱嚴而不殘吏畏而民愛焉九江濂溪書院久廢地址爲人侵軼查復其地更建祠宇有與鄉薦而貧不能赴春官者咸厚以贖之辛酉徵爲戶部右侍郎本年閩浙蘇松半臨海濱寇往來海中伺便抄掠上命往視閱諸軍修城堞備戰艦防守之法有當因革增損者悉以便宜行事政令一新寇不得爲害蘇之嘉定民有田數百畝已歸之官而稅尚在民乃蠲其稅甲子閩中復開銀場又命往視課煩重者請減之以利民乙丑上以陝西緣邊皆宿重

兵俱仰食內郡河南濱陝多積粟而諸衛多屯田處
有名無實復命按視其廩庾考校其邊獲奸弊盡革
儲特以充正統已巳詔征叛賊思機發而以宏主餽
運抵金沙江奉命謹甚冒瘴癘以進軍不乏食而身
則病矣然尤力疾終其事師還浮三峽道荆襄以朝
京師因家南陽葉縣以困憊弗堪少止求醫藥而疾
加劇不能就道踰數月卒訃至 上深悼惜之命禮
部致祭工部爲治塋塋宏盡心 朝廷遇事勇果爲
之必盡其方不擇利害爲取舍與人交謙恭和厚言
語恂恂有不當其意輒毅然自任不少回於得失故
於其卒也世多惜之

李賢

李賢字原德鄧州人生而氣宇凝重不妄舉止嘗得
疾劇葉夫人危之有老嫗來視曰此非凡子也幸毋
以爲憂言已即去明日疾愈人以其爲神宣德壬子舉
鄉試第一方宴鹿鳴有鶴數十旋繞廳上布政使李
昌祺舉酒酬曰將必有名世之才乎癸丑舉進士命
察山西河津蝗災時學士薛公瑄以御史家居賢往
造之叩質所疑薛公亟稱之以爲英悟淳確非流輩
可及 英宗皇帝嗣統賢上疏言帝王之道在赤子

河間人

黎民禽獸夷狄未有赤子不得其所面先養養禽獸
者今京師韃官不下萬餘以俸言之指揮使三十五
石而貢支一石韃官則實支十七石五斗是韃官一
員當京官十七員半矣况夷狄人面獸心一旦有警
其勢必不自安前代五胡之亂可不鑒哉乞 勅兵
部漸次出之於外不惟省 國家無益之費亦可以
消未萌之患蓋賢筮仕即有志當世如此已巳之變
畿內韃官羣起應虜賢言始驗正統丙辰授吏部驗
封主事會有 旨文武誥勅三年不得請必候九年
者賢以職守所在復上言此獎勵臣下之良法若候
九年則得者恒少不得者恒多廉貪不分勸懲不立
乞仍舊便後卒從賢言賢以人才繁太學而太學因
元之陋上疏言 國家建都北京以奉所廢弛者莫
甚於太學所創新者莫多於佛寺舉措如是可謂斜
矣若重修太學雖極壯麗不過一佛寺之費請及時
修舉以致養賢及民之効後數年詔新太學實自賢
發之乙丑陞考功郎中踰兩月丁母憂久之轉文選
郎中候終制赴京賢官直 經三任每公暇手不釋
卷尚書王文端公直以公諷問之而少師楊文貞公
每以不識賢爲歎有陽知在陳正倫文貞友也因要

分省公劄考

河間人

賢往見之賢不肯曰無一面之雅而造門是求知也士大夫兩賢之已已秋虜寇大同時中官王振用事力主親征吏部侍郎當是時以疾告賢代之行師潰於土木英宗北狩扈從官多預其難賢瀕死而還景泰初年上正本十策曰勤聖學顧箴警戒嗜慾絕玩好懷舉措崇節儉畏天變抑貴近振士風結民心奏入命翰林繕寫置左右焉辛未虜遣使求通好有詔絕之今廷臣共議長策賢上言虜所以敢輕中國者恃其弓馬之強而以中國長策惟有所謂戰車火鎗然用得其法又在將士者何如今朝廷於

河南八

將帥特彰剖封之典於士卒頻加賞勞之恩待之厚矣然不能一爲國事復讐雪耻何也乞飭勵中外將臣務期功實著明賞罰允當上嘉納之是冬陞兵部右侍郎壬申奉命察四川有司之不職者癸酉還京轉戶部右侍郎賢以虜欲無已不宜終徇上疏言北酋也先近復其主併吞諸夷包藏禍心其志非小若只聽其講和貢馬圖金帛之利蔑敬順之誠增數目名曾無定約竭生民之膏血供無厭之貪求醜類日見盛強中國日加罷敝惟陛下奮仁者之勇勵總戎之臣以振中國之威則夷狄之心自懾方來

之忠自齊詔下兵部少保于謙謂李賢言誠爲正論請下其章以勵邊臣甲戌轉吏部右侍郎詔頒君鑑錄於羣臣賢擇其中善可爲法者二十二君又詮其最切者數事曰鑑古錄上之英宗復位一時輔臣多竄死乃以人望召賢兼翰林院學士入內閣典機務未幾進吏部尚書兼官如故左右欲以汪后殉葬者上問武功伯徐有貞及賢賢言景泰初汪后卽不得志况二女皆幼可憫臣愚以爲宜厚遇之上撫然以賢言爲是山東奏民饑難得內帑銀三萬而不足上復召有貞及賢議有貞持不可曰散銀

河南八

有弊無益饑者賢言天下之事未嘗無弊顧奉行何如耳散銀有弊而不貸是視民饑死而不拯也因噎廢食豈爲人上之理上深以爲然命增銀四萬兩民賴全活甚衆特太監曹吉祥忠國公石亨以迎上復辟爲己功竊弄威福上漸不能堪賢自念遭遇不偶凡事一以至公處之吉祥與亨滋不悅亨率兵西征御史楊瑄劾吉祥與亨縱家人奪民田上嘉其敢言命吏部識其名將擢用之亨還與吉祥謀此必有貞及賢所使相與惡於上言已有逆復功爲有貞賢等所傾將俾臣等無噍類因伏地流涕不

已乃諭 旨言官劾賢等并下獄其日風雷雨雹大作損殿宇公署瓦木甚異 上知天怒在此亨等反言上天亦怒賢等雖強解釋然不自安明日言於上釋之詔俱謫外任賢得福建布政司右叅政將辭吏部尚書王翱是日得專對語有間 上曰李賢與有貞雖同事未嘗阿比王翱固頑首力言賢淳謹可大用 上頷之即日留爲吏部左侍郎踰月承天門災 詔復賢尚書學士賢上章懇辭不允二年賜王帝以優寵之 皇太子將出閣賢請擇學術端良之士爲輔導乃上劉調等數人爲春坊官 上仍命賢

本月八月公物

宋之二

十

河南八

損且將校聞潯言豈不解體將遣人繫之賢曰耳目之任職所當言惟明主用其是舍其非而已不當見譴石亨等遂乘間譏賢以爲阿諛文臣會 上知賢已深譖卒不行而大悟賢言爲是潯得薄責已而潯還自陝西 上曰潯爲主將長縮致敗不罪之何以警衆諭言官廷劾之奪其太傅景泰三年度僧敗萬及天順二年如期來集賢言於 上曰此輩有損無益宜俟十年一度著爲令初 上於便殿屏人謂賢曰吉祥好預國政聞四方奏事者必先造其門奈何賢曰自古人主權不可下移若 陛下每事自斷惟公道處之則彼漸不敢預而趨附之人亦自少矣 上曰朕意亦然會石亨敗逮置於法因問賢復事賢曰當時亦有要臣臣不敢從 上怪問何也賢曰天位乃 陛下所固有若景泰不起羣臣表請復位名正言順何至以奪門爲功奪之一字何以示後此輩貪富貴非爲社稷計倘景泰先覺亨等何足惜不審 陛下何以自解幸而事成得以貪天之功然天下人心所以歸向 陛下者以正統十數年間凡事減省與民休息所致今爲此輩損大半矣 上竊然大悟 詔凡以迎駕奪門冒功陞者四十人悉褫

本月八月公物

宋之二

二

河南八

職中外肅然前此賢父以封贈 恩請 闕謝至是
陛辭 上特賜寶鑑三千貫因顧謂賢曰先生已盡
天倫之樂乎賢頓首曰臣父子所以有今日者皆
陛下之賜是冬賜甲第一匾賢上章懇辭 上曰聞
卿舊宅去朝頗遠特賜近居以便宜召所辭不允遷
居之日 上及 皇太子皆有落成之資賢以朝覲
官黜陟之典往往虛應故事無以示懲勸言於 上
罷不職者數百人旌異者十人賜宴禮部 上命賢
與尚書王弼主之四年庚辰虜酋字來寇大同守將
失利遂深入鴈門烽火徹於京師民驚遁不可止賢
請急發兵遣兩都督將之出鴈門創馬二關旬日始
定五年辛巳虜寇涼州莊浪賢知 上以虜入爲
憂陳邊事五條 上從之遣懷寧伯孫鐘率兵往禦
特江南北大水而加以師旅賢言宜布寬郵之典遂
罷天下所取水木板枋之類及暫免米柴追馬清匠
刷卷諸事而米柴一歲省銀三十餘萬兩吉祥從子
昭武伯欽殺人 上因下詔戒諭勲舊欽懼與吉祥
養乳士謀不軌欲幽 上於南宮而立 皇太子因
西師行乘機入內爲亂朝臣當道或有憾者戕害之
擊賢傷首及耳且持賢謂曰某等迫於譏聞不得已

爲此請入疏以申救賢曰爾既殺仇愆能止戈反
正我當言之 上得疏乃知賢在甚喜既服於難
上急召之入宮手疏曰逆賊就擒此非小變宜詔天
下一切不急之務悉皆停罷且言自古治朝未有不
開言路者惟權好欲塞之以遂其非由是陷於大惡
而不悟自石亨等排黜臺臣言路閉塞其流遂至此
極 上悉報可下寬郵條而以開言路殿焉 上念
賢忠勸下 勅加太子少保賢上章懇辭不允賢以
四師未解而京師有變大軍不可輕出請復都御史
王竑俾與兵部侍郎白圭分道禦虜虜引去邊臣請
罷兵而議者懼有後警賢上言兵出在外可暫而不
可久暫則爲壯久則爲老且虜安能保其不來若慮
其復來更無休息之期况人民供輸疲困已極宜趁
河開班師使民得屯種爲便 上命廷議卒從賢言
聖烈慈壽皇太后崩 上見賢所服斬衰與衆異取
視之乃知賢服制合古卽以賢服者爲法命宮中悉
易之孟冬享 太廟適大喪禮未終 上以問賢言
宜俟釋服後庶人情事理兩安 上曰微公言幾舛
於禮七年春 上足疾不視朝召賢曰大祀將至而
疾未愈欲遣官代行可乎賢曰亦須至壇所雖不能

行禮人心亦安 上至齋宮召賢曰朕惟俯伏艱於起身欲令一人扶之何如賢曰陛下能力疾行禮尤見敬天之誠遂竣事而還二月晦夜賢聞空中有聲明曰睿疏曰傳言無形有聲謂之鼓妖上不恤民而有此異惟陛下憫念黎元凡一切不便於民者悉皆停罷則災變可弭 上覽之即召賢曰此事正願先生言先生不言誰復言者其具寬恤事條密封以來賢遂疏十事一請清淹禁罪人二止銀場煎辦三停歲造紙劄四蠲被災糧稅五弛芻米之徵六罷虧損馬匹七飭邊臣撫卹兵民八命有司存恤流移

本朝今省人物考

卷之二

一四

河南人
明在任

九戒御史察貪吏十禁外官因事苛斂 上曰朕諦觀之皆實惠也宜即詔天下賢又請罷江南所造段疋及燒礮罷清錦木衛所監罪人止各邊守臣進貢停內外買辦採辦 上不從賢執之數四止取前十條行之左右見力爭皆寒心同列亦爲賢懼賢曰古之大臣知無不言今雖不能盡然至若利害繫於安危者豈可默然以苟祿位然 上聖明亦不以爲忤也是時錦衣衛指揮門達有寵於 上專理詔獄且兼緝事於中外道路洵洵相視以目賢嘗以爲言達衛之會指揮袁彬爲所誣下獄有楊暄救之 上命

達逮訊達欲并傾賢林暄便誣賢爲草奏狀狀牽捕數十人勢危甚 上命廷鞠之其人道吐實曰此達所教也賢以事白上疏力辭且以知足不辱知止不殆爲言 上不允曰此細故無用介意八年春 上不豫久之疾劇命中官以遺詔示賢十七日 上賓天後五日 憲宗嗣位有欲專致隆於 上生母者賢曰天十新卽位四海翹望凡事宜悉遵遺詔庶幾順天理服人心於是尊 皇后爲慈懿皇太后貴妃爲皇太后尋進賢少保吏部尚書兼華蓋殿太學士未幾門達以附中官謫遠方又爲言者劾其欺

本朝今省人物考

卷之二

一五

河南人
明在任

罔故殺諸罪謫戍嶺表不知者以謂出賢意其黨相與爲匿名文書指賢姓名欲中之賢不自安懇乞退休 上不允下令禁議謗者時災異屢見賢請出官人以昭聖德又上疏言治安之本在於君德輔養君德又在左右前後皆老成端謹之人若喜生事工逢迎專以諛悅供耳目之玩者望即日退出母令隨侍賢以疾在告 詔免早朝尋降勅命知 經筵事及總修 英宗睿皇帝實錄成有司請造鹵簿已得旨賢聞之亟入言先朝所造車駕尚有貯內庫未經御者今 恩詔方頒百姓跼息未久奈何復爲此

上卽日寢其一皇后吳氏之廢小人乘機欲害賢者益甚上命錦衣衛嚴禁之且遣衛士夜宿賢第設賢以行有內直軍慰天順初因入直迎駕而陞冒功者今一切褫職非注意上念其久於役特復之而以迎駕奪門陞者紛然入懇不已賢言於上曰自石亨輩此舉之後人以得富貴之易貪利者熾幸有事宜早治之且請復故少保于謙等官賜祭改葬以雪幽枉上亟是賢言命兵部按其以迎駕奪門陞者自太平侯張瑾與濟伯楊琮以下俱奪爵蓋賢欲消患於未萌故於上卽位極言之由是洵

不計分省金匱考

宋九二

十六

河南

洵者稟息有識者至今以爲難丙戌二月丁父喪詔起復賜賻甚厚復賜素品備途中食用而令有司爲營葬事賢累疏請終制不允道遠太監林興輔行賢聞故鄉歲浸加以師旅請止官營葬不從既抵家喪事興卽日促賢上道五月至京師入見上慰勞有加賢退卽疏言乞俯察至情於從守制詔令勉起就任賢復疏言臣累訴衷情而陛下曲加勉諭徒重臣之慚增臣之罪詔卽日就任慎勿再言又遣中官至第道上意乃供職賢因上道中往來所得軍民利弊八事大約乞重守令之選毋拘常格以

免陞政留河南所運之粟以備民饑停通州諸衛薪炭之徵以蘇民困蠲江南馬戶而復本處民戶代之以均勞役增天津諸衛及河南榮澤新鄉諸處驛遞以便往來開衛學軍生歲貢以振淹滯上卽命所以議行賢有所陳奏俱裨主德民瘼上方虛已以聽而賢感疾浹旬不愈上遣中官臨問賜尚食及命御醫日夕診視報疾狀凡三閱月疾亟語弟監察御史讓及子瑋惟以國恩未報史事未成爲念以是年十二月卒享年五十有九贈大師謚文達賢少卽有志聖賢之學爲諸生時督學者問所志對曰爲

學之道當如周子言蘊之爲德行行之爲事業其人

十二

河南

大異之在吏曹大書箴銘於座右與學士薛瑄相厚善務以性學相切劘而窮理之功益密立朝四十年不立黨與惟守一誠自以受知英宗遂身任天下之重知無不言天下亦倚之爲重雖遭讒謗謗處之泰然英宗嘗論景泰不與大臣接言賢曰自古明君未嘗一日不與大臣商確治道所以天下常安先儒謂接賢士大夫之時多親宦官宮妾之時少於君德方有益又言朕自後位以來未嘗一日忘在南城時每以此戒左右賢曰安樂不思患難古昔聖賢之

君存心正如此又言飲食隨分曾不揀擇衣服亦隨宜雖著布衣人不以爲非天子也賢曰如此節儉尤見盛德若朝廷節儉天下自然富庶英宗每爲首肯愛惜人才惟恐弗力而以獎恬退厲名節爲先耿公九疇及軒公輓皆以廉介聞首舉耿爲都御史軒爲刑部尚書未幾二公以見排去位又屢言於上而還之年公富亦爲亨姪彪所誣陷及亨敗力言富有執守可大用遂起爲戶部尚書上嘗謂賢曰左右多不悅富者賢曰不悅正見其賢禮部侍郎員缺禮部郎中李和求近習薦陞上問賢何如對曰不

文淵閣

卷二十一

二八

河南

知其入臣所知者學士李紹可任此因進言邇者士風不立多資緣以求進如若用紹請於黼座召吏部面命之庶幾士類知警上從之命下之日傾朝懷然其後任事大臣賢多所薦拔人不及知之反有訾賢者或以告賢賢曰吾知用其才耳三選庶吉士儲養於翰林親加督教如愛子弟與學士呂文懿公原陳公文彭公時相處十餘年未嘗失辭色每語具以忠言相告而於講學論政至終日忘倦人有善若已出不自之不已兩廣兵興編修丘濬實廣人具嶺南事宜告賢賢繳奏言可用請付軍中爲平賊之助遇

天變民瘼憂形於色每以裁抑浮費蘇息民力爲本謂內帑財物非濟兵民則人主必生侈心而移之於土木禱祠聲色之用自賢柄政前後發內帑銀救荒卹邊凡數十萬計人有急難以身救之而於植臺諫慎刑獄尤惓惓焉成化初言者屢詆中官之惡謂不可使與國政得補外而或咎賢不申救者賢曰此事何可激也甘露之變黨錮之禍諸君獨不知之天順中宗室臨川王弋陽王前後爲緝事者發其陰事已多涉虛因召問賢賢曰觀此則其餘所枉多矣法司雖知其枉而不敢辯乞明詔理官不許畏勢

避嫌實傷和氣上乃召三法司面加戒飭中外咸悅凡朝廷大政令涉於軍情邦計者必經賢議而後決虜酋罕來近邊有言傳國璽在其處石亨請發兵乘機掩取之上爲之動賢曰頻年災荒府庫空虛兵民困極宜與休息且虜近邊而未嘗犯塞無故伐之必買譽况秦璽亡國之物亦不足寶上矍然罷之內府奏乏金用詔下戶部議請以蘇松嘉湖四府歲折糧銀折金五萬兩賢曰國家財賦仰給東南而金非其所產今欲折金價必湧貴聞雲南諸夷有歲辦金銀若以銀折金亦足以充國用松潘羌

寇亂已勅三司調兵勦之久不下賢曰三司謂願率制自不能成功若朝廷命一大臣統之則事定矣因薦都督謝貴爲將而寇始靖凡冊后妃與諸王大喪大祀婚冠之禮及憲宗之初親耕視學諸大典禮悉命賢與禮官增損其儀式而後行白金文綺上尊珍饌與夫四方貢獻內帑圖書賜賚無虛月賢每以盈滿爲戒取小旻詩中語扁其堂曰臨深以寓安不忘危之義雖位及三孤不治田宅不鬻女侍爲學務實踐不爲空言因自號浣齋孝友敦睦之行有人所難能者所居圖書左右口誦手錄雖老不懈每有

文若千卷

文九一一

周宗

周宗字繼先裕州人成化乙未進士知鹽山貴池二邑大有政聲擢陝西道監察御史按遼丰采嚴整貪酷畏懼宦監侵倖軍食率以爲常宗痛刷滌軍民稱快嘗自言曰寧爲法以受禍不陷人以要名仕終浙江按察司僉事

胡瑞

胡瑞字良頤內鄉人成化甲辰進士選授禮科給事

中累官右副都御史巡撫山西地方爲人老成持重進言得體所在有聲卒賜祭葬

張景純

張景純字文粹南陽人成化丙午鄉試天資穎敏志向精專凡天文地理性命道德之學無不精究靡悉著書立言名重天下爲當時學者所宗王文莊風負重望每嘆服其人未仕而卒

王鴻儒

王鴻儒字懋學南陽人成化二十三年進士聰悟天成書過目成誦作字端勁有古法里人有爲府史者

文九一一

王

河南人

嘗以鴻儒所書置之府中知府段堅偶見而奇之史對曰里人王生書也堅即召見曰子風神清徹豈塵埃中人即留讀書府中續食授衣遣入郡學爲諸生提學副使陳選異其文曰此生文章經世非直舉業未幾發解河南第一筮仕南京戶部弘治九年僉事提學山西十五年進副使提學在晉九載泰陵勵治思賢嘗召見劉大夏論人材曰藩臬中如王鴻儒他日可大用大夏對曰此人才學不易得誠如聖諭正德改元乞致仕賜誥四年於家拜國子祭酒不數月憂去七年又拜南戶部侍郎十年召入吏部歷

左右侍郎嘗曰惟誠與直能濟國事趨名者亦趨利於社稷生民無益也時吏部尚書陸完有才能與宸濠通亟稱夏忠靖王忠肅二公賢可師法完意不說十四年三月陞南戶部尚書是歲六月宸濠反完敗鴻儒督餉留都至九江聞變遡流欲入武昌約守臣起兵討賊又聞 康陵南巡益憤德沮發背卒諡文莊博文多識凡 祖宗設政任人及先輩立朝行已歷歷能言至論時務決成敗可否如探囊指掌待物開誠不問人私人亦不敢以私問也弟鴻漸亦舉河南鄉試第一官至山東右布政使致仕廉靖有吏才

柴昇

柴昇字必昭內鄉人幼知嗜學十五補郡庠生歐陽讀書寒暑靡廢常受知郡守段堅成化丁酉舉於鄉不第游太學力學十年丁未始舉進士是年選權工科歷左右給事中特爲 孝廟眷注調兵科歷十有三年在諫垣卽以死直爲心謂官祿非風志也弘治庚戌雪見東井下 詔求言首疏十有五事急切時弊 上首爲嘉納辛亥北京山東河南水旱有 詔亟求時政得失疏陳四事甲寅工部營造 皇親府第人心怨詛劾之疏留中明日宣 詔面諭片言奏

河南人

威 詔用以寢乙卯四月番僧領具占竹簣將行取中外騷動禮部劾科道又劾 上不之聽昇乃上一疏反覆千萬言欲恤人言杜無益 上讀之大悟其果欺罔也 詔用中止天下謫之丁巳丁內艱庚申起復掌兵科適大同虜逼平江伯陳銳將兵百萬老師玩寇蠶食日費中外相視無敢言者奮筆舉劾衆色懼明日奉 詔取回偏裨以下各置以法邊境用清他如革書工止僧度定柴夫至今考爲今辛酉陞山東叅政奉 勅督糧巡歷所至查革奸弊興學勸農賦吏望風引去水旱租稅已經奏復而戶部邊營

河南人

檄徵昇部運至京米麥草束原領糧需不足具論民無餘力何以再徵庫無餘財何以再借論入得暫收原價宜府龍門喜峰古北口諸倉亦各被區處官吏稱便乙丑陞廣東右布政使革缺官皂隸銀貯之公庫稽其出入人服其廉時十三村賊與良善雜處議難進兵乃設法招諭俘獲同寃提問 賜銀牌紵絲衣二襲正德丙寅陞山東左布政使舟還荆襄官司盛備夫騎至則行李蕭然途人輿歎丁卯陞副都御史巡撫江西會革改陝西振肅憲度問者凜凜已而陝西革總制三邊率聽制於昇今行禁止終任雖解

合器物十以給官三年改吏部右侍郎四年轉左代
乍冢宰逮繫攝部事督屬擣撫手自省閱凡所以壞
選法者俱議請釐正法比畫一五年陞南京禮部尚
書六年改兵部勅叅督機務議陳兩都形勝粵自
祖宗朝迄今百數十年設官原有意義奈何承平既
久百度寢衰加以內府冗員四方饑盜歷數漢唐往
迹要以救時弊收人心爲急務條十有三事率祛逆
瑾餘孽具見施行自是不悅者滋衆難以賊勢猖獗
疏保國之策上遂以守備事悉委之殫竭心力會
選官軍分布據守盜隨以息坐是病目乞休得旨
本朝分省人物考 卷九十一 三十四
褒留壬申外艱繼勅奔喪中途及南京戒嚴僉議以
奪情例檄差官遣留乃謂奪情其令典耶就檄答之
東歸乙亥吏部以南京工部起辭弗允九月固辭乃
奉 俞旨優以月廩歲隸乘傳還鄉杜門謝客構亭
後園吟咏其中居常稽古課子崇正黜浮究心世務
雖細碎遺暇則招舊傳鴈於勢利非公事不入城
府門迺達蒿干請絕迹婚喪不舉者力爲之助四方
名賢至必造廬 世廟入縣大統郊迎寵顧未幾詔
起不果屢用言官論薦以幣醢存問卒贈加太子少
保壽六十八

徐茂

徐茂字景芳新野人以成化進士權雲南監察御史
奉 勅整理邊防按治淮揚等郡風聲赫奕成化三
年再按京畿其貪墨不律者悉望風解去居道九載
拾遺補過激濁揚清人稱其得體陞山西叅議入祀
鄉賢祠

周書

周書字大經裕州人成化中由監生任陝西伏羌尹
清廉自律秋毫無所取實倉廩以備邊化頑民以成
俗當道奏白廉能以書稱首未幾卒縣祀于學宮

本朝分省人物考 卷九十一

三十五

河南人

蕭麟

蕭麟新野人成化中以舉人授高郵訓導轉定州學
正陞鹽城知縣制行端謹蒞政廉能孝友之風尤乎
于鄉閭及卒人猶誦之入祀鄉賢祠

熊紀

熊紀字時振南陽人中弘治己酉鄉薦壬戌進士歷
知縣給事中陞湖廣叅議素履剛介問學老成識疏
通達于爲政宦業方隆卒于官士論惜之

任賢

任賢裕州人正德六年以母喪家居適流賊至同知

祁采請協心拒守賢與采共招集其鄉兵三千入登城拒守城陷罵賊不屈遂遇害一家死者十三人巡按御史嚴實以聞贈太僕寺少卿予祭葬仍歷一子爲國子生時正德八年六月

牛鳳

牛鳳葉縣人正德辛未進士試南宮選第六授驗封主事時黔國公應襲大路冢宰求覓人朝鳳執法不從幾被中傷止 武宗南幸被杖幾死後 世宗卽位錄言者功陞正四品爲太常值 承天門災遂自陳歸卒

藍瑞

藍瑞字伯麟鄧州人正德中舉進士任青州府推官蒞政廉明轉南京刑部郎轉獄多所平反不避豪要陞知漢中府單騎赴任二年百廢具舉凡所設置皆爲數世之利瑞朴直自執不爲時所容比歸未嘗有餘貲平生所著有日省篇求仁錄名言錄瀟南稿藏于家卒祀鄉賢祠

衛道

衛道字正夫葉縣人正德中舉進士授武昌府推官有治蹟徵爲南京刑科給事中會 武廟南巡道抗

疏諫請 回鑾詞極懇切 上嘉納之累官南京刑部右侍郎清直之操終始不渝致仕卒

張苴

張苴字延齡新野人由縣學生貢入太學正德間爲內黃縣丞操履清介持正不阿民有饋一雞斗米者苴却之曰吾俸可以養廉何忍剝吾民也尋陞交河令有異政益安淡薄父墳聞之持未肉以助之且戒曰毋渝初心論者謂不愧古之良吏云入祀鄉賢祠

王鴻漸

王鴻漸字懋德南陽人中弘治甲子鄉薦第一登嘉靖癸未進士初授大理寺評事決獄稱平出守廬州才堪治繁未幾調蘇州府及入覲進判解清被寬賞黜乃正言力解一時京師甚重之既推關南兵備擒獲巨盜馬興等數十人民賴以安歷官山東布政使問學該博惠政孚民致仕歸尤廉介絕俗與兄鴻儒中州稱爲雙鳳焉

宋伊

宋伊字汝任裕州人嘉靖辛丑進士初知崑山縣年少老成強禦不畏請練治體遠近稱賢未三載當道保薦者八上擢爲戶科給事持正風駁有古諫臣風

以還葬歸在道疾作而卒士民罔不痛悼

郭良舞陽人以監生授武清知縣政尚寬平民懷其惠時入覲道遇數寇行李盡被標掠從吏泣訴曰吾輩之物任取去天寒乞留吾尹衣被寇曰爾尹無乃武清郭知縣耶曰是寇遺之監司以爲有化盜異政上其事 賜勅褒旌尋陞銅仁判改衡州益精治體吏畏民服工部尚書翁公世資以侍郎謫守與良同寅深得其歡心贈別詩有知君不能薦深負長官羞之句後致仕家居坐卧一小樓足不履地者數年其

大明分省(初學)卷之二

靜專之功類如此

高南村

張誦

張誦字記學鄧州人由歲貢歷晉州平定州判陞文水知縣時邊官有大獄不決誦承簡命一訊卽剖陞知定州嘗覆州縣地欺隱以均貧乏黜吏酌贖銀市牛種招給流散復業民有再生張父之謠建正學書院贍給諸生創修陂堰利數百餘家人名其堤曰張公堤在郡八年盜賊屏息民爲立生祠入艱蒙 卹書褒獎爲直隸清官第一後歷韓府左長史以老致仕

霍達

霍達字成章裕州人罷戍疑遠雖燕居必衣冠危坐終日儼然由鄉舉任安化教諭誨生徒遇寒暑雨不輟也嘗追聞而薦之而守制還矣後補應城尋陞淮安教授復改登州前後四任終始如一造士多有成效巡撫等文章論薦欲爲提學僉事不果陞國子監助教卒于官貧不能歸祭酒周洪謨素重其爲人爲之經理歸葬

張沂

張沂字希魯鎮平人世居南陽以鄉薦除直隸鎮江
之華公伯第云卷九二 三九 高麗武

史
筆

史筆字秉直南陽衛人性至孝父病劇嘗糞母卒遺命以白綾斂不得終身不服綾以鄉薦除山東武城令調襄垣守愛民民被其澤爭繪像祀之尋陞太僕寺丞馬政大舉年未艾卽引疾歸杜門不謁府者十
四年撫姪讓產恤貧周厠人多義之以輿論中允人

祀鄉賢祠

蘇文

蘇文字子朴南陽人少孤貧事母至孝母病暑月恩
牛餽不可得遂終身不食牛族有遭變獨持數百金
寄者逾數年封識宛然還之以鄉薦歷樂亭棗強知
縣却常例革浮費杜請託釐積弊均賦清訟興學勸
農尋擢國子助教民攀轅卧道留之轉岷府長史未
幾謝政歸清貧如寒士誠無愧于古之琴廉云

全明本 八節之 卷九

二

人物考卷之九十二目錄

河南汝寧府

何德

趙好德

徐理

岳仲明

孫顯

王平

梁銘

衡岳

趙毅

尚穰

強忠

楊威

徐廷璋

李嵩

胡智

熊翀

李紫

胡瀛

高鑑

閻倫

曹鳳

程文

張文佐

李遜學

熊槩

盧藝

劉紳

何景明

李緋

林時

王相

許達

蔡翠

馬錄

孔補

朱紀

河南汝寧府

郭五常

桂祥

蔡光

楊采鳳

馬馱

平朝分省人物考卷之九十二

河南汝寧府一

何德

何德者光州人也至正末太祖隆興德仗策來歸從上定江左諸郡神征吳釜建立奇功段驍騎衛千戶吳元年七月沅陵人向珍八作亂德率兵討之至官廳珍八以衆逆戰德擊敗之進拔其寨而斬珍八逆黨周文貴率划船三百餘艘復攻辰州德使別將與戰于西門外自將輕騎直抵其寨攻破之獲張千戶等百餘人文貴退保麻陽德追擊之又俘其萬戶等四十四人文貴遁去是年拜虎賁右衛指揮僉事既定中原陞指揮同知率兵守遼東召還改虎賁右衛指揮同知尋擢大都督僉事洪武十三年改立五軍遂爲左軍都督僉事十七年扈從北征還以疾卒于家年五十二賜葬鍾山之陰追封廬江侯諡莊毅

趙好德

趙好德字秉義汝陽人幼警敏能文章有經濟大志元季汝穎兵起郡縣多陷沒好德謂其妻曰今元運將終豪杰並起我觀東南有天子氣將往從之遂西

泣以別自和陽渡江謁太祖于金陵語合以儒士

授峽州同知尋遷安慶知府飭兵治具屹然江淮保

薦歷六年陞戶部侍郎明年進吏部尚書督召與四

輔官何顯周等至內殿坐論治道上悅各賜錦衣

一襲令工圖其像

徐理

徐理西平人國初從諸將定江右諸郡積官至永清

左衛指揮僉事調營州中護衛清難兵將下大寧理

從問道詣軍門請見遂從成祖戰于白溝河破雄

縣滄州景城定兩准入京大小十餘戰皆賈勇先登

所向克捷累擢都督僉事壬午封武康伯賜白金文

綺貂蟬冠服還守北京克厚馭下士樂爲用永樂六

年薨子顯嗣

岳仲明

岳仲明固始人宋鄂王七世孫也洪武初徙家于汴

仲明少負清節隱居不仕嘗廬墓九年有司以孝廉

舉朝廷三召不起賜號純孝先生今三召祠故址尚

存所著有遺安集

孫顯

孫顯信陽人洪武丁卯領鄉舉卒業國子監太祖

臨幸說書稱吉授工科給事中累陞工部尚書丁外艱廬墓三載鄉里推重之上嘗御關樓睹欄楯上有紅光閃爍令人跡之則顯衣緋袍以督役也由此忌之會廷諍忤旨杖四十謫戍雲南客籍其家止水牛一頭茅屋數間使者還報上嘉歎召復原職至中途卒于是復贈八十金紉有司營塋事

王平

王平息縣人洪武中以國子生擢江西道御史陞陝西按察使文皇卽位召爲都察院右僉都御史坐事謫衛經歷用薦陞福建右叅政從英國公張輔征交趾事平進交趾右布政使時清化府蠻賊梗化平與都督黃中往鎮其地民賴以安還至交趾卒平爲人氣剛不容物臨政頗刻而所至不受私餽交人至今頌之

梁銘

梁銘汝陽人洪武末以父廕改補燕山前衛百戶革除間北平被圍銘拒戰甚力以功歷陞後軍都督僉事侍昭皇監國于南京坐事下獄已而宥之命往廣東備倭昭皇卽位陞都督同知鎮守寧夏封保定伯宣德元年從安遠侯柳升征交趾卒于道子瑤

父爵正統間征鄧茂七有功佩平蠻將軍印平潮賞諸苗景泰間進封保定侯出鎮陝西三邊成化間召還掌都督左軍府事薨追封懿國公諡襄靖

衡岳

衡岳字世瞻西平人少以俊茂補郡學弟子員中河南鄉試遂升大學洪武三十年詔國子監諸生通理道者赴詹事府議事六館之士咸推岳往岳敷陳時政切而不迂所司以聞擢廣東潮州府同知酌已惠民自常祿外饒遺一無恥布衣蔬食不異寒士嶺海間翕然稱其廉三十五年遷西安府知府其清操善政如在潮時丁內艱去職服闋改慶陽益以清白自勵民愛之如父母僚友諸婦嘗會飲岳之內子與焉在席者金鈿綺綉爛然而岳內子荆釵布裙而已旣罷頗不樂岳曰汝坐于何處曰首席岳曰旣坐首席又要服飾華美富貴可以兼得也耶慶陽人至今以爲口實承樂十年朝覲至京以言事忤旨謫戍交趾慶陽西安二郡民千餘人詣闕請贖岳以終其意不報仁宗嗣位下詔求賢監察御史袁錠鹽運使何士英指揮范智交章薦岳起爲南城令以舊官復任城南令其爲令嚴薄不足用常干官舍種蔬

以自給年八歲有疾不語愈于充軍時邪無不意正統四年夏五月秩滿至京欲告歸入部侍郎薦岳于朝遂擢桂林守在郡五年廉慎之操愷悌之政終始如一以年踰七十致其政而歸景泰三年終于家享年八十有四

趙毅

趙毅字弘汝陽人尚書好德子也博雅多才凡六經子史天文曆數等書無不精讀善屬文工草書頗有晉人風度隱于鶴莊與處士張一中金子齡時相過從忘情勢利永樂初徵爲工科給事中歷工部左

侍郎

工

河南

侍郎 太宗嘗召與語隨問進規多見采納一日

上召侍奕時盛暑亭午流汗浹背卽以手中扇賜之無何以內報歸起復原官兼詹事府少詹事上欲作木牛流馬問羣臣無應者毅獨得其法就便殿製之能行數步 上曰昔武侯因蜀道之難作今四海一統舟車之便安用此爲並其法納于內府八年奉使交趾卒于途

尚灝

尚灝字景福羅山人中正統己未進士初授行人擢南臺御史合掌院御史周給貪污不法灝借諸御

與之察等合疏劾奏銓下詔獄銓亦奏辯諸御史俱被逮會銓違病卒視得請雲南驛丞量移豐城知縣爲邑豪誣繫憲獄處士吳與弼以詩解之視用是名重海宇

汪宏

汪宏字士容汝陽人天資明敏書過目輒成誦登正統壬戌進士拜監察御史彈劾務存大體不矯激以沽直會 景皇帝命監京畿兵馬保障山東紀律嚴明虜不敢逼陞山西僉事陝西副使致仕歸闔門養重時論高之

楊威

楊威字冲儀汝陽人父璽洪武間爲歸安令有善政威生而穎異日記千言領景泰庚午鄉薦授霸州訓導抵掌談世務切抱隱憂天順初陳十事多見采納明年又上疏劾本州官寮貪庸盜賊縱橫不能制遣禍將來當必不小侃侃千百言不報後數十年大盜劉六等果起霸用卒如所慮四年遷武鄉教諭五年復上疏陳五事其一論軍政謂徒戍狄于內地于計非是亦未報雖當路嫌其抗直而識者避之九年遷永平教授不赴歸年七十卒子元方榆次知縣孫世

祥嘉靖丙戌進士祁門知縣

徐廷璋

徐廷璋字公器羅山人性豪邁有才畧登景泰辛未進士拜刑科給事中時錦衣指揮門達有寵橫恣羅織卽大學士李賢幾不能免于虎口事敗上命廷臣會鞫廷臣風畏達無敢言者廷璋忿然叱校士刑之達乃伏辜由是直聲震于中外累陞都御史巡撫寧夏寧夏故無邊牆套虜數入廷璋始修築塹山湮谷長數百里迄今以爲保障

李嵩

李嵩字文明汝陽人父縉吉安府通判以故得從楊文貞公游博極群書領景泰癸酉鄉薦除辰州同知城麻陽黔陽兩縣民不知擾洞苗以爭田相讐殺嵩單騎詣洞片言解之苗夷讐服競奉金寶爲壽悉却不受九年秋苗民夷文奏復留三年擢鎮遠知府嘗行部過虎正色端坐了無畏怖虎乃去無何以致仕歸經女兒潤風濤暴起舟且覆嵩仰天祝曰嵩居官不敢欺天國人如有之天覆吾所須更風止抵家發篋推圖書數卷日以自娛雖宦窮不充怡如也所居舍環太守欲爲修葺嵩不聽年八十卒于舉鄆州知

州

胡智

胡智字尚明光山人成化丙戌進士歷戶科給事中數上封事彈劾時宰念其親老一旦乞歸既登途忽聞父喪一痛幾絕匍匐抵家而母亦卒智哀毀骨立幾不能生服闋或勸之官智曰吾親既歿更出何爲乃扁其堂曰知足自號雲山道人築精舍于城南百里之外白沙開竟日掩扉靜坐玩易如此者二十有八年丁巳元旦禮拜天地畢公服端坐而逝日通籍以來凡俸金貲餘悉以贍宗黨之貧者不私尺寸以遺子孫其忠孝大節恬退高風真有超乎流俗者矣

熊翀

熊翀字騰霄號止庵光州人少齡業南壇從遊者十人許忽夕覩一絕色女立松樹上衆皆錯愕走翀畧不爲意女減焉遂以刀刮樹皮大書曰作怪風雷折成形各第分夜半雷劈之至今人猶能道其事登弘治己丑進士授武進令濯夷弊突無毛髮熟業稱循吏擢爲山西道御史按陝西武臣橫強發莫甚者如指揮王等章章之法按江西蕩夷凶惡不少假借貪墨望風而去而擇死刑之寃者爲多劾奏南畿以考

最陞山西憲副且 詔以天下官員都照依熊翀其
受知于 朝廷如此分巡冀北道擒白蓮會謀不軌
者萬衆惟戮其首妖王良章而脇從者免陞按察使
正德庚戌督工張秋陞都察院僉都御史多茂烈又
被欽賞無何陞副都御史節鎮陝西均徭額興錢法
刺奸植良紀綱振肅入過衣冠貢氣上臺命攝之得
古玉璽一顆文有受命于天既許永昌八字納之上
是年以工部右侍郎召無擇者不泣下而選留者行
間改兵部侍郎立朝抗顏多建白時大司馬馬文貞
公名談然而侍郎有左熊右熊京輦有兩熊矣一馬
天下太平之謠 孝廟呼熊翀子而不名一日奏事
鼻帶液 上曰鼻液乃膝寒耳命以官繡護膝賜之
滿期加正三品服色俸廩一子入監年七十擢南戶
部尚書遇兩宮慶禮成得特進階資政大夫正治卿
上柱國時七十有二矣巧休詔許馳驛歸累官要樞
家居絕無祕玩但藏古書千卷所製奏疏與詩文有
止菴集行于世

李 嵩

李嵩字廷儀確山人成化己丑進士授南京刑科給
事中正色立朝風猷特著時中書竊柄中外觀瞻驚

抗疏奏彈竟爲所構謫州泰州量移上海令廬州通
判任真推分曾無幾微見于顏面以內艱歸遂用懸
車廳事僅容旋馬夫人猶然布衣清風凜節當于古
人中求之矣

胡 瀛

胡瀛字孟登羅山人成化乙未進士授餘姚令明敏
廉介有應變才適日本夷來朝所過騷然瀛預市瓦
器實以魚菜餅糗至即給之夷得飽殊驩皆踴躍去
歲饑悉發廩以賑猶弗給乃節量溫飽令饑民備食
富家多所全活仍奏免田租之半時監儲督折銀甚
急瀛罷弗徵坐罰俸又弗徵明年秋成始下令徵折
銀民皆競入曰勿復累我矣也有爭燭湖水利者瀛
年不決至操刀相向瀛爲分水均其灌漑遂解居數
年以憂去服闋改武進尋擢南京戶部主事員外郎
以忤權貴謫興國同知遷浙江僉事自度與時不合
遂致仕歸于止進士官御史能世其家聲云

高 鑑

高鑑字克明信陽人第進士爲武選司主事崇王既
之國汝寧請置守備大司馬謂信陽已置守備難其
事鑑曰是無難也卽移信陽于汝寧俾兩備之便遂

著爲令尋以事忤中貴人遠謫鎮遠通判迺洞夷相
警殺督府敵鑑往輯之不服鑑乃夜徙居他山供帳
如故遲明則臥榻已推碎矣鑑從容束帶出帳中議
事羣夷望而神之皆叩首伏還鎮江同知夔州知府
甫一載致仕歸鑑體貌脩偉才器磊落善談辯曉音
律詩書圖畫自成一家云

閭倫字天敘息縣人弱冠舉于鄉父歿哀毀骨立及
墓遂築室于塋側居之晨夕悲號哀底行路登成化
戊戌進士歷官禮部郎中清慎端敏以疾乞歸加叅
議服色累徵不起卒祀鄉賢祠

曹鳳字鳴岐新蔡縣人生之先日母自外歸見火光如車輪當其前明日鳳生生而靈異書過目輒成誦成化十七年登進士爲祁門令九年擢監察御史當弘治改元之初鳳特風裁崇論正義多所嘉納偶奏事失儀鴻臚糾舉上特有之謂左右曰此曹御史也好官當畧其細過五年巡按江北劾罷大吏貪墨望風解綬以抗直不容出守蘇州蘇富饒甲天下俗尚奢靡爲定婚喪禮不得過制一切務從儉素法在

必行富時各郡莫不推先蘇州者陞山西左叅政湖廣右布政權都察院副都御史巡撫延綏正德初召還京師逆瑾方用事賄賂公行諸部院見者多長跪稽首鳳故不見及見又長揖不拜一無所贈送瑾不喜乃問曰都御史知回院故耶鳳曰聖恩也瑾曰何以報稱鳳曰振肅紀綱激揚淑慝耳時瑾嚴勘天下錢穀以中傷不附已者勘官希瑾意言延綏布糧池爛過緣主者鳳適丁外艱所司奏鳳當守制瑾乃罷其官聽勘竟誣鳳償布五百疋果于石鳳鬻產完報瑾怒猶未解也鳳積忿一日無疾端坐而逝明年

程文字載道確山人少聰穎異常兒未冠舉于鄉登
成化辛丑進士授舒城令民詠歌之擢南臺御史累
遷太僕寺卿南京右過政使屢疏劾逆瑾皆留中不
報歷仕三朝以忠謹著稱居憂時兩臺以河夫積剩
千金爲贖文毫無所取盡留民間且輸粟捐金賑歲
之荒其高義如此

張文佐字良弼西平人成化日辰進士累官山東參政父淵患疾顧天所代疾遂愈後天年終徒號哀號既絕復甦及葬身自肩輿而行遂廬墓側負土築坎高數尋手植松栢千餘株哀勞過度忽感疾夜夢異人賜以藥方醒合服之即愈後居母喪亦廬墓三年奉左產靈芝二本色亦如鶴冠事 聞旌表其門

李遜學

李遜學字希賢別號悔齋上蔡人自幼聰穎嗜讀書成化丁酉中河南鄉試丁未舉進士改翰林院庶吉士弘治己酉授檢討充經筵官丙辰陞浙江按察司

五朝八才子

卷之二

一三

可朝也

會事督理學政教人因材造就每試封卷置號手定甲乙預決中式名列後悉如其言私請一無所售時皆服其識鑒未幾以憂去諸生送之水許多泣下者辛酉服闋改陝西提學遷副使甲子丁內艱丁卯復提學山東戊辰召入爲太常少卿己巳以少卿兼翰林院侍講署詹事府事秋八月開經筵進講虞書一章詞懇音暢左右聽之聳然庚午陞戶部右侍郎是冬改禮部又明年轉左乙亥拜南京禮部尚書踰歲以齋聖壽表至留爲禮部尚書凡祀享朝會諸儀必考古據今行之雅講尤務持大體不爲文吏所牽制

屬吏有以節孝當旌門而子何少礙爲請曰此勵俗之具其亟行之無拘拘也用心之厚多此類丁丑夏五月命以尚書兼翰林院學士仍掌詹事府事上恩遇日隆前後屢賜玉帶蟒衣及文綺寶鑑諸物至是引疾乞歸甚力章凡九上輒蒙溫詔褒答聞命益知感激強起視事戊寅冬以疾卒於官

熊渠

熊渠字大節商城人成化丁未進士授南京戶部主事遷員外郎中優游郎署者十年屢筦錢穀毫無覲覲人服其廉出守臨洮地當夷夏河西諸鎮皆取辦

五朝八才子

卷之二

一四

可朝也

于此舉悉心經畫咸中機宜隱然若長城焉以疾請告歸卒于家

盧藝

盧藝字士能息縣人居家孝義五世同居成化中以里選歷都察院司務戶部員外郎時陝右大饑奉勅往賑區畫多方軍民數萬賴以全活陞太僕少卿未就卒于途賜祭塋祀鄉賢祠

劉紳

劉紳字大用汝陽人成化戊子鄉薦第一登弘治庚戌進士拜監察御史 孝宗嘗欲差緹騎逮繫郡守

紳疏諫止之出按京畿山東風采擬重群寮憚服每
治死獄必委曲求其生路至志癯食日吾以盡吾心
也遷山東按察副使釐奸剔弊不著風猷辛酉致仕
卒于家

何景明

何景明字仲默號大復山人信陽人也生有異質穎
敏殊絕八歲時即能賦詩爲文章年十二以父仕臨
洮驛丞乃隨侍臨洮中李紀者聞其奇召置門下甚
愛幸之爲延師授春秋居頃之即善說春秋年十五
魁河南省試諸王公大人爭迎致一見候事常數十
本集卷之九十一

卷九十一

五

河南九

乘所遇戰者如堵既入京師遊太學祭酒林公又甚
愛幸之年十九登弘治壬戌進士授中書舍人是
北地李獻吉武功康德涵劇杜王敬夫歷下邊廷實
皆好古文詞景明與獻吉又駿發齊名憂憤時事尚
節義而鄙榮利並有國士之風其文類國策史記詩
類漢魏盛唐于是明興詩文足起千載之衰而學士
家稱曰何李屹然爲一代山斗云在中書時自館閣
諸籍紳與四方學士人人願見車馬填門巷不絕而
景明德性醇明言儀雅雅栖酒談笑間詩文立就作
字復秀拔奇勁迥出常格一時聲傾都下顧高潔不

妄交游錢寧欲與交驛間持古書求題景明日此各
書無汗吾題留一年終不與題是時寧賜宗姓其寵
貴弄權景明顧奴視遠之會乾清宮災應詔言便事
乃極言邊軍番僧義子數事義子者斤錢寧也疏留
中不出師御史客死京師權倖廖鵬者購之棺爾可
結綰紳謹也景明日御史生不苟受奚爲受汙地下
邪乃約所知共購金飲之竟却其棺後督學關中會
鵬弟鸞鎮守關中恃勢益橫諸參隨者遇二司不下
馬乃執參隨者捷于市責數之諸參隨始人人欲避
矣先是逆瑾捷吏部權則移書許太宰引正大義獻
本集卷之九十二

卷九十二

十六

河南九

吉與美御史詰奏又移書楊太宰直獻吉獄少師李
西涯疏上乞休會有兵事又援古大臣義爲書諫之
三書皆非身事而抗言尊顯語涉時忌議者謂憂國
憐才古人莫加也顧獨以不能干謁守中書十年不
調官然志在經術世務終不言功名事說五經義與
諸家訓話多殊方欲刪繁折衷成一家言顧三十九
而卒志業竟不及就景明使滇南不持滇南一物臨
卒時餘三十金篋中耳所著何子十二篇詩歌千餘
首書疏騷賦序記銘贊雜文數百篇盛傳當世

李 排

李維宇廷章固始人弘治乙丑進士爲戶部郎司僉
蒞鎮迨武廟南巡度支浩繁維悉心經畫事集而
民不擾又推其餘以贖貧士之婚喪不能舉者過士
懷之歷江西按察副使儲直宿薦其才堪巡撫後
果進都察院副都御史總理河道所至有治聲家居
好行其德遠邇慕義繼母年老養明事之如嫡前輩
風猷大著若此

林時

林時字慈易號介立山人正德庚午舉河南鄉試第
二丁丑舉進士爲翰林庶吉士己卯授檢討尋以內
閣學士分命

卷九二

一

李

艱歸壬午起復會修武廟實錄爲纂修官乙酉實
錄成進編修爲經筵官丁亥擢國子監司業辛卯改
南京通政使司右叅議甲午擢右通政乙未改提督
膳黃會繼母喪歸遂卒壽四十有五時切奇疑類悟
絕人六七齡讀書一目成誦大父卒值家中置時甫
九齡或日一食或竟日不食讀書不輟名翹然起後
爲舉人則有郡守舉公昭聞周之畢重其學每夕必
輟輿造訪所居不容輿必踵就爲輿論古今常變經
史信疑及在館務學益勤劬每讀苦夜半爲文深思
不苟會議大體忤旨與同官俱逮獄杖二十病踰月

乃問武廟實錄且所著述立世宗等二事考以

事或云由中或曰由內閣誅賊形或云由張永或云

由楊廷和疑信之間漫然無據竊意廷和以忤旨罷

歸及生罪廢今上方綜覈名實書進二事必首登

乙覽惡將以承真有功廷和真有罪不待左右汲引

排擠而君子小人進退之機決矣童公以白之總裁

鵠湖公可之書進天子由是傾心任宰輔而宣

寺之權輕矣爲司業立十二命選博士堂官文行優

者六人分領之月終稽核親爲改正諸生中有悍情

久不至者一切繩以法曰朝廷法非吾意也異日有

持當路之親面抗者曰吾以司業治監生非治當路

也爾何抗痛責之已而閣老有遣祭文廟者作詩得

御和遂立石于廟時曰不可文廟具瞻之地一物不

可損益况有聖製可輕舉耶事遂寢及孔子祀典成

有欲上表稱謝者時曰吾既不能正又從而謝之人

其謂何事又寢亡何慎選師儒之議起上疏請休

上下吏部覆奏得留京別用之命已乃改陞南京國

子監祭酒在南公事殊簡升堂後寂如也暇則取諸

經傳閱之作文賦詩亡虛日嘗有介立子未嘗會憂

歸焚焉初奔喪急途中積熱十月疾作謂于宏等曰
吾所爲爾曹極知之能勉于爲善吾死亡恨矣天下
事平生儘有志卒不能一爲命也當復奈何越十二
日遂卒是日大風霍汝人聞者皆曰泰山頽矣至有
憤惋泣下者

王相

王相字夢弼光山縣人辛酉中鄉試正德戊辰登進
士初授推之沐陽令沐陽邑僻民貧公裕無夙積會
歲且大饑民日流移百方求所以濟荒者因請官錢
數千緡賑之躬親計口面給焉全活甚衆逆瑾用事

嘗受賈鹽引及沐陽相乃白之當道謂舟楫不通百

家之產未足以當千引之費後竟事寢時山東盜起

近達騷然乃築城廓浚池隄練民兵由是盜相戒莫

敢入境者比畧行沐民老弱泣隨者相望未幾拜山

西道監察御史獨持風裁門無私謁及領湖湘清戎
之命乃更飭法令定立條格使官吏有所誥一用是
軍政肅清奸猾屏迹嗣後奉勅勘城池驗軍器凡湖
山險地道所出沒者悉令脩築以爲捍衛斬府往嘗
作看花樓于城隅至侵及池隄爲魚沼相一切按之
以法始還其舊民小惠休狐鼠者必懲之不少假

謂補九

借時過將多羅織平民指爲奸細以冒功者無慮三
百人相知其冤將奏聞于朝邊將懼乃賂權勢冀獄
成以掩其詐且遣人恐嚇之而屹不爲動尋出按山
東風承祝普益倍先是臨清地衝要設鎮守太監一
又各倉塲設至五六有司供費動以萬計軍民病之
相積臨初卽會議以間辭甚懇切而又榜之衛市以
示禁約由是有司不敢過于奉承無賴不取恣于無
忌而不便者羣起而謀中傷之矣後果被逮補判高
郵州東人號泣遮留者無異沐陽也方從容就道病
作未幾卒年僅四十有九相孝友天植睦族周筑居
官垂廿年未嘗爲自私計不經之事未嘗一出諸口
有奏議詩稿若干卷藏于家 世宗卽位贈光祿寺
少卿諭祭一壇有司奉其主從祀賢祠

許達

許達字汝登河南固始人正德戊辰進士任至江西
按察副使宸濠之變不屈被害贈刑部尚書諡忠節
長身口口夜宵燕頤沉靜有謀略初爲樂陵令期月
令行境內辛未春朝賊劉七齊彥明颺起圻甸焚屠
城邑殺戮長吏達先築城浚隄食富差工越月而成
文使民各起牆屋高過其廬仍開墻竇如圭才可容

人家令一壯者執刀伺于實內其餘人皆入隊伍不
曰守吾令視吾旗鼓違者有軍法首功者上賞又設
伏巷中洞開城門未幾賊果至旗舉伏發賊火無所
施兵無所加盡擒斬之自是賊不敢近樂陵城撫院
交薦其才超陞山東按察僉事兵備于武定州是時
劉齊二寇猖獗自陝以東橫行而武定城地陞夷不
格牛馬以欲奔去力定之王申五月到七楊寡婦以
千騎犯利津追至高苑縣斬首四十有八未幾賊以
百騎劫德平復退賊于楊二莊一鼓盡勦平之自是
賊南奔狼山颶風敗舟乃滅尋陞江西按察司副使
是時寧藩宸濠陰謀不軌下結姚源華林諸賊據有
其財上賂要龍鉅權諸門陰附其勢睥睨神器四海
共聞而不敢言達言千巡撫諸人欲剪盜以孤其勢
諸公皆固拒之踰年宸濠滋橫迫屬撫鎮保薦賢孝
進跡已露臺諫論劾詔差官往問且宣諭焉宸濠惶
懼乃以六月十三日諸司進慶誕辰因大享之明日
入謝宸濠遂颺言曰太后有旨召我如何孫公曰
願出旨以示又特問曰許副使如何曰天無二日國
無二王副使惟有赤心耳宸濠怒曰我不能殺汝邪
曰汝能殺我天子豈能殺汝特先後聞耳遂令僧人

本朝人金鑑卷之九十二

三二

陳朝

執達暨孫公以出顧謂孫公曰達嚙普之言正爲有
今耳達嘗與孫某先發後聞也遂遇害于惠民門
外時盛暑尸不臭輓輶不近數日客顏猶如生達父
方家居聞江西有變殺一都御史一副使便爲位易
服而哭人怪問之曰此必吾兒也吾兒素志如是故
知之

蔡翠

蔡翠字羽秀固始人徙家光州正德丁卯舉于鄉授
高苑令端介不阿政崇節愛毫無所取于民境內河
溢爲害築堤捍禦迄今垂百餘年人猶思之曰蔡公
堤興上官一言不合遂賦歸來卜居潢水之西蕭然
獨處與世無預自號樂丘先生鄉人重其高潔

馬鏞

馬鏞字君卿信陽人正德三年進士授固安知縣縣
當南北衝劇號難治鏞嫻習政體周察人情廉明悌
信士民悅服踰年有異寇之亂巢破固安鏞被執寇
見臥內無長物乃賢而釋之獨縱其獄囚去囚曰我
輩罪宜死幸母竄以累吾慈父也復相率詣獄再陳
年徵并監察御史督理山東馬政以內艱歸免喪出
按江南嘉靖初遣使捕高唐州官屬連坐者五百餘

人中外大駭錄上疏極諫 上從之六年按山西妖

人李福達事覺錄捕抵法初福達以丹衛干武定疾

郭助助奇之相與頗密及被繫助乃移書請貴錄大

怒勅助庇姦亂法助惶惧人辯 上疑以屬三法司

于是刑部尚書顏熙壽等會鞠俱如錄擬而給事中

王科等御史高世魁等二十五人各又奏論助先後

十餘疏 上以人言衆愈疑而左右又有爲助言者

乃令福達并勘官俱至午門以兵部左侍郎張璠署

都察院禮部右侍郎桂萼署刑部少詹事方獻夫會

審璠等鍛鍊傳會盡改原擬錄與都御史李璋等坐

故入俱謫戍工科等坐挾私彈劾俱編氓福達釋歸

勅置不問羣論首爲之不平

孔 輔

孔輔初名孟富字道充汝陽人幼以神童稱登正德

戊辰進士授中書舍人選刑部員外郎鞫刑明允

上覽其疏賜名輔蓋以公輔期之也己卯 將南

巡輔偕同舍郎孫鳳等伏闕諫被杖幾死尋出爲松

江守丁內艱復補辰州 世宗改元大褒諫臣得進

俸一級又以外艱歸起補廣南便道抵里卒輔天資

穎異積書至萬餘卷過目輒不忘所著詩文甚富而

子姓零落不少概見人共悲之

朱 紀

朱紀字維憲固始人天性孝友父本患中結用管以

口吹無難色嘗夜失牛家人逐盜已獲乃舊識者縱

之不問以子冠責封御史正德七年霸寇至紀于蔣

家埤結義兵拒之斬賊黨七人賊怒四面環攻力疲

遇害事 聞贈光祿寺少卿

郭五常

郭五常字大經西平人正德辛未進士授大理寺評

事 武帝南幸上書切諫罰貶門五日杖之八十謫

遙政司知事嘉靖初復原職恤刑陝西多所平反陞

萊州知府廉介自持萊人繪祀楊震祠中起補鄆陽

郎人爲立甘棠碑累陞山西行太僕寺卿調停馬政

屢奏遣功欽賞有鑑金文綺之賜以入覲卒于京邸

飲量兼人與客縱飲松林之下客皆僚倒乃呼松爲

伴一松一竿飲可八斗人謂風流無減晉人云

楊來鳳

楊來鳳字從儀汝陽人正德甲戌進士授會稽縣令

以政最擢山西道監察御史時 上將南巡來鳳同

諸御史疏諫 上怒杖于闕下幾危出按陝西事未

發以病告歸杜門養重尺牘不入公門表乏羅綺行不與馬猶然一寒士也清風高節汝陽人至今仰之

桂祥

桂祥字子和汝陽人勿而孤奉貞母之訓讀書攻苦閭閻寒暑正德丙子領鄉薦授慶陽推官因母不習北地苦寒疏請改教不報居官廉直數有平反嘗雪史揮使之獄揮使懷千金爲壽祥力却之還泗州守有惠政以皇陵功階四品尋擢工部員外郎欲得當以報國顧太夫人春秋高矣遂乞終養奉母歸無何太夫人卒祥哀毀泣血頭鬚爲白竟成疾不起生

本朝分省人物考

卷九二

三五

河南汝陽

平嫻于詩文所著有北地泗上諸稿行于世

馬敷

馬敷字子抑上蔡人長軀劍眉豪宕不羈然有忠孝大節登正德辛巳進士需次銓曹念母孀居卽上疏乞終養未許授兵部主事改南臺御史敷上危言以定國是有吏部尚書王瓊者正德時節制三邊邀功喜事肅皇龍飛業加譴責斥逐之矣無何寅緣復起敷率諸道御史疏諫數瓊大罪者十乞罷黜以謝天下上怒令健司逮敷等至闕下杖問諸御史有死者數始終無言中外服其壯烈請刊與國州

遂蘇州太守辭故朝郡邑繁于獄訟駁雄才敏於處之裕如暇則與學士大夫登虎丘泛太湖杯酒嘯咏悠味遠致遂起新亭之嘆兼有所隔一旦解印綬歸日從朋舊爲泉石游不復問人間事所著有著臺集行于世

蔡光

蔡光字汝謙本饒州人其大父斌天順間司訓光山因家焉光生而穎異十三齡從其父與王文成公論良知力行不合從翁曰能行詎非知也文成驚嘆嘉靖己酉舉子鄉授江華令禁溺女毀淫祠禱泉泉湧禱虎虎伏政聲爲諸邑冠壬申兩臺疏薦卓異加州守街調寧遠寧饒十倍華而光躬行節儉三月而寧治屬人覲上安邊四事疏乞終養不報俄以鰥歸服除擢兗州郡丞尋調臨洮遂乞身歸歸而布袍杖屨深居簡出惟與諸子弟及同志講學不輟其學以靜而入以敬而存開來繼往無愧西山文肅之裔一日疾作衣冠拜家廟朗吟含笑而逝邑人爲立默齋光生祠所著有光山志寧遠志中典頌諸書後以千翰林院檢討毅中貴贈奉政大夫

本朝分省人物考卷之九十二

人物考卷之九十三目錄

河南汝寧府

劉可

雷雯

黃煒

熊榮

王誥

喻時

張景

張守約

劉訓

胡賓

劉繪

曹亨

張社

劉大實

劉容

尚維持

張四知

陳耀文

張九一

官思恕

趙賢

廖逢節

張庸

何洛文

孟洋

李孟楨

劉鵬

陳璋

劉修已

劉光國

王祖嫡

孫克

劉黃裳

汪治

胡孟清

黃杰

補遺

達志

汪清

張奎

朱冠附朱楷

本朝京省人物考卷之九十三

河南汝寧府二

劉可

劉可字以中羅山人正德辛巳進士授南京主事歷員外郎中擢鎮江知府鎮江故有織造例呈樣段于府可盡革之往直指按部守以下皆庭調長跼可預約諸郡守毋聽及見諸郡守復跼可獨坐直指心忌可然陽浮慕之尋陞九江兵憲歷山西布政所在有治績竟以忤權貴乘大計罷歸雖居官二品環堵蕭然其操履端介如此

本朝分省人物考卷九十三

雷雯

雷雯上蔡人舉進士授行人擢戶科給事中霸寇起奉勅紀功奏總兵不法免撫臣竄吳丰采凜然乾清官災應詔陳言十四事指斥乘輿皆人所不敢言者武廟惡其疏直留中不下以疾請告卒于家呂涇野嘗云雷給諫在國國重在野野重孫大壯爲祠部郎著有上蔡縣志

黃綰

黃綰字公綬息縣人進士授刑部主事正德十四年上將南幸綰同衆伏闕叩諫廷杖三十罰歸門五

日得不死還本部郎中恤刑江西多所全活日執法嚴獄忤權貴人出守紹興竟被逮紹人感其惠哭聲震野醵金錢爲贈綰遂受二錢至今清江有二錢太守之謠下詔獄卒諸薦紳爲棺殮以歸隆慶元年恩詔贈太常寺少卿命有司立祠春秋祀之

熊榮

熊榮字以仁光山人初授行人正德十四年上將南幸衆情洶洶榮與郎中陸偉等各疏諫留杖謫國子監學錄尋擢御史出按山東平礦賊之亂復按雲南協征岑猛功業赫然累官至叅政卒祀鄉賢祠

本朝分省人物考卷九十三

王誥

王誥字公遇西平人嘉靖癸未進士授行人遷戶部員外郎郎中屬太同兵變擢廷臣有文武才者出守誥既受命遂單車就道計擒首亂兩人餘悉相機撫定邊鎮以安紀功者疏其勞詔陞一子汝寧所世襲百戶陞陝西副使整飭鄜州尋權倉都御史巡撫甘肅練士馬增城堡爲綱繆計虜一入犯率兵擒斬首功百九十餘受白金文綺之賜累遷都察院右都御史總督漕運兼撫淮南地方時值倭夷猖獗內外戒嚴隨疏請旗牌節制兵馬諸將用命江淮以寧

提聞 上復賜金幣獎勞倚任方殷忽感疾卒 上
震悼賜祭葬如禮所著有河西稿淮南奏議東隅集
等書藏于家

喻時

喻時字中甫號吳皋河南光山人也以嘉靖癸未成
進士首拜吳江令吳江巖邑戶口財果甲天下吏緣
是得乾沒爲姦隱賦賄出入若萑苻然比至則嚴拘
校具得其狀始爲潔法提衡之秋夏稅以限上毋事
敵朴應以時至毋待號召鄉小民間有關閭片語立
決大者笞十餘斥遣之各自輸服諸司下訊牒及它

入有八行八分

喻時

利害關白鋪一大櫃中手自封發吏亡間不得事也
即不敢望得一顰笑以少見指而鄉小民亦不復知
有吏亦不爲操切假惠文彈壓間有時時有所効治
皆取大猾尤者吏及大猾揣揣三足而立然竟任
公敗墨吏既御史行部吳江亦不問吏及大猾以爲
無事再訊令代我治之矣大江而南四郡一州十五
邑公論遠近稱喻青天竟用治行第一徵拜御史前
是太保王肅敏公廷相見其文而善之意不欲以外
補時對曰必不我欺也誰當外者王公奇其言而疑其
未鍊後乃心服御史屬僚欲求貢或謂屬後給我

且事體大勿許假類臣如爾也虜以虛約我而我遂
絕之是授彼名也虜以實輸我而我遂拒之是割彼
心也夫不爲彼先不爲彼後內固吾守而外探其幾
此在一才邊吏任耳又條備虜十四事上之咸報聞
相嚴者初得幸上有墨聲抗疏論列謂其人險而狹
久之且亂天下業已上即素服候訊北闕 上心動
于時之言而難去嚴因弗究遂出視釐政河東屬歲
旱蔣雨旱弗利民而當饒得釐或強毋蔣曰不可利
國等耳吾不忍以吾職易吾民竟禱之雨立澍應歲
大稔而釐額亦不虧相嚴日益責用事乃移疾歸會
其母李老病卒毀瘠踰禮服除徬徨久之相嚴頗忌
以中州名士行能高未有以中而部檄強起出按蜀
亦自勵有風稜汚吏望風解印綬去蜀以大治還長
其道事尋遷應天丞轉太僕俄以右僉都御史督西
輔六郡日夜拊循其吏民練兵實邊將掘陰虜入
犯距浮圖峪十里視我師整而和遠巡引去亡何改
督操江自南臺數上疏陳便宜計擒大盜汪然朱良
弼等進右副都御史督漕運時故嘗爲令屬江南運
爲四議以請其大指約束長賦者毋私允留減存料
銀添給巡卒行糧改徵腳直詔可仍著舊令益精勤

喻時

於職爬搔垢弊殆盡積羨餘金萬計入之朝時人爲謠曰鑿鑿鼓下長淮真若翁青天來俄用言官薦進督陝西三邊軍務至則獎率將士出邊酋首虜百餘馬駝牛羊稱是虜吉能貧免台吉入寇合三鎮兵破之獲首虜五百餘又以延綏兵揭虜獲百餘級三上捷奏白金文綺進食二品俸久之拜兵部右侍郎協理戎政應詔上八事所陳嚴補替禁奸詭定編派於兵政尤切虜入寇京城時佐大帥鎮遠戍營於郭虜不敢越而南手詒慰勞賜玉食法酒尋出爲南兵部時大司馬病在告而時攝武選軍政進其屬矢

張景

張景字光啓汝陽人嘉靖癸未進士兩宰劇邑俱有善政權監察御史出按陝西疏陳邊務十事並薦涇野呂先生于朝繼按蘇松浙江建天真書院祀陽

明先生仍買田數百畝以給肄業諸士丰采凝重揚得體至今臺中用爲典刑丁酉巡視京營謝絕請託遂與幾世番相左假年例出爲漢中副使尋罷歸卒祀鄉賢祠所著有泰華集六卷于孟容以鄉薦爲岳州同知致仕端廉恬退稱其家兄云

張守約

張守約字伯操確山人嘉靖丙戌進士授中書舍人歷兵科都給事中請罷鎮守閩人出閩延寧兵馬諸疏卓識宏議中外題之已亥尾從聖駕南巡行在數有論奏搏擊權豪無所迴避遂爲郭勛譴歸年未四十而終終且無後母論議與不識威痛惜焉

劉訓

劉訓字子伊汝陽人嘉靖壬辰進士授西安推官持廉秉公人不敢于私以憂歸起補溫縣有權豪貴人子怙勢恣睢從惡少數十輩橫行州里漁色罔利欲奪其友人妻不得乃毒殺友人事發到郡太守莫敢問遂托病推印務于訓訓慨然領受故以好延貴人子于廳杯酒笑談密勸閹人閉門呼訟者至與之對理獄既具卽杖殺貴人子置羣惡少于法一郡快焉權貴人大以爲恨然陽浮慕之屬主爵陞爲戶部主

事訓知其微卽挂冠歸隱于東村日共素心人話桑
麻事時跨一蹇游壠上角巾布袍儵然物外如此者
三十年

胡賓

胡賓字汝觀光州人生而穎異習年已能屬文年十
三選克儒學弟子貢卽有聲領嘉靖辛卯鄉薦錄其
文以式多士會母疾不欲上春官父強之再不得已
行會試中式稱疾亟歸母夫人尊愈乙未廷試戊戌
授行人奉詔大名開封諸處開讀已亥營募建安
王庚子拜兵科給事中疏論兵馬國之大事而顧令

本朝分省人物考

卷九十二

七

河南

之作役諸監工官利其通達虐使之誅求日急軍政
日壞京師馬駟習爲姦利賄通太僕諸局以民所依
馬更相販鬻馬以大耗辛丑虜大掠山西廷推大臣
有武備者一人往經略之時被推三人各有難色賓
草疏率諸同列論其臨事避難不忠狀詔罷遣有差
廷中標標推重尋議畿輔保障全恃太行而真順懷
諸郡枕太行不可無備宜責諸路撫臣豫爲隄防兼
勅戶部宿軍餉咸切機務是歲畿內大饑累餉費率
死者多疏請和糴得發粟十數萬全活甚衆壬寅聞
父病卽上疏陳情赴斬水父捐館財八日哀號幾仆

本朝分省人物考

卷九十三

八

河南

扶柩以歸喪事如禮甲辰服闋復受兵計給事中時
有作僞璽僞撰武臣貼黃者事覺詔遣賓治其事因
檢內外貼黃悉覆其弊端疏請遵舊章注專職置底
簿定揭毀四事積弊以祛人服其識丙午詔冊封
岷王僉遣一無所受考績轉吏科右給事中時都察
院副都御史關貞巡撫僉都御史某欲緣以入賓抗
章歷指其奸賊不可任上是其言丁未春考察山
東政使某時宰庇之尋推撫還東賓疏詆其罪詔
使時宰怒抵之罪左遷亳州判官比至毫躬敦儉外
師先僚索暇日與諸生發疑論難稽古考德旁邑聞
而來者雲集講下居歲餘得量移南京太僕寺丞庚
戌擢山西僉事會當防秋急諸繁時激勵將士督修
城堡嚴守備壬子冬聞母喪奔歸乙卯起除陝西僉
事兵備寧夏兼管糧儲先是糧不宿儲至失時翔貴
丙辰大饑軍告急賓爲稍增估直以致之期月致穀
十數萬解賀蘭山東故無城堡虜得恣出沒擾人病
耕賓按尋前人基堵嚴督傷功延表可數百里虜不
得馳民狎于野晉本省布政司叅議分守關南駐金
州去寧夏之日軍民環泣遮留至不得行金在萬山
中居民犷悍百務弛廢至則痛繩以法檢行縣應得

漢陰白河兩令不法狀按如法諸邑爾然數憚之民有楚打虎者生征紫陽山賊功不賞怨望調征倭不行悉械致其聚宣示威福敬以忠義威願咎自贖因各笞四十隨第行功賞趙因感泣奉惟謹盜爲屏息境內無事時誨諸生衍衍忘倦宛如判毫時丁巳春陞山西副使去金之日士民泣送而諸生中至有廬櫓追送四五百里外者夏五月取道過家七月遂疾卒貧爲人莊重立朝無所附麗在諫垣侃侃正論見憚同列閤門視草務在勿欺一日草勅布政某諤聲甚惡至陞廳事竟上之其搏擊不避禍患類若此居

六有八分金

卷之三

七

何南十

外藩務持惡體引大義不詭隨臺史意古故臺史不

劉繪

劉繪字子素光州人祖進官太僕寺少卿繪身長七尺倚岸豈頰目爛爛如巖下電喜讀左氏與縱橫家書擊劍號鞠挽六石弓蓋豪上也舉嘉靖辛卯鄉試

第一乙未成進士授行人選戶科給事中 九廟災疎陳洪範五行休咎勸 上深居法宮靜攝日久夏相與郭勛共傾王大同馬罷歸給疏劾夏十罪夏亦罷去轉刑科右給事中出守淪州至淪閩士得銅梁張肖甫奇之後竟以文章功業顯會播州永寧爭地相攻殺於軍車入赤水上草檄檄定兩臺疏薦爲循吏第一而貴溪復相賊其黨論劾即日南還製荷衣芒屨攜二三小僮放歌長途曾無幾微見于預面抵家問玄湖禪植松竹花卉與故老談笑舟中酒酣起舞或自度曲飄飄若神仙中人每與楊用修唐應德

六有八分金

卷之三

一

何南十

諸君詩筒往來無虛日嘗與康德涵何太華會于武功東沂作燕趙之音宮羽轉激風雨驟至輒掀髯長

曹亨

賦序記祿文二十卷行于世
曹亨字伯貞新蔡人都御史曹鳳孫也嘉靖乙未進士授刑部主事亨素諳法家語好吏無所措手亦未嘗一徇豪貴之請名稱藉甚出守兗州用嚴爲治奏課爲天下第一會有紅羅女者以妖術惑衆至數萬人謀爲不軌官兵莫敢攖其鋒亨提兵往勦乘風縱

火以萬弩射其後賊敗走至曹坡集誓曰坡者破也
公姓當之遂就擒擢荆南副使時遼庶人多不法然
憚亨不敢大橫遷浙江叅政以外艱歸服闋當起念
母老且病疏請終養日擇甘毳進母而夜則伺其呼
吸及卒哀毀踰禮丙寅起原官尋陞副都御史巡撫
真定適虜犯太原羽檄夜至亨即貫甲出鎮帥追及
挽其轡亨曰我雖老猶辯殺賊即馬革裹屍公能無
恙乎將吏咸奮懼破虜龍泉關下進兵部侍郎協理
戎政營伍一新 穆皇大閱賜飛魚服廢一子尋陞
南京工部尚書舊織造大璫歲冒水衡錢不貲亨奏
入焉入焉今今步 卷九二 一

張社

張社固始人嘉靖戊戌進士授戶部主事歷都察院
右僉都御史巡撫陝西時套虜方強數謀內犯社整
飭士馬密扼關隘虜竟不得志而去乃乘閒暇增脩
都城甕堦苑石不期月而告成高逾三丈濶可方軌

營舖樓堞無不畢具屹然金湯之險矣費金錢以千
萬計民不知擾適楚相當國有所私屬社抗節不阿
遂拂衣歸邑志稱其墨卿藻匠諸體兼工文準歐陽
詩宗大庾守郡籌邊似于晉陽持身約已似裴師德
蓋實錄也

劉大賓

劉大賓字子虎確山人嘉靖戊戌進士授高平令擢
吏部主事遷文選郎拔幽滯抑奔兢銓政一清趙文
華怙勢欲由銀臺拜少司馬大賓薄其爲人卒不以
分宜故私之尋遷太僕寺少卿綜覈馬政不遺餘力

大明分今今步

卷九二

十一

河南

奏劾趙愷等置之法諸廢漸起進順天尹戶部右侍
郎竟爲忌者所擠罷歸家居二十載不畜姬妾田產
所入悉以贍姻族及鄉里之貧者曰吾安忍獨富貴
爲也年七十二卒有司以 聞賜祭葬如例子潭成
嘉靖乙丑進士歷官工科給事中漸江右布政使有
治績

劉容

劉容字汝大汝寧羅山人也生而恬澹無所好成童
時動止一以禮授經于叔祖東東發解中州行誼爲
里人重而尤負人倫每撫容謂族中人曰

不但功業顯當以令德著惜吾不及見耳自是邑人稍稍奇之而容益輯晦嘗慕徐孺子非力不食之義習勞甘苦刻意向學家貧恒教授以養父母父母安之每舉筋歎吾食藜藿不知列鼎之爲美也嘉靖庚子舉於鄉上春官不第徙遊日衆青袍草履寒暑不易坦夷不校人望而親之嘗之館塾無賴子醉置

卷之二

卷之二

卷之二

卷之二

謝不已久而方解次日里人共責無賴子非人悔恨至欲自經友愛甚篤二弟宋官授室治生讓先廬與之而別初茅屋于其側里之閭閻者往往感化時諸邊缺馬大括郡縣不惜重價人競趨之容若不聞也者令鄧君雅相敬重又憐其貧密以詒之容謝曰我無馬鄉人共知今又有馬乎姻黨被誣乞居間容諭之曰吾人處世所恃者天道神明而已爾誠誣人即不直神亦直之奈何舍正路而鑽別竇令聞其言乃白誣者生平不喜女色友人疑其矯強飲外墅而先寢美姬于空室夜分各寢一所謂容好靜宜居此銷戶去而姬出竟危坐待旦天甚寒姬啼以衾與之終不一顧友人太息曰坐有魯男子而吾不知何云交厚哉遊南雍宿正陽主人婦少而新寡夜就容婉轉誘之故作暴疾狀呼僮篝燈煎藥味爽馳去僅爲

人言終不洩也已未父母相繼卒哀毀逾禮令陳君造廬謝論猶禮不慈不孝之文以示矧然汗下始有起色辛酉釋除欠感風木不起公車或曰不忍仕是也如夜臺未沾一命何又矧然汗下跨一寒驢去試復不利謁選判黃州抵家而妻宜人卒泣曰此與我同辛苦事父母者父母不及祿養而宜人亦以荆布從之吾何忍再娶且有牛衣鹿車之誓矣營葬畢車赴任黃號難治而判專催科通負至二十餘年務以至誠開諭不事鞭笞爭先輸納他郡糧不完及錢穀焚贖亦以委之立辦監兌新州縣吏悍卒相戒斂

卷之二

卷之二

卷之二

卷之二

戰容布袍蔬食不殊寒士人或風之笑曰惜福礪行吾自甘之不知其他也自是廉平之譽孚于上下薦刺旌牘莫可殫紀乙丑景王樞回京中貴人僕從橫甚兩臺以下凜凜恐獲譴容力任之中貴久素聞其名嚴諭其下無所擾撫臺徐公謂其屬曰吾儕嫉閹宦如仇畏之如虎每每激而取禍觀劉君事良愧矣居久之權同知府事監收船料夜泊蘆洲賊拔刀突至詢知爲容叩頭謝過仍衛送出境而崔符之警稍靖副推會臬者數黃人恐其去環訴兩臺竟從民情不遂也陸慶改元籍沒陶氏適當其事無一波

及守缺例入覲一篋自隨見者垂涕任既久操愈重而吏事益習漕院檄造運艘數十工竣而洲涸百人推挽屹然不動相視無計乃命通一小渠布以田間淤泥數人曳之利涉如川遂達江許癸酉擢南戶部貢外郎任黃十一年矣士女攀臥號哭之聲震于原野爲立生祠歲時伏臘若水旱疫癘禱必虛日抵白下未幾權闕武林公私稱便久之值滿考堅欲乞歸少司徒汪公曰知君志不可奪顧不爲二尊人地邪又豐然汗下貸千金行時銓曹二人一爲門生一爲舊部僚風以少需當有顯陟容不謝亦不辭而去又久之擢知滇之廣南貧旣不能行又疾作懇疏乞休得允致仕獨居索處一榻蕭然親知勸爲主饋計流涕曰老而再娶是曰昏悖即賢邪且有累如不賢敗德破家所不忍道吾即忘糟糠約可以四十年苦行頭陀萌還俗念哉俸入盡散親族至不能舉炊陋室湫隘不蔽風雨讀書課子泊如也每出仍布袍草履婦人小兒見其來亦斂衽起里有不善惟恐其知絕迹公府達官貴人避匿不見式廬造請亦不及公府事也壬午大慶覃恩進中憲大夫甲申五月痰疾大作猶手一編冥林頭誡諸子甘貧安命毋爲世井計

六月三日索湯飲訖就枕少憩卒時感暑顏色不變人咸異焉

尚維持

尚維持字國相羅山人嘉靖庚子領鄉薦第一明年登進士授廬州推官擢御史巡鹽河東修舉監政乎于常領仍推其羨全活饑民以萬計繼按蘇松當倭寇殘破之後爲畫長策建沿海五城勢若率然永絕倭患維持故高才能文章按部之眼時以課士遂陞陝西副使提督學校懸鑑持衡鐫錄無爽秦晉三吳豪俊出其門者嘗半天下

張四知

張四知字于畏河南汝陽人也舉嘉靖庚戌進士是歲禮部所籍奏士多海內文學之選號稱極盛而一時諸公聚闕下若維揚宗于相嶺南梁公實吳興徐子與豫章余德甫鄂州吳明卿西蜀張肖父輩並馳聲騷苑而諸公者更喜驚新調競單詞隻句之雄轉相引重爲名高少年爭附麗之四知日遊諸公間意獨不謂爲然敏以口語折諸公兩不肯相下乃四知愈益閉關下帷湛精極思自攻其所好久之出其所爲古文詞約能刻削浮豔直臻雅道繼繼然成一

家言諸公竟不能識也初郎比部尋詔駕部往時
符闕出干者如蚬一切拒絕卽大司馬有所縱舍爲
貴勢人地直待之不毫髮假貸以是貴勢人多銜之
居以何出爲四川按察僉事比至所部堂意修舉憲
體故示嚴重五馬大吏來關白事不長跽不起坐而
諸所懲汰尤峻賊墨望風憚於神君川東故有禹坊
合蜀撫公阿寵臣陸某意傲所司爲其遠祖宣公樹
綽楔制視禹坊特敵斥之曰宣公卽名臣功高神禹
耶亟縮之母玷累宣公爲也或以問撫公撫公大慚
患欲有所中而四知以母病業上書請急行矣明年
撫公念前恨不已竟劾罷其官既罷官居汝自傷坎
壈益與世疎一夕忽夢張平子語之曰吾宗之彥在
子矣寤而歎曰嗟乎天將畀余以窮愁著書耶堅銷
其戶戒門者毋通賓客日坐一室旁羅圖史惟以著
述自娛而已汝故南北都會士大夫喜務豪華每招
客或飲歌選舞以爲驩一切悉屏弗御自是汝人目
爲崖異罕與之往來乃自信較若刻畫終不肯少刑
以徇衆人也所著書有韻亭詩集若干卷雜文若干
卷中州考若干卷崇古韻證若干卷四書釋義若干
卷藏于家

陳耀文

陳耀文字晦伯確山人生而穎異日記千言目視數
行俱下鄉里號爲神童十二補邑庠生登嘉靖庚戌
進士授中書舍人官有餘閒得博極羣書自經史外
若丘索竹書山海經元命苞穆天子傳等類以及星
曆術數神官齊語無不該覽時有撰造或思不屬夜
輒夢一曳共相擬議益鬼神通之也陞工科給事中
感慨時事數上危言忤時相意謫魏縣丞尋移淮安
推官寧波蘇州遷南京戶部郎中淮安兵備副
使淮揚多盜其里中豪傑往往往稱通逃主耀
文悉擒治之民爲立德政碑尋陞陝西行太僕寺卿
耀文汝休遊不樂邊塞遂請告歸有指揮饋以造船
餘金千兩麾而却之抵家杜門日以著述爲事初不
問家人產卽干施在門猶高臥不起年八十二卒所
著有天中記正揚學林正學圖壹蘇經典稽疑花草
釋編諸書行於世

張九一

張九一字助甫新蔡人嘉靖癸丑進士授黃梅令以
治最推吏部驗封司主事是時李千鰭王元美吳明
卿諸君方結社談藝九一遊處其間睨睨一世會元

美父中丞公失分宜相驢捐下詔獄九一數過有問
生是出爲南尚寶卿再請廣平丞尋還湖廣會事駐
節岳陽 景王歸葬所過巨壻要挾以千萬計九一
給曰第行後當自辦延至斬黃將出境維舟以待九
一故令數百人舉火遠譟駭懼以爲盜也夜解纜
主還布政司參議以憂歸于洪河之濱構綠波樓積
書萬卷誦讀其中凡十年起補涼州陞副使兵備甘
州適虜王西牧駐兵青海謀且巨測乃用奇計制虜
使止歸視陳戶牖解白登圍如出一轍以功歷都察
院右僉都御史巡撫寧夏寧夏孤懸河外與虜爲隣
軍中敬驚乃斬賀蘭山赤木口諸隘修典武營清
堡諸壘擊刁斗自衛虜不敢犯數受白金文綺之資
會言者治江陵事註誤坐調歸歸而開大呂社與羣
少談詩或呼朋弼伯泛舟南塘雄飲家吟軒軒霞興
益吞雲夢者八九王元美以爲吾黨有三甫公其一
也卒年六十有六 上遣藩臣諭祭所著有綠波樓
集朔方奏議若干卷子體震頤萬曆戊子鄉薦能以
文學世其家

官思恕

官思恕字子仁光山人嘉靖乙卯舉于鄉官任俠走

馬燕山有封狼居胥意歸而母彭沒思恕哀毀幾絕
結廬墓旁有白鳥冬笋之祥居廬百家之言無不涉
以而尤喜讀易因而有悟遂絕意仕進南之楚與天
臺耿先生兄弟焦弱侯楊道南游數年還居天中山
房默坐研思至忘寢食一日遺友人書曰始吾從羣
書入茫乎莫得今從靜中討出端倪方信此心原與
天地萬物無兩道其在茲乎士人熙然宗之所居自
沙關山連兩省民俗頑梗乃結社其間講明正學發
揮 高皇帝聖諭六言聽者如堵必有四十八人
者鵷冠佩刀請見曰某等柴山盜魁也習聞先生之
教願自洗濯以歸聖化奈鼎鑊何言畢環拜而泣童
僕皆走避思恕從容謂曰律自首者免爾果洗心來
者乎無遺後悔歸試思之詰朝詣社如是有者三乃以
聞之邑邑聞之郡太守史公桂芳異其事召四十八
人者至如向語太守請于中丞御史待以不死益隆
哀已已聞事也明年兩臺疏薦思恕孝友 詔下徵
用會病卒

趙賢

趙賢字良弼汝陽人嘉靖丙辰進士授戶部郎庚申
臨清辛酉遼東兩差皆司錢穀風清弊絕可泣鬼神

壬戌擢順德守未任丁內艱歸乙丑起補荊州州判

有大浸賢席不暇緩身行村落間計口賑饑操舟渡

閭閻焉若慈母之於子也仍爲築隄障水流渠灌

田於是荆人始無水患而且享水利大盜楊勝德黃

中輩流劫地方賢單車詣壘責勝德以大義賊衆皆

叩首伏黃中等亦聞風降各待之不死地方以寧會

選庶人以罪廢武岡王署其府事謀危二孤賢械其

教人抵

皆 行第一丙寅加三品服俸戊辰陞湖廣

政仍守荊州荆州士民不啻家 而戶祝之公何

丁外艱歸壬申起補湖廣參政四月陞浙江按察使

七月陞僉都御史巡撫湖廣下車卽宣楚便宜條上

十事復疏救荒四事一一措諸實政暇則寒帷行部

問民疾苦顯揚節行益三年而楚國大治乙亥 召

曰協理院事歷副都御史巡撫山東吏部侍郎南京

吏部尚書鴻臚亮節所在有稱時江陵方果國最稱

知已然以公非以私也守荆撫楚嘗以三尺繩其親

戚侯從無少貸及其奪情罪言者又移書規諫而江

陵不聽遂以形迹自遠乃卒爲所波及海內借之後

于壽祖爲安慶守考績上章白狀 詔復原官准致

江萬曆丙午卒年七十有三公生平孝友厚德

真論重之

廖逢節

廖逢節字應時固始人嘉靖丙辰進士授戶部主事

癸亥陞郎中督儲永平悉除舊弊另創新規足

裕民聲猷大振遂守永平丙寅陞朔州副使以病請

告歸已已有虜警起補口北道內修外攘邊人倚爲

長城不聽遷去乃加叅政職銜仍管口北道事庚午

陞都察院右僉都御史巡撫甘肅甘肅卽漢酒泉張

掖地孤懸絕塞以番爲敵然虜敵掠番我不能庇

因與虜合且爲之鄉導逢節撫番禦虜恩威互施

閏五年邊人安堵嘗支白金文綺之賜乙亥改南京

太僕寺少卿是歲十二月聞憂歸屢薦不起晚節好

佛遂爲有髮頭陀樂精舍于城外鐵佛寺與僧明玄

等結社談禪恍若有悟丙戌歲忽無疾而終

張庸

張庸字子登光山人嘉靖己未進士授揚州推官坦

夷而介有定遠令致餼匿金於額庸曰余性不喜飲

可將去然竟不以是語人也擢刑部主事恤獄江西

多所平反得疑獄百八十八人疏請矜釋大豪吳姓者

欲以賄脫介千金抵其里趙趙未投已聞其生平行誼遂夜遁去里人爲之語曰定遠懷金令江干抱壁囚一時廉平之聲播于中外歷本部郎中丁丑陞延安兵備副使閉虜變單騎之任練兵脩守虜遂退上旱乞歸自是閉門養寂凡公私宴會俱不赴每言及士申之難輒涕泣不能已竟以是感疾卒

何洛文

何洛文字啓圖信陽人淵源家學少著英稱領嘉靖辛酉鄉薦第一乙丑成進士改庶吉士每試館閣輒冠曾稱已已授編脩王申神宗出閣講學洛實躬小之賜宴文華殿錫之金綺尋緣上登極恩一任授充經筵日講官數受白金文綺之賜歷中九諭德侍讀學士掌院事詹事府少詹事禮部右侍郎尋陞左凡在詞垣者七任而周旋講幄者十年無八講必先齋沐期以精誠悟主旁引曲喻用規時政以龍講上未嘗不稱善嘗大書責難陳善四字賜之與脩兩朝實錄起居注大明會典累效編摩辛巳以省親歸會江陵事起爲言者所波及詔予休致丙申居喪庚子卒計聞賜卹典特厚仍廕一子入冑監公天性孝友好行其德慕義急難無所撓

情家居垂二十年嘗與汝陽趙太宰良弼新蔡張中丞助甫諸君爲山水游角巾野服鵬來詩篇不減香山洛社矣所著賦頌詩文二十卷

孟洋

孟洋字望之其先金山人徙居信陽年二十三舉進士爲行人時洋之內弟何仲默方有俊名與其羣李獻吉王子衡崔子鍾田勤甫及洋日切劇爲文章揚摧風雅以相振發酒觴會聚宴安酣嬉以相樂時謂十才子也而洋選爲御史即疏論當道大臣張聰桂學用是下詔徵謫桂林郡學教授天下又皆高洋之節而諸干者亦各以氣節自著不獨稱才也洋由桂林遷汶上知縣嘉興府同知擢湖廣按察司僉事持憲專決恥唯唯恭遜意小拂即日率舟徑歸引疾致仕久之起山東僉事歷陞陝西叅政拜都察院右僉都御史巡撫寧夏尋改督備聞母疾劇即解印馳歸或以職守難之曰吾安能顧此耶會改洋總理河道命下值郊恩胞封躬捧冠帔至家踰四旬母乃殯時論譚孝感云服闋拜南京大理卿衆謂駁駁柄用矣到官甫五十日遭疾卒有有涯集行于世

許孟穎

李孟禎字子吉汝陽人少補邑庠卽有先民矩度事親最孝對妻子如嚴賓戲謔不出諸口喜怒不形于色視聲色貨利蔑如也嘉靖間以里選爲濟陽司訓謝絕僥遺揭周程張朱諸格言于壁間化誨諸士循之大道諸士駭駭向之有過不敢使知俄解官歸家徙四壁立怡然安之生平善大書人得一紙不啻拱璧然頗自重不欲應豪貴人求西平王司馬走幣數千里斯書坊額而行人失辭遂應諸門外先後郡太守若王公崇古徐公中行皆雅重其爲人數加請召或枉車騎過之而禎絕口不談時事未幾卒

劉鵬

劉鵬確山人始劉政以孝行受旌而鵬其從孫也幼有至性操行甚高事父母極備色養與兩弟同居怡怡如也母病衣不解帶焚香籲禱母方在昏夢中恍河告者曰汝子孝子汝病至某日而愈後果然六年有流寇之變鵬負病母攜弟侍父走避山谷間政涉險阻手足清裂賊入城大肆焚劫至鵬家見一老嫗問主人何在嫗以孝子負母入山封又睹其門有孝子劉政坊乃叱其徒曰此世孝子家也勿犯故其舍歸然獨存後父母繼歿鵬哀毀骨立目幾喪明葬終

悉如家禮終身孺慕化及鄉鄰萬曆丁丑辛邑令宋某率諸僚屬躬往吊送士庶雲集相與泣下事聞愛旌表其子家傳家齊俱能世其孝友焉

陳璋

陳璋字公獻河南光州人也七歲舉奇童郡太守鄧公令賦鄉黨立就數千言稍長工詞賦精右軍書性以介褻身行潔以孝友聞弱冠登高第守景州五年不藥如一日清條役草積弊者三百餘戶理馬甲虛自累及子孫者文標肯寬曠徒二千餘令自解散九河水患由阜城築堤至德州迄今平成頌陳堤父老立祠血食陞太平府同知遷松江府倭寇作舉經略才欽委協同蘇州府同知任環擇練籌畫上禦倭十二事切中機務自統兵敗倭斬首千餘級餘寇浮海東遯重蒙 欽賞朝議叙功賞顯陟綠不阿相臣轉司寇即日坐署中操觚染翰以纂述自見李于麟王元美徐子與無不推許者性不樂仕進歸臥星湖杜門著書四十年閨閭罕覩其面足不履公庭有司屢諒乃一入欽立義學義田教養宗族其鄉里親戚貧乏者每加周給郡人士有汚行恐陳公知文行踴躍咸稱陳太丘云年七十應本州聘著誌書十六卷文

辭高古有良史風又星湖漫稿四十卷陳光堂別集三十卷陳氏世範二十卷太平事略四卷行于世

劉脩已

劉脩已字以敬汝寧新蔡人也舉丁未進士爲吉安府推官爲人簡素伉直於辭貌無所修設每羣會遠違俯揖若不甚解事者當道厭其所爲將于嚴課郡守靳君學顏力抹乃免間謂君曰忠信篤敬四字吾平生學而未能汝第勉之無憂齟齬也既感激受教而郡故健訟明習法令日夕手換獄辭不他寄耳目皆道且多其才智委檢括往來郡邑無虛日俾署吉

小吉水系統管每受賦役率因俗便安不盡更其豪右怙拒者道令諭意必聽乃已無何朝廷以劇遣使索通甸邑牒猝辦民多疾死乃召掌賦者問日入賦民相謂曰公素庇我我不可負公未旬日罪如期無一人受鞭笞者每聽訟據案默坐徐折以片言或摘單詞相詰莫不愧服情既白令休外舍月餘不召久之多悔悟去不復追逮其放赦化如此爲官三年強半居吉水其在郡一言無所假借至爲吉水即三尺童子可以率衣告語亦時時降已撫慰之故吉水之民事視其來去爲喜愠聞新令且至莫不

感顧時感疾留郡輒疑其避事無何卒人人頓足擗涕即深山婦孺亦歎息嗟駭比卒家無遺金知府陶君大年爲棺衾以殮經紀其喪乃得歸

劉光國

劉光國字龜勳上蔡人幼孤貧母王孺人以績紡資進就學登隆慶戊辰進士授太原推官渾厚精明能斷大獄有盜入人家劫財殺主三年不獲巡臺以爲光國乃悉呼其比隣至潛察一人色動大聲曰殺人者汝也奈何以累多人一訊而伏血衣咒器具得案駭顧以爲神琴西徵拜監察御史因旱陳言欲停禁宇不急之工上怒責令回話賴賈都諫疏救猶奪俸一年乙亥出按陝西庚辰出按順天所至發奸究懲貪墨風采凜然奏未以內艱歸免喪拜順天丞俄陝西副使會奢酋西犯河湟天子遣大臣經略督府詢謀可當大事者是冬權參政駐金城壬辰權按察使駐湟中皆深入絕塞治兵枋櫓拮据萬端虜遂款關無何有唃廝囉之變官兵攻圍年餘不下餽餉告急光國自旱蘭城下伐纓行虜地芻糧軍器絡繹不絕摧僉都御史巡撫陝西凡資金幣者二陞俸者一皆自言曰世以合爲雅量而我任法世以面融

為善仕而我好執掌無戾乎竟以是中忌者萬曆甲午罷歸乙巳卒

王祖嫡

王祖嫡字胤昌父詒為信陽衛指揮食事負氣自喜不肯屈下文吏用他註誤具獄奪世爵祖嫡幼警敏殊常見稍長日誦數千言即能詩二十八舉千鄉乃走闕下上書白父冤竟得昭雪復其爵隆慶辛未舉進士改庶吉士癸酉授檢討明年奉詔冊封韓藩登太華絕頂得詩賦若干首皆驚人語壬午以內艱歸廬居基側服闕起補原官俄遷國子司業上疏言革除間事請及時釐正得旨許重錄景皇帝事而建文君事姑止明年遷司經局洗馬兼翰林院脩撰纂脩玉牒扈從上閱壽宮賜四品大紅羅衣一襲嘗撰明因寺碑中有塗膏瘳血語微以示諷偶達慈寧宮賜以寶鑑文綺佛像藥物及諸珍饌九詢林風事也尋權右春坊右庶子兼翰林院侍讀以妻喪遂請告歸祖嫡孝友天植終身色養無違詩文博雅現慶卓然名家脫逃于禪比屬續神氣儻然不異平日著述種種未及成集而卒

孫克

字應文固始人萬曆甲戌進士授翼城知縣以憂歸癸未起補涑水治聲為三輔最乙酉擢湖廣道御史在臺獨持大體不敵不隨丙戌出按畿南廉得巨帑十數皆根據衙門依倚城社者捕而置之法其小者勿問也激濁揚清威殺大者有邑令貪而善宦預結權貴人為之地充怒劾罷之談者謂為真御史丁亥復命十二月左按淮揚六年二月竟以抗直出為山東貪事卒于官克立朝居鄉挺挺節操初不問家人產里居但有茅屋數間公他長物其澹泊寧靜有如此

劉黃裳

劉黃裳字玄子重慶守繪之子也七歲標顰摹逸少書十歲寓長安賦京都諸篇奕奕動人乙卯魁兩河士明年上春官不第傲然不屑思欲一當于古發憤為詩文著述日富王元美紀于饒後三十子其一也乃黃裳故習天官家言諸諸邊形勢機略冠雄欲有所用之復起應試登萬曆丙戌進士授刑部主事遷兵部員外郎會倭犯朝鮮遼左大震上特賜黃裳四品服俸養書宋司馬經略河防并援屬國遂度山海關趨平壤進擊城下倭散走黃裳率眾逐逐直貫

賊障引大黃射金甲首倭兵死者過半逾登山島而去事定幕府上其功選郎中賚以白金文綺襪邊道副使遇缺推用黃裳以久勞異域請告歸野服徜徉不復道海上事日賦詩弄琴游意翰墨偶飲其徒文學家揮酒至丙夜天寒甚不憚而返卒所著有元符圖藏徵館海上編東征雜記諸書行于世

汪治

汪治字子順光州人生而敦穎孝友爲學登萬曆己丑進士除大理寺左評事勸詳疑獄數有平反甲午典試西粵所識拔多知名士乙未陞南京祠部郎戊

子順

卷之二

三

子順

戌擢保定知府務與民休息不苛察以立威會歲饑檄所部蠲粥給粟而身自單車督視所存活百餘萬其招撫復業者又數萬人保民以蘇有孝廉某爲中貴人誣稱訟之京治請得自理竟置中貴人于法復調停加稅減歲額若干金卽權璫耽耽勿恤也辛丑歲輔早而保定爲甚饑饉嗷嗷是用疚心爲禱于神奔走營救不遺餘力至捐俸二百金佐之生是焦發成疾遂不起父老子弟皆罷市爲立祠祀焉光州亦祀於鄉賢子若霖壬辰進士禮科左給事中

胡孟清

胡孟清字汝揚光山人壹關令鏡之子十二歲補邑庠生溫然如玉父母絕憐愛之而清亦善承遺意曲盡于情萬曆丙子舉子鄉母陳孺人病清旦暮侍側衣不解帶及卒水漿不入口者七日己丑成進士守長治補任丘所至有治聲擢戶部主事權稅九江取道過家拜其父東臯公於堂下依依戀慕如爲赤子時閱數月迫于簡書始涕泣別去既抵九江事欲便民適初設小池口稅厥權璫爲政清力諍不允感憤成病遂不起

黃杰

子順

卷之二

子順

黃杰字式彥息縣人三歲而孤穎悟異常兄伯父侍御公家棟愛之誨以儒術遂登萬曆己丑進士高等授武選司主事奉命賑恤邊陲彈力區畫事竣遇家以板輿舉母楊安人北上就養京邸曲致其權尋權庫部員外郎楊安人忽感疾杰躬侍湯藥至廢寢食額天求以身代母竟不起杰扶輦南歸哭不絕聲抵里之日僅存皮骨遂以此成疾終年三十有八楊安人已奉詔旌表節孝總率于一門

補遺

志

遠志河南遂平縣人洪武五年由兵部司務陞陝西道御史陞大理寺丞尋陞僉都建言被謫陞戶部主事員外調永州府同知陞應天府丞致仕

張奎

張奎字文星河南商城縣人正統十三年進士由東光知縣遷浙江道御史清軍北直隸建言下獄謫蕪湖知縣卒

汪清

汪清字湛一河南固始縣人景泰二年進士由豐城知縣選浙江道御史巡按淮楊建言降涿州判官旋陞順天府丞疏請致仕

朱冠

朱冠字仲瞻河南固始縣人正德三年進士除廣西道御史巡鹽兩淮流賊陷固始縣父母合族皆被害聞變慟絕回籍不仕嘉靖元年起江西僉事不就初時橫被流賊之害族丁俱絕冠獨與舊役史居苦勸之再娶始從之因以有後居鄉多行善事朱氏仍昌大朱皆舉甲辰進士令臨晉有循聲行取湖廣道巡漕按浙所至動著風裁又每事務從簡靜議論獨持大體卽其孫也斯亦世德之報矣

本朝分省人物考卷之九十四

南直督學御史西浙通庭訓纂集

門人蘇松備兵副使南郡熊 晉裕閣

男 過銘盤

過銘孟

過銘重

寧國府學生員嚴弘志全訂正

山東濟南府

高復

高復字再興臨邑人洪武初擢知長春府事爲政有

公事八分之二 未九二日

山東一

恩愛旱禱於城隍夜夢神告曰雨至矣天明果雨歲

遂登民歌頌其德改吉安府同知以老疾辭賜半祿

贈之卒初葬上元縣

王璉

王璉長山人器局沉凝學問精密師事宋濂洪武中

鄉舉至京召見試詩擢史館編修選入文華堂肄業

尋攝御史按河南回奏稱旨 上悅謂近臣曰文華

堂諸生如王璉等皆異日將相才也

宋性

宋性德州人洪武中由國子生爲刑部主事署本部

右侍郎後謫湖廣按察副使調陝西永樂初陞四川
布政司右叅政遂刑部右侍郎所至以廉能稱卒人
多惜之

耿通

耿通齊東人洪武間領鄉薦任都給事中嘗面奏有
犯無隱侍 太宗覽奏頗事其御案鎮紙金獅欲側

將墜過趨進移置案中 上謂曰幾危哉通曰古人

安不忘危况敢忍視其墜 上顧侍臣曰一器之微

置於危處則危置於安處則安天下大器也獨可置

之於危乎尋擢大理寺卿奉詔往安南諭以小事大

本朝分省人物考 未九二日

之禮安南臣服後負冤押死于奸黨

李溢

李溢字守謙利津人由太學生擢戶部主事數載身

無更衣選 聖旦命服錦繡假諸千戶者服之 上

詰其故具以對賜衣一襲歷任饒州府知府政績著

聞尋陞山西左叅政

趙文

趙文字煥然山東齊河世族九歲充庠生十三食廩

二十二貢入太學洪武癸亥選堪爲人師者 太祖

面諭注四川巴縣學教諭授符一勅一奉二親以往

抵任正身立教課試訓飭之條極備且嚴諸生化服
三載考績仍奉二親至京孝養愈至滿九年陞徽州
府學教授父卒安厝于歙東關服闋上書自陳母老
乞鄰郡便養遂授江西鄱陽學諭食教授祿母卒竭
力定卜於馬尾山奉二親葬焉服闋還齊河祭掃至
京師授湖廣岳州府授辛卯 詔吏部選老學之士
面諭授左春坊左中允輔 仁宗皇帝於東宮進講
經史悉寓箴規 睿旨嘉獎癸巳卒於南京年五十
有四

王佐

王佐海豐人永樂中領鄉薦入太學擢吏科給事中
儀表凝重器宇深厚宣德中陞戶部侍郎正統中進
本部尚書雖政務叢雜未嘗廢學士林重之後死於
土木之難贈少保

鄒槃

鄒槃字繼芳濟南衛人以遂士拜官南京兵部郎中
居官清苦及歸杜門三十餘年不出以詩文自娛有
司數造其廬未嘗少干以私鄉人推重之

趙紳

趙紳歷城人永樂間舉人初授監察御史激揚有聲

以劾尚書金蓮出爲揚州府同知後陞山西參議轉
江西參政皆卓然有聲以老疾致仕朝廷念其廉介
賜半俸養老

薛理

薛理歷城人永樂間進士授行在戶科給事中宣德
初中官驕橫理論劾劉切尋授湖廣衡州知府有惠
政嘗捐俸貲給士之窮乏者在郡數年以疾乞歸

邢奇

邢奇字彥美長清人天資穎悟議論敏捷著書萬餘
卷時號書度當道薦于朝以直言忤大臣授河泊官
在任歲餘歸卒於家著有繩菴集

張惠

張惠德州人永樂間任監察御史按雲南道池口驛
巨蛇傷人至沉陸有羣鴉啣火之異惠皆除之又嘗
奉詔招安諸蠻再按浙江處州民聚爲盜惠撫之州
郡獲安召拜禮部尚書卒於官

李濬

李濬字伯淵武定州人自居庠序時已爲流輩推服
由歲貢入太學永樂中擢行在四川道監察御史卓
然有聲 宣宗卽位漢庶人據樂安州謀叛劫衆從

已滯以外艱家居語族人曰吾先世皆以忠孝爲立身之範今吾必不爲叛逆所惑汝等善自裁吾計決矣晨夜馳京告變朝廷仗大義討平之改樂安爲武定州嘉其忠陞都察院左僉都御史復賜以襲衣緣段特賜諡命五年立厥於易州平山命督其事初庶事草創未備潛區畫有方不激不隨規模定未幾還適遼東守臣懈於邊備虜數入寇上命在廷大臣舉素有才者一人往撫綏之僉以潘爲宜上遂召釐其事至則集諸將士宣布朝廷恩威諭以禦戎之道莫重於守於是高城深池謹烽堠鳴刀斗掠精銳士馬分布要害官暇則躬督屯田區畫措置由是邊儲充仞甲兵堅利自瀚海以東悉奏平寧上聞喜之進令副都御史仍勒以便宣行事在邊八年以目疾乞休優還未幾卒於家計開遣官祭葬如例

尸 旻

尹旻字同仁順城縣人正統十三年進士改翰林院庶吉士授刑科給事中景泰間值國多事屢有建自皆力持正義天順初遷左給事中英廟重其器識欲大用之惟通政司右叅議未幾轉左時王師有事

父出總軍餉因陳備邊十事策皆鑒鑒可行以去喻年驛召至京擢吏部右侍郎轉左久之進尚書累加太子少保在吏部先後二十餘年甄別人物隨才授任各得其職奸人李孜省方貴幸憾旻甚會旻鄉人兵部郎中鄒衆坐累補外諸衛武官奏留之吏部爲覆因謂旻于侍講龍所爲嫉發其陰事諸武臣皆下獄罷娶爲民遂落旻太子太傅尋又調龍他事下詔獄內開大學士萬安學士彭華皆以鳴托不遂構成之斥龍爲民令旻致仕卒於家年八十二計開賜祭葬謚恭毅旻儀觀環奇神采英發有才略善

王 允

王允字執中歷城人少孤勵志讀書正統間登進士官至左布政使事母曲盡孝愛所至以清潔稱母卒廬於墓三年景泰二年有司上其母貞節允孝行詔旌其門

張 綱

張綱字大振長清人景泰丙戌進士拜監察御史時

曹吉祥欲庇一指揮孽庶奪嫡廢綱疏奏阻之呼
爲真御史出按寧藩劄護衛軍士再巡湖廣有李總
兵者遺千金劾奏落職屢陞食都御史禦北寇奏捷
憲廟嘗曰西有王越北有張綱朕何憂哉

李森

李森字時茂歷城人景泰丁丑進士授官給事中有
直聲每奏先昇輅于外時成化間萬妃家人驕橫上
疏指斥言甚剴切謫定州同知未任而卒

王敦

王敦字嘉論歷城人成化甲辰進士及第授翰林編
修謫判夷陵陞四川僉事河南提學副使終南京國
子監祭酒博極羣書尤善風角習堪輿推驗多中所
著有五經通旨漫遊雲芝諸稿大成樂譜

張琦

張琦字用和歷城人成化間進士爲監察御史抗疏
劾李孜省出爲彬州判官孝宗卽位起爲河南僉
事值黃河泛濫督治有功汴民立生祠祀之累陞都
御史巡撫遼東修飭堡伍尋詔入掌院時劉瑾竊權
有吏殺人賂瑾求免瑾不從遂改南京尋逮獄削職
而歸瑾敗復官學者稱爲栢山先生

李綱

李綱字廷張長清人幼負志挺特不與凡兒狎讀書
日記數千言下筆爲文不竊陳腐視世之侈靡者若
將浼已嘗侍父州判君來京家僮驅車行狹道中偶
失脚墜轍下車從身橫過衆以爲必無全理已而不
傷若有神護持之者議者曰大難無危後當遠到天
順丁丑登進士選授山西道監察御史慨然以功業
自期明憲綱究律意舉大體略細故疏陳時政得失
無所迴避其出巡南直隸浙江等處所至舉廉能黜
奸貪風聲大振淮人有宦族子婦私通武弁子逾年
情衰以淫奸訴時王巡撫威望嚴重訊問未畢武弁
子自誣服後綱按其事疑之詰其所自乃得實蓋前
此嘗分艾炙指爲盟索贓視之宛然相對遂得減律
不罪在浙江時去賊吏四百餘人至有望風解纜今
士大夫猶能道其事目爲鐵御史常奉勅於陝西
延綏等處編集土兵夷人性悍激之則變獨以處置
得宜夷民咸服事竣回京陞太僕寺少卿未三載馬
政之弊革除殆盡時有幕職素嗜榮進累托中使能
吹噓禍福者迫薦爲本寺丞綱毅然拒之終不從出
親馬政於真保諸郡有司不敢斂一錢於民自府察

以下事不集者咎之行冀州道劇賊驅騎卒至乃從容解鑰與之賊指隸人曰此豈太僕寺李某耶隸人曰然衆賊曰無錢無錢遂不開箱上馬徘徊有退訖之狀節丁內外艱前後六載足跡未嘗出門卽吉轉右僉都御史綱素請憲事凡疏奏必取省關至淮奏准運船遭風飄流糧米者以免送聞未及二載運事畢舉人用大和至成化己亥以疾卒於官平江伯陳公具棺殮如禮啓箱視之惟敝衣數事而已他無一物陳公曰真君子也爲上章乞葬祭許之得壽五十有五

畢亨

畢亨字嘉會新城縣人少遊庠校卽負經濟志成化甲午領鄉薦第二明年登進士戊戌授吏部驗封司主事己巳陞木司員外郎丙午陞本司郎中弘治庚戌改考功司辛亥陞順天府丞甲寅奉命捕蝗忤權貴爲所中傷孝廟察其誣宥之時諫垣有躁進者素與之遂乘隙誣劾調南淮運同陞副使劇剝宿蠹於鹽場也集處驗計掣割積弊以除適開中鹽引五十萬擅增家僮說先自占三之一亨曰利均則鹽法行先付此如後來鹽引何時勢焰正赫人皆危

之毅然不聽鹽法御史委掣冀州所鹽御史突至稱驗無他益加敬服東山青路二公素慎許可時被召入朝語人曰一路好官惟畢運使耳轉湖廣右叅政淮人爲碑去思贈言者有瓊花觀裏長廊下千古清風滿素碑之句武靖苗賊構亂督餉贊畫功多詔賜彩帛轉浙江右布政先是歲造官段二萬賄司年久避咎莫敢驗發立檢食解咸歎其難浙中饑出內帑賑給既有飛語中傷者事白而清操愈厲改陝西左布政使未任陞都察院右副都御史巡撫甘肅士伍出匿占三千人又簡丁餘爲還卒莊浪有

五司合人少方

師直抵城下屯師於郊令民樵牧有餘官給賞以儲特軍威大震虜遁去以憂歸軍士泣送之曰公去我輩不復生矣上聞遣官祭葬正德二年服闋陞南京工部右侍郎湖廣河南災命兼右僉都御史巡視至其地區畫無遺策境賴以寧比還當改兵部時逆瑾欲引鄉人謂吏部曰此人性剛不宜此任四年仍改工部尋陞尚書五年庚午有玉帶之賜未幾瑾敗上其不法事請釐革誤及請封立祠例遂得罪罷歸亨才識過人啟歷中外所至赫然有聲初爲驗封主事巡南城見一亡命曰此盜也一訊而服政少駭

及經史爲員外郎時常使 淮府行冊封禮儀遺一
無所受爲郎中時 憲廟上賓朝士有爲詩哀詠之
者索和不答或問之曰哀悼不暇何以及詩其識大
體類此進官尚書節財用嚴門禁省徵派杜請託風
裁凜然雖達之奸兒亦不爲撓既遂開陶然無所芥
蒂乃擇子姓教之於有司事一無所預士大夫尤服
其高乙亥卒遺命長子右副都御史照等曰吾官惟
有清白吾祖父以此傳家不可改汝輩讀書要深
義理方是學不可苟也勉之我死後慎勿煩瀆
廷求葬祭言已而逝更不及他器識英邁好學多聞

耿介正直之操出於天性平居接物有禮而嫉惡太
甚以是被誣遭抑乞老不爲屈有古大臣風

劉 嶽

劉嶽字廷珍濟南衛人成化己丑進士歷官刑部郎
中才識明決折獄稱平陞都御史巡撫大同遼東兩
鎮致仕卒自爲墓誌著平生勤苦之節

李 遜

李遜字敬之陽信人成化間舉進士任大理評事多
平反疑獄嘗持命賑關中全活者甚衆屢陞四川按
察使有善政

趙 璧

趙璧字潤夫歷城人成化戊戌進士授刑科給事中
時萬妃家人驕橫壁奏劾請榮經主簿天水高陽二
詔計司營殺不止璧奉命往諭至則帖服酬以金帛
不顧而自引刃自斃元調無爲州判官尋陞知州陝西
按察司僉事行部至永昌金川堡遇虜賊千餘騎壁
挺身與敵斬首數十顆奪馬數十匹尋卒於官朝廷
嘉其功遣官以羊酒祀其家

李 芳

李芳字德馨潁州利津人成化丙辰進士授監察御
史劾尚書薛遠滕昭出按山西值歲荒奏發內帑賑
之時汪直恃寵嘗令人誣告兵部尚書項忠不軌事
命都御史王越往按其事越薦芳同往芳語同事者
曰吾寧得罪於權倖豈可得罪於天下卒明忠之誣
累陞江西按察使發奸擿伏吏畏如神時李孜省鄧
常恩輩居要路族人恃勢凌人芳皆置之法年七十
三引年歸卒于家

洪 漢

洪漢字天章章丘人成化壬辰進士授工部主事累
陞江西參政平桂林荆竹永福諸徭獠遷陝西左布

政推都御史巡撫大同條陳地方侵宜八事多見採行會朔州星變漢奏以爲夷狄侵中國之兆未幾虜果大舉入寇邊師失利漢亦坐去官有飛白大書于朝壁云洪漢無錢却去官蓋爲權奸中傷之也及歸貧不自給屢薦弗起

徐運

徐運字進甫歷城人弘治壬戌進士任給事中正直德初疏劾劉瑾竊柄械繫下獄撈咎幾死落職家居凡七載足不入城市瑾敗復起爲山西僉事尋陞副使時有鉅寇號混天王劫掠郡縣運不煩兵以計平之山東一民爲之謠曰不發一矢賊乃盡死不有厭戈賊死實多卒於官

張海

張海字文淵河州人成化間進士由都給事中擢順天府丞時中貴方用事海以公事往見不屈出知雲南鶴慶府累遷兵部侍郎會吐魯番侵擾哈密上命海錫之璽書海因條上六事多見采納於是吐魯番始相畏服哈密漸得自立海徑趨還言官論其不該命謫山西右叅政踰年致仕卒

邊貢

邊貢字廷實歷城人弱冠舉進士授太常博士擢戶科給事中遷太常寺丞出爲衛輝守久之以按察副使視湖廣學政移病歸召拜太常少卿遷太常卿累進南京戶部尚書貢丰姿凝秀饒吏事好交與天下豪俠其所搜積金石古文幾徧屬主上清明備閒秩亡所見稍稍游歷留司諸山水竟日夜而又好浮白多屈其坐人汪鉉時長憲心忌其名以爲罪論去之卒年七十七所著集行於世士林咸膾炙之

喬岱

喬岱字希申章丘縣人弘治辛酉以禮經魁多士壬戌第進士除行人授四川道御史出按兩浙鹽政時逆瑾竊威侵牟鹽利以不副望謫太平府教授整肅精詳嚴于課士稱者曰是真嚴師而具法眼者也遷鈞州判流賊倡獫精騎數萬一時至城下州又宗藩所居民頗富庶賊必欲破之岱率衆登浮效死拒守閱八日解嚴陞永城知縣兵火之後修城浚湟苦無工費忽羣卒懼報曰掘土得銀往取之約以萬計自是修浚畢舉人有更生之望調繁廬陵治與永豐相連亂寇峰起攻掠鄉村岱用計設奇悉就撲滅初邑旱且風禾瘁民憂岱至雲結雨注僦禾盡起閭里歌

前在永城天賜銀而城成今在廬陵天賜雨而不
興年餘陞廣德知州尋陞瑞州府同知會丁外艱服
闋銓部有知其淹者推陞山西食事提督屯種帶管
河東事無巨細靡不迎刃而解州縣吏民有事或不
解行囊即決斷歸失癸未以母老乞致仕

孫銘

孫銘字日新鄒平人襲祖爵會昌侯銘自幼莊重沉
毅絕去綺紈之習嗜讀小學武書習射藝天性極
痛父早世思慕至廢寢食奉母敬養備至立身
雖居勳戚不改儒素之風累封親藩餽遺一無所受

入有金人勅

未乙二日

一五

仙泉見

成化癸卯管理三千營弘治辛酉遷五軍糧武營正
德紀元改奮武營尋掌府軍衛提督神機營會後軍
都督府事以平西夏功加太保歷典兵戎克修厥事
一時武臣尤爲稱首 上嘗御大內演武以技能稱
上意命掌右軍都督尋轉中軍都督府正德末 上
北巡南征銘總管務與文武重臣同心協議晝夜憂
勤保固京師中外倚重竟以勞瘁成疾不起屬續之
際戒其子曰子德薄官世爵兼太保名位已極恨無
以報國恩身後勿請謚賜以重子咎

劉天民

劉天民字希尹親由山屋城人十五遊郡庠督學陳
矩菴一見奇之每令侍食于側正德丁卯中鄉試甲
戌登進士丁艱服闋除戶部主事調吏部文選已卯
諫止 武皇巡幸罰賜五日廷筭三十辛巳 世宗
踐祚前諫罪者俱陞俸一級天民首與焉歷員外郎
中甲申泣諫大體復廷筭三十在文選登良黜劣遠
近風動給事中陳姓者假以進君子退小人爲名上
疏指摘天民調壽州知州陞南京宗人府經歷南刑
部郎中庚寅陞河南副使分巡大梁時 上命刑部
錦衣審河南獄囚重刑者一千五百餘人得平反者
幾七百人天民之力爲多退語人曰吾之遺子孫只
此足矣未幾爲胡御史所論改四川去汴之日士民
號泣攀留車不能發乙未考察致仕辛丑無病卒所
著有愧衾集遊蜀吟南行稿草蟲吟田間集并禹貢
洪範二解

仇相

仇相淄川人正德八年知饒陽嚴貧富差等按籍徵
發靡不遵均由是復業者李能等百有餘戶民有訟
以理委曲論之民釋然有望廬而返者司府滯獄戚
權相平之境內有鼠竊繁遽良久相按罪抵元惡餘

皆釋去行無冤囚丁丑歲大饑督民糶齊抹薇煎鹽
易粟且時加賑濟全活尤衆一日出途有饑民數輩
赤體乞食下車泣曰子不德以至災厲震集露已屢
衣之腐死者給棺槨掩覆野無暴骨貧男不能自娶
勸民資助完聚甚多濟沱河接唐沙二河頻年衝決
變出相度宜擇禦害由是息又于堤口上下植柳二
萬餘株迄今永無水患九載滿秩去邑人爲立去思
碑於縣

李攀龍

李攀龍字于麟號滄浪歷城人九歲而孤母張氏憐
繼教之嗜古文辭登嘉靖庚戌進士授刑部主事遷
員外郎轉郎中曹事寢以劇守文法無害而其業日
益進大司寇有制作輒以屬于麟藉藉公鄉間與其
同舍郎徐中行梁有譽王世貞及舍人吳國倫考功
宗臣相與切劘千古之事爲社會時有所賦題人人
意自得最後于麟出片語則人人自失也于麟雅不
欲以刀筆見長然其聽讀最號公平俄出守順德延
見鄉老問疾苦爲興除利害政聲流播進官三轉嘗
屬馬牧地垂三千金留永濟倉粟毋漕輸京師以餉
戍卒裁將作供比冀定十二置藝傳于沙河邯鄲

界中克二邑力移郡尉置鉅鹿官亭扼盜衝又移巡
司黃榆嶺爲音趙關前後爭得之臺使者無以難也
于麟又謂京師仰東南餉不時至而燕齊汴趙邊河
百里而近者毋出賦錢皆賦取粟浮於河達京師緩
急一策也時頗疑之滿三載擢陝西按察副使視學
政于麟謂陝古西京也先朝士大夫北地外多陽浮
墓古文辭而時離之思以實反其始亡何鄉人殷中
丞來督撫以檄致于麟使屬文于麟不擇上疏乞歸
乃差次古樂府擬之又爲錄別諸篇又益工不蹙而
走四裔大司空朱公衡時巡撫撫迫起之 穆宗初薦

八朝今行公物考 卷九二四

十八

山東一

起浙江按察海道副使俄遷布政司左叅政奉萬壽
表入賀道拜河南按察使中州士大夫聞于麟來鼓
舞相慶而于麟亦能摧亢爲和圓方互見其客稍稍
進無何大恭人捐館扶服還里尋暴病心痛卒年五
十七所著白雪集三十卷于麟以古文詞創起齊魯
間諸弟子不曉何語咸指以爲狂至于有韻之文則
心靡間言蓋有夙授神解者

于麟

于麟字子長歷城人四歲授章句九歲能文甫富舞
勺冠諸童子試督學裴公大奇之手攜入臺中與之

之飯開府太倉王公世懋一試而三覆之曰阿
尚不及而干麟先生會于告嘗指鯨爲千里神駒
定爲文章交邑左史殿卿者簡貴自負其家數覓快
婿難焉一日從衡路望見鯨驚曰此誰氏子真吾情
矣鯨父遜謝不敢當而鯨挺身數言殿卿尤加贊異
曰此子真吾情矣嘉靖甲子中鄉試戊辰成進士除
刑部主事 詔用曹郎備台臣選拜監察御史出按
真定指天而誓之曰此西走邯鄲道也使者不結一
絲往乃結一絲還人將唾吾背矣其所平反多引經
以斷邢州富人置同姓姬前使深文論戍適鯨一覽
笑曰子禮有之買妾不知何姓則卜之此尚不足城
日春而當戊乎立破械釋之自餘冤死刑往往原情
求活用是失江陵心及瓜而還一襖被如京師而已
久之按順天用墓例逮太僕卿奉 旨護江陵喪還
荊州舟過小孤舳舻千尾相銜傷敗江陵行李亦半
沒魚腹中而鯨艦卒破浪出無恙人謂有天意云偶
以甚口趣棹歸里每月朔浴上先人壙事養嫂
一無所訟遇李致友愛推與田宅商氏姑二女孤真
館居之長乃擇嫁其卒以萬曆之戊戌得年五十有
九

李開先

李開先字伯華章丘人嘉靖戊子鄉試第二人明年
第進士授戶部主事久之調吏部尋擢太常少卿罷
歸開先七歲善屬文讀書一見成誦又知聲律吟咏
之學舉進士時嘗運餉金至寧夏使還過訪太史康
公海王公九思二公才雄睥睨一世見開先獨驩然
相得踰年授戶部主事部爲金穀巨曹更有中貴爲
監開先持法無撓以望調吏部往吏部率羣犀岸示
尊開先獨數與諸友游人卒莫敢干以私者遷太常
會 九廟災自陳柄政者銜其不附已令歸歸時年
才四十卒年六十有八所著有閒居集十二卷雜集
二十一種

方廉

方廉新城人邑僻一隅無由得師遂入省從明師或
病其勞曰吾徐行可得腹藁一篇固恥此不爲罷耳
形家言新城學宮不利請遷城北多福寺更之僧持
之堅縣官不能絀沙門洪聰夢神人語有社稷臣當
出其中弟勿爭工既竣廉以嘉靖庚子舉鄉薦辛丑
召對公車除南康府推官折郡獄如迎刃而解迎父
養部舍卒貧不能喪賴上官贖始歸葬主鬻舉廉卓

吳服開創得臺諫廉謝乃受祠祭主事歷員外郎中

上有事齊宮罷朝十餘年廉時討朝議不輟庚

戌虜入世宗梓臨朝朝儀無所失出守雲間島夷

寇數萬薄城下率以暇應之上海故無城再被寇乃

躬巡工城上海遷江西副使備九江郡避道留不可

租率置祠租豆之無何進廣東左叅政尋准右食都

御史治軍督儲時兵荒代至抗疏數千言得減賦百

餘萬進右副都以言罷歸穆宗即位起南大理卿

尋遷左副都御史總督漕運理淮揚諸郡故事中貴

守皇陵者關受民詞按制禁止之轉南京工部右

侍郎三引疾請老許之邑中田賦多飛匿上書均之

歲饑請縣出粟賑貸松薦二谿隄圯倡東築堤爲石

梁數十丈水不爲害新先正許公遠祀字年七十卒

沈淵

沈淵字子靜號澄川新城人嘉靖乙丑舉進士改庶

吉士授檢討修國史執事經筵戊辰分校禮闈辛未

東宮出閣校書入侍萬曆改元進編修爲經筵講官

開陳劄以明年擢國子司業上幸太學進講尚書

賜金綺宴闕門攝大司成矩度極嚴少所假貸貴遊

高第潔潔步趨明年病三月餘卒貧無以殮

王之猷

王之猷字爾嘉其先瑯琊人自始祖貴徙居新城遂

爲新城人父重光官太僕寺卿當世宗時建三殿

大僕公督木於黔出入谿洞崎嶇迫阨間卒于事

天子憫其勞賜祭贈官有加焉太僕公生六十次卽

之猷隆慶慶午舉於鄉丁丑舉進士授平陽司理精

於獄獄辨誣釋疑其以微普煅煉成獄者皆平反之

人不敢干以私有裨將其操守狼籍懼其敗也奉

辭爲壽以嘗之之猷正色發其貪狀致干法於是

中廉廉無不震懾奏最擢禮曹郎有劾藩爲假印文

以請封者衆莫辨熟視曰贗詎之故贖果然於是修

上藩封議十二著爲令鳳陽等處大侵民羣起嘯聚

爲盜擢爲觀察副使備兵潁州議賑議蠲施糜粥平

糶價事事有法民於是相戒不爲盜而獨戮其渠魁

數十人江以北爲患莫如河築隄疏壅歲靡費度支

水衡錢數十萬自河決范家口嘴雙溝灌泗城祖

陵幾成巨浸河使者舉以相屬乃遍歷水濱望形勢

從上游以緩懸漏使得濬泗而下不至淤瀉爲隄患

功成賜帑金紀錄晉浙江茶政將行父老相率泣轉

下願得再借王公當事者特疏請得借乃復范頴已

而以内艱歸相率戶祝之服闋起守河北河北濟深
接太行連王屋盜數也加以採權令下人情洶洶有
異心之歎以三郡無兵卒有變何以支乃留宣薊班
軍之半以衛河北召募民間健士銳卒五千人而河
北始有兵稽屯田之侵沒者餉兵而河北兵始有餉
冬無雪春無雨河北之民困之歎爲條行十二事歲
不爲災尋擢觀察使鎮維揚是時昭璫之使出之
歎至力與璫爭減稅之半與化民金勝等坐稅事連
璫璫怒令某驛丞逮勝等之歎禁丞勿與璫益怒并
欲逮丞又不與丞是時稅使勢張甚郡國守令監司

全明分省命考

卷九二

二二

山陰二

就吏訊者數矣於是人人爲之危而璫卒憚不敢發
居常惴惴不事粉飾其所至惟以實心實政蒞之在
淮楊以狼山濱海要地每以片帆巡行西抵江東入
海勞瘁甚而不知也尋上書乞歸 天子惜其才特
予歸攝病痊召用舟次淮楊而終

趙卿

趙卿濟南人以本衛指揮起家累至宣府總兵子崇
璧襲其官亦累至宣府總兵父子皆名將也卿御士
嚴有紀律以才數用事崇璧沉毅寬博得士心有畏
者稱至其廉而好施父子一也卿老於家崇璧卒塞

上一軍將吏無不流涕再世貴顯家益食落里人惜
之

補遺

郁綸

郁綸字理之德州人進士景泰時知崇德特縣署
久綸自學校壇遺街巷河渠市肆之類悉規畫繕理
大盜章正等爲患設方畧擒之以素剛直不能俯仰
忤當路罷去縣人以爲遺恨

徐以貞

徐以貞字本良山東長山縣人成化八年進士由寧

晉知縣選福建道御史謫松溪知縣弘治三年陞

州知州累陞右僉都御史巡撫陝西以忤逆瑾革職

復起巡撫真定瑾復中傷之降鳳陽府同知致仕後

復都御史致仕

張諾

張諾字承之山東濱州人弘治九年進士由戶部郎

中改河南道御史以忤劉瑾出廣平府通判累陞西

川副使卒

姜佐

姜佐字廷輔山東濱州人弘治九年進士由萊城知

縣

知

縣

縣選廣西道御史巡按處天劫遭起扶請安東知縣
陞太倉知州累陞山西僉事疏請致仕

李嵩

李嵩字維嶽山東濱州人弘治十二年進士由刑部
員外改河南道御史巡按真定陞常州府知府殺流
賊功陞俸二級疏請致仕

范瑟

范瑟字孔和濟南府人登進士選庶吉士授翰林編
脩經筵講官明年謫開州判官勦巨寇量移大名
報督發焉金也輒斥去擢南戶主事歷員外郎郎中

二卷全一合子

卷二

二五

山東

遷四川參議駐節川南道先是都蠻叛師討之不下
瑟至罷其兵躬以朝廷威信往諭之都蠻稽首謝
請內屬遂陝西按察副使分巡西寧道屬征羌道遇
暴風起車東入于西謂諸將曰是何祥也羌豈舍掌
吉而就紅崖乎乃趨紅崖羌果至迎擊大破之羌平
屬北虜來旁塞欲乘餘威驅之遣百戶齎牛酒往風
其王俺答曰使者乘障出士卒候望久勞苦無益
天子神室諸羌象先後既授首即所請朔方騎士仁
慮三萬人張掖武威駝卒萬人羌降兵萬人不合將
焉置之虜無以應獻焉千匹謝項之輒去莊浪則虜

在焉嶺有伏走黃羊抵黃羊虜又在焉虜乃引去虜
更寇復破其衆于紅崖尚書上其功未報明年以他
奏報免官邊長老言瑟所起遄中塞百四十里稱累
世功紅崖之役先利致致再策羌虜一何雄也猶復
制于唇舌故往于虜可禦也往于口不可阻也

周繼

周繼號志齋山東歷城人由進士歷陞南太常少卿
最善堪輿在 留都環眺應天府學嘆曰好一留庠
惜未有以形家言脩之者未幾會大京兆乏入來攝
府案視學之日即周覽詳盡以留庠乾巽向宜補坎
氣助木氣會泉木以成林于是建青雲樓樹天下文
樞坊置聚星事闢文德橋謂十年間春闈必首占三
榜秋試必中至十餘人而後止爲請于撫臺王公學
臺房公按臺崇公命太學王生元貞張生仲鳩范重
成此萬曆丙戌事也及戊子秋舉賢書者僅三人時
已巡撫應天檄出而愕然者久之至冬仲特委姑蘇
一縣佐來 留都刻以日時督命工役撤去學門內
碑屏易以本屏致期立就語人云來春 留都 發
魁吾即不信吾術明年己丑雋君茲果 殿試第
一 朱君之蕃亦 殿試第一戊戌顧君起元亦

舉南官第一 殿試第三神議真可謂洞如指掌又
歷官愛士恤民本諸天性攝衆時課試諸士鼓鑄駁
駁講執談道無倦期士習翕然一丕變云

王詔

王詔字孟宣歷城人以鄉舉知定州定畿內地雜戎
夷守無善去者詔更約法示誠信釐弊盡政化大
行蜀生卓異者道定遺衆裝百金來言自詔曰第往
有爲守者至則有守者一人生謂何不携而去也守
者曰人有棄子者我守公不忍也爲流涕語之我恐
金去使君流涕于我公之境哉衆御史按部啓入

欲惟二繫因焉先是陷田多行衆人不能市牛耕爲

孔明木牛法代之耕力得半牛在定三歲糧關封府
同知會朱僞鎮盜起陷尉氏詔卽往繫賊設伏扶溝
下約舉賊翼攻之賊果向扶溝冒伏中途鼓而捕首
虜以送蓋微知賊家在扶溝必重妻妻子故也河決
金相寺口水出地上一丈所石橋歸德間彈爲河二
洪悉壅漕果不得上議者請自孫繼口至清河口百
餘里大興卒塞之非十四萬人不可計伐新買石費
十七萬餘緡詔往行河卽湛祭令水工表寒笑而自
陷穽埋健事卒徒動赴春鎮者百里雲舉凡三月河

促成纔算九千七百餘緡賜從四品服色會母卒歸
治喪比禪懸車不復出

初貞

初貞濟南府濱州人正德中流賊入城父雄被執賊
欲刃其父貞以身蔽之賊怒砍折貞右平二指貞抱
護如故賊濡兵血書孝子二字於垣而去父子得免
于難事聞旌表

王廷輔

王廷輔濟南府德平人少有膂力善騎射正德間流
賊猖獗廷輔與宋珏倡率得三百餘人賊將楊虎突

至城下二人奮勇却之明年虎復掠兩界縣令招往

禦之賊反攻官兵皆脆懦遇賊卽潰散廷輔曰縣官
仗吾兩人去則何以復命下馬步射殺數十賊矢盡
遇害而城卒賴以不陷有司上其事 諭祭于墓珏

亦德平人

趙世卿

趙世卿號南渚山東歷城人隆慶辛未進士以南兵
部主事干條議中議切江陵出爲楚府長史又以考
功法處之江陵敗起之諸籍歷官戶部總督侍郎至
戶部尚書時值吏部乏正卿多係世卿代攝世卿室

仕時卽負氣節兼勵清修所至各有樹立雖展教人
言以去要于生平大節無損也

人物考卷之九十五目錄

山東兗州府

牛諒

曹本

韓克忠

曹直

宋亮

劉寧

王彬

師達

張本

樊敬

賈諒

孫時

李驥

張鄺

許彬

李興

兗州府志卷之九十五目錄

郭魯

王賢

李秉

張琛

梁觀

王晟

李木

秦紘

孔公恂

秦崇

郭璽

侶鍾

王珣

劉鈞

王璟

杜玗

張賓

孟麟

魏紳

湯清

孟鳳

王憲

韓智

胡海

王崇文

王崇獻

王紹

陳九疇

劉田

劉坤

王崇仁

宋滄

張錄

樊繼祖

劉源清

張景華

吳鎧

王果

路迎

彭占祺

柴世需

杜萱

劉隅

陳守愚

王汝孝

趙鯤

戴繼

侯度

扈永通

吳嶽

殷學

楊賢

田大有

曹邦輔

郭朝賓

新學顏

任瀛

路可由

侯鉞

梁成

何海晏	朱綱
于玘	劉爾牧
劉寅	胡汝桂
張中蒙	王嘉賓
杜輅	張祿
李文芝	李良
王湘	于慎行
趙惟勤	張綸
劉不息	賈三近
趙雲翔	任勵
王潺	陳職
蘇則曾	趙邦彥
楊挺高	

本朝分省人物考卷之九十五

山東兗州府

牛諒

牛諒字士良東平人洪武初以秀才薦舉除翰林院同修士張以寧奉使安南太祖優詔褒美御製詩賜之使還報命擢爲禮部尚書洪武七年降詔主事尋復前官諒優於文學著述甚多爲世傳於國初才士也

曹本

曹本字子善滕縣人漢曹褒之後也父思明嘗夢以人車載旌至門問曰汝曹某耶思明應曰是也其人開篋取人支體與之曰此隸人支體也思明受之一人後至謂其人曰曹某當得一侍郎兒何故以薪僱與之其人大驚曰吾忘之然侍郎皆已散盡奈何後至者顧視篋中良久曰此不一侍郎鼻耶遂復兵之已而本生天資穎異志操不羣國初以貢遊太學官北平布政司都事永樂改元以勞遷刑部主事累官廣西按察使所至有聲洪熙元年陞兵部侍郎在部四年邊防經略宣力居多以忤於時宰左遷山西參政

韓克忠

韓克忠字守信城武人登洪武丁丑進士第一授行在翰林院修撰太祖愛其學行淳實僅三月命署國子監司業自祭酒宋訥後學政多庸忠與祭酒張頤宗創制立法典廢補壞編立監規參酌時宜永爲遵守學政自此振舉革除一年陞河南僉事未幾卒於官初忠之會試也不與中試之列時所取宋琮等五十二人江以北無一與者及殿試賜閩人陳郊爲第一被黜落者咸以爲言太祖怒命講讀官張信戴彝等十一人再閱下第卷中釋文理優長者復其

卷之二

二

山陰

其間正餘黨詔謫三吾成邊餘皆凌遲於市於是復閱取六十一人皆北人也六月朔殿試再賜策問以忠爲第一今祀學宮

齊直

齊直字爲人性穎敏好學洪武乙卯舉於鄉爲學官宜德府府宿遷知縣寬廉平易典學勸農末期月民相率令邳州有張氏以種瓜爲業一夕爲人刈其苗殆盡訴於直直曰汝有孿家乎曰李榮與舊有怨直卽召榮及瓜田四鄰收其鎌鋤數十事雪之獨榮

鎮水孝烈苦榮遂服州民張謹妻朱氏喪夫金環釵釧六事爲姑所掠幾死其兄弟訴於直直召朱氏問曰是日往來者何人曰有出蘇小姑并鄰婦三人卽日召四鄰人至則以布蒙其面坐之帳中使各伸足帳外令誅曰此是盜金環者取大杖杖之一婦卽縮其足出而詢之乃小姑也一豹卽服鄰婦楊氏兄弟五人爭產訟經年不能決越境來訴直命跪庭下累日引古人兄弟友愛者反復開諭之五人感悟請不復爭上元縣人有囊鈔五百貫爲人盜去訴於直直曰汝何所見答曰只枕一石他無所見直令人取石入城隍祠決而求之復以其狀焚於祠下人爭趨觀密令隸數人聽察衆人又令二人立門下凡觀者出入皆索鈔一貫無鈔者不得出有二人私相語曰我知盜囊鈔者我與汝至其家索分其鈔隸聞輒執之遂得盜者其理民訟多類此正統元年卒於官邑民老幼携扶哭於縣門相屬不絕有送喪至滕葬畢而後歸者

宋亮

宋亮字均禮魚臺人魁梧英發涉獵經史每以古人自期洪武八年有司辟爲本縣儒學訓導承元餘俗

力以古道倡率數年之間風俗丕變未幾復應經明
行修詔拜福建右叅政撫綏有聲民懷其德值回轡
引咎罷歸優游耕釣鄉人隨而化之

劉寧

劉寧汝上人洪武中以監生任刑部主事剛毅廉明
不受私謁夫人安氏方櫛髮有以爪盛銀篋者安氏
被髮呼僕拘送於朝 詔賜金幣勞之官至太僕寺
少卿

王彬

王彬字文質東平人洪武中爲御史巡視江淮靖難
兵至彬與指揮崇剛共守揚州指揮王禮欲舉城降
彬與剛知之執禮及其黨繫獄彬外禦內防七日不
解甲焉 難兵飛書城中有縛王御史降者三品千戶
徐政張勝縛彬昇至城上投靖難兵中不屈而死

師達

師達字九達東阿人資稟過人八歲讀書日記千言
少孤無兄弟奉母極孝年二十餘貢入太學從御史
出按遼東方熾不阿御史劾達逮至闕下囚服人見
狀貌偉壯面如玉盤破髯拂拂 太祖目而偉之卽
以達爲御史不三月擢陝西按察使至則獄囚繫者

數千達檢案牘訛鞠各以其罪輕重立爲議決旬月
而盡永樂改元召爲兵部侍郎未幾改佐吏部與選
幾二十年嚴密慎重人莫敢干以私車駕北征沙漠
以達督運達以道里回遠飛芻輓粟疲不能給奏設
頭舍於道令民互相送迎以次轉輸著爲定式營建
北都遣達采木湖湘達以十萬之衆深入窮山賈販
不通軍夫親食刀斧除間道路徵召商賈往來貿易
軍民樂趨績用有成凡在湖湘八年 仁宗卽位念
達暴露日久召爲戶部尚書兼掌吏部修明國賦選
拔人材朝廷倚重焉宣德二年卒於位 賜祭葬如
例達爲人器宇恢闊談論侃直天性朴儉不殖生計
所得祿賜多分宗黨顯貴四十餘年有子八人無以
贍也 宣宗嘗與輔臣論魁從北來大臣持廉守正
者惟達一人郡邑皆祀於學宮

張本

張本字致中東阿人也九歲爲邑諸生後舉京闈鄉
試授江都知縣登奸革弊豪猾欲迹清難兵起擢揚
州府知府尋陞江西叅政巡行郡邑躬理民事祛除
蠹政吏無容奸聲漸愈起 詔爲工部侍郎已以事
廷旨請交趾布政司吏復起刑部侍郎 仁宗卽位

以其特立不阿首進南京兵部尚書兼掌都察院事
召掌行在兵部宣德初征漢庶人本以戎樞扈從調
度兵食庶人伏法遣本治其餘黨本奏漢國吏民爲
王所賜倉卒從亂可無盡法以安反側詔從之一方
類以全活時軍政久弊本奏遣大臣分出清理爲條
例頒行天下著在令典詔兼太子賓客數賜璽書褒
諭已以戶部政弛又命本兼之本夙夜講求興廢舉
廢必求至當宣德六年本病詔遣中使絡繹臨問諭
令近賢藥自輔毋以國事爲念本涕泣受命未幾卒
賜祭葬世復其家本爲人直諒通敏持身廉介議論
侃侃有古大臣風同輩皆推服之 成祖時嘗宴近
臣各設銀器一案因以賜之惟本坐案皆設陶器諭
曰卿號窮張銀器不知用也本頓首謝郡邑皆祀學
官

樊敬

樊敬字守一鄆城人洪武辛未進士初授左春坊司
諫改行人司副擢鴻臚寺丞累至大理寺卿永樂八
年以左通政鎮守真定撫安軍民十六年車駕北征
時以廣惠伯劉才總兵王友行師失律命敬馳至軍
中斬之撫師而歸十八年復以行軍司馬鎮守濟寧

撫操十萬壯士指揮等官得自除授總兵以下悉許
節制違令者斬其委重如此宣德元年以刑部右侍
郎清理江北軍務二年大征安南遣敬轉運軍餉深
入蠻方撫蘇不後敬鎮守濟寧時過其故里駐節城
南草堂里人榮之

賈諒

賈諒字子信澤州人水樂中繇鄉舉陞太學選侍太
孫說書講論詳明深荷眷遇歷陞刑科都給事中正
色敢言廷中推重宣德間擢行在都察院右副都御
史會江淮羣盜劫殺夷使受命往捕以討擒之江

右京民暴不奉法諒往按得實悉宣憲典良善以安

川蜀姦盜作梗捕其首惡餘黨解散正統初出鎮湖
湘鋤強暴屏表颺楚人頌之巡視江淮賑活饑民十
餘萬口歷撫諸省風猷凜然其居內臺蓋振紀綱存
大體卒於官賜祭葬如例入祀鄉賢子傑仕至陝西
參政

孫時

孫時字習之鄆城人以舉人授壺關教諭陞金壇知
縣刑部員外郎出補河南僉事入爲大理丞亭獄寬
獄多所平反嘗以論報忤旨繫獄疽發於背 成祖

察其志出之賜藥存問洪熙元年陞工部侍郎改直京太常寺卿正統改元固請休致賜畢書馳驛歸

辛驥

李驥字尚德郊城人永樂間以舉人任戶科給事奏罷有司征商重稅者出知新鄉東安二縣東安有狼食養婦之子驥惻然禱於神狼還死噬所秩滿陞刑部郎中以事謫戍洪熙改元應薦遷監察御史嘗疏陳時政十餘條多見采納宣德六年陞河南府知府與治補弊鑄奸抑強道不拾遺居民爲立祠洛陽城東門歲時水旱禱焉

永樂九年

人

張

張蔚沒上人永樂中領解任教諭陞山西按察司經歷承檄執妖賊勦虜屢立奇功陞廣東德慶知府母卒扶視抵家廬於墓詔庭其門累官鳳陽府知府

許彬

許彬字道中寧陽人第永樂乙未進士選入翰林庶吉士歷任檢討編修修撰與修仁宣二廟宣正統丁卯福建鄉試詔往蒞其事號稱得人己巳陞大理寺少卿轉太常英廟被留廢庭廢自悔過遣使赴京哀和且要大臣迎駕食以腐腐莫必須還

有學識大臣往覲虛實公論推彬曰主學臣死此豈計身家時耶遂同都指揮馬政深入虜境凡三往返諭以禍福曲直虜悟舉駕以歸英廟復辟首進禮部主侍郎兼翰林院學士文淵閣視事彬既執政論議秉公侯伯中有以迎復爲功而陞秩不愜意者再三言於政府彬執手書之曰爾戮得幾人何功之有其人慚而退每爲英廟言陛下當有過錄材如王竑宋傑曹太商翰王偉才皆可用不宜置之散地昔唐太宗不罪王珪魏徵反錄用之輔成貞觀之治此前代明驗也石亨恃功驕恣權傾內外當如宋太祖杯酒釋六藩鎮之權則功臣皆獲老死闕下今竊享太過恐非保全之道英廟心善其言而未欲顯露亨聞恨甚乃內結太監吉祥共濟之遂調南京禮部侍郎中道復左遷陝西參政又復以事繫獄遂乞骸骨致仕卒年七十有六所著有東魯先生文集今祀學宮

李興

李興曹州人以勤儉起家性好施與有貧不能償所負者輒焚其券有喪不能舉者給以棺歛江西賈人楊彥成負錢若干以女代之興卽遣歸不責其償同

邑蔡嫗老無所依興收養於家終其身正統初大饑
流民數百輩遁聚於曹哭聲振野與憐之出糧振贖
有司恐其爲患將驅之出境與曰官府懼流民爲患
而驅逐之是也然以數十百瀕死之民驅之出境必
死無疑矣有司爲之少緩遂給以楮幣使詣闕陳情
俱得占籍由是存活者蓋千餘家歲時伏臘相率來
祝曹人傳誦以爲美談

郭魯

郭魯東阿人父履洪武中爲濰城牧論坐在任九年
士無中式謫戍雲南魯及弟純皆以永樂間中式因

永樂間中式謫戍雲南魯及弟純皆以永樂間中式因

十

山東

上疏請代其詞有曰李容孫男尚能報其祖母緹縈
女子猶得贖其父刑今臣父病體衰羸年垂六十跋
涉萬里道路艱危桑榆之景無多客死之期立至有
親至此生子奚爲書奏 成祖憐之詔召還仍以爲
鄆縣教諭

王賢

王賢字惟善章陽人領永樂辛卯鄉舉登乙榜授鄆
度教諭時學久廢弛賢嚴立條約課業有程不易業
暑又言於有司新學官飭廟祀煥然一新士多所造
就戶部尚書張睿禮部尚書薛瑄皆其門弟子也陞

鈞州佐秩滿擢戶科給事中正統九年進光祿寺少
卿奉勅巡視淮揚盡心民瘼廉幹著聲 上知其才

召陞順天府尹輩較之下兵民難處權勢縱橫賢不
剛不柔爬奸剔蠹一處以公道人見其言動尊嚴不
敢以非禮干謁吏民化之嘗以柴炭爲民病走詣工
部尚書石琚曰京民勞疲極矣今採運夫役與直保
諸鄉等無乃不可諫遞減之又惜薪中貴縱其下非
法凌府屬叱咤於庭熾火園之賢聞趣至縛其人欲
以問主者溫言謝乃釋去一日坐公堂有懸金牌直
入稱權勢官索板蕭若干賢曰明日來取察知其情
人稱權勢官索板蕭若干賢曰明日來取察知其情
及至執之實於法九載蕭表乞致仕不許陞正二品
俸復任又三載再疏乞骸骨 上曰卿年七十禮當
致仕然京畿冗繁非爾不治所請不允 英宗復辟
之初顧近臣曰府尹如賢者何可得哉五年上章引
疾力辭得請即日上海士民攀援塞途戀戀不忍舍
去在任以當務爲急嘗修府治學校及宋文丞相祠
事集而民不擾苟有所省卽省之惟恐累於民故民
德之深成化改元用恩例進階一級成化三年卒享
年八十有一賢少時嘗夢人授之書曰讀吾書可求
排不讀吾書止衣綠覺而異之數日於路得一書視

之青烏家說也。潛玩久之，乃以善地理聞爲釣州佐。時漢所有異志，遣人構之，不往。曰：欲得子，非詔旨不可。漢王以名聞時。上以仁孝皇后未葬，有事壽陵。曰：吾正欲得之，乃遂取以往見於房山。上指示其處，對曰：此公侯地耳。扈從至寶家莊，蓋寶十郎故址。日勢如萬馬自天而下，真天子地。乃定今長陵是也。前有小阜欲去之，曰：恐有妨於皇嗣。上問無後乎？曰：非也，但多庶出耳。上曰：庶出亦可，遂不去。

李秉

李秉字執中，曹州乾都人。宣德乙卯，領山東鄉薦。第一丙辰登進士，授福建延平府推官。有兇豪爲民害，官莫能禁。秉廉得其狀，卽捕治之，因被誣下獄。後事白，兇豪伏法，其名愈著。越兩考，擢都察院經歷。未幾，丁內艱，服除，改戶部主事。陞郎中，出督鳳陽等處漕運。再理宣府糧儲所，至事集景泰辛未，用薦陞右僉都御史，巡撫宣府。叅贊軍務總提糧儲，秉請帑金三萬貫，牛給貧乏軍民，秋成償其值。上允之。軍民樂業，邊餉亦足。且奏都督紀廣叅將楊能怠忽，邊備能亦誣秉不法。上降旨，取回別用，擬差都御史蔣林代之。科道連章言風憲糾劾，既已未辯曲直，遂以盡

拾之言而改罷之，適足以鈴言官之口。上止林行，令御史練綱給事中嚴誠往勸果誣劾切責能等，秉復奏准邊軍雖無妻，但有四口同居者，許支一石之糧。次宣府，尼僧配軍士無妻者，又奏都督過與怯懦無謀及叅將方政等陞官賣宅之罪。上切責政等，而以宅付代者。癸酉，虜人近邊放牧，廷議擊之上疏，謂邊牆之外皆夷狄牧養之地，彼未嘗犯邊，掩其不意而襲殺之，是倖功賞而啓邊釁也。上嘉納之。虜寇以剽掠男婦易糧米，朝議每大口米一石，小口米五斗，虜不從。秉曰：是重物而輕人也。每口與米一石，總兵官以爲礙例。秉曰：何忍使吾赤子爲夷人耶？專擅之咎，吾任之。悉如數與之後，且聞。上允不究。常條陳邊務，其目曰：蓄將才，恤孤寡，增衣糧，汰冗員，專防守，肅邊備，行營田，革奸弊，杜奸謀，停造作，修城池，均田土，貨官鹽，悉允行之。數年之間，邊境無虞。軍民攸賴，至有祠於家者。天順改元，巡撫江西一守陳泰之制，改蘇松加耗之例。時郡縣多貪吏爲民患，秉去其甚者數人，餘悉改食爲廉民，始得安其業。戊寅，巡撫大同等處。一時痛革諸弊，凡股削軍士者必置於法。羣情洶洶，度不能自容，乃以事中之坐除名。久

之上知其誣特召復職掌南京都察院事甲申進
右副都御史再巡宣府越兩月擢左都御史掌院事
屬歲當考察乘舉劾無所避公論快焉是歲秋上
以大同等處邊備廢弛命秉整飭通虜寇入境乘
率官軍與戰於鳳凰山擒獲人畜萬計成化二年建
州虜酋董山作亂復命秉提督軍務討之秉奏建
州等諸部落進貢邊臣不得過爲揀擇以啓邊釁下
部議從之三年同武靖伯趙輔破女直擒董山等二
百餘人誅之師還特賜一品服勞以羊酒丁亥遂拜
吏部尚書錄建州功進太子少保素剛直不阿人
意及居吏部凡內外士夫有聲望者皆以次擢用不
得上命不已會大臣有忌之者嗾給事中蕭彥莊劾
之遂落太子少保以尚書致仕前祭酒陳緝熙不平
作詩送之有古道自無三黜慍直臣又見一番歸之
句人相傳謫方秉被劾時六館士就試於禮部成日
某罪不測則願不試以贖之及聞落責乃罷丁未
恩詔進階光祿大夫又二年卒年八十有二秉居官
介然有守無敢干以私者及與鄉人處忘其勢位人
人得而親之後謚襄敏子祭非

張琛

張琛東平人正統間山舉人爲衢州府同知迎父
養父卒廬於墓側泣血三年不視家室服闋陞吏部
文選郎中銓選公明爲時所稱仕至福建左布政使

梁觀

梁觀字廷實東平人正統間舉於鄉薦授監察御史
歷按陝西河南以言事忤時幸譴嘉善丞未幾復官
山西河南大饑時撫治鄆陽馬文升奏求如梁御史
觀者往蒞焉朝廷從之遂擢爲陝西副使控制要害
懷來安輯民得樂業漢中入感德爲祠祀之

王晟

王晟字景昭鄆城人舉正統丙辰進士初授刑部主
事陞員外郎英敏剛直鞫獄平恕秩滿陞浙江僉事
專理山場銀課時麗水青田諸縣山賊陳鑑湖等嘯
聚劫掠晟召募勇敢殺賊數百人已而賊勢復張官
兵不能支晟遂被執罵賊而死事聞遣官諭祭贈江
西叅議官一子

李本

李本字時升曹州人景泰甲戌進士拜禮科給事中
總糾得體輿論稱之遷尚寶司丞陞本司卿本性友
愛念兄子蚤孤撫養教訓視如己子又舉先人遺產

悉讓其姪里中至今義之累至南京光祿寺寫平於
官後賜祭葬如例

秦紘

秦紘字世櫻軍縣人性剛毅不與世苟合景泰辛未
成進士擢南京御史侃侃奉職綽有風裁天順元年
以事忤左都御史軒輊疏紘不職降宜黃驛丞御
史練綱知其賢薦知雄縣天順八年又忤中官下獄
調陝西平谷知縣廉能有威修建縣治學舍民自不
擾成化元年陞葭州知州政平訟理二年調秦州知
州廉明剛果民多愛慕五年陞華昌知府持身公正
不敢干以私又禁官府市賣豪猾無緣爲奸久之調
西安府益勵精勤庭無宿案賦役累數萬心計不爽
錙銖雅性儉素孤介無纖毫費及於民進陝西右叅
政陞左布政使在閭中最久民情益練凡典司出入
雖寸牒會奏皆手書閱奸黠凜然知載又平徭役完
逋負至於聲色謙遊之樂泊然不戾其心說者謂紘
起西安歷藩司與余肅敏同聲望並著至今陝西並
祀於遺愛祠十六年陞右倉都御史巡撫陝西時秦
府旗校肆橫民苦之紘擒治不少貸秦王不能堪秦
其欺滅親王 憲宗震怒逮下錦衣獄命內臣尚亨

藉其家止得黃絹一疋故衣數事亨回奏紘貪狀
上親閱其貲嘉歎良久詔釋其繫且錫鈔萬貫以旌
其廉調撫河南既抵任巨鎗汪直亦以事至汪時竊
弄威福聲勢烜赫他巡撫官率屈禮以見紘獨與抗
禮略不爲屈汪亦重之不爲較紘乃密疏汪多帶旗
校騷擾地方後汪回京 上問各省撫賢否汪獨稱
其廉能 上以紘疏示汪汪叩首伏罪稱其賢不置
上釋之未幾改撫宣府時虜患方劇日夕謀求邊務
謂禦虜莫如自治乃謹圻堠明烽火蓄威養銳以待
之邊境恃以無虞二十年改左倉都御史理院事風
采益峻御史姜紘輩不職劾之皆謫去陞戶部右僉
郎未踰數月以忤時貴降廣西左叅政弘治元年太
宰三原王端毅公素重其剛正特起左副都御史總
督漕運益侃侃自樹風采嶄然已而進右都御史總
制兩廣兼理巡撫先是山後諸賊爲患有年紘調兵
委湖廣按察使陶魯討平之時總兵官安遠侯柳景
貪黷不法具列其狀劾之逮下刑部獄追贓鉅萬禮
其舊秩景挾威曉于內降冀減其贓且撫他事誣紘
以圖報復紘亦被逮赴獄坐免臺諫文章論救王端
毅又極言其當大用起爲南京戶部尚書持身孤特

御下以嚴不入指一錢及致仕行卒然歸家門不理外事臺諫交薦起之十四年北虜犯固安等處起戶部尚書兼左副都御史總制陝西固安等處軍務巡撫而下咸聽約束至則奏陞開城縣爲固原州明年冬甘涼諸路備禦官軍以資乏乞少休息武安侯鄭英以爲虜酋在營不可紆日時草枯馬瘠虜必不至已而果不至所省芻餉甚多嘗謂守邊之策惟戰與守乃推廣古法造兵械置火器修海子口等處九堡甃石爲垣累識爲門及築下馬房邊城三百餘里以絕虜遁又修城堡開隘一萬四千一百九處

李朝分省人物考

卷之二

山東二

劇崖設險三千七百餘里自是北虜不敢窺伺時固原城市地荒民貧乃拓其外城奏移鹽所於此由是商賈流通公私兩便又創修孔廟廣學舍人才彬彬興於文教至今言總制經略之功必以絃爲第一十七年加太子少保召改戶部尚書理部事未任乞致仕十八年卒於家贈少保謚襄毅絃平生剛毅廉介居官四十餘年至大司徒所居僅蔽風雨妻孥菜羹麥飯不改其舊及卒家無餘貲未幾子孫有貧乏不能存者其操節始終一致爲時名臣云

孔公尚

孔公恂字宗文曲阜縣人宣聖五十八代孫景泰甲戌進士授禮科給事中天順中李賢言於英宗謂公恂與賢善司馬恂皆古聖賢復可居輔導之職遂同日起陞少詹事侍憲廟於春官及卽位改大理寺左少卿因自陳不諳刑名仍改少詹事兼左春坊左諭德會撫寧侯朱永命出征公恂上章留之且言永當時武臣中一人而已爲衆所嫉被劾出知漢陽府未之任丁內艱服闋復少詹事任南京詹事府卒於官公恂慷慨尚氣不肯卑汚屈抑遇非其人一言不合輒忤忤然見於顏面而去故在宦途亦屢起屢五月八月人物考

縣云

卷之二

一五

山東二

秦崇

秦崇字智崇單縣人天順四年進士授兵科給事中憲宗卽位與諸科臣糾劾權倖舞法者咸化元年貴州蠻酋起爲邊患朝廷命將征之崇往監軍凱旋還都給事中陞太僕少卿南光祿卿轉南太僕卿弘治三年遷應天府尹明年卒官諡蕭然府丞冀綺合贈贈爲治後事計開賜祭葬崇性剛勁不屈居官三十餘年皆財貨出納之地而清約無染尤人所難

郭壘

郭聖字文瑞城武人天順甲申進士初選熊吉士以請解館激怒李賢授工部主事時宦官黃順皆幸嘗有私屬聖叱之因誣聖以酷暴被逮責問復命搜其家惟圖書舊衣敝被而已憲廟怒責順曰爾奏郭聖如彼是誣之也黜之南京遂遷兵部主事松潘指仙楊安沒而無子族人有謀其爵者賄當路已有成言惟聖不從卒卻其賄而置之法所善給事中閻某嘗以忠義相期閻畜名馬玩好聖不知也一見遂與之絕剛正之聲聞於中外憲廟嘗書其名於御屏曰清介郭聖選員外郎卒今祀學官

倡鐘

倡鐘字大器鄆城縣人成化丙戌舉進士授浙江道監察御史都御史黎陽王越特薦御史四人可大用鍾其一也十五年陞大理寺右寺丞轉左進本寺少卿陞右副都御史巡撫保定擢刑部右侍郎歷官戶部尚書在部四年屢以師出給餉有勞賜綵幣白金以疾在告命醫診視中官禮問於家賜內醢諸珍物華請老還詔慰留不允再以疾請命馳驛還鍾白哲長身不妄語笑剛毅亭直夙夜惟勤初爲御史時奉勅巡兩淮鹽中費用事者道淮勢張其獨抗不與見

名頗起及按事尤煩劇鍾不遑自逸日閱訟牒夜分乃寢凡行臺亭榭舊以備遊眺者悉封不視事布政以賄聞暴於衆卽引疾以去致仕兵部項尚書忠嘗爲鄉人誣奏禍巨測承命與中貴人讞之白其寃項宗獲全海鹽海岸崩工久不就令所司以刑器實磚石充塞旁流工乃成夏旱不雨虔禱立湖監秋試場黜舉子之私以賄請者而不暴其名曰毋以一入玷我賓興盛典比還朝論列益無避忌巡撫遼東都御史馬公文升亦爲用事者所惡風鍾勅之鍾不可竟以蜚語中傷被廷杖鍾執益堅卒不屈其巡撫保定

却守關者觀金河開海濱淤地舊爲豪所占鍾力還之民其在江南日以釋廢吏禁侵漁爲阜財要務屬吏之疆有力者亦被管掠歲值撙節寬恤事請允之既而撙復甚又條奏九事戶部格不行時特遣廷臣齎內帑銀賑抗嘉湖三府水災因上疏理前奏且言蘇松嘉興杭湖五府均之赤子也賦稅之出蘇松重於三府水災所傷三府輕於蘇松今三府乃蒙賑恤而蘇松之民何獨不一蒙恤念乎又奏設高淳縣以分治溧水民便焉其在吏部進退黜陟一視輿情

丁有薦川未嘗令人知以爲恩其在都察院詳定條

飢風夜惟謹謹獨俱從仁恕在戶部松屬宿弊可無
滯流嘗以四方多災報乃疏十二事以聞於時政多
裨益焉又以九門內臣職議察不可令干國課疏累
上必得請乃已時國用不足上疏言冗食太多宜汰
減內降官吏光祿寺供廬大禁宜減內侍及蠲工番
僧酒饌天下有司存留糧稅歲不充用宜自郡王以
下量爲裁處太倉銀不宜收入內庫內庫所蓄金幣
不宜修齋造像及充私賞城門中使不宜干預國課
朝廷難之久不報及貴戚有可長廬兩淮鹽引者既
得旨又執奏乞寢成命以杜將來 上是之常創板
二刻今有人物考卷之五 三二

王珣

王珣字德潤曹縣人舉成化己丑進士授太康知縣
調繁信陽擢南京監察御史行部蘇松獲劇盜三百
陞四品俸時部中所獲至數千人珣按其非實多所
平反曰吾不能殺人求進也歷湖州府知府陞河南
參政轉本司布政旋陞右副都御史巡撫寧夏以寧

夏孤懸河北而境土狹小當先守後戰因濬黃龍山
渠以廣屯田遇虜騎邊防賴之虜寇花馬池深入臨
章總兵郭鉤以衆寡不敵不敢出戰珣曰虜深入獲
利而還實驕且疲以逸待之勝可必矣戰於石溝破
之道階通議大夫無何以疾致仕章再上得馳驛還
均爲人孝友少時爲兄連所撫及考滿受廩官其兄
子以報之里人稱焉卒賜葬祭如制祀於學宮所著
有奏稿十卷南野詩稿二卷

劉約

劉約字博之東阿人第成化己丑進士累官吏部郎
中出爲河南參政徵王嘗請民田若干以益國租下
史勘實約奏以田還民王略劉瑾遣他使復勘以田
予王逮約下吏罷之瑾誅乃復故官約爲人修偉有
儀器識超越初聘里中徐氏女忽病目而替女家以
返幣請約曰女瞽即棄不要假使男替女家亦不字
耶終不改聘其後一日忽開里人奇之約生六子兩
舉進士爲名臣各有傳

王璟

王璟字廷采沂州人舉成化壬辰進士除登封知縣
六期以清節聞擢南道御史凡所論列悉關大體獻

獄不泥成案率多平反以起復改北按視山海等
保定諸郡旌別臧否罷行利弊累至光祿寺卿轉右
僉都御史總理兩淮鹽法通變革奸私販屏跡浙東
大饑被命賑濟條上經畫要宜十事奏省杭州軍糧
三十餘萬石所活四十萬人改巡撫保定疏陳地方
事宜并乞罷呈莊名目以蘇民困 孝廟嘉納之時
中官奉 命勘寧晉新河諸縣土田吏稍侵侮遂奏
遣官校捕捉鄉民二百餘家遠近驚擾環備疏其害
謂宜斥罷諸璫田土盡歸小民人皆壯之正德丙寅
入理院事逆瑾矯詔罷官瑾誅薦起巡撫山西時巨
盜流劫河東爲甚璫至閭視通賊處所設險防禦製
火鎗火箭等器攻守具備斬獲頗多山西地瘠民貧
復經兵燹凡各部歲派物料及戰馬四千餘環疏請
改徵以甦困弊已召爲左都御史掌管院事獨持風
裁朝廷倚重嘉靖初進太子太保乞歸因給廩米與
皂仍物有司歲時存問卒賜祭葬葬如制今祀學宮

杜 琬

杜琬字仲純滕縣人世隸武籍父紀獨改業事儒琬
舉弘治庚戌進士授慶雲知縣擢戶部主事刑部員
外郎中出爲山西僉事時大寇劉六等攻破益關御

史微琬守沁州琬塞險守隘繕城浚池勸粟糶治兵
器盛旗幟簡練士民軍聲頗振賊由他道引去不入
沁境良民爲賊所虜者乘間逃歸有司輒捕論之微
以爲功琬悉出之定襄有饑民千餘聚匿山谷中有
司以反聞撫臺議發兵擒捕琬乃言曰有司不能備
荒於平日民無所食乃相聚山谷以延數月之命今
捕之急此不北走胡卽以死拒我矣治亂民如治亂
繩宜撫而解散之遂畫方略數事撫臺乃撤下州縣
部有貪吏琬發其贓晉宗冒支祿糧九千核其實以
請因與撫臺相左引疾乞歸詔陞山西叅議致仕琬
奉母至孝家庭嚴肅夫妻相待如賓教子弟必先孝
謹而後文藝卒祀學宮

張 賓

張賓字廷賓單縣人戊化戊子舉鄉試乙未舉進士
授雁寧知縣以憂去服除改金壇提督秦御史弘治
庚戌遷湖廣僉事復丁父憂服除改山西遷浙江副
使江西廉使正德丁卯遷南光祿卿明年廷臣薦爲
大理卿劉瑾用事恣無所餽遺勒令致仕賓知難寧
時大吏發原賑饑或勸待報賓曰穀爲民積今爲民

發之罪我自當也金壇又大水以全災報都御史怒上九分災實抗言曰民溺而匿之不仁告不以實不忠民將幸矣爲御史劾太監蔣琮擅伐山陵琮幸臣也疏入不報巡山海立社學使行伍皆知書守備劉某貪殘有內援索賈之法湖廣知縣某素佞幸上官後民訟下賓治都御史屬賓曰此官賢罪當坐訟者賓竟罷之御史喬恕按江西嚴斷省府畏之體諂言甘賓至將衣躬見或勸更他服賓曰此吾命服如面君又何如每與御史論事更端復起媿媿不厭御史憾之賓抗執如初布政林某謁御史趨賓止之曰奈

本朝分省人物考

卷九十五

三十六

山東二

何以藩長效驛官久之御史薄林而賢賓賓司刑久明決而平恕句容有獄十五年矣因請於御史願下金壇縣治死無恨御史曰彼非我屬囚泣下曰他官喜賂故使其冤今江南清官獨金壇耳御史乃轉白他御史下金壇事果得理在山西斷文水二氏田治藩府暴橫江西最健訟必逮數百人得利則自承反坐賓一切平恕譬解之寧庶人侍才御三司如輿隸其尉坐事求末減賓卒不撓江西副使蔡清林廷玉皆行義士一日相詬欲相擊詣賓求直既見悔愧不敢言而罷御史張淮按雅寧民狀實善政賓曰此

市民獻諫令惠無政無患無聞山西省城北唐宏百里無水賓相地得井有欲紀之者賓不可湖廣民作德政碑賓見毀之居浙入觀垂索如京知府于鳳嗜有獻不納賓素貧不妄取末冠時夜讀書鄰女私就叱之尤薄勢利曰官豈一家物哉有以官爲家者未之思耳卒年七十有九

孟麟

孟麟曲阜人性行恬素操守嚴潔聰穎力學寒暑不倦舉成化甲辰進士歷工部主事郎中奏興水利六事至陝西左布政歷仕凡三十年清苦自安不營家業及歸林下衣食無以爲給澹薄清修悠然自得邑

本朝分省人物考

卷九十五

三十七

山東二

人高其節祀之學官

魏紳

魏紳字廷珮曲阜人母卒廬墓三年朝夕哭奠舉成化辛丑進士歷刑部主事郎中廣西有冒稱外戚者事覺被逮人皆避之紳一訊卽得其狀累遷都御史歲旱奏減民稅四分之一築邊牆四十餘里增墩堡五十餘所孝宗賜璽書褒勵官至刑部侍郎卒祀

學官

湯清

湯清其始祖祠從 高祖起兵累立戰功世襲指揮
命督山東濟寧東林關招調四十八衛以飛輓者積
調宣州衛指揮同教傳而族遂大四世孫湯鈇弱冠
補郡文學篤於孝友嘗醫舍頌索爲伯兄銘償所負
庫金家以益落值歲大侵日不能再炊逢遺棄暴
金及典質券可百金候之終日爲筆其處去後遺金
者願割以謝叱且笑手還之歸而與家人共饌尼幾
無以存也劬書攻苦至老愈篤郡博士李公別駕戴
公後先設席東贊之外卒無所點染諸大夫高其行
聞於學使者旌之異等優賞甚腆諸所與交游多從
先以達而缺孤貧杜門自絕不肯交一刺也曰吾不
能自達亦不能過達者之門

孟鳳

孟鳳卽鳳字瑞周號梧岡山東曲阜人父紀由舉
人任阜寧訓導鳳生與伯兄麟同祗弘治己酉登解
山東庚戌登進士第選知縣縣屬沂東巨邑商繁二
賦殷至則勸農桑興學校務在使民利安又磬石發
堤百八十丈以濟水衝民甚便之材舉日彰治聲騰
播徵福建道監察御史丁內艱服闋改浙江道出按

宣大時北鄙多警肅憲貞度以振戎備屬聞之不敢
侵軼復按江西值寧藩潛蓄異謀一處以正折其機
牙比及代不能少遲在這七年疏屢上未嘗示人人
問之各曰揚人之過以爲己名子弗忍也陞懷慶知
府鞏綱維布條約倡僚屬以興教化均徭平賦扶善
抑奸開惠通河漚民田二千餘頃暇則進諸生語以
讀書作文之要陞河南左叅政督理糧餉屬流寇倡
獗提督彭公率官軍追勦引鳳自輔鳳雖司滿實積
餽饌而匡贊寔多寇尋殄滅督運至京輪納以速而
餘羨有歸公私稱便陞河南按察使鳳典蒞事所寒
暑雨弗休書所行者於壁日稽銷之吏屬警畏刑獄
一清陞山西右布政使銓司奏舉方岳以行旌異之
典鳳首與焉尋轉河南左布政使務特大體略細苛
旬宣之政既舉而案牘出納纖悉必明陞巡撫保定
右副都御史巡撫順天等府嚴察舉劾兵戎罷庸懦
懲微以寧後以懷敵功屢有錫襲寶楮之賜改提督
漕運時漕政久弛悉心經畫選能以任功劇蠹以祛
害運舟相繼而上國賦以充兼巡撫鳳陽等府威信
素著禁令益行第以河溢徐邳田廬漂沒 聖駕南
巡之後諸持一空乃奏免常租裁絀冗費民之无徒

者稍用延息又建徐節孝陸丞相祠延學者讀書其中
以作人才以厚風化辛巳陞刑部右侍郎連世
廟承統命以本官兼左倉都御史提督宣大三關等
處軍務至則選將領作士氣明賞罰謹烽候嚴懼弗
入間一入馬雨電交作變而去咸曰此天威也有希
功者執遊僧乞巧致十人以爲奸細力辨於朝竟得
全活癸未奏復孟姓六載考績進階尋轉左侍郎陞
南京刑部尚書精白一心申嚴邦禁不徇私情不撓
於勢始或議之終乃貼然服入官三十七年歷事三
朝清慎勤倦倦自盟而忠孝大節尤所致謹於寢門
大書戒慎恐懼四字時爲省觀修身以達於官業樂
可知矣

王憲

王憲字維綱東平人第弘治庚戌進士授阜平知縣
改滑縣入爲監察御史巡按蘇松諸郡時有豪貴怙
勢暴橫鄉里家置水牢有負其債者禁滯於中憲發
其罪狀置之於法一方肅然進大理寺丞尋陞右倉
都御史清理甘肅戎政進右副都御史巡撫遼東外
襄起復歷撫鄆陽大同虜入應州憲勅所部斬獲其
衆捷聞賜緋魚晉戶部右侍郎巡撫關中已而改佐

兵部宸濠謀逆扈駕親征經畫軍需所在節省江彬
矯詔繫國子生跪於行宮門外憲入奏事因力白詔
貴之明年晉本部尚書嘉靖改元乞休歸里六年詔
以本官兼左都御史總制三邊吉囊入寇調集兵馬
分屯要害授以方略戰於細溝堡五日四捷俘獲甚
衆聖書褒獎進太子太保明年改南京兵部尚書參
贊機務再改左都御史總持內憲居二年乞休辛卯
遣官卽家起爲兵部尚書會雲中逆卒戕辱主帥招
誘胡虜據城抗命憲舒徐運奇旋就底定以年滿七
十乞休賜傳歸里仍給月俸與夫以示優崇卒年七
十有三追贈少保諡康毅論祭嘗葬如制憲天性孝
友敦尚節儉歷官四十餘載不激不亢有古大臣風
所著有督府奏議等書

韓智

韓智字愚夫滋陽人五歲能書大字有司以奇童薦
入翰林第弘治庚戌進士授禮科給事中累至工科
都給事中在諫垣十餘年論議明劄錄以文義有買
入附會貴戚侵併鹽利智抗疏劾奏聲動廷中他所
陳說如正心任賢愛爵賞節財用之類多見采納嘗
勾稽宣府邊儲尤稱明審居常手不釋卷問學淵博

以著有滄庵稿少師李東陽嘉其素行爲表其墓
於學官弟普登成化丁未進士仕爲御史兄弟友愛
人無間言

胡海

胡海字朝宗城武人爲人端方謹畏蒞事不苟初知
東鹿作新士類愛養百姓清飲之聲著於上下擢廣
西道監察御史嘗清軍兩浙其得憲體後陞按察司
僉事未幾致仕歸進階副使家居非公不見邑宰戚
里有干請公事者大者則辭曰不敢小者則辭曰不
屑于者怒曰安得不大不小事以干公耶年八十六
而卒

王崇文

王崇文字叔武珣第三子也弘治癸丑進士授翰林
庶吉士改戶部主事歷員外郎中武宗卽位遣中
官織造因討長蘆鹽萬二千引需銀買料崇文與李
夢陽等言於尚書韓文純奏至再得旨減半歷江西
四川提學副使擢山西參政壺關盜起將發兵勦之
崇文戒勿輕出諭以禍福多所解散因擒其首惡餘
黨悉平由河南右布政使陞右副都御史巡撫保定
引疾罷歸卒賜祭祭如例今祀學官所著有兼山

遺稿

王崇獻

王崇獻字季徵珣第四子也弘治丙辰進士選翰林
院庶吉士後改禮部主事以逆瑾擅權引疾告歸瑾
銜其避已削籍爲民瑾誅改兵部主事時山東江浙
巨寇構亂崇獻條陳六事悉見采用冠平賜白金文
綺西北夷元良哈入寇用總制叢公薦崇獻住先
聲搗巢嘉馬用步設奇料勝卒以成功尋陞郎中奉
命徵南直浙江驛傳銀蠹革積弊歲餘得銀四十餘
萬陞南京尚寶司卿以錢寧專政復引疾去嘉靖戊
子用言者薦起爲南京通政司右叅議再晉南京大
僕寺卿癸巳拜左僉都御史巡撫寧夏偶感時事三
疏乞休得歸家食三十年屢薦不起扁其堂曰三已
所著有孫子釋疑小學撮要禮記釋言雙清詩集韻
語拾遺等書

王紹

王紹字繼宗曹州人舉弘治癸丑進士授南京太常
寺博士提監察御史巡按貴州蠻夷劉五支常復逆
紹單騎諭以大義賊衆皆羅拜解散時閭瑾忌之出
爲山西按察司副使累官光祿寺卿致仕歸值歲大

疫捐俸延醫存活者十之七嘉靖乙丑 詔進大中
大夫有司備儀問勞月廩歲給當道扁其堂曰清朝
存問

陳九疇

陳九疇字禹學曹州人弘治壬戌進士授刑部主事
囚越獄勢莫敢櫻九疇荷戈獨先囚敗就擒名重京
師恤錄南畿聞瑾以不賂銜之謫廣東陽山令瑾誅
詔還歷郎中任四川參議從制府彭公澤平流寇藍
郃陞陝西副使尋陞按察使嘉靖改元以宿望擢副
都御史巡撫甘肅時九疇在甘州虜偵知直趨肅州

卷九十五

三

山東

率驍騎晝夜五百里凡七日與虜戰梟夷王首斬獲
甚衆捷奏壘書賞勞甘肅等處皆有生祠爲忌者所
中傷詔下之理尋 手勅廷尉赦之 覃恩致仕家
居州南卑濕間澇則傷稼湯廬力請通渠今以永奠
已亥歲饑輸粟百斛計散俸金六百民藉以甦

劉田

劉田字伯耕約之長子也爲人俊爽王立豪宕魁壘
少所折節而孝友慈祥諂然駕至年二十餘舉弘治
乙丑進士授元氏知縣爲治嚴明不阿權貴時劉瑾
用事遣中貴人刺事畿內所至長吏皆郊迎謁及入

元氏坐傳舍召令至田駕車雍容傳呼而入中貴不
爲起田厲聲曰咄聞胡不爲長者下坐中貴大愕起
呼其徒欲辱之田前提其一人擲堂下召史縛送獄
曰若刺事郡邑奉何詔旨吾上書請之矣中貴大困

蒲伏求解久乃得去走白真定知府知府大恐以千
金爲謝不使知也時郡邑多獻生物元氏人得白兔
送邑僚佐大喜以爲奏當授賞皆前賀令田笑謝之
乃置酒召丞尉博士飲酒三行奏衆起屬客曰諸君
噉白兔炙石此乃是也丞以下愕不能對田笑曰諸
君樂飲耳令豈獻白兔者已召爲戶部主事稍還員

卷九十五

山東

劉坤

劉坤字伯生壽張人少而穎異都御史劉大夏治河
張秋見而器之爲建屋十楹以居弘治辛酉舉於鄉
嘉靖初以母老就選得萬安知縣富民彭嵩與南林
爭訟嵩投書賄千金坤出書折嵩嵩懼服罪及坤入
觀林復持百金爲贈坤又却之陞山西汾州知州汾
宗藩常祿歲九萬金民間不以時完或稍漁羨輒持

守長短坤裁之以法宗祿不匱已而思母乞休四申乃允坤爲人端誠醇謹孝友著聞其處鄉里尤敦嫻睦助棺以葬者十餘喪里人識與不識服其家行至

上宗仁

王崇仁字仲安珣第二子也第正德戊辰進士授工部主事時土木繁興招璫競爲請托崇仁澁之以正上下肅然盜起充豫奉詔討之仁綜理諸營器具先事備辦兵以無譴遷刑部員外郎級下獄事多涉權貴據法治之一無所徇出爲江西僉事宸濠潛蓄異志其妾黨素橫悉裁以法濠欲中傷之乃餌以重幣崇仁辭不受竟無所得其間改陝西副使飭兵兆熙時虜酋亦卜刺出沒西海因上區畫事宜當道不用遂引疾歸今祀學宮

上宗

宋諱字伯鴻鉅野人舉正德戊辰進士授中書舍人陞副都員外郎清雪冤枉平反惟公選陞鴻臚少卿歷陞左通政營流陳時政六事俱中肯綮滄貌偉聲揚敷奏明敏朝著色勳擢左僉都御史巡撫四川人境宿神宜驛夜半有數鬼訴冤及至成都乃訪向鬼

所訴者核其情實置之法遠近神之會白草叢翫劫掠安綿城堡滄移兵擊滅之復所侵十八寨真州府賊周天星嘯聚可三萬人官兵不能擒制請於朝發兵勦平前後疊書褒賚陞右副都御史世宗每念滄功且熟於禮嘗曰天下巡撫皆如宋滄朕無憂矣一日傳御札擢滄禮部侍郎掌鴻臚事主者奏滄有

張錄

卷秉忠定議十卷

張錄字宗制城武人登正德辛未進士初授太常寺

張錄字宗制城武人登正德辛未進士初授太常寺士擢貴州道監察御史清介敢言時西夷貢師十餘上言明主不貴異物惟懷永圖請卻其貢嘉靖五年大同兵變朝廷遣侍郎胡瓚興師問罪復使錄出按錄至宣布朝廷恩威叛卒方棄甲兵填滿街巷各歸本衛及議大禮與張桂相左不數月張桂驟登樞要復劾之曰祖宗之法不可變僥倖之途不可啟大爲張桂所劾尋按山西憲度修明汚吏遁迹雖擢貴有犯者亦不少貸及陽曲賊李午作亂當誅賄腐權貴得免先御史馬錄疏發其事謫戍南丹錄繼其後

復上疏申理竟以此罷後當道有薦之者亦不往
有勸其通書執政者笑曰吾昔以言而失官今復以
言而求官乎家居二十年卒

樊繼祖

樊繼祖字孝甫郢城人侍郎敬之曾孫也舉正德辛
未進士授臨穎知縣流寇猖獗修城嚴備寇不敢犯
召爲監察御史世廟卽位疏請勸學勤政條陳明
切俱荷嘉納奉命查勘畿輔莊田清出侵占民田二
萬餘頃一時權貴爲之歛跡陞河南副使勤平劇賊
稍遷江西參政值大同兵變拜右僉都御史往撫其

不窮分月人物考

卷九一五

二八

山東二

地繼祖力主招撫請奉金牌宣諭因設方略內應擒
其首惡邊鎮以寧晉右副都御史佐理院事遷兵部
左侍郎已亥聖駕南幸提督薊州山海等處邊備
進兵部尚書兼左副都御史總督宣大時虜騎充斥
縱掠關南繼祖督兵應敵積首虜共八百五十七級
癸卯改工部尚書林辦大木督發不置後以太子少
保謝政家居卒年七十九所著有秋霽玄吟南國漫
興金井百詠及雙巖奏議雲朔行稿縣孤徵志諸集

劉源清

劉源清字汝澄東平人舉正德甲戌進士仕江西進

賢知縣值宸濠叛源清以縣當午道日規戰守計揭
旗大書誓死報國四字仍積薪環室戒曰事急卽火
吾家母汙于賊會濠命妻伯及關樂園以兵出縣境
源清募死士二百人繞出其後獲伯圓誅之濠復移
檄源清源清立斬其使以是濠兵不得起進賢而東
賊勢少沮王守仁起兵徵與俱進賊竟殄滅徵拜監
察御史尋陞大理寺丞催僉都御史巡撫宣大調度
士馬歲省四十萬金北虜大舉入寇總帥被圍源清
冒險遣發斬首虜數十餘級虜遂遁去滴水崖卒郭
春等與民訟辭屈以數百人據城叛源清遣兵附城
呼曰會春等數人而止守陴者執春等斬之進副都
御史再進兵部左侍郎總制宣大會大同軍亂源清
奉命討賊總兵卻永夾水攻城賊勢已窘郎中詹榮
因得入購其黨斬倡亂者以降源清以籍手逆黨爲
恨不居其功侍郎黃綰附尚書夏言因爲蜚語中傷
逮繫司寇年餘給舍曾忬爲之論辨乃得罷歸隆慶
改元言官交章追論詔贈兵部尚書賜祭遣官營葬
源清忠貞孝友出自天性崛起寒素倬犖負氣臨義
不顧利害嘗有恩蔭舍其子而蔭弟之孤人以爲難

仝祀學官

張景華

張景華字時美鄒城人舉正德甲戌進士初授吉水知縣剖決如流民有鬼破膽之謠時寧濠蓄逆策其必薄吉州請築磚城以固捍禦其後賴以無虞入爲監察御史武定侯沾龍驤恣衆莫敢言景華抗疏論列聲震朝廷累至左都御史開闢銅遼總督漕運所條上邊防漕政皆闢大計極力主持期於得請時嚴氏柄國薦紳賄賂幅奉其門景華一無所視嚴以變總遺之報如其物嚴氏大恨諷言官以蜚語中之景華罷歸家居十餘年足跡不入城府卒後不數歲子孫貧困至鬻居室宅今祀學官

吳鎧

吳鎧字文濟陽穀人第正德甲戌進士授行人擢南臺監察御史以外艱起復改河南道出按北畿淮揚風紀肅然奸宄屏跡陞福建副使時以甘肅屯政久廢欲行素有才望者改鎧肅州兵備已而大征安南上諭文武大臣求賢任事成以鎧對陞陝西叅政未幾擢雲南按察使所至聲績赫然

王果

王果字景初汶上人舉正德甲戌進士授臨汾知縣

威信大行治行爲山西第一徵補江西道監察御史巡視陝西茶馬會歲大稔詔遣中貴人分守蘭靖果卽上言窮邊饑歲民方收死不贍若額外設官勢必增派民將重困乞取回內廷供掃除職庶合祖宗官制總兵官趙文貪墨懼怯私結倖倖覬覦爲內援累經論劾皆寢不治果同列文所犯皆有狀彬附下罔上害治匪細乞併論如法以彰國典文竟罷鎮奉命巡按蘇松江南大饑多方賤貸民賴以全人掌河南道協贊考察公行汰黜撫所承望凡所建白皆關治體而不擬拾短長以事搏擊癸巳陞太僕年少卿

六朝今省人物志

卷九二

日一

山東三

乙未轉大理寺右少卿丙申陞都察院右僉都御史協理院事已亥歷左副都御史戶部右侍郎河南大饑奏發帑銀卽民所聚量口給食全活不可勝計辛丑陞右都御史督漕于淮緣河苦災民多輕徙蕩飭煩苛嘆咏而服貸之人爲戶部尚書夙夜審畫乃折兌米開事例括積羨資宿通理屯鹽悉心畢議孳鑒可行不知賦而事辦丁未再考加太子少保會言詔買龍涎香久而未獲忌者因以中之逮下詔欲謫成雷州卒於貶所隆慶丁卯都給事中辛自修等交章白其冤狀論祭四壇遣官造葬贈太子太保

路迎

路迎字賓陽汶上人舉正德戊辰進士授南京兵部主事與堂邑穆孔暉武城王道同師事王守仁專務講學以相切劘轉本部郎中歷知襄陽松江淮安三府豈弟廉平務先惠養至制馭胥吏則操切精嚴治稱第一累官副使參政浙江按察使權僉都御史巡撫宣府軍士驍橫往往竄名以需錢穀侵冒至不可校迎綜覈有方得其要領上下嚮伏母敢乾沒尋陞副都御史巡撫山西入為兵部左右侍郎陞本部尚書以上疏乞休聞命從容就道祖餞屬路莫不嘆其知幾卒年八十

卷九一五

四二

山東二徐伯

彭占祺

彭占祺字朝吉費縣人舉正德甲戌進士除永嘉知縣占祺性廉介剛毅力敦苦操為邑謝罷供需自奉蕭然不異寒士民以彭青天稱之召權監察御史權貴有所請托執不肯聽其人嚙之出為浙江僉事乘考察諸罷其官考功覺而自悔言于朝曰某嘗去官以謝清議中丞劉源清等文章論薦以明其屈甫擬起用而卒今祀學宮

崇世需

崇世需字元功陽穀人舉省試高第風有文學方子詞賦更善四體書法選入中書纂修國史成遷工部司務督修內死工程綜理詳審為時所重官至本部員外郎

杜宣

杜宣字文孝東阿人以舉人為順天府通判嘗勘中貴田莊忤逆瑾而罷瑾誅再起官至姚安府知府土夷木邦作亂奉檄往論出入寇壘志不少懈夷難遂平為人風采凝峻舉止端嚴不失尺寸居鄉有禮不肯混俗州里之會市人雜坐其間輒撤尊更席而坐

卷九一五

四三

山東二徐伯

劉隅

劉隅字叔正約之中子也舉嘉靖癸未進士授福苑道監察御史時詔以邊憲為御史大夫隅以憲不任綱紀上書劾罷已而吏部尚書喬宇免隅以宇海內人望上書奏留出按江北糾繩貪殘擊斷無諱陞四川按察司僉事誦官稍遷至永平知府首河內管河副使世廟南幸承天所過守臣以供張不辦或至譴死隅除道河上為龍舟以濟規制宏敞鉦鼓有節

舟無人聲 世廟大喜陞河南按察使比至承天

詔拜右僉都御史巡撫保定 聖駕北還已於保定

奉迎矣明年進右副都御史西輔多事下令所部繕

完城邑百家之聚皆有雄堞劇盜王士舉以三千餘

人流切七省隅協各省兵吏勦之以功受賞隅用兵

不惜小費厚賞死士揮金若葉卽有失律必置重典

以是人樂用命未幾罷歸家居幾三十年七十七歲

隅器度汪洋韻字冲遠居常不爲小察及遇大事確

有定守萬夫莫能折死生利害所臨坦然當之神色

不動風流韞藉海內所推誠一代名人也博極羣書

本朝分年分月卷之五 四十四 山東三

文詞沉雅號爲名家所著有文集奏議治河通考古

篆分韻諸書

陳守愚

陳守愚字如愚壽張人從邑人殷給事遊舉嘉靖癸

未進士授行人擢都給事中前後十餘疏忠言謫論

臺臺萬言至 嚴旨譴呵亦不少變出爲四川叅政

適番酋倡叛變詐叵測守愚與兩臺定議沮其納款

力贊進師不三旬悉平羣寨邊隅寧謐以老陳情

得允終養家居十餘年內艱服闋補湖廣左叅政分

守湖南入賀過里而卒守愚大性嚴毅家法凜然自

奉儉薄食無兼味妻妾布衣蔬素存心公平人有過
輒面斥之蓋方正之士也

王汝孝

王汝孝字紹甫東平人康毅公憲之子也第嘉靖丙

戌進士以禮部郎中改翰林修撰歷山西提學副使

陝西叅政河南左右布政使晉右副都御史巡撫順

天爲當途者所忌嫉竟以謫戍卒汝孝器宇淵涵問

學該博督學山西獎進士類數尚風雅一時髦雋多

所就勸南北履歷所至皆有聲績爲人所稱

趙鯤

趙鯤字宇南壽章人宋濂安懿王之後也登嘉靖己

丑進士初仕臨潁知縣與利除奸政聲大著擢南京

大理評事獄獄平允爲時所稱出爲漢中知府大盜

胡海珠依山險爲寇父子相繼四十餘年鯤首下車

卽選練民兵躬率捕緝境內悉平遷雲貴兵備副使

卒於官鯤居官清謹囊無餘貲所著有還稿六卷讀

書日記八卷還雋二卷

戴繼

戴繼字叔嗣曹縣人舉嘉靖己丑進士選刑科給事

中累至工科都給事中繼丰姿儒雅見者起敬庶務

旁午衆議紛紜常以一言決之中貴爲其黨樹官之
爲參駁不徇以私時冢宰汪鑑陰求附已陷以美官
繼謝弗與通且偕科道劾之鉉既褫職繼亦去位年
方強壯杜門不出有司罕見其面保薦二十餘疏竟
不肯出

侯度

侯度字憲甫東阿人舉嘉靖壬辰進士出爲淮安府
推官江都富室殺人倚憑權貴久不成獄度廉得其
實竟置諸法泗州民有被誣爲盜者數人吏知其冤
皆以避嫌不肯爲解度得其杜狀立論出之選四川
道監察御史出按山西前御史王汝楫劾按察使曹
嘉嘉惡內援亦奏御史下吏治後御史畏嘉悍戾皆
不敢竟度至即取爰書訊之立劾罷嘉起汝楫士論
快之報命還掌本道遇事勇敢不畏疆禦長安富
民蔣氏藍氏以貨雄都邑倚中貴人爲援乾沒縣官
金錢動至億萬御史臺忌其請托八年不問度立正
其罪誦戍窮邊廷臣皆爲言不爲少徇都人凜凜憚
之出按河南坐湖廣貢使遇盜於境逮杖闕下行至
良鄉以劄甚卒年四十有四度爲吏廉死無以殮諸
御史錄金葬之

屠永通

屠永通字一貫曹縣人嘉靖壬辰進士授中書舍人
轉戶工左右給事中尋陞兵科都給事中封題參駁
動以百計具中機宜時緣邊大將要結權貴以冒官
賞厥衛恃擁護功多所干請永通皆以令甲持之嘗
路爲之奪氣累至南京光祿寺卿應天府尹已爲忌
者所中外補臬司累至河南右布政使所著有會溪
類稿四卷

吳嶽

吳嶽字汝喬其先東阿人也遷汶上三世生嶽舉嘉
靖壬辰進士歷戶部主事郎中知廬州保定二府歷
山西副使浙江叅政湖廣按察使山西右布政使晉
右僉都御史以疾請告家居數年起爲右副都御史
協理院事轉吏部左右侍郎南京吏部尚書滿考致
仕嶽爲人耿介端方清操絕俗主事督上谷餉積羨
千金吏以送納正色拒曰羨金卽正餉也或以爲利
吾甚耻之爲郡治貴大體不尚苛細山澤之稅及吏
役班值舊供府堂悉罷却之用代厨傳人以爲難保
定在輦轂下一時微發四出民不能應嶽具疏奏裁
免十六七諸郡以寬隆慶改元奉詔內計科臣有

異議疏入留中。撤請政府抗聲曰：公視請政府往考察去者，科官欲留之，有請其母以傷國體。閣臣悚服。其事遂寢。在南都專仰浮薄杜倖，俸校會約禮考諸書以行風俗爲志。一變卒年六十，有七遺命于孫母求郵典事，聞諭祭遣官營葬，賜諡介肅。平生孝友，諫厚，寓於倫誼，待人容恕，居常惴惴，見人不善，嫉之如讐。素身儉素，器無銀飾，服無裁綺，歸自留都，行李蕭然。廳事不備，至借僧寺接客。里人信其清苦，不謂矯也。工爲詩歌，沉深典雅，屏去色澤而耻以自炫，著述不多，行詩集二卷。

殷學

殷學字時敏，東阿人。舉嘉靖壬辰進士，授合肥知縣。遷山西道御史，疏數上，皆干權貴人所不敢言。按陝西虜人安定，殺掠吏民，邊臣匿敗，更以捷聞。學具狀以上，邊臣懼行賂貴近，以爲御史張皇賊勢，虛喝朝廷。謫浙江按察司知事，稍遷南京刑部郎中。累至陝西，左布政使拜右副都御史，巡撫陝西，擢南京兵部侍郎，改佐北平，協理戎政，以疾求退。臺諫論其規避，學聞上疏自訟，奪爵還里，爲人端恪，凝重風裁，凜然人莫能窺其際，精於吏職，志在必行，蓋沉毅而具

大有爲之略者也

楊賢

楊賢字子庸，濟寧人。舉嘉靖壬辰進士，授西安府推官。以王親例，不內補，歷遷常州府同知、武昌府知府。再遷陝西副使，勅守岷州西邊，無警備，閑役，抹六修九十六橋於洮水之上，以免衝溺。西人德之，歷河南左叅政，按察使，湖廣西川左右布政使，出納賦金，委官稱兌，錙銖之美，一無所取。隆慶二年，大計以廉能，卓異，賜宴南宮，號爲方岳第一。遷南京光祿寺卿，轉北太僕寺卿，疏乞歸田奉養，致仕卒，年七十八。

田大有

田大有字豫甫，東平人。舉嘉靖壬辰進士，授行人，遷河南道監察御史，謫判鉅州，稍遷工部郎中，擢陝西知府，興學治戎，賢聲大著。虜常攻圍郡城，出奇制勝，威振西邊，已以母老乞歸，遂不復出，爲人材略優長，抗直負氣，居家孝友，敦睦有古人風，性好讀書，多所

涉獵以博雅著稱

曹邦輔

曹邦輔字子忠定商人第嘉靖壬辰進士歷知元城南和二縣治在康平裁省與民休息擢雲南道監察御史巡視河東鹽政釐革爲多課溢常額出按陝西會虜人延綏殺酋甚衆邊臣匿不以聞邦輔上疏奏逮大將以下七人成論如法奉宗人有殺人獄數年不決一訊而服奏正憲典出爲河南副使流賊劉掠河南奉詔捕治一日寇至監司錯愕或走伏匿邦輔親率吏士提刀躍馬馳人賊壁衆皆賈勇向賊一以當百賊攝而潰遂平之

使值倭夷

入寇特拜右僉都御史巡撫應天將兵禦寇追奔逐北前後斬虜首六百餘級會趙文華視師求賄不得反構蜚語論劾謫戍朔州州人感其功德立祠俎豆之隆慶改元起爲左副都御史協理院事遷兵部左右侍郎總督薊遼軍務提南京都察院右都御史遷戶部尚書考績詰問以年滿七十疏請致仕邦輔爲人忠孝耿直志在殉國不避艱險登仕四十年苦節清操始終如一田產蕭然不異寒士嘗欲以身死封疆爲朝廷掃清朔漠不究其施世以爲恨卒賜祭

葬如制今祀學宮

郭朝賓

郭朝賓字尚甫汶上人舉嘉靖乙未進士授戶部主事再遷郎中督餉大同歷陝西河南副使累至浙江左右帝政使陞慶平未入朝留擢順天府尹拜右副都御史巡撫浙江入爲戶部左侍郎總督倉場擢工部尚書漕考累疏致仕爲人老成渾朴強有器局能任大事斷決神敏吏不能欺而部下寔向不爲苛細其在大同令邊商能轉粟者以方多少日占倉庾卽有收券輒給銀鹽不少留滯買遺請托無由而至

此代羨金二萬毫不入其私橐其在西寧撫綏諸羌

不妄勦殺羌奉約束伏不敢動韓宗人奴闖變於市爲指揮所捕因夜入指揮宅毆之懼而殺其小兒以誣指揮指揮坐死朝賓廉其枉狀遂雪其冤其在兩浙收買料價修復陂塘不使豪貴居間有所侵沒其在工部貴人頌債各以其時按籍給予不使困累時江陵柄國銳於興作議開湖口膠萊二河前後遣官行視朝賓心知其難不肯附和兩集廷議以請皆得報罷所省鉅萬諒者以持重稱之卒年七十二賜祭遣官營葬如法

新學顏

新學顏字子愚濟人舉山東省試第一登嘉靖乙未進士以藩府姻連久仕郡邑累至吉安知府廉平節愛刑無濫施吉人翕然服之歷藩臬長佐隆慶改元爲太僕光祿寺卿拜副都御史巡撫山西遷吏部侍郎以新鄭當國移疾乞歸不出而卒詔賜祭葬如法學顏爲人廉貞樸茂守正不阿於世未時榮澹然無所嗜好博學慕古文詞道麗有魏晉風軌林推之

任瀛

任瀛磁陽人舉嘉靖乙未進士改翰林庶吉士累至都給事中歷遷卿寺擢副都御史撫治鄖陽告歸不出爲人廉介剛直稜稜有氣節扼腕談事慷慨動人久在諫垣數有建白風采者聞一時憚之

路可由

路可由字子正曹縣人嘉靖辛丑進士授行人選江西道監察御史巡視京通二倉計察天下財賦利弊甚悉出按江北風裁峻整有監司貪婪結納權貴前按臺皆爲彌縫莫敢誰何可由疏其罪狀劾之中外悚懼九載秩滿歷知保定安慶二府皆有惠政陞山西副使備兵雁門晉秩參政陞右副都御史巡撫

遼東屬歲大侵饑危賑濟軍民全活者甚衆虜臣丁根堡入犯檄鎮將血戰斬首二百一十四級虜由清河堡入寇飛檄諸將分道防禦斬首八百二十四級捷聞告廟策勲將有世賞而爲分宜所沮罷歸朝野莫不歎息所著有遼陽奏議若干卷

侯鉞

侯鉞字義甫東阿人金丞相曄之後也爲人魁岸有大度義聲電目狀貌如神論事侃侃口如懸河每慕賈生陸贄之爲人讀書日以卷計三數過終身不忘舉嘉靖辛丑進士請告里居三年請闕授工部主事奉命修玄恩橋於涿州之南中官上其估百萬鉞爲上書指陳其狀乃二十萬而足擢本部郎中出爲山西屯田僉事有詔築龍門邊垣五百里衆以虜所出入相顧莫敢往鉞獨以身任之一日虜大至左右請入城避答曰吾舍數萬丁夫獨先安往乃驅民入城身爲之殿夜至宣府城下有老弱避兵者復數十萬擁門不得入鉞乃坐門外盡入居民而後人再擢爲山西副使整飭陽和兵備大將軍仇鸞行邊司道皆伏謁鉞獨長揖不伏鸞初不悅及進而與語縱橫指畫旁若無人鸞奇其材謂軍門曰此中掀掀侯君一

人拜右僉都御史巡撫大同嘗一再遇虜有首功餘級未及論功會總兵岳懋死兵部尚書蔣豹幼銳主兵視邊軍敵不整餉乏軍興逮下吏治因諷銳自辯欲令歸過戶部銳曰事有不可吾寧身任其咎不敢爲朝廷起大獄竟不以戶部爲解削籍歸田里常布袍戴笠乘一白驢從蒼頭一人遊行隴上與田夫漁父抵掌笑謔至彈鋏分畝相娛樂過者不知其故中丞也時塞上多事銳有重名廷臣部使交章奏薦方有詔召疾卒今祀學官

梁成

八月八日 梁成字公濟平陰人質直廉謹有古人風初舉鄉試

勸駕禮幣不下百金成曰仕將以利民而先自利且授里中父兄將安用之力辭不受舉嘉靖辛丑進士授行人擢兵部主事歷職方郎中時嚴氏柄國苞苴公行成柄樞曹廉介執法不通請謁輿論有清官第一之稱遷江西副使備兵饒州素性簡直不事奔競遂掛冠歸家居二十餘年足跡不至公庭孝友之行人無間言卒年七十有六

何海晏

何海晏字治象平陰人舉嘉靖甲辰進士除順慶府

推官英敏詳明擊斷無諱擢吏部主事歷文選郎中遷太僕寺少卿被例補外再遷河南參政分守汝南罷歸時年三十餘歲遂不求出爲人風神俊雅綽有儀觀孝友溫仁恂恂退讓里人懷而思之

朱綱

朱綱字振甫曹縣人嘉靖丁未進士授晉江知縣政績丕著應召赴京涕泣攀留者數千人入爲湖廣道監察御史出按山西多所興革軍民便之歷按蘇松廬鳳會歲大饑朝廷遣使行賑不及齊魯綱疏力請賑貸全活不可數計六載考績外補陝西副使備兵

于玘

于玘字子珍東阿人天質穎慧十歲能文一時目爲聖童舉嘉靖戊子省試以母老謁選歷知許州靜寧邊平涼府同知爲郡明習文法政先教化令行禁止道不拾遺聲稱堪著靜寧大侵民或相食請賑臺自

以邊郡錢穀未許輕動乃冒禁發倉接糴賑貸全活可數萬人大吏感其爲民不以罪也韓宗繁術不法至聚衆毆擊別駕囚之別室批徐至其所以法曉譬諸宗懷懼而解別駕得免大猾高良據清平萬安二苑牧地投廢廢府景橫苑民莫能食制單車入壘誘良出見縛之部位上其治行議擢大郡以邊地案苦聞了言衆於鄉輒中請致仕不俟報而歸爲人矜恤好博學工文居家孝友處鄉退讓教訓諸子以行誼爲先出入起居皆有繩度冠婚喪祭悉用古禮不隨世俗爲吏十年家無裕產子女既衆置於贍養衣食不充兩州感其遺愛咸爲立祠邑人祀諸學宮

宋元二

五二

山東二

劉爾牧

劉爾牧字成卿東平人侍郎源清子也舉嘉靖甲辰進士授戶部主事歷郎中爾牧天資殊絕器度凝重第時年甫二十練習吏事才伏一時在部八年推會精核出納明敏尚書方鉉器之請司署奏皆與議決西苑建醮詔所徵發常以奢藏空虛力請於上上減其額積爲中貴所嫌會旅世番舍人窩占邊鹽爾牧以名奏世番恨之謁御史某以變亂錢法劾爾牧廷具一百則籍歸里家居十八年杜門下惟以同典

記自旦至夜手不釋卷里人罕識其面爲文沉澁雅取裁西漢詩有陶柳風骨號爲名家隆慶改元廷臣交薦未召而卒年四十三歲

劉寅

劉寅字敬甫壽張人知州坤之子也世以質行醇謹爲士族式寅性度溫仁口賤陵不能道辭好施能讓里人有貧不能自振者必竭力資之舉嘉靖丙午鄉試還永平知縣政在拊循勞來聽言刑罰遇事敢爲無所規避歲災租稅不完至出私財佐賦邑人感之遷陽州知州嘗人山西省試取士二人出而不以告

宋元二

五二

山東二

同知

胡汝桂

胡汝桂金鄉人舉嘉靖丙辰進士仕刑部主事累至吏部文選郎中擢太常少卿爲人好學慕古潛心理性與江右諸公講陽明之學月日爲會海內慕其名行翕然稱之

張守蒙

張守蒙字啓哲其先陝西華陰人六世祖良弼元末避亂於滕之王開村遂占籍焉守蒙舉嘉靖甲辰進

士歷知寶應縣二縣咸有能名擢四川道御史平
理屯田時裕景二邸開府各賜庄田乎頃守家檢先
年所沒逆黨地數百頃爲成國公所占追奪收入二
府時相嵩方用事世蕃姻連成國屢以爲言守蒙曰
公父子有今日者以爲恩出 君上乎抑出成國乎
奈何視其儲貳不如姻家也世蕃不復請而心銜之
陞河南按察司僉事左遷石州判官陞鄖陽同知時
伊庶人驕橫不法爲中丞御史所劾有詔陞其官城
庶人治兵自衛吏民洶懼守蒙知河南府召其用事
爪牙以法諭之特重鎮靜徐取所侵奪官民地各歸
其主卽已庶人乃去其兵洛民以安遷鹽運司運使
疏乞骸骨歸一歲而卒

王嘉賓

王嘉賓字國光滕縣人舉嘉靖壬戌進士除太湖知
縣政尚廉平務在全安景王樞過安慶江上騷煩嘉
賓綜理詳密所省不啻千金部使才之擢南京河南
道御史太常周怡以言事左遷給事石星以言事廷
杖嘉賓具疏論救辟勅臺端久之廷議置三中丞分
部海內屯鹽人情騷動嘉賓上疏極言不便 上納
其言罷寢時嘉賓弟元賓舉一丑進上同時仕爲御

史皆著風裁里人榮之已以疏宦官織造事謫
臣外補歷知寧國大名二府所至皆以典學訓農治
行爲最陞山西按察副使過里道嘉祥舍館疾作而
卒所歷郡邑吏民聞訃皆縞素爲位哭之今祀學宮

杜輅

杜輅字從殷泗水人舉嘉靖壬戌進士授中書舍人
以刑部郎中擢河南按察副使備兵汝南請告不出
而卒爲人清姿玉立耿介絕俗精於吏職此讞平允
無所阿縱嘗奉命清獄山西平反爲多薄世味士也

張祿

張祿字宗制城武縣人嘉靖丁未進士由大常博士
選貴州道御史侃直之性出於天成雖權倖之輩諸
朝家之斧鑊皆不足以傷其神者以建言兩被 廷
杖處之坦如撫安大同軍隨巡按宣大恩威並著搜
債帥之積弊蘇士卒之艱苦邊務肅清兵威整峻膚
無敢窺關而伺我聲息者後按山西會御史馬祿直
言被謫上疏陳救竟罷斥爲民

李文芝

李文芝字元徵東平州人嘉靖間進士除湖廣道御
史起奉陝西以議大禮與張桂不合謫擢督府都事

累陞山西副使致仕

李良

李良字述伯平陸縣人嘉靖八年進士授漢中府推官精於法比而不以伺察爲明每斷之際必審最詳明然後具獄成奏嘗卽一字出入屹然如山不可援民訟無冤結古者擢拜河南御史建言被請起大理評事陞僉憲累陞都御史巡撫宣大卒

王湘

王湘字大清濟寧人嘉靖乙卯上計借乙丑舉進士改翰林吉士時館選久停湘首膺茂簡衆論榮之解

八月分命

六二

山東三

館爲山西道御史出按貴州蠻夷帽服內報服闋北上過海運舟漂損過當衛士冤號疏請罷海運專用漕輓以息民勞有詔如議遣按順天程書道急獄囚久繫多瘦死者先期劾請出二百餘人三輔無冤乙亥內察署河南道時相有所囑執弗從見噤遷陝西按副妖徒李一眞聚衆史莫能制湘按方略殲烏陞金衢參政義烏年少多去本業應募從軍湘命長吏加意拊安遇有召募應以浮民毋輕發閭左杭管之變衛兵聞風不聽湘登壇示以軍法士股栗無敢譁者還本省廉使改山西權湖右布政轉左上遣

中貴從司寇治江陵淮主議請毋放及全楚司寇從之籍見產以報無所株連中貴欲復違國湘據衆議不可中貴弗能奪也此兩事有大造於楚楚人德之而湘爲故相所抑反全其孥世尤多其長者故事採木之役斲孔百途湘以便宜召買費省而逮及他所裁損歲可鉅萬居楚五年遷南太僕卿抵滌值歲不稔出秩金輶穀滌人賴之陞南大理卿一以律文從事無所唯阿嘉興陸公爲司寇亟加稱服嘗與要人有郤于告歸田日與昆弟親戚賸社使車及門輒匿不見識者嚴之居家內行甚修子弟避輒聞軍民疾苦輒言於吏不使人知里頌其義病而羣禱於祠沒而悲嘆罷市其得人心如此

八月分命

六二

山東三

于慎行

于慎行字無垢東阿人父玘爲平涼同知以廉節知名宦卿賢母劉淑人夢產摩羅果發實甚巨遂生慎行生十一歲而淑人蚤世條淑人言行著於篇讀者悲咽十四試童子郡縣皆第一學使孝豐吳公異之拔冠交郡學官州判其來攝邑以側理險廉餉使行不受父問故曰此分宜客也宜遠之嘉靖辛酉舉者試第六卷而赴鹿鳴諸大夫卽席欲爲冠辭以未奉

父命隆慶戊辰登第選庶吉士庚午授編修纂修
肅穆兩廟實錄甲戌同考禮閣晉修撰充日講官
上勤政勵學日御經帷慎行主講唐史每至成敗得
失之際反復論說上輒悚聽講罷或分命題咏慎
行不善臨池詩成則倩人書之具以質對上大書
責難陳善字賜之丙子進侍講明年江陵奪情同官
蘭谿新建輩七人共爲疏力言不可時昆陵吳姑蘇
趙以爭奪情杖闕下疏入而桂林呂公中止勿奏江
陵以講臣未敢顯斥伴以他事致喪次謂曰子吾所
厚亦從人爲此耶則正色曰以公厚我故爲此相報
江陵艱然再踰年已卯遂引疾歸歸四年詔入日
講如故久之進左諭德時江陵已謝世言者振暴其
罪上命司寇丘公同內閣往籍其家江陵柄國既
失士大夫心至是咸推波助瀾甚之爲快慎行獨貽
書丘公言江陵嘗有勞是非功過當爲別白卽間有
受取亦可指數較分宜馮璫萬分不及必欲捕空捉
虛廣爲搜括恐株連全楚皆受其累且江陵母老在
堂諸孤少不更事覆巢之下顛沛可傷宜諄之有司
請於明主乞以聚廬之居立錫之地合古人惟益
之意纓纓千餘言極其切至丘卒從之乙酉典試南

登晉侍講學士丙戌晉禮部右侍郎已丑改吏部掌
詹事府卽權禮部尚書兼學士疏請兩立郊廟諸
大典禮而冊立最懇章十餘上時上意已默定不
欲人言屢言責慎行慎行持之愈堅至自劾乞罷九
疏乃報允賜金幣給驛以歸久之上復思慎行以
舊官掌詹事府使講春秋疏辭不報至丁未命以太
子少保禮部尚書兼東閣大學士入輔政時以宿疾
發微有所苦就道則趙起不欲行乃勉力抵陞見以
怯寒拜起舒緩自疏請罪上溫言慰令視事慎行
勸舍人勿解裝爲歸計自是臥病草遺疏惓惓以親
大臣補言官起廢襄爲請已伏枕長歎曰吾終不能
報國矣更數日遂逝得年六十有三自兒時已儼然
大人器度高文襄與父平涼公有通家誼卒不一往
見御史劉臺上疏被逮人以江陵故率避匿慎行獨
往視當江陵柄政士大夫稱功頌德者十人而九慎
行絕不相附及死而被禍所爲引大體調護管救者
惟慎行其所與丘司寇書天下傳而誦之所著有穀
城山館集奏議讀史漫抄經筵講章兗州志筆
塵史摘等書郡邑併祀學官兩臺使復下檄有專祀
趙惟勤

趙惟勤字業甫曹州人少負奇節以古人自期許嘉靖丁酉弱冠魁東省三上春官不第謁選令獲鹿地適邊民騷悍多盜爲綱苛削冗挫強抑奸民賴以寧歲歉借賑以活饑民內召赴闕有欲以五百金代賂分宜者堅辭之遂知平定州府守道經獲鹿以坐索受窘得報甚喜無何復丁內艱惟勤曰向以弟幼不能迎養二親既又不能棄母大事今幸老父在奈何不效菽水恨無官哉朝夕承歡未嘗少間疾躬藥餌衣不解帶者四十餘日焚香祝天願以身代而父竟不起居家三十年修謹好施勸化里俗年七旬卒邑人稱之爲孝子

祀名宦州祀鄉賢

張綸

張綸字宜甫人咸稱爲釣石先生沒上人綸生而重禮舞象之歲卽志聖賢之學同里旺湖吳公講學綸從之遊後四方名學從綸遊者與吳公埒綸數奇不第嘉靖癸亥纔歲舉時旺湖公方佐太宰欲縣美缺待綸綸謝不受丁卯司訓秀水一切修贊弗納日羣諸生講道于羣樂軒故事以貲入太學者率厚餽綸欲却恐不便於諸生又姑聽之稍遲卽持所餽充賀儀辛未陞青陽令風雨生災河隄衝學官壬申

權三河令三河衝疲綸力任勞怨查隱地省賦稅均邑軍定馬戶發中貴之陰事責太宰之通租督撫及直指薦綸有三不撓三不知之語乙亥權通州守綸至通剔奸蘆弊不避權豪聽獄以情片言立折密雲有妻毒殺其夫之弟綸訊其夫立叩頭服守通四載兩入計不待一芥已卹用卓異擢戶部員外督運惠通河一日夜運二萬石督易州先郎中被劾搆者欲擠之死綸力雪其冤條上便宜六議俱報可出入平允收支俱不令有羨金忌者乃誣綸江陵黨左遷肅府長史上疏乞歸家居四年卒卒之日囊無長物

去三河時庫吏密持羨金三百餘兩投私署綸麾之

出令買穀賑濟在通積羨金三萬申請貯庫抵小民

一年之稅歷官十五年祖所遺糧粥田不加尺寸所

著有

三圖說圖書考據著考格致問易譚四書原多前人所未發門人馮開之爲之志姚羅浮爲之碑表其墓曰醇儒廉吏張釣石先生之墓

劉不息

劉不息字體道磁陽人舉隆慶戊辰進士授寶坻知縣政績卓異入覲賜宴南宮擢吏科給事中累官太僕少卿以疾請告滿詣國會吏侍王篆用事權門求

賄不得歲餘不補復請告卒不怠老成詳練動合機宜兩主大計激揚得體稱為名都詠云

賈三近

賈三近字德修嶧縣人舉隆慶戊辰進士選翰林庶吉士授吏科給事中萬曆改元起戶科都給事中所以議吏治民生皆匡濟大略不為文具論救言官彈劾疆費多與政府相左以久歷太常大理少卿再遷南京光祿卿請告里居甲申起為光祿寺卿拜右僉都御史巡撫保定西輔大饑民多死徙疏請停罷徭租大發倉庾量日賑貸設厰千餘區賦果責陳粥日食

不朝今省公初考

卷九一五

二二

山東二

男婦二十萬口他省流民多出其境別具食道上待之西輔之民賴以全活家室咸為位視焉以親病乞歸家居五年壬辰寧夏兵變用廷臣推薦召為兵部侍郎未行而卒三近器宇軒豁風神朗秀持已當官端方揮霍無所阿私而溫厚坦夷不設城府涉獵羣書博綜衆藝為歌詩疎爽有致咳唾立成益才士也所著有先庚生傳寧鳩子東掖漫錄奏草諸書

趙雲翔

趙雲翔字元舉平陰人隆慶戊辰進士歷文安遷安知縣陞陝西按察副使備兵延政為人瑰岸豁達磊

磊有度心計精敏家居十年以邊才議推未及用卒

任勵

任勵金鄉人為人嚴潔剛正貧時謂友曰他日倘磨一命厥志若何其友答曰當官固欲奉公亦須為子孫稍道私榮勵怒髮上指後為長葛知縣部使私屬少購皮革勸陽應諾少頃率水牛數隻詣堂下曰此赤子耕田粒食之原也部使怒因以他事誣之羅織下獄竟憤抑死

王渥

王渥字元順東阿人以貢仕華陰丞為人朴厚醇確潛心力學步趨言動皆有準繩常危坐靜室月餘不出日當其靜極時心如皎月當空平生所疑觸處皆悟少時讀書山寺僧藏一婦人於幕所居舍渥即獨處終不近視僧竊窺之相顧嘆服平生口無妄言身無妄動其天資近道如此

陳職

陳職字汝受東阿人為邑庠生應貢以母老不行受賢書而戒之以終其身為人純朴慈厚好談理學初得四明先生語悅之日夜潛思老有所悟與同邑邢文舉往來張後覺月日會講諸邑子從之者數十人

廬陵鄉公善南城羅公汝芳皆與之遊至集齊舉諸生延職升席使爲都講四方慕之

蘇則曾

蘇則曾字宗魯東阿人以貢爲武安訓導博物洽聞於經史百家無不貫穿考核理數剖析名物細入芒忽然不多著述間爲詩歌頗近宋體以是不著平生積書甚富後爲里人竊賣無一帙不經點竄者人稱之曰蘇經笥

趙邦彥

趙邦彥字元哲東阿人少有儔才豪宕負氣不修小節朝分省人物考卷九十五六十八山東二文舉嘉靖癸卯省試上春官不第構室虎窟山中閉戶下帷覃思著述馳騁千古有文二百餘篇雄渾精卓自爲機軸詩凡三千餘首詞藻壯麗取法初唐其品在東省二李之間其自謝茂秦以下皆弗如也不仕而卒

楊廷高

楊廷高字叔謙山東金鄉人由進士嘉靖二十八年授平湖知縣性狷介不苟取與督家人紡織未嘗知有肉味衙後有隙地種蔬自給以其餘饋士夫且曰爲士夫不可一日不知此味排里之輸役者謂之見

年凡縣一年之費皆需焉民苦浩繁楊一切裁省減十之九民甚德之在任三年水災之聲徹于遠邇清介絕俗雖古廉吏不過是矣官終布政使



本朝分省人物考

卷九十五

六十九

分省人物考目錄卷之九十六

山東東昌府三

李仕魯

卽俛

郭敦

吳中

王士嘉

劉堅

劉昱

李春

馮昱

馬豫

李著

趙岩

劉忠

朱舉

郭良

魏元

八
月
分
子
命
考
卷
之
九
十
六
集

張文昭

劉濂

李晟

郭鏗

周洪

謝綬

蔣昂

張雄

敖山

梁璧

朱應昌

劉魁

王禮

丁璉

蕭淵

許路

李瓚

喬通

許堂

耿明

李廷相

高顯

閻鎬

李元吉

穆孔暉

王道

許成名

宋顯章

田美

桑溥

閻閔

倪宗嶽

王應

林瓊

蘇祐

江東

田濡

郭鉞

謝國賓

許東望

八
月
分
子
命
考
卷
之
九
十
六
集

張後覺

濟龍

邵璋

張登高

鮑文縉

曹自守

雷稽古

王嘉祥

栗祁

梁承學

孫維城

孟秋

陳節亭

傅光宅

本朝京省人物考卷之九十六

山東東昌府

李仕魯

李仕魯字宗孔濮州人幼具穎資勤于問學奮志下帷足不窺戶外者三年胸藏賅博造詣淵沉益切尚友之志聞發人朱公遷得晦翁朱子之傳千里負笈從之百舍重繭一見深相契合精精探究盡得其所學而歸值元之末季四海鼎沸烽煙壁壘相望屠城戰野民無寧居仕魯隱居不出以待天下之清然所在聲望奕奕太祖龍潛時業已識其名矣洪武初

大明皇帝御製

卷之九十六

一

山東

詔求天下有能傳朱學者所在以聞有司乃舉仕魯應召乘傳至京入見上迎謂之曰吾求子久矣何相見之晚也仕魯對曰陛下方以武定天下臣遂掖下士於章句不能左鞭右弭馳驅中原冀禮典樂成之會以文事進身故意有所待耳上曰文武初無異道俎豆軍旅豈截然兩途且朕方收攬才士以佐太平乃以文武擇乎遂除黃州府同知仕魯曰臣所夙願惟欲朝夕陛前願問以行所學上曰姑以民事試子耳仕魯乃奉詔抵任風裁整峻政理寬和乘大亂之後加意撫循民之瘡痍者卹之吏

之莠政者斥之期年之後刑清訟簡民以大和用以治行卓異聞于朝召拜大理寺卿律比精嚴守正不撓時有僧金碧峰者應對稱上旨龍眷日隆求爲僧建職司仕魯曰陛下建極之初意所祈禱卽爲後世子孫天下臣民之標表奈何不崇聖學而信外道乎懇疏至三十章上堅決不從仕魯曰陛下旣深信其道無惑臣言之不人也願還陛下笏放歸田里上震怒命武士梓搏之立死階下

鄧倪

鄧倪字抑之館陶人洪武間補縣諸生儀表魁岸行誼高潔雅爲里人推慕許兒庄等三社頑梗不馴有司莫能治倪至反覆曉譬相率悛伏委攝縣事條平徭役凡三閱月四境稱理登大學授工部虞衡司主事遷雲南府知府所著聲績

郭敦

郭敦字仲厚堂邑人洪武間鄉舉授戶部主事知衡州府釐正敝俗振恤窮民時郡中旱蝗敦齋三日備齋于神大兩蝗盡漂去舍內伺蠶繭成族爲金纈如帶士民以爲德政所感狀其事于朝坐累左遷以薦召拜監察御史陞泰政言者謂敦持重有大臣體

召見陞禮部右侍郎兼少詹事進戶部尚書鎮守陝西邊陲晏然敦性平恕事至屹然不苟合雖官列六卿泊然希素沒之日子孫不能餘一錢里人傳其出關之日僅跨一騾携老蒼頭自隨云

吳中

吳中字思正武城人儀觀秀整吐音洪邈由太學生授營州屯衛經歷永樂初陞大理寺丞少卿右都御史歷工部尚書嘗扈從北征督理軍餉改刑部持法寬平以言事繫獄洪熙初復工部進太子少保當時鼎建京城官殿及諸陵寢皆中董役程工飭材殫力

明倫彙編 家範典 卷之六

三

三

經營一日自天壽山還召入便殿賜坐與語及歸遣中官至其第賜帛六百疋每宴夷使上召中主席且曰使彼知我中國有人宣宗即位從征武定賜詩書銀闥書寵遇隆于廷臣正統七年卒追封在平伯諡榮襄賜祭英中謙恭和煦善馭下吏使人各盡其長同列論事不合輒應以好語不甚引當否歷事四朝以功名終

王士嘉

王士嘉字道亨武城人年十二賦古塔詩劉中行見而奇之永樂初由太學生任大同山陰知縣善斷疑

獄有瞽者賈錢百緡臥城南荆樹下覺而失之訴于縣士嘉佯言曰此樹孽耳出城按問百姓大駭傾城往視因密捕其不往者訊之果服代府內藏失幣門戶扇鎖如故王召問士嘉士嘉視非人跡疑爲狙所竊乃以幣列庭伺群狙過而觀之一狙果攫去因詰其主皆服追遣府人以爲神歷工部員外郎監杭州陶有清舉擢陝西布政司參政正統初以少傅楊士奇薦召爲禮部右侍郎勤干稽古禮文之事關中大旱奉命往禱輒應兩知貢舉皆得人居京邸室傾于雨上命有司給材治第後致仕上賜食給道里費慰遣之年八十七卒命官祭葬士嘉爲人端重詳雅語笑不妄去就咸依古道子玉翰林院侍講

明倫彙編 家範典 卷之六

四

四

劉堅

劉堅字子固濮州人舉永樂丙戌進士授茂州知州課民農桑訟獄少稀以治行聞時蠻寇竊發師出數給餉有功茂州衛奏請立學羌民難之堅集衆羌論以朝廷化民成俗之意於是遣子就學及滿去羌民乞留遷寧藩左長史正色匡輔王嚴重之時郡主沒儀賓王爽受祿如故堅請停削王怒奏堅僂慢無狀被逮繫獄久之得白流夷道東尋復堅職嗣王嘉其

守法禮待益隆後以母喪歸濮卒孫明榮曾孫汝勳俱鄉貢汝立萬曆庚辰進士

劉 昱

劉昱字景陽武城人初任吏科給事中陞通政司右通政河南參政英奮勇敢所至吏民畏憚改交趾從征特黔國公沐晟總軍務葉賊大安海口昱疑有伏固請駐師不聽已戰于生厭江風作賊伏兵起與尚書劉傳都督呂毅力戰死之雲南建表忠祠祀焉五世孫希稷登正德辛巳進士官戶部主事端恪攻文賦六世孫啓元登隆慶戊辰進士官衛輝知府清白能世其家

李 春

李春丘縣人正統三年鄉薦由刑科給事中進禮科都給事中前後上七十二疏多裨益時政駁協衆議已巳虜犯京師大軍禦之春紀功以明稱還光祿寺少卿天順中西南夷作亂跡金齒廷臣薦春才轉雲南右布政協理鎮守梅忠軍事親冒矢石俘表酋七十五人斬首五百餘級擒獲衆馬器物無算捷奏召拜禮部右侍郎仍從二品俸視光祿事已遷工部左侍郎成化初汪直用事遂乞骸骨歸卒泰祿二品

一裴十餘年不易人稱爲清正君子

馮 昱

馮昱字景陽濮州人正統丁卯鄉薦卒業太學授監察御史錦衣衛指揮門達怙寵弄權數起詔獄傾排善類舉朝側目莫敢言昱獨抗論其罪達遂伏法由是直聲震天下巡按甘肅番人例獻金佛昱峻却陞河南按察司副使周府承奉卡某出督租縛民卒裸辱之民怒將爲亂昱白王王不省乃獨騎率卒數人入府縛卡疏其罪于朝詔論如法先是河決金龍口費數萬緡不能塞昱建順導之策河患乃息久之以老歸田居壽齡有和唐詩草

馬 豫

馬豫字彥安臨清人正統間登進士歷官大理寺副已巳從駕北征土木不利晚追山谷間厲聲叱賊遂過害英廟復辟憫其忠加贈寺正錄其子遜入監

李 著

李著字廷光濮州人仕魯曾孫正統間鄉舉授慶陽同知巨寇李英爲邊患商旅不行著以計擒捕遷平涼府知府與勦土科第嚴盛恭將楊姓爲胡種最

獨悍恣爲不法鎮巡大臣欲陳之恐激變著狀其罪
干 朝治之士番也哩哈通于前屯兵將爲亂總帥
招之不下曰得平涼李父來乃降著往相率歸命又
廖滿四聚衆三萬抄掠州縣 上命侍郎項忠討之
項徽府備熟糗千石時民竄匿山谷獨護藩府軍在
賊著請于王治機如期而辦賊平項上其功還通政
使命下而卒邊人感其德立祠祀之

趙 嚴

趙嚴堂邑人母早卒事父甚孝家貧嘗稱貸供甘膳
父卒合築建祠墓側廬居三年肖事之旦夕上食
本朝各省人物考 卷之六 山東三 張新
如生時夏大雨雹自西北來摧傷禾稼甚慘至墓而
止里人異之有司上其事 詔旌表祀學宮同邑李
尚質王確楊琮俱以孝聞

劉 忠

劉忠字德誠濮州人少在庠序行輩讓其敏景泰二
年舉于鄉任監察御史出按浙江執憲不阿知台州
府以異政聞 詔旌褒陞山西右叅政三晉薦饑民
嘯聚垣曲山中省臣議發兵勦之忠爭曰是迫于饑
耳可撫而下也遂單騎入山諭以禍福衆羅拜感泣
明日皆散去垣人樹德政碑以前後勞績陞都察

院右副都御史巡撫榆林忠劇歷有年練于邊務至
則嚴斥瑣簡卒乘練材勇廣儲特蓄芻牧老成待重
不喜邀功塞下晏然烽燧不警守陴乘障者且忘其
身之在於窮邊極塞也共相與賦從軍樂以紀一時
太平之盛云久之以疾請致仕 溫旨諭留疏請愈
懇 詔乘傳歸未幾卒于祭葬如制

朱 舉

朱舉聊城人景泰庚午薦于鄉早歲攻苦食淡以行
誼稱于宗黨性至孝母老百道承順以衰疾故兩試
不上春官會母病卒慟哭殞地家人環守之多方論
解溢米不入口者兼旬已葬身擁衾錦築墳結茅廬
於墓側朝夕哭奠哀感路人三年白燕乳巢亮蛇
搜有司具其事聞于 朝詔旌其里時同邑裴俊王
安孫良梁瑾俱以孝聞

郭 良

郭良字克忠館陶人景泰間進士授朝邑知縣鋤梗
虛弱植良懲奸積弊肅清流徙漸復吏民悅服薦剡
章騰民深去後之思邑有甘棠之愛後累官光祿寺
少卿以致政歸居家內行淳備人無間言前祿塗而
由夷軌囑囑焉一鄉之善人長者以上壽終

魏元

魏元字景善朝城人天順庚辰進士擢拜禮科給事中成化中萬貴妃兄弟怙寵驕橫元疏列其罪凡七上不報元詣殿庭免冠泣諫奏雖不行而諸萬亦稍自斂敢直聲隆隆徹于禁陛矣 慈懿皇后崩議者以爲不當祔享元與給諫徐恪交章論辨會大學士彭時力主元議卒得成禮陞福建右叅政巡視海道嚴禁土人不得越海私販與島夷關出入犯者必寘于法不稍寬假有海商齎重賂元元怒曰吾爲食諸生猶不利非其有今幸貴顯何至以賈人金啗我叱出之母卒歸葬廬墓側三年復除江西叅政卒

張文昭

張文昭字應奎平山衛人少展墓遇老父相云若異日當貴已忽不見天順癸未秋舉進士歷刑部主事員外郎中獄決疑獄著平反聲擢河南副使按察使拜食都御史巡撫雲南貴州駁將校有恩威懷來綏輯羣夷歸心弘治初年召入協理內臺時 孝廟銳精治理自務振刷文昭叅佐風紀中外憚其威稜凡朝廷內察外計矢以至公至慎之心旌良擢異屏奸黜貪每遇一大戰涉無不捷呼而稱允當者五年丁

母憂歸時未滿四品考 上特以有撫定西南之功詔予之祭未幾卒于家今祀學官

劉濂

劉濂字宗周臨清人成化己丑進士以工部郎權稅蕪江清介絕俗一塵不染諸商有江水深百尺未比使君清之謠陞廣西叅政適鬱林寇起兩廣三司令兵征剿多以妄殺見譴濂獨當一部出奇用正咸有紀律上功幕府獨無聞言以勞勩成疾竟以不起行篋蕭然棺斂不具布政使舒清多方經紀其事始克還櫬歸里

李晟

李晟字孔陽濮州人成化己丑進士初令宜陽召授監察御史慷慨有經世志善讀兵尚書王恕奇其才力薦于朝不用乙巳虜入寇上書欲自效進所製兵圖當事者以舊事對之謫曲靖府知事會有邊警廷臣薦其才詔改都察院照磨往叅謀大同軍事鎮巡器重之已遷郎陽府同知非其志也乃上書曰臣由儒起家潛心韜畧三十餘年前後所著兵機等書古人不能遠過頃大同有事撫按薦臣禦虜而吏部令臣撫民用臣違所長臣所製飛矢火礮駛車火傘等

監皆殫思創造前人智慮所未及令臣當一隊出遇
伎相角可橫行單干之庭設謂臣無當于用乞放歸
田里願屏居澹上以畢餘生不敢拜命當事者惡其
語直遂于告年八十餘卒所著有六經舉要經世通
畧平胡兵式安攘六論晨聽悟異常自比諸葛武侯
揭膺瀾視每議論旁若無人以故仕途齟齬云

郭鏜

郭鏜字子聲恩縣人登進士權兵科給事中成化初
郭祀甘露降大臣欲稱賀鏜力陳其不可河湟兵弗
解奉詔經畧易置諸將事竣陳備邊三十策上咸
奉朝分省人初考

卷九十六

十一

山東

嘉納轉都給事中陞通政司右叅議僉都御史巡撫
宣府大同奏置平虜城宣寧等堡以備捍禦劾中官
之馮精不法者尋改遼東坐大同匿虜事追論奪職
謫知射洪縣陞雲南按察司僉事時木邦孟定相讐
鏜深入撫諭事定以疾乞歸鏜聞則軒輊博通群籍
尤善讀史直司馬兵法嘗謂其弟進士鈺曰我病緩
汝病急可取弦韋各名其居以自警故因自號弦庵
子

周洪

周洪字克夫武城人成化間進士初尹項城奏毀貴

店舍蝗不爲災擢監察御史屢陳時政都人懼其
風裁時山西大饑進人粟議活民數萬以言事請永
寧官撫司經歷收光山今多惠政光人立祠懼四川
僉事後以忤權貴遂致仕

謝綬

謝綬字朝章朝城人成化甲辰進士今任丘得民譽
有指揮奉巡按御史之命至任丘不遜綬收下獄御
史聞之遣兵隸繫綬任丘民數千泣訴于御史竟不
能加害未幾擢留臺御史時內守備蔣琮佑恩恣肆
起第鑿雨花臺綬劾下吏竟死獄中巡按兩浙織造

云朝分省人初考

山東

羅綺費錢以巨萬數奏罷之進湖廣按察司副使時
逆瑾招權納賄惡其意直撫往事罰殺千斛調四川
瑾誅入爲大理少卿嘗錄囚千餘人稱不冤尋陞僉
都御史巡撫雲中稽軍實理屯餉繕城堡逐貪暴威
聲大振時北單干廬帳雄據塞上望風遠遁以勞瘁
卒于邊 詔予祭諸子若孫咸以經術世其家

蔣昂

蔣昂字克明丘縣人成化間登進士授行人司行人
權貴州道監察御史遇事敢言當時與靈寶許進齊
名已奉命巡鳳門關值中官汪直用事往謁者皆趨

踞曷獨長揖不屈直大怒摺疏中語觸旨廷杖謫四川建昌衛知事移令長洲縣有善政芝草生庭尋擢湖廣按察司僉事平生鯁亮以忠義自負母卒廬墓慈烏萬數日馴其側里人頌其完節

張雄 附黃

張雄字鵬飛范縣人登成化乙未進士儀觀修偉銓部器之授吏科給事中立朝侃侃諸所敷奏咸切時務進本科都給事中會大臣有樹黨相攻者雄獨立不倚滿烏蒙縣丞同官莫敢送雄歎曰士窮見節義平昔握手出肺肝相示一旦臨小利害顧若路人耶

敖山

敖山字靜之莘縣人七歲補郡諸生天資英邁負氣自豪屢試咸屈其同儕舉山東鄉試第一登成化戊戌進士選庶吉士授翰林院編修陞江西提學副使江西政多文學山采摭經史百家之疑及古今事勢變故之難棄爲問目以策諸生其說先儒所未及士張目不能置對丁內艱服除改山西以疾歸山賦才

雄與爲文如奔峽騰川馳放橫逸不煩刻削自合繩度當時與涪縣王越齊名人稱江北二傑云晚年日手皇極經世一編妙契邵學不傳之旨嘗夢吟詩云先天不肯留人住遺下三皇五帝春既寤吟猶在口逾數日卒所著有先天手冊燦然稿

梁璽

梁璽字朝用聊城人早歲博綜善屬文登成化甲辰進士授南京戶部主事督中都軍儲嚴覈漏隱歲饒奇贏牘報大司庭貯粟粒米不以自潤前後職民曹者稱璽爲最事竣當代軍民上書誦留尋陞吏部考

李朝分省人物考

卷九十六

十四

山東

功司員外郎未任丁內艱歸卒于家子相字惟賢鄉薦知杭州府新城縣鎮守中官橫索州縣相曰吾何忍推民脂髓以奉奢監獨無所發遺有論死囚挾重賄納巡按御史請解相固執不聽坐罷官歸無環堵之宅僦居市舍授生徒自給葺修郡采桑多其事核詞直孫承學登隆慶戊辰進士官按察副使曾孫衍祚舉人

朱應昌

朱應昌夏津人成化間進士知元城縣勸農興學剖決明允庭無冤滯以治行異等擢浙江道監察御史

應昌天性嚴毅不尚驚擊屢采蛇然內修行飭妻子咸服其化未幾卒于京士論傷之

劉魁 附子考

劉魁字士元高唐人成化間進士尹賴檢多勞績擢監察御史按蘇松常鎮彌盜有功淫雨害稼力請于朝蠲貸蘇門像祠之以直道左遷黃梅縣丞丁內艱歸當道屢薦不起卒于家魁天性純孝對妻孥相敬如賓凡歷官無所趨避以此偃蹇終身子孝子必先弘治初進士令獻縣徙河間奉公勤民不飭厨傳兩邑爭頌其美陞刑部主事員外郎歷陝西按察司僉事謙斷明允緣飭儒雅卒于鳳翔郡守檢閱囊篋僅敝衣數襲人比之胡威父子

王禮 附史前

王禮朝城人質直懷義早喪父事母至孝日上食非手調不以進母疾藥必親嘗時審禱于神乞減其算以益母壽及卒勺水不入口者三日慟哭漬死奠畢踰足負土築室墓側勝其所曰追思以志風木之感三年時柏成林有二蛇馴擾廬畔人以爲孝感所致事聞旌表詔復其家又同邑人史蘭邑諸生父沒盡塚上日僅啖米屑一孟以毀瘠卒

丁璉

丁璉字汝器祁城人成化乙酉舉人授汝寧府確山知縣縣舊隸信陽州璉以道遠多費奏改隸府士民稱便蒞任九年斷廷獄以數千牘有異政錄調直隸慶都減徭輕賦流民自占者八百戶丁內外艱復除宜陽儀與頓上所至民懷其惠以不善訛散竟謝政歸推祖產讓諸弟鄉評重之子孔璋登正德甲戌進士官參政曾孫懋儒登嘉靖乙丑進士官知府

蕭淵

蕭淵字文靜堂邑人父瑛鄉舉徽州遷判廉靜有賢操淵少膺家訓不慕芬華偕計京邸拒奔女不納聞者歎服登弘治庚戌進士由行人擢監察御史糾舉甚有聲出爲山西僉事以忤逆瑾謫守鄭州民婦古氏被人謀殺淵禱于神得主名抵罪流賊萬騎攻城淵授兵登陴督衆捍禦賊竟引去遷山西參議潼關兵備副使商洛番夷作亂率兵討平之事聞璽書旌褒以疾致仕歸構桃林書屋課農教子足跡不涉公庭諸子若孫咸恂恂能世其業

許路

許路字由之平山衛人父麾鄉舉官太僕寺丞力舉

駕行里中稱長者路登弘治戊辰進士爲刑部郎正
德間諫武宗南巡廷杖嘉靖初議大禮再杖還陝
西副使兵備洮岷番夷數寇臨鞏路厲兵擊之前後
斬首三百餘級招服四十族改廣西兵備賓州撫諭
徭徭則剪其不用命者事聞賜金幣朝廷命師討
安南莫世庸路監兵多指畫功久之病歸嘗疏格言
于屏訓示子弟每遇朝賀雖隆寒必盛服先往垂
白對客無容敦睦卿曲予死問疾不避風雨子孫
彬彬以詩書顯

李璣

李璣字宗器濮州人世傳宋李文定後弘治間進士
爲刑部郎陞通政司參議以不附逆瑾出判饒州轉
江西按察司僉事陞大理寺右少卿累官都御史巡
撫順天經畧邊塞繕治城隍募兵設監勞積懋著憲
臣別其事數賜白金文綺進戶部尚書致仕卒贈太
子太保賜祭葬如例

喬通

喬通字世亨臨清人弘治間鄉薦授河南登封教諭
入爲國子監助教擢南京湖廣道御史初在登封召
諸生口授五經貧不能自存者分俸周給既拜留臺

志操益厲江賊龍覆天等擁兵數萬侵掠郡縣通矢
志討賊表瘡力戰群惡次第授首未幾病亡旅櫬歸
家蕭然四壁通勁節高標所至以宦積著稱今祀學
宮

許堂

許堂字升之平山衛人父庠省大父于景州旅舍得
遺金一囊追還其主里人高其義堂領弘治乙卯鄉
薦知絳縣復除安化諸大姓山居數負租課召至庭
下曉諭入皆感動輸者繼屬不絕以病改乾州學正
入爲國子監助教陞晉府長史時武宗西巡諸門
擅橫將不利于王堂代爲草奏事解王喜甚嘉靖初
詔加四品服致仕王手書慰問饒遺相踵于道晚歲
神氣清瑩恍有悟于歸懷復命之旨當易簪時援筆
書曰太極圓光內先天一竅中無人得過此獨我配
具空投筆而歎

耿明

耿明字時之館陶人登弘治丙辰進士授貴州道御
史輦下論列謙所避忌道按雲南周行膏沐往以還
微有司多不檢露章劾奏數十人嘗慮囚有民家子
爲妖巫斃死復延事發亟論死有司以謀殺未果杵

之明曰此輩妖術所投不知幾何人幸登之不常有
至命戮于市遠近稱快正德間逆瑾用事出知潮州
府賑食救災權暴扶良以治行最超擢江西左叅政
督餉佐兵剿除群盜功成不受賞以疾乞休甫抵里
三月卒遂以反聞人服其明哲

李廷相

李廷相字夢弼濮州人尚書瓚之子早工文賦制義
範秀爲一時絕唱登弘治乙丑進士及第授翰林院
編修操履端直不競進取正德初逆瑾擅權惡其不
附已改兵部主事歷職方員外郎中當宗藩構亂領

本朝今省人物考 卷九十六

十七

出處

部章奏事平以勞 賜文綺後瑾誅復改春坊中允
歷翰林院學士經筵講官 武宗遊獵無度財用耗
費廷相講百姓足君孰與不足章對切詳晰 上爲
感動亟稱曰眞學士嘉靖初歷南京吏部侍郎陞戶
部尚書卒諡文敏先是同郡清平人張天瑞字文祥
天資絕人爲詩文數千言嘗信筆成篇不復檢覈人
有難之者律詩限以百韻天瑞亦揮毫立就限者至
供韻不及成化間及第左春坊左庶子與廷相兩人
俱早登鼎甲居詞林有聲里人謂天瑞上人使氣不
及廷相恬穆溫粹云

高顯

高顯字德章濮州人登弘治壬戌進士由魏縣令擢
戶科給事中時逆瑾周事顯首論中官蠹政害民并
大學士焦芳阿附不職請罷斥直聲震天下出爲湖
廣僉事從彭尚書平諸夷掠陞陝西按察司副使尋
陞按察使御史劾其亢直遂解官顯坦易篤篤臨大
事不動聲色善調笑與人交披肝膈相示誠得俸輒
施士卒之日餐篋詩僅圖書酒具無他蓄

閻鎬

閻鎬字孟周臨清人弘治間鄉薦力學安貧事父母
孝郡守偉其志行已授饒陽縣教諭迎養學舍旦夕
上食甚腴非遠出不去側訓迪諸生左文右行捐俸
葺廟廡三年改教寶坻以父憂歸三月朔一盥時隆
寒苦卧殯側因遽危疾親屬環視之鎬曰毀不減性
禮也不曰行法以俟命乎含淚而卒

李元吉

李元吉字守正堂邑人通判雄子少負才名督學使
者嘗構之徧誇示六郡且語人曰齊魯故多文學之
士不及李生尋魁鄉試弘治間登進士選翰林庶吉
士歷文選司郎中叙流品有平允聲廉隅嚴峻論

事務抗引是非爭大體一日同工部議開約例不合
奮袂投筆遽右通政告歸僻居別墅凡朝紳問遺之
牘不報于旋時過其廬輒引避嘉靖初召爲太僕
寺卿固辭不起元吉博該群書謹繩墨檢勅族人規
約嚴于官府蓋自束髮時雄視一世于人鮮許可白
首英氣猶揭揭云

穆孔暉

穆孔暉字伯潛堂邑人淳懿溫恭早負文望弘治甲
子王文成主試舉第一登乙丑進士授翰林院檢討
正德間官瑾擅權卿佐皆伏謁跪拜孔暉與安陽崔

卷九一六

二十一

山東三

統獨長揖瑾怒矯旨調南京禮部主事瑾誅復原官
進南京國子司業左庶子充經筵講官因憾所得惡
憫規切嘉靖初進學士掌院以忤權相改南京尚寶
司卿給事中葉洪上言學士某昭代淳儒閣之左右
足以裨益聖德不聽尋遷南京太常寺卿致仕孔
暉初工古文辭有聲已棄去研經六籍潛心聖學雖
二氏諸書特擇其精者詳說之曰吾性原無分別相
也久之扶去藩籬頓脫超詣嘗論心學之要曰鑑照
妍媸而妍媸不著于鑑心應事物而事物不染于心
自去自來應應隨叙如鳥過空全體弗礙識者服其

妙悟平生無疾聲厲色變故粹至神氣怡然知德者
至擬諸程伯子所著有讀易錄尚書固學諸史通編
大學千慮居官三十年茅茨僅蔽風雨卒贈禮部侍
郎諡文簡姪策負奇氣聞博能文自稱又玄于

王道

王道字純甫武城人未冠登鄉舉正德辛未進士選
庶吉士時山東盜起將奉祖母避地江南疏改應天
教授召爲吏部主事歷考功文選司郎中大學士方
獻夫薦其學行淳正可任官僚擢春坊左諭德引疾
固辭曰朝廷以名器爲重不輕假人以不次之官而

卷九一六

二十二

山東三

人臣惟義分是安當致謹于非分之獲凡三疏始得
肯以病歸而聲望益重居一歲起遷國子監祭酒拜
吏部右侍郎僅閱月而疾不起矣道英敏絕人精擇
強記于書靡不究其要指已厭博反約細釋聖經不
欲標門戶自表著久之神解渙然自信盡破世俗拘
學之見所著有易詩書春秋大學億持論多前儒所
未及兩掌冑監端軌申約六館諸生翕然尚風人比
之宋仲敏卒贈禮部尚書諡文定

許成名

許成名字思仁聊城八早歲穎異困諸生中嘗著論

志正德辛未舉進士第四人選翰林庶吉士累試
哀然居首賦禁中春晚詩藝林傳誦授編修歷論德
進侍讀學士嘉靖初上重文學之選命輔臣擇有
才望者遂推成名陞太常寺卿掌國子監祭酒禮部
右侍郎前後爲講官十年纂修武宗實錄大明會
典文典麗宏偉詩工近體評者謂品在晚唐錢劉間
書初學逸少已沉酣吳興小變之迥逸飛動甚爲海
內鑒賞天性長厚不以名位自高雖幼賤必鈞禮問
黨親戚有急傾身營救累膺無所愛里居曠達觴詠
自適有江左風致所著有龍石集

本朝分省人物考

卷之六

二十三

山東三

宋顯章

宋顯章字文光濮州人郡諸生有醇行正德辛未廬
父墓流賊至伐其墓樹顯章大哭請止之賊首喑嘆
曰此孝子里也戒勿復遺之矢約五里內不得殘傷
一木里人依之賴全活甚衆學使者高其行越格廩
之雖曰吾豈敢微虛聲奪國家養士之典累試居高
等治家嚴飭儀矩御賊獲有法農桑歲事輒先奏功
里人不言而化與蘇尚書祐倪御史宗猷友善二人
折節敬之顯章上書書臨古帖詩大類唐人累舉
不第卒不旬日妻辛氏自經顯側州守李緝上其事

建祠樹碑黃詹事佐作孝烈祠樂章二闕云

田美

田美字在中濮州人正德甲戌進士獨行寡交爲御
史與中官齟齬出爲山西僉事時虜犯柳園美督戰
馬蹶死于邊贈光祿寺少卿

桑溥

桑溥字汝公濮州人父春襄陽府推官精春秋飭法
律以經術溥高才倜儻恥齷齪曲謹登正德甲戌進
士初守華州民家有妖祟溥符而遣之人稱神明嘉
靖癸未擢陝西按察司僉事尋以總督楊一清薦轉

本朝分省人物考

卷之六

二十四

山東三

固原兵備副使值虜入寇督護將士進擊于鎮戎堡
大破之賊五百餘級梟其酋首捷聞議陞大理寺卿
以兄濟尚襄藩郡主改授浙江按察使會桂太宰子
自安仁如京凌杭守溥語激而怒又監試廉知貴人
子通闢節黜之坐謫落職歸居城東構萬綠亭鑿池
築山賦詩彈碁自娛山東副使某以事被逮溥遣百
金爲索館費人頌其義子孫科第繩繩

閻閻

閻閻字尚友臨清人鎬之子生有異稟讀書過目不
忘年十七舉于鄉登正德丁丑進士選翰林庶吉士

松史科給事中 世宗自藩邸入繼勅車騎由正陽門闕叩頭曰殿下未卽位不得由天子門舉朝壯其言嘉靖初大學士楊廷和以定策功進封伯又大賞迎扈諸臣聞言叙援立則威柄攸私隨從則侍御駭恐累初政之美事遂寢以劾大臣忤旨謫雲南蒙自縣丞是時史給事中道曹御史嘉俱由庶吉士一日言事並罷人稱館中三傑累官提學副使乞歸聞持論褻誇下急不能容人之過地方疾苦直陳剴切無所諱爲文善比事引類非關世教不以矢口初與夏文愍公同官相善已夏入相謝弗與通又數年夏相召再相過臨清造請竟引陌不出賦詩一章寄諷夏歎息而去

倪宗嶽

倪宗嶽字鎮卿濮州人正德辛巳進士嘉靖初以才器授山西道御史伏闕諫大禮廷杖尋出按真定綜覈有司墨吏望風解綬順德地方飛沙不田而稅勘明蠲除偶獲發不治巡撫某不職至自視病宗嶽出袖中疏草視曰吾欲露章彈公今不能矣請公更絃而治福此畿民生靈遂卒四郡士民哭之慟初宗嶽從郡人譚某受經已登薦書院輟于進譚遇之召至

庭下數而杖之宗嶽俯伏不出一語再拜引咎識者兩稱焉妻杜孺人子婦馮俱以節聞

王應

王應字德鄰朝城人父雄慈愛喜施捨每嚴冬嘗設煖帽招群瞽震處其上雨雪給食應舉嘉靖壬午鄉試初令杞縣有能聲擢山西道御史首上君德五事崇聖學廣言路禮大臣遠嬖倖正綱紀皆深切時弊數劾大臣中貴不法京師震駭巡視三關請于桑乾河修長橋築敵樓以扼虜咽喉建沙河城以護衛陵寢識者服其遠畧按畿南四郡

地方恥不得其職自投劾去家居事兄如父邑中婚喪不給者賴賑濟無慮以千指開塾城南課子授徒喜爲寵下單人有誣謬務相掩覆調護故人子弟尤厚上諭多其有維持風俗之功

林瓊

林瓊字廷獻臨清人嘉靖丙戌登進士高第授刑部主事天性簡澹論事依傳古義領部內章奏精察不苟有天文生董至者誣建昌侯謀逆書上詔下司寇獄瓊廉其狀窮治無左驗力白侯枉上怒罷瓊官

文雄時淵奧善變掖後進一時名士及門者甚衆州俗靡易競逐聲利瓊蟬蛻濁穢囁然不復世之淵垢評者謂其磊落大節如嚴霜孤柏挺立獨秀云門人鐫其所著文曰霜栢稿

蘇祐

蘇祐字允吉別號穀原濮州人祐生時烟霧覆室三日及在襁褓或撫之晝寢忽展轉亟啼不肯卧抱而下堂屋梁斷免焉識者知其貴矣祐郡庠長吏爲禮送酒方行忽大雨霹靂火光如斗一座皆驚曰是必有名聞天下者居母憂會流賊劫畧至郡父恩趣之

宋史一百一十六

三二

李汝

走避泣曰母殯在堂兒將焉往願以死守竟不避俄而遂去正德癸酉舉鄉薦嘉靖丙戌成進士授吳縣令編徭役戒奢靡三年大治以嫡母周喪去吳舟泊穀亭故亭人夢神告曰河上有尚書至旦日視之祐舟在焉服除補東鹿邑多繫囚下車一日罷釋數千百人民有昵妻殺妻沉之井而逸者吏弗問也是日捕置之法明日革祀徭車三十兩又明日有詔召東鹿令東鹿人詣曰三日官府百年父母拜廣東道御史癸巳中丞王以奏疏過誤元日下吏祐偕諸御史論政皆得廷杖無何按宣大大同兵變討平之乙

未按江北江北大旱疏請司農金六萬賑貸符離舊苦於河患築石堤十里禦乏人號蘇堤如杭丁酉按山西錄大辟減死五十餘人代還寧河南道臺法應權九卿同臺忌之薦以爲江西提學副使江西士衆歲試日閱數百卷不數月而已徧決科第錙銖不爽壬寅擢山西參政分理鴈門三關已晉大理少卿乙巳拜食都御史巡撫保定丁未進副都巡撫山西奏功進秩已酉人爲刑部侍郎改兵部轉左無何以所居官總督宣大山西軍務是秋虜犯京師率三鎮兵入援斬首虜數十馬牛以萬計威聲候鸞在邊嘗言

宋史一百一十六

三二

李汝

以首功一級官祐少子謝曰兒未嘗從軍吾又且朝暮罷去不敢以累將軍癸丑進右都御史虜二十萬衆將入關聞報提兵馳至永安堡遇戰斬首虜四百有奇捷奏祭告郊廟榜示九邊督兵部尚書陰孫錦衣正千戶祐居北邊十年虜情其威幾不近塞會總兵岳懋門虜幕府者懼奏言不請兵餉樵蘇后期故敗本兵亦素有卻如幕府言詔逮獄然祐實嘗乞餉無以難而分宜官尚書時嘗爲祐所論從中主之削籍爲庶人隆慶戊辰東官立覃恩致仕家食十八年卒所著有孫吳子集解三關紀要法家哀集

原詩文章泰疏通旂瑣言等書

江 東

江東字伯陽朝城人七歲能文弱冠舉嘉靖己丑進士授工部主事倜儻有大畧累遷巡撫遼東總督宣大免歸南京軍變召起兵部侍郎往按治誅首惡戊午江南倭亂奉詔討平之擢南京兵部尚書改戶部時俺答國大同右衛三月絕糧命東總督宣大齎米二萬斛往救以護兵七萬行東問曰爾行糧幾何曰七日東驚曰過期吾與若輩法當死等死死虜可乎令士各荷火銃倍道趨進距右衛百里許晝鳴鼓發

卷九十六

三十七

銃夜列萬炬燭天喧傳九過兵至虜驚遁去獲三日糧已入城報命云奉勅大同幹事畢不他言其謙恭不伐類如此壬戌虜大舉入寇東提兵急趨賊右賊不意我兵猝至夜遁出塞癸亥虜由潮河入薊抵通州張薊總督兵蹙其後與賊遇將士力戰敵首百餘級市廛皆遁中使勞問加太子少保賜蟒玉簪子卒于遼東忠天植椎誠御下所至人樂爲用官登八座田不益私廬不更稼海內服其清德宿望贈少保諡恭恭

田 濡

田濡字少生聊城人白晳疏眉目風標秀朗少從兄渾受詩登嘉靖己丑進士由行人選工科給事中疏請有議禮諸臣楊慎等不報監築都城以劾中官侵少府錢適下詔獄尋釋之癸巳星變陳修省六事陞刑科都給事中論吏部尚書汪鉉武定侯郭勲貪橫無狀竟用罷斥累陞南京太僕寺卿未幾請告歸里濡志操修潔喜繕閱圖史居官雍容嫺雅語不危而中提躬飭族依倣藍田規約閭閻遠整內外秩然郡人服其家政年八十餘卒

郭 鉉

郭鉉字汝器平山人早負雋才郡守陳公儒讀其文異之累試冠諸生嘉靖辛卯舉山東鄉試第一數罷公車肆力問學敷寬善誘一時英俊樂出其門仕太原府推官晉諸王孫慕其名爭輸欵納交概謝不報爲政務在疏濬寬滯所慮囚徒咸稱不枉累官順天府治中歸無負郭之田冬夏僅一裘一葛菜麋自給早工樂府甫脫口遠邇傳誦高者足奪金元詞人之譽制行淳恪抑節爲恭里人賢之

謝國賓

謝國賓字思敬平山人早歲聰敏志行高邁母病

翁齟齬血淋漓人稱其孝登嘉靖戊戌進士乞養歸
在門掃軌蒐獵群籍善古文辭人勸之仕不應間遊
神方外招集高士揮塵竟夕几榻凝塵湛如也事兄
嫂敬而嫂里中無少長皆慕其爲人嘗憫衛卒不勝
脫削尺指空虛上書監司請調停諸役比于州縣議
雖不行論者以爲石畫

許東望

許東望字應魯平山衛人嘉靖戊戌進士初令山陰
政尚寬平民愛之如慈父人爲戶部郎嘗督江西通
賦貴要無所假歷浙江卷轍分守紹興會倭夷突擾

軍興煩費東望一切鎮以簡靜推赤心待下將卒爭

三二

卷三

自効柯亭龔山之捷親督朱石敵數百級同事攘其
功僅進按察司副使嘿嘿不言累官行太僕寺卿致
仕東望廉慈豈弟不設城府居鄉恂恂善推讓同儕
每語侵之不校閭閻冥坐習養生家言手緝古今名
方所苦性命三編多可覽年八十餘目光炯炯燈下
能書蠅頭細字郡人傳其少年遇仙云

張後覺

附王

張後覺字志仁往平人事父母至孝居喪哀毀骨立
三年不御私室早歲得王文成之學于顏博士鎰屏

宗舉業深思力踐雖隆冬盛暑不爐不扇久之充然
有得嘗曰耳本天聰目本天明順帝之則何慮何營
又曰真知是忿忿自懲真知是忿忿自窒忿忿如沸
釜抽薪寧忿如紅爐點雪推山填壑愈難愈遠當時
門人孟秋趙進趙維新獨契宗旨海內名流道往山
者往往紆軫請益督學鄒善郡守羅汝芳兩建書院
集齊魯諸生其中延升廉使爲都講以歲薦仕華陰
縣訓導視邑篆起仆弭亂境內安堵歸之日士民遮
道泣送里居教授所著有弘山教言同郡恩縣人王
仁字汝謙已酉舉人篤志聖學與後覺友善辨析仁
仁往復數千言卓有深詣官溫州府通判一介不取

潘龍

潘龍字子霖夏津人有異質日記數千言父卒產中
落嘗探樵樵給食讀書僧舍鑿壁引燈治博士業有聲
嘉靖庚子舉鄉試第一是科歷下李按察攀龍名相
次人稱山東二龍云累罷春官袖釋經史爲文不競
藻績談名理刺骨居嘗兀坐一編垂白伊吾至丙夜
不休布袍蔬食澹如也負笈從遊者戶外之屨常滿
所指授皆成名士以經術政事顯同年殷少保人相
獨執故人刺投謁踞坐東鄉字少保少保擁篲布席

終身尊禮不衰人兩高之子敦復萬曆癸未進士官知府

邵璋

邵璋字宜卿朝城人周歲喪母及髫髻墓未嘗不痛哭失聲從學御史王公應以德行稱嘉靖庚子舉于鄉事繼母孝父年八十餘病痢甚璋卧牀下一夕數十起手奉溺器膝踰浣席盛暑無難色已嘗其矢苦喜曰父無恙也尋起後五年卒璋柴毀骨立喪儀一稟諸古提學袁洪愈旌其廬璋謝曰吾方抱終天之恨而名暇恤哉固辭不受旌知西平縣慈祥節儉卒

張登高

張登高字子升濮州人嘉靖辛丑進士初任蘇州府推官讞斷疑獄吏不敢欺擢廣西道御史按順天部內多中官貴戚侵奪民田登高一切繩之法覈實歸民涿州民訟其守于錦衣衛衛校窘守甚急登高厲聲曰守卽不法御史按治錦衣何得藐視令甲追攝百里之外輓辱長吏乎時都督陸炳掌衛事權傾中外登高具疏劾炳忽有鶴鶴迎吐馬首歎曰吾固知

不利于身計爲朝廷明法耳疏上詔逮榜掠幾死削職歸里昇行過涿百姓遮道泣送隆慶改元復原官陞南京尚寶司卿加太常寺少卿致仕

鮑文縉

鮑文縉字子卿臨清人七歲而孤勤學力行遵奉母訓撫弟文紳教愛備至一食之甘必推而分之領嘉靖壬子鄉薦授井陘縣知縣諫虜南窺繕治武備核石田之不苗者蠲其租百姓咸之立生祠徵人爲戶部郎陞平涼府知府豪宗有事納賂乞寬假文縉固謝不聽嘗自稱曰吾已委質而仕身固當奉職死節

曹自守

曹自守字伯化荏平人早孤事母至孝少聘張氏女病而替其父請罷婚自守娶焉里人高其行登嘉靖己未進士令吳縣泮水橋食三年不市一縑以治行最召入爲吏部主事轉員外郎檢摘詭牒吏胥無敢因緣爲奸所條畫選規者爲累令籍甚公卿間太宰楊襄毅公亟屬意掌選難于躡次以請自守以鬚髮早白不獲郎署力乞外轉江西按察司副使分巡

饒南糾墨吏散客兵飭紀貞度郡邑翕然卒于官吳人嘗言曹今去邑之日僅兩蒼頭負敝篋出閭門圖書不持也居鄉益廩廉稱德讓君子云

雷稽古

雷稽古字汝微恩縣人嘉靖己未進士授平陽府推官獄獄有平反聲旁郡質成無虛日召拜監察御史疏上輒焚其草初按甘肅已按湖廣所繫應條輒舉甚有威名隆慶間籍遼庶人產是時江陵執政陰欲啗楊麟洲田稽古拒不與曰吾安敢奪公家之利市交貴人遷南京大理丞尋轉應天徧括屬邑之藏以奉朝分省鈔考卷九十六 山第三 于四

王嘉祥

王嘉祥字兆興華縣人早孤稍長遇父諱日雪涕不食事伯父如父登嘉靖壬戌進士授臨晉知縣復除陳雷但飯蔬藿羹自給兩邑士民頌其廉平陞工部主事員外郎中督理營繕程工掄材中官不得乾沒縣官錢物以使事過里卒嘉祥天性謹愿所至事辦

善事母蚤其間木煥寒疾癩疥瘡而抑搔之門無雜賓譏會不卜夜人間之曰吾謹奉慈訓不敢妄交游貪杯勺傷母之志母卒哀毀瀕死三年不酒肉每哭隣里感動人稱至孝

粟祁

粟祁字子登夏津人生三歲而孤稍長爲名士嘉靖辛酉舉于鄉壬戌第進士授徽州府推官徽俗故黠好氣小不相下或聚徒格鬪或殺傷人投諸水火諸吏訟常十餘年不決祁謂此難以法治嘗爲好語之復譬之民反輸心有所感動己丑擢南戶部主事推稅杭州月俸之外秋毫無取轉郎中拜湖州知府平賦輕徭與民休息民無擾焉郡海水災民饑上書蠲其十之二三權會美金一切謝絕擢山西副使秣馬訓兵修屯愛士軍中有訟僅以笞遣之曰寒卒因極一傳爰書卽三月廩立盡使當虜奈何由是所居家遂辦過于他境兩臺方交章薦北邊開府一日擢小疾不起時年僅四十二

梁承學

梁承學字師顏聊城人生六歲而孤家貧從母王宜人居攻苦誦習髫年學成十八舉省試隆慶戊辰歲

進士有同姓中官用事請序族曰吾不知系所從出
謝弗與通除陝西延安府推官獄獄平恕一日閹獄
中囚有八歲兒校石戲誤中死七歲兒吏增見年論
死承學廉其狀立貰之有府卒出覓金錢照磨答卒
後病死吏當故勘平人律承學曰卒爲奸利非平人
照磨答之固當奈何中法亦減死論滿考以柄銓者
有隙僅擢南京工部主事改戶部時九江徭稅序當
追承學往郎中有所善者奪之同曹咸不平承學曰
使職等耳何必九江後所遣者竟以墨敗進員外郎
中改雲南司專主漕政尚書欲扣漕費奏爲羨餘還

本朝全書人物志卷九

三二

山東三

卒大諱尚書恐夜召承學具陳不可狀草疏平亭之
卒乃安先議者以江北區荒奏遣憲臣督吏民開墾
命承學往視狀馳至其地具得其實以報其稱上
旨擢陝西副使備兵鄜延再至塞上日夜按行所部
繕治城堡修飭武備邊境大治猶賊嘯聚撫臣欲發
兵捕承學謂皆凶歲饑寒救死不足以辱軍吏遣水
尉持檄往諭之賊感泣立解散會關中大侵人相食
設法賑貸多所全活忌者反以爲救荒無策改用因
拂衣東歸後請闕病返棹抵舍數日卒年五十五

孫維城

孫維城號衛宇丘縣人隆慶庚午舉千鄉明年成進
士授濬縣知縣旋以內艱服除補太康邑俗健訟乃
預爲籍記皆知其蹤迹主名有奸輒發黥服遂止尋
又以外艱服除補任丘任丘當道多中貴士族城特
法堅信壬午召授南御史先是江陵奪情寧國諸生
吳仕期將上書譏之未發而郡丞宗武白操江都御
史積憤者江陵私人馳告梧而斃諸獄生婦爲冤書
走都市哭城至首疏劾都御史及丞下吏謫戍天下
快之趙公志舉等以忤江陵中考功法城疏陳謂三
臣無罪上用其言立召三公復位其后皆至卿相

本朝全書人物志卷九

三八

山東三

方是時海忠介公爲大夫亟稱之曰吾臺得孫君乃
重耳已出爲松江知府收永平至則值有海警督率
將吏嚴飭干櫓新孤竹之祠以暇延興禮教治行皆
爲第一陞山西按察副使分巡上谷益築亭障二百
六十所招屬夷得其生口千餘進山西參政進按察
使虜酋安鬼恃其驍健挾市城請賞而遣譯語鬼
聞嚙指曰大師知吾虛實乃獻出邊屬夷自贖進右
布政夷人乞賞一餅一贊無浮千歲積賞美金十四
萬及市租五千遷廣策左布政鎮人乃大諱督撫上
書留之滿績晉右僉都御史開府榆林上莊諸酋叩

關乞欵議者不收。城疏謂不可以小費淪約示不
信于外夷。朝廷置之而業以積勞成疾卒于軍。郎
中秦兵道劉入哭檢案中餘秩金一錠將吏無不流
涕。鎮人爲罷市馬城去永平時條吏以府裁羨金致
之境上笑謝弗納其去上谷口北亦然。座師江陵柄
政三爲邑今不通一牘。塞上十年于中朝要貴亦終
無所請問。然其議論常依大體間有自恃操節而繩
人以爲名者亦不取也。

孟秋

孟秋字子成。任平人。早歲從外傳受毛詩至鄭衛。其
子禮受其下。雖發憤慨慕前修家貧甚嘗撤屋瓦鬻
之以供學。新提學郭公善講道濟上召與語大悅曰
功刊之俗孰能不波不意乃有孟生登隆慶辛未進
士。縣政尚清惠萬曆初遷大理評事尋轉職
方司事守山海關是時關政久弛江陵當國選于
諸曹得秋至則嚴議察裁供億竟爲前官所忌中考
功法調外陞刑部主事進尚寶司丞少卿卒秋雅志
澹泊寧喘聖真貌。若夫若不勝衣遇事神閒氣定萬
夫莫能奪與人交樂引其所長而覆其短晚年徧詣

四方同志問學洞徹其論中和已發未發。犁然有當
于中庸之旨。鄒考功元標張諭德元朴讀而善之曰
此孔門嫡派臺省文章請易名格于例未果。所著有
二明一脈經翼行于世。

陳節亨

陳節亨字子安。東昌衛人。萬曆丙子舉于鄉。懷懷如
處女善事母。試春官畢輒策蹇覽覽冒風雨歸。趨侍
晨昏無故不去。左右家貧不通謁有司。一日監司行
部召諸孝廉請爲治。偕計裝飾亨謝病不往。聊城縣
人應傳城旦書縣令語曰但得陳孝廉一字吾立
釋汝其人泣請三日竟閉門弗應所居破屋積雨。日
近午不舉炊隱几讀書自若居母喪月餘以毀卒。府
守署其門曰獨行振俗。

傅光宅

傅光宅字伯俊。號金沙。聊城人。母一夕夢瑞光。室
寤而生曰此子必耀吾宗遂以光宅命名。四歲誦詩
十六經術通明隆慶庚午舉省試萬曆丁丑進士授
靈寶知縣外艱闋改令吳縣拜監察御史按行二門
薦故帥或繼光衆論大快廟堂弗是也詔議光宅因
請告已遷臺按浙會申救寧晉王御史劾太宰改按

伏光宅疏語侵御史大夫有阿大夫者下令大索
山人得光宅舍客戍之坐註改行人司正還南兵部
郎中內艱服除補工部郎中內工河漕歲費不貲壽
畫財省爲多會稅瑞馬堂橫權臨清其徒鬪殺市人
市人因焚其署光宅曰此瑞所自致發難不在民也
疏曰堂激變狀請誅其記史鄭惟明附瑞者謬謂光
宅爲侵官側目視之矣已亥檄旨作亂詔發兵誅吏
部薦光宅爲郡曰當賢于十萬師至則治粟轉輸民
皆安堵師無後憂制府李長垣謀畫多所贊決寇平
請釋鵬從全活萬計辛丑考察以能奏調成都時椿
郡新置借鎮重臣乃進副使分巡遵義所部皆兵後
多暴骨祭而瘞之遺俘畏誅小反督兵擊定以望改
督學政甄拔名流甲辰大計前側目者乘間中之曰
無傷也吾已日夜治裝歸矣抵舍而病以其年終于
正寢生平慕義好施嘗置腴田五百以奉兩庠膏楮
內外暇易待之舉火者數十所著有異曲吳門燕市
蠶桑蘭草夙慕方外之遊內典玄宗無不深詣

人物考目錄卷之九十七

青州府

王讓

杜澤

崔迪

楊辛

王璉

焦瑾

劉福

李柰

馬倫

劉珩

張翰

劉或

石瑛

陳達

李旻

趙鑑

陳清

王琳

韓翊

高昱

公勉仁

石存禮

蔣賜

馮裕

黃卿

陳經

楊應奎

李舜臣

朱潤

宋延年

冷起元

程紳

石茂華

馬文煒

馮惟訥

張時

曹凱

孫鏗

土基

朱伯華

公家臣

朱鴻謨

補遺

武衛

陳松

韓必顯

馮琦

本朝京省人物考卷之九十七

山東青州府

王讓

王讓字宗禮山東青州府益都人幼勤敏端恪讀書日積寸馳聲庠序間事親有孝行嘗廬墓致涌泉之庭洪武末由鄉薦授國子學錄施教以孝為先文辭警翰皆在所略諸生有以罹艱告者讓一聞涕淚下以故多所感化永樂十年八月癸酉 文皇帝嘗簡侍 皇太孫讀書大司成胡儼薦讓孝行 上謂侍臣曰孝者有行之原朕聞讓孝於其親故擢用之讓在講筵首陳堯舜之道惟在孝弟人主躬行孝弟則天下感化不勞而治每談經必端拱立敷宣明暢 皇太孫敬而愛之時同事之臣陳山張瑛以順旨被寵戴綸林長慙則強諫不少說隨惟讓謙卑自牧簡默寡言每進規諷亦委曲切中事情 皇太孫欽容聽之益加禮重及扈從北行常被 召見厚加賜于十八年九月其泉縣學教諭張昱東阿縣學教諭承年縣學教諭劉順皆被 簡擢為國子博士侍 皇太孫讀書讓雖先進以官序折節下之意每恬如也二十二年始陞北監助教洪熙初 皇太子正位

東宮讓進左春坊庶子未幾宣德改元以輔導功首陞讓為吏部右侍郎山瑛及綸等皆居其次時讓同

官黃宗載負才學尚氣讓每退避宗載遂和衷交好日密居部二年因浙江秋租負欠積多命督理未幾卒於官時七十四讓言若不出諸口而親身素履人所不及游歷榮顯恭儉若布衣時為上簡注未嘗矜耀忠亮清介始終如一士林重之

杜澤

杜澤青州沂水縣人洪武中以文學授沂水縣學訓導二十年侍臣薦其經明行修陞司經局試較書二十五年進詹事府丞澤朴實持重言動不踰禮嘉之二十九年正月特陞吏部尚書首定朝覲之制以辰戌丑未年為期往年一歲一朝之制俱革上令魏國公徐輝祖及禮部翰林院官詣國子監考試師生甄別高下令澤以次錄用又奏定在京官員州縣首領官員考覈等第及掾歷司吏俱從各衙門大小均分除授品職澤掌銓慎守不欺 高祖信任後以年老致仕

崔迪

崔迪字惟吉益都人家世業儒通貫經史長于理學

至正末 高皇帝嘗幸其家迎敬事焉洪武初召授
青州府儒學訓導轉益都教諭擢左春坊左贊書謝
病歸乞以教諭終其身賜之誥命白金文綺龍頭拄
杖一品服色以寵異之

楊 辛

楊辛高苑人洪武中以歲貢知臨潭縣事通潭水泛
溢城郭淤陷民被其害辛爲巨筏數百民渡於高阜
全活甚衆水患既息民相率詣縣拜曰吾民得活者
公之力也辛曰禦民之惠吾分內事何以謝爲後徙
縣治建學校皆其規畫民利而思之

王 璉

王璉字器之吉州日照人學通經史長於春秋初任
教授謫遠方洪武末以賢能薦授寧波知府清儉律
已平易近民杜私謁革吏弊每夜四鼓升堂秉燭讀
書聲聞於外或叩請學課諸生諸生必三鼓赴學無
間泮池舊惟一石梁乃捐俸增建左右二梁以崇偉
觀過縣由必躬詣學廨舍視其漏濕輒用蠟灰識而
葺之毀諸淫祠或以殃譴爲戒璉曰如其有靈宜降
罰我躬不他祟也政教兼舉德化大行五邑變俗自
泰後約一日僅用魚肉璉大怒謂內子曰汝尚不識

吾意更不憶食草根時邪命左右撤而奎之人稱埋
美太守時武職橫暴璉痛抑之洪武壬午靖難兵起
璉造船欲航海勤王軍衛以怨故縛詣諸罪類賴有釋
還鄉璉之去任也行李蕭然父老迫歸堅卻不受寧
民至今稱之

焦 璉

焦璉諸城人文汝霖永樂初被薦留京思念二親怏
怏成疾璉方弱冠在側卽慨然陳情乞身代留上矜
其孝行賜允明年授璉濬縣稅課大使通商利民署
縣事尤得民心秋滿保陞知縣事後改贊皇濟與贊
皇之民交章爭留上方以黃巖難治得璉甚喜特進
六品俸知黃巖務以德禮化人刑奸懲暴境內翕然
有麥秀兩岐字生三男之異後致仕民爲肖像祀之

劉 福

劉福字慶之益都人宣德間進士授戶科給事中正
統間上章言 英廟駕迴富復位不合時論外補陝
西參議陞山西參政以疾致仕持正守介歷任三十
餘年家無遺貲人咸重之

李 柰

李柰字時珍蒙陰人永樂庚子鄉薦第二宣德下未

進士除行人授南道監察御史奈特風裁糾舉不避
權要尤貪惡暴有王御史納賄奈按之或曰同僚
少假奈曰御史爲朝廷執法不敢以親屬見同僚耶
工部王員外賈貨爲人所訐卒按如法刑部徐郎中
索刻深有法不當死者竟杖殺其母子二人徐與奈
有舊冀得寬假卒以酷刑坐罷人號爲鉄板李御史
豪民擊人碎其首而死奈鞠之獄具豪以尸無傷
引承奈厲聲曰汝殺人陰易其骨將誰欺耶豪色動
一訊而伏蓋賂守尸者以他骨易之也衆驚爲神囚
婦王季奴隨夫罰役北京夫道亡季奴携幼子還巡
司謂其殺夫也季奴不承認掠送縣嚴訊法司將
奈市奈監刑閱其案不見夫體所在且察其容色甚
戚問曰得無冤乎季奴泣曰冤分一死耳若求平反
必更加拷掠又不知幾死也奈疑之不忍行刑同事
日法司已有成案奈曰死者不可復生奈何局于成
案而輕殺人後于他所獲其夫季奴得不死時張都
憲凡滯獄弗決者必以屬奈吏見有奈署字不更視
日李御史所錄必無冤也丁卯補陝西參議明年督
巡河西邊儲及代會邊報急代者逗遛不敢進或
趣車過河邊奈曰吾荷國恩叨奇一方今有警宜以

死報奈何去之竟候代者至乃過陝西虜勢猖獗
臣防守衆憊行奈獨請往日主憂臣辱今國家多難
正臣子盡節之日可避勞耶偏頭關戍卒之食衆恐
虜騎突入亦規避奈復請往修繕防守一方以安慶
陽民苦饑有司不敢發奈曰民以食爲天爲民父母
忍坐視其死耶即令發賑之民有逋賦積歲不完有
司嚴刑督之奈曰民困故不能輸耳奈何以刑解其
縛從容諭之同官曰彼頑民督促之且不肯輸願寬
假之彼肯輸耶民感極轉相語曰此吾父母也可不
絕而使之賒議謂乎爭假貸以輸卒無負者由是西
八 爲李佛泰政孫毓田應曰君爲御史人號鉄板
心爲泰議又號李佛何前剛而后柔乎奈曰御史尚
彈壓泰議貴撫循官固不同政亦有異可一舉施耶
景泰壬申才逾六十上疏乞歸家居十年易簪之際
神氣不亂生平孝友賙卹鄉人嚴剛負京租整所有
代給之嚴貧不能償止一女欲歸爲侍婢卻不納出
券焚之其女後嫁良家子奈沒女哭盡哀如喪父母
鄉有鉅豪少以不義致富晚年愛禮賢士慕奈辭
不往或臨之奈曰君子不飲盜泉之水况不義之
何可往其物何可受耶嘗使藩邸外國賜遺一無所

受道經順德里人時爲都守見所持經中意必遠方珍物探視之乃黃連數裏蓋數苦日疾傷之傷也致仕歸所積不足克道里費身後惟遺書數千卷而已

馬愉

馬愉字性和山東臨朐縣人宣德丁未進士第一擢翰林修撰上嗣位初愉侍經筵尋陞侍讀宣宗

錄成陞侍讀學士正統五年奉詔入閣預典機務上陞禮部右侍郎兼侍講學士最起趨朝得疾什不能語上命醫往視越四日卒年五十二上深

悼賜棺槨贈鈔萬將命有司歸喪營塋贈禮部尚書諡文忠

言家翰林學士舊例無以門官者贈而官自愉始愉

瑞皇儲默不設諡府兩考會試盡心擇才爲文章不務雕飾論事不苟爲異同自處澹如門無私謁人稱

醇厚長者云

劉珣

劉珣字叔溫山東壽光縣人生而穎悟氣識豪邁八歲能文章書過目輒成誦有老人相曰是兒面有文須丞字後必爲相初赴鄉試道經臨清值河溢僕馬俱溺珣獨水行半里餘神色自若咸興之舉正統十三年進士改翰林院庶吉士授編修景泰七年修

字起志成陞修撰天順元年自春坊中允遷

京官凡義理精微聞疾苦與前代治亂之由皆

懇言之無少諱八年憲宗登極以官僚舊臣陞太

常寺少卿兼侍讀成化三年修英廟實錄成陞太

常卿仍兼侍讀明年陞兼侍讀學士八年丁母憂歸

廬墓側鄉人化之號其里曰仁孝服闋復任十年陞

吏部左侍郎仍直經筵日講切每連請直言正論動

敏千言而聲吐洪亮音節頓挫聞者敬悚憲宗愛

而重之大學士劉定之稱爲講官第一在吏部不徇

私請亦不爲苛細矯激之行十一年陞兼翰林學士

入內閣凡軍國重事直前果斷略無忌天下陰

其惠至於大制作多出其手十三年陞戶部尚書兼

取如故十四年加太子少保兼文淵閣大學士十八

年修文華大訓成加太子太保進階光祿大夫柱國

二十一年奸人李孜省輩左道亂政欲擢國本珣毅

然抗言無少避邪謀遂阻然竟不能安于位或構爲

飛語假優語以中傷之賴憲宗之明寵眷不替是

年以親老乞歸賜養甚厚家居十餘年事父愉婉悠

然自樂父歿哀毀致疾遂卒年六十五計開輟朝一

日遣官祭葬如例謚文和嘉靖間賜其里曰昭賢命

石司春秋致祭明丰姿秀骨望之如神仙剛直英邁之氣久而彌甚蓋其質之所稟者純學之所養者正故居家爲孝子立朝爲忠臣一時宰輔少見其儔文章理完而氣允每下筆滾滾千餘言不竭尤工行草善吟咏有文集藏于家孫澄甫登弘治進士歷官監察御史

張翰

張翰安丘人孝友侃直潛心力學正統間由進士授廣東監察御史時毛中貴等怙寵恣橫人多側目翰在御前奏數其過因與給事中曹凱共擊殺之英

皇弗許且干柱上御書以言公史張凱等風忌之陸江西左叅議愧直道不行輒跪乞致仕家居授

廷議字宜撫環者巡撫給官地租築室以居貧約恬靜至今鄉曲誦之

劉璣

劉璣字清章益都人正統己未進士授工部主事歷郎中陞彰德知府持身正大約已愛民郡人至今思之

者十餘之

瑛

石瑛字文玉益都人由歲貢任澤州吏目朴直剛嚴不詭隨於俗家世豐裕性好施遇歎作糜以贍色里全活甚衆後值瘟疫死者彙塋不給拾棺三百餘以瘞老而無子者捐貲納室賴有後者十餘家造皮履以施貧薪作木榻以惠餅汲少年不作家產者則擊以杖間里恒愛慕而嚴憚之其子銘孫存仁存禮曾孫麒麟鳳瑤鯨玄孫茂華繼節繼芳皆通顯人以爲積德之慶云

陳達

陳達字兼善日照人天順中進士授主事出知懷慶府境有巨盜達單騎往諭隨散有故人密以金託者其人死召還其干鄉人以爲難及

李旻

李旻字同仁益都人天資聰敏英拔下筆輒數千言尤精書法行草成化甲戌領鄉薦授同州守改潞州決獄明敏廉潔自持黜貪吏革夙弊甚多疾篤乞休進階四品服色瀕行潞王世子遣人持重賂來謁謝曰數年保婚常例不啻萬金是皆不受斯何爲哉旻者歎服

趙鑑

趙鑑字克正山東壽光縣人成化丁未進士授
山陰在縣廉愛有惠政去後民思祠之擢監察御史
歷視馬政鹽法奉 命按宣大時虜酋火篩犯境
朝命平江伯陳銳等帥兵討之師久不進上疏刻之
又陳方略甚悉於是兵將奮勇連戰皆捷虜爲遁去
爲御史久數推京寺要職值與逆瑾忤出知安慶旋
改順德瑾誅擢浙江參政陝西右布政使正德八年
遷右副都御史巡撫甘肅歲大侵上疏請出內帑賑
之及貸富商貨緡易粟隨所在給以糜粥全活甚衆
又令官給牛種勸之使耕次年遂大穰又浚渠招屯
募民益兵邊務大修又論吐蕃復哈密奪地盟書嘉
勞十年以視南京院事復命十一年命清理閩浙鹽
法入視院事轉大理寺卿鑑於法比素精覈而宅心
平恕歷南京刑部尚書嘉靖二年改北刑部尚書命
交治諸巨奸種種按伏咸得其情逆濠之變宗室坐
繫者衆上疏止坐元惡請釋其株連者獲全二百餘
人一日待漏直廬朝士有託以私者叱之曰此豈汝
等請托地耶聲色俱厲聞者壯之嘉靖五年致仕特
賜馳驛令有司給米四石歲夫六名及 陛辭上特
製詩一首書於龍箋以寵其行舉朝臣工咸嘆有此

卷九十七

十一

張齊

遇卒贈太子太保諡廉敏性好士樂善雖面折不
能客人之過而宿怨弗藏故人弗怨之臨事決議能
以二三語折衷靡不服學士石熊峰稱之曰清梗忠
實時以爲實紀云

陳清

陳清字廉夫益都人弘治間進士授戶部主事歷員
外郎中擢山西左叅政鄆陽都御史戶部侍郎陳言
三十四事清理馬房冗費一十八萬以工部尚書致
仕孫策以蔭當補官時冢宰清同年友也親友請爲
策致書公正色拒之剛介如此

王琳

卷九十七

十一

張齊

王琳安丘人少孤事母甚謹及長雅負奇氣弘治間
領鄉貢授武昌令政多惠愛民立祠祀之徙閬喜摧
監察御史風裁凜然所過豪猾斂戢 武廟嘗賜銀
牌粟帛獎之後轉山西食事以大同叛軍憤微而卒

韓翊

韓翊博興人由鄉薦令太康政多懸異蝗不入境民
爲之誑曰欲要蝗不墮須是韓公過欲要蝗不災須
是韓公來居官清慎常祿之外一無濡染貧約終其
身

高 昱

高昱字孟昌青州左衛入家世襲武昱以儒顯幼事親承順顏色出入必告辰辰佳節奉親嬉游以取適家徒四壁怡然自樂弘治甲子領鄉薦郡守宋公鑑見居室敝陋欲爲葺理昱力辭曰不敢以此病鄉人嘉靖甲申選兵部司務歷武選員外車駕郎中居官清約不可干以私卒之日大司馬張公率僚佐臨喪殯之各捐俸具棺視歸塋家益窘幾不能存於政楊公維聰置田以育遺孤其生平狷介不苟槩可見云

公勉仁

公勉仁家陰人弘治間進士授行人陞江西道監察御史太僕寺少卿正德初忤宦官劉瑾左遷四川參議勦蜀寇有功累陞都御史巡撫大同值北虜寇邊公率衆力戰復振奇勦尋丁內艱家居 武廟降勅崇禮獎勞服闋起巡撫治郎陽卒于官

石存禮

石存禮字敬夫益都人年十九登弘治庚戌進士授行人陞南京戶部員外郎郎中出知紹興在郡凡四年刮剔民隱吏弊殆盡居無凡何忤當道尋罷年尚未強也存禮質淳厚沉靜而剛方不詭所至以嚴見

憚人多忌之家居三十餘年惟課子耕讀爲務非公事未嘗一接顯貴性不樂置生產每念以清白遺子孫斤斤然有古人之風人呼爲萬石君家云

蔣 陽

蔣陽字文輝樂安人正德間進士知沐陽縣撫流移勸耕種興學校飭兵防爲舜澤蘇祐所稱服已而擢江西道御史糾彈無避督鹹河東再巡畿輔咸以歲侵爲民請賑陷危者諸方賴以全活平河青羊山寇擒畿內妖術以千數時論偉之後爲權貴人中傷請守古州創石城以衛民今祀名宦肖像學官陞食

本朝今丁公等 卷九十七

十四

明倫彙編

轉貴州兵備安置土官仇殺者貴州至今寧謐致仕以壽終所著有歸藏漫藁兩巡奏議

馮 裕

馮裕字伯順臨朐人以先世戍遼東生于廣寧少孤貧刻苦讀書聞義州賀醫閣先生倡明理學往師事之輒克然有得歸而事身心之學動靜語默雖細必謹身無積書借覽以資凡閒精心經學雖箋注隻字必窮研洞豁然後以正德初舉進士授華亭令清慎正直名動一時時瑾暨煽禍邑人張文冕任近侍爲瑾腹心以家託之裕云邑一無所私庇冕怒想干瑾

將逮繫之裕知禍在旦夕暴不爲動已而逆黨伏誅
歷蕭縣令知晉州所至多惠政弋懷去後之恩遷戶
部郎出納一任法制數忤權貴權貴密遣人偵伺闕
失踰歲無所得乃益重之款服再拜而去出守貴州
遷按察司副使後先七年屢建平蠻功有百餘年仇
殺者先是廷議數遣重臣按治不服給單也往諭之
一言而解酋長感泣夷兵悉散去南裔賴之安後解
官歸青州不治生產僦居十餘年力不能酬其直囊
無遺錙銖無儲粟弗問也性重厚剛介人不敢干以
私晚年端坐陋室手不釋卷與諸同志結社賦咏不
忘忠愛之念切偲之學嘗爲督閩先生集序疾亟猶
更定字義命筆皆正俄而正冠歛衽而卒歷官所至
著冰蘗聲旣歸田尤凜凜自守非義一毫不染于四
維健惟重惟敏惟訥俱登第人以爲清節之報云孫
琦吏尚書

黃卿

黃卿字時庸益都人正德間進士歷知武進涉縣遷
守應州所至皆以能稱陞南京刑部郎時有宸濠之
變參贊大司馬喬宇籌畫賊賴以平擢守太原修廢
五閘月而郡大理汾河夾城將塾具詞祭告水

本朝分省命

卷九十七

一五

山東

徙三里民神之陞浙江右布政忤時宰調陝西再遷
江西尋陞左布政卿爲正里賦寬息耗吏不能欺民
感其惠嘉靖庚子歲饑發帑賑之全活萬衆是歲十
月入觀中道卒年七十五著學老而彌篤所著書不
廢覽閱有海岱會稿編舊集編詩話開抄漫紀擬
珠集藏于家

陳經

陳經字伯常益都人正德間進士授兵部郎中諱
直敢言武皇末劾奏宰宰餘黨漸涉言上覽疏
顧左右曰此何給事中也經多直故云

本朝分省命

卷九十七

山東

擢通政司參議歷通政使遷戶部尚書總理太倉清
謹獨持久之政禮部尚書尋轉兵部加太子少保時
西北警檄日至經殫心籌畫至忘寢食條上防禦事
上皆允行邊臣建議復河套經力陳其不可忤宰執
意因乞骸骨詔許馳驛致仕後起復爲戶部命下數
日而以訃聞上爲之輟朝諭壘祭如例經性方
介立朝垂三十年門鮮干謁卒之日囊無私遺有古
太之風

楊應奎

楊應奎字文煥益都人天性孝友厚重朗豁正德間

進士授仁和尹徵拜兵部主事轉禮部員外迎
宗于湯陰進儀註賜御膳擢字臨洮刻 祀調以屬
俗有蕭驛站久疲奎極力調處民皆復業引洮水灌
田萬頃民利之有去思碑及調南陽值歲荒設法賑
濟全活數萬人又正版輟以灌民田郡民咸德爲立
生祠祀之而兩郡乘悉奎編纂平生博覽羣籍精工
右軍書法其高致雅操每以希文自期罷歸居鄉日
與縉紳結洋溪吟社各與林泉有吟稿并澗谷文集
藏于家

李寄臣

本朝分省人
宋九十七

山東
李寄臣

李寄臣字懋欽山東樂安人也生而清穎警敏日記
千言爲文雄厚不露鋒鏑已卯舉鄉試嘉靖癸未會
試石熊峰得其文驚異遂置第一今錄刻其策論不
窺一字廷試三甲第一授戶部主事調司勳陞司封
員外調考功權貴忌之復調戶部郎中時王慎中主
選得陞江西提學僉事考閱精奮人才輩出陞南國
子司業與倫以訓鄒守益後先同僚雅相友善轉尚
賓卿日惟閉門讀書考究六藝陞應天丞均賦愛人
甚有惠政召還爲太僕卿以 廟災自陳致仕益時
宰忌之也屢薦未起竟卒舜臣居官居鄉詳慎嚴密

嫉惡好善自奉儉約詩文各有古意晚年尤工所著
有戶部符臺諸集

朱潤

朱潤字伯山益都人登嘉靖丙戌進士除知樂縣有
聲歷官南京戶科給事中彈劾不避權貴仕至松江
府知府左遷寧波府同知卒于官性簡靖不阿自家
居逮宦遊人不見有喜怒之色沉毅多雅量善舉業
文學所著毛詩四書通解凡若干卷足爲後進法程
卒年四十有六人悼惜之

宋延年

本朝分省人
宋九十七

山東
宋延年

宋延年字仁夫益都人幼奇穎從父宦遊讀書易水
之上弱冠歸青州文名驟起以毛詩遊鄉校繼從安
丘黃顧受春秋嘉靖丁酉魁東省善古文辭出入秦
漢行誼高潔動以古道自持見重鄉評謁銓天曹當
領制職辭不就選魏縣教諭文章德望師範一方還
禮部司務留都縉紳傾心推服乙丑考績過青州展
謁卒於家門人哀刻一川遺稿以傳

冷起元

冷起元字繼貞益都人嘉靖辛丑進士授內黃令清
靜嚴毅民不敢欺期年報政上官當道者器之日非

百里才也時一按部者忌其才值移檄後他部卿之
曰吾終不令每軋已使我氣噎也竟爲飛語中傷之
稍遷太僕寺丞墨墨不得志數月以病免家居十餘
年杜門謝客口不談世務非公事司府不一謁也性
恬澹不喜紛華衣冠服用無異寒素鄉人重之生平
寡飲惟病寒乃飲少酒壬戌冬適公譴舉職一再行
忽感寒疾疾辭客歸家移晷而卒卒之日纔年四十
三云

程紳

程紳字伯書樂安人登戊戌進士授長治令擢刑部
主事考績陞陝西兵備僉事再補河南所至以平反
廉能著聲稍遷山西參議秋防邊境賴以無虞已而
晉副使傳策刑閹戎務竟以積勞致疾年五十二卒
歷官居鄉從未以才智軋人今祀鄉賢

石茂華

石茂華字君采號穀菴青州益都人垂髫補博士弟
子嘉靖癸卯舉省試明年第進士授滑縣知縣年方
弱冠幸三輔大邑不事鉤摘而能得情實邑邑有訟
不決下濬治莫不稱平入爲戶部主事監督草場時
大將軍駕用事奴客請芻蕘不奉約茂華輒以法從

事驚顧銜之謂茂華書生畏事欲懼以軍興必輟動
先行無後發茂華笑曰老兵廬鳴耳趣召軍吏嚴裝
敬謝將軍即出塞矣驚氣大沮終不敢出亦卒無奈
茂華兵罷擢揚州知府會倭寇踰淮江北騷動練簡
土兵城守甚設幸臣趙奉命視師部使將吏爭餽遺
恐後趙謂揚天下膏腴地便宜發兵命守親出欲以
取賄茂華曰守臣職在城郭法不出境趙亦沮其後
倭寇再至皆敗走之上首虜數百級加秩一階遷山
西副使丁艱服除河南副使擢陝西參政進廉使丙
寅拜右僉都御史巡撫甘肅轅門卒嘗以餉不時給
羣謀下車立職其魁數人一軍懾服其後虜管一入
發兵敗之上首虜數百級丁大母艱去位虜陷汾石
朝廷求才臣往撫屬茂華虜人塞謀襲老營堡堡之
陷卒私虜命副將郭琥以兵先入縛卒明日虜來城
得以完虜退入爲兵部侍郎奏西進右都御史兼兵
部左侍郎總督陝西三邊軍務套酋要市諭以期約
不使越額酋稽顙受約束羗夷作梗盜吏民馬牛道
塞不逼焚其部職焉其旁七十一族皆請命爲外臣
奏功詔賜晉兵部尚書開府如故無何以故官掌南
京都察院謂太夫人老矣疆場稍寧敢以私請致仕

歸數年陝西督府閻朝議可任無踰茂華復起鎮焉
昨饒章載道至人相食日夜露禱爲秦民請命果大
雨餉賦發倉全活者數千萬居泰六月竟以積勞嘔
血卒于軍中將吏莫不流涕賜祭二壇贈太子少保
謚恭襄

馬文煒

馬文煒字仲韜號定宇青州安丘縣人煒生而白衣
重胞父惠異之語母曰兒有貴徵顧吾不久當舍兒
去再越成惠果逝母茹荼撫煒六歲過里塾聞伊吾
聲請于祖就外傳稍長從季父受易嘗濂洛家言十

文煒字仲韜

卷二一

三

山東四

七補諸生丁母艱嘉靖辛酉舉省試壬戌成進士除
確山令折獄如神一日有捕盜卒斃死于塗卒母詣
訟有主名煒笑曰去我爲若跡之已從圍墻呼卒故
所捕盜李某訊于庭戒門者勿辟人人爭前脫煒還
傳令閭扉盡訊諸閭入者中有三人聊李色動立叱
縛之具服故李使殺卒者也某于甲與人共販夜行
澤中殺而奪之錢詭言中盜煒察其色異下之獄使
吏給其母妻甲事露已自實奈何可惡持所奪錢來
母連坐母妻驚懼探米器中錢付吏甲遂伏辜諸所
摘發多類此徵入爲監察御史按醴兩淮上便宜六

事報可積羨十餘萬俱抵正額商困乃懸請建運
學文教以興請告起補廷評訊大辟政府有所欲出
煒勃然曰是嘗希相嵩指殺忠臣鍊并三子罪死且
不若何言出爲政府不憚煒竟用是由守德安稍吏

聞風重足立隨州守坐昧露按如法有要人爲請弗
聽俄要人拜楚中丞同官危之煒蓋發舒不少避中
承竟無以難楚恭王薨嗣子在抱攝者謀奪國與妃
相訐奏諸司不能決檄煒入王宮問狀以片言折之
羣小伏辜嗣子得有國爲郡之明年城雲夢明年城
孝感累郡中要害朔小店新河二鎮募卒置戍刀斗

文煒字仲韜

卷二一

三

山東四

汨問郡無崔苻之警置學田數千畝徙隨州學宮于
夷塏紳衿奮起至今頌之甲戌朝會 上修先朝故
事表二千石尤異面勞慰賜煒名首列擢副使治兵
荆南一以惠文從事無所撓避江故有堤而營煒重
築之堅實倍舊人呼爲馬公堤進左叅政備兵如故
歲大侵徵所司多方賑貸全活數萬萬計 上道中
貴爲江陵治第監奴橫行縛置于獄中貴媿謝乃已
陞按察使癸未入朝江陵已逝主爵知煒久淹卽拜
江西右布政轉左尋晉食都御史巡撫其地以十事
要約長吏而臨江守某所壘殺平民甚多前中丞發

其罪下煒勸實竟伏法不少貸令諸民以均田審其
倅丞因集公命縱掠煒從數騎馳論立解散之梟其
渠魁均其田民不敢譁革除死難諸賢練公安曹公
鳳韶輩久已褒錄而親屬生戍如故特疏請解釋還
百餘人公論快焉然煒執繩頗嚴下不得逞乃熒悍
宗數十譟而呼癸庚煒乞自罷 上譴削悍宗任煒
如故諸不逞益恨之往城孝感時嘗得古鼎一王元
美作記以爲此仲山甫鼎至是中者爲飛語入疏謂
煒以古鼎餉江陵不知鼎故在煒閣中未出也煒笑
指曰噫而禹尹昔負而要君吾今復負而要相乎

本朝分省合編

卷九一七

二三

記

者絕倒有 旨聽敗南京煒速歸家居十八載對郡
國守吏語不及私爲鄉邑畫利病則纏纏不厭煒病
奔走羣望禱者千餘人沒無少長皆流涕以萬曆癸
卯卒年七十有一子應龍從龍各以經冠東首士辰
同舉進士

馮惟訥

馮惟訥字汝言別號少洲青州臨朐人嘉靖甲子領
鄉薦登戊戌進士除宜興令邑多大猾有通賊至數
十年者訥至刺諸猾按籍而攝通者賦大集以數百
計鄣守大奇之謂令纔弱冠乃老吏不如嘗督諸生

就試江陰巡江某以間行驟陽怒不俟已而陰有所
覬覬弗應愈怒撫他事中訥調魏令會烽火徹郊訥
城雙井鎮備之遷蒲守魏人擁車不得發爲更定牧
馬法而去蒲劇多宗室一以容與治之晉丞維揚以
艱服除補松江還南民部副郎壬子內艱復補北駕
部出爲陝西倉事兼督學陞河南奏議擢浙江學副
訥念兩浙海內嚆矢布教示先質後文之意士習翕
然歸正陞山西參政進廉使廉然無所受私三晉號
曰神君晉陝西右布政秦多豪強銅屯田利不得稽
訥以法按搜伏田得萬餘頃轉江西左布政江省處

本朝分省合編

卷九一七

二四

記

輸審器吏緣爲奸訥令畝出一錢諸盜才物者輕重
受刑遠近便之辛未入覲精覈下吏能否無所依違
部稱之曰諸方伯鑒然不存兩可者獨馮伯也訥名
益起咸以公輔期之而請老志堅疏上 天子特進
光祿寺卿予致仕歸而習靜遠器爲終老計而天不
憖遺不踰年逝矣訥性孝友歷官所至皆奉太夫人
以行倥傯夜歸必候戶外問寢食然後退奔喪徒跣
數千里皆毀逾禮兄弟五人四登科第自相師友友
愛備至教育諸孤無異所生太史宗伯琦者即仲孫
也訥仕宦三十年圖書詩卷外無長物督浙學時大

學士袁致書謝而不發切服庭訓廉平爲理在魏有德政碑在蒲及隴右有去思碑在江右則士夫歎服謂二百年所未見小民人人肖像祝之所著有風雅廣逸楚辭旁註選詩約註漢魏六朝詩紀文獻通考纂要唐詩吳杜律刪註馮光祿詩集行世

張時

張時字本逸蒙陰縣人由鄉薦署教諭事諸生中貧而有志者葺齋舍以居之時爲督憲嘗以俸資給其朝夕士益感勵奮學後多擢科第以去累擢刑科給事中以侃直不避權貴出爲順德守惠德善政不可殫述九載稱天下廉平宜第一陞山西參政順德民聞奏留詔以參政銜復離府事賑明勳謹始終若一卒于官祠祀名宦

曹凱

曹凱益都人由進士選授給事中生平磊落多壯節每謂昔日白鍊剛化作繞指柔之句則奮髯起曰天下事鮮不壞於柔趨漢沁之流者挺挺直遂彈劾不避權勢英廟北征陳諫甚力且曰今日之勢與宋澶淵異彼當事者多忠勇而士馬勁悍今中貴竊權人心惕玩彼輩不獨以陛下爲孤注卽微欽懷懸

亦何暇恤乎聞者吐舌後果有土木之變凱慟哭竟日聲徹禁庭率同官執壁俸壞政者賜殺之

孫鏗

孫鏗莒州人嘗爲保曹負氣不羈習于騎射有四方志挾貨商吳越間嘉靖甲寅倭寇騷掠東南民罹荼毒松郡瀕海爲甚當事者思廣召募鏗倡義來謁具道願戮力鐵冠及輸貲助餉郡侯方公嘉其志見之子參政翁公大立試之藝超乘輿倫所佩雙刀衆莫能舉運若飛翁公曰壯士親酌飲之遂以鏗往特官軍方陳而兵憲任公爲賊所窘鏗望見疾呼馳冒

圍脫任于難自使人還莒括其家遍募所結里中兒爲已附郡人恃以無恐鏗氣亦倍有輕敵心無何賊穴從郭西燒民廬舟渡鄉許鏗奮袂起曰是可憂而擒也突出賊后逆戰竟日矢盡絃絕後援不至遁及石湖橋半渡道有伏墮之鏗北人不習溺拍未抵岸而賊艘四集矛刺其腹遂死死之日年三十四后軍與其尸歸有司以禮收之道路欷歔多泣下者

王基

王基字啟亨號對滄青州人基篤志力學讀書數行下篤文奇藻于言立就十五入郡庠嘉靖乙卯中鄉

試尚未冠也乙丑成進士授戶部主事督理通州馬房事多中貴阻撓督理不遑勞怨差管太倉勾稽稽審乾沒者不得逞歷員外郎中陞大同知府嘗有宗室大獄株連百人爰書至數萬言基瞞審速昏而罷奏成手中人皆不測以爲神明陞山西副使備兵河東陞參政治蒲州一日河忽南溢且抵城岸如霆震城中警號基設祭望水拜水旋止崩處見石堤橫亘建議接增之自城抵首陽之麓河自是不爲患蒲故繁後婚喪富者踰制貧者效尤民間停喪不娶婚配失期者甚衆基嚴禁論男長不婚喪三月不舉者治本朝人勿牙 乙丑 山西 山陽

取以私干撫大同日代王餉醢二罵詞曰此醇耐辛白飲基弗知令吏受之將饗客使復來曰曩酒非常酒也幸自酌勿飲人基乃知非酒嚴詞壁之一僧素相識兵部時僧投一書白木四百石怪問之乃爲衛官謀陞者大怒逐之去武進士高某十年不得調憐其才陞之高具百金爲謝嚴叱拒絕基自幼孤事母至孝鮮兄弟獨一姊嫁黃氏姊以厚恤其家族人缺乏需田助其婚喪諸生李者賣屋數楹見其貧折券與焉卒于萬曆三十五年享壽七十朝廷遣官祭塋贈官保

宋伯華

宋伯華字汝含益都人爲文有奇氣年二十未諱學宮督學吳公覽其文異之選入試遂舉高第時嘉靖戊午歲也後十年隆慶戊辰第進士授伯遷令河隄大決漂沒民棲木不得食伯華流涕曰天乎民何罪請以身當乃括鉞金躬駕小舟就民計口餉之爲請于上大發賑貸民忘其災召爲駕部主事歷員外郎中擢淮安知府治法持大體不苛細以慮囚不中政府旨議歸久之起承東鹿卽遷永平推官河南府同尋拜開封知府伯華益務簡靜或謂宜有科指立

跡笑謝曰靖民之路不擾而已時已病力疾視事以萬曆乙酉卒于官舍郡吏民行哭悲吟如失慈母

公家臣

公家臣字共甫號東塘青州家陰人家臣聰悟絕人垂髫受書大父中憲公躋奎親督課之日誦數十萬言長從中憲公仕涉吳楚絕江漢而南至千百粵周覽山川聞見日廣歸補博士弟子雖儒宿咸謝不及也嘉靖辛酉舉省試第二隆慶辛未第進士選庶吉士萬曆癸酉授編修以母李孺人憂歸丙子服闋簡充會典纂修官丁丑分試南宮得僑爲多奏進世

文廟入行

卷二

山東

不小苛矣未大計部使刺察郡吏實狀家臣曰某處不知其人何知長短竟不實狀御史按吏民多冤謫白御史罷之已而詔書禁如家臣指乃服其識江陵敗人情洵洵不自安家臣奏記河中公曰今日之事去其太甚而已河中深許其言以爲明達國體項之權南戶部主事家臣故少病然體頗豐益不耐勞暑以六月南行至滁陽道渴疽發背數日遂不起爲人坦夷不設城府多情誼尤好延接寒士周其緩急天性孝友文林公耽病風痺在牀從一僕日侍左右寒暑不離仲弟家翰病與同卧起調湯藥數年沒別

公家臣

卷二

山東

以子爲之後子公又繼又公乃已諸子百家無不涉獵六書樂律天文醫卜之術皆鈎其要指而不以自名其詩文備述吐納羣言而不事模擬卒之日諸生請千部使祖豆學官自上世代有簪紱及大父益顯文林公仕而家臣與仲父一揚相繼舉進士元子鶴登進士今官司成充兩朝實錄總裁

朱鴻謨

朱鴻謨字文甫號鑑塘青州人祖父五世單傳祖模隱憂之日禱于神夜夢星如月落前推而鴻謨生方五歲母視夫人棄世哭之哀非凡兒比十五補郡庠

督學賴泉都公夜夢虎吐明珠光輝灼天開卷得謬
謬又姓朱大喜初名鴻基更定鴻謨絮人衙齋朝夕
討論學大進已已遇趙貢業心屬謨謨不至後問故
日謨終不以師愛奪先華榮名隆慶庚午鄉試第二
辛未成進士授吉安推官郡有要臣來干者出其書
示人要臣惕然久之亦與諸吉人相忌茲道義鄉
也匪吉誰容吾懇者丁丑大計有同僚陰蓄謨當路
不無少動吉孝廉百人咸聲言曰我公濂洛中人吉
教百年僅僅見此此而可議吾輩願叩九關矣議止
然權授南道御史至方兩月會江陵不奔喪杖諸言
有謨杜門不飲食淚飲以下李夫人教使女奴輩厚
食不御夫人泣曰親老家貧去牛衣幾何時而忘耶
從察曰無多言死矣草疏語語血誠讀者一字一淚
江陵欲逮之而中解以嚴吉勒歸謨踰塞驢出匿
榆人指歎曰小民無福真御史去矣歸隱手書壁曰
泮水樂饒讀天下書不談天下之事康莊擊壤生聖
人世願爲聖人之氓去七年詔起故官旋丁父得
正憂起補河南道巡按江西晉光祿少卿轉太僕少
卿會議與重臣忤卽拂衣歸尋以詔起大理少卿
晉食都御史提督操江巡撫應天會倭告急當事者

多屑越督藏謨不肯妄支一錢曰吾安能以未去之
佐應久安之赤子久之倭不來吳亦不困遷刑部右
侍郎爲國守法法得公平戊戌病卒不能飲大司馬
某公等隄金始得具棺謨爲理六年銜舍市注地不
可足以益支用以屢涉者三年不問李夫人布衣蓬
首臧獲敝衣垢面如未嘗從宦遊者按江西歸薦者
厚幣走謝謨不受書諸來役不得勞多典衣還者爲
學務勿欺自大庭以及屋漏無墮容與人處一定交
終身不忘平居不談人短長聞人善喜動顏色見一
才推轂不容口其大節如此

補遺

武衛

武衛字廷亨山東沂水縣人成化二十年進士由行
入選廣東道御史巡按淮揚以建言降通海王薄陞
杞縣知縣汾州知州卒

陳松

陳松吉州人進士官御史時分宜柄國同臺有非禮
語事者邀松偕竹松大言遂拂衣起分宜聞而憾焉
左遷秀水令刻意爲民鋤強扶弱邑有柄臣子弟於
緣橫其松裁抑不少貸遷平涼二守去

韓必顯

韓必顯字用晦山東安丘縣人隆慶二年進士由洛川知縣遷山西道御史萬曆元年以劾兵部譚尚書降調廣布政司照磨陞廬州府推官累陞僉都巡撫陝西

馮琦

馮琦青州臨朐人生之夕祖母夢朱衣象笏者立子寢門之外曰余韓琦也今爲而孫寤而琦生因以命名萬曆丙子年甫十八舉于鄉明年遂成進士選庶吉讀中秘書與選者琦年最少而天藻拔屢器宇端凝爲館閣大臣所推重已卯授編修奉冊使於藩藩時父子履備兵其地事竣卽衣賜服拜於其庭觀者擠肩而進曰天朝使臣乃吾郎君也莫不榮羨之丁亥陞侍講充經筵日講官神廟靜攝講席久歷臣子無所闕其忠因與講官余繼登以通鑑分類註解引古誼以傳時政凡治亂得失之故具陳其所以然庶幾託於三百篇之旨因以諷諫焉戊子主試湖廣已丑主武闈時李賊之亂方作琦於策問中具言虜賊陰謀并滅賊退虜之方縷縷幾千言後事平以策中言覆之若持左券大都琦長于策略深諸故奧

至憂君愛國一念雖七箸不能忘片楮單言語及時政艱危未嘗不淫淫涕欲下也已陞禮部右侍郎聞父病篤緣經筵舊勞以乞恩封并乞回籍上允之特賜銀二十兩馳傳歸省歸甫八日而父病不能起矣每泣語人曰聖恩浩大此八日之養勝千三公九輩也服除爲纂脩國史總裁辛丑爲會試主考官陞吏部尚書琦之爲吏部也一以獎廉抑競爲念每月首序次循資陞者粘列後堂之壁遇缺授次以補吏部毫不得恣其罔而請託者亦無所容其私凡言官所觸上怒特旨下吏部降調謫削無不彈力救援上亦屢賜優容焉蓋琦以陸宣公之忠懷而託于子與氏之婉諭所陳諫疏不激不隨深識大體故雖以言路金甌之際諫冊立諫豫教諫御朝諫親郊廟請冠請婚沮三王並封之典不行皆上所最不悅者而竟未一加譴責也歲壬寅而疾作請告至二十餘疏間臣代爲請者亦四五上終不得俞旨未幾卒于京一切祭葬卹贈皆加隆焉

人物考卷之九十八目錄

山東登州府

高翼

王綱

孫遇

解延年

許銳

曲銳

于鳳喈

叢蘭

于訓

王時中

何亮

陳鼎

任忠

張濬

浦鉉

張子立

卜懷

孫昌

徐應魁

陸倫

魯麟

補遺

孫祿

郭宗臯

萊州府

黃福

饒智

侯庸

鄧燧

隨贊

呂讓

辛曜

戴綸

張信

薛祿

戴新

李綱

李公諒

滕宗智

樂瑄

韓福

譚溥

張斐

孫洪

馮緒

官廉

李介

咎誠

宋漢

侯尚文

劉紳

官賢

毛紀

藍章

佳翼之

李昆

郭東山

鄧中和

高迪

藍田

王蓋

張鉞

李鳳

翟瓚

任萬里

范階

王漸

孫夢豸

張經

趙慎修

劉祐

盧宗哲

趙煥

毛聚

孫惟中

遼東附山東去

陳壽

韓斌

賀欽

傅鑰

今請京省人物考卷之九十八

山東
兗州府

高翼

高翼，侵畝人，洪武中以才行卓異薦于朝，累官至都察院左都御史，才氣恢偉，人敬畏之。後佐師雲南，有功，累蒙白金文綺之賜。

王綱

王綱，字振紀，黃縣人，性朴雅，家貧，親老日耕夜誦，未嘗廢學。由歲貢中正統丙辰進士，授戶部主事，陞陝西按察司僉事，奉勅總理屯田，臨事敬慎，務在公。

本朝分省人物考卷之九十八

道不苟於責人，雖盛怒無惡言，厲色士卒仰戴如父母。嘗督學校，較閱精審，生徒至今稱之。在任七年，累疏求退，詔許進階副使，及歸，囊無餘，惟詩書數卷。人咸稱之曰清白吏。年七十三歲卒于家。

孫遇

孫遇，字際時，福山人。正統丙辰登第，以民部郎出守徽州，為政以敦風化為本，以節用愛人為先。伸烈女兩世之冤，決潭社五十年之獄，祁門有虎患，為文祭而遣之。瑞麥生于野，有一禾而四穗者，以父憂去，民請闕保留，乃奪情任職，復又以母憂去，民遮道環泣。

至車不得行服闋復補徽州府增秩屬金居徽凡十八年民依之猶慈父焉尋遷江西右布政使會臨川王有罪安置西山遇泰其子女萬一失節奈國體何以五百緡嫁其女於民間後以河南布政使致仕獨居三十年家無長物子四曰珂景泰甲戌進士授監察御史陞大理寺丞曰珪成化戊戌進士授翰林院庶吉士後除禮科給事中曰瓚舉鄉進士曰珅成化辛丑進士授中書舍人累官尚寶司少卿孫二曰榮曰樂同登第官業繁衆人謂其積慶之長云

解延年

解延年字世紀棲霞人賦性聰慧博貫羣籍正統己未登進士第授戶部主事轉員外郎尋知四川順慶府皆以廉慎服官後去任垂橐而歸郡民思之立廟于郡治堂後仍祀名宦所著有策學指歸物類集說叙古千文集解本草集略經穴圖解行于鄉

許銳

許銳登州衛人成化辛丑進士由行人授河南道監察御史有澄清天下之志孝宗初中侍梁芳陳喜章輿以先朝寵臣擅權鼓亂銳再劾罷之時臺閣陰詔阻塞言路乃力陳其奸以修省事劾罷中官劉吉

徐澤及按口北條陳處置邊務六事陳言時政十二事切當時宜俱得允行又言預備虜患以保重地莫善於用得其人莫不善於私隸其兵蓋勅鎮守等官之分管戍兵也深中弊政人嚴憚之按南畿屏奸旌直人服其公道星變陳修政弭災八事辭辭切忤當道出僉山西按察事時兄鉞以國子生養母於家乃陳情終養待兄仕疏凡三上未允憂辭成疾而卒

曲銳

曲銳字朝儀萊陽縣人成化辛丑進士任大理評事寺副爲福建四川按察僉事松藩兵備副使改河南韓陝西按察使都察院右僉都御史巡撫寧夏進南京禮部侍郎改右副都御史仍巡撫寧夏銳既屢陞劉瑾怒其不謝矯令以舊任冠帶閒住瑾誅復其官階以疾卒銳有吏能所至獄無滯囚其在四川馬湖土官知府安釐恣橫行部者多避之銳誘執置之法誦請改流官州人德之以父憂去服闋給事中劉范請令復任四川以爲其才宜治蜀其後不污逆瑾蓋亦有自守云

于鳳喈

于鳳喈字世和萊陽人成化辛丑進士歷行人刑部

賁外郎中弘治十二年陞浙江嘉興知府正德二年陞雲南左叅政以祖母張老得請終養五年入爲太僕少卿六年陞南京太僕卿八年轉南京大理卿尋卒訃聞賜祭鳳嘴勤敏有治才爲嘉興守時值歲歉賑濟得宜多所全活惠政累蒙人咸戴誦之

叢 蘭

叢蘭字廷秀文登縣人弘治庚戌進士除戶科給事中巡光祿寺見有司飾皇茲供器疏崇尚異教爲先朝遺弊當亟罷尋以外艱歸終喪復職巡房山諸草場范內庫出納多所釐正時災異疊見上言消變

文廟八分卷考

卷之二

八

八

八

八

八

八

八

八

八

八

八

八

八

八

八

八

八

八

八

八

當從實行今日之務在惜人才慎舉錯恤農民極戍警息玩杜貪殘元惡如中官汪直輩之陰圖復罔奸貪如侍郎林鳳輩之未見罷黜左道如太常卿崔志端之紊亂舊章皆宜懲處以順上天過惡之命陞兵科右給事中內降以署都指揮吳安爲都督及邊將姚信以失機獲宥皆極論之大閱京營與司馬馬文升同心協議務祛宿蠹在科十餘年遇事必言言必盡奏劾中官何文鼎至於忤旨下獄而侃侃大志未嘗挫焉陞通政使司右叅議會災異求言又偕同官疏時事列上明年轉左叅議適北邊有警經

略紫荊等關塞蹊蹙可通胡騎者數百處復於浮圖峽夾岸創起敵樓增戍兵易將領諸所籌慮皆百年固守計邊人賴之以內艱歸終喪還朝陞右過政庚午之春通理請遣官規畫邊務兼督糧儲清屯田抽選軍丁徵往延綏至則寧夏之變作矣延綏人竊議洧海比入境鎮之以靜衆乃少安時方覈邊功賞不時下文武官以罰米賠糧繫獄久不克完其謫戍除名沒產者多出鍛鍊考察之令一歲至再三舉行邊民以催徵逋負逼迫外竄將家由武舉進者分隸各鎮類愁寂不能聊生偵事之卒紛紜四出所過莫不危懼蘭以爲此數事皆人心所甚不便宜速改而不容緩者疏至詔悉行之瑾珥甚弗已欲中以禍數月瑾誅陞通政司使未決旬陞陞戶部右侍郎兼左僉都御史奉勅督寧夏等處糧儲值歲旱禱於羣望鞠免繫釋之三邊皆雨先是關平鹽引利皆歸於權右至掾奸剔蠹紀法肅然商通而事乃濟諸有補於邊儲者一一條上行之是年夏又奉勅兼管固靜等處軍務開山東河南郡盜倡獮念內地齊民猝遇兵變必不勝供億之苦亟疏於朝請別處軍餉以紓民急會廷議亦念中都地重兵荒相仍亟召巡撫廣

文廟八分卷考

卷之二

八

八

八

八

八

八

八

八

八

八

八

八

八

八

八

八

八

八

八

八

八

八

八

八

八

八

八

八

八

八

八

八

八

八

八

八

八

八

鳳潯和并以賑濟委之七年春至鳳陽賊已壓境督率吏士防遏緣河諸渡口警報至即躬振甲胃身先士卒奔走邀擊俘斬二千餘級溺而死者數萬撫釋勝從男婦幾六百人事聞 賜勅并賜賚以金帛秋九月師還老稚攀留滿車下還 朝論功陞俸一級賡一子爲太學生加賜金帛羊酒宴於禮部擢年又以虜警奉 勅巡撫西路諸關兼督宣大軍餉九年春陞右都御史總制宣大并山西偏頭寧武鴈門等關軍務至邊相地設險令內地居民各築堡入保亦如塞下賊害一再深入蘭自駐陽和以當其衝分部諸將伏兵要害造謀者往來傳報或椅或角賊乃遁我兵又據險邀之斬獲百有餘級虜酋傷右臂而馳捷聞 賜勅并勵然坐與監軍不合其功竟爲所掩十年自軍中還 命總督漕運兼巡撫鳳陽諸郡鬼剽宿弊改立條約若漕運錄行於世權右以私貸訴償皆置不問因以蜚語中之遂罷管漕運專理巡撫值歲饑民多流亡上奏截漕粟數萬石益以倉儲賑之全活無算水漕主事王鑾以抗直忤中貴史宣逮繫詔獄上疏宣不法狀參當亟釋中官劉兌以迎佛使烏思藏所過誅求百計勢張甚乃預微有司毋循

所欲甄斥僂老無益乞還允勿違高增庶人有逸而出者又乞併釋其無罪者以篤親親守備丘德以貪虐擾人特禁之德爲少戢十四年逆濠變起率兵禦之江擒僞謀百數 武宗之南狩也屢賜顧問例有宴多修費求媚者蘭惟金酒厄一事餘皆磁漆進獻物視他郡僅十之一二逆彬數有讒言竟亦無他以六年考滿進階正治上擢其冬陞南京工部尚書聞報乞歸展掃已決退休之計明年 世廟繼統方任督舊三疏請老不允久以濠平復陞俸一級屢疏乃允致仕踰年不起卒年六十有八器度闊偉才識英敏所學期於經世而言論足以發之自筮仕以來屢將使命經營四方未嘗以艱險避而孝悌篤於家庭信義字於交友儉約廉慎終始不易又人所難及者

于訓

于訓字文叔萊陽人少爲諸生屢屈場屋以貢入太學試銓曹校連城知縣兩值艱服除改知無極邑多豪家不法李某者以武斷刃其從父大言曰吾以千金賄令吾無慮矣訓捕之急其人自縊而死學宮被訓毀淫祠木石拓而大之風教勃興淳沱河溢浸田以萬數巡撫徵釋吏治曰是役也非于無極不可訓

隄防繕完人無怨咨遷倅順德督餉于京屬吏有以賤來者悉不受內黃有殺人疑獄二十載不決往獄之卽釋流賊之變從官軍討之將校貪功欲殺被擄者訓誨之曰民幸不死賊乃死于軍民何罪哉將校乃不敢殺活者幾萬人訓寬簡流靜或數日不苦一人嘗曰古之人視民如傷今人每欲傷之何也令極無極爲之立生祠曰昭德倅順德順德爲之立生祠曰遺愛嘗自言我東海于公之苗裔也實多陰德可謂有祖風矣享年八十有八

王時中

之馬八分金考卷末元一八

人

山東

王時中字道夫黃縣人弘治庚戌進士授鄆陵知縣闢田勸農興學庠俗振靡馴蠹姦糾奸流移來歸飛蝗遍鄉壤而鄆陵獨無須聲四起旣去立碑以志至今父老有望碑泣者嘗出郊旋風擁馬首不得行時中日必免氣也倅隸人尾之旋入蔬園繞臂井不散召主者根究其故乃少婦外通殺其夫掘井果得屍人以爲神有點豪專持官司短長虎視一邑時中暴其奸抵之法丁巳選授監察御史督察畿輔馬政母喪起服還臺正德初逆瑾煽亂毒痛海內時中持疏極論瑾銜之識名於屏已而時中巡按宣大見

紀際弛上下玩愒日甚極意振飭風被肅然總督李理私人也嘗爲賊吏所求於時中不從李既之陰與瑾謀矯詔繫逮今荷重枷露立三法司之前三日閩臣方按乃釋械遣戍鐵嶺衛庚午瑾伏誅用薦爲四川按察副使時廖鄆兵起震蕩三川總制尚書彭公澤檄備重慶保順諸路時中據江爲險增陴浚隄繕甲勵兵申飭禁令嚴遏間謀寇賊不敢東向百姓不及于難事平受白金文綺之賜還湖廣按察使清冒籍折僞恭解結疏滯楚民安之雅不喜奢靡僚友設燕席過爲繁縟命撤其三分之一乃就坐事事有矩不爽尺寸陞右僉都御史巡撫寧夏疏言惠寧堡比去鹽池不遠實爲虜騎出沒之衝請於此築城爲儲置將設兵列墩臺使烽墩聯絡足以扞固鎮城遠爲靈州聲援又言今將佐貪而愛身士卒悍不用命尺籍不登常額而傭係私門者衆帶甲控弦者無幾矧復扣縮歲支辦納月金是冗食無補空名而鮮實也且士卒提械不賞死士不以名勵敗則偏置將佐於事何益又請靈州建學檢武臣子弟行伍之異秀羣肄其中大發丁夫鑿漢唐故渠自是數百里內歲登巡花馬池還譯者報虜數千騎入寇時中日賊

遠來疲矣利於速戰乃戎服據鞍夜馳五十里至武營與虜遇指麾諸將分布士卒鼓譟而進斬首三十餘級時武皇在榆林捷奏大悅賜蟒服玉環旌其功辛巳召爲右副都御史入佐院事因請覈省旋丁父憂嘉靖甲申服闋以舊官起用慶王居夏所爲多不法撫臣劾上罪狀上命時中往按之盡得其情奏廢爲庶人進兵部右侍郎未幾遷左上出獻皇帝宸翰賜時中丙戌陞尚書奉勅提督團營侍經筵乃甄才勇汰懦弱隨器授事無不任者丁亥賜恩紀合春堂集御製五歲註文歲次月令今分卷六元一八

鼓吹青年七十有七所著有奏議十卷海山集若干卷藏于家

何亮

何亮字文明登州衛人弘治壬戌登進士第除陝西鳳寧令秦俗婚姻尚財爲諭以古禮士貧有弗能娶者捐俸以給所施卓有惠政擢南京戶科給事中遷條劾劉瑾悖逆不臣等事幾遇禍瑾誅復奏請以其財貨充邊用迺除漢陽府守釐弊除奸百度振肅不幾以疾卒于官副使蔡潮請立祠祀之

陳鼎

陳鼎字文相登州衛人弘治乙丑登第授禮科給事中劾廖愷子姓倖舉鄉試會流賊起條陳弭盜機官與巨璫爭辯不屈坐事繫獄罷歸里嘉靖改元詔復職陝西叅議撫治商洛時逆賊倡獮聲震三輔督兵平之擢副使兵備延綏番夷叛化三十餘年比至撫循有方及處哈密事竣擢浙江按察使尋陞應天府尹未任卒

任忠

任忠字原孝登州衛人忠天性孝友強學懋修登弘德辛未進士授工科給事中忠出入不避權貴官

而辭指忠純 上屢賜嘉納後出守天雄歷江西藩

泰浙江左右方伯朴素自甘所入惟常祿給日用耳
人有言之者忠笑而卻之曰古人不以財累子孫况
後之庸庸者耶且吾分當然又何侈焉以清廉著名
當途累官至陝西巡撫卒于宦邸 朝廷追褒賜之
葬祭

張 溶

張溶黃縣人幼穎悟舉正德辛未進士授常熟尹邑
有十四坊每坊以一人輪通直衙供具不費悉剗革
之山虎爲患至是虎負子避去行春至西郊民有課

六月八日 卷之二 人

一二

山東五

程于野與姑嫂事農惟而杖之遂著爲令又立吳公
偃之後使奉祠民翕然嚮風焉

浦 鉉

浦鉉字汝器登州衛人正德丁丑登第調洪洞令擢
監察御史廷議大禮奪俸半年劾郭助姦貪奪俸三
月時尚書林俊陶瑛徵入而復出太監秦文既出而
復入鉉上疏曰非內君子外小人以保泰之道也言
恤災防虜罷織造三事巡居庸開陳邊務六事時政
六事掌河南道司考察仍黜貪屏邪丁無避忌巡按
陝西上疏論救楊爵下獄死今祀鄉賢祠

張子立

張子立字原禮黃縣人年二十四登第除行人遷監
察御史按浙江郡守憚其風裁望塵下拜曰人有慾
故不剛竟以罪斥之巡撫延緩修城堡開紅石峽以
通水利民庶攸賴用兵西夏失利遂被逮士民號泣
返通中使亦泣下延人爲立碑于學宮自奉清約好
古文茂居固原杜門謝客來則荅之否則不見見曰
往復義也往見不義也居常思親爲涕泣不御酒肉
覓以疾卒

小 懷

小懷寧海人父早卒母教之甚嚴常課其業輒以疾
擊之母年九十六卒懷執母杖而泣曰安得復教我
耶祀其杖于母側因廬於墓人以孝稱之有司以其
事上詔旌其門後歲貢就銓遂以孝行擢首選授湖
廣鄖陽府通判以循良著聲

孫 鵬

孫鵬文登人性至孝粗獷經史日侍父母左右飲膳
必躬視啜定然後就寢里人多則之母卒鵬哀慟水
漿不入口者七日幾絕既葬依墓弗去時隆冬大雪
且無棲處寒苦不堪族人勸歸不從遂相與三日而

成一廬鵬朝夕哭奠負土增墳忽野燒將及廬鵬望拜風返而火滅墓上枯木秋生萌蘖人以爲孝感所致三年衆勸歸鵬曰孤少多病五歲方離親懷抱今背五載以酬親德又二載始歸楊叅政維聰聞之曰是可以風吾民矣遣粟勸葬縣令王允言奏聞旌表其門

徐應魁

徐應魁登州府庠生有至性父母早世孝祖母盧氏有聲妻朱事之尤篤盧歿哀毀嘔血隻身廬墓跽足取薪水爲粥朝夕哭奠負土成墳至冬雪深數尺

用本行合第壹卷之二

一四

山陰

廬門道徑盡封水火絕六日魁幾死忽地經若雷虎中體永湧出能念成服闋鄉黨數千人迎歸次日復地震而魁竭孝感君盜以可全人之於官知府李承選賜歸地官宅提學李之龍賜席併辭之士大夫立感其妻亡竟死不受收臥孤貞殆終一轍御史韓應庚其門口主孝格天事聞旌表有孝孫傳行于世

陸僑

陸僑登州衛人鎬次子重厚清修事親盡其孝母病刲骨愈年至九十四人曰孝徵喪葬一秉家禮鄉督

率旌之仕廣平縣訓導以廉勤善教著稱卒于官有寓庵文集家禮易簡聲歌正脉初學輯略等書行于世

晉麟

晉麟字文瑞棲霞人世家於縣之朱留社爲諸生時天資朴茂學問精博鄉邦推尊學徒羣集萃仕令桃源縣時監察御史張士隆與楊州孫知府有郤士隆以麟與孫同里閉嗾之奏調長淮衛經歷其地貧瘠人難之而麟了不介意直已守義自效官之外無他慮當道有知之者委造軍艦其利頗餘竟無纖毫染

用本行合第壹卷之二

一五

山陰

宿人益重其介以秩滿陞貳滄州獨介之志始終不移及謝事歸杜門講學足不至官所者幾二十年卒年八十餘士林重之

補遺

孫祿

孫祿登州府棲霞人弘治間進士以戶曹出知揚州府性訥直不善脂韋遇事有執卽上官顧澤色以加之屹然不爲動也後爲瑾禁錮詔獄者數年瑾誅釋累官浙江布政使

郭宗鼎

郭宗臬字晉獨山東福山縣人嘉靖八年進士由兵部主事改湖廣道御史建言巡杖十四年巡按蘇松陞山西副使丁憂復補山西陞大理寺少卿累陞南兵部尚書疏請致仕

萊州府

黃福

黃福字如錫呂邑縣人生而岐嶷異常見洪武初父令其子得傳鄉閭升胃監歷項城清源二邑主海惠政及民壬申陞金吾前衛知事乙亥調龍江右衛戍寅陞經歷善於贊畫是歲四月上章論國大計太祖嘉納超授工部右侍郎日見親幸福感激圖報為政益力舉望日隆成祖正統治齊黃離間之罪李景隆指為奸臣逮獄福曰臣居大臣固當死奸臣之名臣不敢當上壯其言釋之調左侍郎

未幾陞工部尚書永樂二年奉

命修補國子監經

籍板三年調北京刑部尚書朝廷以安南土酋僭號弗庭與師問罪福承命先赴兩廣營辦軍用處置有方應劄而集黎賊統俘郡縣其地設三司控制其土命掌布政按察二司事夷民初附叛服不常福視民如子撫綏有道廉明正大抗志不阿鎮守中官馬騏信恩肆虐數裁抑之騏誣奏福聚太原宣化等府民兵欲為不軌福亦具奏陳情上深燭其妄寢其事居交趾幾二十年及仁宗即位上言六事悉見採用驛召還京父老不忍舍去泣送於塗者不啻千

日守家無餘財自奉甚約妻子僅給衣食所得俸祿
惟待賓客周匱乏而已嘗慕范文正公爲人誦先天
下之憂而憂後天下之樂而樂之言因號曰後樂平
生所作詩文有後樂堂交潘文集後樂續集歲已未
疾屢作猶強力視事判署文牘忽焉奄逝都城縉紳
士大夫無不哀傷走吊哭者雲集其第計開遣官祭
葬謚忠宣贈太保

儀智

儀智高密人洪武中薦爲教官知高郵州州人愛之
日知州長者陞知寶慶府寶慶人徙悍又長敬之曰
太守不可犯永樂二年選東宮官陞通政兼右中允
未幾陞湖廣布政使三年進禮部侍郎十一年元旦
日食呂尚書請賀如常智獨爭議不可衆聽之 上
令吏部翰林院擇一老儒侍太孫明日太孫召問得
人未寔及西楊文薦之 太子曰吾嘗舉李繼鼎太
僕無及如智誠端士然老矣西楊稱智起家學官
明理守正精神未衰廷臣中老成正大無踰智者是
日午朝 上顧太子問曰侍太孫講書得人未太子
應曰舉禮部侍郎儀智議尚未決 上喜曰得人得
人智雖老能直言元旦日食執議免賀甚得太體智

可用也智寬平嚴正尚忠厚遇事是非又輕別白君
太孫陳說不附會年八十致仕卒贈太子少師謚
文簡子銘字子新學于吳誦天性易直孝友舉經明
行修洪熙時爲行在禮科給事中歷編修侍講正統
中爲郕王長史 景帝初爲禮部侍郎未幾召爲兵
部尚書尋掌詹事府事卒贈太師謚忠襄

侯庸

侯庸字景中平度州人生七歲父坐累謫閩南稍長
母告之故庸悲痛誓贖父罪洪武間舉進士拜吏科
給事中請納官代父辭甚哀切 上憫之詔還其父
庸至請所迎歸尋陞吏部侍郎時學士劉三吾葛鉞
受命授晉王世子經庸劾三吾等在職怠惰宜降別
用上納其言庸獲知遇如此情乎早卒

鄧燧

鄧燧高密人洪武庚午鄉試任南和教諭會署縣
事靖難兵起燧監城固守因坐謫戍興州而死識者
哀之

隨贊

隨贊字從禮即墨人性果敢有才略洪武初以元故
官赴京授六安州英山縣主簿時陳友諒餘孽王玉

兒以妖言惑眾殺掠吏民贊集民兵捕之擒王兒并其黨與數百人獲偽印器仗送京師上召見賜宴勞之加賜白金五百兩綺帛各八疋陞知縣民有爲虎害者贊移文于城隍虎遂死于民被害之所因斬其首懸城隍廟門虎患永息陞袁州通判政簡而事治流民歸業田野壅闢郡人德之立碑以紀其政洪武三年陞廣東按察使

呂讓

呂讓字克遜平度人洪武中由進士任行人時安南反上遣讓諭之讓乃爲書與安南國王王饋黃曰

大明令旨 卷九十八

三十一

洪武

二金及沉檀香等物讓却之曰尉陀以區區之越與者也王顧以尉陀自處而以陸賈處人何其陋哉王無以對後遷監察御史終陝西僉事

辛曜

辛曜字耿之仰墨人天性聰敏廉厲剛正博學下問尤長于詩應洪武年間貢以建言授吏科給事中累有政績擢陝西按察使永樂間勅同昌邑黃福撫安交趾軍民寧息陞交趾布政九年致仕年九十終

戴綸

戴綸高密人由人材進階侍郎見知于太宗仁宗爲太子時好田獵綸以侍讀累諫不聽因奏上召太子問曰汝平日與誰相得對曰戴綸因示所太子斷之及卽位因詰前事綸乃抗聲辯論辭益激切因怒被堯死天下聞而哀之

張信

張信字彥實掖縣人天性至孝母病數更醫不效聞割股可救卽自割臂煮液進之遂愈永樂初鄉里上其行有司達于朝詔旌其門命爲尚寶司丞居官勤慎處同寮能讓有過舉輒自引咎陞少卿適用寶函封版內夾敕故紙仁廟召詢之對云在函封內臣不敢預知函封外則臣之罪遂遣自陳同官有教之他援覓免者信對曰不敢自欺况敢欺君父乎有旨薄罰復轉廷論重之仁廟嗣位首進尚寶司卿授奉議大抵年六十有六卒葬應天府城南鳳栖鄉

薛祿

薛祿膠州人洪武末有靖難功永樂初營建北京祿董其事復從征胡虜宣德初從征武定屢立戰功進爵太師封陽武侯祿爲將勇智兼備紀律嚴明善撫士卒累劄赴闕有進無退所向成功卒追封鄴國公

忠武

戴新

戴新字景一平度州人永樂初舉進士選入翰林爲庶吉士侍 仁宗講讀遷主事以坐累謫戍未幾朝廷特宥復職累官雲南右布政兩征麓川贊畫糧儲不乏賜資甚厚

李綱

李綱膠州人永樂間舉進士任兵科給事中性至孝廉介儉約朝野稱爲孝廉卒于京師貧不能飲鄉人同仕者贈貲得歸葬

李公諒

李公諒

李公諒離縣人性沉重寡言以賢良舉爲翼城知縣時兵燹之餘民不聊生公諒教民食野菜槐豆五易水煮之以濟饑民免流離驛中常有累使客靡寧公諒移牒城隍神其祟遂滅終廣州知府

滕宗智

滕宗智掖縣人永樂間由舉人選授御史時大難方靖朝政多闕權貴用事宗智正色立朝彈駁不避上疏論肅朝綱振國勢八事多見采納

樂瑄

樂瑄膠州人由正統進士任刑部主事陞員外郎有中貴逮獄同官顧望不敢問瑄毅然鞠之中貴卒服辜衆嘆服時大同多事缺知府少師楊士奇薦用之瑄依山爲壑兵禦其外民處其中綿亘千餘里境內晏然

韓福

韓福膠州人由正統進士歷華昌知府入覲考廉能第一賜衣一襲加叅政俸仍治鞶秩滿百姓立祠樹碑以紀德政官至右副都御史巡撫寧夏致仕歸鄉不乘車馬年七十卒

潭溥

潭溥昌邑人由正統進士授刑部主事用法明允案無停牘自大司寇而下率禮重之累官陝西左布政使清介不阿天順庚辰徵爲南京戶部侍郎未逾年卒櫬回行李蕭然鄉人稱之

張斐

張斐掖縣人性敏讀書過目成誦正統甲子鄉薦第一登進士累官戶部郎中奉使卒于遼東及歸葬行橐不具時重其廉

孫洪

孫洪昌邑人景泰間進士授兵部主事氣量宏深才
超羣奉勅選調征勦兩廣官軍陞本部郎中
尋改禮部會慈懿皇太后崩葬禮悉從洪議陞山
西右叅政奉勅往撫河南流民處置有方巡撫大
同累立邊功陞右副都御史致仕卒于家

馮緒

馮緒昌邑人景泰中進士授兵部主事時山海關
撫非其人奏劾罷之改戶部監通徐二州租稅總督
薊遼邊儲以廉能稱自總戎而下薦留者章數上倉
內艱歸服闋賑陝右饑民賴以安擢山西右叅政累
遷甘肅巡撫都御史區畫有方恩威並行軍民仰戴
焉

官廉

官廉平度人成化丙戌進士歷官戶部郎中為人剛
介嘗賑饑給餉所至有功景州等處民田萬頃界接
東宮莊田為內侍冒占遺廉往勘內侍語廉曰田如
歸我講讀官可得也廉曰以萬人命易一官吾弗為
之卒以所占田盡歸于民

李介

李介字守正高密人成化間舉進士權監察御史以

直諫被廷杖累遷都察院僉都御史巡撫宣府未幾
召入佐院清簡自持不事苛刻時稱得體尋權兵部
侍郎值北虜犯邊奉命督軍至則徧歷城堡宣上
威德募兵調戰以俟征調嘗奏請修大同以禦虜上
邊事二十餘條多見採納卒于宣府贈兵部尚書賜
祭葬

胥誠

胥誠高密人成化乙未進士累官兵部郎中事無巨
細必盡心力大司馬余于俊器之胥條奏便宜二十
事會疾卒誠天性警敏經史不由師傳及入官猶子
小釋卷事母以孝著

宋漢

宋漢膠州人成化辛丑進士任慶雲知縣擢監察御
史按兩浙京甸革奸剔蠹大著風裁陞湖廣副使道
遇疾乞歸卒于家

侯尚文

侯尚文掖縣人天性純儉力學苦志有古人風領鄉
薦授平陸令興學校補廢陞凡有施為率皆便民疾
滯以繼母老疾不復仕處異母妹恩禮篤至鄉人稱
為孝友年八十三卒

劉紳

劉紳收歸人成化甲辰進士擢監察御史嘗因天變
建白時政得失多見採納按陝西刑獄平反者甚衆
陞雲南副使卒于官居鄉曲犯而不校人服其量

官賢

官賢平度州人廉弟成化甲辰進士任刑部上事請
汝州同知開渠灌田貯粟濟民累陞陝西按察司僉
事尋督學校政聲威著卒于家

毛紀

毛紀字維之掖縣人父敏舉鄉薦授校杭州郡紀幼侍
父於杭篤志力學弱冠舉成化丙午山東鄉試第一

山東五

丁未舉進士入翰林讀中秘書弘治二年授檢討同
考會試陞修撰充 經筵講官選侍 東宮講讀賜

五品服癸亥修大明會典書成陞侍讀 賜給驛歸
省 武廟即位進左春坊左諭德兼侍講 賜金帶

正德元年丁父艱四年服闋值逆瑾竊政削其春坊
銜 孝廟實錄成陞侍讀學士充日講官尋陞翰林

院學士五年擢戶部右侍郎歷陞禮部尚書 賜玉

帶時遣使西域齎番供紀奏言西番佛國遠在數萬
里外 祖宗雖許入貢賜法王國師名號特藉以

表

原番衆令不爲邊患而已齎供具以媚之失 天朝
體又以 儲嗣未建匭乞早定大計十一年以學士

司誥勅仍掌府事 賜麟服蟒衣繒纓繫帶等物十
二年勅兼東閣大學士入閣供事隨加太子太保文

淵閣大學士 賜蟒衣斗牛服錢寧等數導 上巡

幸會逆濠之亂倡親征議紀等力言不可免冠伏地

泣諸司皆泣 上諭各官退復降手勅欲出師自稱

威武之號紀奏言人君爲天下主不宜自貶下同臣

庶 上意稍悟十五年三載考滿加少保兼太子太

保武英殿大學士 車駕幸宣大駐蹕居庸紀力諫

請還十六年以征濠議南幸紀等奉 勅居守尋勅

請至懇請回鑾章數十上 武皇晏駕紀等密疏請

於 昭聖皇太后決策奉迎 世皇入承大統於時

逆彬統京營邊軍及錦衣官校威焰特盛禍機叵測

復密請 懿旨先擒彬黨今邊軍官校各散歸中外

始安嘉靖元年開經筵勅同知經筵事纂修 武宗

實錄命文總裁累賜蟒衣玉帶銀幣 上念定策功

勅封紀等伯爵疏辭改廕錦衣一職世襲又改廕文

職五品上引前 代漢文加封平勃等功及我 成

祖封尚書茹瑺故事俾勉承恩命天語懇至皆力

請

免嘉靖三年六載考滿改兼吏部尚書謹身殿大學士紀以疾面陳乞退允致仕 陞辭賜白金綵幣實鈔紀歸年登八十 詔賜羊酒存問年八十有三卒紀器宇凝重燕居無褻容素不言人過不妄交際士夫至萊者必造其廬第以刺答之而已平居手不釋卷老而愈篤作文渾厚典實一根於理所著有驚頭類稿密勿稿辭榮錄歸田雜誌藏於家贈太保諡文簡

藍章

藍章即墨人字文縉成化丁未進士權御史按兩浙

山西彈劾不避諱轉左僉都御史忤逆瑾左遷通判撫州瑾敗復起巡撫陝西時蜀保兒寇掠漢中章還將練兵殲其首惡餘黨悉平漢中祠祀之仕終南京工部侍郎

汪翼之

汪翼之膠州人成化丁未進士 宗御史清戎陝

西巡按江西風裁炳著陞四川 宗司副使時威茂

士恭 翼之弟請慶宮諭以禍 之忤逆瑾諫知

桐廬極瑾敗陞廣東按察使卒

李昆

李昆高賓人介子弘治庚戌進士授主事歷官都察史兵部侍郎才氣超邁每以直道忤時左遷者三擢存端重言動不苟有文風以疾乞休卒

郭東山

郭東山字魯瞻掖縣人其母夢吞鵲卵而生資聰敏早孤事母篤孝弘治庚戌進士知清縣遷校御史以劾官豎忤逆瑾下獄免官瑾敗起擢四川僉事持法廉平征鴟賊有功陞兵備副使又平變夷亂加俸一級尋陞四川右叅政致仕卒于家

鄧中和

鄧中和膠州人弘治壬子舉人任垣曲縣教諭創設堂嚴束生徒教有成績陞吏部司務轉刑部忤逆瑾改國子學錄尋陞懷慶府同知澄官清正法行不撓越二載引疾歸囊無一錢杜門不出後進階朝列大夫

高迪

高迪膠州人字允德弘治壬子舉人任良鄉知縣遷宛平縣從容應酬不畏艱禦京輔災上疏約其田稅之半進大僕丞奉使宣大二鎮守臣以百金為贖迫却之守臣曰何也迪笑曰以金之却為例于後不亦

可乎其廉介如此

藍田

藍田字玉甫章之子神韻天成日頌數千言爲文宏肆奇拔在韓蘇間初除監察御史世廟初建言大禮廷杖幾死罷歸三十餘年不入公門惟與門生講學不依常修孔廟葬孤貧遠近頌德先後諡爲三十餘疏終不起卒祀鄉賢

王蓋

王蓋離縣人字惟忠以戎籍生長京師登弘治乙丑進士任戶部主事以忤逆瑾坐監守不明除名發回

六丁八分

卷九一八

山東五

原籍茅屋蔬食談道自樂士類鄉人企慕日深後用御史薦授職歷陞河南巡撫都御史惠愛及民得撫臣體官至工部侍郎

張鉞

張鉞平度人正德間舉人始仕清苑令人觀囊熟長物圖書數卷而已後擢南度支抽分淮安不屑奇羨行旅悅之陞常德知府清介如一

李鳳

李鳳昌邑人正德甲戌進士初知溫諸行政惠民有瑞麥白兔之祥擢工部主事以直道出判常州尋守

壽州中都宦者恣虐屬劾之遂罷鎮守陞戶部員外郎遷工部郎中卒

翟瓚

翟瓚昌邑人正德甲戌進士慷慨有大節初授工科給事中直聲出爲河南僉事青羊寇反瓚首破賊巢兩省獲安歷陞湖廣巡撫副都御史歸田後日市牛酒召故舊爲樂比卒以所置田產召其主還之

任萬里

任萬里字國南掖縣人幼孤事母極孝正德丁丑成進士初授行人使代王佩告謝却之尋選禮科給諫

本朝分省人物考

卷九一八

三十三

山東五

直聲爲權貴所憚扈從世廟南巡從官多所凌辱則力正之亡何以疏宮僚事忤旨歸里足不及城市請寄尤所厭絕唯閉戶讀書課農教子所有茅屋數椽不設風雨蔭田不滿百畝出入一羸馬一蒼頭毫無貴落態遂爲當道所重薦章凡十九上未及起而卒

范階

范階字景志即墨入登正德丁丑進士爲工部郎監稅許墅有餘貲悉報上之中外咸多其介然亦以是不能飭羔鴈爲時權所患遂謝病歸敝衣糲食隱迹

山林凡十餘年里中人見者不知其爲貴人也當途過邑往往造廬輒引避之惟以琴書自娛

王漸

王漸濰縣人正德丁丑進士爲人莊重廉潔令確山多善政召拜御史有直聲所至弊廉抑貪汚吏望風解綬去歷官至陝西副使晚年里居慎交遊不苟一介今祀鄉賢

孫夢亨

孫夢亨昌邑人正德丁丑進士初任靈寶知縣有風裁還河南道監察御史以直言出爲岳州府知府乞休歸再起岳州府卒于官

張鯉

張鯉字子化膠州人講學以致良知爲務督學鄒公器之選明經任三河簿遷玉田丞內鄉令值外艱復補芮城歷數任止携一僕官邸亦不舉火日市胡餅啖之及去囊無一錢士民泣送挽留者不絕後還鄭府審理會大計冢宰陸光祖奉天下清苦官鯉與焉奉 古賜宴優叙初例陞周府長史以疾致仕家居日用不給人有不堪者鯉處之油油如也以上壽終

趙法修

趙慎修字敬思膠州人初任鹽城縣令百姓戴如父母嘗錄士南畿品藻最當上計稱按校職方即後知揚州有廉明聲築大堤三百餘里清舟民田兩利焉勅褒美之有爲苛禮中傷之者例當調當事者惜之爲補大名其治大名一如揚州居常以親老爲念一還河南憲副之任僅三月即請告終養報牒遂行既歸二親相繼卒無幾慎修亦卒卒之日兩院猶疏薦之

劉祐

劉祐字淑修號拙齋掖縣人幼穎異日誦數十萬言父劉公年八十八祐年二十一歲終身不忘十五補邑弟子員未幾舉于鄉越三載嘉靖癸丑成進士授中山司理登薦剡二十六以高第徵兵科給事中侃侃言事無所迴避壬戌選庶吉士進士其者其父貴顯賂相嵩使爲地祐直疏其事謂上無門下品無世族上感其言詔罷還嵩擬試之通判之地自此有逐嵩意矣都御史某嘗黨也 司多有不法疏劾之并總式二人皆振舉隨以贈公 除補吏行屬大計四明宿司理嘉興侯太守被逮力爲申救得免後二公並至大僚敬歷有聲人器 鑑識將兵科有出守淮揚故事左右諫不

當守以前貴顯者柄銓修政故也祐怡然就道至郡首葺徐節孝祠梓其遺文示風勸列侯某建節督漕前二千石皆伏謁祐獨長揖山陽沐陽二令暴橫按罪罷之民有訟者涕泣誨諭輒悔罪解去郡遭賦十餘萬奏蠲之准人相率祠祀晉浙江副憲備兵淮揚時海寇繹發日夜逐賊戰勝捷聞賜白金文綺通泰鹽徒縱橫執殺官校設計誅之夷其巢淮揚民始安業轉金衢參政僅七月晉右僉都御史巡撫大同大同去虜最近衆酋僉答吉囊相繼深入祐諷咨利害得共要領虜不得利引去聞一入寇督兵禦之俘戮數百奪馬牛羊千數捷聞賜賚陞級虜自是挫銳其部落多來降者祐治軍嚴統轄子弟不得冒功遂騰蜚語祐亦以念太淑人甚移疾乞歸時年方四十三日率其弟娛侍膝下故無厚產稍腴者悉讓以子弟故塾師尹罷縣佐歸窘甚分甘周乏終尹身無失禮幼即嗜濂洛關關之學晚益精詰謂學問在正心體不墮知見賦詩作字皆非切務薦章屢上而已絕意仕進太淑人病旦夕跪禱進飲食竟愈春秋登九十乃逝祐之卒時年七十有三

示哲

盧宗哲字潛卿世居涑水自號涑西方六七歲從兄戲一道士遇之驚曰兒貴人法至三品少長工文辭諸生避席嘉靖乙未進士天子躬御文華簡試進士得宗哲等三千人爲庶吉士讀書禁中執政李文康月試每讀其文未嘗不咄嗟嘆賞也丁酉授檢討值兩艱哀毀骨立庚子服闋甲辰同修會典丁未擢南司業貴遊子弟關說求出者俱不假貸辛亥滿考時分宜父子勢甚熾亦欲不次之擢龍宗哲乃哲實不持一金予世蕃遂大忤曰先生第還南吾行念之哲曰某來考績不來講遷官也分宜慙則以爲南尚寶徙通議居三年乃召爲奉常提四夷館丙辰擢南太僕至則日夜計馬蕃息環滁之山勿問也寺有贖金二千或謂哲例應納笑曰豈有懷金盧潛卿哉戊午召爲光祿故事上供不時予賈人值往往破產哲悉發羨金償之久之推戶部侍郎分宜居中不報已未請告歸就舊築日偃卧其中故人來則彈棋對酒終不請謁守吏萬曆甲戌年七十卒哲爲諸生時天津故有節帥過之見哲冠敝適有新冠請易哲爲座上一着罷酒仍着故冠而去其介如此後罷光祿發橐中裝餘四十金召夫人及子茂示之曰此吾

二十年宦裝可中分之矣茂伯父長史君病革呼茂
界之千金茂謝不受誓喜曰此真盧潘卿兒也

趙煥

趙煥字文光山東掖縣人嘉靖四十四年進士由工
部主事改陝西道御史巡茶陝西舊厝三年巡按河
南巡視京營京畿刷卷陞順天府丞累陞刑部尚書
告病尋起原官轉吏部以臺中例推不與聞于總憲
攻擊不已而去後再起原官管內外計典以積勞成
疾卒于官

毛聚

毛聚字德玄萊州掖縣人幼有異質事繼母秦盡孝
里中嘗寇至衆驚走秦不能聚獨侍左右弗去寇問
曰爾不畏死耶何不避我聚泣曰我老母在敢自求
活乎寇義之不忍犯父嘗病疫居崑崙山中夜渴求
酒山深多虎狼聚弗憚跪走出山乞得酒以還父飲
而愈與兄弟分財恣其所取而受其棄道者長兄葬
樞將反墳訛言盜且至衆懼欲奔匿聚曰兄柩在斯
安忍棄之卒掩殯而還而從母殯城隅人取其神殆
盡取貞地瘞之族女六人貧不能嫁聚出私財嫁之
族中不克葬者十餘喪聚皆爲葬之歲食有餘粟則

推以濟隣里貸不償者則焚其券有客宿其舍旦
錢數百緡而行聚徒步追五十里還隣人耕侵其畔
或以告聚聚曰寧知非彼地耶

孫惟中

孫惟中萊州府昌邑人世爲農長身美髯朝研暮讀
善談古今事臺歷也雅愛宋名臣言行錄亟稱之以
爲省括爲寧海州史用惟擇上益都會父卒皇皇如
不欲生既葬結廬其側苦塊曠野中深夜月冷哭聲
依依隨悲風遠聞人爲泣下品毀淖糜二孟而止晨
起樹雲顏面已皴諸墓前拜夕之手屈羸瘵形容儲
悴或勸其反哭不對事聞縣令夜半携二蒼頭往窺
之見蕭然塊處風雪中也嘆息而去娶劉氏亦從其
化孝子居廬三年劉病居室不近酒肉者三年

遼東 附山東後

陳壽

陳壽字本仁號靈齋其先江西新淦人洪武間伯祖志敬坐事謫戍遼東喪明不能往一子當代役弟志弘慨其兄舂無所托請代戍遂籍於遼東宣遠衛壽補衛學生成化壬辰登進士性孤特不務矯訐甲午授戶科給事中丙午轉左給事中丁未進都給事中弘治戊申吏部薦為大理寺丞尋調南京光祿寺少卿又擢南京鴻臚寺卿庚申被劾命為右僉都御史巡撫延綏癸亥滿九載遷南京右副都御史時正德未刻分省人物考卷九十八

卷九十八

三二

遼東

廢在邊羽書交至鎮城晝開道塞不行壽分布兵馬為十路各屯駐要害互相應援多遣覘卒哨探惟謹軍勢大揚虜分兵入寇躬親甲冑為將卒先退賊壓戰槍斬八十有餘未幾火節脫離諸酋糾率部落精兵大至先以百餘騎誘我諸將請赴之壽曰虜來未可當也自出帳左右數十騎據胡床虎指飲食如無事虜望見疑之遂引去既而諸路將領以壽方略邀擊賊皆大捷斬首若干級捷連上孝廟降勅獎勞賜齊加俸初延綏守臣以虜勢方熾鎮兵不能支請發京兵比壽屢捷而王師已至總制者請破未刻分省人物考卷九十八

卷九十八

四

遼東

色諭十三道曰言路豈可閉乎凡時政有當言非劾
革者仍請呈舉行若因之阻抑則負朝廷負所學多
矣臺諫以言事作逆理盡被執械繫京師壽與兵部
尚書林瀚上疏論救壽又獨疏極言俱不報林瀚既
得罪去未幾壽亦罷歸復復復復復復復復復復復
文致罰米若干石稱貸以完家素無積至是益貧不
能給朝夕瑾誅言官文章薦起陝西巡撫陝西兵荒
之後兵民敵甚鎮守大監廖堂與其弟鵬姪錫估勢
以逞權剝無厭禍且及士夫家人人重足立壽下車
旬日即揭榜諭衆利病之原罔不悉具仍令長安父
老面陳得失量平斛平時價禁有司官市民物偶剝
盜數十掠掠良民捕之枷於市俱折其兩股盜賊屏
息又令下曰遭喪不許停柩姻嫁不許索財人皆遵
之夏大旱令各街巷開渠以通陰氣減刑殺清冤獄
肅心誠待天乃大雨仍因關中薦災乞停通負錢糧
罷額外貢獻俱報可時廖堂稱旨造絨袍帳幔數百
間料價數十萬兩壽至已完解廉知其贏餘數萬兩
欲輸內權貴檄所司留以備賑仍戒諭此後不得指
進貢有所科取不然吾且執奏堂兄弟圖中傷之遂
乞歸不允先是鎮守爪牙惡少數十輩散遣于各郡

本朝八
卷九一八

四十一

建康

縣衛所漁獵滋甚壽下令捕之皆逃歸氣焰大沮民
稍安已而改南京兵部侍郎報主軍民數千人擁集
臨臺泣留壽曰君命也出城之日號呼之聲震地擁
肩輿移日不得行至留都知政歸近侍佞臣屢疏乞
你不允疏九上乃進刑部尚書致仕壽以貧不能歸
流寓南都敝屋頽垣不蔽廳事杜門寡交事遵古道
嘉靖改元召進一品階以羊酒果品存問于家是年
九月卒於寓第貧無爲殮京兆寇公天叙大司空李
公充嗣哭臨爲備殮具因其題賜祭二壇命有司營
葬域

本朝八
卷九一八

四十二

建康

韓斌

韓斌字廷用遼東寧遠衛指揮使年十六襲職禦虜
于小團山突陣斬敵數酋敗之天順初陞遼東都司
僉事簡禦寧遠虜入寇伐其將領官軍陷焉斌馳赴
手刃敵賊圍遂解時義州屢失事成山伯王琮被勅
切責志甚斌請當先自効琮以五百人屬之突遇虜
于八塔兒虜以四千衆圍我關其一而斌曰彼將謀
我不司忽也令管中聯馬死關而出擒斬甚衆虜退
有強金文綺之賜尋充叅將分守延綏西路時北虜
毛里孩擁衆十餘萬入定邊營斌率五千騎伺其歸

擊之環縣虜衆猝至圍之數重城令我衆悉衣白以自別直向虜衆奮呼而出有所斬獲戒勿顧得以全軍而歸勅改充遊擊將軍馳驛還遼領右哨出清河直抵其巢斬首二百餘級俘男女百七十餘口論功賞授都指揮僉事分守遼陽明年改充副總兵分守開原兼提督遼陽賊屢犯廣寧總兵官歐信會斌出義州直抵與中斬首百級陞署都指揮同知虜嘗入清河堡匿深谷中以數十騎薄城挑戰將佐爭欲擊之斌曰是餌我也勿貪已而伏果起斌乃背四陣器休更戰虜既遁復出鹹河十岔口等處搗其巢斬首

冬九一八

四三

遼東

二百餘級撫寧侯朱永等受命征建州斌與總兵官侯謙復爲右哨出鴉鶻關抵泊珠江斬俘無算虜嘗有宋管只八者據山險欲夜劫其營斌令譯大呼曰韓馬法在此汝尚欲爲偷乎馬法者虜所謂大人也虜衆聞一見斌免胄示之皆棄弓矢羅拜馬前遂遁斌度其至黑松林虜必有從後邀者約謙軍共地以待之而謙往先歸比至賊果突出斌急令立營一處而定其計敵應變類如此時天下論武臣可大將也三而斌其一焉前後十數年屢與虜鬪未嘗敗衄而爲同事者所忌斌遂以老告歸于時年甫六十日置

酒會親以爲樂時政物評未嘗掛口後十有一年享壽七十有二而卒

賀欽

賀欽字克恭其先戍廣寧後屯爲遼西人少穎敏沉厚好學偶得近思錄朝夕玩讀得其旨要遂成俗學成化二年舉進士爲戶科給事中見白沙論學嘆曰至性不顯寶藏猶霍世卽用我而我奚以爲用卽日上疏解官去執弟子禮事白沙既別有其像懸室中事之甚謹泰陵初薦授陝西叅議撫治商洛以病貽母憂上疏懇辭且陳四事一曰資真儒以講聖學謂

冬九一八

四四

遼東

今日急務莫先於講學而經筵勸講之官所謂師友之臣尤當訪求真儒以充其任二曰薦賢才以輔治道謂新會縣歷事監生陳獻章天性高明學術純正誠當世之大賢宜以非常之禮起之俾之輔導君德三曰遵祖訓以處內官謂內府監司局庫衙門載之祖訓內官條其職掌不過灑掃供養關防出入等事而已近年如王振喜寧舒良王誠曹吉祥牛玉汪直尚銘輩或陷主虜庭身放賊境或主易儲君禁錮南宮或謀爲不軌貽易后妃或邀功起釁流毒邊徼或恃寵招權賄賂不賞或引用左道蠱惑上

心或導進淫巧盜虛府庫此其陷君誤國蠹政殃民
昭昭在人耳目者也宜深鑒已往之弊永絕方來之
禍四曰興禮樂以化天下謂陛下紹基之初罷黜浮
屠矣誕之邪術舉行朱子喪葬之正禮真所謂守成
業而致盛治也但初政之施方發其端而頹敗之俗
尚仍其舊禮讓之化未行淫穢之風日甚乞申明正
禮之當行革去教坊之俗樂疏入不報正德四年逆
瑾括田東人驚疑思亂義州以守臣貪故遂先發聚
眾縱火劫財大擾然相戒曰母入東街驚賀黃門欽
往諭曰渠既知悔即不殺人可解鎮城當有人至爾

八朝分衍公物

卷之二

四十五

德東

傳鑰

傳鑰字希準遼東廣寧人正德辛未進士召試授禮
科給事中屢言當世大計其最著者論邊事一疏大
指言今法邊將臨敵亡卒十人以上定坐其將將畏
坐卒不敢見虜虜無所畏得以暴苦邊民宜制自今
虜入境能格虜者雖亡卒十人以上勿問有功者仍
錄之其不敢見虜者即不亡一人罪不宥 上是其
說著為令十年乙亥遭母喪解職服除遷工科右給
事中本年陞太平府知府選子弟聰穎者延師教之
暇則躬校文藝太平由是科不乏人俗好賽神費每
不貲嚴諭禁止大旱禱雨輒應隣郡有大獄不決
水朝分衍公物

卷之二

四十六

德東

好八所擇者事下按察司或謂鑰宜有所瞻顧鑰曰

陷人吾不爲也竟白之十三年遷四川右布政使未
行十四年以巡撫王都御史昏夜候杖宗室子事連
坐左遷河南右叅議十五年陞河南副使十六年遷
江西左叅政行之日軍民數千人遮留十八年遷福
建右布政使本年轉河南左布政使軍民聞鑰復至
額手胥慶率陞都御史撫河南軍民益大喜然鑰爲
江西時以夏日傷暑救荒跋履山谷感疾至是疾日
益增以新受命未敢輒言去且其時河南人餓死者
殆半而當輸粟三十萬石鑰具疏乞蠲賦一夕疏成
而疾遂篤竟以不起 天子感鑰言切特貸河南聚
三之一其二許民出銀以貸粟河南相與哭鑰赴鑰
之喪曰我乃從公得活而公顧死耶訃聞 上命賜
塋鑰少孤孝養其母及居喪哀毀踰禮平生不見疾
言遽色與人文溫厚樂易至於利誘勢休則屹然山
立不可動也年五十有九

對同句容縣學訓導江之龍

督工句容縣典史鄭乾直

人物考目錄卷之九十九

山西太原府一

王克己

董俊

戈謙

姜濟

周瑄

王鑑

王鈇

王夢弼

張淑勵

王永壽

趙文傳

林春

張順

雷澤

周經

梁環

山西太原府一

張縉

陳壁

喬宇

王璦

劉繹

唐希介

楊傑

劉淮

陳璘

王源

崔侃

張天相

寇儉

白侃

胡孝思

吳嘉會

孫璽

張鍵

張文明

党承志

侯倫

陳阜謨

王致

喬教

寇天叙

孫紹先

張珩

謝蘭

府寬

潘高

周鈇

山西太原府一

本朝京省人物考卷之九十九

南直督學御史西浙過庭訓纂集

門人蘇松備共副使南郡熊 青恭閣

男 過銘盤

過銘孟

過銘盤

寧國府學生 龔弘志

句容縣學生 劉孔揚 金訂正

山西太原府

王克巳

王克巳

山

王克巳山西太原府壽陽縣人博通經史洪武初以文學辟除戶部主事在部潔已不濫慎出納善於其職七年陞試吏部尚書本年以疾乞致仕

董俊

董俊山西太原府太原縣人洪武初舉人才擢來州府知府爲政廉平寬猛得宜民樹碑頌其美九年陞兵部侍郎十二年以政績陞兵部尚書十三年三月上革中書省置六部正二品戒之曰識山川之險易嚴烽堠之分勿令挨無籍貫軍經十次同申者卽爲開豁未幾免官子致仕

戈謙

戈謙山西太原府代州人永樂辛卯進士擢戶科給事中飢饉勸直不折節下人遇國家大事知無不言雖逆天威不輒避十八年陞行在大理寺右少卿二十二年 仁宗嗣位謙數言事洪熙元年又因事直言 上厭其繁瑣尚書呂震等交奏其賈直沽名遂召大學士楊士奇等榻前語以謙之踰分士奇對曰謙不知大體有之然其心感 陛下超擢之恩欲圖報効古人有言 主聖則臣直惟 陛下容之不然進言者將懼矣 上雖不罪謙然臨朝之際數形

於辭氣又數日 上御奉天門楊士奇獨奏事因進

山

曰 陛下頒詔求言言不當者不罪戈謙不曉事激聖怒數日朝臣皆悚駭相與以言爲戒今遠近朝覲之臣皆集闕下目見而口傳將謙之名愈彰而朝廷受不容直言之謗 上惕然曰此固是朕不能容亦呂震迎合以益吾過也自今吾不復言謙遂免謙朝奉令尋坐司視事自是一月餘朝臣言事者少 上特召楊士奇論曰爾料事不虛自免戈謙朝言者不至登果無上可言對曰臣下孰不欲進言納忠惟在上寬容以求之 上曰朕非怒卿言事 其言矯激

過實爾可語衆人以朕之實心對曰此非臣言所能使之信必得璽書親諭乃見 聖德之實遂令士奇統楊前書勅引過命戈諫如舊朝參令百官言事無以謙爲戒未幾有言中官謝安四川伐木虐民者于是召戈諫論曰爾本清鯁之臣朕今以清鯁用爾遂歷議副都御史賜鈔緝驍驛諸四川罷伐木之役并糾察官吏等宜德元年回院以忤 旨罷爲民正統十四年土木之變 英廟北狩 郕王嗣位布衣走闕下疏前成山侯王通龍門致仕指彈甯河冀定同知阮遷十三人皆奇才可用適報虜酋也先犯紫荆口時石亨爲時倚重借于尚書謙治兵土城外衆議欲以通副亨召謙等至左順門通辭不預兵政久矣一旦以副人不能也謙則力言專用通衆導之再四兩人持論牢不動事遂已六科聞謙負重名素留之亦不報不久竟卒

姜 濤

姜濤字靜之太原府忻州人永樂甲午鄉舉授嘉興府同知二十一年改河間府宣德九年以剛正廉幹陞本府知府有政績敏決有爲士民宜之正統元年陞順天府尹安常率職民亦不擾四年京大水命存

間被水軍民具奏賑濟十一年陞戶部右侍郎十二年陞戶部左侍郎十四年卒於官

周 瑄

周瑄字德孚山西太原府陽曲人應天府江寧籍宣德乙卯登鄉試自試中乙榜不就束書入太學以友天下士學益進正統甲子用吏部銓授刑部江西司主事精究法意獄獄明審尚書金濂於羣屬中獨愛重之凡大獄必以委之有死罪四累訴其枉乃徹服訪之累月一日至城南聞村姥言其事果冤因得釋給事中翟讓御史劉訓給燕山左衛鈔誣官盜取下

法司瑄辦其誣丁卯奉命錄南北畿重囚所至多平反者已巳北征部屬當扈從者率多託疾乃毅然請行被重創而還景泰初陞署河南司郎中事有校尉受贓縱重盜而以宿讐寘其間欲陷之死瑄力辨之校尉反坐嘗視獄有囚八百人時天暑懼有病死者三日盡瘞遺衆以爲片言折獄之才時刑部關右侍郎吏部推代之益盡心以洗冤澤物爲已任辛未陞

幸大學有祿幣之資甲戌順天河間二府民饑徃賑之二府素無蓄積又連遭大水乃條奏八事一裁省各處冗官二停徵當歲根草三添減軍士根草加

舊四免追久負馬匹五暫罷供應柴炭夫役六皇莊
湖泊之利恣民採取七招商中納鹽糧損其斗數八
借水次官舍之粟濟民事下戶部不能省從而招商
借粟之說尤以爲難 上聞詔特從瑄議瑄又爲之
具耕牛糶以食於民時亢旱苗稿行部至武清禱
雨立澍時致仕尚書馮昂謂曰昔有御史雨今爲侍
郎雨矣秋大熟天順戊寅陞左侍郎癸未命掌工部
事又命掌都察院事成化改元命祭告中鎮霍山及
晉代清三府未還陞右都御史總督南京糧至則嚴
祿宿弊有侵盜爲奸者悉抵于法謫戍遠邊倉場爲
之嚴禁 上南京城守事宜八條戊戌南畿糧貴詔
發京庾之粟賑鬻之以平其價民食不艱畿輔乃安
是歲陞南京刑部尚書告戒諸司事非會勘者不得
出五日以是因無冤滯過獄中疫罪輕者悉遣之歡
聲載道以考滿乞休者再三准致仕先世業鹽無田
產又久任金陵樂其風上遂仍歸江南寄籍江寧日
與故人親戚飲眺樂至甲辰五月六日卒年七十六
瑄德計寬宏氣度詳雅修髯長身議論英發平生不
枉道干人在國子時同堂生喪妻無所得樵瑄因家
人送貨官至傾橐與之爲主事時有罪人貧不能論

官紙聞欲鬻幼子卽以析糧絹償其直還其子事親
甚孝遇時節雖老猶悲泣出入兩京法司幾四十年
沽民利國之功尤多故位登八座壽幾八奏子孫二
十餘人策名甲科聯官清要如文端公經尤爲名臣

王鑑

王鑑字參昭太原縣人正統中進士除江西道御史
天順元年劾石亨廷杖謫庸施令恭年吏畏民懷邑
以大治陞延安府知府疏請致仕

王鈇

王鈇字汝威榆次縣人進士初授行人選除湖廣道
御史巡按陝西山東所歷咸以剛正著聲改右春坊
兼翰林院侍書以建言謫廬州府知事陞國子監丞
擢吏部主政疏劾權相調河南府通判尋陞南京吏
部終爲當道不容斥罷爲民卒後贈光祿少卿

王夢弼

王夢弼太原府人以進士知掖縣人拜諫垣時楚世
子弒逆 上命卽真諸法夢弼持舊典三奏不以震
怒爲恐歷七載章疏數十上侃侃多名言陞太常少
卿夢弼故晉進習知邊事居常議論慷慨自負廷臣
薦以邊材超拜都御史巡撫寧夏時戎務廢弛將卒

嬉玩疏脩邊牆保疆固備兵馬責實効數事上于朝
又以戒請託禁科歛謹煇煥康戍守時糧餉下爲令
期年軍民悅服已而黠虜入寇諜知其虛巢整兵襲
之斬獲功多晉秩賜金綺復念寧夏三面臨虜乃于
西赤木諸口相度險要脩築墩堡一百七十餘望居
六載乃有總督三邊之命威名夙著邊塞而又歷任
既久凡將帥之貪廉士馬之精罷夷情之向背與夫
關塞之險易堅瑕無不洞析毫髮虜或入寇斬獲追
逐後亦無敢窺伺者以致仕歸卒諡子者再

張淑勵

八十一
張淑勵

山西

張淑勵孟縣人第進士知歷城縣歷多山磽瘠水則
陂圩值凶歲民無所自活而又多供億送迎之苦淑
勵至屬歲灾厲邊被兵師旅在外急催科如捕亡青
持戟之士肩摩就募道路使者相望疲命于將迎循
循應之事以次就緒邑田瘠稅腴民逃徙則第坵畝
嚴原隰視上蠲惡以益下其賦百姓始不以磽瘠爲
子孫憂注供億轉置舊委諸編戶歲終得代其產蕩
然淑勵始定吏會之議使度支在官工賈無以乘緩
急器業微累得轉相爲用百年敝政如洗民不重困
日晉接不遑暇而儀愈安未嘗歸尉傳稱過使客疲

民以取譽每折獄率取決片言而壹壹問民疾苦必
竟辭月旦與諸弟子設爐豆言詩書再登薦者七人
所在生齒繁殖流移稱附者衍負版焉輕徭薄賦與
民計息民亦愛之如父母畏之如嚴師後以徵召入
京思而慕之不啻赤子之乍離襁褓也以疾卒于京

王承需

王承需字延齡太原縣人修躬多髯以淳謹寡默稱
正統丁巳以舉人任江西饒州府推官三載遷廣西
道監察御史嘗從征北虜凱還受賚巡按山東貴州
及蘇松等處後任工部右侍郎調南京工部歷三載
陞本部尚書未幾調北工部奉勅巡撫湖廣以安靜
得人心尋命兼督軍務征銅鼓五關等處苗賊成功
賜從一品俸天順初復調南京工部天順六年九月
卒於官遣官祭葬

趙文博

趙文博字子約代州人景泰甲戌進士除監察御史
謫陝西淳化令還守衛輝調鞏昌陟陝西布政司右
叅政山東右布政左布政都察院右副都御史文博
爲御史按河南南畿有聲景泰丙子偕同列糾劾忠
國公石亨莫廟親訊於別殿下錦衣獄值雷雨之

變始得釋謫官去後事敗詔吏部簡拔方守衡輝
時境內久旱禱於神雨大澍新孔千廟及諸生齋舍
民莫知費所出地瀕河舊有舟六特供藩臬意所遣
疏罷之藩臬有欲中以禍者又疏聞朝廷遣官覈之
改知臨洮臨洮雜戎號難治治之如衛輝以薦改鞏
昌通稅積多征輸有法期月而大治爲奉政西戎爲
寇奉檄督軍竟以捷報爲都御史巡撫河南歲凶民
艱食賑貸有方民不苦饑陝西流民率聞風來歸庠
躬竭思以居以哺民忘其流千戶席英與其黨爲盜
京城擾事覺乃裹甲以行都人莫敢櫻所過肆掠武
臣以詔提兵數千躡其後南走千餘里亦莫敢迫至
河以計擒之械送京師伏誅有文綺之賜成化丁未
罷歸遂不復起家居十一年弘治丁巳卒年七十有
三

林春

林春字孟陽代州人爲文有理致尤工古文辭且精
於書晉京奉庚午領鄉試會試中乙榜當得授官不
就入太學奉政葉公盛舉同寮修都司地誌校考訂
定善於序述持身端慎遜避公卿間惟以禮接一言
不及外事有違禁者貴重賄要其解釋力謝絕之居

貧而能有守若此復入太學從學士呂文懿卒業
溫氣和薰然君子也鄉人素愛之延請者無虛日意
度灑如也後待次吏部授應天府馬政判以清節自
勵攻駁考牧恪盡乃心而民受其惠無敢干以私者
行縣較閭止食公廩一毫不取於民蒔蔬公廨隙地
至則摘以自給其廉如此或有笑其迂者曰我儒者
誠迂若楊伯起則古之迂者也我願學焉再考最敗
聲日起性酷好書每暇輒磨墨伸紙揮汗呵凍不輟
字體清勁道麗得者皆珍襲之以屬理場屋事勞遂
成病不能食數日竟卒爲人外雖和易而內實剛毅
居官孳孳愛民廉介之操乃其素志不以始終有變
故其卒也貧無以爲殮哀積衆賻僅能舉其喪歸卒
於成化辛卯享年六十有一

張頤

張頤字養正其先由江都占籍太原衛天順四年進
士改翰林院庶吉士授檢討陞修撰擢都察院右僉
都御史巡撫宣府後以軍功轉左尋陞工部右侍郎
成化癸卯致仕弘治十三年卒賜祭葬如例頤有才
氣而急功名平居持論侃侃恒出人右而才足以副
之中外數歷多有可觀者

雷澤

雷澤忻州定襄縣人天順甲申進士授刑科給事中成化十一年陞刑科給事中時僧錄司有盜賣度牒者尚書董方欲緩其事刑部主事鄧存德奏方黨比上以存德違制兩存德釋盜賣者澤上言當罪方而宥存德不從又妖人李子龍以事伏誅餘黨王原等獲宥澤言刑罰太縱乞追究悉誅之上不聽澤寬嚴有執皆如此十六年陞南京太僕寺少卿十九年丁憂二十二年再任弘治三年陞南京光祿寺卿遂卒於官

本朝分省人物考

卷之七

十一

山西

周經

周經字伯常陽曲縣人父瑄爲南京刑部尚書謚莊懿經少有大志欲以經濟自見日侍莊懿公習聞天下事而氣勃勃不可抑及補父廕入太學益銳志學造詣日深天順庚辰成進士改翰林院庶吉士文名欽起與劉公健張公元禎俱爲大學士李文達彭文憲所重而端諒正直經又隱隱於縉紳間壬午授檢討成化三年陞編修十二年陞侍讀十四年進左春坊左中允仍兼修撰侍皇太子講文華大訓皇太子每起立拱聽內閣大臣萬安等或以爲勞謂經

宜跪請坐聽經不從竟得如禮在詞林幾三十年史局編摩貢闈考校皆舉其職至於敎沃青官尤多規正及孝宗蒞極同事者俱進崇秩經以持正止陞太常寺少卿兼侍讀識者已高其骨鯁而未盡知其政事弘治己酉擢禮部右侍郎每議政歷事傳以經義若却西域貢獅毀黃村尼寺爲先朝盛德事皆經與左侍郎倪文毅贊成者四年以吏部尋轉左一日有中官諭旨欲以通政司經歷高祿爲叅議經獨執不可過與王端毅上疏論之靈壽獻大明川民田於太監李廣戶部駁弗得允經會諸司具奏事遂寢乙

本朝分省人物考

卷之七

十一

山西

卯諸司以災異言事吏部請早視朝勤聽政節修費省遊幸止貢獻而斥樂戲一事尤激亦出經手後有踪跡爲此草者以問尚書耿公祿經曰宜以實對耿曰吾爲尚書不宜他譏時論益兩賢之九年丙辰拜戶部尚書諸王府多奏欲自領河泊所賜稅罷其官上言國體非便且民力不能堪乃止有中官織幣南京奏給長蘆鹽八千引鬻於兩淮仍給淮鹽價銀二萬兩經言課策本以濟邊且各有分地今不嚴禁若公許越境則私販必多官鹽及滯命止長蘆鹽勿給浙江守臣亦請給竹木銀鈔稅爲織費又言關征非

舊浙地大水民困征役乞暫停織造上從之每委官監稅必諭以愛節民力如果入多者則與下考大同缺馬尚書馬端肅公請給糧銀市之且解督糧官毋得阻格既得旨經言糧馬各有職不宜侵奪且引祖訓六部不許相壓之文爲據辭甚激上爲改命兵部以馬價銀充用會邊方調度日繁給事中魯昂以財匱乞請今諸藩公帑積貯及均徭羨銀盡輸太倉經言用不足者蓋以織造齋醮土木之故若一切節省自宜少裕必欲盡括天下之財恐非藏富於民之意又有旨取太倉銀三萬兩爲張燈具經言不可

朱七二

以前八分命之

以小民脂膏供耳目之玩內臺臺奏增灑掃卒當給月廩經言禁地非外人所得入不過爲守者私役耳疏冊上竟寢之清寧宮災方議修建兵部欲調山東民夫七千餘人經曰今歲歉民貧不可使遠去鄉井請以本義銀就京師催役爲之識者服其遠慮而潛消默奪非人所及云外戚張氏有河間賜地數百頃欲并其旁近民田千餘頃得之且每畝加稅銀二分經言河間地多沮洳比因久旱貧民即退灘地耕之過潦輒沒即欲加稅將貽無窮之害且王府賜田例畝稅三分而此獨加稅五分人將謂朝廷待外戚與

索親異矣三四上後有以礪縣退灘地獻爲東官莊者上因經前奏皆抵之罪一時近戚貴幸有所陳請一裁以法皆斂緝不得肆十三年庚申五月以星變乞休上特進太千太保允之賜勅褒諭命下廷臣仰額失色爭上疏留之是後中外奏薦至八十餘疏前此未之有也十八年起南京戶部尚書未任正德三年太宰許進素重之嘆曰使周伯常不用吾死不瞑目矣推起禮部尚書會通瑾司柄因乞致仕不任後卒於家贈太保諡文端識者稱爲國朝戶部尚書第一云

朱六二

以前八分命之

梁璟字廷美淳縣人父諱資有行義鄉人稱爲直軒先生璟性至孝少時直軒偶血出於面以舌舐之而止正統己巳北虜肆亂直軒從征官兵潰璟聞變披髮跣號求父所在值歸乃已景泰庚午舉于鄉中申登進士授兵科給事中成化初累遷都給事中論事持大體壬辰與諸同官劾大臣不職者因薦致仕尚書王竑都御史高明可用言太激獲譴幾殆始不爲變癸巳擢陝西布政司左叅政偏歷所部詢民疾苦察郡縣吏稱不稱得牧民體分守洮岷適西番縱掠居

民驚徙環提其斬其魁民得復業者千計以內艱去辛丑服闋復任巡撫都御史以下文薦於朝乙巳進右布政使丁未遷左布政使敷惠勤事視昔尤普前後十五年民盡被其澤矣擢都察院右副都御史退撫湖廣兼贊軍務肅風紀賑饑民理冤獄簡民壯以增武備永州寇作督官兵平之鎮守中官殿敕王親下璟勸覆力拒請屬不爲撓以外艱去壬子改四川有武官舊不聽令者繩以法始帖服有劇盜亦督兵勦之甲寅擢南京吏部右侍郎獨理部事鉅纖畢舉戊午進戶部尚書出納明審時已嬰疾庚申得請去

本朝今各分考

卷九十九

十五

山西

張縉

張縉字朝用其先順天寶坻縣人曾祖諱仲和勝國時爲太原路總管因家陽曲縉幼穎悟不凡既冠領天順壬午鄉薦以成化己丑登甲科初知鉅州鈞民多頑穢以嚴治之皆斂手奉令尋以內艱歸終喪改知滄州居南北之衝且煩病雨潦多方賑救民賴之安權貴欲請境內地爲莊田縉不可其事乃寢陞南京工部郎中刻除宿弊羣臣故業縉爲奸利者無所容未三年陞杭州知府縉以廉正自持守臣臺使以及監司無弗敬信者在杭八年節縮百費自民財十有餘萬陞山東叅政弘治癸丑河決張秋上命平江伯陳鏡都御史劉大夏治之百需悉委調度甲寅功成遂陞通政司右通政當行河衝決之餘講防不治縉相其緩急以漸修濬無所遺又於決口之東甃石岸數里以圖勿壞又新築南旺東堤樹柳其上每歲夏秋水溢挽卒得分行無阻至今便之庚申八月陞右僉都御史巡撫寶定等府飭士馬以防寇掠有發輒得寇幾絕嘗疏陳八事皆切民病辛酉四月陞右副都御史巡撫宣府虜人遮繫屢有斬獲之功是歲十一月改督漕運造舟之價必預給漕卒必選其精壯者補之癸亥甲子淮揚連歲告饑奏留糧米萬

石所全活甚衆丙寅陞戶部左侍郎時逆瑾專政惡其不已附會南京戶部尚書缺以縉往即因事建之時同遠皆復官惟縉致仕過滄滄人留止之乃家於滄然瑾銜縉未釋也復與尚書韓文同下詔獄罰輸邊米五百石又坐前揚州災嘗改揚之兌運二萬五千石於鳳陽上納瑾以爲更制除其名辛未劉齊二賊掠畿甸滄被圍七日城中士民欲許賊和以緩禍乃謀于縉縉曰許和是降城矣於法何如吾家三十口誓不能降賊以生衆義之相與嬰城固守勇百倍於初賊勢挫遂解縉復召爲右都御史仍督漕運本朝公傳卷九 一

省所至輒著能聲樹成績居家孝友嗜學手不釋卷星曆醫卜皆臻其妙性好吟咏有玉雪遺稿若干卷又有奏議若干卷藏於家

陳璧

陳璧字瑞卿太原左衛人成化壬辰進士授嘉興知縣改武邑擢監察御史巡畿郡山東剛直有威弘治間陞山東按察司副使整飭臨清兵備權貴過者皆斂戢陞法察使進南京太僕卿正德初陞都察院右副都御史整飭薊州等處邊備兼巡撫順天等府以病致仕尋卒詔給祭葬璧性慤直居官無所屈撓然剛而少容人以是惜之

喬宇

喬宇字希大號白巖樂平縣人十七歲以金吾衛籍中順天府鄉試錄其文以式中成化甲辰進士授禮部儀制司主事是歲皇太子婚禮成及五王冠受文綺白金之賜明年會試天下士署提調官綜理有法撤棘之日簾內什用之器悉還之民丁未母卒歸葬樂平杜門謝客讀禮考究所養益深祖塋有松數百樹皆先人手自封植夏有蟲食之幾盡乃自爲文以祭遂止弘治庚戌服闋除吏部文選司主事

子考考司員外丁巳補郎中辛酉調文選司郎中
日益勤勵門無私謁凡三與考察輿論稱允至於拔
進賢才杜塞僥倖屏退憊壬無不贊行之遷太常少
卿 武宗卽位命分祭中鎮霍山黃河西海及諸王
陵園事竣咨諏民隱爲六事上之多見采納戊辰轉
光祿卿專裁節浮費以紓民困陞戶部右侍郎庚午
遷左侍郎春至六月不雨漕河涸奉 命禱祭海嶽
遂雨時宦瑾用事公卿多通關節宇恬然自守後瑾
敗獨繳然不爲所汙辛未轉南京禮部尚書乙亥改
南京兵部尚書恭贊機務治尚簡靜說者謂得畢公
云朝分符八制卷九十一 山西

楊銳有才略可用起署爲安慶守備誠之曰安慶
南京上遊審邇江西賊計汝必先知知則速來告賊
至必先攻安慶攻則汝當死守未幾賊變銳果能成
其功十二月 上南狩至則叛逆以平遂受朝正於
行在初有旨命百官以戎服朝見宇獨以爲南京禮
儀一變豈容有異遂朝服率諸臣見時幸臣江彬怙
寵勢焰傾人統邊軍數萬扈從屯處京城懷不軌心
一日賤彬遣兵官索各城門鎖鑰城中驚駭不知所
出督府遣人來謁于宇答曰守備者所以謹非常城
門鎖鑰孰敢索亦孰敢與難 天子詔奈何督府以
字言拒之竟寢城中帖然彬每假傳旨有所求爲日
數十通宇每得旨必請面奏彬計遂不行鎮安都賊
隱然虎豹在山之勢及駐蹕既久倡九卿臺諫凡上
三事勸回鑾輿以安社稷爲重九月 上還京師扈
從至揚州歸辛巳五月考績錄前功加柱國少保兼
太子太保七月詔拜吏部尚書辭論官材總統百度
杜請託錄道逸至於進退君子小人之際尤所如意
中外翕然稱之 世宗入承大統新政之初銳意圖
治甚爲倚重宇亦忠勤靡倦知無不言言無不盡與
刑書林俊戶部孫文兵書彭澤協心輔政癸未王會

之期裁革冗濫至二千員餘前此未有也甲申以議
典國大禮不合抗疏乞休歸樂平始買地建宅徜徉
於山林中至朝廷之事從未言及戊子詔前議禮之
罪得冠帶閑住辛卯少師遂菴楊公辛字出門下乃
渡江甲之及過江日南京父老識者舉手加額曰活
我公也多遺之以禮不受九月歸偶感疾疾於十月
二十六日卒年六十八字少從學楊公於京師時楊
公爲中書舍人談經之學甚盛天下名士多從之遊
而成就者衆宇遂爲高第旣而舉進士又從文正西
涯李公游德行道義漸磨者爲至今北方之士言
文苑者必首稱之爲文不以蹈襲爲工出入六經深
沉醲郁自成一家有克家稿若干卷其爲詩始擬古
後擺落陳辭往往多自得語渾然一代大家性嗜林
壑嘗歷雲中上恒霍登嵩華海岱搜奇探隱人莫知
之咸以爲有二李風晚精鑒賞者書古帖一見知之
家居所用皆陶器衣服似寒士而延接儒雅如恐不
及見善常如已出見不善惡形於色卒之日識與不
識莫不歎息泣下

王璦

王璦字德華太原縣人咸化甲辰進士授工部屯田

司主事弘治四年陞本司員外郎六年進郎中九年
改戶部郎中有治才留心國計凡舊卷條例悉錄之
以備稽閱十二年陞山東右叅政十四年守制十六
年補河南左叅政十八年陞河南右布政正德元年
陞整理兩淮鹽法都察院右副都御史二年改總督
漕運未任陞戶部右侍郎三年改吏部本年調南京
吏部四年改南京戶部右侍郎丁憂六年起戶部右
侍郎兼左僉都御史賑恤畿甸山東地方七年陞戶
部左侍郎八年陞戶部尚書璦在戶部嘗著論謂國
初制親王歲支祿米一萬石後因地方豐歉或有減
支郡王將軍俱有常祿亦因民供有限悉減文一半
本色一半折色其折色多不開支又如初封郡王歲
支二千石以後襲封俱支一千石後亦有例至今行
之夫以民供論之則日益不給以宗室論之往往衣
食不繼反不如庶民之家得自生計也又宗室犯罪
降爲庶民者計口月給米石此與將軍中尉及得實
惠宗室例不得種田納糧商販營利而常祿不給日
見其貧乏不能存活又國初定制百官俸給皆支本
色米石後改四品以上三分本色七分折色五品以
下四分本色六分折色今京官折俸四五年不得一

支外官通不得支俸祿之制如此欲禁貪婪是以難也故於邦儲斂散酌盈濟縮不尚同亦不求異凡非分干請有違成憲者執奏不易苟可以厚宗室利官民者亦調停行之人服其有心計十年改兵部十一年加太子太保十二年三月加少保兼太子太保不二年二進三孤初南贛撫鎮不得人兇民羣聚爲盜焚劫州縣無忌遠近效尤凡在虔楚閩廣接壤無非賊巢瓊鷹王守仁巡撫其地及守仁請便宜行事衆笑爲迂屢不報瓊慨然曰朝廷此等大柄不與此等人用又與誰用我必與之竟覆議報可諸賊由是悉

入朝

朱元九

三三

山西

平十四年正月守仁乞致仕當路素忌之欲從其請瓊力言不可從留之會福州三衛軍人進貴葉元保等作亂瓊知江西寧藩必反召主事應典曰此小事不足煩守仁但假此便宜勅書在彼手中以待他變爾爲我做一題稿來看既成具題勅守仁查處福州叛軍及給事中徐之鸞等疏宸濠不法事內閣楊廷和令兵部發兵觀變瓊曰此不可洩近給事中孫懋建議選兵爲江西備留中日久第如議行之廷和默然已而宸濠反南都告急瓊會衆於左順門鐫曰監子素行不義今倉卒造亂不足爲慮有王守仁

在彼必成擒矣頃刻覆十三疏詔削濠屬籍正賊名次請命將出師趨南京勅北方壽祥防江都御史俞諫率淮兵羽南京戶部尚書王鴻儒主給餉王守仁率南贛兵由臨吉都御史秦金率湖廣兵由荆瑞會南昌李克嗣鎮江西許廷光鎮浙江叢蘭鎮儀真懷防瓜州壩傳檄諸路但有忠臣義士能倡義旅擒反賊者封侯且令南京守備操江諸武職并五府掌印僉事卽自陳取上裁務在得人以固根本詔悉從之濠果不旋踵就擒十五年十月改吏部尚書加少師十六年世廟登極五月以人言謫成嘉靖五年起

入朝

朱元九

二日

勅賜

兵部尚書兼都察院右都御史總制陝西三邊軍務時吐番侵擾甘肅瓊督兵擊敗之八年套虜入寇統兵三萬出花馬池禦之斬首六十餘級捷聞勅賜獎勵尋以功加太子太保九年洮岷番夷寇鞏昌命將擊討之斬首三百五十餘級撫定七千餘族降勅嘉賞又置下馬關門接修邊牆一百八十餘里起蘄水堡至蘭州因地形勢挑濠墮八百餘里據險以守邊人至今便之十年詔還改吏部尚書卒贈太保諡恭襄

劉鐸

劉繹字以成號平山代州人成化丁未進士初授戶部主事歷郎中總理遼東糧儲兼屯田逆瑾初擅權正急于貪或告瑾曰文官富惟邊郎耳瑾令人諭以指繹屹不爲動瑾怒械至京師荷校于吏部公署前時柳重法嚴晝夜監守雖親故莫敢近他柳者十日餘即死獨繹至月餘得不死時同郡王某者以死侍側日夕不離繹曰我死其職也如君何王終不去方柳時有黃冠者至其邸遺家人藥一丸曰日剉一分服之盡則難脫是日繹昏留中夢仙人自雲霄下以一丸納之口中覺而口尚覺藥香監守者俱言見老人送藥忽不見於是喧聞九市上達朝著西麓張太宰乘此異言之瑾得釋爲民後瑾拜選授監察御史朝野咸稱爲鐵漢公云

唐希介

唐希介字景賢陽曲人成化丁未進士改翰林庶吉士三年授工科給事中隨事建明直聲大振久之特被簡命稽省真定等四鎮備備躬親閱實盡得弊弊以聞於是權倖見嫉以他事中之謫四川石柱宣撫司經歷清遠竄怡然就道既蒞任承檄署仁壽雙流二邑隨善勦惡俗用丕變又檄視州茶政廉發私

隱黠吏穢魄稍遷漢陰縣今有鉅豪作姦持吏短長所居窟穴湍咀捕吏莫敢蹤跡密設方略檢而斃之繼完城郭百廢具興再遷知楊之通州州臨海有漁蒲鹽泊之利盜劫出沒司徵巡者歲入其賄陽捕陰縱民賈文病至則揭賞購示以威信盜望風散逸境內又安河堤潰決撫巡檄以董治乃內籌規畫外別勤情旬月之間績成庚申擢陝西僉事督餉榆林邊吏有乾沒稽緩者糾懸繩違軍餉不乏邊氓有爭田久訟者兩空其侵怨仇立解時大學士石淙楊公總制邊務議增置茶市以贍軍賦因條客便宜二十三事石淙公并施行之未幾改四川僉事尋擢陝西副使榆林兵備仍兼督餉愛養士卒約束裨校戎乘肅睦邊威赫然軍府多贏積中官欲私取力執不可謹籍以俟調發中官銜之攔于逆瑾瑾矯制逮繫三木長安市長子洪擊登聞鼓訴冤罰輸居庸米三百石復其官理猶覲往謝迨終不往乃嘆御史劾以不勝邊防重寄有詔着致仕歸

楊傑

楊傑字廷俊平定州人成化十四年進士改翰林院庶吉士校編修九年秩滿陞侍講充經筵講官弘治

四年纂修 憲廟實錄成陞司經局洗馬九年充
東宮講讀修大明會典未幾卒賜諡祭傑末第時祖
業悉以讓兄自負甚重人亦以遠到期之而竟止於
是故其卒也人情多惜之

劉淮

劉淮字濬之號西溪代州之崞縣人年九歲而孤家
且壁立毋楊脫簪珥爲膏火費命師邑人程少尹楊
嘗撫之曰劉氏一脉若髮引千鈞幸少樹立不替韜
略之傳卽吾含笑入地矣言旣衣盡沾淮亦跪泣不
能仰視乃益自刻勵嘗曰大文不韋大武不劍遂以

本朝公府人傳

三二

地西文

道馭兵以文經武成化庚子襲蔭張中丞一見奇之
遣入學官由是學益邃博弘治壬子始弱冠卽出守
保安新城心綜理嚴武備大修甲子轉守懷來城時
中丞馬公中錫以懷來爲路衝實需咸索之下曰無
爲免我清白守也遂以官銀三百兩給淮供需不甚
鉅藉自無所染乙丑攝本鎮西路分守一特恩威並
著雍中丞奉性嚴毅少許可每器重之逢人卽曰我
劉某云正德丙寅總制中憲劉公誦薦陞南路參將
丁卯陞宣府副總兵 上賜飛魚一襲府龍門所屬
舊北當久時侵犯奮兵勦之捷報 上嘉悅進級賜

金幣庚午註中府都督僉事御勅佩鎮朔將軍印

宣府以統馭得宜地方寧謐賜勅獎諭及蟒衣金幣
乙亥取回京管耀武營賜斗牛紗羅衣各一襲環繒
有差尋管國營東官廳左叅將時 武皇帝幸邊邊
將輩競起取寵淮獨裁抑退讓 上亦整容待之謂
爲劉夫子云庚辰歲 武皇帝升遐向競進將輩咸
置之理太皇后與顧命大臣以淮不附權幸命視西
直阜城門慰以溫旨辛巳 世宗踐阼命鎮守關陝
註右府都督僉事克總兵官賜制勅符驗金幣鎮陝
一年虜無侵暴人有寧宇常祿之外諸凡悉裁之王
三十八
午疏懇歸總制李公鉞以金幣三百餽贖辭謝之一
無所受後復起取管揚威營提督巡捕京城庚寅歲
又註左軍都督僉事勅鎮守遼東賜制勅金幣在遼
六年招徠夷落振作軍威地方爲之一清建州被虜
者流移高麗王給衣食驛歸准嘉之以文 上勅厚
養國王王感之曰非劉太師 上何以至此其化被
遼人如是明年以引年致仕 上溫旨留之遼之撫
廵及文武致政士大夫在京國子生進貢夷人悉具
通狀留之以故不獲歸未幾有軍變窘辱撫臺淮至
處分乃止途人非淮中處禍變將不止雲中矣後淮

惟自劾自訟人有補其功者曰兵士若是撫臣若是而謂某之功也其謙抑引咎類如此歸里尚康健優游林下者十餘年卒

陳璘

陳璘字邦瑞號一石陽曲人弘治己酉鄉試第二癸丑賜進士授太常博士戊午拜監察御史巡居庸諸關躬歷險阨疏可城守者立將官增兵巡按山東會蔡河淤塞河流逆沒民田匪爲巨浸而稅尚在民璘奏罷之遷浙江僉事轉陝西死馬少卿時少師楊公一清總制三邊疏薦左叅政督軍餉尋晉河南按察使時豪猾交納宗室侵軼法制人咸苦之璘捕獲悉正其罪境內肅然陞左右布政使拜都御史巡撫延綏至則繕城堡利器械足倉庫募戍兵選將校邊望大震丙子虜入寇斬獲甚多有璘衣金幣之賜總兵柳勇叅將李永定交納中貴緣爲奸利劾罷之巨璘江彬勢焰張甚帥臣鉞欽謂之其子以殺人抵獄形欲活之不聽從人相語爲其都御史云數引疾乞歸不允未幾相繼丁內外艱始得解任以歸至嘉靖十七年卒壽七十有二

王源

王源五臺人弘治間進士由主事歷陞西川僉事以政績著正德間流賊作亂提兵捍禦力戰而死詔褒其忠贈按察使

崔侃

崔侃陽曲人弘治初進士歷官保寧知府操守廉明政蹟大著府有疑獄積未決者悉得其情而釋其寃時流賊擁衆欲肆劫掠聞其忤逆璫得請歸田卽引衆避道一方賴免後祀于蜀名宦祠林居三十餘年蓋窮自甘杜門不出鄉人多有不識面者所著芥菴集藏于家

張天相

張天相太原左衛人弘治間進士授戶部主事累官至陝西左布政使積奸宿弊剗剔殆盡獄有疑而久不決者一訊立辨人皆稱其神明

寇儉

寇儉檢次人年二十始折節向學博綜羣籍自經史及百氏探幽發微根極領要而後已雖天寒閣卷坐竟日夜半猶隱隱聞讀書聲早作無倦色弘治間舉進士授大理評事陞寺副駁數多所平反未幾值內艱以憂勞成疾卒儉氣宇沉默局量凝遠制行一以

聖賢爲法人與之接邪僻自爲之消比卒士林咸惜之

白侃

白侃平定州人進士拜監察御史按視南畿條陳六事上深用采納時給諫王徽抗疏劾牛玉及李賢忤旨禍且不測侃率同列連章申救公議重之又巡光祿太倉居庸等處所至有冰集聲官至副憲卒

胡孝思

胡孝思字續宗文水縣人進士爲蘇郡守務在與民休息養以寬和博大之治公暇則遊行湖山園亭題

文廟金台金台

卷之二

三

此西一

墨淋漓遍於崖石累官御史中丞撫河南肅皇帝幸楚咏詩一律紀事刻之石後致政家居者數載矣邑令王聯曾以貪見扑啣之時爲戶曹郎乃指詩中穆天子湘竹句爲怨望呪咀及素有都者咸指爲孝思奸黨奏之上震怒悉下獄論死時孝思年八十矣了無怖畏詠歌不輟衆爭掣其筆曰君正以詩坐衆尚伊唔何爲孝思振髯笑曰坐詩當死今不作詩得免死耶久之上怒稍解詔廷杖三十放歸時有贈以詩者方病瘡甚呻吟不絕猶口占答之

吳嘉會

吳嘉會字惟福號南野代州人嘉靖甲午舉鄉試第一明年遂成進士授行人轉比部郎有盜夜殺人囑上赦其貲賊曹拷掠旁近人具獄心察其枉特令頌繫而陰使人跡盜盜得賊曹坐穢官從此有聲郎署聞矣辛丑樞山東僉憲歲設法賑之明年虜深入太原計以臨清海岱間都會議城其外郭簡練材武士以待虜止不來甲辰小清河決築長堤扞之民免壅溺詔賜金綺轉本省參政青州家民糾衆數十百人半礦利直指欲擒以爲功嘉會曰此屬片微可解急之恐鋌鹿走險耳不聽豪果與顏神太盜合執吏

逆顏行而始悔不用其言單縣妖人楊惠等聚徒數

千僭署將校流劫四省官兵攻之不下嘉會單車詣

畢宣言曰棄仗走者爲良民不且孥戮衆烏獸散獨

兇渠數十人未服縛而僕諸市東土以寧官像祀焉

丁未陞憲副改備天津庚戌虜闖入薊塞直薄都城

薊守臣被建即日超拜嘉會右僉都御史整飭薊鎮

邊務至卽條上更始善後十二事日夜兀戰守具起

居庸盡山海關剏修石垣四萬丈甃敵臺封埃二千

六百座有奇卽其地分爲十區區設叅遊兩將軍分

統健卒合之凡八萬人人予怒馬堅甲長戟利鐵軍

谷熾然一新於是虜犯河防提師擊起之虜二十萬騎入潮河川設大營待之二酋並馳而前應弦倒乘其亂擊之斬殺無算虜宵遁虜萬騎從馬蘭峪入寇約大師逆戰於郝家莊斬首虜獲器畜大捷而還虜再犯古北口伏兵隱中而設火器于山巔虜夜至伏起砲發自相蹂踐而去虜寇昌鎮發健卒於大石巔虜至我軍下礮石連斃數酋計窘却走鎮虜七年虜匹馬不得入塞事聞先後賜金綺者五廕子錦衣千戶者一國子生者二晉貳本兵關六師校諸將材武無賜羊酒且大柄用而爲相蒿所忌中讒罷歸歸三

六

十六

十六

十六

十六

十六

十六

十六

十六

十六

十六

十年卒壽七十有七 神宗登極極追念邊勞遣官臨

祭營兆域

孫 璽

孫璽字廷信代州人明春秋深慕荀息之爲人少舉於鄉初令諸城改令扶風有治績正德六年蜀盜寇漢中略陽漢中要道也都御史集省臺議略陽知縣嚴順儒扶風知縣毅而多知可以集事遂檄璽往城略陽順耻之百計撓其所爲璽周行相地布令于民期一月而城成未屆期盜卒至城已成三面東門尚未竟順曰城必不可守易亡城中人亦譁欲亡

璽撫佩刀研坐几曰敢言亡者視此几盡出城中弓矢令賈與隸卒持之登城礮石積城上如阜以水沃鹽披之障矢命令若丞簿尉各守其一門而東城之未完者璽自守晝傳食夜張火鳴柝警鉦周視無懈賊攻三日弗克已欲移去會執告急者發牒知城中窘甚復悉衆環攻之已而順奔城陷賊執璽殺之太掠三日而去順渡江還牘報曰與扶風知縣偕奔而璽溺于水取江濱一尸棺之還其鄉其子暨族人放視之非璽也乃走京師投牒以辨事下御史王廷相治乃得實奏上制贈光祿少卿賜祭廕一子入太學

本朝

本朝

本朝

本朝

本朝

本朝

本朝

本朝

本朝

本朝

本朝

本朝

本朝

本朝

張 鍵 張鍵字君重石州人正德丁卯薦於鄉明年舉進士授南京戶部主事忤逆瑾逮至京師以義命自處竟

不爲屈調衛輝府通判典境內稅事務爲緩輯歲額登而民不擾值河水漲溢壞民居承委治之疏壅峻坊曲盡其法水患以息瑾拜復戶部主事督脩天津值流賊奄至勢甚猖獗兵備副使陳公天祥提兵禦之鍵爲居守登城堦衆晝夜不息卒保無虞劉州莊田累經奏賸有司弗能決銜命往勘躬履疆畝一一爲精覈歸其侵於民權勢斂迹人皆之河套虜入

寇關西大振長沙彭公澤承鹿邱公璋相繼總制軍
事諸鎮皆空虛之使相屬于路召商易糴兼搜
積遺不遺餘力轉輸千里士無餓色會蘭州大侵死
者枕藉卽俟粟賑之親暖以粥活者甚衆事竣東歸
蘭民達泣去則思之勒其事於石繼延綏報警復從
統軍都御史陳公天祥給餉邊人聞之喜曰此前張
石州也吾輩何憂名益籍其等提開封府治隸郡縣
四十餘文移旁午揮遣如流尤以漢字爲先事有不
便於民必釐革之雖疆禦弗畏飾吏以儒宗學政養
士風務底成效諸生有弗能自給者輒周以粟並恤
其婚姻鄉黨故有亭亭下有池辛巳秋忽有蓮盛開
人以爲瑞而乃不久逝矣卒于嘉靖壬午年四十有
六

張文明

張文明字應奎陽曲人正德辛未進士授行人拜監
察御史出按遼東斥奸植良人畏而悅之虜犯邊鎮
巡官皆畏縮力主進兵連戰大捷斬首百數十級虜
懼而遁丁丑按陝西發中官廖養食橫捕其黨二十
四人寘于法明年武宗西幸上書切諫指斥權倖
謂江彬有可斬之罪十并謂諸司官有如泥塑紙糊

之語大忤朝貴譴罷白縣典史世宗駭極召錄言
官復御史原秩造朝甫旬日具疏請辨忠邪端治本
未及奏語泄爲時宰所嫉出知松江府都御史李公
鐸抗疏言文明忠謹當置之廟堂以作忠義之氣不
省文明北人不習南中水土又舟次蒸鬱涉江而瘴
發於背至郡甫視事一日疾劇竟不起卒之日竟索
冠帶東向端坐而逝須臾大風河兩飛屋覆木江水
皆漲溢人莫不傷悼之按使者謂以忠直抱鬱而死
宜贈官廕嗣以彰其節詔贈光祿寺少卿

党承志

党承志字汝孝號牧川忻州人正德庚午舉於鄉明
年連擢進士授直隸保定府推官蒞以明恕疑獄立
釋枯終者不稍貸居三年故俗大革其治行稱天下
第一乙亥徵拜刑部主事會吏部司屬缺員朝廷慎
簡諸曹更補太宰陸公獨器承志奏調驗封主事乙
卯武宗西幸具疏謂朝政紊亂威柄下移宜親賢
遠奸恭默圖治零奪千餘言辭過激杖於闕下未幾
陞稽勳司員外郎嘉靖改元預修武廟實錄是冬
克晉藩冊封使卻餽遺奏未陞驗封郎中甲申議大
禮抗疏忤旨復被杖繼調考功再調文選先是選法

垂於請託銳意裁抑凡銓除擬注各量才器權貫惡其厲已深銜之丙戌擢通政司右通政提督武職錄黃丁亥簡災異詔求直言上疏條陳者四曰節財用減徵需餉遊防練兵卒皆切中時弊權貴不悅遂陰諷言官論列然無瑕可指止攻其峭執竟坐罷既歸杜賓客絕交際與二三逸老遊眺川壑怡神自足彈冠之念泊如也先後撫按薦起凡十數已亥詔用屈漻吏部合臺諫疏其儒術弘深特宜甄錄不果或勸結津要謝曰行藏有命君子貴守道不辱身枉尺直尋吾不爲也庚子北虜內寇郡城卑且壞亟白撫臺檄令增築民樂輸其力工成特以無恐又捐賞舊古文昌祠輪奐孔飭別構堂數楹羣諸子姪及鄉之俊秀課業於中挾策鼓箠洋洋而興焉天性夷曠篤於倫理事父樂軒公曲盡愛敬弟承賜進監察御史卒於官恤其族字遺孤如已出處鄉人底裏洞見恂恂若無廟廊貴者居常博覽強記自經史百氏以至兵刑律曆象緯堪輿之說靡不該貫故其文涵肆演迤蔚然成一家言詩尤縝密淵粹得唐人體後學爭傳誦之晚著忻州志若干卷年七十有三髮澤面皤皤錄無情容俄頃疾作翌日遽卒

侯綸

侯綸太原人生有異質遂于易學正德間進士任戶部主事禮部郎中擢湖廣副使伸雪冤獄督大工費出有經民不知擾值歲饑上饑民圖民復賑以蘇官至戶部侍郎子汝諒舉進士歷官都御史亦以廉能稱

陳臯謨

陳臯謨代州人少以學行稱正德庚午解元登辛已進士知三河無錫二縣有惠政擢給事中劾席書謂仁孝之至本自聖心不當貪天功以爲己有又論武定侯郭勛不宜挾公論以快私忿己丑同考會試時稱得人

王政

王政忻州人家貧有學行正德間鄉舉授許州訓導講學淑人士心感服擢福山令清苦仁恕時多異政民給像立去思碑官至工部郎中以剛正忤權歸居鄉多厚德高誼士林推重

喬穀

喬穀樂平人進士選庶吉改給諫糾正官邪規切時弊爲時推重歷官工侍始終一節其敷望最著云

寇天敘字子惇榆次人藐而孩卽不喜嬉戲五歲時
母趙淑人病久髮髻拂家人欲剪之敘曰是不可毀
傷及卒哀毀如成人禮十二旁通舉子業稍長名煒
燁動三晉弘治辛酉舉子鄉卒業太學尚友天下士
而與馬伯循呂仲木崔子衷切劇聖賢之學以躬行
力踐爲本正德戊辰登進士第尋陞南大理評事每
錄囚務矜恤讞疑理在多所平反有勢豪橫殺人出
家人代伏其辜敘評之曰天道神明獨誰欺乎乃駁
奏竟抵其人之罪不畏強禦尤憫憫然留都人人知

憲許事會南京曹官得舉科道起者恐後天敘曰官求盡職何必科道耶獨不赴布袍羸馬晏如也既考績部院皆著上考丙子陞寧波知府府巨室能說是非成敗人敘曰吾惟知爲國恤民爲民恤財已矣是非在人成敗在天則何能知徭役稅糧宿弊叢積首釐革之利固不與強每肉弱乃抑其強而弱是植丁丑百穀不粒糧額如故民患之乃白於部使者米得折銀官而易輸官欣欣稱便且禁遏公役人無落鄉勾稽以重民之擾事惟期會而已俗竊於訟每一投牒卽盈庭聽斷無宿案而日以簡省有董孝子祠祀

以女人飾非禮也亟踣之祀先師教演大成樂庶幾洋洋之音尤專意學校每進諸生訓以德義器識之大者而論文務崇理致士經品題者多取科第顯顯鄉風已邛陸應天府丞氏憫憫然如失慈母迨至應天會府尹缺卽攝府事時寧庶人反武宗御六龍詩賊庚辰春駐蹕留都權聲怙寵提督江彬尤鴟張所過率以重賄免於禍守臣亦諷路之對曰與其行賄敗節率得罪何傷彬洵洵每務持迫之屬有不可行之事指畫利害與之抗論多所中止中官勾奴婦善音者數百人拘之別室以備供應饑餓疾病累累

迫於死言於彬而釋之常以事觸彬怒令人偵之迄無短可持偵者乃勸往謝彬竟不往而彬亦不能有所加也其他權嬖所需重沮之日俟而奏與即與爾皆莫能誰何 駕北旋諸守臣送之維揚即得還天敘迺遷於淮安坐不行賄爾是時江南諸郡皆綠迎駕厚敘民而乾沒其間 駕駐留都凡九月費且不貲一一出經畫而民不知亦不病也壬午嘉靖紀元應詔查舉內府神帛堂十庫及花園選鮮諸冗費謹敷奏之百餘年之弊一旦而革甲申饑饉人相食多方賑恤鄉落散米粟城中者粥以舖之寫復大疫施

醫藥周視閭閻或勸止之嘆曰我爲百姓滴豈干耶
治應天四年餘百姓恃以爲命是年陞左食都御史
巡撫宣府已復改撫治鄧陽未幾又改甘肅節制甫
臨虜騎犯山丹指揮將士遏其鋒斬首首脫脫小兒
及部落三十六級威名遂震甘肅荒徼諸司往往矜
之凌蕩法守敘訓人以廉德樹素絲之風而先之太
監總兵官役軍雜草輸之官廩所給值價一到則盡
奪而有之乃榜令軍交草於官官交植於軍毋勿落
他人之手屯糧額外有科並嚴其禁又每團軍士較
其技勇懸銀的而令射之諸所俘獲賞必及其功買
功賣功悉論罪殞於鋒鏑者尤加之意什伍之衆相
相有鬪志先是回夷土魯番侵軼酒泉郡廷論開關
絕貢且二年餘彼譯文求和辭涉倖嬖天敘議曰彼
夷勢必求通於我而我無終絕之理能絕其貢路矣
將亦絕其人寇之路乎但彼夷策驚不大挫劔之則
朝和夕叛無益是宜聚糧犒師以張我捷伐之威以
堅彼夷悔禍之志然後議和則操縱在我而不在彼
庶可恃以無虞又總制軍門欲遣使傳檄詰責土番
送出哈密或聽選擇一人主理國事獨執不可以爲
祖宗開闢立哈密而飲世世守之難被占據終我地

卷九十九

四十一

山西

祀若廢置由之則地彼有之矣豈春秋正侵疆之意
乎况倉卒遣使而爲彼羈留如團體何乃削去聽爾
選擇立王數語直付進貢回使執之去此皆長久之
計也又請御經筵親羣儒講求治道又以嚴清戎謹
備禦廣屯種添京遠處物料添軍器分部官七事爲
備邊要務皆請行之丁亥陞右副都御史巡撫陝西
關中兵荒地貧民艱孔亟事務安靜養民輕徭薄賦
節縮費用以紓其力吏習日桃申飭官箴以警之而
貪暴之吏必斥弗貸且訓練軍士作其敵愾虜薄固
原鼓而擊之斬首一百有奇捷聞 聖書褒與陞俸
一級兼有文綺白銀之資戊子春會織造太監至行
部之臣議奏罷之敘曰意則美矣但初到逮奏恐即
不罷將益張其焰爾事各有機姑待之可也是歲大
稔陳乞廣捐糧額大發帑銀兼支引鹽皆得請旨曰
吾民生矣乃夙夜皇皇周咨長慮講求善法手提其
綱簡庶僚而分任之凡所以祗承 德意而康濟斯
民者無遺力故民雖嗷嗷而卒之溝無瘠道無殍又
疏織造太監非荒年所宜設非饑民所能供果得報
罷其精於慮事類如此庚寅陞刑部侍郎遭外艱歸
大臣臺諫各騰章薦其可大任癸巳服闋改兵部侍郎

卷九十九

四十二

山西

謝天下想聞風采以疾在告雲中變作力疾上疏有
言叛軍桀惡怙終宜彰天討乃陳分別善惡與縣賞
格諸方略憂時之心雖病不忘已而疾殆竟卒年五
十有四性孝友敬在大學時俸聞父穀菴公有疾裹
糧而馳歷六晝夜跋涉千餘里而抵家躬視湯藥疾
遂瘳自是無離左右迎養於四明於留都於關中痛
淑人蚤卒每言輒嗚咽忌日痛哭如初喪中丞張南
川稱其寬而不縱嚴而不迫大不遺遠細不遺近涇
野呂宗伯稱其行已省身可與神明質可以知其槩
矣

孫紹先

孫紹先字汝宗代州人父璋舉鄉試第二汝宗始能
言輒取書筆爲戲五歲能屬對七歲能文十三文思
迅發書過目不忘提學副使王鴻儒閱其文大奇之
鄉試舉第一連舉進士改翰林院庶吉士授檢討充
經筵官歸代州卒年三十四紹先長身方面目視不
能及遠天資警敏方直寡比非其志雖大貴人不能
屈發言必信已志不以一毫徇人明于世務遇事方
作譬作事者意所嚮輒逆之曰某何某何已而果然
然中少容有不平厲于言色不惜其人之弗能堪也

晉曰應物能化聖人之厚也鳩中館外儉人之忍也
吾上不敢望聖人而下耻儉人之爲吾雖以是獲大
矣然吾心無他焉初治易旁通四經大義讀諸史及
濂洛家言暨入翰林讀左氏國語暨秦漢人書每日
六經未易及必欲爲文此其矩矱故所作古健而辯
發意會旨轉相承乘紹先治經不皆用傳所摘發皆
大義不以一言一句爲異曰古者以行爲言故其文
簡而中後人以言爲行故其文煩而僞彼爲傳注之
學者自壯至老而見猶未定也其皆聖人之意耶汝
宗所爲字辭序記碑表書贊凡百餘篇弟遠宗亦入
翰林官檢討

張珩

張珩石州人正德辛巳進士授監察御史累陞大理
寺少卿僉都御史巡撫延綏尋遷南京都察院右副
都御史提督操江未幾召入協理院事進左副都御
史會宣大總督罷廷議屬珩珩以鄉曲辭爲言者所
指落職久之以原職起巡撫寧夏遠兵部右侍郎兼
右僉都御史總督陝西三邊前後獲首功甚衆上
數賜璽書金幣勞之進右都御史居數歲拜戶部尚
書督理太倉未至值虜寇延綏坐失事被逮謫戍慶

陽已復起爲副都御史巡撫延綏遼前職丁母憂歸卒于家年七十餘所素履修潔器識弘遠尤博綜羣籍爲御史時會講官缺輔臣有謂珩才行可充侍從者欲推轂入翰林珩三疏力辭不就時論高之計聞賜祭葬贈工部尚書諡襄敏

謝蘭

謝蘭字與德代州振武衛人正德己卯舉於鄉嘉靖丙戌登進士授真定府推官適詔清三官皇庄承委踏南宮寧晉二邑地瘠多水患主者欲益畝賦力爲民爭主者怒蘭毅然曰吾寧獲咎於上司不忍貽

公明人會公考

卷九十九

四十五

小民千戶之害會臺諫直其議主者竟不能奪自是直聲大起二邑民立祀尸祝焉旋取授御史出按遼左肅邊紀數功罪遼鎮以鐵面稱繼按浙省貞肅有體簡禮於時宰乃外補山東臬司僉憲時運河塞承部委疏濬底績奏聞加俸一級歷陝藩泰權河南憲畏左轄所至以廉明稱遇督撫觀察咸數其德望勞績屢騰薦剡嘉靖丙午推授右副都御史巡撫陝西陝地外供三邊西徭番慶兵民事繁疏上方略陳安攘大計數事上俱許可居常嚴軍實括民隱無廢防邊嚴吏寬民省財恤將靡不究心率作陝士民訟

之歲丁未秦隴大饑民嘯聚山巖劍閣道阻請帑賑恤率諸屬陳兵諭盜咸解散捕其渠魁三五人置之法民賴以全活者鉅萬奏聞上嘉其功晉二品俸賜金幣會督臣誤議復東勝簡力言其不可謂必狹禍殃民貽西顧憂時藩臬中一少年迎督臣意以抗之蘭卽大計直指其罪狀則斥去時朝議未定矢以去就爭之未幾督臣得罪議遂寢人益重其忠諫有執云疏謝病歸詔不允己酉秋陞工部右侍郎尋以考績詰封蔭子庚戌轉貳兵部是歲秋虜犯近圻肅皇怒罪建本兵左遷蘭南京太僕卿尋賜

公明人會公考

卷九十九

四十六

以原職致仕歸山課子耕讀悠悠泉石忘其貴顯與諸鄉先生爲社日以詩文自娛每聞國家有變故輒戚然憂形於色得古大臣體莊皇帝立詔晉階一等七十有九而卒

唐寬

唐寬字栗夫號象山平定州人嘉靖乙酉領鄉薦明年春下第篤志問學不休壬辰登進士筮仕永平府節推明慎用刑凡所推鞠無不得情者三載考績陞刑部主事歷員外郎中奏劾恤刑陝西平反甚衆壬寅陞懷慶知府會民疲其寬薄稅省刑鋤強扶弱時

鄭府官役倚勢凌虐平民每執而杖之又有鄉官掘城土造屋罪其家人獲其車牛百姓稱快因被毀於憲司稔知廉節竟莫之信也且以造毀之人語之後與數者遇諸席絕口不言禮貌如初其人深自慙愧爲政三年百姓富庶教化大行丁未陞肅州兵備副使肅近玉關番漢相雜素稱難治寬爲政不剛不柔撫綏有方夷方畏服不敢爲暴有獻遠物者即卻絕之由是遠人益畏邊圉寧謐時有無碍紙價千金例官取入橐寬毫髮不取有勸之者絕然曰若教我爲不義耶遂以贈公用戊申陞陝西行太僕寺卿丁繼

本朝分省人物考

卷九十九

四

風六

一行至見南京景物宛如夢中嘆曰吾夢既應終此矣遂於是年歸越二年卒

潘高

潘高字子抑號春谷寧鄉人自幼以才顯名年十九登進士第授大理評事當是時朝多賢士大夫文章政事各以所長相高而其篤志好古者則又相聚以講良知之學視文與政不屑爲而彼亦詆此以爲偽勢幾不相容高盡遊其間論確詞辯莫可窮詰諸前輩相視以爲重於是名益聞然忌者亦抑衆每諸司有所建白其詞稍不襲故常輒譁曰春谷筆也出之

本朝分省人物考

卷九十九

四八

山西

陝西歸年以前大理罷官其祿食僅九年年二十八耳既罷論者咸謂處之太過高亦痛自懲思盡屏去華藻以就精實士大夫乃更賢之凡持節蒞晉者交章以薦竟格於例不果用以嘉靖丁巳卒年四十有四

周鈇

周鈇榆次人父文德醇怒有賢行鈇嘉靖間進士任監察御史杜奸弊出濬禁巨寇欽服出按陝西規畫邊備允協時宜濬通渠馬後改官僚以陳言遷事遠謫復起國子監丞遷吏部主事公黜陟絕請

託薦紳畏其節以抗疏出知河間竟落職家居不通
官府出閭巷徒行如布衣

人物考卷之一百目錄

山西平陽府

蘭芳

王翰

石撰

暴昭

李祐

蔡瑄

辛彥博

衛子剛

袁泰

陳琦

薛頌

史誠祖

周麟

郭睿

張福

劉元貞

史善

王約

張琦

陶銓

柴良

邢讓

衛英

李景

劉琰

王衡

張琰

暢享

李嘉

薛瑄

韓文

李進

韓重

史英

陶琰

李瀚

山西平陽府

李浩

文皓

王文

張翰

吳珉

陳孜

王泰

楊謙

郭韶

劉變

馬駢

張潤

成文

史魯

楊守禮

趙載

陶滋

景漆

亢良玉

陳韜

許翔鳳

劉憲

劉翀

楊瞻

崔吉

王珂

喬瑞

李錦

陳希良

張鵬

楊博

王與齡

梁格

裴紳

劉廷臣

王崇古

楊俊民

張四維

晉應龍

覃應元

山西平陽府

張夢鯉

邵光先

王家屏

趙三聘

衛瑛

補遺

劉翀

王炬

王佐

本朝京省人物考卷之一百

山西平陽府

蘭芳

蘭芳山西夏縣人儻濶達有大節讀書通今古重義薄利不以富貴貧賤動其心洪武中舉孝廉校刑部員外郎陞郎中上卽位陞吉安知府先是金華朱仲智爲吉安知府寬厚廉察剋革吏弊體賢愛民民甚戴之會被召改重慶知府民思慕之而難其繼者已而芳至寬厚持大體而明習吏事旋無滯積民有告訐者數語立決吏無所容其姦芳以愛民爲心而處事曲當民更大喜吉水有無賴民詣闕言縣有銀冶烹煉可焚厚利朝廷遣官以其人覆視既至父老羣訴於芳曰卽用無賴言吾屬父子兄弟不能保而邑有無窮之患矣芳曰銀冶誠有之乎曰無之但聞故老云宋季時邑有姦民妄言銀冶於朝者後坐誣罔之罪今芒芒山谷上者樹松栢下者藝木稼豈嘗見有所謂銀冶太守如疑我言詣闕告者在此請指說銀冶之處我等甘罪芳惻然顧告者而問之噤不能對父老趣之對卒無對父老又言此無賴人平日所爲罪惡累累皆應死其在傍聞之惴慄方

日母恐罪皆赦前今獨聞汝銀治有無耳告者即叩頭告實言我愚昧人而居鄉素貧誠不甘本鄉之人皆華衣美食揚揚未嘗齒我也妄意禍之以至如此死罪死罪惟太守吾父母何以生之芳爲草奏大憲請告者嘗聞故老言宋時說銀治事而朱及詳輒率意上陳今詢邑人長老皆云率未嘗有銀治即不實甘受獄猶言人人同謹以實聞同官或不肯署曰朝廷治銀治吾輩敢方命耶奏入如不信胥受罪矣芳曰吾輩奉命守此土非以爲民乎今聖天子仁明在上如天日諸公乃不以直道効臣節耶有罪芳請

之制分省金卷之二

二

山西二

恩慕賢守必日朱蘭朱蘭云

王翰

王翰夏縣人洪武初以明經薦除本縣學訓導歷河

南鄭陵縣學教諭永樂初周玉保陞府教授入爲翰林編修後調廉州府學倭寇攻城翰率生徒抗敵昌刀而死所著有敝帚集梁園寓葉子礪永樂乙未進士除工部主事陞遼府長史左遷蒙陰知縣致仕歸教授鄉閭後仕進者多出其門孫玉正統戊辰進士除安肅縣知縣陞知大名平涼二府致仕

石拱

石拱山西平定州人洪武中爲寧府長史靖難師至所過郡縣皆下拱在大寧獨欲爲守備計及北師攻拔大寧執拱終不屈遂支解而死

暴昭

之制分省金卷之二

山西

暴昭平陽浮山縣人洪武中以薦舉授北平布政司泰政二十八年陞都察院左都御史二十九年陞刑部尚書三十年五月奉旨取大誥條因附載於律名曰大明律詔上御午門諭羣臣曰朕有天下做古爲治明禮以導民定律以繩頑刑著爲令行之已久然法在有司民不周知故命刑官取大誥條目撮其要略附載於律凡榜文禁例悉除之除謀逆并律語該載外其雜犯大小之罪悉依贖罪之例論斷今編次成書刊布中外今天下知所遵守刑期無刑底

初朕怡刑之意六月署駁平訟理二條諭因上諭
昭等日人言法家少恩此後世用法之通朕親唐虞
之世好生之德洽於民心安有是言哉爾等每論因
雖詳其致罪之由然一時裁決恐未得其情自今論
囚惟武臣死罪朕親審之其餘不必親至朕前其無
罪應釋者持政平旌宣德意遣之繼令法官詳加審
錄寬者即爲奏聞無寬者實犯死罪以下悉如律其
犯死罪者准贖革除二年充採訪使至北平知有變
亟歸言於朝靖難師入京執之不屈上怒命去其
次手足次斷頭而死

李祐

李祐平陽安邑縣人以孝行重於鄉爲時宿儒洪武
十三年以吏部尚書范敏薦其賢召授四輔官兼太
子賓客未幾命祐司春季三月皆中旬十日太祖
諭曰古以三公四輔論道經邦變理陰陽順陰乖
陰順陽戾者有之是由逆理而使然也今設四輔恐
上者親分善惡累時序之不常時以四季均職於四
輔又以上中下三旬人各司之設若上帝福善禍淫
變易爲殃着所司者比之混殺豈不利哉特以四輔
所司明述於後以驗雨暘時若也祐同杜敬等侍食

殿庭賜衣三襲後以老疾還鄉甲子丁卯庚午三科
考本布政司鄉試衆稱其得人未幾以疾卒於家

蔡瑄

蔡瑄山西蒲州榮河縣人洪武十三年以國子生授
殿廷儀禮司序班尋改鳴贊十四年陞司正十五年
起拜通政使司左通政賜衣一襲尋陞通政使爲人
警敏善奏對勤於職事故爲上所眷厚二十年八
月以疾賜還鄉里至高郵州卒上親製文遣祭賜
銀五十錠復其家德役三年

辛彥博

辛彥博山西汾州人洪武二十年應貢補太學生擢
監察御史歷浙江陝西江西三道二十九年陞都察
院左僉都御史本年改少詹事三十年復除都察院
右僉都御史永樂初降湖廣道御史三年陞山東按
察使事改雲南左叅政調浙江五年乃陞浙江按察
使六年又降山東道御史九年陞福建左叅議十三
年陞浙江左布政使後卒於官彥博爲人坦夷平直
至臨事侃侃無所避爲御史以盡言規時政屢稱
上旨爲都御史憲度嚴明恩威兼著故所至咸著顯
績云

衛子剛

衛子剛蒲州人敏而嗜脩耿介特立爲鄉里矜式
國初有司累薦其才以疾辭不就年八十三猶執易
詩資治通鑑爲人懇懇講磨不倦學者稱條山先生
子寧達於詩隱居養親善啓題後進俱有詩集文稿
藏於家

袁泰

袁泰萬泉人洪武初進士授湖廣鄧縣丞果官有都
御史處心廉直執法不移理枉伸冤祛除民害一時
善良獲安奸吏慄不敢肆

陳琦

陳琦霍州人洪武中舉人任和州知州有善政男女
異路固圉空虛庶乎古之循良後以長吏致仕壽百
有七歲

薛頌

薛頌河津人洪武中舉人任元氏玉田二縣教諭尋
召爲侍從官進講書經大禹謨感動宸臚改榮陽
縣學上親製勅券給符驗期以重用再歷鄆陵河
內一縣學所至卓有師模士翕然宗之

史誠祖

史誠祖解州人洪武末以人才任山東汶上知縣老

成敦厚勵志廉公平賦均徭勤於撫字政清於簡境
內稱安文皇帝過縣稱爲循吏因撫其背曰何以
得民心如此特降勅褒獎陞爲濟寧州知州仍掌
縣事賜織金紗衣一襲鈔千貫誠祖遂縉御手於
末肯在任四十八年壽百有十五歲汝人立祠祀之

周麟

周麟臨汾人幼嗜學博通五經永樂初鄉舉第一授
清豐教諭造士有方陞肅府教授輔成王德與方伯
執中講論理學有河汾益友之稱一時縉紳出其門
者甚衆有詩文遺稿

郭睿

郭睿霍州人性至孝嘗從李白雲曹端講明性理之
學永樂甲午鄉舉任南城兵馬指揮尋聞父喪徒步
奔歸以不及治葬爲痛迷廬墓側復有白兔穴於廬
次馴若家畜曹端作歌以表章之

張福

張福蒲州人永樂庚子舉人歷醴泉華昌鳳翔學官
陞國子助教出知平度州以績最蒙恩給諸旌異
天順初入覲會朝廷簡守令之賢蒙賜宴資尋

陞大名知府卒於官平度民立祠祀焉子侃由舉人同知西安府善剖決爲政有聲

劉元貞

劉元貞翼城人性至孝父平授宜黃知縣卒元貞哀娶喻禮既葬廬墓三年羣鳥馴擾瓜蒂開蓮永樂間有司上其事詔旌表其門

史善

史善解州人宣德中貢士授邯鄲知縣清謹自持甚有惠政陞肇昌府通判不阿權貴致仕家居州官行不法者數以直言勸阻邯鄲人立祠祀之

元朝分省令卷之九

卷一百一

山

山西

王約

王約猗氏人父早亡母牛氏遭風疾不能動履二十餘年約朝夕扶持躬侍湯藥不怠比母亡安葬如禮廬守墓側寢苦枕塊不飲酒食肉者三年正統初旌表其門

張琦

張琦安邑人正統中舉人由寧陽教諭陞高陵知縣在任四年典刑除害專以孝弟教人雖有詐名養親者亦蒙獎勞若訪獲逆子奸猾輒寘之死於是頑夫悖子皆逃他境天性忠廉剛正而面貌蒼古人稱鐵

臉瀕死之日囊無羨貲悉欲啓庫取耗金以贈琦曰此豈人所爲哉吾有數子耕者自能力田讀者自能力書足矣即取其管鑰并符籍付丞而死子岫舉進士官至都御史剛果有政績

陶銓

陶銓絳州人正統乙丑進士授行人舉命至太原會中官王振亦至聲勢烜赫銓竟不往謁歷陞陝西叅議愷悌宏博有長者風繼乞致仕與諸里居者爲九老延齡會夜有盜持炬入室見所有惟敝書舊衣竊嘆而去有司欲窮治銓曰彼以貧來值吾貧而去

元朝分省令卷之九

卷一百一

九

山西

奚究焉

柴良

柴良襄陵人正統丁卯舉人除廣安知州在任廉潔自命嘗捕殺寇攘寇銜之結無賴謀爲禍夜報寇至左右請避之良曰吾清官也寇至何爲且郡章將誰屬耶徇懷章坐中堂竟遇害郡人哀墓爲立祠祀焉

邢讓

邢讓襄陵人外樸內明敏於文藝書法得李北海體正統戊辰進士選翰林庶吉士陞修撰成化初超拜國子祭酒尋擢禮部左侍郎主考南京鄉試擢得文

獻通考諸書數百部遺之邑庠以惠來學

衛英

衛英洪洞人景泰中舉人除鳳翔府通判兩遷至開封知府謹災蠲費務在全安小民居官不以妻子自隨歲所支俸錄皆付庫吏拿籍衣服車馬非敵不更造時人語曰有趙抃之清而少琴鶴有包拯之嚴而多仁恕一時治行以廉稱者英爲最焉任滿九年以河南參政致仕累薦不起父母沒俱廬墓三年早失怙儻守義四十年不再婚遇撫韓邦奇堅忠孝廉節勞以表其門

本朝分省人物考 卷二

李杲

李杲安邑人景泰丙子舉人授清水縣學教諭恭勤博覽嘗從學薛文清而德行粹白詩人多以理學師之

劉瑛

劉瑛襄陵人年十歲喪父卽知哀家甚貧事母幽盡其誠後母疾不能動履瑛常背負出入母卒不飲水樂者三日以禮殮葬廬於墓側三載面垢髮結日食僅粥親識有饋悉分散不少留蓄天順間旌表其門

王衛

王衛稷山人天順中進士知淳安縣屏豪胥黥隸裁省軍需獨不經之費以廉能稱權監察御史巡遼東清理北畿軍政累條陳時務及劾鎮撫不職侃侃有奇節出守松江廣平二府陞浙江參政轉陝西左使所至孜孜民瘼剛方有爲凡利富與蠹當去者雖阻以權貴弗少挫竟以被誣歸宅第隘陋不殊爲士日時以此高之

張璉

張璉字廷佩平陽府安邑縣人天順間進士選庶吉士改授浙江道御史咸化時外戚萬氏恃貴妃寵幸權輒中朝璉疏陳其十惡詔過激懲謫占北口驛丞稍轉邑令磊落之節百折不回凡有便于民者卽當道沮抑勢要剛制畧無諱避必直伸已志而後已數年之後民咸歌誦之果陞太僕少卿卒

暢亨

暢亨字文通平陽府河津縣人天順中進士授長垣縣知縣大有德惠於民以治最徵拜陝西道御史巡鹽兩淮巡按浙江大著風裁斥貪懲墓時鎮守太監張慶忒威煽虐茶毒浙民亨疏劾之反爲所中傷諫淫陽知縣旋以外擢卒于家

李嘉

李嘉字允堅平陽之臨汾人天資凝重不妄言笑自幼卓有立志事親孝稱長縣大夫選補邑學弟子員前大學士董公倫時爲學教諭嘉從役業日暮自勵所授書率誦讀數百過四書注釋雖老不忘已而念家貧親老丐罷歸侍養爲師者初惜其去遂獻詩達意其辭懇切師憫而從之後選奉祠所禮生事太宗文皇帝於藩邸敬恭祀事恒致其誠無幾父憂哀毀動人終喪不飲酒食肉賢父手澤未嘗不流涕而養母愛敬兼盡初世父希賢死於兵無子倉卒葬葬念及輒悲竟卜吉壤備禮而葬焉 文皇帝靖內難預效守城勞時南兵逼城城外民有負母入城無所依者避舍以處之且食之粟民母子得全其急義率類此難平錄守城功召至南京有司奏校鴻臚寺序班數月 上親擢爲過政司叅議且面諭之曰以爾誠實故擢實要地必勤必慎毋忝朕命嘉益盡心乃職一日奏事畢自陳臣有老母在鄉里無兄弟侍側願躬迎母就祿養從之既至時初建北京奉命董運木之役於河南鄧州智慮夙夜不憚後喪母哀毀如喪父詔賜棺及驛舟歸其喪服闋仍前職遂扈從

北狩自是巡狩皆預扈從後坐累左遷鴻臚寺丞

仁廟御極陞左通政使又坐累左遷未行 英宗嗣

統復選政使改北京刑部侍郎念其老不堪繁務又

改禮部侍郎雖精力日衰猶勉強蒞事未嘗少間再

歲以疾間賜勅褒諭命致仕又數月不起享年七十

薛瑄

薛瑄字德溫世爲山西平陽府河津縣人父貞洪武

初年領鄉薦爲真定元氏教諭母齊氏夢一紫衣人

謁見已而生瑄祖以生時卜之吉日此必大吾門重

時教之詩書輒成誦日記千百言及員改榮陽教諭

瑄待行時年十二以所作詩賦呈監司奇之既而臨

魏范深於理學乃禮延於家供子弟職日與講習性

理諸書父之嘆曰此道學正脉也遂焚其所作詩賦

專心於是至忘寢食永樂己亥員改河南鄆陵時教

官考績以科貢多寡爲黜陟員大以爲憂瑄乃補鄆

陵諸生遂中河南庚子鄉試第一明年辛丑登進士

第以省親西歸是歲秋貞有疾瑄日夜不離左右及

居喪一遵古禮服闋謁擢雲南道監察御史出監湖

廣銀場瑄開前監者多致當至則黠貪墨正風俗手

錄性理大全一書潛心誦讀每至夜分方寢或思有

所得卽燃燭記之或通宵不寐味而樂之不知手舞足蹈也六年丁繼母憂十年服闋正統紀元提調山東學校瑄欣然曰此吾事也首以朱子白鹿洞學規開示學者每臨諸生必親爲講解不事梗楚皆呼之曰薛夫子太監王振之專政也問三楊曰吾鄉人亦有可以爲京堂者乎三楊以瑄對乃召爲大理寺少卿瑄初至京宿於朝房三楊先過之不值語其僕曰可語若主明日朝罷卽詣王太監謝若主之擢皆王太監力也明日朝退不往三楊使人語之亦不往時振至閣下問何不見薛少卿三楊乃對曰彼將來見

本朝公案

卷一

一

山

獲咎死何憾焉手持周易誦讀不輟及逮至午門會問瑄呼文字曰若安能問我若爲御史長自當迴避文怒甚于是不復問理詔擢於市殺之門人皆奔走瑄神色自若會振有老僕素謹厚不預事是日哭於厨下振謂何爲泣曰聞今日薛夫子將刑故泣振問何以知之僕曰鄉人也備告其賢振意解會兵部侍郎王偉申救傳詔赦之放歸田里瑄居家六年閨門不出留心理學造詣益深正統己巳以吏科給事中程信論薦起爲大理寺丞時虜騎薄都城瑄分守北門都帥初疑其迂及接言論遂訪策焉瑄曰以天時人事驗之北虜必宵遁旣而果然貴州苗寇猖獗朝廷命將往征之瑄督軍餉事竣而還景泰初懇乞致仕學士江淵上疏留之明年陞南京大理寺卿有富豪殘虐人命者獄久不決執法者欲貸之瑄曰死者何辜竟抵於法明斷之譽播於民謠刑部尚書楊寧都御史張純初以才力相尚及與瑄同事歎曰如薛公當於古人中求之中官金英奉使道出南京公卿俱餞於江上瑄獨不往英至京言於衆曰南京好官惟薛卿耳壬申秋召至京復爲大理寺卿有草場火朝廷欲置血守者罪瑄力辯之獲免蘇松有饑民乞

本朝公案

卷一

三

粟富家客而不與遂火其屋蹈海以避罪時遣太子太保王文往訊之文以謀叛連及五百餘家衆皆畏勢莫敢發瑄抗章辯之文亦悟其非獲免者甚衆是歲瑄年近七十復乞致仕不允英廟復位素知瑄學行遷禮部右侍郎兼翰林院學士召入內閣知制誥一日上御便殿召瑄入語移時詳諱啟沃皆有關於聖學君德者尋命主考官試事竣轉左侍郎居數月瑄見將臣石亨等竊弄威權歎曰君子見幾而作豈俟終日乎遂引疾懇乞致仕居家八年四方學者從之甚衆瑄惓惓以復性爲教嘗曰此程朱喫緊

說爲文必根於理辭旨條暢所著有讀書錄行於世河汾集藏于家

韓文

韓文字貫道其先自相徙居山西之洪洞文將生父夢紫衣人抱送文潞公典之因名文幼負奇質才思溢發既長從太史襄陵邢公遊學益淵博領成化乙酉鄉薦登丙戌進士初拜兵科給事中持節封韓府諸僞遺悉卻不受會左都御史王越總邊事邀功啓釁率同官劾其罪狀又論薦前冢宰李公秉司馬王公玆可大用語涉宮禁純皇帝震怒逮至文華殿拷掠幾斃陝西紀功郎中張瑾疏總兵等官絀降用上命往覆之文以情之輕重具實還奏人服其公乙未陞右給事中以直言爲當道所忌戊戌考滿始陞湖廣右叅議提督泰嶽太和宮分守荆南談者以用非其地爲負屈而又處之裕如勤於其職分守中官與其下皆嚴憚欽戴境內賴之又稽覈諸羨銀易穀創庾以爲荒備越三年用巡撫吳公誠薦改理司事會九溪酋長與隣境爭地相攻撫按屬文往視其爭遂息歷七年轉左未幾以外艱歸弘治戊申終喪赴部陞山東左叅政濟南之俗乘早輒聚發人

甚暴其屍謂之打廳文曰是甚於底至之暴矣天下
今禁之越二年庚戌用使文毅公之薦超陞雲南左
布政使先是土官襲代旁支恃賄與力輒相仇奪士
民滿兩考者例不赴京復以境內轉相恭補皆宿弊
也至文始立法釐正之越三年癸丑陞右副都御史
巡撫湖廣地方兼督理軍務武昌諸郡歲秋疏乞蠲
逋賦以蘇民乙卯改撫河南值饑孟以北旱饑令所
司發銀賑貧復竭誠霽致雨歲乃大熟丙辰轉戶
部右侍郎丁巳以內艱歸庚申終喪改吏部明年轉
左銓綜平允士論翕然歸之癸亥陞南京兵部尚書
本朝分省命之四 卷一 一八 山西三

引鹽之弊革與販私鹽之弊革販賣官鹽之弊夾帶
殘廢之弊革賄賂買鹽之弊革運司廢弛之弊指摘
割刃甚衆加納於是數十年積弊無遺公私告便府
宣大聲息甚急需索供億復值大喪婚相繼并內外
及各王府諸邊賞賜費用不貲悉心經畫緩急以濟
太監苗達等征虜無效日費千金力爲舉劾甚銜之
乃乞文督餉以圖中傷遂請究流幻術計還節盜
帑物抑戚晚中貴占奪忍買民田及舉正萬占引鹽
乞討織造皆事干權倖怨謗叢集人咸危之文裕如
衡 武皇登極太監劉瑾等蔽 聖聰壘惑百出機
本朝分省命之四 卷一 一八 山西三

降令致仕并其子高唐州知州士聰刑部主事士奇俱革職爲民復令選卒伺察於途文乘一驛宿野店而歸選卒無所得仍假失落簿籍復捏旨差官校械繫至京下錦衣獄會早朝有投匿名文書於丹墀錄達罪惡益怒甚監禁數月無隙可入該司具實上請仍被捏旨罰米一千石大同上納陸續更罰米二千石稱貸以給庚午瑾誅復原職世廟登極臺諫交薦起用賜璽書褒加尋加太子太保令有司存問復賜之語曰比因權奸之竊柄痛爲朝政之紛更乃能守正不可以忠自誓倡危言而叩闕屹乎山岳

大朝分符公卿書

卷二

二

山西

之難搖甘奇禍以忘家寧爾冰霜之不變天下仰其風采神明相其壽康起文彥博於九泉之餘人心攸屬繼韓魏公於百代之後家慶彌彰每宣讀畢文簡伏感泣痛惟老朽不圖復見今日捐館訃聞再賜語贈特進太傅謚忠定仍遣官諭祭營葬文以孤忠報主甘受奇禍一時縉紳莫不爲之扼腕而彼惡直覲正之徒則或傍觀竊笑以爲不智其甚者忿其異已且從而下石焉其亦可慨也已

李進

李進字時勉平陽西沃縣人成化己丑進士授戶部

主事遷員外郎中督餉宣府公于出納陞廣平府知府其地斥鹵恒苦旱進至特建石閘引河水灌田民利之改濟南陞四川右叅政江西布政使河南左布政使陞右副都御史巡撫宣府時北虜寇邊諸將失利於魚臺嶺官兵多敗死者因劾進進亦上章自劾遂引疾歸正德七年十二月卒

韓重

韓重字淳夫號拙齋世居絳州成化辛卯鄉薦第六人登戊戌進士授禮科給事中甲辰捧命查勘兩廣糧儲公帑充實諸可貸者悉予于民丙午陞本科左

八月八日

卷二

二

山西

給事中弘治改元再陞本科都給事中在給舍幾九載彈劾不避權勢貴妃萬氏父專上寵犯顏極諫人爲悚懼時有西僧煽惑滋蔓上頗溺焉上章救正庚戌出陞陝西叅政通歷八郡旬宣不怠巡撫王公上最干朝丙辰陞本司右布政使清寧務督馬政二載陞應天府府尹南都百司所在賦役繁重加之權貴侵漁玩法難治重直以愛民爲念苟可與利祛害靡不殫厥心力提調戊午鄉試得人薦多冬丁母制辛酉服闋改順天叅政之下益策精敏政受知于上復提調鄉試得人與祝南都尤著題遷賜

有警陞左副都御史往撫時奸宦梁玘在鎮怙勢肆虐按其不法亟疏劾罷之物論稱快僅一年勅撫湖廣黥貪旌廉平徭息民軍餉久缺爲請五十餘萬以給軍士乙丑擢南京兵部侍郎時缺正卿署選軍政兩月不歸私第權要不得請托正德丁卯轉北部未幾進南京工部尚書念東南民困上疏請停不急工役上詔允之是時逆瑾專恣懇求休致朝命方下瑾嫉党惡中以浮言抑鬱疽發于背卒于揚州廣陵公館壽六十有九計聞朝廷如何祭葬

史英

史英字廷珍蒲州稷山縣人成化戊戌進士初授東強令未視篆俄報賊騎至率兵即日擒斬後冀州盜相繼反獄皆勦平之於是賊不犯境東強人好誣訟切諭之凡布禁五千餘條尋有酗酒不孝者英使其族人勸戒之其人遂以孝聞圖像朝暮拜謁焉其督課學校周恤歲凶尤爲懇至一時復業者百三十一戶遂增設典仁社以居之其與完聚資喪者五百餘人出俸買藥以療瘟疫者蓋千有餘人上官橫科不便於民者皆拒不聽及去東強八立祠記之成化末陞河南道監察御史奉命清理長蘆鹽法國課充足

是按蘇松常鎮時周駙馬兄爲蔚州同知貪贓大著跡據法首黜之他奸宄皆望風屏跡尋又巡按徽寧池太俗懼嫁女之難生女多淹溺嚴法禁之在臺中諸僚有所論列多各有所托獨謂山西無托英曰英大有所托顧諸君不知耳衆問爲誰曰托天天有仁心不受賄賂人有敬畏天命可保衆改容謝他日臺中糾一勢要疏成已印鈐矣至午門前猶豫不進適遇英問曰何以處之艱然曰疏至公所宜進不宜退遂進之翰林學士泰和曾公彥嘗稱曰剛明公正素厭人心云陞河南按察副使正外覲開戶讀書不與人事亦不復有仕進之念矣都憲蘆公章遠書曰士大夫不遭瑾毒手者史公數人耳學士張公天瑞嘗以理學稱之平生無私嘗稱曰已不容人獨知人亦不從已自謂愚庸又自謂無用號應卷拙巷以自況凡有所得卽錄之成帙名曰就正一得諸禁其言多主居敬窮理平生不食兔肉有僇生兔者輒命放之以其父兔屬故也家居每夕必焚香告天祈壽福民性純謹嗜學半采峻絕爲邑庠生恒以薛文清公自期待嘗大恭以恒榮稽古之力勵諸生曰聖賢事業或不能若金紫何足掛齒其持守之嚴官府多不能

識其面故其言之所至如此其粹云嘉靖五年十二月二十三日索曆日展視於本日上加一墨圈於二十七日上加一墨圈子姓輩問故曰吾於此已矣及日果卒距生享年七十八歲

陶琰

陶琰字廷信別號逸菴山西絳州人舉成化辛卯省試第一登辛丑進士丁外艱服闋授刑部四川司主事弘治戊申陞山東司員外郎故事刑部以獄訟繁劇奏讞惟艱擇老成明練者典部章疏謂之本科時大司寇特以任琰凡諸重疏無不委曲盡情事者而

大明會典

卷一百一

七

山西

諸司有疑事亦輒以屬斷比歲審錄又多所平反上下稱明焉未幾陞陝西按察司僉事癸丑陞副使整飭固原固原爲西邊要害唐陷於吐番未沒於西夏成化初滿四之變三鎮幾搖固天下至險要區也琰主練士卒繕器械廣募積數年邊無警居人以安辛酉陞福建按察使去任未逾月而固原告變日無寧居琰在福建廉介絕俗每飯惟一蔬甲子陞浙江右布政使半載積羨銀三千兩悉入官帑乙丑陞福建左布政使正德元年調山東至今閩浙士夫言廉皆謂曰陶公琰云在新時言官會列藩臬之賢者焉

於朝列置第一陞都察院左副都御史巡撫河南至則首黜賊吏黃金寶等屬吏震懾有望風解印綬者丁卯陞刑部右侍郎適陝西遊擊徐謙許奏御史李高而謙故豎瑾黨也又厚路瑾欲中高以危法會上命琰往覈其事琰據法直高謙以告瑾瑾怒遂矯詔下琰獄禁錮幾兩月乃罷官去瑾怒未已復兩以他事罰米四百石又進奪詔命是時瑾勢方熾無敢抗犯者率首鼠謝過幾脫死而獨安之弗懼也庚午秋瑾伏誅言官交章論薦詔起左副都御史總督漕運兼巡撫鳳陽聞命單車至則廉得諸

大明會典

卷一百一

三

山西

北襟喉貢獻必由之路中使往往返求索無厭而督運武臣又往往侵漁其間爲奸利事軍民病焉乃榜諭以法未嘗有一人敢犯禁者辛未轉南京刑部右侍郎壬申七月河北賊劉六自北而南犯姚漁洞賊王浩八已騰招撫人心甫安而寧紹瀕海屬邑颶風大作海堤毀者三百里居民漂溺者以萬數琰聞之憂甚乃親按其地亟出帑銀多方賑救仍委官築堤捍水自蕭山至餘姚凡五萬餘丈琰慮桃源賊謫詐難信乃素設兵及簡版軍察之有才者分守要

害處置周悉明年春賊果率聚突入境地球詠臨督
賊賊潰走進兵襲之餘黨悉平捷聞 賜璽書并賜
陞俸從一品又 賜白金文綺有差賊平之後瑛以
歸化常山遂安蘭縣爲盜出沒要衝乃議城四邑凡
六關月而訖工因引疾求退 詔不許會總漕員缺
復推往督之至淮一如前令然乞歸志益堅瑛凡七
上皆 溫旨褒答最後乃得請仍許乘傳歸歲給祿
蘇家居垂七年 廷臣薦者凡十餘疏辛巳夏 世
祖登極乃復起總督漕政淮民喜迓於道左歡聲雷
動尋進戶部尚書左副都御史仍任前職壬午改工
部尚書啓行之日淮民傾城出送獻欬號泣不忍去
是冬三載秩滿 詔賜羊酒寶鉉矣未改南京兵部
尚書加太子少保叅贊機務至南都屬歲饑死者相
枕籍乃移文諸曹盡出其所積以助賑濟仍咨戶部
頒給軍糧數月米價頓平人賴以生者無算事皆已
行而後具聞而又裁抑內臣進貢快船其數視常減
半至今官民賴以弗擾時年七十有五累疏乞休言
官疏乞慰留者再又具疏乃得請 詔加太子太保
給驛歸如故仍令有司歲時以禮存問繼又 賜詔
褒嘉瑛有別業在城西二里許分水之陽鑿池種蓮

開徑植菊每風日晴和輒命童子携簞茶邀弘肩
輿進之徘徊其間襟袖吟哦寄情翰墨至壬辰七月
以疾卒計閏贈少保謚恭介 論祭九壇遣官營葬
瑛天性至孝四時祠廟有事雖老猶夙興率子孫躬
奠如儀處族以厚遇鄉黨以恩有窮困失所者恒捐
金濟之有喪者助之以棺平居嚴毅人不取干以私
自奉節儉自常祿外一毫不取雖交遊贈遺一無所
受每罷歸行李蕭然惟二竹筒而已節抗權奸清鎮
雅俗貞方不詭少壯一節爲世名臣云

李瀚

李瀚字叔淵自翼城遷沁水成化庚子占鄉試第一
明年舉進士出知樂亭樂亭歲惡民流瀚至復者十
六七卽貴戚豪橫亦各還民侵田邑門外有古木數
千章作祟吏茲土者多病死人爲公危之一日毀臺
斬木得朽骨若干令野瘞焉竟亦無他丁未被徵拜
監察御史奉 命巡陝西茶馬弊端革始盡歲滿代
還以憂起按陝劾賊吏汰宿姦郡縣官望風懼伏有
鉅猾流毒一方衆慮其難制設計擒捕窮治皆伏辜
鎮守貴璫肆虐庇所陰厚建擊平民暴諸市出見之
立命解其縛荷苦省抵罪終南山妖僧鳩無賴作亂

報使至密論使者曰勿令鎮守知悉張聲勢輒擾民
遂選將校方略而遣之比及鎮守知則已報擒矣其
先議如此戊午復按河南事叢委至則裁決無遺尤
莊毅率下有不法者相戒罔敢犯已未還道都御史
屠公特檄掌諸道奏牘古北口守將吳昭以失律賂
權貴波及無辜累案不能竟上命往督察昭竟棄
市庚申陞湖廣副使又以憂去起河南副使陳州衛
都指揮于世恩格殺項城典史瀚至道巡大梁即收
捕真諸法所部帖然乙丑陞湖廣按察使丁卯轉河
南布政使無幾還順天府尹尋陞右副都御史董漕
積漕政久弛銳氣舉行淮南守素結逆理貪復自恣
劾罷之時宋王由運河之國戶部恐其妨運奏令各
船分行兩河貴璫冀得賂動輒阻遏潯適會議北上
過天津遇王舟朝見司儀如陛前贊禮潯止四拜
卽興且啓王嚴飭侍從勿阻遇運舟王聽納自是始
不授糧運官軍稱快已已徵入爲左副都御史時璫
虐熾薰灼公卿以下咸憚之中官楊鎮佑勢霸販私
璫舟車相屬於道事聞璫乃奏檄兩都重臣按厥事
守備貴璫劉瑯攘爲已有同事者匿諱比命御史督
之方檄諸省偵銀璫以諷臺長臺長語塞潯屬辭以

六月八日命

卷二十一

三八

山西三

對衆爲股栗璫隨奏遣瀚往欲中傷之瀚往仍令劉
出所懷并効落其職守餘咸不問時論壯之庚午陞
吏部右侍郎尋轉左是歲璫伏誅視篆月餘起廢疏
璫士類允愜辛未轉南京戶部尚書往蒞政凡論析
公庾府帑戶口田賦盈縮之數歷歷如指諸掌居數
月請裁冗食節浮費廣儲蓄多見采納時庸虛虛空
乘秋熟議發帑金代軍餉數月乃積米數十萬江浙
諸藩歲輸布給軍士貴璫主之得因緣爲害奏令徑
輪折色戶部人咸便之外守備有縱家人私擅歲課
不輸官司璫不敢言漸收繫獄不旬日宿逋完矣時
未及引年乃累疏納蘇歸暇則追宋歐陽康靖在穎
故事與曲沃司徒李公少宰孟公命駕相往來徜徉
詠歌以終老尤篤倫璫正士風婚喪冠祭悉崇古雅
間黨化之瀚性鯁介不幹阿諛從見賢德愛之不啻
已出脫所得益聞深故凡考德問業來者戶屢常滿
厘官四十餘年所至鎮靜明不過察寬不至縱而賑
災恤刑尤爲人所稱道平生廉謙稍察凡圖書冠服
咸手自經理略不吝人少觸居官不苟取所得俸餘
止購海內圖籍故其家儲有鄴侯萬卷云

六月八日命

卷二十一

三八

山西三

李浩

李浩字師孟曲沃縣人舉成化癸卯鄉薦明年登進士第初授都水主事官呂梁洪故有役欠數千辦椿草銀錢歲若干椿比至悉罷之止令於農隙採辦備用而已署鄰巨豪伺官府短長前任者多爲所持獨於浩不敢近改戶部主事丁父憂服闋改兵部車駕主事陞員外郎奉 勅清理畿內田凡豪右侵占者若干頃還之民陞職方郎中爲尚書約陽馬公所稱重委攝諸司章奏 冊封代府澤陽王充副使凡所餽贈拒弗受弘治十三年陞過政司右叅議十四年轉左持節充正使封晉府雲丘王十五年歷左通政

六朝金省金物考

木一

三

山西三

文 皓

文皓字孔賜號西泉絳州垣曲人咸化丙辰進士授平原令明于讞斷有豪以更契誣入人田積訟累年一訊立決有奸于媼婦而其婦後爲人所娶者竟以盜誣之廉得其情寘于法又有縱火焚其仇家者乃集同里人詰曰縱火之人我已知矣一人跪最後藏首變色訊之卽服丁母艱歸起補衡水知縣清河民授獻德府莊田千頃百姓累年奏蘇石司不敢決至是承委勘實田歸於民召拜監察御史劾留都張冢宰附逆理事時論稱快各重於西臺復上保民息盜以固國本六事曰擇民牧惜民財禁民奢節民力除民賊剔民蠹咸嘉納之擢河南副使督理河道定議河夫五百里內者赴工修理五百里外者納銀買料遠民無奔走之勞近民省追徵之苦法令畫一民不告勞工有成績運道咸賴焉魯山寇以白蓮教惑衆剽掠官民一方荼毒計擒首惡百餘弃市餘黨潰散未幾遁去與子爲我營鬼求吾將歸矣遂上疏乞免弗允章再上愈懇得致仕比歸而子武卿等已於城北爲園構亭築池植竹木花卉以待因名其園曰清樂酌酒賦詩優游以老享年七十有八而卒門人私謚曰溫簡先生

六朝金省金物考

卷一

三二

山西三

王文

王文解州人幼孤事母以孝聞性沉默善於詩成化乙酉鄉舉歷武功汲縣教諭卓立師道雖盛暑必承冠非公事不謁府縣張守稱爲古君子致仕杜門不出鄉黨高其行

張翰

張翰平陸人孝友純篤成化戊子舉人授朝邑教諭授翰林院孔目與纂修憲廟實錄錫誥命賜金帛進檢討同脩國史歷重慶同知臨洮知府所至有政績後以不附逆瑾致仕歸居官三十六年家無餘蓄卒贈中順大夫

吳珉

吳珉靈石人成化己丑進士授吏部稽勲司主事歷陞右副都御史鎮撫甘州夷畏服改南京都察院尋致仕歷官中外三十餘年謹恪直方始終不踰當時在朝稱之有清不過韓文直不過吳珉之語

陳孜

陳孜浮山人成化中進士除知慈谿縣權監察御史陞湖廣副使歷官貴州左布政使所至皆有異政後致仕進階資德大夫居官雖久蕭然如寒士歸葬繼

母至習衣器以備葬具士論重其清介

王泰

王泰翼城人憫閭閻有內脩成化中進士歷知儀封衛水縣陞南京刑部主事遷員外郎時逆瑾擅權例索饋謝泰曰介人之寵其識不遠遂乞致仕及瑾敗詔起福建副使歷陞湖廣參政山東按察使進布政使居官清慎公勤得失不驚未嘗阿人以求譽尋謝病歸莆陽林俊嘗薦於冢宰楊一清云泰溫粹類貴道孤持類公實而量進之中和兼備庶乎篤行君子也

楊謙

楊謙解州人弘治五年舉人任武城知縣以才堪治繁調諸城復謫平山衛知事武城諸賊父老子餘赴關爭保銓部以單縣尤劇調尹之流賊聞名遠遁卒保城池蒙旌異進二級蓋三歷縣官囊篋蕭然云

郭韶

郭韶霍州人弘治中進士任寧國府同知擇履剛方不阿權貴嘗爲人爲立去思碑擢湖廣兵備僉事破鄢蘭巨寇擒剿湖南流賊有功復備兵西寧進副使以治績蒙欽授官至山東左布政致仕

劉雙

劉雙字舜弼號黃巖世爲襄垣人弘治庚子舉於鄉明年辛丑舉進士與庶吉之選肆力讀中秘書癸酉授兵科給事中丁丑聘同考試試所取多名士辛巳陞刑科右役陞戶科左世宗登極更新庶政有詔是用太監蕭敬上疏謂臨御之始不當先需用閣豎非所以令衆庶見也辭意俱烈疏入不報者累日人咸危之上亦察其忠弗讓京東民田爲權倖所據民累訟事聞命雙往訊至則核籍悉歸之民權倖歛跡時以爲難是年以紫巖公爲少宗伯例改翰林院

文淵閣

卷一百

三四

山西

檢討丁內艱甲申服除史職與修武廟實錄事竣當加秩而忽得外補謫判大名人以爲異處之愈聞至郡折節親簿書事長吏惟謹長吏益賢之暇則葺元城書院進諸生開經義與尚文教彬彬多成材焉丁亥陞南京宗人府經歷歷南戶部郎中江西按察使司副使改提學河南陞貴州叅政調陝西陝山京按察使所至有聲當錄囚釋其冤數百乙未夏擢左僉都御史巡撫保定保定畿輔重地俗悍喜鬪成薦饑民或聚爲盜至則按捕之節用愛人緩賦蠲蝗民賴以安振三關邊警巨剽飭兵食屯要害數週巡視

然有勒石燕然之志居三載虜不近塞寧保障之績民至今頌之又疏治運河葺修獄祠稱旨數膺書褒美賜賚加渥方駁駁需用乃爲言官誣論遂起疏乞歸越六年忽遭疾不起年五十有七所著有黃巖集金陵稿恒陽集處州錄大名吟奏議七卷

馬騷

馬騷字世用號梅軒解州夏縣人弘治丙辰進士初授行人奉使周邸未幾選工科給事中馬端肅公見其諫草驚曰董賈未之或先也尋轉左給事儀觀峻整進退中度孝宗默眷愛之奉勅清屯田於屬

卷一百

三五

山西

事竣還朝益侃直不避權倖嘗論李廣之黨宜躬治外戚之權宜禁職諫官吳舜之狂直宜包容皆時政切要者武宗卽位有白金文綺之賜旋擢刑科都給事中正直德茂辰廷試掌試卷時宰臣某與逆瑾結納勢焰方熾衆觀望意指欲以其子魁天下獨憚騷抗直堅得涇野呂公巷倡言宜首選已而涇野竟得首選如其言時逆瑾用事騷以職當盡言不少避忌理亦多勉從之有附瑾新入爲給舍者對賓僚誇毗甚有矜色騷鄙之以無恥客皆縮舌先是逆緣拜瑾爲義父騷入給銜騷自屬還與緣父宿同驛館不與

交一語綵聞之以爲慢已會時宰夙憾驟逐棄以構
發出爲淮安府推官既視事怪獄吏日報因病時方
大疫乃躬造閭閻疎放流徒以下幾數百人大辟
中救而獲生者三人楊州民以所假姻家金器令家
童送還途觀優戲忘而失去匿入淮淮人不知也留
爲傭一日遇故主詰其由治謂淮人迷以藥攘其金
執之使不得還遂訟於官治淮民罪宜死大以爲疑
曰楊淮地咫尺既取金乃復留傭其人殆不近情因
取戚案所具藥俾獄盜服之殊不驗蓋淮民被拷而
誣服藥冀寬刑責爾因咨於當路竟釋焉他如鹽城
張生忠元夕遇豪家婦於監巷家僅爭道毆辱生羣
生不能平明日相率詣豪家就婦衣報之豪家富且
德訟生遂黜縣知非生罪且廉其貧出金爲生贖罪
又一日有蕭尹者被誣逮亦爲白其誣尹後官至中
丞其他平反多類此行部不盛張騎從老弱歡迎觀
者如堵郡守華公璉適並出見之因嘆以爲平易近
民不可及也後改官過淮百姓聞而出迎者相望於
道郡有何烈女申進妻徐氏皆不從淫暴以死至則
爲表墓立祠且撰雙烈記以媿士夫之失節者先是
流賊逼境規畫嚴密賊知淮口不可渡竟遁去時陶

文獻公集

卷一

三

山西二

恭介公疏薦於朝委之儲備軍粟旬日得金凡四千
有奇士民告保留者無慮萬餘人瑾黨既誅海內以
堅嘗復舊物宜殊擢然僅轉同知松江既視篆松
多富屋畏駭之廉豪不能肆數年通稅一朝報完都
御史王公方薦之會丁外艱歸中途得邸報有擢守
饒州之命服闋再請守鄖陽鄖陽在萬山中路多隘
過而默計之及蒞政量罪人情法可贖者俾修鑿之
不爽尺寸由是遂成坦途有罪人陳文皇者忿鄖民
負賄貲詬督取償民母觸柱而死誣文皇重獄察之
文皇卒免焉他若創梓橋葺廢坊育賢養老振學課
農敦風振俗屠奸剪弊鄖陽之人無近遠皆忻然昭
蘇有顯宦嘗以法及其姻黨陰嫉之遂免歸先是有
說縣宜少貶從容者正色曰窮通顯晦命也如命何
平生以直道忤權貴用是仕路蹉跎然天下公論亦
以是重之嘉靖九年卒得年六十有五

文獻公集

卷一

三

山西二

張潤

張潤字汝霖臨汾人弘治戊午舉鄉試第一人壬戌
登進士授令宜陽清修有惠政正德丁卯擢刑科給
事中抗言大計侃侃不阿奉詔覈甘肅邊儲稽察精
明河外震懼還遷禮科右史科左戶科都給事中時

盜賊延蔓屢用大師水旱流移征調緊急洞請嚴經
律酌轉輸廣招撫時賑恤章數十上採納爲多甲戌
擢順天府丞戊寅擢左僉都御史巡撫順天至則黜
貪殘拯影弊條上邊民疾苦及便宜十餘事悉見施
行郊圻盜起虜復寇邊指授方略盜平虜遁有白金
蟒衣之賜已卯以外艱歸辛巳起撫寧夏夏窮鎮也
不百里卽虜巢洞簡士馬振紀綱謹烽堠修築亭障
聯絡聲援境內晏然講教屯田盡馬諸政日奏正豪
藩裁抑宜鎮間道餽道一切絕之癸未召還理院事
乙酉以九載績晉左副都御史理院事五年署篆者
之曰公分命才
三十八 山西二
半振楊法紀臺中肅然每疏上皆切中時務丁亥以
大獄譴歸臺諫屢請錄用已亥詔復原任遂轉兵部
右侍郎又轉戶部左督餉太倉接運扶隱劃洗奸蠹
兵民懽服明年晉工部尚書時大工並興漏卮乾沒
百出躬勤省閭宿弊盡祛通請酌緩急爲先後上
忻納之力專功過費省舊之半屢賜金幣褒焉辛丑
以內艱歸服除言官復請亟用爲考察內倭起爲南
京吏部尚書蒞任卽甄別去留輿情胥服再疏乞休
皆荷溫諭不允戊申以考績赴闕畢卽過家懇求
致仕時已改戶部尚書仍舊太倉矣上亮其誠乃

允焉家居優游林壑足跡不及城市然每聞朝廷一
善政輒喜動顏色見民疲役兄每悒悒不自安持守
堅凝動有恒則雖事變猝至處之裕如初使甘歸逆
瑾索賄無以應欲中危法屹不爲動然竟莫能害也
廷推巡撫時逆寧使人曰欲副乎欲食乎意以賄爲
差也曰惟辟作福人臣敢有擇耶寧深憾欲中傷會
敗乃已 毅皇西幸寵聞請改榆河驛爲行宮力陳
民貧財誅仍舊爲宜 毅皇從焉正位司空權貴目
工役爲奇貨陽施陰奪悉以法裁之歎成其時主夫
役請發太倉銀助工實欲私之力爭曰此朝家正脉
六月八日命才
三十九 山西二
軍國仰資急近利而廢遠圖豈人臣謀國忠耶事乃
寢某積不能平屢以危言休且草彈文示之不顧也
臨事精詳必求可久之計宦蹟所遺雖各人繼往率
取則焉天性孝愛事親色養弗違親終並獲祭葬益
異數也兄滋弟惟皆爲納八品散官處宗族恩禮兼
盡時祀先必謹訓諸子孫嚴而有則自奉無異寒
素歷官南北行李蕭然好學問文章雖老不倦所著
有奏議公移尋是錄試筆稿經略兩鎮詩若干卷藏
於家壽八十有三計閱賜祭葬贈太子少保謚恭肅
成文

成文山西山陰縣人弘治壬戌進士授知縣擢監察御史巡按蘇松遇歲饑條上便宜民賴全活復按陝西勅秦鎮守太監宋彬冒首功且言內外大臣朋肆欺妄力觸權奸逮詔獄爲民嘉靖初起知鳳翔府累陞至右副都御史上疏乞骸骨至嘉靖十九年卒賜祭葬如例

史 略

龜魯字宗道號首山平陽蒲之大族也正德戊辰登進士授鎮江府推官時羣閹擅政治多苛且至則誅鋤豪猾治其尤者數人一郡肅清江東訟者皆欲赴

文苑小傳卷一百一

四一

山西三

之曰史青天云決父冤之獄人祀其惠寢懷金之謝衆服其廉裂大宰之刺人莫干以私三年而政成頌興當道交章論薦之權給事中比當權瑾之後言路久塞公以諫諍爲已任彈射皆當權貴自吏部尚書下二十餘人既而又劾參贊司馬及守備大監曰表裏擅權淫朋也寧藩宸濠逆節已萌人皆知之然濠權術巧中要之者奇禍立至又以離間典重在廷無敢言者魯乃首發其奸曰濠必爲變無疑也又上疏請省國用以節民財蓋前後二十餘章洞切當世之務會師臣不合於倖宦草薶稔奸任狀許師臣守備

太監素善稔奸因竄會於狀曰給事中師臣門下士也遂罷歸卒嘉靖己亥年六十七歲

楊守禮

楊守禮字秉節號南澗蒲州人正德庚午舉於鄉明年成進士授戶部主事歷員外郎中陞河南僉事丁父憂起復湖廣時荊州有大盜流劫湖湘間有司不能制改副使駐節荊州至則絕口不言盜賊事便分布已定一舉殲之衆以爲神會以芮傑事件執政遂中以徵文誦判叙州府是年華陽饑民多流亡按撫奏任成都知府多方賑濟流民底定陞四川副使尋

文苑小傳卷一百一

四一

山西三

陞陝西按察使轉左右轄時四川蠻夷擾亂遂陞右副都御史巡撫四川親歷營寨激厲將士不三月竟誅渠魁五寨悉平改撫寧夏時虜酋吉囊駐牧寧夏歲苦侵掠鎮兵多求內徙至則稍舊藉以資軍伍復關隘以扼虜衝併屯戍以寬士力虜鋒以熄陞右都御史總督三邊等加兵部尚書初陳邊務以固守爲先連年虜東寇山西詔抽延綏兵互爲犄角虜遂乘虛直犯花馬池率衆乘城激以重賞出精騎直當虜營虜來薄城輒斃于矢石道遠巡遁去在鎮三年五降勅嘉葬賜以銀幣加太子少保丁母憂解任以歸

家居十餘年卒賜祭葬如例

趙載

趙載字文載初舉進士名君琬武廟御賜今名蒲州垣曲人也中正德丁卯鄉試辛未進士授戶部主事陞員外郎郎中奉命督漕上疏極言漕政利病舉籍籍起陞陝西參議撫治商洛營剿巨寇有白金寶鑑之賜土魯番侵奪哈密爲邊患總督遂蒼楊公知其才薦爲甘肅兵備副使時議者欲掩營營擊之載言外攘必先內治宜實糧餉利器械固堡寨謹斥候用間諜及倣趙克國墾田故事食起薪乃可舉否則虛內事外徒啟邊虞疏上議遂寢於是銳氣屯種開鹽召商實粟塞下期年而士氣大奮所戰克捷番酋牙木蘭帖木哥等率衆降者萬餘人又酌屯田便益計數事條上俱獲允行陞陝西參政仍兵備甘肅遂陞食都御史巡撫其地仍兼理民政載積歲所入以革宿弊人不能爲欺邊方素不知學爲擇師儒以教學官弟子諸番入貢每乞增額奏請遵守制驗放以省供億鹽引課令折兼輸以便商賈虜至督將士出戰凡所斬獲親効功次革冒級守邊數年政績大著陞南京都察院右副都御史提督操江既去任循陳

邊務十二事曰此吾所已試者俾後人守之耳然是時言者摘他事劾之奏旨聽勸人之事得白衆望方殷而尋已不祿矣享年六十有二計開詔賜諭祭命有司營葬復以邊功錄其子爲國子生蓋異數云

陶滋

陶滋字時雨山西絳州人正德甲戌進士選行人司行人屢承命冊封藩王贈賄一介不取凡厥所至如上親臨威敬憚焉會宸濠構逆陰結權貴許設淫樂誘致萬乘天下皆知其謀獨武廟未知必欲南巡舟行有日矣賊及朝臣危懼急坑疏極諫武

本朝分省人物考

卷一百一

四三

山西二

廟震怒械繫而廷咎之幾死時死甚衆巡幸由是止無何亂作乘輿無虞諫之力也其爲諫首而生者悉左遷滋還太學學正之任躬率諸生修德講學廟列周宣石鼓有毀爲曰者文多殘缺歷代諸儒如韓愈鄭樵皆病於誦述獨考索精詳爲石鼓正誤一書幾完其文讀者快焉已賜還初職尋陞司正錫命褒嘉嘉靖癸未陞刑部河南司郎中有滯獄數千淑問得情決之固囑頓空尚書金公獻民稱之今掌奏牘總部事有梁錦衣者懷金五百求援重辟及見知不可乃已是秋轉兵部武選司郎中華吏弊塞伴門一

時武弁感激生勇氣場中嘯大禮興奏議不合械擊
廷哲如前仍請戊榆林戎服從事將帥恒以方略容
焉丙申蒙 恩有歸戊戌秋疾甫三日卒

景 濤

景濤字濟之號蒲津蒲州人正德庚辰登會試辛巳
賜二甲進士尋授南京監察御史任甫數月卽糾論
武臣干進詞連中貴及郊迎闖賊貪功冒封語侵宰
執士論稱直留都倉場中宦久依爲市儻詭冒俱出
納革粟米禁公私科擾儲政一清時以前疏觸中貴
怒削籍而歸家食既久充養日延離臺余公光薦其
才賢奉命復起北臺丰宋端凝論思忠懇每監禮隨
駕敷奏趨瞻肅有常度 上時注目焉尋按畿內首
劾貴臣繼疏止薊山開礦以及興利辨冤救荒疏凡
百上咸稱旨官民甚賴之將代 詔築沙河宮城司
空奏徽近郊民供役時北虜數入寇關隘久壞又吏
治多污徵歛日煩條上四事曰慎選任以清政本潔
實惠以厚邦本增邊防以固邦國停修築以寬民力
上皆嘉納城工得暫停後二十年虜犯近郊卒如濤
言繼監丁酉畿試防範有方尋按江右江右俗健訟
多貴臣號稱難理既渡江嚴科條數十款洞悉民

禁教誘紳豪右吏民懷畏謂之不泉會 車皇后梓
宮下九江迎護月餘寢食俱廢檄所司肅祀備備無
敢不虔而諸護使餽遺咸謝罷使者不悅冀有以中
之會風便龍舟一夕渡湖 上聞賜文綺兩接南北
黠貪墨僥倖弊廉校滯糾名數實凡所舉刺賢否心
服律已清正御下溫嚴日費不百錢每行郡必令有
司檢封衣笥江右北還衣多敝不克原笥雖圖書亦
不少携諸司以趙清獻目之所至典學課士斥浮崇
正昌黎表韓公祠豫章建文謝祠修白鹿書院申明
教規英儒多出其門登順仕者繼典祠京畿表主閭
中臺章奏威務尚體要中丞嚴替多所草定以年勞
擢順天府丞約已除蠹官府肅清會司徒議徵義民
牛車吃運京粟出關卽疏陳不便民狀仍上便宜數
事竟從其議無何疾作果疏請告清議重惜之先後
家居三十年杜門謝客讀書賦詩教子耕讀坐卧十
小室閤堵不治囊無餘資澹然如寒士足跡不入公
府人不敢干以私弊屬後進臺臺不德每聞軍國重
事輒思魏闕慨然不忘監司表薦數十竟不起致之
歲元日有龍起于舍中既病革兒童闔空中鼓吹音
忽雷雨大作乃逝

元良玉

元良玉臨汾人爲府學生事父母能色養得其歡心母卒廬於墓側朝夕哀號有朱草叢生叢葉如蓮之異正德四年旌表其門又有同邑張璽李大經曲沃人斬馳萬泉人王寵並以孝行先後預旌典

陳翰

陳翰絳州人正德初以貢士任山東萊陽縣丞會流賊犯城翰率衆拒之與其子皆遇害事聞贈登州府通判賜祭并令有司立廟廕子榮入監

許翔鳳

許翔鳳洪洞人正德辛未進士任上蔡知縣時承流賊蹂躪後翔鳳安集撫恤旬月如初陞監察御史按兩淮又按畿內抑強禦繩官初臺中有老成之舉陞陝西叅議上疏乞休居鄉忠信醇厚雅好山泉每發藻詠自陶其志

劉憲

劉憲靈石人爲邑學生性朴實有孝行父先歿母八十餘歲正德六年流賊入境憲負母避難賊至憲曰寧殺我勿殺吾母遂遇害御史相繼以事聞詔旌子令立石賜金助葬

劉翀

劉翀平陸人事親以孝聞舉正德中進士授行人擢御史清戎山東巡秦邊復按畿甸補救時弊多所建白又奏宸濠之變糾李隆之事挺然勁氣不回時稱真御史

楊瞻

楊瞻蒲州人正德中舉人初知扶風樹德單惠誨士足民三載績最擢御史疏請薛文清公從祀孔廟雖朝議未果已服其論思得體矣及按江北作石堤以障水患辨賢能以懲貪汙入以真御史稱之陞四川

八朝分省公考卷二十一

山西三

爲事平險阻繕橋梁息盜賊川北之墟田牧安堵人後稱爲靖江楊焉三履之民至今尸祝之謝政歸請書談道賑窮嗣乏而平生孝友之篤尤人所難及者爲祀先睦族錄行於世後以子貴贈兵部尚書入祀鄉賢

崔吉

崔吉平陸人由歲貢授華州同知以貢士習釐民俗爲首務躬修節約不自膏潤嘗清稅却金平生雖家貧而孝友曲盡居處嘗期親視日自檢束澄心體驗有得期力踐之在華州疾篤猶執易西銘責始

張鵬

王珂

王珂蒲州人正德己卯中鄉試卒業成均時詔纂修武宗實錄遂膺首薦嘉靖丙戌登進士第緣素重史望授中書舍人每代言稱聖意命侍經筵多所啓沃館閣見推焉平生心持清介性薦孝友博極羣書爲後學之師範官著自省篇楊少保博稱之曰議論切實與濂洛關閩相爲表裏編修張四維爲之註釋後入祀鄉賢

喬瑞

李錦

喬瑞霍州人嘉靖丙戌進士任西安府推官決疑獄多所平反執法抗泰濬歸侵田設法賑荒民獲免於死徙歷大府官至山東右叅政所在率有異蹟

李錦

李錦芮城人性至孝母卒哀毀不已廬墓三年弘治間旌表後以貢入太學父卒復廬墓側以疾卒于墓所子淳孫柄居親喪一如錦時人謂之三世孝思

陳希良

陳希良絳州人弘治中舉人任真定府推官廉殺有爲不徇權勢爲中貴所陷死於獄人皆惜之

張鵬

張鵬字鳴南號津源汾西人嘉靖丙戌進士授河南府推官時方弱冠明刑慎獄雖老吏弗及也父卒于官卽幾無以爲歛郡守范君代備棺金始克襄事服除起補衛州府以治行卓異徵拜監察御史卽上經略七邊封事上嘉納之授甘肅虜犯靖虜安定諸地大被殘掠將領臣不以聞而總兵時陳貪殘特甚鵬悉其狀正法治之邊政始肅復按山東時膠莒之地民多流亡所遺荒田數千頃招集開墾薄徵其稅輸年皆成沃土於會城立湖南書院選齊魯諸生肄習其中躬履省之文教彬彬聿興焉壬寅入當京畿道陞大理寺丞會審大辟毅然持正不徇上有羊酒之賜履任甫期而疾作上疏乞歸竟以不起年四十有四耳有諫草及遺文八卷藏于家

楊溥

楊溥字惟約號虞坡蒲州人舉嘉靖己丑進士知陝之整軍法長安徵拜兵部武庫主事遷郎中故相翟文懿公奉命稿諸邊參幕府當是時宣大卒悍驍屢戕其帥溥告文懿以便宜撫諭之鎮賴無事至肅州屬番數百人遮道乞賞文懿欲弗予不能欲于惠

來者滋衆無以應博請文懿坐堂上數以命使至不
悉衆遠遼將縛以薦吏番人叩頭再三請乃釋不罪
而稍資其首至者諸番咸且畏竟不敢復來文懿還
首薦于朝 賜白金文綺改職方郎中博之從文懿
也起遼左迄甘肅行萬餘里具得其山川陰陽士馬
強弱怯勇民所欲惡之大端及在職方虜數入宜大
山西撫督奏報一夕十數上懸度立斷悉中機宜時
出奇畫衆謂未必然已而無不然 肅皇將有討於
安南請先以文告及乞降請許以自新西疏便宜六
事 肅皇盡用其策益知其材可大用故自山東提
學副使山東糧儲叅政不四年起拜僉都御史巡撫

文獻公集

卷一百一

五

山西

甘肅初罕東諸屬番以避土魯番居肅州境上其後
族類日甚強西人以爲憂而力莫能遣詔語之曰若
屬羈於此謂暫安可耳非所以計久遠也今日白城
至金塔水甘而草肥吾爲若築城堡作渠墾給耕具
俾往居何如咸叩首曰幸甚遂築城七計地與人置
食用之器咸備以示諸酋諸酋謹呼徙出塞遠者至
百五十里鑿龍首等渠墾田三萬餘畝召民耕其中
又請以巡按御史督學政西人由是富而知學虞嘗
六人士競效死戰斬首百四十餘級 賜詔嘉獎晉

右副都御史丁母憂西人遠道泣留窮臘孤戍至今
以爲尸祝仇讐之未敗也博與總督曹襄愍公論之
徵下詔獄而時襄愍方議選套虜修東勝及故受降
三城期並河爲塞嘗與其黨謀爲生事卒殺襄愍庚
戌虜入朔薄都城驚以勤王有寵數毀博 肅皇知
其情竟不能害壬子驚殛死會服除副家拜兵部侍郎
兼僉都御史經略薊保二鎮庚戌之變虜竄追潮
河川入議者爭請爲備而水湍悍不可城乃緣水築
墩離立錯峙墩置戍守虜遂不敢掉臂其間秋、召
還提督京城九門故率歲七月輒分兵守陴如寇至

文獻公集

卷一百一

五

山西

博曰此自疲術也亟罷歸其營兵不勞而費省冬
詔總督薊遼保定軍務選士馬繕堡壘除戎器操必
勝以待攻無何虜寇古北口號二十萬連營百餘里
身被甲督諸軍禦之虜屢攻不得入則併力攻孤山
堡夜攀堞登我軍斫其腕墮虜氣大沮 肅皇馳賜
緋矛出帑金巨萬猶士博宣布德威諸軍益感奮殺
傷虜無算已又募死士持火器夜驚其營竟夕四五
營虜自相蹂躪死比明悉遁去論功晉右都御史兼
侍郎監一子錦衣衛千戶明年萬騎入馬蘭峪擊却
之幾獲其酋打來孫 召拜兵部尚書尋加太子少

保勲陟將吏入莫敢干以私丁父憂戊午 召還本
兵方疏辭會虜圍大同右衛急 詔傳往援乃嬰
出關虜聞曰楊太師至矣遂解圍去先是右衛被圍
久其將士固守無二心疏請褒卹條戰守及善後十
事奏行之又築牛心等堡築墩臺二千八百七十二
座濬大濠二長各三十里小濠六十四交互聯絡虜
左右顧不得驕而南晉太子太保蒙左副都御史虜
首呼素時以輕騎擾邊計擒之斬其黨十五人分兵
襲擊斬獲又若干人未幾虜入薊州 詔移鎮薊
地爲十區撤將分區拒守而三經武於邊諸酋震悚
終歲無敢近塞者 召還掌部事加少保權倖不便
其所爲往往爲飛語中以奇禍 肅皇悉拒不納更
下諭褒美諸邊奏捷 賜本兵金幣特加一品考績
賜羊酒授勳柱國於是議忌始息癸亥秋虜且窺薊
前鋒走遼以策禦虜援詐撤止其行不得手爲書三
止之又不符乃嚴備京師而撤諸路提兵赴 關下
後數日虜果踰牆子嶺犯通州烽火徹御官諸邊兵
踵日馳入援一日夜雲集虜驚謂神乃解去乙丑以
一品再考陞子國子生改吏部尚書未幾 肅皇帝
崩 穆宗莊皇帝奉遺詔錄忠諫舉遺佚修平歲

功 召諸舊德布在臺省郡邑長吏有聲績增秩示
勞不輕徙官一時所稱善政多博覽盡之功以一品
三考晉少傅兼太子太傅再陞子國子生已巳論事
忤 旨會左右侍臣多毀之者謝病歸辛未 莊皇
帝 詔以冢宰行兵部事 神宗嗣統邊警益稀
詔還吏部以一品四考晉少師兼太子太師仍陞子
國子生 賜養甚厚癸酉分獻夕月壇疾暴作扶歸
上疏乞致仕 上不允加賜餼半酒米又疏辭請有
不忍言去之狀三不得不去之情三 上乃諭 賜
乘傳 命子俊民俊卿侍行至薊數月卒 上聞震
悼輟視朝一日賜祭葬贈太傅謚襄毅蔭一子中書
舍人
王與齡
王與齡字受甫平陽鄉寧縣人母李夢有蛟龍蟠巨
樹窟而生幼凝重不狎羣童九歲與兄培齡從安陽
崔後渠先生學咸見器重嘉靖乙酉領鄉薦已丑昆
弟咸登選士培齡尋卒辛卯授蘇州府推官以少年
佐刺郡獄訟咸平無滯官有憤人盜鏡者嚴掠之謂
盜甚微不足治且近誣始俟之竟獲真盜乃伸前寃
者海寇董氏聚衆攻城大姓顏氏之族或支解之竟

捕伏法而散其衆甲午權戶部主事以廉能不獲調吏部驗封司主事更考功文選遷稽勳員外郎丁父艱起復晉文選郎中以用才罷庸爲已任上疏條故事請抑奔競清仕途重德臣責成守令奏報孜孜力行用人務進廉靖老成痛繩僥倖絕請謁常州知府應君子才以廉不阿上更代延見訪問吏治民瘼衆莫敢望子才由是顯權方遏貪殘用張治典正論幾振而分宜之螟蛉子已漸盜大柄卑侮省郎橫侵銓掇有所請托一切峻拒之其來益責乃率同官上其事竟以是報罷一時知名之士咸外請銓部自此喪氣吏治益日甚計贊得官計日求權而民不聊生寇盜充斥矣歸平陽角中躬稼圖怡然自得仇者媒孽萬端竟無可乘二十餘年忽自顧泥丸上神出備紀其事無何遂卒

梁格

梁格字君正號定齋稷山人嘉靖乙酉領鄉薦乙未登進士第授濟陽知縣濟陽劇邑也其俗謔而喜訟或爲虞之格曰顧爲治者何如耳比至訟者羣集盡收之越數日別淑惡察情僞懲者若干人旌者若干人於是民稍安輯而訟亦衰止先是兼并之家地匿

而稅不辨乃履畝而計校籍而覈木邊得隱田萬畝分別肥瘠差爲三品各立文簿姦吏無所容詐又勞來不怠善於撫循於是復業者甚衆其地通舟楫商賈恒苦無名之稅至是盡罷之又定宿旅往來之式其費省約民甚德焉丁酉章聖皇太后梓宮返葬承天道出東郡濟陽屬當供億而閭閻手橫索無厭勢焰赫奕同事者咸遜避獨毅然以往卒事不滑諸閭寺知濟陽賢亦皆欽跡云審訊明敏諸郡縣難決之訟多屬之禹城有冤獄累歲不白監司移鞠之得其情一縣盡驚詫曰禹城人持數百金以謝曰法當如是若非私爾也竟卻之居常慕薛文清之爲人錄其言行錄於官舍誦而法之又自來貶損纖毫不敢下侵嘗扁其堂曰一鶴一琴亦是身邊長物匹夫匹婦孰非膝下嬰兒其自信有如此公暇親詣學舍課試諸生出其門者皆循循雅雅濟陽自是多德藝之士矣都御史御史各薦於朝先後凡十有三疏及謫去百姓遮道泣留送之者相屬於道越宿始罷徵校南京兵科給事中既陞薛過文安謁紀先生墓始行抵平陽聞太宜人訃擗踊踴給節遂嬰疾既棄事乃於墓所建永思洞維則亭蓋政終身之慕再踰年竟哀毀

卒年四十有四所著有窺易集四書古義補及定齋存稿藏于家卒數年伯子紀仲子綱季子維相繼舉於鄉壬戌仲子綱登進士授戶部主事

裴紳

裴紳字子書號右山蒲州人嘉靖甲午舉於鄉戊戌登進士授行人辛丑擢監察御史管理長蘆山東鹽課近京多奸民依憑城社私販大行首貪鄭尚書僕置之法仍對仗彈尚書奉俸比代無復私販者乙巳按真定是時虜連寇太原議增紫荊諸關墾墾事竣有白金文綺之賜丁未按浙江上海防六事紹悉從

本朝今省人物考

卷一

三六

山西三

其議蓋是時海濫漸不靖矣朝議設都御史督軍務而都御史者顧捕戮平民報首功紳傲臬司問狀以其不克肩重任條言其事自後海寇益倡諸建白防禦計無慮數十上率無越其議者戊申丁父憂起復陞山東按察司副使提督學校崇實學杜請謁諸所并拔皆精藉有養之士乙卯陞河南布政司叅政無守汝南其冬丁母憂戊午起復補四川布政司叅政庚申陞江西按察使辛酉陞河南右布政使未幾即拜都察院右僉都御史巡撫陝西壬戌春虜犯延綏聞警提旅馳之過其南下于是朝議謂總督程公不

任事擬紳代之其冬虜果自寧夏入紳督衆迎拒斬首八十餘級以捷聞益飭內備簡西安等衛卒三千人秦設恭將一員團練會城陝富滇蜀孔道民苦于供億有忻城伯某者使蜀過陝特恣食虐紳廉其不法狀數十奏之且請自今勲臣出使毋枉道 上命著爲令併徵忻城伯還忻城伯懼自殺秦地肅然初督學山東時有一二鄉宦求庇其不肖子弟不得則大恚已乃作爲謗書徧騰之兩都中當丙辰時檄之不動益慚憤至是屬京察期復以流言中之甚異調改南京紳曰吾矢勤于國而顧增茲多口命也遂歸

本朝今省人物考

卷一

三二

山西三

卧河山舊盧諫子明經尋舉故業日與故友嘯咏杯酒間若未嘗涉世者以正德癸酉卒得年五十五耳訃聞于祭一壇階四品不滿一考于法未應賜祭蓋異數云

劉廷臣

劉廷臣字伯鄰號白石洪洞人嘉靖丁酉鄉舉第一人戊戌登進士第守裕州時天子由宛城如荆襄比歲不熟諸務壅集供應不易或有謂且緩其行者曰當官避難非忠也遂車騎之任不三日駕且到左右皆未識面時起倉卒舉措實難乃傳選士苦諫

事者十餘人相投規畫事乃就緒比 爲旋益有備
于時諸守令多被罪奪職獨獲罪是歲秋 上命刑
侍王公賑濟饑民咨以採菰之策其所條陳悉付施
行全活甚衆裕民多居郭外城市寥寥詣于兩臺從
鉅富者實之開創井闢以通貿易民甚便之清慎勤
敏歷三載如一日遷刑部員外郎奉命畿甸錄囚彈
竭精力緣事情奏可矜原者八百餘人皆得 俞
允自是聲望益重擢知開封府開封爲會城且孔道
號爲難治據劇弊端立法畫一諸宗藩悉歛不敢肆
政事卓異不可枚舉民有活包家之誦庚戌入觀考
又月小分命考 卷一 上 山西二
上最時湖南苗寇不靖遂陟辰沅兵備副使道出開
封裕州百姓爭持牛酒讙呼於道至不能行在楚未
幾以北虜猖獗牧馬南向擇異才移鎮重地乃收校
天津嚴隄防明紀律拊瘡痍減供用久之山右妖民
肆毒蔓延河間大名之間巡臺下捕治之令甚亟意
以驟勦之玉石俱焚給執令者曰此地皆我良民焉
有妖賊速除捕治之令衆莫測陰呼謹密幹辦者授
以方略賊 令弛謀解竟擒殺之地方以寧主子選
試武舉耆樞飭兵爲諸道最臺臣交薦其賢癸丑中
州僱師尚詔之亂移兵討平之夏轉河南參政汝南

撫民招集逃亡賑貸饑寒不三月令肅化行尋陞右
倉都御史巡撫宣府虜騎憑陵甚於諸鎮首請糧餉
給其食亟修墩堡衛其居時復備閭作其敵懷官軍
莫不戮力用命甲寅虜犯北路防禦有功晉右副都
御史乙卯九月虜大舉入寇由西路奔懷來與賊對
壘由是不得南下夜遣勇士劫其營賊衆驚亂乃遁
去乘勝追擊斬獲甚多捷聞 天子嘉悅有白金文
綺之賜上谷日行宣鎮地方曠遠難以周知乃編上
谷須知上谷圖說南山圖考地理險夷兵馬強弱糧
儲多寡無不備載邊事孔棘神力勞瘁初力疾事
久不能勝乞骸骨蒙 溫旨賜歸卒年五十有一
又月小分命考 卷一 上 山西二
王崇古字學甫號鑑川蒲州人嘉靖辛丑舉進士賓
出鄭端簡公門鄭負人倫鑒爲所器重悉以國朝掌
故及嚴守機宜指授之已奮然有自見之志矣授刑
部主事歷員外郎中臣璫麥福縱下爲奸利繩之以
法無少貸分宜中夏貴漢以危法獄具而獨不署名
徐文貞亟稱之出爲汝寧太守伊藩驕恣置左右于
法而歸其侵田大盜師尚詔蹂躪吳楚間諸郡震
設方略殘其魁數十人賊鋒爲挫晉副使飭兵

創海防條議事俞大猷等于海洋磯倭奴二百餘級
晉按察使河南右布政權右僉都御史巡撫寧夏上
諫秋防六事虜寇清水營遣大將吳鼎擊走之又招
降卜兒丈三百餘人虜徙榆林演瓦渣梁殺大將親
督勁兵往救之斬獲甚衆晉兵部右侍郎兼僉都御
史總督三邊軍務二歲中虜凡三薄塞遣大帥董一
奎趙奇等擊走之尋遣雷龍等出長城二百里至白
城子搗其巢大破之會流賊郭孟振鈔掠秦晉勢張
甚撤兩省兵平之凡斬首虜七百餘級鹵馬牛羊輜
重一萬六千有奇晉右都御史改宣大山西總督晉

本朝分省初考

山西

俺答者虜酋之最雄黠者也而中國叛人趙全輩討
傳翼之全居古豐州屋居佃作招亡命數萬號曰板
升導虜人塞故邊庭無歲不中虜國家懸賞格得全
等一人賞千金拜官都指揮會俺答愛孫把漢那吉
者有所恨挾其妻比吉等叩關請降崇古喜曰虜事
入吾彀中矣屬問帥厚物之疏請于上封把漢爲指
揮使俺答偵知把漢所在大舉兵薄城下索馬堅壁
清野坐困之而陰部署兵馬扼塞處相持數日虜稍
憚引退卽縱兵尾擊之伏軍四面起虜腹背受敵一
日七戰所殺虜遁當虜氣大沮知不可以戰得把漢

矣乃使人來言曰天朝躡我獫狁者且款塞然殆無意
執全等乃盛陳兵出把漢視之則把漢者已易綬纓
佩印綬帶金瑩然洋洋無歸意指謂虜使曰此几上
物也 聖天子寬之若此此不足購趙全等耶因遣
將軍田世威等往諭意俺答且感且泣願悉如命而
請貢馬通市世世稱外藩力疏請于朝得 俞旨於
是虜果執全等九人易把漢去旣獻俘 闕下 上
降勅封俺答爲順義王諸酋拜官有差崇古親詣弘
賜宣 上威德定貢市則諸夷羅拜龍帷奉表稱
謝貢馬五百有九歲以爲常其丑蒞觀宣大準事竣
穆皇帝大悅祭告郊廟御皇極殿宣表受賀自辛未
迄今邊鄙不聳完室家保首領省軍興費不貲功
甚偉焉是年進太子少保兵部尚書在鎮五載以協
理戎政召還明年加少保未幾告歸又十二年而卒
享年七十有四訃聞詔贈太保謚襄毅子祭九壇遣
中書舍人管葬廕子爲國子生三爲錦衣千戶一

楊俊民

楊俊民字伯章號本菴蒲州人襄毅公博之子也嘉
靖庚戌進士授戶部主事值虜薄都城主廩餼繕城
守分布咸有方略識者趨之尋調禮部員外郎中有

詔賜戚里黃門趨之宜給後民曰此內賜也非禮官
所得與宜於迎和門頒之上聞而是其言隆慶戊
辰督學河南刻二程全書置贈學田祀鄉先哲忠義
節烈者士斌斌興起轉本省參政時新鄭柄國鄢陵
劉生省新鄭甥也倣不受課倍秩之除其名其兄大
甲承揭有司請配于鄉揭嘗有手刃一子惡其刻忍
黜弗錄萬曆改元入爲太僕少卿丁父憂起補原官
轉太常少卿戊寅轉大理尋擢僉都御史撫治郎陽
辛巳進副都御史移鎮山東壬午 皇太子生詹一
子入太學其年陞兵部右侍郎丁母憂起戶部右侍
郎督理漕河巡撫鳳陽凡三歷重鎮所至斥貪殘損
徭賦實戶口詰兵戎諸所興除務計地方之便所不
便者卽詔條日下一切停閣忤權勿顧也撫郛二年
積羨八萬五千餘金通議罷郎撫預條善後七事防
之東土開田請輕其租聽民占墾期以數年易草萊
爲沃壤丁亥改兵部左署部事會議虜王嗣封俊民
言款未可遂罷惟內脩守備而外勒西虜使盡還巢
甲定市額使無溢索溢索而罷未晚也議遂決戊子
壽宮成以督役力陞正二品俸賜一品麒麟服已丑
協理京營念營兵驕情請選三大營備兵文總協標

山西二

下今足三千人以資彈壓報可是冬陞戶部尚書總
督倉場未幾寧夏卒戕王帥叛勾虜直薄潼關朝廷
發大兵討之輸將未半而朝鮮中倭患復發大師東
矣當是時東西用兵各數百萬勢極迫于星火前後
徵調七年餉不足議增鹽筴議拜爵免罪議勸輸議
借漕糧議轉山東粟補其百方僅無乏絕而 皇太
子出講長公主婚 仁聖太后喪兩宮災費皆不貲
無一不仰給者甲午中州大侵人相食所發帑庾銀
粟又數十萬九邊年例益誦而求增無已內庭非時
之索若增取滇金及趣辦鋪官珠寶等費復不貲且
家宰缺則命攝鈐御史大夫缺則命攝憲晨起入署
諸曹卽以次稟畫裁決略盡退而題覆章疏占咎箋
記筆不停揮盡酉而後出至不知有寒暑既寢疾猶
時驚起客客語家人不甚解然要皆公朝事無一
及于私者 上遣中使臨問賜以牢醴蔬餐復 溫
旨慰諭之乃竟不起計聞祭于九壇符卿營兆域入
人護其喪歸加贈少保兼太子太傅

張四維

張四維字子維號鳳馨蒲州人嘉靖己酉舉山西第
二癸丑成進士選庶吉士讀書中秘獨取累代典故

山西二

及四方興除利弊屢研核華亭徐文貞雅以公轉期之越八年 莊皇帝改元以實錄大典成晉右春坊右中允充經筵日講官已遷諭德侍讀晉吏部右侍郎教習庶吉士萬曆乙亥晉禮部尚書兼東閣大學士入贊機務丁丑纂修 穆廟實錄成加太子太保累贈少師吏部尚書中極殿大學士前後薦于者四方江陵秉政法令計急如東還請海內訓詁是年江陵急因客疏請下寬大 詔罷一切法令不便者其正首揆僅期月耳而常鼎華之會廣主深厚元元憂恤壬寅遺佚凡舊為江陵抑弄者猶次拔用由是

本朝人物考

卷一

三四

山西

公論大明中外清肅未幾以父憂歸里以乙酉冬疾卒計聞諭祭十三壇遣官營葬官一子尚質丞贈太師謚文毅

晉應槐

晉應槐字植吾號念冲洪洞人嘉靖丙辰進士授中書舍人擢吏部主事歷文選郎中條定選規按籍陞授無能輕重其間卽華亭相有所私亦不得也故事鈐吏秩滿率自舉鄉人以代時同鄉有大司馬以其子請弗應比擢太常寺少卿則大司馬晉冢宰矣脩前卻請遷判稍遷廣平同知久之轉河南僉憲值河

北礦賊大開密遣一將率勇士二十人往為賈客深入賊壘用間擒其魁十餘人餘黨解散已遷河西固原備兵副使數歷藏華影役稽糧籍清守支課鹽收備將卒通牧地脩河堤一切利弊督若觀火丁內艱歸復除湖廣副使首按侵奪屯田者置之法刊屯約四章擢叅政分守湖北榮府承奉死干醜理官受賄幾脫免竟坐如法晉長楚泉景王府第以府僚羣飲燬于火而罪無探者七人毅然起曰罪在官而以小民償之吾何忍竟釋七人罪抵其官歲當鄉試江陵相介學使者請其子笑曰不見翟相國之雙鳳鳴乎

本朝人物考

卷二

三五

山西

休矣已而擢拜右僉都御史巡撫寧夏靈州將為兇卒所殺遂庭震動以靜鎮之而以密計擒獲其首惡地方安堵未幾以楚事被彈章鈐部議以原秩調用南京竟謝事去卜築于北溪居曰漁樵坊曰澹泊齋日無思環清流周茂樹日手黃庭一編偃仰其間著漁樵莊說無思軒盟以自廣還鄉年僅五十優遊林下者二十五年七十有五而卒

覃應元

覃應元字德芳馬邑人母方姬夢神人持一果色正赤如柿芳香異人授之曰以此為而子彌月乃生登

嘉靖乙丑進士授歷城令歷城巖邑賦訟旁午至則應手輒辦時察民所疾苦草草務極其急開田北山下因湖爲渠教民灌漑治東山塗徑之險又者以使車馬至今賴之獨耻超事上官撫臺某性剛復用擊斷立威郡縣所具城旦書連者多斃杖下應元非重辟皆記過全活甚眾其檄縣徵贖金千兩籍僅數十金以報某大恚一日開書私以書兩金饋某適邑尉值庭下尉舉篋不勝書委而金見某怒計數十託他事逐尉去尉創甚應元屬醫調護厚遺之某謂其肯已而私尉也徧伺陰事無所得會奏最當徵召力從中沮之乃遷南京刑部主事尋轉戶部員外調兵部車駕司郎中主郵傳符驗達官貴人求請無虛日悉按例請絕之不少徇出守河南府治居天下樞冠蓋四集時有禁不得用傳留滯益多而民益擾至則酌定經費客無停軌供億之累移教屬縣汰冗復禁株訟勸農興學閭閻不嚴而化妖民許天宮左道惑眾聚惑之懼其亂也設方略擒之亂止嵩山有銀礦民竊爲奸利椎埋擊殺有司莫敢問密遣捕盜八人易服入賊所別伏健卒於要地以待八人潛伺賊首居嵩崖間擒其不備擒之從間道出既遠賊衆始

本朝分省人物卷一百一

三

山西二

覺駭而潰散嵩洛之間以寧同子還四川副使分巡敘瀘諸郡境接彝夷民俗龐雜時彝婦某謀作亂帥劉調知其狀請兵之應元曰彝所恃積聚耳第募健兒燭其巢此一卒之力豈足勸衆帥從之彝婦果廢其謀亡何移備兵延綏甃治神木鎮堯諸城堡以固封守開永清等處荒田以贍屯卒數諸將領私役士以裁冗餉疆事犁然以飭已調備兵長沙盜駕舟出沒衡湘間卒不能捕益乘其勢顛越人于貨下令哨船皆建大旗其上哨卒以號衣爲識分番巡緝所往來停船處津吏署狀馳報卒不得遲盜乃息轉苑馬寺卿分巡平涼值歲太稷牧卒坐馬死不能償逃者過半而部使者下追補之令甚急應元曰馬與人孰貴今乃欲驅生人償死馬手屬各監督寬督促急招撫流亡部使者以非初指奏令致仕歸應元曰失一官而活數千人歸可矣驪然就道抵家未數月而卒

張夢鯉

本朝分省人物卷一百一

三

山西二

附入歲會中邑令進順銀笑而却之曰乃公無用此爲也悉從實更原有大盜譚千獄閭兵來赴援者匪牆外日與睥睨不敢動手劒而入日敢後者死衆擁入盜皆伏誅時新鄆方貴所示風旨藩臬大夫皆風靡有扶漢令爲新鄆黨所愚新鄆重怒待之乃力白其無他新鄆大不憚而卒無如之何然以治行卓異秩滿不遷久之備兵靖邊初邊議貢市文武吏多以不廉失虜心否者以漢財物賤虜恣縱之名曰羈縻比至立畫機宜即以市權克市實不至費縣官一金事聞賜金有差而諸邊時方事虜願虜至無憂芻粟

甘肅順天外備邊內撫三輔悉裁抑諸不急費歲省征徭銀十二萬已悉取積通盡蠲之三輔民大蘇會虜炒蠻寇古北口遣裨將李如楨等擊破之獲首虜捷聞 詔賜白金文綺東虜土蠻以五萬騎犯遼都裨將楊粟等擊破之捷聞再賜白金文綺益爵一級以是威鎮諸虜間虜以十萬衆欲窺薊偵薊有備遂逡不敢入移攻遼又赴援遼再破之又再賜白金文綺而威將軍繼光時爲大將軍薊所與議兵間同異輒瞋目諍不下已而策果奇中將軍亦穆然心折也寧入爲大理寺正卿宣言廷尉與比部御史臺共執

法耳何知形迹論不當者輒反數月所計整登中者千餘贖大辟囚以羅織下獄者全活甚衆時江陵相賁倨甚抗直無所詘江陵目攝之或謂宜遜謝奮衣起曰吾不能徒步勤造請若廷尉湯也遂謝病歸生平爲人嚴重孝友與人交無城府然非公事不一見縣大夫仕宦三十年無異寒素以萬曆丁酉卒年六十有五

邵光先

邵光先字子孝號文川長治人嘉靖己未進士令上海用治最徵拜御史按貴陽首劾大中承奸賊及豪

實不法狀繼按逆窮治弱藩使黨置之重辟請宗欽
手擢大理寺丞晉少卿尋晉右僉都御史巡撫延綏
時虜求內附定貢議虜數要市實劃爲定額鑄銀不
得溢于歲數大省已條奏善後四事乘暇繕邊垣一
千五百里至今賴之移鎮陝西增置守將清理芻糧
邊地肅然轉左副都御史協理院事丙子閏視薊遼
保定邊務所上將吏殿最一律於工實晉兵部右侍
郎廕一子國子生辛巳以母憂歸服除起原官總督
如故以邊勞晉兵部尚書廕一子入太學丁亥晉太
子少保前後在制府八年宣示恩威中嚴約束務以
大義折虜謀服其心而間出機權制其變故八年間
東接金明西連張掖延袤數千里封守堅完吏民安
堵無異時烽燧燧舉兵連不解之禍萬曆已丑在鎮
聞父喪一慟輒僵不能起距生五十有七已耳訃聞
詔贈太子太保子祭四壇命行人董彝事視常典有
加焉

王家屏

王家屏字忠伯號對南山陰人其始生也祖石溪公
方假寐夢有仙仗擁金童自雲中下覺而乃生有異
寶童時授書一再過輒成誦甫十三補邑學生成隆

大明會典卷一百一

下

山西三

大明會典卷一百一

三

山西三

庚戌辰進士選庶吉士授翰林院編修同纂修世
宗實錄辛未分校禮閣萬曆改元同修穆宗實錄
乙亥充經筵日講官雅擅經術善講解每進講禮度
從容音節洪亮上每改容聽之從流馬晉宮詹歷
陞翰林院侍讀學士掌院事尋教習庶吉士改吏部
右侍郎乙酉以吏部左侍郎兼東閣大學士入內閣
奉與機務與太倉王公錫爵同麻而拜五月召對綏
閣偕同官議處章奏庖駕視壽宮賜織金飛魚
羅金柳狐諸物至大峪山召對惺次丙戌以風竊偕
同官條上數事請寬科抽減型器罷本間上嘉納
之是歲以丁內艱歸當推閣臣上不允虛席以待
比禪除手詔起禮部尚書兼東閣大學士遣行人即
其家召之以四月入朝踰時未得謁見值萬壽節乃
上疏曰臣入京踰三月矣尚未獲一瞻天表奉玉音
臣惟堂陛之交惟有朝講軍國之政惟有章疏今朝
講久輟典禮並廢矣聖壽屆期捧表入賀者雲集尚
可端居大內不一出乎章疏頻留網紀漸弛矣皇
儲虛位上書力請者鱗次尚可留疏禁中不蚤定平
臣願早臨朝寧無違祝聖之期畢發封章首下建儲
之議上覽疏感動爲再御門始而恩上自屬以

之庚寅元日召對毓德宮 上擁皇長子令閣臣諦視諭以保愛之指請諭教 上領之疏請冊立不報四月以災異上疏言今天鳴地震星隕風霾川竭湖洞之變疊見四方水旱癘疫交發累歲外患未休軍餉積缺邊陲並潰兵農俱困而議論紛紛罕持大體解書詳致祇備編文網維廢弛名實敝混徒高日刻心而不能效一臂亦安用臣爲哉用是自列罪狀冀賜罷歸奏入得 旨慰留再上疏曰 皇上靜攝之旨屢形傳諭臣子之心豈能自安幸而 聖體康豫而不能朝夕獻替導主德于緝熙卽或 聖體違和本朝今省人考 卷一百 三二 山西

再來煩賓直待十五歲冊立復上疏云臣復奉 諭旨竊幸元良之建斷自宸衷冊立之期振於來歲臣當喜色以歡傳諸臣亦卽當調指而供俟矣第恐口傳天語宣布未周不如親發給音播告尤速謹擬傳旨一道伏望裁發施行所有再來煩擾直待十五歲之說各臣默示 聖意戒諭諸臣似未可入之傳帖遂擬帖附沒入奏度不得請卽令關門吏馳報禮科禮部沒出果傳旨云札子不必用而部科回話疏已生矣 上雖不憚然止奪部科俸而儲議遂失自是廷中無復言建儲者明年八月主事張有德以造辦錢糧請 上震怒罪有德責輔臣附和改冊期遲三年已而侍郎黃鳳翔以忤旨放歸言官羅大紘鍾羽正等並以爭議冊期蒙譴科臣李獻可等又以請豫教降旨有差乃封還御批力請寬宥其疏云獻可等輕冒臣等何敢僭爲解釋但疏稱冊立之典可以少緩而待來年論教之期不可少停而虛今日則其意乃在請諭教非請冊立也乞憫狂愚特從矜宥詎入未報會有中救獻可者皆獲譴復上疏曰頃科臣李獻可等降罰之旨臣不揣封還揭請未允而諸臣申救者又已得罪兩日之內嚴旨疊出奪俸謫官授荒

削籍甚之廷杖雷霆橫擊風日凄陰原其衆端則自
臣搆救獻可始是臣惜諤諤之士而反累濟濟之
羣英爭降罰之輕刑而反搆放逐之重譴也望 皇
上將臣特賜罷免以示首事之愆仍召還降謫諸臣
以釋株連之累不報又上疏云臣遭遇 聖明具員
輔弼既不能婉導密視防君志未萌之欲又不能明
諍顯諫扶乾綱將壞之樞曠職鯨鯢久當退避所以
逡巡未去徒以被恩高厚毫髮靡酬庶幾殫竭愚忠
漸次匡正乃今數月之間請朝請不報請廟饗不報
請元旦受賀不報請大計臨朝不報大馬微誠不能

公朝分省人物考

卷一百

主四

山西

感回天意已具見於此矣至於升儲大典九廟之神
靈共屬萬方之想望惟殷冊立之期或可少待而豫
教之舉委宜蚤圖科臣所言未爲差謬謹呵一出遠
近驚疑使道路之猜議橫生宮闈之譏構交作循省
虛庸終慙匡救若復依違保祿澳浼苟容死且有餘
戮焉願亟賜罷歸俾全晚節辭愈直切 上溫旨慰
留復上疏曰伏荷天言切諭謂沾名逸卧大非人臣
之義所宜且念贊襄有年當以幾務之艱爲慮華衆
鈇鉞總屬皇恩雨露雪霜何非至教惟是孤忠獨立
之身抱下愚不移之疾俯循深痼恐非數日之假可

痊望乞生全寔以一朝之福爲幸上不報至三月廷
試辭免讀卷官賜玦之命始下疏辭有云情依依而
戀主頻回弃婦之頭心假假以憂時橫瀝孤臣之涕
至辛丑東朝遂建閣之喜甚日聖主如天四時寒燠
自有節序老臣慙矣爲齋沐表賀 上遣行人持羊
酒銀幣存問官其子湛初爲中書舍人癸卯病夢與
馬文莊詠獻芹聯詩覺能舉其句及病甚寂語皆公
家事也計聞謚文端

趙三聘

趙三聘字天民號任齋河津人生而魁秀童時里胥

公朝分省人物考

卷一百

主三

山西

攝吏夫者開于門諸兄走匿聘獨往見令婉變盤辟
容止甚都令奇其狀試以文立奏詔曰異才也賜之
筆札而厚遣之更夫事得解年十四禮已諸生登隆
慶戊辰進士授益都令改江都丁母憂回起補獻縣
凡三領縣皆麗郡冠蓋如雲簿書山委出則戴星入
則設燎窮日夜之力慮之館無留賓案先宿牘嘗衆
謁上官問及鄰邑疑獄令噤不能對聘代對之甚悉
上官偉其材凡旁近縣獄無不移以論議者前後疏
薦十九能聲日益上聞而勞亦日積寢病咯血矣聘
之爲令也其大指在拊循百姓振救其蓄害而不爲

苛瑣江都苦徭賦力行條轡法民使之獻縣苦河溢
爲颶源導委俾水有所歸民無墊溺中州苦盜行保
甲法什伍相伺盜以日衰權守禹州六年寬于御民
嚴于操下墨吏猾胥銖兩之奸不少貸檢故府圖籍
編次州志以備信史入拜司農郎值鑒與謁山陵中
貴人騎而從者部當宿芻藁以待晝地爲域按次給
之迄事無譁者監九門鹽法日與大璫共事儼然以
正臨之諸胥隸蠹蠹其中者撻剔殆盡監銅運左帑
金漕粟應手輒發曾不淹時士氣倍厲廣寧北有牽
馬嶺道迫陘騎過必下或議開之以便乘輿聘曰此
一綫之路正以限虜開之不虞延虜以入手後虜果
從其地內犯衆乃服其識以功贈金者三增秩俸者
一已丑擢四川副使備兵川東會其子已成進士官
檢討喜自慰曰吾乃可以休矣遂移疾歸歸而構
間聞亭于郊園携琴及觴咏其中條然適也享年六
十有五而卒

衛 瑛

衛瑛平陽洪洞人擢鄉進士調選真定通判平易循
雅事無專成人未之奇也兩遷至開封知府悅意修
政務在全安小民始得其所開封爲東甯要衝且在

省下賓客車從輻輳百事瑛委瑛既視事一切不急
之費獨省十五六民咸便之撫按官或有所下令度
不可常行卽入具白狀從容陳說故上司初以爲憚
直久始諒其忠信不妄也當是時天下郡縣爭爲媚
調所在張飾與馬伏謂道傍唯諾必謹百姓利病率
不爲陳甚至匿水旱不以聞惟恐失名譽其苞苴暮
夜益瀆濫不可言瑛獨以平正自持直而不挺謹災
告窮用紓民力或有所忤譴謫時至輒徐然曰吾以
惠人爲本耳寧卹其他乎由是上下咸稱其賢治行
爲天下最然終以無援竟不得遷居開封九年以河
南參政致仕瑛在官不以妻子自隨歲所支俸錢皆
付庫吏掌籍衣服車馬非敝不更造至今汴民猶誦
思之

補遺

王 矩

王矩平陽府人景泰中知辰州府剛方有守正直不
阿盡心民事而尤拳拳于學校病劇有私饋之金者
矩曰吾平生無私至此吸爵豈全歸乎得正而斃吾
願畢矣比卒諸附圖書數卷此外無長物也士民走
吊哭奠者如市至今人尚稱述之

劉 辨

劉辨字文翔山西平陸縣人正德六年進士由行人選四川道御史清軍山東巡按陝西刷卷京畿嘉靖初以加 獻帝徵號抗疏陳諫廷杖致仕

王 佐

王佐垣曲人正德中知西平縣會賊倖至佐乃嚴備禦日夜視城與僚屬誓以死守既而城陷佐帥衆巷戰力盡被害事 聞贈光祿少卿 命有司立祠祀之仍磨一子入監

人物考目錄卷之一百一

山西 潞安府 沁州 大同府

栗恕 杜敬

李仲 趙泰

劉昭 李之瀚

李昱 趙偉

李紀 劉龍

溫景葵 任家

盧學禮 李鐸

李文輔 李止

王 潘 王文

阮勤 劉索

楊能 韓錦

李昇 白聚良

李新芳 薛朝胤

仇時濟

大同府

石珥 劉文

孫祥 郝杰

郭容 林椿

劉伏玘 孫逢吉

宋經 李從正

張汝舟

遼州 高魏 王雲鳳

王佐

澤州 楊砥 茹太素

張昂 侯璉

楊繼宗 田鐸

張璉 王珪

孟陽 郭瑩

郭瑩 游居敬

劉廣爰 常倫

劉東星 王璉

原傑 宋甫

常軌 宋鑑

吳茂 李振民

張徽 王翔鳳

張徽 何廷良

張徽

本朝京省人物考卷之一百一

山西 潞安府 附澤州 大同府

果恕

果恕潞安府長子縣人洪武七年以縣學生起貢入國子監授刑科給事中十五年延臣薦其才特試戶部右侍郎十七年陞試戶部尚書八月定各處鹽工本鈔十八年七月奉命行兩浙京畿官田收稅糧鈔其天下有司官俸米每鈔二貫三百文准米一石其酒醋諸色課若有布帛米穀等項俱折金銀錢鈔除量存各司府州縣祭祀所用餘各令該司局等官親齋具奏有司帶辦者差吏管解俱以次年正月起程又令各該有司復設糧長以民力稍多者充當其各賦役必驗丁糧多寡產業厚薄以均其力至是又命有司第民戶上中下三等爲賦役冊貯於廳事凡遇徭役取驗以革吏弊時以農桑起科太重百姓艱難今後以定數爲額聽從種植不必起科以甦其力恕宣勞于國屢見推任未幾上疏求罷歸里

杜敦

杜敦潞州空閒人年十五善屬文勤慎好學精通易書詩三經元末省院廢辟不起入國朝洪武十三年

以尚書范敏薦其學行特勅徵之比至京陛見

上曰昔有耕莘者爲政社稷永安樂最者在朝君仁民康斯二賢蓋出於殷商致君六百年之大業是賢者雖處同出異其忠君濟民之道則一朕政未施訪近臣而求士召爾等來朝命爲四輔官兼太子賓客位列公侯都府之次必欲均調四時德合人天卿等慎之同安盛世及蒞任上又諭曰受斯重任朕與卿等民生係焉可不重乎且卿等昨爲庶民令輔朕以掌民命出類拔萃以顯父母豈不天人文慶哉未幾命敦司夏季三月皆上旬十日每人見賜坐講論治道上嘗幸第及屢賜珍饌襲衣又嘗賜遊東苑上親與賡詩後以老病告歸卒于家

李紳

李紳壺關人洪武初由薦舉擢典籍十五年十一月陞爲侍講學士上賜之勅曰昔有唐天下歲和時豐無乃弘文館之設有方任館內之事者內相協贊以致遐邇來庭外戶不閉今特命爾紳居是任尚斯文同韓柳勳比房杜以昌治化十七年上與紳等論武事紳曰用兵重在任將上曰任將之道固重然必任之專信之篤而後可以成功若唐憲宗用魚

劉恩肅宗用吐突承理爲監軍諸將掣肘以致貽事者是任將不專信之不篤故也劉曰惟陛下聖明深知其弊上曰將必擇有識有謀有仁有勇者有識能察幾於未形有謀能制勝於未動有仁能得士心有勇能摧堅破銳兼是四者而後可以成功然亦在人君任之何如爾十八年出爲浙江右布政使尋以老致仕

趙泰

趙泰字熙和潞城人登永樂癸卯鄉舉明年試禮部中乙榜當授教官願入太學肄業尋歷政憲臺擢常州府同知廉以持已惠以及民勤以蒞事凡利民之務必爲之開孟賁得勝二河作魏村閘及郡城外東西二橋功成而民不勞歲旱齋沐禱於城隍大雨霑足蝗飛至郡焚香告天悉飛去夜夢城隍祠神指一女人云當辯其冤迨旦一婦人訴被誣當死泰以其事可疑乃廣詢博察得其情實事遂白婦得不死泰減常官田重租修學舍課諸生進學其善政甚多秩滿奏最天曹會河決東昌特陞都水郎中往塞河既興功時尚書周公爲侍郎巡撫南畿總蘇松諸郡糧賦以貳重大薦泰協同都運詔從之泰任事以勤勞

率民徵輸有法不侵其下吏民仰賴無何以疾卒春秋五十有二泰爲政公恕平易不尚刻覈所至有聲稱焉時同事周公深加悼惜

劉昭

劉昭字克明號約禮潞城人穎敏秀拔登宣德間進士第觀政刑部練達治體爲大司寇所器重正統辛酉擢給事中於南京封駁章疏一秉至公糾舉六卿不避權要時宦官監收倉糧民被其害昭卽上疏陳言弊用以革皇城門闌出無禁劾奏嚴其稽察直聲煥煥重千兩京正統戊辰用大臣薦陞知臨洮下車之初學官之類敝者重正修葺以勵人才田野之未闢者令民開墾以重農事郡治舊缺鐘鼓二樓捐俸市材增創之不越月而成民不告勞蓋其興廢補遺靡不類此初郡科目乏人蒞事以來恒加獎勵故自庚午至丙子士領鄉薦者彬彬輩出景泰壬申歲大旱民缺食流亡者衆巨方撫綏既設法勸借以賑之復割俸煮粥以濟之時潰死而賴以復蘇者不可數計屬邑民訟不能決者一言折之不惜者往往差服故刑獄多所平反民以不冤郡有歌之者曰野有饁民惟侯活之我有時疇惟侯關之古人謹歡惟

侯牛之有此三惠孰不懷之聞者以爲實錄云雖官七年不赫赫以立威不皎皎以沽名惟砥礪名節勤恤民隱曰吾惟求盡其在我者而已故其沒于官也環千里內外無間軍民皆悼惜之曰安得撫我復有如吾劉公者耶春秋六十

李之瀚

李之瀚也留人宣德乙卯鄉薦咸進士出知華亭歲惡民流加意招撫漸以復業還貴戚所侵民田徵拜御史按陝劾賊吏沐宿奸郡邑吏望風懼伏擒巨猾之肆毒一方者寔于法扼鎮守貴璫不得恣其惡縛

之身入于公命

卷二十一

五

山

終南山妖僧市斬不以稱亂故株連無辜陞江西副使遷按察使歷布政使擢副都御史董漕政淮南守結逆璫貪侵虐民劾罷之會藩王由運河之國恐其妨運奏令各船分行兩河得以不擾徵入爲左副都御史言南戶書時外守備縱家人私攬歲課不以輪官收繫獄宿通始完尋致仕歸

李昱

李昱字文昭號慎齋世爲潞州人天性剛毅篤於爲義慷慨自許動以古人爲法領宣德乙卯鄉薦卒業太學請選授光祿寺署丞正統己巳扈從北征陷于

虜庭虜人欲用之不屈臨之以刃乃曰主辱臣死今日願吾死所也遂遇害景泰初進階徵仕郎廕一子入太學喪以勅命子淳歷揚州推官高堂同知孫堂以鄉薦令遵化爲死馬寺丞

趙偉

趙偉字士奇號愚菴潞城人正統戊午鄉試高第丁卯入選銓曹拜河南開封府同知綽有政聲時少保于公撫臨其地嘗奏保衛輝懷慶知府未及行景泰辛未接丁內外艱至乙亥服闋復改山東萊州府如前職萊民聞知咸舉手加額私相謂曰吟得賢父母

本朝今省公命

卷二十一

六

矣偉蒞政如在開封而心益勞功益著聲益宏甫二期用廷臣薦陞青州府知府已卯夏旱飛蝗入境率屬虔禱於八蜡之神已而甘雨太澍蝗種盡斃歲大熟越辛巳政通人和公視府第及廟學壇壝多傾圯乃設法措置拓而新之官不知費民不知勞青民有一家坐三人以死者憐其絕後活一人以延其嗣忽一夕夢其父祖匍匐而至謝曰延吾之後公之惠也吾亦惟祝公之後繼續而益大之耳在治八載間傑於勤成化丙戌適當朝會之期自上疏乞歸既得請優游桑梓日以教子耕讀爲事每歲時自鄉飲外未

嘗一至公府見里中有貧者，賜給之婚喪，有未舉者資助之。如是者幾十載，一疾奄逝。時成化乙巳，享年七十有六。

李紀

李紀字朝振，潞州人。中成化乙酉省試，授故城知縣。故城俗昏娶，論財家貧男女或壯老無一匹者，紀至盡召諸里耆而立之約，自今昏娶論財者法弗貸。于是貧家皆得匹，縣故有官地占干豪官莫能奪。紀按文責地豪，即出之還官，乃歲以地出給貧民，緩其征。秩滿擢錦衣衛經歷。六年，權臨洮府知府，臨洮雜番本朝分省，令守。朱一百一 七 山西三

築難治，紀曰：「不操法令，無以還惡也。」乃治其豪侮，法令者益尚嚴明。吏民人人無不怖恐，無敢冒文者。其後人人乃得自緩，不至陷害。郡大治。守日與僚張宴，坐花行酒吹笙，時與衛官擁旌旄伐金鼓出城行射，數獵。然人人亦喜。觀曰：「太守甚樂孔武，弗擾也。」洮水將壞城，洶洶不可渡，守登城指其山石可隄，其山木可梁，乃築石隄，水去城三里，伐木爲八舟，梁之在郡剛方，自持不能恭。事上官上官多畏害之，都御史有親故過府，販綿葛求守令于民爲倍利焉。守曰：「此何以令民？吾爲民守，終不能爲都御史親故販而

董利漁民將報之，其人懼而遁。諸于都御史都御史彈守降爲長蘆運司同知，或勸之曰：「運司財利府也，人無有望身名陞者。」公又貧，獨自爲計，邪弗聽。益峻自潔，嘗赴京諸大商賈人張具于路，遮馬留食，徑策馬趨過之。叱曰：「吾食汝邪？于是御史嘉之上，其名曰居可貧而弗污者，今見有李同知爾居嘗曰：『寧死不污，寧貧不貪。』故爲孝廉時以能却金不爲人干，請蓋其方廉志性不移如此。由長蘆擢福建運使，一年乞致仕。歸曰：『吾何以弗已邪？』世之見用者不附勢，寧通滑爾方者取廉者塞吾無用矣。吾何以弗已邪？別號本朝分省，令守。朱二 八 山西三

默菴晚又號潼東主人，好吟咏，著有默菴集。既疾，會其親族子弟曰：「吾年止今日，吾平生儉人，以爲齋吾無人以爲有夫，誰知予者？」遂出篋，舒開使共視之，惟圖書衣幘而已。

劉龍

劉龍字舜卿，號紫巖，襄垣人。祖浙江副使，父鳳儀，以進士爲刑部郎中。嘗畫寢夢一紫衣人以朱盤捧書排戶而入，曰：「上帝以此賜汝。」翌日而龍生，幼穎秀，不凡十歲，號能文。筆鋒警銳，弘治乙卯舉山西第二人，已未中式禮部廷對，擢二甲第三人，授編修。尤經策

講官與修孝廟實錄正德丙寅丁外艱歸起復館職時逆瑾用事改授兵部主事尋改吏部考功司員外理誅詔復原官陞左春坊領司經局修玉牒講官如故癸酉主順天鄉試陞侍講學士與弟給舍夔同列華階嘉靖改元命教庶吉士與修武宗實錄再主順天鄉試陞禮部右侍郎賜織金羅服紗絹末二襲冠帶靴履副之值母喪加賜祭葬服除陞左侍郎日講如故久之陞南京禮部尚書廕一子國子生尋陞南京吏部尚書壬辰內察悉心訪覈去留號爲精當改南京兵部尚書兼贊機務濟州諸衛快船工料諸

卷一百一十一

卷一百一十一

九

出

上允致仕賜驛以歸歸則時與親知觴咏紫巖山水之閒意殊樂之節鎮巡臺交章論薦詮部擬起用而竟不果出嘉靖癸丑以病卒初邑人見大星隕城北赤氣亘天祖塋草木皆悴咸爲龍危至是果驗然年已七十有八矣

溫景葵

溫景葵字汝陽大同舉人也其文行爲鄉表以嘉靖壬辰進士令長山擢御史守蘇州並有治績嘉靖庚申邊事孔棘兵道初設乃自朔州道移任朔制運籌詳審精密任四年政兼百善事極人心功垂世軌如穀殘傷農立爲糴貯法因軍餉對支掠害商人立爲入倉法因將士重冒行糧濫費立爲稽查法因後府催殘徭坑衛職疏准爲徑解惜薪司法修建昌營劉家營石門寨半壁山等城爲邊疆保障未再閱月新郡城樓七座處置有方財不費而居民不擾爲重鎮偉觀遂選庠士館之孤竹書院聘師豐原嚴程課如親子弟然故一時登巍科者皆出其門約軍衛而寬履並用遇士夫而恩禮兼隆疆圉肅清小民安堵加參政俸癸亥之變總兵陳沒督撫重譴朝議難其人科道交薦特權都御史巡撫順天其惠澤及人者尤

深居三載告病歸里以疾卒十家

任 襄

任襄字應乾號復菴潯安人嘉靖甲辰進士知廣平
調刷沙河丁父憂起復滑縣沙河當南北之衝疲于
役甚首爲省厨傳罷誅求以次釋冤獄毀淫祠凡所
興革必視民所便其治滑如治沙兩邑皆祠祀之體
同知蘇州府時倭夷寇東南所至民與吏輒奔以潰
憲獨訓練所統民兵與之力戰而躬介胃策馬以先
之自書其姓名於腹背手足曰死戰吾責也茲用以
收葬焉聞者感泣又與其兵同寢食或連日
夜粒米不入口或露宿草庵植立泥淖中所得俸錢
及諸上官之牢醴悉分與其兵由是兵益日奮敗賊
于上海之八團方戰時寇拔劍直趨擊襄賴庖人以
身蔽之獲免而猶身被三創既而守太倉以積勞疽
發于背其子爾孝請還郡就醫叱曰吾誓不與賊俱
生幸吾疾愈而賊滅當與若共享太平之福否則有
臣死忠妻死節子死孝而已歸以是語爾母會報賊
至遂憂瘡出海擊之怒濤如山南人習舟者皆震駭
失色襄意氣彌厲手劍麾舟師搏之賊大敗俘斬百
餘未幾又敗之陰沙敗之條山敗之南沙捷聞擢山

東僉事備兵蘇松賊又犯蘇民爭走入城聚保門鎗
不得人哭聲震野寰日城池視百姓重等耳奈何棄
之亟命啟門曰賊入者某請任其責明日賊至敗之
許門復至復大敗之賊遁論功進副使賜白金文綺
廕一子潯州衛正子戶世襲丁母憂部使者及諸士
民連疏乞起詔責以大義而特贈其母以慰之不得
已受命明年倭平疏乞終制詔報可陞山東參政以
旌其功竟以前勞積瘁疾作遽卒享年僅四十八莫
不悼惜之

盧學禮

本朝分省金匱考 卷二百十 山西三
盧學禮字立夫號趨庭潯城人少負異資毅然懸岸
爲博士家言敏捷有法度博聞強志名稱超然隆慶
丁卯舉京兆第再上春官萬曆甲戌將復詣試而值
母恭人病或勸盍且趣裝慨然謝曰安有親臥牀養
而千里赴名有如關千一訣何以爲子竟止不行頃
之遂丁內艱丁丑北上成進士第筮仕南召令踰年
聲績大起天官偉其才望未幾以外艱去職服除補
東阿決歲召爲兵部武選司主事再遷車駕郎中擢
兗州府知府已復丁繼母憂服除補守襄陽會播州
兵興供億徵輸多所勞瘁又以推使暴征爭不能下

方有歸圖旋督陝西副使兵備洮岷聞命欲謝不往所知戚敦迫之爲一持節澄鎮入與勅使爲忤竟拂衣歸歸不數月輒病病不踰歲竟卒學禮寬然長者也貌樸而偉坦夷無城府接人辭色雍雅情義藹然凝重不佻口若鈍于辭然于世故民情談說娓娓曲中肯綮雖竟日夜不倦居職廉儉無所紛華取簡靜寬和爲理挈綱疎目耻言苛細而比獻精詳綜理鎮密猾胥不能欺也事使之際不爲崖異而動有執持亦無能撓其法者蓋純然古循良吏矣南召僻小邑然在山谷隱寒中多礦盜日夜拊循小民樽節裁省與之休息因以嚴飭烽遂盜不得發境內無虞治當孔道其衝倍于他邑不滿暮月政通人和誦聲交作赫然最尊中充爲東方大府方制二千餘里介在兩都之中稱望郡以治邑之政移之于守風聲所樹二十七城罔不蒸蒸庇在宇下兩臺諸使以疏言治狀且十餘上天官考其治績表爲憲副候命未下遂以憂歸故再補而後遷位雖尊顯于資地稱淹久矣猶以不能爲容拂衣而老仕林惜之而里人當其卒識與不識皆爲嘆息泣下至空市走叩則忠心誠信所感深矣

李 鐸

李鐸安人才識通敏以國子生任江西倉事有任剛果不阿得風憲體

李文輔

李文輔潞安人以國子生歷任山東濟南府知府在郡多善政以才幹馳聲

李 達

李達屯留人洪武中貢士任福建道監察御史秉公執法立朝後移有風望出按外省軍民咸服

李 濬

李濬襄垣人永樂進士拜兵部主事陞保定知府尋調河間所至有善政林歸鄉里以詩酒自適高枕柴門怡然自足所著有雲蘿稿瀛海集

王 文

王文潞州衛人少砥礪行履端潔正統間舉人知邠州舉無訛政以績最陞潞州府知府調河南平涼兩府所至皆上德輕刑民立碑頌之後陞浙江鹽運使致仕

阮 勤

阮勤長子縣人性嚴毅篤學研精經史景泰間進士

授大理寺評事遷寺副陞知台州府單車至郡終和
弊導美利在任九年流民煦煦如子民亦愛之如父
母既去立碑識恩轉山東參政歷左布政使治行為
諸藩最拜都察院右副都御史奉勅巡撫陝西軍
民稱便無何召入為兵部左侍郎尋改南京刑部秩
滿赴京上章乞休詔進榮祿大夫平生清介自持
歿歷中外幾四十年始終一節士論重之

劉藻

劉藻襄垣人景泰間鄉舉權監察御史數上封事多
見採納從征荆襄有功擢浙江按察司副使卒於官
本朝分省人物考卷一百一

主

所著有一卷孝子鳳儀孝友純篤舉進士補高密令
有惠政官至刑部員外郎

楊能

楊能壺關人姿儀瓌秀有才識天順間鄉舉同知東
昌府事在任廉明譽徹上下時有妖言連逮十餘人
皆抵死能力為之辯得釋尋陞本府知府子奇歷拜
戶部郎中有才名官至浙江參政

韓錦 李昇

韓錦李昇俱潞城人六世同居家庭雍穆成化六年
並旌其門

白象良

白象良潞城人朴魯不知書母卒廬墓十六年始終無
少懈其孝誠殆天性云弘治六年有司以孝聞

李新芳

李新芳潞州人嘉靖初進士任揚州保定二府推官
清白自將鞠獄明允民不稱冤擢主事改監察御史
致仕時年已越艾猶講學不輟躬德履義士人翕然
宗之

薛朝胤

薛朝胤潞州衛指揮嘉靖六年青羊山土賊陳卿餘
陰為譴日久勢猖朝胤率兵征勦自晨至午斬獲甚
多賊走三角山復突至賊營連射殺十三名賊分路
衝擊後陣官兵潰散遂遇害

仇時濟

仇時濟潞安人為宿州吏目五世同居閭門百有餘
口歎然無間嘗與弟時茂作仇氏家範以為世守復
與鄉人舉行藍田呂氏鄉約河內何塘稱其門有義
讓之風云

山西

大同府

石瑁

石瑁大同府應州人領宣德己酉鄉舉庚戌入國監
至癸丑進士觀政戶部收通州倉糧草去宿弊正統
初授禮科給事中擢知金華府鄒郡括蒼盜起出兵
擊之掠酒食殺人於郭外瑁執斬以徇始帖然就部
伍以去民避盜來者老稚扶携千百爲羣皆乏食非
開官庾莫能濟上官疑莫敢曰彼迫于殍死則亦爲
盜矣擅開庾與迫民爲盜罪孰重我就其輕者得禮
無悔也開以濟之歎聲雷動蘭谿吏徐世揚浦江
王猛烈皆爲其邑患苦量之法衆以寧謐母憂去任
御史軒公輒以助珥括蒼盜鎮足守固民怙其仁
兵憐其義爲言于朝得旨起復還任尋陞福建右
布政使時所部內沙縣盜始平增築城以鎮其地
事悉以委之計工匠度財用兵民力近遠輻輳城
完以期而無告勞者屬郡稅比歲多通聞瑁督稅
民咸相告來諭曰石公不苟取于我無以此累之生
平以廉著稱福州守雷礪以富入覲待金往贖亦峻
却之他可知也上聞其賢以爲吏部左侍郎未幾
遂召爲禮部尚書靖恭於位朝望益孚甫三載而卒
年六十有四

劉文

劉文字宗華大同縣人以鄉貢士選習吏字舉正統
元年進士授中書舍人仍譯字十四年扈從北征還
陳邊務數事景皇帝召入便殿面問之尋命提督
四夷館丁母憂詔奪情任事陞吏部郎中天順初以
迎駕陞右通政成化五年再陞右通政九年命偕都
督李文淵安西番三年而後歸因乞休致至家卒
聞命有司致祭又在夷館最久熟知夷情屢有建請
多所採納云

孫祥

孫祥大同府大同縣人正統乙丑進士擢兵科給事
中十四年土木之變起拜都察院右僉都御史鎮守
紫荆關北虜犯順被賊射死

郝杰

郝杰字彥輔號少泉蔚州人父銘爲監察御史按滇
南有能聲杰以嘉靖丙辰進士授行人選御史按貴
州丁父憂歸服除補河南道按順天入掌京畿道會
鄭高公拱再相杰嘗露章斥其器最不堪端探出
爲陝西副使遷江西參政改山東丁母憂歸服除陞
浙江按察使尋轉左右轄拜右僉都御史巡撫遼東

其年虜十餘萬人寧前督輕騎擊走之明年春虜悉眾犯遼陽督諸將追出塞斬首虜三百八十餘級虜獲器畜以千計捷聞詔賜白金文綺廕一子國子生其冬虜二十萬騎入河東分道諸將禦之斬首虜百奪所掠人畜以還辛卯春虜約東西諸謀大入先其未發合諸將共出鎮虜臺掩擊之斬獲甚衆虜謀以殺在遠三年繕塞修城扞防之備甚設前後條議邊事以十數詔晉兵部右侍郎兼詹事府御史總督副遠無何晉右都御史入理戎政陞南京工部尚書尋改兵部參贊機務以萬曆庚子卒于官得壽七十有一

本朝分省人物考

卷一百一

十九

杰夙負志氣始進盟心期不爲勢賄移兩使親藩餽遺一無所受按部問輔值歲大稔痛哉供億撤郡吏各以方略佐賑饑民用甕中璫採免實抵踐殺役民疏陳其害罷去楊忠愍繼盛以擊相嵩死爲請建祠祀之得賜額曰旌忠出爲監司浙管兵以減餉諱羣擁撫臺吳公於軍中刃脇之杰聞變疾馳而前諭以利害悍卒斂戢吳公獲全無何杭民以火甲偏累控狀直指不得伸構惡少夜縱火燔掠公署及貴豪家一邑洶洶杰于兵燹中走衛直指而陰勒營卒捕爲亂者收繫獄明日僇其魁衆乃戢其鎮遠務遠斥堠

房近塞輒先謀知其情計署諸將宿勁兵以待虜入互爲犄角動應指揮靡不以全收勝者遂之績蓋獨傳焉計聞賜祭葬贈太子少保廕一子國子生

郭容

郭容字千仁大同渾源州人成化乙酉登鄉書屢試春官不售僑寓京師友天下士銳意樹功名其魁壘之氣鬱無所施則相與縱論天下事抵掌高談緩據古今出入經史罪罪如屑或論不合則而折之人雖不堪不少假盡言乃已然直諫素著人亦不甚怒焉癸卯夏天子召見便殿訪以黃白之術容謝不知是歲冬除山東寧海知州單車以赴民有豪猾恣爲奸利前守莫能制鄉人畏戒縛而杖之除黨解散州濱海陋無禮教婚嫁爭財女不時歸定爲條約赤貧者足帛縛酒官給焉每得亂吏治者俾輸本自贖民死不能葬者資以棺具養濟院布粟以時頒暇則按視問以疾苦嘗謂守令之責實兼教養於是條具利民化俗十有六事請於監司行之識者知其志非小就者也甲辰冬中貴人奉命祀海神因欲稅金以媚於上郡邑將從之容逆諸境上言境內往歲雖產獲金日漸微渺得之甚艱置稅則朝廷未必得分毫之

利而百姓受無窮之害况後課額不足又將取足於民或有他虞亦今日啓事者之責也或以餽金獻斥之復以危言動其左右之人中貴猶豫且心憚稅卒不行乙巳督餉宣府感暑疾還至京師寓舍卒得年五十有二

林椿

林椿字永年號南山大同衛人襲右衛指揮食事尋擢把總統部衆遇敵斬獲賊首陞指揮使由此韜畧益開聲望益著維意所向目無勍敵推陞右衛城守備甫歲值大廟灣之變身披重創不克視事乃乞休

不與入

卷二十一

三

林椿

尋念守備朔州維時虜衆南下岢嵐係腹裏劇郡萬特選改其任至則極力經營百廢具修歸然壯於邊陲值夜分宴坐吏人懷金投帳下無語而出椿遽扃之入叱令持去旦日集諸吏白其事且督之曰爲官暮夜受金爲貪耳此與爾爲軍輩訖且奈何哉由是無不感泣二十三年拜協守大同副總其年幾三十餘壯懷忠志益肆激發每讀荀武穆詞至食肉飲血處憤慨嘆曰人臣懷仁義以事其君豈容旦夕忘此與人接談必以捐軀殉國自許居家遇祀事則齋戒獨宿臨事戒懼每用占卜九精靈棋經稽驗不爽性

好修合醫藥歲每捐俸濟人多所全活凡軍中嬰疾者卽僕僕視脉施藥用是軍深德之管修塞垣與士卒同苦卽飲食莫之或辨防秋夜遇雨雪端坐管帳子姪輩或勸飲遣懷止之曰士卒且凍餒直衛吾尚敢他縱乎丁卯秋提兵右衛夢與賊戰叱咤之聲雖寤猶壯烈每提兵出必拜別老母若永訣意卒之前日虜勢剽寇邊猶衷甲將躍馬重與母氏叩首不覺泣下戀戀然意屬後事於子觀者駭異率寡弱至桃坡墩猝與賊遇自己至申慶戰虜勢小却乃傳聞張總兵官懼所不虞頓足大聲誓不與賊俱生轉戰而西維時賊衆併力四集重圍夾門矢盡勢孤遂爲流矢額傷卽氣微幾絕而目尚瞋裂齒尚尚昨切其潰賊合餘威懾襲猶交相駭愕而不敢近者久之

劉伏玘

劉伏玘大同衛軍舍也大同有叛卒王三者驍勇絕倫且多智嘗嘗鼓衆殺主將竄投虜中初虜疑之謂必殺其妻子以示信遂歸鴟母及妻火其居爲不返計於是虜尊禮之俾統健卒鈔掠邊地庚子迫太原辛丑深入榆次以及文水岢右之間無歲不罹荼毒所至無敢觸其鋒者甲辰秋突入紫荊直抵完縣京

師戒嚴 天子震怒詔械督府鎮巡官而下論罪有差職方郎韓勛廷杖且死懸賞格能生捕致闕下者予千金官五級世襲現向與三善兼有力技乃挺身而出曰戮此妖醜非伏現不能留三子于家贍養父母自携其妻女與所善三人毅然就道直抵關口以釀酒爲業居將一年三忽執戈佩橐單騎挾四小虜按轡關下問戍卒釀者爲誰卒指現名以對速令趨會現携壺檢出伏道傍三下馬執現手曰弟何爲在此現泣曰貧甚聊寓此糊朝夕耳因我在第何憂貧富貴可立致也現飲泣酌酒爲壽傾數盞欣然樂之

六朝金匱 卷二十一 細三

日吾欲至爾旅舍現辭隱隱不能爲款曲固請以行至其舍相勞苦備至且請見其妻女曰今日當與弟盡傾家釀以極醉爲期願小虜出數金遺之其妻亦繆爲恭謹跪獻數巨觥而復出禮其小虜俾之盡醉日將夕三與小虜俱偃卧舍中數試之不覺現乃與同事三卒以大椎椎其兩臂縛以巨繩載至總戎所覆覈無僞檻詣京師傳首九邊以懾諸虜完靈首衆聞之星夜解圍而去加賞俗予現千金官正子戶同事三卒各百金官百戶邊惠甫寧

補遺

孫達吉 孫達吉渾源人正統間鄉舉初知陝西延長縣擢御史所至肅然其在四川舉掩骼埋骸之典復清刑獄辯其數年冤抑者其兩大注歷陞陝西布政使始終官陝歲四十年秦人熟習政教老稱知其姓名

宋經 宋經蔚州人父弼爲翰林庶吉士官至戶部員外郎經成化間連士任行人擢御史轉大理寺丞左遷安州知州居官剛正不阿以故貶于獄通判青州陞濟南同知廉勤公諱卒於官囊無寸蓄妻子幾不能存

李從正 李從正蔚州人成化中鄉舉任吏部司務歷陞禮部郎中出知九江府剛介明敏政教兼舉因自陳陞提布政司參政致仕民爲之立碑頌德

張汝舟 張汝舟渾源州人正德初由舊全經陞陞順天大城尹時劇賊劉六輩突至汝舟以孤力守危城悉力保障誓不與賊同生既而賊大合來攻城陷巷戰而死其子策以護父并遇害事聞贈光祿寺寺丞廕一子入監

山西遼州

高魏

高魏遼州人事母蕭至孝洪武十五年應貢入太學十七年以孝行旌尋授前軍督府試左斷事十八年上疏欲饗河南山東北平兵後荒田及抑末枝傾選舉借名器數事上嘉納之後坐斷事不稱旨論成貴州關索嶺建文初知州王欽應詔辟魏赴銓曹上書論政事其一曰太祖分茅胙土先據形勢陝西百二山河其人悍勇西隣土番故以秦府王之山西表裏山河地產良馬其人剛壯北近胡虜故以晉府王之燕國坦平肥沃貢賦饒衍雖沙漠不毛廣畜馬羊其人丁耕不蠶皮衣肉食馬是務遼金殘元簪之魏業故以燕府王之四川雖曰西南一隅山河阻深玄德武侯虎視吳魏故以蜀府王之其餘楚湘齊亮谷代遼慶星羅棋布比之古制雖分封過當然莫不欲其護中國而屏四夷也今親王驕逸不法違犯朝制不則則紀綱不立削之則傷親親之恩以臣愚見莫聰晁錯削奪之策當下主父偃推恩之令秦晉燕蜀四府子弟分王於吳楚湘潭如是類比而分王之少其力而減其地賢如河間東平者下詔褒賞驕

三注

山西

卷二十一

二十六

逸不法如淮南濟北者初審之弗赦之三則合諸親王告于太廟削其地而廢處之豈有不順服者哉上建文奇之會靖難兵起命從李景隆出師參贊軍務魏復上書言臣願使燕曉以大義遂遣往燕魏自稱國朝處士臣某上書燕國大王其畧曰太祖升遐遺詔內外臣民同心輔政天子嗣位誕布維新之政朝野皆曰內有聖明君王外有骨肉藩翰帝王之治可待不意大王與朝廷有隙張壘三軍抗禦六師竟不知其意何出朝廷諸臣執言仗義以順討逆臣以爲謀動于戈執若和解使帝者復帝王者復王臣之義大明骨肉之親愈厚釋猜忌之疑塞讒間之口慮不及此而欲效漢七國之謀家必自毀然後人毀之萬一好雄豪傑因時乘釁率數萬眾突起而橫擊之萬一有失大王獲罪先帝矣今大王據北平取密雲下永平襲雄縣掩真定易若建瓴然自興兵以來經今數月尚不能出畿爾一隅之地較以天下十五而未有一馬大王將士殆亦疲矣天下無限之師太王以一國之衆應之計太王同心之士大約三十萬大王與我天子義則君臣親則骨肉尚生離間之疑况三十萬異姓之士可保終身困阨而死於殿下

乎即幸而兵勝得成後世公論謂何倘有蹉跎取議萬世於斯時也追復臣言其可得乎魏象 太祖故養無能補報洪武十七年旌表愚臣孝行臣竊自負既爲孝子當爲忠臣死忠死孝臣至願也書上不報景隆兵敗輒自扳南歸建文二年遇鐵鉉於臨邑相持慟哭共誓效死遂趨濟南城守拒退堵難兵作賦志喜京師破魏益死驛舍中

王雲鳳

王雲鳳字應韶居山西和順之虎谷因號焉父南京戶部尚書雲鳳成化癸卯鄉舉明年舉進士除禮部主客司主事清忠劾官獨立不懼足不躡公卿時不赴無名飲宴或謫其矯激不顧也成化弗豫禮部沿舊典舉齋醮雲鳳言于禮部尚書周洪範曰祈禱固臣子至情第行子佛老官非禮若干壇于南郊障地大臣率屬禱于天三日可也乃不克用弘治庚戌疏却貢獅子疏入得允天下傳爲盛事陞祠祭司員外郎尚書倪岳因災異倡府部院疏弊政用雲鳳四事草一懲邪惡二禁給度三停減齋醮四議處宗室言甚剴切陞郎中朝廷欲度僧乃疏列千餘言三上皆不報僧道通中貴者謀欲普度憾以危語不勒令

下度僧不多而逃軍囚匠不與時人皆喜其有四天之力神樂觀道士多賄賂或姦盜教坊司或買良爲娼錦衣衛校尉獲賊又誣娼巧取其資漸以成風雲鳳皆疏題禁絕之又奏准天下郡縣皆立名宦鄉賢兩祠爲後人式拉祠薛文清於鄉而斥韓王徵鑒之道號禁吉府土木之科擾 上皆嘉納由此知名丁巳京城風霾踰旬各處天鳴地震雲鳳陳修德弭災之道大意納忠言罷左道齋醮傳辦奉諸事 上遂下 詔求直言雲鳳又代部尚書及諸大臣條二十一事李廣表裏通惡人莫敢言雲鳳又獨上疏乞斬廣泄神人憤以再災變廣怒令道士設醮呪死術以舒恨乃令校尉數伺其出入月朔 聖駕郊天看牲回誣以駕後騎馬下錦衣獄誦知河南陝州比至問民疾苦典利祿害惟恐後州城高阜井深二百尺民難於水乃勸通廣濟渠水入城民皆踴躍日受百狀皆與別白口訊手判仍應他務入以爲有劉穆之之風已未李廣漸疎於 上懼誅飲毒死得陞陝西按察司僉事尋陞副使整飭洮河岷州邊備乃申孝弟革宿弊所按部贓汚官吏有望風而遁者軍法嚴明邊卒悅畏條疏八事者可常行復改擾學正德丁

陞陞山東按察司使丁母憂歸服闋陞國子監祭酒
始微 命欲堅辭父大司徒公曰吾老矣汝置我何
處死乎不得已泣而就道素見憎劉瑾至是復無所
餽瑾怒欲中以禍竟不能得時國學教廢朝夕講說
約東太嚴誹謗四出雲鳳欲更六堂名曰主敬窮理
修身修道教諸生讀小書以上達理聞怒曰王雲鳳
亂成法欲代邪讓死邪雲鳳以道不行快快求去會
瑾下獄遂上疏乞養病御史楊邦禎等父薦其賢又聞
於輟畧 上命巡撫宣府地方又上疏以疾辭不允
本朝公傳 卷一 三

卷一 三

二九

山西三

乃上楊太宰書其畧云山中屢聞忠諫之言近者留
正昂一疏尤爲人所傳頌未聞唐介初貶時潞公有
此也執事於是加人一等矣然介雖貶未幾而復其
殿中侍御史今王昂既不獲還之青瑣則推薦超陞
在執事筆端焉耳他日秉史筆者書此一行豈不足
以照耀千古哉每恨李文達近稱賢相然惡羅倫淪
落以死猶斥岳正坎珂終身極貪之陸布政反得超
擢今文達之富貴安在哉一時快意可畧也前輩影
樣之多後人是非之公可畏也一人私情可畧也天
下指視之嚴史氏紀載之實可畏也一身極榮極富

極貴可畧也每日光陰之易過去者不可復補百年
歲月之無多來者未必可追可畏也且用舍之間士
風所繫扶持正人則善類慶而士風以振進獎邪人
則善類沮而士風以頹唯鳳與執事可以此言進故
不復忌諱況今兩耳皆聾調治不瘥只當耕田納稅
爲畝畝之闕民養親讀書忘歲月之不貸豈有夢寐
更著冠束帶耶伏望周旋其間以必得通藏爲幸縱
猿鹿於林莽之外投魚蝦於沮澤之中某未死之年
皆執事之賜也稿傳京師人爭錄誦雲鳳并欲辭避
尚書迫之行不獲已之鎮以便益從事將官犯法依
律重輕罰米至萬餘石用足軍食自恭將以下願指
氣使莫或敢喘息練習軍士率有紀律日戒諭防衛
如賊在目前虜不敢輕入北門鎖鑰時論歸之兩閣
月丁父喪服闋除職如故清理浙江鹽法上疏乞致
仕 上不允准病痊起用雲鳳曰吾志遂矣遂歸不
復出人士想見其丰采焉

王佐

王佐字廷輔和順縣人幼敏慧光祿君初丞譚城驛
有中貴宿驛久人厭苦之佐夜密令人取庭樹巢鷦
鷯身朱漆而縱之中貴見而驚熟視之故鷦也詰詰

館人皆驚以爲不解遂去之弱冠爲縣學生二十六
舉鄉試成化戊戌登進士佐試政吏部太宰尹公嘉
其器識數召與語兼咨訪人才辛丑除又選主事尋
丁外艱去甲辰服闋補考功司丁未常朝觀之期例
覈天下諸司官博采輿論必求其當凡貪酷吏雖親
故不曲庇貴勢請託一無所撓或本廉吏而爲敗者
所中傷則力爲伸雪之遷驗封員外郎弘治庚戌進
郎中有土官承襲例當駁覈屬一京宦覬白金若干
所免卻而逃之其人愧恚自是不復敢見太宰三原
端毅王公知其亮直調考功司又值覲期黜貪濁斥
庸懦拒諫託視前加嚴焉山西提學僉事楊文卿每
憾佐不薦已比遷山東副使以公務至京見少宰曲
陽周公謂之曰王郎中數稱君賢楊乃嘆服甲寅遷
太常少卿提督四夷館尋丁內艱去服闋至京師留
逾年不得調相知者諷以具禮幣往謁執政應曰諾
賈未嘗往又趣之行且令一隸施從所之明日過執
政門不入而去相知者伴問曰執政云何曰執政意
無他也因具言其狀爲之一笑改順天府丞敕下事
繁動涉權要處之裕如乙丑遷光祿寺卿節縮供應
所省甚多正德丙寅遷戶部右侍郎奉勅勸功臣

地主於常州丁卯轉左侍郎時劉瑾用事凡大臣和
道使外還者皆有厚餽不然立見罪黜公約無所饒
瑾常語人曰世言山西人吝果然自是銜之屬時遣
使稽覈各邊糧芻先後巡憲臣多坐累繫獄一日
同尚書顧公輩見瑾瑾言及茲事曰朝廷必誅戮一
連人乃懼耳佐曰本朝未嘗輒戮大臣恐不可開端
有敗吏部尚書許公進者瑾信之語諸大臣曰許某
奸邪若某尚書可爲吏部佐曰某與某尚書素厚與
許交淺然許素有時望某尚書恐不如毀許者因譖
曰王某實黨進瑾益怒遂遷南京戶部尚書欲姑遣
之去而徐圖之耳比至南京以戶部廣東司失金幣
冊逮先尚書韓公輩詰問遂翻佐下詔獄以爲罪
令致仕歸又中以他事罰粟千石歸家行李蕭然圖
書數卷閉戶披閱子弟親識非有故不得見越四年
卒性孤介寡合鄉鄰無當意者惟善李昂一人謂其
有篤行娶其女爲子婦至白首恒念之在仕途所交
不過數人所敬服者二三人而已慈惠逮下使人若
恐傷之尤善記憶凡所涉歷終身不忘有文集數卷
山西澤州

楊砥

楊砥字大用澤州人洪武甲戌進士授行人司右司
副上疏言漢楊雄仕莽爲大夫劇秦美新之論取議
萬世宜伸舒三策及正諡明道之言足以扶翼世教
孔子廟從祀有雄而無仲舒臣愚以爲退雄進仲
舒庶合萬世公論 太祖皇帝從之陞湖廣左叅議
建文時遣李景隆等攻圍北平城砥上言帝堯之德
始於親九族今當務惇睦不宜加兵自剪其附枝附
枝盡而根本蹙矣爲齊黃輩所忌斥罷之 成祖卽
位起爲鴻臚寺卿喪父廬墓側者三年服闋陞禮部
左侍郎坐巡河渠失職降工部主事改禮部永樂十
年命簡開北京郡縣馬陞太僕寺卿明年兼死馬寺
卿砥率勳僚屬凡孳牧之法與民之利病悉條奏行
之馮大蕃息毋喪賜鈔千錠命護喪歸葬哀毀致病
未至家而卒上悼惜之遣官致祭砥剛介勤敏居官
有操守其孝行尤爲人所稱云

茹太素

茹太素澤州人洪武初由舉人除監察御史陞四川
僉事改刑部主事因災異以五事上言甚多至萬餘
字然罪之因察其言可行遂著建言格式累官刑部
侍郎都察院都御史以事擢翰林院檢討尋陞戶部

尚書圻直不屈屢瀕於罪 太祖悉宥之一日宴便
殿賜之酒曰金杯同汝飲白刃不相饒太素叩首曰
臣一心思報國不避帝心焦 上惻然者久之尋以
事降御史出爲江西叅議

張昂

張昂澤州人國初舉人材建文時遷至禮部侍郎會
諸藩不靖廷臣建議凡藩國所在悉更置守臣以素
負重望者居之乃以昂爲北平左布政使比至潛察
燕有異謀遂與都指揮謝貴以在城七衛及屯田軍
士防守九門飛章奏聞有樞吏李友直者智謫人也

昂以腹心寄之友直乃竊其章密獻 成祖會朝廷
遣內官建護衛官僚 成祖逼使召昂入至端禮門
爲燕山副千戶譚淵所執昂與貴皆 屈而死昂得
尸還葬 成祖登極其疎戚及同里 咸分遣戍邊
後 上屢夢昂等披髮爲厲命出其屍焚而葬之昂
面如生一子逃去不知所終洪熙 元詔昂戚屬戍
邊者家籍一人餘縱之還里正德 辰知 馬汝驥
立祠祀之

侯璉

侯璉字廷玉澤州人永樂癸卯山西鄉試第一宣德

丁未進士爲行人以善辭令而剛果能斷得名四川雲南廣西諸土官有爭地累年不決者朝廷以命璉至則按圖考志召諸耆老開誠布公智力貨賂不可移由是皆服而罷 上以爲能交趾黎麟諸命璉輔禮部侍郎章峻往錫封至其境關門低且隘先驅者言當偃伏進止之曰此中國所謂狗竇也於土人出入則宜今天命下臨不可由此度迂者驚懼爲撤關乃度由是蠻夷益謹禮不敢肆既歸毫髮無所受入以此益賢之遷兵部主事虜寇阿台朵兒只伯犯邊與會川伯趙安尚書崇車等自梁州分兵出鐵門關攻敗之與有勞績以外艱歸居憂盡禮而哀感加焉服除陞郎中麓川思任發反詔尚書王驥帥師討之璉輔行往來督戰視將校用命不用命者定賞罰賊攻天侯州以偏師往援令於衆曰吾視賊氣驕有輕我心宜掩其不備卽麾衆薄之呼聲動天地斬殺無算賊大潰我師益奮與衆將井保等遂破石甸等十餘寨聞大將軍至麓川賊阻截不得通復與保等由高黎貢山晝夜兼程進與大將軍合搗其巢穴賊遂平凱旋陞禮部右侍郎賜白金鈔幣且賜誥命以寵之尋奉 勅出鎮雲南得便宜從事雲南饑乃發倉

廩及募富民出粟以賑之全活甚衆會再討麓川餘黨楚引偏師由平崖南甸進破賊于思機發所居寨獲其妻孥輜畜提問陞左侍郎賜白金絲幣還兵部左侍郎復鎮雲南騰衝城置軍衛馬時議以賊子思機發在孟依復命靖遠伯王驥以兵往勦之璉與都督張軌分軍抵金沙江造船先濟奪賊地爲管於是大軍畢渡燬其柵而進賊奪孟依度不可支各鳥獸散去窮追至孟糯海子等處不可得乃班師諸夷酋長皆驚駭曰古漢人無渡金沙江者今大將軍至此真天威也南夷無復反矣還鎮雲南 景皇帝卽位遣使齎 勅嘉勞賜白金絲幣值貴州饑苗叛攻圍新添諸衛道梗弗通城中食盡命總督軍務往征之時普定圍急乃自雲南選善射者爲前鋒自將至普定及戰矢下如雨賊大敗圍解遂趨貴州副總兵田禮等以兵來會克龍里甕城諸路新添平越等諸圍俱解由興隆而下抵鎮遠皆平定事聞 上嘉其功陞兵部尚書又進克安莊西堡長官司時暑雨方盛瘴癘大作璉得疾昇普定醫弗效諸將問疾惟戒以勿輕此賊合整兵進勦無貽患生民未嘗一語及私時年五十有三 上聞嗟悼遣官致祭命歸其柩於

澤州有司治墳以葬

楊繼宗

楊繼宗字承芳陽城縣人天順元年進士授刑部主事陞嘉興府知府九載秩滿超拜浙江按察使以母喪服闋起爲右僉都御史整飭薊州等處邊備兼巡撫順天等府爲治中陳翼軒奏左遷雲南按察司副使進湖廣按察使未幾復擢右僉都御史巡撫雲南卒計聞遣官致祭宗廉介峭直人莫敢犯而爲政恒便於民其在刑部時憫獄囚多瘦死者每時其飲食令三日一櫛沐全活甚衆在嘉興惟有一蒼頭自隨

本朝分省人考

卷一百一

三十七

山西三

譽望不無少減云

田鐸

田鐸字振之號西楚澤州人生而資稟英特成化戊子領山西鄉薦戊戌登進士授戶部主事陞員外郎中弘治二年四川饑奉勅督糧五萬往賑之事竣復命以誤遣勅中語調蓬州知州時方經賊前爲守者里設巡視鄉正與老人苦饑兵吏下鄉誦事名曰安民而實病之鐸下車一切罷去民用以安是歲六月不雨蒞政甫三日即霽沐禱於社引咎自歸是日大雨如注遂以有年出奸吏六人民稱快而寇盜猖獗甚至人州城行切鐸設法緝獲巨盜又增築壘堞申嚴門禁盜遂屏絕州濱江溪民多病涉乃建大小二十四橋三溪山高而無路乃鑿里許爲途民無病陸者州東南江有洲八十餘頃居民樵採牧養所資豪右侵以爲業奪而復之民流他方遣人招懷諭以免後三年仍令悉耕山地不增糧額民復業者甚衆聞取前賢行實切於憂倫者圖注懸旌善亭朔望令教讀童童誦習以時講於州俾父老聽之監司行部訪盜投牒者審知其然甚嗟重之每謁文廟畢必與諸生講論經史辨疑導滯通暢而後已廟廡頗

本朝分省人考

卷一百一

三十八

山西三

壞重爲修營務堅朴可久不事華飾在州八載吏畏民懷政聲彰徹都御史及御史薦章六上陞廣東食憲在廣存大體略細故所治清遠廣海二衛弊以清革其爲政如此

張 璉

張璉字伯純澤州人登弘治丙戌進士出知尉氏改宜陽課農興學旌良懲頑流亡者還徙訟者息入內臺爲御史逆瑾銜其直罔以罪卒無驗止晉河南僉憲提督學政關奴廖鵬陷之改陝西河外收糧都御史張甚貪而復璉與御史成文載以登制某不堪誣讎於總制總制聞於朝有旨覈驗某卽實以上垂命官鞠之某大用賄下于詔獄凡三年臺臣數論列誣乃明是時內閣素嫉天下名士輕已翻右某坐以不遜除名嘉靖初起用屈滯值有驍者在當路沮之成公再起爲副都御史夾璉屏居山中讀書談道考古義得失自六經四書程朱氏外不屑師焉所著有程朱心印若干卷藏于家

王 珪

王珪字邦器號西溪澤州陽城人自幼聰穎過人一時儒者咸推讓之弘治試不售志益篤弘治戊午以書

三十九

山西三

大朝人市公物

宋二

四十一

山西三

經領山西鄉薦已未登進士丁父憂守制服除授戶部主事歷承差委臨清德州居庸通太等倉監督所至夙弊一清司農卿鄆城伯公洪洞韓公咸以廉靜稱之丁卯母太安人卒于宦邸扶柩回葬服闋陞刑部員外郎中時逆瑾擅權專務苛比珪獨持正不阿法署咸以平恕明允稱之遷陝西僉憲已調河南分巡汝寧道值巨盜劉六等擁衆數萬雲擾中州逼近汝城人皆震懼珪力爲捍禦之計集衆誓曰賊勢雖熾逆天必亡不足懼也我奉命守城死生禍福與爾輩共之衆心始定因密疏具奏遣將命師互相犄角屢致克捷廉知賊黨趙秀爲汝人其母久禁獄中立釋精養之秀感泣圖報適賊首趙璠與劉六等會兵秀急報珪督率部兵追襲一舍地殲之時紀功者招權納賄珪不爲禮大銜之悉削其功不錄事平僅蒙鑑金文綺之賜循資陞山東副使備兵審雲永平等處劉州歲役出廩粟賑之濟活甚衆時虜寇把兒孫犯邊殺傷參將等官抄掠甚毒同撫鎮率兵討平之再賜經筵進山東參政時海西夷人進貢道經開原守將誣執爲盜以撲殺報功天子遣官按覈珪承勸據實回奏撫鎮俱得罪而珪亦因以犯衆忌矣遂

解組以歸享年七十有五而卒

孟陽

孟陽字子乾右倉都御史公春子也世爲澤之大陽以領正德丁卯鄉薦第三甲戊舉進士授行人司行人恒欲以名節自表初使宜府犒軍卽與監督軍務中官抗禮中官不敢忤而禮益恭比行總鎮饒道一無所取再使韓府亦卻其餽王乃製詩卷贈之爲行人凡四載不遷或欲一見當道不宜坐自淹沮者護應之退而私自語曰君子立身當如玉少有瑕玷終身之恥吾豈以官而易吾身邪且行人清秩何必

大朝今省公初考

卷二

四十一

山西三

科道哉正德已卯春毅皇帝北巡榆林回命下復南巡人情騰沸臺省部院等官皆不報陽慘然與諸寮友一十九人抗疏極諫屢不報陽慘然之罪疏入毅皇帝震怒命杖之亡監之知必死仰天嘆曰嗟乎天乎吾得死所矣越一日卒于京邸距其生僅三十有四卒之日諸親友候之有問者但言曰當死當死殊無一言及家事平居孝友謙抑若無知者退事則萬夫莫奪嘗與父議有不合輒諍之既悟則跪膝而謝罪幼爲祖母愛後乃迎養京邸比祖母卒哀毀骨立尤嚴于好惡區別故嚴

不少假明年辛巳毅皇帝升遐世宗入嗣大統首詔贈監察御史錄其子一人爲太學生

郭登

郭登字允重號一泉高平人正德已卯甫弱冠以春秋魁三晉問學聲震士林嘉靖壬辰復以春秋魁天下文出四方士爭傳誦之授行人奉使韓府奉循規制乙未選工科給事中歷禮科刑科左右給事中己亥陞戶科都給事中悉心効忠累疏建白不茹不激切中時艱常選簡危聖母梓官塋顯陵都御史息綬卽論劾罷之復命上嘉賞賜內鑲錦綺無

大朝今省公初考

卷二

四十二

山西三

何工部尚書有請張者抗疏論其舉人咸爲懼已得俞旨落尚書職念天下戶口從存版籍殊耗實數欲重邦本宜行攢造法章入上是其言行之常語人曰言官貴識大體糾官邪先急要可也若恣已意摘人細隱煩更張吾弗爲矣用是朝端推服一時公議歸之壬寅陞太常少卿提督四夷館館舍久圯捐俸葺之堅題名石率教師訓譯生勤習藝業法今大行會丁母憂陳情蒙諭祭戊申制闕復任四品三載考績已酉擢南光祿卿尋轉京兆尹時胡虜犯近郊都城戒嚴下令堅壁清野慎加防禦畿輔以安庚戌進

南大廷尉明年召還棘寺明飭法律雖忤權璫弗顧
壬子陞工部右侍郎奉勅總理蘆溝橋是歲以三
品考最進階通議大夫賜恩三世廕一子入太學甲
寅轉左侍郎督修京師外城籌畫先勞務圖堅入而
材力一無靡費工竣加尚書俸丙辰奉旨致仕邑
志缺有司請修則加意致正二三閏月志成爲困
于南郭與親黨賢士大夫遊詠爲文雄健精暢深得
左氏體詩有唐韋劉超曠之趣著作多散逸有一泉
稿藏于家年六十有六

郭鑒

郭鑒字允新號三泉高平人嘉靖辛卯薦于鄉
舉進士是年上親賜諸進士及第復御文華試
二十八人讀書中秘鑒徵選益肆力于學望日起辛
丑授檢討尋丁父憂起考九年滿陞修撰己又奉
命修大明會典壬寅陞司經局洗馬兼修撰丙辰陞
國子監祭酒丁巳陞南京工部右侍郎戊戌春分考
會試壬子秋上命偕宮允尹公主應天試論者咸
稱得人任祭酒端模範師訓典本經術造士而尤以
德行爲先故一時及門之士彬彬循循習爲一變待
人恕而自檢實密日勞公務夜分枝文執以是發疾

作會又值其女喪鬱鬱不自平竟卒距生得年六十
上聞爲遣祭緇紳士無不悼惜者作文有典則詩沉
着自成一家類其爲人有翰林詩稿國學文集家居
集若干卷藏于家

游居敬

游居敬字行簡號可齋世居高平登嘉靖壬辰進士
選庶吉士讀中秘書改授監察御史以澄清自任不
爲姍姍巡視蘆溝清商人匿稅語侵司農疎然見憐
巡按應天墨吏望風解綬微有疑獄屢歲不決燭而
釋之有池守執政姻也倚勢爲奸利廉其贓劾去之
戊戌出爲浙江僉事精數吏治畫民便利事禁湖游
戢戒壇杭俗爲之一變辛丑擢廣東副使歲饑設法
賑貸民賴以活者甚衆晉參楚藩適有事安南從中
調度咸得機宜撫督重臣嘉之遂晉浙長憲己酉鄉
試多得士旋丁內艱服闋復補浙藩時倭寇猖獗征
調主客兵以數萬計事起倉卒庫無贏餘軍需皆倚
辦馬經畫無後期議者欲練士著沃客兵客兵鼓噪
當事者莫知所爲徐以數語諭之噪者還拜解散李
太宰眷屬過浙衆爭致款第以常禮待之太宰謂疎
已三年不調以外艱歸庫內羨餘悉上之撫院充餉

毫釐無染及闕起補山東戊午鄉試總裁枝士無何奉聖書巡撫雲南時鎮守沐朝弼方以奪嫡事爲其妻嫂陳氏訴訟朝命屢下切責對狀朝弼負固賄遺執政者益狡焉侵奪所屬民田以日封乃以分義裁之歸其所侵騰越州莊田朝弼陽順而陰銜之切骨東川逆酋阿堂謀東川強奪府印擅立作亂奔烏撒致與宣尉安萬銓霑益州土官安九鼎治兵相攻十餘年不解也至是侵及羅雄州逼危會城奮袂起曰堂堂天朝寧容此么麼弄兵震動我三省艾夷我農工傾覆我疆邑無休息時耶上疏請誅之下

朱二十一

四二五

五三

三省會議撫勦從便宜第事屬各省多首鼠多方招之不服乃乘其不意督兵進勦阿堂就戮三省以平會南京戶部缺侍郎推補而朝弼以歸騰越州莊田銜之謬謂朝軒使曰阿堂事奉旨會勦十餘年奈何游某專征之且宴然以軍門自處擅興師旅一切兵餉不聞鎮臣其如祖宗三百年職業何因與部使交構共謀以輕舉大眾蹈不測以徼必不可成之功疏奏遂被逮時金吾使者逮于行間離會城五百餘里次子於廣年甫十六自以年輪志學父以忠直被逮既解臧獲豈忍父獨行毅然冒寒東侵露露奔走

於崇山峻嶺間晝夜馳驅三百餘里且馳且餓旬日始達乃於普安驛相會淚淫淫下不能自禁也抵京諸皆苦楚詔廷杖下獄戍碣石前平定虜功悉爲部使所抑不錄會穆宗改元赦歸詔下求遺逸詔起南京刑部右侍郎尋改爲刑部左侍郎適大學士高再起欲甘心于華亭徐公凡見彈劾者一網去之乃語其所善曰相君必不忌華亭暨所嘗抵牾非計也僕爲相君姑舍是而一心以謀宗社異日誦相業媲美伊周善孰大者同官以告恣睢甚嫉其門生曰而無能爲若人除黨吾不能一日容也竟以年老

朱二十一

四二五

五三

論致仕歸越四月卒廷議重之遣官諭祭登祭如故事性狷介雖百折不回學務邇其先世言必歸實踐居身攻苦茹淡居家泊如日一食猶糲也一衣猶敝也一席十年漆枕櫛匣皆青衿時物雖貴不易也按江南疏夫騷擾傳食者而辟除之又捕奸黨王冠翼於法數歷各省所至不軌法豪猾屏息滇南一整旅平十餘年之叛逆匪此舉三省不得寧也使臣而有此伐當受延賞之典不錄已爾而獲罪在成貪竇至從者莫能堪有以居間請者叱曰我爲清白吏今皓首矣即饑死瘴鄉不失清白鬼也其刻厲如此

劉虞慶

劉虞慶別號和字澤州高平人年十六魁省闈弱冠
登辛未進士選讀中秘書詩若文力追古作兩擅其
長癸酉授翰林編修明年使泰藩尋充大明會典纂
修官教習內書館壬午考九載績轉侍讀是歲分纂
起居章奏兼理誥勅踰年充經筵講官丙戌擢左春
坊左諭德兼翰林院侍讀掌坊事已簡充日講官兼
清武監黃會典成晉左庶子兼侍讀戊子以太常寺
少卿兼翰林院侍讀學士掌院事明年晉詹事府詹
事兼經筵日講忽母安人之訃至一號幾絕已殯起

卷二

四

出

具疏言臣不孝死罪臣母就木而臣不及視含殮也
歸何以見臣父惟上哀憐之俾臣得微恩於母而
請罪於父以修於宗死且不憾上特允之詔封父
官母贈淑人子之祭葬服除詔起正史副總裁是者
撫浮言之是時父春秋高以得侍左右為幸仁義
丁父艱扶病號踊益毀瘠不勝喪竟委苦次卒距
其生年僅四十有五天性恭謹又自以英齡權上第
驟踐清華宜求不負其職益務挹損遂有以自下
遇詞林先達於朝僂僂却立牽其臂乃肯前與之批
磨折欲盡觀之語訥訥若不出諸口也朝下楚更策

馬歸健一室機書盈几搜奇抉隱率夜分始就寢愛
為文章早盡全兩而彌好深湛之思其典訓必考義
地訓字雖句琢無片語不工麗乃已自餘應酬諸作
微文者雖戶亦必遲之累旬月躊躇滿志而後出之
卽一尺紙非再四點竄不發也侍上講經依經演
義就事陳規每新於感悟嘗說詩夜如何章反覆發
明人主憂勤之念上為動容嘉其稱職庚辰癸未
再分枝禮閣士鑒別精審雖退然若不勝衣而外飭
中凝卓有定執非其義一然諾不肯輕一色笑不肯
句一造渴不肯失足也尤嚴取於官邸資用常仰給
分分鈔云

卷二

出

家儲諸問饋常儀槩謝弗內內之報必倍人以是盡
諒其廉掌詹時儲議未決奮袂起曰茲寧異人任乎
趣草疏勸上蚤定大計不報比廬居議益謹復草
一疏馳奏當奎阻之遂不果上草今藏于家日漆室
葵忱云

常倫

常倫字明卿沁水人父賜陝西按察司副使倫生而
狀貌瓌奇七歲能文其語恠謫下筆輒滿紙舉進士
授大理評事志氣傲鷺凌駕儕輩大為時所仇疾被
劾謫壽州判官又大為監司凌虐棄官歸轉徙羌州

知州不起家。是馬馳騁學射。射輒中的。學畫學詞。學字作校正字法。一編然皆不逮詩。而小詞獨盛。傳澤沁間。其里被之管絃。久亦不廢。曰常評事詞也。每就意聲妓。有妓則酣唱。大酌。或累日。夕不醉而作詩。警敏則又若搆會。彌日者。嘗曰。豈有旋翻故紙。而後文乎。人或謂倫寡讀書。而益勝。自負。倫筆居已久。忽欲入京。補官。道經潞安。晨起。不告人。跨生馬出。馳城南馬渴。赴水。倫墮水死。無知戚在側者。時年三十。有七竟無後人。或爲惜之。倫性磊砢。耻言家計。自入仕至罷。不以俸貲自入田隴。所取寄之諸叔姪。爲出納。

本朝人物考

卷一百

四九

山西三

且喜談仙曰。仙人好樓居。因號樓居子。燒煉黃白無驗。家益貧。既歿。朝邑韓花洛。邦奇時爲山西按察副使。爲經紀其喪。歸葬沁州。而開州王漆。夏梓其稿。河中劉成德。撰表其墓。漆與成德皆倫友。俱有時名云。

劉東星

劉東星字子明。號晉川。沁水人。隆慶戊辰進士。選庶吉士。讀書內館。庚午。改授兵科給事中。時新鄭復相。宵人附麗。政多失。平將偕同官露章彈之。或泄其語。相懼。因請大汰言官。誦蒲城丞久之。徙知盧氏。萬曆改元。召爲刑部主事。署中有所比。獻不當其辜。爲力

白其冤。司寇以獄有左驗。何據而出。東星曰。雖有左驗。情實未明。亦何據而當之。死司寇竟傳爰書。磔死已。而事自司寇及他。即皆奉譴。有鑄官而東星名籍藉起矣。陞河南僉事。轉陝西參議。以學行推浙江提學副使。公于秉衡嚴絕干謁。而評隲進斥之間。不肯不濫。人稱得體。壬午。移山東。參政丁內艱。歸起補河南旋進山東按察使。歷湖廣。左右布政。壬辰。拜右僉都御史。巡撫保定。其時倭寇朝鮮。王師出討。宿重兵于天津。羽書狎至。歲又大侵。東星外畫東征便宜。內理荒政。條上改折蠲停差次。又請臨德漕粟數十萬。

本朝人物考

卷一百一

五十

山西三

糾立法。平糴官不失直。而民贍給是歲也。西輔饑而不害。博陵盜起。聚且千人。吏請發兵勦捕。東星曰。此潢池弄兵。可尺檄下耳。藏其魁若干。餘賁不問。乃解散已。轉左副都御史。尋遷吏部右侍郎。以清正廉平。佐其臺長。政本肅然。丁父艱。歸。戊戌。河決單之黃烟運道告壅。適服除。卽家拜工部尚書。兼右僉都御史。并河漕之政。總馬漚淮行河。請濟趙渠。故道明年告成。任一千官生。庚子。渠邵伯之湖。明年辛丑。議開泐河。以病卒。于濟年六十。有四病而詠曰。人能常清淨。萬物悉皈依。靜泊不亂衣。袪晏如冥然而逝。

王 遜

王遜高平人宣德舉人爲京師南城兵馬繼爲陝西苑馬監正統九年書最陞太僕寺丞以勤恪著又九年致仕歸初在兵馬時連丁二艱凡六年廬於墓側不如錢市有司奏請詔旌表之學士劉定之有序父起孝亦嘗以孝行蒙旌表君子謂遜之賢有所自云

原 傑

原傑陽城人正統進士初任御史按江西俗素健訟經其斷者罔不帖服以薦超擢按察使剔宿弊興廢政扶善良鋤貪暴列郡肅然陞山東左布政使寬而

有制深得方岳體後進副都御史巡撫山東賑饑招

丁甚有惠政陞戶部侍郎勅往河南考察官吏首

黜不職輿情稱快荆襄之亂海內洶洶傑奉命往

諭以恩信兵不血刃而大難甫平且建設州衛處分

田糧公私俱便俾數千年中原心腹之患一旦祛却

功亦偉矣

宋 甫

宋甫澤州人領成化甲午鄉舉天性至孝清修苦節居父喪築廬哀思三載如一日感芝草瑞鳥之異有司奏聞旌表弘治間知忠州幾九載政教兼舉民有

思焉

常 軌

常軌沁水人成化間進士授大理寺評事陟右寺副獄獄多所平反陞河南僉事行部至密縣有平民被拷自誣伏爲盜者至西平及裕州有鄉曲豪民爲公私巨難者他官避嫌且休於勢莫敢問軌乃置盜之寃正豪之罪而一道肅然無何卒於官篋無餘資諸孤權厝其柩於汴者四年始克歸葬於沁

宋 鑑

宋鑑陽城人成化間進士少有大志精力過人讀書

通宵不寐人謂之宋鐵眼初尹舞陽剛廉嚴正吏民

膽落尤加意學校尋擢御史執法不避權勢出守廬

州除大奸去宿弊法不徇人斷不置獄每行州縣日

孜孜焉問民疾苦而勸劇之在任七年治績爲天下

最性尤孝友常與弟同寢食視廷簡子鄉評重之

吳 茂

吳茂陽城人天性孝友母死水漿不入口者三日廬于墓所食粥啖羹繼絕鹽醋土厚苦無水掘地得泉水湧盈尺母性嗜瓜種於廬側二蒂並生人以爲孝感所致楊繼宗詩曰地湧一泉呈孝至瓜生二蒂著

心渾復爲序以紀之

李振民

李振民高平人有孝行父卒哀痛幾絕既葬結廬墓側朝夕莫不井茲味不衣絮帛會早霜秋禾盡枯惟周遭四十餘畝不爲災有一莖雙穗者人以爲孝感所致事聞成化間旌表

張敵

張敵陽城人成化間進士初尹靈壽清直簡默終日不見言笑色及臨事正法無一毫假借於人擢御史按陝西後陞副使卒于官所至皆以清白見稱

王翔鳳

卷二

王翔鳳澤州沁水人由鄉薦知臨安縣廉而有爲剛而不劇積歲通稅甚多乃寬爲期限不以胥役擾之民相戒畢輸無後期者豪猾素持官吏短長至是咸屏迹焉崇重文治鼎新廟學歷官數官清介不汙後偶以冤獄力白當道數請不從竟投劾而去

段豸

段豸澤州人弘治壬戌進士由御史出宰襄陽時流賊攻城戰死加贈太常寺少卿

申良

申良高平人由舉人弘治末授山東招遠令抗巨寇以全孤城訓士重農荒田墾闢者萬畝丁憂補良鄉力拒權貴之侵暴民力賴以稍蘇歷常州府同知以衆敵著尋陞戶部員外郎

張銓

張銓號見平澤州沁水縣人登萬曆甲辰進士授保定府推官能聲藉甚拜監察御史振肅風裁議論屹然中立無所依着出按江西聞虜騎充斥遼左漸危疏上方畧甚悉當事重其才改遼東還按屢任未幾遼陽失守虜薄城下猶勤兵督戰而賊竟以內應入城群虜擁銓見其長銓挺立不爲屈賊迫之降銓大罵曰我豈降賊者耶何不速殺我賊猶憚之不敢加刃仍用與權至院署銓南向再拜自刎而死忠烈不忝古名臣矣

卷二

五

何廷魁

何廷魁大同府威遠衛人登萬曆辛丑進士授南直涇縣知縣調寧晉政聲蔚起陞刑部主事歷員外郎中歷歸德衛輝河南三府時值福藩就國緯有擔當文多所詞劑民得不擾陞陝西副使以才望調遼陽虜陷遼城廷魁毅然曰遼存與存遼亡與亡吾豈肯視焉以生乎但吾有妾女不可使汚賊手署中有一井乃令妾若女先投于井而自縊以亡事聞詔加褒贈

人物考卷之一百二目錄

山西汾州府

梁下

張俱

曹興

楊智

任義

李穎

周儀

文瑞

溫廉

任良才

張翼

賈彥

田籽

任良弼

劉仲原

石瓚

嚴泰

賈繼之

劉尚義

沁州

龐清

趙彝

何冲霄

賈明

張尚忠

本朝京省人物考卷之一百二

山西汾州

梁下

梁下介休人梁舉子洪武中由通經儒士授本縣學訓導施教有方尤諳治體辛彥博器之薦擢御史病卒

張俱

張俱平遙人洪武丙子領鄉薦除磁州判官陞左春坊司直郎輔東宮勤於勸學防範甚嚴上聞賜以荆杖後謝政屢召不起

曹興

曹興介休人永樂進士授行人讀書遙目不忘博通諸史名重天下後養病歸正騎一驢行李蕭然

楊智

楊智介休人少喪父鹽誓不入口者三年人未嘗見其嬉笑後喪母廬墓三年哀毀骨立有數免馴後於墓前人以爲孝感所致有司以聞正統十一年旌表孝子

任義

任義平遙人景泰元年舉人孝思純篤執喪廬墓三

年如與黨輩二縣操持端潔教民勤稼煦之如子民
立道愛碑

李穎

李穎平遙人天順舉人授兗州府判清介自持祈禱
輒應民作清泉詩以歌之祭酒王雲鳳亦服其廉謂
有太古之風

周儀

周儀孝義人成化中舉人任鄆縣教諭與諸生約雞
鳴背誦書史乃雞未鳴時起衣冠而待俗作會聲妓
繁豔觀者塞途諸生無一敢延佇者願其教可知矣
本朝今有八分之二

陞保定府教授篤於訓迪一如鄆縣時事著陝西通

志

文瑞

文瑞介休人成化進士授行人擢監察御史有廉聲
按畿甸有中貴侵民田直而歸之又巡山東宣滯理
枉得風憲體時齊魯元早親出祈禱即降大雨官舍
有妖瑞至妖滅人皆異之後陞山東按察副使節操
愈勵卒于官囊橐蕭然遠近哀之

溫廉

溫廉介休人成化舉人授山東濟南府同知歷任九

年以廉能稱陞雲南尋甸軍民徵江守以禮匡俗政
聲益著徵江素無城郭凡衙門公署城池皆創建焉

任良才

任良才平遙人成化進士初尹江陰陞高郵守歷任
清介及謝政孝心至老不衰母病親為嘗糞父病顯
以身代其教人媿媿不倦賢愚皆獲其益

張翼

張翼介休人德性耿介初擢文名成化進士初授刑
部主事歷陞甘肅巡撫時北虜匪茹翼區處有法虜
遠遁西北賴以寧靜

本朝今有八分之二

賈璇

賈璇汾州人弘治進士初任戶部主事歷員外郎中
嘗督鈔揚州羨餘盡歸之官行賑江北調度有方民
浸沾實惠所全活甚衆正德初守闕乞誅逆宦劉瑾
等不報出補陝西右叅議未幾為瑾所陷而歸及瑾
伏誅朝廷將大用之以目疾辭時論惜焉

田耕

田耕汾州人弘治己酉舉人知長清縣事居官嚴直
一介不取其事親孝養誠至及親沒廬於墓所哀思
骨立嘗有早霜殺禾獨近墓禾不傷君子以為孝感

之應與辛彥博立爲忠孝祠祀之

任良弼

任良弼平遙人良才弟弘治進士初授翰林庶吉士選刑科左給事中轉吏科都給事中議論風采彈劾不避權貴陞通政抗逆瑾矯詔下獄謫戍遼陽持節自如瑾誅復任通政名重朝野居官三十年家積翠書而已

劉仲原

劉仲原汾州人歲貢生喪母郭氏廬墓晝夜悲號有盜常夜叩廬求火仲原與之其盜化而爲善牧童樵子皆識其墓爲孝子墳云

石瓚

石瓚介休人弘治舉人授河南羅山縣令時遇流賊作亂贛孤城獨守鏖戰月餘殺賊有功招集流民時使薄斂府太守謂羅民曰汝等天堂上百姓耶後陞山東萊州府通判以養親歸

嚴泰

嚴泰汾州人弘治進士初任戶部主事整峻涓潔有治才不妄取于督鈔蘇州疏食飲水而已鈔關故有便民小關後併征稅泰至罷之吳人謠曰許野澤

無濁水蘇州關上有青天後歷登州知府時入覲考治行廉平爲東郡最然嘗以介直件時或有造飛語中之者泰嘆曰是尙可仕耶即抗疏歸杜門躬耕罕所交接服母之喪終其身不除

賈繼之

賈繼之汾州人璇子正德九年進士初任戶部主事歷員外至郎中爲人寬厚廉謹有儀度未第時省父楊州有遺千金求通關節者不納便告歸父曰旣來定省何遽歸耶曰恐在此多事或負大人清訓耳及爲郎料理錢穀一無所私以疾卒于官

劉尙義

劉尙義汾州人嘉靖初進士由行人遷御史在朝稜稜有威望尋調判秦州尹朝邑兩遷松江同知督糧餉制其用不私其贏署府事革堂食費吏屬畏其介陞南京刑部郎出補四川僉事備兵西蜀兼督松茂邊餉蜀人苦空運尙義至則設法收給軍民兩便又釐宿弊肅兵威綿上民作八頌以咏之轉陝西叅議河南副使卒于官家無餘蓄爲人純朴簡淡好讀書著宿山集四卷詩五言駸駸漢魏焉

山西

沁州

龐清

龐清武鄉人登洪武乙丑進士任監察御史嘗劾召遲赴謁之對曰送父還鄉上趣使召之至則稽顙幾貫蒜一連而已 御注惟清後陞楊州府知府

趙爰

趙爰沁州人洪武中由太學生擢鴻臚寺序班尋陞兵部郎中練達政務焯有才名官至通政使

何冲霄

何冲霄沁州人從父征土賊父陷於賊冲霄與其屬

劉玉力戰擒其酋長殺賊衆三十餘人父獲免歸竟以援兵不至爲賊所害聞者哀之

賈明

賈明武鄉人正德進士任給事中首疏時政四事及京營革弊晉地荒糧諸疏俱見嘉納後出知裕州權鳳翔府累陞陝西右布政使所至俱有政聲

張尚忠

張尚忠沁州人少失母爲祖母王氏撫育長事祖母甚謹及卒廬於墓側日夜悲號而死鄉人莫不矜念

焉

終

人物考卷之一百三目錄

陝西西安府一

丘玄清

康汝楫

張統

李昶

程濟

韓永

高翔

高士文

李選

張賢

周或

林嵩

李錫

段信

楊昂

王恕

邢簡

姚顯

宋欽

趙謚

李錦

東思慮

張昂

韓紹宗

雍泰

張曉

李崙

楊時暢

張鷟

劉璣

屈直

康海

馬應祥

薛敬之

張潛

尚衍

郭桂

王納誨

張璉

王承裕

徐璉

李紀

東郊

郭田

朱驊

本朝京省人物考卷之一百三

南直督學御史西浙通庭訓纂集

門人蘇松備兵副使南郡熊 亭恭閱

男 過銘盤

過銘孟

過銘璽

寧國府學生員嚴弘志全訂正

陝西西安府

丘玄清

丘玄清西安富平人洪武初遊武當常見張三丰授

全明介省八初學

卷之二

陝西一

以飛舉之術有司以賢才薦於朝授監察御史賜之

室力辭弗受轉太常卿每遇大祀天地時 上宿齋

宮諒以雨暘之事玄清奏對歷歷有驗 上深敬焉

公餘黃庭道德不輟於口閑則凝神坐忘一夕謂其

徒曰明日乃吾全歸之辰至期端坐而逝壽六十七

朝廷遣禮部侍郎張智諭祭還葬五龍宮黑虎澗之

上

康汝楫

康汝楫字濟川武功人洪武初以明經任縣學訓導

辟爲 燕王府長史出赴安岳縣靖難後拜左侍郎

輔 皇太子見盡其職卒洪熙初贈工部尚書

張 統

張統字昭李富平人自少勤學勵行初以明經爲

東宮侍書才敏識博 懿文太子甚寵重之洪武十

二年陞通政司左叅議尋爲雲南右叅政進左布政

使統在雲南最久夷民心孚遠近安之凡土地貢賦

法令條格祀神壇祠公署解宇與夫上下典禮公用

程度皆出統裁定是時雲南多中國衣冠流徙統

諸名士王景董倫輩定交而厚卹之其他在管内者

不問識與不識皆若親舊以故遷謫至者如歸二十

三年入覲 上嘉其能賜以 璽書且勞之曰張

來朝不待考而朕知其功出天下十二牧之首復賜

宴及道里費令還治旋拜吏部尚書去官之日滇人

思慕如失父母建文初年旁求四方隱逸麟集閣下

悉委統臨試之統識鑒精朗振抑拔淹量才授任各

適其宜大若時譽會修 太祖實錄被旨試翰林

與編纂者考第高下時楊士奇以教官徵入統讀其

試策獨喜曰明達時務材堪大任不但文詞之工也

以爲第一奏授王府審理士奇由是著名壬午六月

靖難兵至京討奸黨統與焉 太宗以統久事 皇

考習知典故釋不問純自經于部院之後堂所著有
鶴庵集

李 昶

李昶字文燁涇陽人自少敦厚穎敏刻志問學洪武
丙子由鄉薦入太學擢左軍都事有能聲尋陞戶部
郎中績用茂著永樂初肇建北京以薦特陞行部右
侍郎昶協心經畫事無廢弛壬寅轉戶部侍郎凡國
之儲蓄民之貢輸以至賦稅損增金帛出納皆調度
有方規畫有法及扈從北征董運糧餉士馬足用而
無匱乏之虞宣德五年陞戶部尚書賜以寶帶且命
尋督收支方有條緒而大命及之計聞賜祭葬如例

程 濟

程濟朝邑人有法術洪武末以明經爲四川岳池縣
教諭岳池去朝邑數千里濟寢食俱在朝邑而日治
岳池學事不廢革除間上書言某月某日西北方兵
起朝廷以爲非所宜言繫至京召入將殺之叩頭曰
陛下幸納臣至期而無兵臣死未晚也遂詔繫獄已
而兵果起乃赦出尋以爲軍師護諸將北行戰於徐
州大捷會曹國公師退 文皇帝至江上濟逃去不
知所終始徐州提時諸將樹碑載戰伐次第及統軍

者姓名濟一夜往祭其碑人莫測其故後 文皇帝
過徐州望見碑顧左右曰碑者何也或以狀對 上
大怒起左右毀碑一再擊遽曰止爲我錄碑文來乃
按碑族誅諸無得脫者濟姓名正在擊處得免向者
之祭益禮之也

韓 永

韓永西安人建文間爲兵科給事中永豐軀幹美鬚
髯音吐弘朗每慷慨論兵事建文君喜之壬午六月
北師克都城永與陳迪卓敬戴德華等同以奸黨逮
至欲官永對曰吾王蠲耳案以官爲不屈死之

高 翔

高翔朝邑人有文學節行洪武中以明經徵爲監察
御史 高皇帝甚眷注之所論奏無不關國家機事
當上心者 成祖在燕邸宿聞翔名及卽位召將大
用之翔持受服入見慟哭聲震於殿陛語多不遜乃
殺之沒入其產今諸高氏產皆倍其稅曰使世世詬
罵高御史也其親戚悉配爲軍又發其先墓雜犬馬
骨焚灰揚之而以其地爲漏澤園

高士文

高士文咸陽人質直剛果善騎射洪武末從平內難

出入戰陣累陞前軍都督僉事征交趾多効勞勩取
廣源州與賊力戰而死追封建平伯

李選

李選字賓陽長安人生而豐偉成童端重如成人及
就外傳卽知嚮學守禮祁寒甚暑未嘗求便居近關
闕未嘗入茶酒肆甫冠入鄉校祇事先生長者日留心
經史洪武己卯領鄉薦入太學友天下英杰日詣
高明永樂癸未授北京行部戶曹主事十年以事左
遷死馬寺清河監副以薦使西域凡五往返不辱國
命每回朝輒蒙恩賜宣德初大臣以公正廉能薦提

督京倉正統初擢通政使母憂去任以孝聞服闋還
職兼理通州直沽倉及象馬草芻歷陞侍郎盈仕戶
曹及調戶部文移精核會稽明白受知於大司從嘗
稱其公勤明慎以勵司屬在清河監上言軍牧地爲
法司所校嚴法鞠之終不易辭卒如所言草牧有效
提督京倉夙夜在公未嘗以風雪寒暑少懈嚴以制
下不容請託官屬敬憚不敢爲欺弊於是輸粟者無
留難受廩者皆精完蒙其惠者以得瞻咸望爲喜年
七十方欲請老章未上會陝右計議軍儲屯田久無
實效特命之經理受命之日躍然自喜促期而行

進疾遂不救疾革連呼曰糧儲糧儲無一言及家事
訃聞詔遣禮官諭祭命有司營葬

張賢

張賢鄆縣人永樂中鄉舉授吏部司務選驗封司鄆
中超拜山西右布政使致仕性鯁直居官應物一以
誠篤爲本其清苦尤人所難

周或

周或朝邑人永樂中以明經徵爲給事中陞通政使
或剛直敢言有論劾必着緋衣諸大臣每早使人候
或長安門外見或緋衣各令取素衣角帶爲待罪具

當視朝果有論紕紕者必得罪久之貴近多忌或有

譖或貪者上怒或下獄死命籍其家惟襲布斗粟

而已召或妻問曰縱或廉無俸金耶妻曰或俸金寄
通政司庫已而司上或庫金上悟立誅譖者以金

給或家命喪所過致祭復其官

林嵩

林嵩邠州人國子生任監察御史成祖渡江言事
忤旨謫戍廣西交趾叛以嵩往征之事平授交州府
同知秩滿改河間府陞戶部郎中江西參政入見乞
致仕許之未幾交入復叛有詔起用比至卒

李錫

李錫字天祿咸寧人永樂戊子中陝西解有明年會試禮部中乙榜授蒲州學正己亥九載滿獻精來朝陞行在吏科給事中壬寅丁父憂洪熙改元冬制終轉禮科宣德辛亥遷右通議乙卯陞右通政正統癸亥轉左通政甲子陞通政使景泰壬申加太子少保癸酉以風疾休政歸錫自初類毅過人見者奇之既長爲弟子員苦志勤力昕夕匪懈不事浮華不近聲色爲學正時毅然以師道自居凡教人立心制行皆以身先之故出其門者咸罷而足用爲黃門時整飭典雅小心縝密得近臣體在通政時封駁章奏通下情雖倥傯繁劇而井井有條無壅滯之弊又不以苛察爲明卓有大臣德量以至閑家應世無一不得其宜入官四十餘年歷事五朝初無小過可紀身宗存殘令德考終福祚亦云醇備矣

段信

段信字宗貫三原人穎悟有氣節正統丙辰進士歷任監察御史尋陞右僉都御史守紫荆關北虜入寇落職移守倒馬關極力捍禦邊境賴寧上嘉其功起大理左寺丞卒

楊鼎

楊鼎字宗器咸寧縣人正統己未會試第一延試進士及第授翰林院編修詔講讀以下有才器者十人進學東閣鼎居其一修五倫書預校勘十四年北虜犯順命慎選諸司有治才者分守要地鼎改御史蒞兗州振勵有法事平復舊職陞侍讀兼左春坊左中允同考禮部會試尋陞戶部右侍郎天順改元陞左侍郎中貴牛玉諭旨欲轉江南折糧銀入實內帑而以他物充武職俸鼎從容開論乃已牛馬羊房草缺議欲徵什二鼎俱以民艱沮之成化戊子陞尚書延緩用兵欲預徵邊餉鼎言黃河漢唐漕運故道其間雖稍險然三門而上小河可達延緩者尚在苟貯糧水次迤流徐運何所不濟疏上且請身督之竟隨于議不果進太子少保居數年因言者乞致仕許之降勅給驛舟仍給月廩歲終其身卒年七十七贈太子太保謚莊敏賜祭葬鼎雋異不羣清修苦學善談論初試禮部不第例入監聞南監學規整肅獨請就之大爲祭酒陳敬宗所敬禮在翰林迥然自異於人及遷戶部掌國計最久然性頗執泥不盡合於時宜前後僚屬多不厭服云子五人時暢亦登進士爲

翰林院檢討時數領鄉薦爲兵部司務

王恕

王恕字宗貫三原縣人生而魁偉高岸音吐如鐘見者異之正統壬戌登進士選爲庶吉士授大理寺評事歷左寺副操履剛正人不敢干以私於泰當之成原情比律率然當人心未幾陞揚州府知府屢辨疑獄歲饑發廩不俟報且給醫藥多所全活作資政書院教郡子弟科不乏人天順間遷江西右布政使比至磊落洞達遇事敢爲苟有便於民者毅然主之無少顧忌而操履矜然不入義外一錢久之轉河南左

布政使成化元年陞右副都御史撫治南陽時南陽

豪爭礦殺人恕獲其渠魁餘悉解散以內艱去會襄陽盜起恕起復會兵搗其巢走之及劉千斤輩作亂恕亦會王師平之遂勅巡撫河南進左副都御史風采凜凜有所興革兵民甚宜丁憂起刑部左侍郎總理河道恕躬視上下僉稽衆論具奏揚州一帶河道南臨大江北抵長淮別無泉源止藉高郵邵伯等湖所積雨水接濟湖面而河身比之湖身頗高每遇乾旱則河輒淺澁不能行舟若將沉身潛深三尺遇旱亦可不阻又於高郵湖自杭家嘴至張家溝

南北三十餘里濬深三尺濶十二丈取以爲外堤就將內堤原有減水閘三座改作通水橋洞接引湖水以內行船仍於外堤造減水閘三座以接水利雖遇風濤亦無覆溺疏入九行之九年改南京戶部左侍郎十二年會雲南夷獫爲梗改左副都御史巡撫其地時鎮守內官私市外表誅求無厭恕劾之其下郭英懼而自盡沒其寶石於官并械送數人於京且勸上不寶異物凡花木禽獸寶玩宜一切拒絕有駕帖下郎中鍾蕃所恕言舊例駕帖下諸司司禮監印冊科號皇門諸司關防今皆無之何以爲信設駕帖有賜死者其人將何如又言昔交趾鎮守非人致一方陷沒騰衝啓釁致麓賊叛逆今日之事殆有甚焉在雲南九閱月疏二十上由是直聲動天下進都察院右都御史十三年改南京都察院叅贊軍務進兵部尚書同事者忌之改巡撫南直恕以近年貢獻太多所在騷擾中官王敬乘傳東南搜索奇玩所至驚懼恕言當此凶歲謂宜遣使賑濟而乃橫求玩好令其失人心損國體傷和氣而召災沴乎上詔感赦下獄同惡王臣斬於市中外稱快謂恕有回天之力壬寅松江大饑斗米百錢恕出粟減價以賑全

活其衆仍轉南京兵部尚書兼管機務刑部員外郎
林俊以諫下獄經歷張敬之亦下獄恕言一人志
往進忠而得罪恐人自此以言爲諱設有奸邪誤國
誰復爲 朝廷言者僕有 旨令致仕恕怡然就道
會星變庶吉士鄒智等抗論萬安劉吉天下之小人
王恕彭韶天下之君子乞黜萬安劉吉而用王恕彭
韶疏入不報時 孝宗在東宮素聞恕名及即位太
監懷恩以忠直起自誦所首奏恕於 上言官又交
章首薦遂 召爲吏部尚書劉吉深銜之及恕在吏
部裁抑僥倖褒獎名節甄拔淹滯中貴無敢以私干
吉代萬安專政每有所軒輊紀亦側備不撓守備蔣
琮與南京科道相訐奏吉票給事中方向等貶謫殆
盡琮自如恕言官中府中俱爲一體陟罰臧否不宜
異同壽州知州劉槃考滿來京與御史楊彙議時政
彙與彙言夢一人騎牛背上陷澤中公左手把五色
右子右手提牛角引入通路其人謝而去蓋人騎牛
背正我朝姓名惟五色石子不可曉意者公首抗疏
論時政爲彈之第一義耶彙嘗劾內閣附內閣者發
其事下獄彙以受彙餽遺誹謗朝政發衛充軍彙比
擬造妖言者律罪至死恕上言彙之書詞固爲狂妄

其夢有無亦未可知然初無惑衆亂民之心今使彙
死於獄中豈不大傷天和也哉卒得減死又徵王乞
陞鈞州爲府與夫工完乞恩濫賞內官監力論止之
兩廣都御史秦紘奏安遠侯柳景不法事坐致仕恕
徑言柳景當追賊 聖恩免之矣而恩不及於秦紘
是爲地方軍民之害者可恕而除地方軍民之害者
不可用其何將以服人心而勵將來乃起爲戶部尚
書內 旨以通政司經歷高祿爲本司叅議上言祿
出自科目自可達到越次超陞恐非所以愛之唯勿
以親戚妨公議事乃止時有建白多謂業已行矣恕
言天下事設未得其當雖十易之不爲害若謂已行
無及則古之納諫如流豈皆未行乎遇事輒言有不
合卽引疾求退 上每溫詔留之但執敢擢忌日深
明示沮抑恕以不得其職屢疏辭明求退及吉去位
執政丘濬又不悅之恕不自安求去益力始准致仕
言者譁然屢奏起之不果恕歸優游山林著述不輟
以正德二年卒贈太師謚端毅子承裕爲戶部侍郎

邢簡

邢簡字居敬威寧縣人少力學有志尚登正統壬戌
進士第授刑部主事擢真定府知府真定畿內劇郡

番漢官軍雜處勳戚豪右占據民田讎訟紛沓簡處
之有道上下安之以薦陞浙江左叅政尋轉順天府
府尹京邑供億繁重簡力爲裁省十去五六陞南京
大理寺卿尋徵拜戶部侍郎端午待駕閱武于萬
歲山之陽忽疾作急扶歸抵家而卒簡爲人廉介有
守蒞政彊明與人交坦然無矯言飾行卒之日囊無
餘資惜之者無間言

姚顯

姚顯字微之咸陽人正統甲子鄉舉卒業太學時上
疏言王振竭生民膏血修大興隆寺極爲壯麗車駕
不時臨幸夫佛本夷狄之人信之得禍若梁武帝者
足爲前轍之鑒請自後內臣修葺寺院悉行拆毀以
備倉廩之用勿復興作爲萬世法不報後至太僕丞

宋欽

宋欽字克敬乾州人正統十年進士授大理寺評事
歷陞福建按察司僉事四川副使征大興賊有功受
纁衣銀牌之賜轉河南按察使尋權右僉都御史巡
撫貴州陞南京大理寺卿累疏乞致仕許之加資政
大夫尋卒贈刑部尚書賜祭葬如例欽居官以廉慎
稱精于法比乞休疏凡十餘上始終之際有可觀者

趙謐

趙謐字子安號真齋涇陽人正統甲子鄉舉第一人
景泰辛未進士授南京戶部主事陞員外郎母服闋
轉兵部未幾有江西之擢在戶部時兵儲告乏勅謐
往督至則飛章劾少司徒及中貴人專恣罪不少徇
又徵州積有通租官嚴刑莫能徵往諭以禮法民立
輸無敢後者在江而守法奉公行郡縣不憚寒暑陰
逢未嘗教以私謁性甚孝友母太安入王氏計聞號
痛幾絕廬墓側淡食草履者八載旦夕哭奠哀如初
喪嘗有慈烏飛達其傍不去蓋既得其家貴後因感
悟悉歸之且皆改行焉有司以聞詔旌異之曰員外
郎趙謐孝行之門兄弟以父母俱棄圖分異謐泣止
之不能則盡以所遺資產讓之從兄子二人貧不能
爲室代爲之聘歲薦饑鄉多婚葬失時者竭力濟之
無慮四五十人封治母墓側荒塚亦十七八所成化
六年卒壽五十有八官凜員介里播仁聲卓然盛世
之名人云

李錦

李錦字在中號介庵咸寧人九歲失恃依安成舅氏
爲擇師教之端坐終日不逐羣兒嬉戲讀書已知大

義還爲諸生受易於董生益肆力於學後遇秦州周廷芳講學得聞周程張朱爲學之要遂棄記誦辭章之習專以主敬窮理爲事又與西郭姚氏渭南薛氏麗澤講習蓋則相告過則相規知行並進久之踐履益醇聞中學者咸敬服如宋人之於橫渠云登天順壬午鄉舉入太學爲邢祭酒讓所重令諸子受學諸子稍不恭輒遣去後邢坐事下獄錦率衆抗章明其無罪事親色養執喪盡禮不作佛事士大夫家至今遵行風俗爲之一變所居僅蔽風雨茹淡服疏至於屋空臨財終無苟取周先生嘗難之曰有人親病劇

八調分省人物

宋一二

十五

卷五

思食一梨求諸市不得隣人有種者非竊不獲將竊之乎錦曰辱身以及其親非孝也周歎曰在中可謂立身頗得者矣其解經極平正通達不爲鑿說且善誘後學諄諄總倦出其門者多名士及任松江府同知職親戎牒奸無所售有脫役四十載者卽令補伍乃爲官守所拘不究厥施卒於官骸骨不能歸其僚友贈之乃得歸云

東思忠

東思忠字廷伯華州人生而岐嶷少而穎悟十二遊太學每祀則齋潔入廟凡題豆樂舞之屬莫不備問

而具識之退而曰禮云樂云固如此其所用心豈尋常能測哉讀書爲文雖長老莫不畏避弱冠選爲州學生中天順壬午鄉試成化丙戌登進士拜刑部河南司主事劾斷明決不避權要尋轉雲南司員外郎郎中被命審錄畿內刑獄平反爲多惡有所畏寬有所白居刑部以端正自居因情亮事曾未一用慘酷刑具而犯者自不能不以隱曲備對嘗曰獄有微旨非敲朴所能致也每於招稿面題曰得情勿喜及據案正法則又曰罪疑惟輕一時危疑之獄皆就決焉兩權府丞不報遂轉四川按察司副使整飭松潘

八引分省人物

宋一二

一六

卷五

兵備鹽書凡一切盜賊出沒軍民利病悉聽從便處置至則立約東謹烽燧內修政事外樹兵威諸番部落畏威懷德不敢侵邊然松潘孤寓萬山而諸番部曲環列蜩螻中留一綫之路爲轉輸往來宋斗木之價每至數金方辦故輒數倍他邊而主藏之吏多伸縮監司又因循罔稽由是吏奸民苦日甚一日於是苦心勞慮懲弊正法倉庾之積陳陳相因矣又嚴減尅之禁正私鬻之罰茶馬有斥毀廢不生士有飽食官息科斂兵士駸駸生氣焉又於大石佛嘴鑿山開路以便轉輸人至今宜之成化甲辰惡族逆命出軍勦

之直抵巢穴斬首四十餘級 上賜白金綵幣乙巳
小寨當竊發又出軍勦之斬首三十餘級所獲軍器
頭畜無算曰此士卒之功也悉以賞之捷聞又 賜
如前於是軍威大振諸部失心歸順其酋長及朔望
輒來稟受約束蜀中士民倚爲西北長城矣是歲十
有一月以疾卒於官享年纔四十五爾惜哉

張鼎

張鼎字大器威寧人成化二年進士授刑部主事歷
員外郎知太原府山西叅政河南按察使都察院右
僉都御史巡撫保定等府召爲戶部右侍郎以疾乞
歸卒計問賜祭葬如例鼎幼受業於河東薛文清公
有理學名知太原有惠政民懷之至巡撫保定則令
各府沿路築墻以禦盜賊衝突修繕煩勞民頗怨謗
然至今旅人賴之爲永利焉

韓紹宗

韓紹宗字裕後濟遠峰西安府朝邑縣人成化五年
進士授刑部主事歷員外郎中九年持法惟謹一無
所徇都指揮王章守備真定橫甚御史柯忠劾奏章
章亦誣奏御史 詔往勘而章有內援請託紛至竟
按其罪免官大璫石叢曠守大同與都御史許進相

司奏命給事同紹宗往勘紹宗廉其實力直都御史
嚴深嫉之奏言紹宗黨都御史 天子震怒逮繫獄
久之事白得釋宗師有僧善中貴察訪稱曰門僧一
日出而衝定襄伯前導市捷之僧尙昉奏誣定襄下
于獄自匿昉所紹宗竟追捕算于法一時京師有不
畏科道而畏韓郎中者以紹宗之剛正無愆故也遷
福建副使凡七年郡邑吏以法問罷及所聽斷平反
者不可殫紀會以內艱歸遂卒

雍泰

雍泰字世隆威寧人成化五年進士授吳縣知縣吳
濱湖湖漲淪田千頃作堤障之民受其利稱雍公堤
吳民有妾亡者妾父訟其夫密殺吾女兩月匿屍湖
中石下召訊夫夫曰妾逃兩月踪跡不可得妾父脅
財始知死所使人視其屍乃訊父曰夫密殺汝女汝
安知匿於石下此又豈兩月屍耶此必非汝女汝殺
他人女冀得賂耳一訊而服十年召爲監察御史吳
人富而好饋行泰不受一錢巡鹽兩淮准電丁貧而
鰥者幾二千人巡滿俱與完室歷陞浙江右布政使
時勢家鬻販私鹽鄉人效尤幾至千輩盜竊橫行乃
先收勢家人抵罪於是羣盜悉平爲都御史巡撫宣

府將李稍不法部下欲其罪正國刑見堂下
乞受責圖自新泰曰此亦軍法也縛下杖之三軍股
栗稍乃請之於朝稍爲時相李東陽姪也言官遂劾
泰以擅辱將官罷退居章由別墅不涉城市正德二
年給事中潘鐸薦泰有敢死之節克亂之才詔起左
副都御史操江固辭弗允未幾陞南京戶部尚書時
逆瑾用事以泰鄉人欲親軀之卒不應進斥去仍罰
米千石輸宣府而諸所嘗薦者鈞陽靈寶皆獲罪歸
復居章曲日焚香讀書與鄉人論舊事不與上官相
見族黨有犯必告有司曰某是某非幸無以泰故屈
公朝人分卷之 宋二二三 一 元 陝西

法年八十卒

張曉

張曉字光曙三原人成化己丑進士知襄垣縣政平
訟理召拜監察御史上書論萬貴妃事同列讀其辭
皆縮舌上笞而釋之出爲湖廣僉事施州夷亂請
僚莫敢往曉請行曰此不可以兵加當以義動至則
室朝廷威德諸夷感服陞河南副使時河決黃陵阿
梁汴宋曉奉命督役導河幾千里俾復故道工竣勞
以幣鐵進按察使陳州有告歐死少年者三年莫能
決曉閱屍圖驚曰安有少年而欲其齒乎訊之果捕

得少年其屍乃一乞嫗也事遂白人稱神明尋以愛

李崧

李崧字世瞻別號靜庵臨潼人生有穎資年十八補
郡庠生大爲郡守余肅敏公所重嘗贈以詩有曾向
關中試白眉之句中成化己酉鄉試己丑進士初除
山西屯留知縣屯留難治在積滑舞文弄法上欺官
府下虐良善十數年來獄訟錢糧皆出其手至則先
殺其奸弊得十餘人悉捶死之而縣治始清法令不
擾強良畏如神明良善親如父母在縣三年一毫不
取廉名四振至興學校修禮樂正風俗特婚娶治行
爲天下第一陞戶部河南司主事轉山西司員外郎
郎中在部十二年除積弊革奸猾錢穀出納一毫不
異一時居部者無出其右名勸京師陞廬州府知府
治廬州知治屯留而法令稍寬詞訟兵甲錢穀無不
克舉賑荒救饑所活萬餘人民不憂旱蝗不入境立
後馬之法定鹽鈔之價創河橋以免民溺廣積穀以
備賑貸撫按交薦聲譽赫然陞河南左叅政去任之
日百姓遮道泣留立碑頌德甲寅丁外艱服闋除山
東右叅政未及任丁繼母憂服闋將起而病作不起

英崙貌不踰中人至判大事決大疑嶽嶧峽流沛乎
有一介不取之廉萬方無敵之勇朝野之人咸想望
其丰采焉

楊時暢

楊時暢字知休咸寧縣人尚書鼎之子也成化戊戌
進士改翰林院庶吉士授檢討弘治初與修憲廟
實錄書成陞修撰未幾充經筵講官同考禮部會試
詔遷東官官屬吏部尚書馬文升以時暢薦改右
春坊右贊善秩滿陞左春坊左諭德典成再遷侍講
學士正德改元以東官講讀恩陞太常寺少卿仍
兼侍講學士尋卒時暢美風儀善談論居家以孝友
聞爲大臣子多識國朝典故及前輩遺事有幹濟才
未及用而卒

張鸞

張鸞字應祥咸寧人也舉成化戊子鄉試辛丑舉進
士爲大名知縣是時縣中百物俱廢倉廩空虛奸豪
侮法又衛河每漲而瀕水諸田盡爲之沒百姓患苦
之至則修墜補敝誅鋤豪強積穀備凶幾萬石築堤
捍水不害耕作詞訟清理遠近稱爲廉平特寧山衛
所指揮者妾妒甚家人疾之胡死其子誣其妾毒之

稱成鸞諷得其情要以無死先是都御史侶鍾調鸞
本南樂大名民伏闕奏留得不調至是銓部竟請之
而南樂歲旱民饑流亡過半乃請于都御史得二千
金議于大名府得六百金又請于賑濟郎中得銀若
守石設法賑貸民以獲蘇矣而後崇禎興化培養茂
異綜理其馬政馬政修舉三載考績徵拜山西道御
史權稅通州尋視茂陵役徒丁繼母喪歸復其官巡
視居庸諸關從容言便宜事謂軍士糧餉于他處守
支不便而傳警缺馬皆非養士禦患之宜條議部置
咸當事機疏上閱下戶兵二部議報可及代復督稅
通濟白河無何出按四川務持大體不矯激立名簡
廉貪而激揚之人人當于功實而又裁省浮費飭理
兵戎修繕城池美作庠序表章忠節推舉隱逸先後
奏議以松潘諸處及成都諸郡縣何地宜添設何員
宜裁革卓然皆爲經遠之績焉歸而總憲屠公肅委
以掌諸道奏事戊午冬清寧官災奏上八事其一曰
法司修纂條例宜早完輯以省刑罰二曰言事諸臣
宜優容以開廣言路三曰巡撫都御史宜量材授任
邊陲與內郡異未可一槩推子四曰濫放俸金五曰
優恤小民六曰明慎用刑七曰行取差官八曰量減

拙分 敬皇帝為罷行之陞浙江按察副使巡視海道經畫六年百務具舉倭寇遠遁海道肅清超遷大理寺右少卿時鎮守河南劉太監與周王訐奏請不法事奉 詔案問具得其事以報犒賞鈔半酒尋轉左少卿陞左僉都御史理院事御史王公時中巡按大同忤權貴人怒欲置之死力解救之巨璫張璠掠奪民產反奏言豐潤皇莊累苦百姓侵漁往勘事得直田產還之民轉右副都御史仍理院事尋復拜大理寺卿得侍經筵與修資治通鑑成得賜 御製寫懷題文諸詩復轉刑部左侍郎叢在大理時會案牘

小訂公府公物考

卷一百三

二二三

委積一切皆自理積勞傷目至是疾愈甚竟以失明乞骸骨歸田不許久之以事件瑣得致仕歸既歸而瑾怒不止罰米二百石輸于邊于是杜門蔬食以儉為師晚好杜甫詩命兒子吟誦其側日聽以自娛辛未秋病目復明又九年而已卯夏終于正寢詔生壽七十有四訃聞 天子諭祭命有司營葬事

劉璣

劉璣字用齊號近山咸寧人為見時游鄉塾即端重不嬉戲塾師異之曰是兒骨相不凡後當名世歲恭簡公督學見其文特器之以補諸生成化庚子舉鄉

試第二人明年登進士授山西曲沃知縣至期砥苦節敦古道期年邑人向化由沃產粟視事多以粟贖罪逮儲粟數萬計後歲大侵賑粟不繼即繼以粟民賴不饑民有共賞而指利者訟于邑璣曰汝聞管鮑分金事乎訟者慚乃委金願輸官為平道之其事務德化不向法令類此他若疏夢泉均景水寬刑罰平差遣廣儲蓄恤乳獨諸善政不可殫紀是時曲沃治行為天下最入為戶部主事未幾督餉大同道過曲沃入聞其舉扶老攜幼迎謁道左留邑數日而去戊午陞江西瑞州府知府瑞教職郡無城郭依山聚居

小訂公府公物考

卷一百三

二二三

民狂悍善劫郡人苦之璣視郡首者勸諭文綸善惡圖標揭境內賊黨稍稍解散賊周黨狂悖率兵撫禦之賊奄至擁歸其寨既乃召其魁諭以禍福賊乃羅拜堂下已乃治具享饗尊食酣飲夜就寢坦腹睡熟勦賊眾探聽相語曰劉公大人也我輩不復敢為惡矣居三日乃還郡境內寧謐遂與學正俗表節崇讓均賦薄稅節用省刑期年瑞乃大治辛酉朝覲量移九江府瑞民思其惠愛立三太守祠至九江僅踰月丁母夫人憂歸是時虎谷王公督學陝西倡明道學延居正學書院講論性理三秦學士翕然宗之甲子

復除湖廣衡州府知府衡屬饑疫作下車禱神修
祀施藥賑食孜孜若不及民賴以存時過石鼓書院
爲諸生談說經史及性理諸書衡士喜曰我輩今日
復從朱張游矣正德丁卯雍王薨於衡朝廷遣太
監護喪還京師時劉瑾用事聞人怙勢掠賄至衡見
璣首以禍言恐動繼卽大需供億時時戒曰王柩某
日行舟及楫師挽夫諸所供給其宿具且無煩民否
則罪不貸璣唯唯至期舟備篙師良挽夫健且濫其
數人各負米鹽槁魚備需於湘濟吏人唱名執役無
煩呼促中貴黃異之以問殺人對曰府官聞貴人來

本朝分省人物考

卷二十一

二十五

衡陽府

業已先三月儲之矣黃曰幹事愛民若此耶真賢太
守也戒僕從毋需索黃至京觀劉瑾首以璣治衡善
政對時瑾用人多以賄遷臺諫恒以爲言詎聞黃之
言乃獨用璣以塞羣議遂擢太僕寺少卿去衡衡人
德之樹梓樸表遺愛云明年戊辰陞太常寺卿提督
四夷館無何陞戶部左侍郎卽又陞尚書屢疏懇辭
曰臣由知府轉少卿已爲殊遷由少卿數月而陞卿
由卿而累遷尚書祖宗任官確有定式今若此是
使成憲由臣而毀陛下縱養臣其如祖宗之法何
臣死不敢就疏屢上不允乃赴部視事尋以例侍經

選賜精銳千員尋又賜玉帶并御製詩十六幅真
親政要六部瑾方擢用時意必德已及璣至素節自
守意稍悔之然以人望所屬必欲引以自飾而乃益
自輟晦每朝退署部畢卽閉門縱飲酣卧不醒瑾欲
逐問率醉不能起他日瑾騰氣詰之曰氣弱非酒不
能支且嗜睡不睡則病由是益疎遠矣璣性好紛更
璣於部事遵舊不易瑾殊不悅嘗力論時宜變更璣
曰祖宗立法盡美盡善行之萬世無弊亦惟不愆
不忘率由舊章而已是時瑾急賄自封巧宦者多重
輦以道致璣從容語瑾曰飲食以養生過則傷生貨
財亦然是故貨也者禍也古人戒積藏畏其禍也瑾
積情不附已欲改南京禮部又欲援國初例出爲布
政使尋事敗不果瑾敗璣乃上疏自劾曰臣與劉瑾
實同鄉里誤被引用驟遷顯官今連事敗臣罪當誅
戮上雅知廉靜方直不爲瑾用特准致仕旣歸里
無華屋野無腴田囊無羨金緇袍脫粟泊然一布衣
也居鄉二十餘年耕讀自樂與人接油油然惟恐有
傷而中操介則屹不可移雖不謝絕公府然卒無所
干預故人益敬重之晚年恬放自適多從鄉人飲飲
輒盡量醉爲歌詩皆發性情有淵明之遺意焉卒之

本朝分省人物考

卷二十一

二十六

衡陽府

日雷風晦冥聞者慟悼計聞遣官論祭二壇有司營
葬璣爲戶部時尚未製緋袍冬月朝會公卿皆緋紵
璣獨服紗至部視事過午堂食止市餅四枚茶一盃
耳時劉瑾行賄天下諸司當朝觀入京多資重寶以
賄當路璣獨漠然一日有人扣門璣玉珮帶適璣當
門怪問其何由以至餽者大驚踧踖去曰我以爲
吏部劉宅是戶部劉宅邪又當時諸公卿過璣所幸
庭參璣獨以禮自持不少貶屈數事至今尚爲人所
稱說焉

屈直

屈直字道伸別號西溪華陰人初生之夕父夢日出
大如輪紅光異常流入于懷驚覺而生天性聰敏遇
人七歲時口授以詩歌及大小學卽記憶不忘稍長
就師手不釋卷成化乙未充邑庠生泮梁戴恭簡公
深加獎譽秋遂中試甲辰登進士秋丁內艱適歲大
饑經糧直調推官乞賑推官以囚二人將論邊戍居
間可得厚貲直曰在使君高義則可直則進身之初
當清白自勵賑公道可受賂援罪人則不可辨又傷
使君之公哉推官嘆服丁未授刑部主事員外郎郎
中故部獄卒往往厚索要囚稍不如意輒縊殺之直

點獄事卒白鑑縊殺一囚是夜夢囚訴卒明旦根治
得狀白于尚書曰要囚也姑置之直持不可卒論如
法自是卒無敢殺囚者錦衣奸人依憑權勢郡縣上
賦至輒局誘代納號稱攬頭往往負告解人多令破
產有數攬頭發覺直白尚書按治尚書不許直固請
及逮繫攬頭權勢人果邀奪之尚書聞之且以直爲
欽然生事直入朝言於錦衣曰錦衣朝廷爪牙乃不
容刑官守法耶錦衣懼竟出諸犯徵其賦俱抵之罪
尚書復大喜遣東巡撫與武定伯交惡直奉詔勘問
直巡撫而抵武定以法權貴人憚之歛不敢恣丙辰
陞重慶知府上官軍衛雜處其地富庶謗議易生自
有知府以來無見任陞遷者直旣拜命人或慮之曰
盡其在我陞遷何足較旣視事吏持簿呈請征需約
可八千金直歎曰小民營利爲生何預於官而爲此
橫斂耶取簿付之火府南妖擲輒石毀人房屋時有
火災直齋沐告於城隍妖火遂息境內旱禾稼枯直
將禱於真武山是日天甚晴明啟行忽有白雲如蓋
往返隨之旣而大雨如注歲則大熟於是鄉士大夫
有三異贈卷守重慶凡九年六事孔修四境安又倉
庫有餘羨之積囤固無留滯之囚乙丑陞河南參政

永城縣楊姓者爲豪族誣告得狀治豪族罪楊氏獲仲正德丁卯陞浙江按察使鞫問糾治一以至公處之非約自待門無私謁法無枉縱一方澄清司禮監巨璫劉籍故都御史錢公鉞家未至直已陞河南布政將之任劉璫至怒甚衆懼莫知所爲直笑而言曰朝廷之下衙門最大者內府司禮監天子之下內臣最尊者蟒衣玉帶太監我輩豈敢不敬第不知見怒得何罪也劉璫即改容曰憲長好人援直手揖衆入坐衆謂既不激劉怒又不瀆其得不惡而嚴之方初至浙巡按欲懲司吏直曰事不集大抵皆官也乞寬

縣認銀器一卓曰舊劍也直曰是何意綱所載責知縣叱出初當道與藍田南氏有故怒直連姻南氏又爲按察時某御史爲歸安令民告其科歛至萬金按治之令懷白金三百覓求解叱却之按治益急而直陞河南今事得解及今爲御史起復赴京至淮安謁子漕府執屬官禮甚恭直喜宴談及浙事偶忘其爲某御史也因言平生未嘗苟取如浙屬一知縣覓金求解當時叱出及今猶耿耿不知其人何如也某御史色沮愈恭直怪之及罷會諸恩之則某御史也遂肆意傾擠直屢疏致仕以歸直毅而有謀剛而不虐才敏而力足以行之故官迹所至皆有聲與人言侃侃無隱亦以此得罪於人里居以奉二十年耕讀不倦嘗身親農事手披載籍爲子弟式雖官至大臣非慶賀大賓客未嘗衣錦於人無貴賤謙致禮無少慢事機庵年九十卒直年七十哀毀皆如禮直弟泰寓京感時疾直親視湯藥家人以傳菜諫曰兄弟至親豈得相避忌哉時有名醫然難致跪於門醫感而至謝禮亦不受曰公爲友愛人某獨不得爲義人耶嘉靖丁亥奉詔進階總制尚書王公疏薦起用不果年七十四一疾不起計開上遣官諭祭官葬

康海

康海字德涵武功人弘治初舉進士第一議者謂其廷試策爲本朝第一本朝文章至成化末益庸靡海既有俊才遂與何李邊王輩興起爲古文扶衰救溺有力焉然性豪放不開小禮恃才凌駕人人多忌之會劉瑾惡李夢陽海與夢陽善因往說瑾以脫夢陽及瑾敗人遂指海爲瑾黨罷去不復用海益縱聲妓恣游山水讀書爲文立名于時故海雖廢而名益著彭幸庵嘗欲薦之海答書以見意曰僕自庚午蒙詔之後卽放蕩形志雖飲酒不多而日與酩酊爲伍人間百事一切置之蓋素性疎懶偶因官秩羈繫數年若招豚繫鷹而一旦得此中心之快實有人所不知而已獨知之者自東方多事以來聞其驍傲無狀如彼卽或當然有攘臂之意隨復自笑以爲狂奴猶爾卽又飲酒散髮箕踞林麓此其性習之已成雖三公之貴刀鋸之辱不可奪也況數石之粟半幅之紙乎僕自勿支謾無狀性好是古以非今始仕時望見先皇帝寬仁大度卽自私擬以爲臯夔稷契之業可以復見于今而狂放易言略不修飾至 今上嗣位之後又見其英毅果斷益喜自負 鄙志當究于

缺網

八月八日分卷之二

三十一

元朝

此一時交與之士反覆輕易不檢惟僕言是狗故殺論說略無忌畏日就月將幾踵奇禍幸免殺身而歸而二三耆又捕砌所無以爲真有使僕舍垢于有罪者之籍與不肖之人同被驅放上辱兩朝作養之恩下累先人獨介之業生平微志付之穢塗情苦心局不復自愛暇日偶讀皇甫規避梁冀之事與蔡邕却九錫之書喟然嘆曰彼何獨不得舍垢冒汚而底致美節如此也又偶讀柳宗元傳曰卽宗元有不同干叔文然親與之交而受其職任矣夫身有規避之操而迹廁宗元與九錫之間仁人志士宜于此何如也今僕所憂者在忽有犬馬之疾死丘壑之下不得伸其夙心原惊耳而區區官秩之事非所念慮也瑣瑣之用事也蓋嘗數以崇秩誘我矣當是時特數千金壽瑣者不能得一級而彼自區區于我我固能談笑而卻之使暮境熾熾之人卒不加于我此其心與事亦雄且甚矣富朝大臣蓋皆耳聞目見而孰知其然方臺諫論列之際出于一時倉卒未暇差別而今則又數年矣夫伊尹之輔商也一夫之不獲則曰時予之辜僕卽非賢者然豈少于商之一夫哉大臣者乃恩使之維于孫聰曹元輩問耶故鄙人之心至此益

放益懶披髮鬪歌至于終身而不敢悔此非甘心爲
長沮桀溺之徒也公之義曰古人內舉不避親時之
可舉不可舉非僕所知也而僕之污穢亦非公應舉
之人觀近臣者以其所爲主于此使識者有爲之言
則所係于公者豈細哉今僕之不可于當世者有五
而甚不宜出就官秩者有二性喜嫉惡而不能加詳
聞人之惡輒大罵不已今諸公者皆喜明達而陰譏
此一不可翰林雖皆北面事君而勤渠閣老門下者
以爲賢能僕懶放長出歲不能一造其戶此二不可
人皆好修飾文詐僞恭假直而僕喜而討人未有不
怒者此三不可士大夫不務修身立政而俱呻吟詩
文以爲高業見其詩藹文不能不怒故見輒有言而
彼方望我以爲美也我以言加之此四不可與相好
者接必因其職事加勉戒之詞多忤其所好彼或未
從即拒而絕之以此親疎多怨荷復見其所愛者又
不忍不告或又告之彼即又不從而僕又絕之此五
不可執德不宏不能信之于人雖頗自好而當世談
論之士多加詆謗自人有罪者之籍污穢終身莫能
自潔使平日所立之志局閉淪落智高萬物之上而
名陷九淵之下于中夜竊自嘆悔不當輕易效慕世

三月八日 卷之二

三三

魏萬二

俗科舉獨外擢此兇滿今又不傲而欲仕乎此甚不
宜出者一時同黜乏人固有不辛而被汚者然罪大
惡極羞談于婦人女子之口尚十之九彼莫不觀幸
僕出以爲先容之地而當時宰執又率崇私愛而乏
分別苟欲引其私人必援僕爲喻是以用僕者非
必實知其爲人而真明其有誣也如此則是賢者
之身而爲不肖者之資矣語有曰君子非其招不往
以不賢人之招招賢人如之何其可往哉今衆人雖
以不肖謂僕而僕未嘗一日不以賢君子自謂已如
此自謂而人以彼謂已蓋所謂嘖爾而與乞人不屑
者也此甚不宜出者二明公之意特出于一時愛念
之篤偶未詳究及此然言出乎口通乎心明有日月
幽有鬼神此區區平素之惻可一鑒而盡者公如覺
之則信其爲肝膈之實慨然憐我體我矣海年八十
餘以壽終于栗字子寬亦有異才能詩詞不第早卒

有介子 卷之二

三四

魏萬二

馬應祥

馬應祥字公順西安咸寧人自幼穎異弘治己酉舉
鄉試第二人丙辰登進士觀政戶部其年秋轉金甘
肅有以羨餘言者叱去秋毫無所荷明年丁巳授河
內知縣河內素狃難治應祥一切頽廢租賦至數年

不完至則加意撫循之不辜教者治之不妄害一人
具致戶數則躬爲編次好吏滑胥無隙可進自是租
賦完徭役均百廢興詞訟希少豪民斂跡暇則課諸
生手校其課疏公庭之上吏縮首重足立視其室服
食器用泊如也明年以母喪歸百姓走送涕泣竟日
乃始別去喪畢改任徽郡歙縣郡考亭故里雖稱文
獻然俗好氣健訟好交結貴人爭地數尺起訟連年
費千百金求勝不勝不止又豪家大族搖動禍福至
則持之以靜事求其可不枉道以徇人久乃自定民
有據險不輸賦者且五十年出榜招之曰不輸賦者

《朝公集》卷之二十一

三五

明倫彙編

坐以重役示罰于是諸租賦無敢後期至郡有殺人
者久不可得先期齋戒禱越國汪公祠下曰神許我
得其情則雨是夜果雨翌日啓死者棺事中諸人羅
跪乃一鼠自棺出鑽跪者一人衣底尋忽不見私念
曰此神示也乃指其人曰殺人者汝其人色動推究
果服又郊外殺一人未絕命移之縣大門內許人縱
觀之乃一人嗟歎其側者久之因扼其吭遂絕乃執
而抵于法蓋殺人利其財不絕恐或出語故復來扼
吭耳於是縣中稱爲神明歌頌之召拜吏部稽勳主
事丁卯調文選是時權貴用事既無干謁亦不矯激

相煙然自守既乃厭棄求歸尚書許公勸留乃止尋
陞稽勳署員外郎與尚書忤陞湖廣按察僉事督學
庚午蒞湖廣會當鄉試而湖山闊遠兼之卒濕於是
校定諸士不能徧歷或合數處羣試之場屋事竣方
施教約明年辛未言者以簡出爲辭遂改督屯河南
然鑒別之精于奪之公諸士實心服焉于其去也咸
惜之至河南數日復以母喪歸服闋改兵部陳雅在
陳雅一年積贖罪米粟千石及數百金儲諸府庫立
之卷籍以爲官需至于黜食汚之吏革蓋稅之國威
令赫然行矣乃乙亥秋有詔罷陳雅兵備帶銜河南

《朝公集》卷之二十一

三六

明倫彙編

聽用於是浩然而歸吏部檄屯河南尋丁父喪起改
山西督屯是時屯田子粒負欠三四年併徵實難謀
諸撫按許他物相準卽以給諸士辛甫三月完者十
之六七尋擢山西按察副使既至未久入賀卽上疏
乞休歸里與朋好日游城東飲酒賦詩搜奇挾巧不
驚人不已故平生文章詩所得不多然類非世俗所
能也風流慷慨儵然物表以上壽考終

薛敬之

薛敬之字顯思渭南人居止端嚴動稱古道成化初
應貢入太學值外內艱皆跣行奔計尺雪不避諸生

咸服其行誼後謁選授應州知州勸慶崇崇學校除盜賊奏課第一陞金華府同知撰金華鄉賢志二年致仕歸

張潛

張潛字用昭號東谷華州人生而穎秀甫八歲日記數千言口占詩對答應如流稍長弄筆爲文輒吐奇語侍郎公送之學士西涯李公所從受尚書李公奇之甚嘗語人曰韓退之驚怪張童子不易得也乃今復有之成化丙午秋十有五歲矣西赴鄉試不偶益卒礪自負弘治壬午遠庵楊公督學關中徧試諸生

之南

卷一百一十二

三十一

陝西一

謂關中有三才子蓋慶陽李獻吉洵陽張光世其一潛也是秋三人同舉再試禮部丙辰春自禮部入對大廷俱在高第授戶部山西司主事出納錢穀關節不通剔抉弊蠹祁寒暑雨無少懈情部尚書稱其廉能擢員外郎丁外艱服闋改禮部儀制司員外郎未幾擢精膳司郎中凡朝廷大宴會及宴勞四夷經畫節制禮無廢闕費絕侵漁是時劉瑾用事深用避匿蹤跡不通或曰公鄉人也不往且有禍笑而不答其卓立如此已巳冬擢廣平府知府廣平附畿內三四年來權奸肆虐民不堪命盜起流劫郡邑不可撲

滅多方捍禦中賴以無事旣乃按行屬邑撫循安輯之省其財力均其徭賦黜舞文之吏清久滯之獄申庠序之教興禮讓之俗郡邑熙然治矣逾五年癸酉起擢山東左叅政是時工部尚書無錫秦公爲布政使相得甚歡凡旬宣督餉之務相與諮議而後行人方冀其大有爲也乃明年遭誣中以察典浩然西歸曰自求無歎而已潛風流蘊籍善吟咏工書華州山水佳勝足以自娛又常往來武功與康先生游對客命酒談論古今時出雅謔聽者灑然如臨皓月沐清風鄙吝頓消弗自覺也

之南

卷一百一十二

三十八

陝西一

尚衡

尚衡字一中同州人也四歲能誦古詩十七授尚書爲州學弟子二十而孤三十八舉於鄉後舉進士拜工科給事中嘗出閩山海關諸路邊餉邊人誦焉乾清宮災上封事十二條敬皇帝下詔求直言乃復上四事尋又奉詔陳西事其後天子作延壽宮又釐兩宮又上封事其辭曰臣聞大德必壽建塔延壽無是理也陛下初卽位誅戮妖僧罷法王去佛于此盛德也臣愚以爲事旣惡於昔必不好於今定有左右之人希恩信怪妄傳神異誑惑聖聽故至此覽

奏爲罷其役戶部尚書侶鍾其子受賕事覺乃劾罷鍾遷吏科右給事中未幾遷戶科左給事出關大同諸路邊餉是時虜大舉入寇上命保國公朱輔都御史史琳率衆數千人擊之師久無功於是劾奏焉以忤當路遷浙江左叅議浙俗健訟日受數百牒割決如流連歲大饑賑貸活數千人嘗入賀萬壽聖節會劉瑾瑾惡人高憤或勸其勿高憤者不聽其自立類如此遷浙江左叅政復改山西分蒞河東道居平陽平陽多藩邸其下多馮藉以攫取民下車禁止盜王常聚衆西山設計擒殺常散其餘黨後乃移守

本朝今省八命考

卷一百三

三

冀寧道道在省城財殫事倍又遊民蕩子侮法敗風會流賊入寇河東薄太原甚急當是時城中官軍先已守備澤潞諸寨城守人當一門衛獨在南門南門者盜衝也乃移檄指揮賈彪設伏盤馱坂下賊由是懼走入冀南跨馬欲追擊之然無兵不果會官軍歸自澤潞受臺檄卽往追賊賊聞乃自壺關遁去巡按御史素不善劾以玩盜宜寘於理衡亦奏書訟寃然竟左遷漢陽至漢陽旬日疽發背卒

郭桂

郭桂字時芳咸寧縣人二十六舉鄉試三十三舉進

士爲知縣安丘安丘民王愷者富而權今至嘆之以利旣乃鉗制不得動令心內忿然無可奈何至是愷使人逆桂以利啖之拒不可怒斥之去至縣而愷自來謁乃祭其事鞭笞之愷懼謀陰中以禍以罪擒殺之有訟其千盜金者且罵母桂知其後母也而謂翁曰亟歸祭媼衣笥中可得金果得之于是翁大感悟知其媼爲之也乃復愛其千嘗趨郡謁郡大夫縣中囚乘隙反獄走匿不可得攝縣者懼追告之途曰當在其地古墳坎窞中果然其他政事明晰多類此遷湖州府通判督糧儲往朱有能自板趨遷去者蓋多

本朝今省八命考

卷一百三

三

以賄敗而桂獨以廉又綜理周密能祛其宿弊入莫敢犯之儲運輒先期完稱爲能遷爲泰州知州州有三虎曰鄧仁蘇容祁清桂至而鄧仁祁清以姦事發覺死蘇容獨存有以爲言者曰姑待其自至一日姦事發覺至州門曰死矣曰死瘞州門下瘞之三日出屍出屍乃死然其初實詐不死也其待惡戾民如此至于民則惟恐其或傷之于是州中遠近歌頌相戒不敢爲惡恐犯教如三虎死居無何轉鎮江府同知始人見其理戎務也老吏猾胥斂手縮項弊端盡絕然不知其他嘗攝郡事理詞訟決疑獄而人乃更屬

服翕然稱之惟恐不爲郡守其後遷爲開封郡守鎮江之人無不咨嗟嘆息惜其去欲挽留之不可得也至開封旬日會母喪以歸歸未久而父亦卒喪畢起復爲平陽平陽山西大郡轄州縣多而是時海內多事盜賊起百姓凋弊又多藩邸下人桂至多方撫輯百姓安堵久之而衣食足歌頌興焉于是新堯廟增修舜禹廟煥然改觀戶部尚書韓公文洪洞人也年八十餘家居賓客非其人不與見也乃安車入平陽謁謝而曰老人無所求強爲百姓一行未久擢叅政去以無病而卒得年五十九歲

王納誨

王納誨字獻可別號蒙谿其先幽人後徙長安爲長安人生有殊質父司牧延津誨從侍婢學不擇昏旦凡諸經史子籍無不遍覽擬要不爲世俗學也學成歸試補弟子員弘治壬子中鄉試三試禮部不第乃遊國學友名流談古道博綜羣籍旁達世故一時無出其前者壬戌登進士宰相素知其人臨清河渠爲天下要衝而挽夫舟人叢集爲姦公私病之故授工部主事行部治鬧事既治鬧乃爲立條章嚴約束時啓閉謹蓄泄關事井井無不備其便正德丙寅秩滿

獻績調吏部考功司主事戊辰晉員外郎已巳再晉驗封司郎中於是翻閱往牘悉復舊章自侯伯以下皆令庭參而考課覈驗特嚴以公倖路塞絕請託抑沮諸以事至部者咸嚴憚之由是釐積於人庚午竟以時宰之故波及左謫易州同知在易奮勵自樹不以外內奪志時巨盜流劫畿輔閱畿輔郡縣城郭多不完總制都御史幸庵彭公檄督修匝月以完報又令料理軍實軍實乃充壬申晉河南按察司僉事理屯河南寇亂之後屯多荒蕪乃爲反侵占給牛種時征斂減加耗杜侵漁三年屯政底績時郡有豪黠附之有令令考考文二一三權武斷析人肢體官司坐視三年莫能執執豪伏法郡獄繫囚多至于數按牒剖決不三日獄幾空虛河南民凡有獄訟咸願赴之爲語曰神明神明云乙亥丁丑父母後先卒凡居憂五年已卯復除河南僉事兵備信陽會革不果行改四川按察司僉事兵備敘瀘敘瀘通夷務以懷遠固封宣威敷澤爲首務人人稱父母嘉靖壬午晉副使分司川西川北其巡兩川也風裁肅然貪墨解級接踵去乃遇事直身當擔有不便民者悉罷除之難拂巨室怒長官忤察吏皆不之忌人或謂曰盍自圖笑不應事事如故其區處兩

川事宜凡數百爲書凡十帙最切時政無長冗言予是兩川爲改觀也復中黃言遠移雲南兵備臨安治臨安猶治敘瀘乙酉量移山西尋晉山西布政司右叅政由滇之晉道出故里遂卧病而卒性剛大不阿而心獨誠厚事父母極其歡心居喪盡禮其處宗黨恩禮次序秩秩如也志在天下毅然不遇有古人負荷之勇且魁岸獨峙不伍塵俗乃又好面折人人不合輒麾去不與語故庸人或少之而達士尊焉至其奮迅防禦之才堅固不渝之操洞朗旁達之識達古玄秘之學固一時之鮮匹也

張璉

張璉羅州人不畏強禦巡按湖廣時有貴臣子橫於鄉守臣不敢問璉奏論如法武廟駐蹕大原有儀賓坐殺人繫獄者賂江彬巧免彬矯詔赦之璉曰天顏咫尺憲臣不親奉詔吉孰敢信儀賓竟不免人以是多之歷官戶部侍郎卒於官賜祭葬如例

王承祿

王承祿西安府人弘治癸丑進士選授兵科給事中歷吏科都給事中以身事觸逆瑾罰粟輸邊尋以父去位服闕除原官累陞戶部右侍郎提督倉場南

京戶部尚書致仕卒承祿家廉好學老友端慎阜有父鳳士林重之

徐璉

徐璉字宗獻朝邑縣人弘治己未進士授戶部管倉監稅撫理遼東儲特所益有能聲出守袁州正德中宸濠構逆乃切守臣稱兵趣留都以覘神器大中丞陽明王公首倡義師璉聞變謁王公於吉郡賜家得兵五千人從下豫章破之濠攻皖城不下謀知豫章破即返施選兵黃家渡邢擊其左璉與戴出其右賊衆奔散濠就擒江土以寧方戰不食者二日不辭甲者四日獲賊級一千二十八名顆疏功與伍邢戴爲第一逾年僅尋左叅無何叙功議陞二級爲左使歸候缺又逾年而致政之命下矣退居善自輯晦絕口不言功日吟詠爲樂文典繹詩調高古不作濃艷語所著有玉峰集十五卷編輯群書纂要一百九十六卷享年七十有七

李紀

李紀字維之興平縣人弘治十一年舉人由祥符知縣選雲南道御史以劾劉瑾謫陳晉知縣八年陞寧海知州累陞山東僉事致仕

東郊

東郊字希宋華州人正德六年進士由平陽府推官選浙江道御史巡按蘇松以劾江彬降滁州判官後以原官致仕

郭田

郭田字汝耕長安人正德九年進士知嘉善性簡直政令畫一堅持冰稟操人有饋遺輒峻拒每見解銀指謂左右曰此阿堵物能亡身敗家爾等毋爲所汙時有生員朱恩上書陳其過卽榜之縣門引以自罪後歷陞布政司叅議致仕今猶頌其廉明云

朱驄

朱驄字安國三原縣人進士由行人選浙江道御史巡倉丁憂復除本道建言廷杖降丹徒知縣陞南戶部主事累陞四川副使致仕

人物考卷之一百四目錄

陝西西安府二

馬理

嚴天祥

東野

韓邦靖

韓邦奇

呂枬

楊淳

李崇光

王元正

南大吉

東漢

張緯

李宗樞

盧紳

閻溥

康河

不列省人物考卷一百四目錄

周吉

王縉

楊爵

呂應祥

王維楨

喬世寧

魏學曾

李世達

南逢吉

杜棠

張原

劉琦

張治道

胡侍

王懋

裴紹宗

許宗魯

杜鸞

周尚文

楊宏

補遺

郭文

劉昭

鄒應龍

孫丕揚

溫純

趙應元

馬自強

雒于仁

李伸

本朝京省人物考卷之一百四

陝西西安府二

馬理

馬理字伯循三原人學者稱爲谿田先生初以春秋中弘治戊午鄉試再試禮闈未第游太學與呂涇野崔後渠諸公相切劘而文章德義名震都下高麗使人亦知慕之錄其文以歸乙丑喪生母庚午又喪父祥禪中會檢三禮編集成書安南貢使問禮部主事黃清曰關中馬理先生何尚未登仕籍其名重外夷若是至甲戌科復上春官公卿以下咸欲識面四方

文明分爲分考 卷一百四

陝西二

學者至聚觀之乃以詩中式廷試二甲授稽勳主事改文選與郎中不合引疾告歸者三年戊寅復任值武廟將南巡理與黃輦諸同志伏關極諫雖受廷杖駕亦遂止未幾送母劉淑人還鄉乃設教于武安王祠講泉諸君爲建嗟峨精舍以居生徒劉卒後尋起轉考功郎中丙戌例當考察外官時內閣冢宰各挾私忿欲去廣東河南陝西三省提學理乃昌言曰魏校蕭鳴鳳唐龍今有數人物若欲去此三人請先去理由是獲免其保全善類如此丁亥陞南通政赴任過河也見驛丞貌類黃輦問之乃其弟肇叔聞

也泫然淚下厚禮之既乃作詩贈之有六年復親先生面爲過河池見叔開之句戊子引疾告歸辛卯陞光祿卿至則釐革宿弊裁省冗員癸巳疏病歸林下者十年癸卯復起南光祿而年七十一矣引例陳乞乃得賜歸即隱於商山書院諸生問道者遠近踵集山中野服鵲髮童顏望而卽之飄然仙風道氣也如是者又十餘年而始告終每出不一二年卽歸歸必十數年而後起綽綽然于進退之間雖欲磨涅者亦末如之何也

嚴天祥

文明分爲分考 卷一百四

二

陝西二

嚴天祥字叔善號雙洲朝邑人也生而靈異穎悟過人八歲能熟誦大學論語卽通其大義十二入縣學歲試兩魁諸生念憲開州劉君珂有精鑒得其卷曰嚴生國士也於是遠近無不推嚴先生者庚子中陝西鄉試第六刻經義爲士程甲辰登進士校終麟知縣期年而絳治人知向化野無盜賊案無停牘積獄幾空有兇犯毆傷人股致死者累檢無傷祥取二股骨察其形色長短新舊不同訊之兇犯具服蓋吏件受犯賄潛以他人枯骨易之寡母告子不孝祥廉得母與僧姦狀憐而釋之亦不治母曰子母之際難言

也撫按有疑獄輒以付之克明克允其治絳也不以刑罰爲威而以廉故豪猾畏不以賑費爲惠而以靖故民衆懷不以戒令爲期而以信故庶績熙而又敏運勤愼時環三晉而郡縣者七十餘絳縣治行第一戊申徵拜四川道監察御史未幾疾作彌留卒得年三十有六祥性孝友五六歲時每遇美果食必先奉母既長朝夕惟以承歡父母母爲念母病泣跪進食呼天而禱父落一齒持之泣累日嘗因事諫父父怒以履踏其面笑而受之父乃感悟絳平陽富邑祥三年間俸薪外分毫無取去絳時僚屬士民爭以饋進皆不受曰取于士人之大節豈以去絳而遷其守乎其居身之珍治絳之美實兩無所歉云

東野

東野華州人三歲喪父五歲讀書學禮十五從師而受尚書二十舉於鄉明年舉進士又明年爲陳留知縣陳留去藩服近民多健訟訟輒赴臺省不干縣吏縣吏顧無可奈何野至爲聽其大者劇者而於細事以義退之無留滯焉於是皆仰戴之呼爲神明而於大且劇者不復赴臺省惟赴愬於縣其一切細故輒相辭釋無敢以煩責者河濫於縣北害于耕稼野乃

本朝分省人物考

卷二十四

三

陝西二

論治河者築堤相河河之舊汚於是爲桑麻之地百里焉流亾之民皆復來歸賑貸之各有生業蓋戶口增以千計還卒趙獻者有仇讐夜入刺獻死匿去弗可得衆以爲弗得也乃竟得之縣故多盜於是盡散去爲農無復敢爲盜者陳州俠劉某者都指揮之子也嘗懷千金爲俠俠嘗殺典史善賂自脫事故久不決事下野法當往閱死者因與期月某日當往乃謬謂有他不往矣蓋是時指揮已伏百人劫俠聞不往即散後竟往得窮其事殺俠於是河朔數百里之間又皆仰戴之呼爲神明皆欲赴愬陳留向者學舍諸生惟知有科舉書不復知有古文遺書諸史子集也於是購得之俾誦習焉而又設小學擇師傅教童子親爲校閱勤懇甚備也聞封轄縣三十先是言破敵者必於陳留至是沃野綿亘耒耜相望風雨之會又適其時年穀屢登盜賊稀少歌誦之聲徧于鄉東西行過是縣者罔不改視易聽而撫按交章論薦問勞之使結轍於道正德丁卯秋吏部以御史起野引年不當爲御史乃爲刑部福建清吏司主事云其年冬視獄獄中夜三四起視獄未久疾作猶視獄獄中既代出旬日乃遂不起年僅二十有六

本朝分省人物考

卷二十四

四

陝西二

韓邦靖

韓邦靖字汝慶，郿縣人。自稱曰五泉子。母夢五色雲中，奏咸韶之音，已而玉女十餘持蓋擁一童子入室，覺而生生而靈異。三歲而能誦古詩百餘首。四歲而能通孝經五歲而讀論語文王至德篇掩卷若有思者。父問之，對曰：「卽如是武王非矣。」八歲而通舉子業。十四而舉于鄉。二十一而舉正德戊辰進士。已巳拜工部主事。奉部檄十庫監收庫官，官不爲禮。邦靖自坐前席，宦官怒，給曰：「部尚書至，因起。」撤坐。邦靖詰之，答曰：「公無與庫事者，止一飯耳。」邦靖曰：「然則吾當去矣。」答曰：「當署案。」邦靖曰：「豈有署案不與庫事者乎？」竟前席坐。署案尋又兼收黑窑廠主廠者宦官厚燕接殷勤之歡。邦靖不顧，自起視秤分毫，無所假宦官。雖怒甚，然無可奈何。未幾，抽分浙江，先是抽分部使者往往避嫌，乃重取於商爲羨餘，以自白。邦靖乃下令曰：「非巨木若竹木成器者，不稅稅課舊領府幕官乃奏議寄布政司，不與府幕官以部使者侵漁而府幕者易與耳。」又奏抽分司刑獄宜下按察司以防出入詔，皆可故事抽分司。概鎮守太監歲千金是時鎮守劉太監者又谷大用之黨，邦靖固不與。金劉太監

恐後知其爲人，愈益敬之。會宦者從京師來，倚其迭俸索抽分錢甚急。劉太監從旁勸曰：「幸無求韓主事，我當有以贈公也。」及代人奏，乃課不足。部尚書及工科給事中皆以法劾邦靖，亦自劾求罷。會國老有知其故者，賴以無事。壬申春，南北畿內山東河南諸郡盜起。天子命將征勦工部官例一人前除。當前除者數人皆懼不敢往。言之部尚書有泣下者。次不及邦靖，部尚書知邦靖素勇，可使數目。邦靖那靖毅然請行。後亦有天幸，不害北歸。還貢外郎奉部撤清查直隸山陝諸路歷年班匠銀兩，既見其民貧，乃奏議罷徵。是時急於用財，不許復以乾清宮災竟罷之。以災異訪求直言。邦靖上疏極言卽位以來朝政不修，經筵罔御，盤遊無節，狎近羣儉，抽折骨鯁之臣，閉塞諫諍之路，百度乖違，庶事叢挫，府庫空竭，閭閻流散，盜賊災異薦至，迭興危亡之形已成，社稷之憂將大疏上。天子震怒，下錦衣衛執給事中李君鐸率衆論救之。乃奪官爲民。世宗卽位起爲山西左叅議，分守大同。革奸平獄，權豪斂跡是時。天子脩定策功，封爵太濫，而高山陽和諸衛軍士奉例開墾草場數千餘頃，皆爲豪家占種。前後上疏論列，皆不報。

幾大同歲饑人相食又奏議請發內帑賑濟不許爲之憮然泣下輟食復抗疏論列累千餘言不報乃上疏乞歸都御史張公文錦奏留之而歸志已決復上疏報未下卽行西歸之日軍民遮留道上以萬計號泣不忍舍去至家稱鴈壽母與諸兄弟燕會終日甚樂也乃未幾病卒年三十有六

韓邦奇

韓邦奇字汝節陝西朝邑人正德戊辰進士仕至南京兵部尚書卒贈太子少保謚恭簡性剛直尚節槩初舉進士值劉瑾亂政朝士奪氣同年多往謁之邦奇卒不往爲時所重爲浙江按察僉事分巡杭嚴獨持風裁凡鎮守并織造中官有所求爲率裁抑之積忤既久後因富陽縣產茶與鱖魚進貢採取時民不勝其勞擾日擊其患作歌曰富陽山之茶富陽江之魚茶香破我家魚肥賣我兒採茶婦捕魚夫官府拷掠無完膚皇天本至仁此地何辜魚今不出別縣茶今不出別都富陽山何日頽富陽江何日枯山頽茶亦死江枯魚亦無山不頽江不枯吾民何以甦後被鎮守秦以作歌悲謫阻絕進貢逮至京下錦衣獄獄其官初被逮時杭府縣贈錦衣官校金祈途中寬綏

卷一百一十四

陝西二

卷一百一十四

陝西二

之曰死則死耳何以金爲及府縣贈以路費揮之挺挺不屈真烈士也夫已得釋陞山西叅議分守冀北弟邦靖嘗以是官威行惠懷甚得士民心旣下車鴈門士民父老圖告曰先使君之治誠善願使君守而勿失威慕咨嗟有泣下者後所行一無改于舊民甚安之擢都御史巡撫山西政益嚴肅守益儉朴間日以廩米易肉一斤有司供餽悉拒不受廳事惟二小青衣侍立三司官入揖議事數語而決公庭如水不聞履聲諸王府總兵武衛官俱相戒不敢犯陞左右侍郎久之陞南京兵部尚書廉簡鎮靜寡交接雖六卿同列亦罕往返每拜表聖誕令節赴禮部禮畢子然獨行內外守備議事外一不他及威望凜然性好學老不釋卷尤精於律數所著有律呂直解并樂書數十卷性極孝友與弟邦靖同舉進士交相砥礪事父蓮峰先生及閭巷人終身不違顏色愛靖切至疾于廬幾一載汗惡之氣人咸不堪靖侍側未嘗少離飲食必親奉湯藥必分飲鄉士夫立孝弟碑爲鄉閭式後靖病亟日慟泣不解衣不滋味者三月餘形且率靖暨曉之泣曰吾弟憶東坡詩乎來生之因尚當同兄弟也及靖卒屢廢寢食哭絕衰經蔬食祥

而弗懈嘗謂其友樊恕天曰世安有司馬遷罷獄卿之筆能寫吾思弟痛弟之情吾當以此身報之故樊恕夫碑曰自有兄弟以來中間道德之高功業相映亦多矣至相愛之深相信之篤所見之同如公兄弟可謂曠世少有矣

呂枬

呂枬字仲木號涇野高陵人生而穎敏特異未總冊輒有志聖賢之道夏居矮屋衣冠危坐雖炎暑燥金不越戶限至冬月祁寒則履藉麥草誦恒達曙年十四應試臨潼貧不能假館宿新豐空舍夜夢老人自

之月之月分分之分二二日

英西二

驪山而下謂曰爾力學後當魁天下既試補廩膳生母宋卒哀毀骨立所居寺中一日聞父疾走還參政熊公命驛馬追送弗受父疾尋愈乃居雲槐精舍多士景從更歷五襪踐履篤實粹益外著戊辰廷試遂擢第一人漠然不動若罔有之在官二年安西亂疏請上出官御經筵親政事時中官惡其言欲殲殺之乞養病得歸抵家數月而中官伏誅居家杜門謝客糲食草茹若將終身以爲起用入朝上勸學疏略上嘉納時乾清宮災應詔陳言一曰逐日臨朝聽政二曰還處官署三曰郊社禘嘗嚴肅欽

之料之料分分省省命命考考宋二日

方四曰日朝兩宮承順順志五曰遣去義子義子當軍令各寧業六曰各處鎮守中官貪婪取回別用又進講勸上舉直錯枉疏後引疾乞歸時西安秋旱禾槁有司槩征租言於當道獲薄征張仲修爲御史築河東書院成請定三晉應祀名賢既論定其祀又答以書謂今定祀惟取大義不論文辭俾學者知所趨向父涇陽公病侍湯藥晝夜衣不解帶履恒無聲如是一年積勞雙白丙子父辛亥張略血時陝西總中中官廖氏餽以金幣諸物卻之有客托交遊以三百金求書曰人心如青天白日不意視如烏獸也其

武廟實錄

編讀會典諸禮及行監田呂氏卿約此冠婚喪祭俾
皆尊聞行知察諸孝子義士節婦咸尊奉詔旨題表
其門復求子夏之後令其入學建溫公之祀而考序
其集築隄以護鹽池疏渠以興水利桑麻以導蠶績
於是士民率由風俗不變屬縣亦觀感而化陞南京
吏部考功司郎中四方從學士及州人皆冒雨送至
河干既去解人思之不忘豎碑以識遺愛至留都日
親吏牘忘其煩勞陞南京尚寶司卿乃復授學薦
禪寺東南之士及門者益衆壬辰冬陞南京大常寺
少卿迎繼母侯就養又禁道士俗教每月令演樂者
分頒各省人物考 卷二 四
再南京 太廟災例上疏自陳乞罷黜不許時閣大
臣再斥再起九卿皆遣人候之塗有約與俱往者曰
生平無一面識不敢輒通刺禮也乙未陞國子監祭
酒首發明監規教人以正心爲本忠孝爲先取儀禮
及爲詩樂圖譜俾諸生講肄諸生皆以德行道義相
先而禮樂并行聲容俱美諸公侯子弟皆率教樂學
諸觀政進士及歷事舉人數就而問業中官沈東亦
時至聽講陞南京禮部右侍郎九卿調 孝陵着祿
淡衣同僚曰盍着緋公曰上陵望墓生哀服祿爲是
衆從之有蔡生請鹽商墓志不復同僚爲之請曰生

與祖有舊可勿拒曰一書生而遽過貴之門得志
則下陵可知終拒之署南京吏部印疏薦時賢備任
用又薦將材數人尋進表朝賀畢見閣大臣閣臣曰
某匪人曰愚與居未知其非祇見其才耳公吞天下
之才以事 聖主可也閣臣不悅返留都累疏乞停
止親視山陵及慎重大禮 上悉納五月復進聖節
表道過河南見餓殍盈途語所在郡縣墮之抵京值
旱先殿災例自陳 上允其致仕歸事繼母疾孝養
備至疾病頭風畏寒親爲艾褥進乃安疾卒哀毀殆
殯如禮壬寅七月卒享年六十四卒之日食時復有
大星流光震墮之變遠邇弔者以千計大夫士及門
人悲痛如私親巷哭爲罷市三日解梁及四方弟子
聞計皆爲位哭著述甚富學士家咸珍襲之
楊 序
楊淳字重夫號繩嶺臨潼人垂髫時恬靜寡言雅有
志向酷嗜詩書既登進士後觀政兵部授江西道御
史時宦官劉瑾索求科道瑕疵適決大辟衆皆推避
無有行者淳毅然請行大中丞屠公喜其勇敢能任
事也而瑾惡其同鄉不附已諷當道改淳工部事
庚午安化王叛王師討征爲之先事前行辛未

利州抽分竹木時川中多盜商販十減四五兼以勢要請託齟齬旁午一切遏抑不行遷本部管繕司員外郎管臺基等廠尋差遼東查盤軍器甲戌陞都水司郎中管理通州南班河道沒決潢汚築復隄防一時糧道稱便京儲頓增時中官方橫觸觸往來陵轍州司需索無算聞淳咸退避無敢恣者時中員使西域取佛船百艘所費萬計聲勢赫熾治河州司懼不敢支淳移檄擒治其黨衆斂迹而去國初工部尚書宋公禮治河有大功爲修葺其祠宇復纂王端毅公之奏議丘文莊公之詩刊爲漕河紀事以永宋公之

卷二四

十三

陝西二

功又嘗發庫帑羨金以修孔廟其地舊有徐君墓乃延陵子挂處也亦築祠立碑以表其賢三載再補虞衡郎中未一年陞湖廣實慶知府南楚風淳俗又尚鬼乃首興學校延經師以開勸生徒西擒妖巫徧毀淫祠始則詞訟盈庭一判數千期月之間淳風不變案牘立清民有妻外適而娶妾者其妻生子尋其父不認赴愬于淳淳注水于盆破其鼻流血于盆中并取他隸血于盆以辯同異其民遂抱子而泣歸處其妻如初又宵焚華氓落過用桐油船料數萬強佔民田產數千并擒治其擷置之人及陞山西副

使奉勅管理鴈門等關兵備便道歸家適丁父憂服除改湖廣郴桂兵備郴桂楚之南徼也地雖苗夷俗多寇盜有禪光眼者聚衆數千肆行劫奪皆捕平之行蒙賞資嘉靖辛卯陞四川參政次年陞本省按察使次年陞本省右轄尋陞左在蜀日威茂諸邊將常因番夷入寇多殺無辜以邀賞資累檄諭以福福勸戒切至諸將感悟在臬司蜀藩贈兼金一百撫臺贈金八十皆不受貯之庫其爲參政時嘗視篆當放支銀五萬或曰此可得羨餘終不肯放支平生以清忌自勵慕趙清獻之爲人俸祿之外一毫無私子弟

卷二四

十四

陝西二

有諷其置產業者乃厲聲誨之曰汝第勤耕力學我不爲汝所役使也見着綺羅者則曰此可易用乎甲午冬聞太宜人訃毀悼幾不生即日奔歸自是遺榮養素居室蕭然己亥五月十六日有雷震聲異常即攝衣起危坐若有待者人弗喻其意頃之見星隕于居之西北隅次日延賓談笑間微覺不快遽不起矣

李崇光

李崇光字宗顯陝西高陵人少爲邑學生貢入太學正德庚午授南京國子監典籍事父母能色養得其欲心父疾親嘗湯藥侍臥其側晝夜不解帶既殯猶

范苦顏色枯槁其事母疾猶事父也嘗作塋城築堵
環之種樹百章羅列成行又嘗代諸兄構屋及爲典
籍又以其俸贖作服具昇諸兄國朝典籍書板多在
南監繕紳置籍者印千紙例輸白銀伍分於典籍以
爲常崇光辭勿受祭酒司業咸嘉之以疾卒於官

王元正

王元正字舜卿盤屋人正德辛未進士改翰林院庶
吉士授檢討武宗幸宣大述五千之歌以諷後以
議大禮謫戍茂州卒隆慶初贈翰林修撰

南大吉

南大吉字元善渭南人正德辛未進士歷官戶部主

十五

陝西二

事員外郎郎中紹興府知府守紹興時政修廢舉肇
造晦翁稽山書院萃屬邑髦士教之成者什九科日
由此更立有學士侵王右軍謝太傅故地悉割歸其
主由是罷歸紹興士民垂涕如失父母歸構澗水書
院以教四方來學之士出其門者多位至方岳文行
名世弟逢吉姪軒皆其所教成立者著有瑞泉集終
典志渭南志諸書

東漢

東漢字希節別號渭川華州人生之夕母夢樂聲祥

洋自空中下導一綠衣婦盤捧嬰兒降于寢所而產
生天性孝友靈穎非常年十一父任按察卒于官林
樞悲號自蜀及家間關數千里不替比長窮覽墳典
刻厲有志宵夜不就榻晝自炊食惡衣蔬飮意澹性
恬若不自知爲貴公子者爲學官弟子遂有名戊午
中鄉試高等五試南官不第正德辛未始就選吏部
授池州府同知語人曰吾母老矣埃必第能養吾懼
龍露之先睹也至池州會造黃冊立法祛弊招亡附
籍戶口增千往昔者二萬有奇劇賊劉七起攻陷劫
掠流掠江湖吳楚間勢甚熾莫之敢禦乃點選民兵
得壯丁數千人陣于永豐鎮關龍口山等處晝探夜
守斷絕賊路賊以是不犯又石埭章仁者起兵謀叛
患且不測計殲渠魁餘黨悉散又胡天龍者連結王
浩聚衆行劫衝突無前乃分兵于大洪嶺莊嶺赤嶺
羊棧嶺並通黔祁等處凡數十戰賊敗衄遁三月遂
平有程文寶者劫殺人而匿胡三隆所捕者至文寶
買捕者願誣指三隆爲劫縛于官文寶獲實漢察三
隆有寬色綯之文寶吐實三隆得釋人服其神甲戌
改鎮江府同知治鎮江一如治池大抵察民隱剔政
蠹戢豪右斥姦尤故所至咸仰戴云丙子陞南京戶

十六

部貢外郎庚辰陞本部郎中寧藩之變部議罰金募兵諸當行者輒辭不往漢獨請行已又返其募金大司馬喬公聞之歎曰毅哉東貢外不可能也既爲郎中奉檄清查江西錢糧得五百萬石宿弊一洗勞費心神遂以疾乞歸而侍養子家嘉靖甲申陞江西九江知府九江三年修葺文廟辦海賊之誣毀淫祠以正俗殄渠寇以靖難丁亥改南昌南昌視九江倍劇優優理之一如無事時有鎮守黎太監有怙勢張威誅索無忌獨不能干知府見之傲不爲禮遂拂衣出會錦衣使者至意有所干黎璫聞之曰固且止東太守剛直不可犯也歲大饑出粟賑之他郡悉未就食不爲禁日均吾民奈何分彼此邪活者數萬遷九江兵備副使會富塗弗悅不報戊子陞長蘆鹽運司運使一年釐弊通商人人戴之爲勒石頌德庚寅上疏乞致仕待親上許之歸一年而太恭人卒哀哭骨立臥土草于柩側大冬嚴雪未嘗之避

張緯

張緯字文之咸陽人也自稱曰渭涯子少從學許時勉舉于業時勉大奇之呼爲小友父歿一哭幾死自是愈益勵學補學官弟子試輒高等弘治辛酉中鄉

試累舉進士不第其兄勸之仕不肯乃就城北僧舍誦習甚苦閱二十年而正德辛巳舉進士第明年嘉靖壬午權拜江西道監察御史是時天子新即位有以佛老進者緯乃抗疏上諫謂新政之始不宜自入于邪導人以非僻之學目左右儉人朝夕窺伺此際一開其勢漸盛履霜堅冰不可不慎其微疏留中不報江南民郡愈唐者逆彬用事時爲仇家誣執繫獄數年不決無辜死者若干人緯立剖得其情在廷諸老多譽之者甲申巡視居庸諸關峻崖絕澗靡不經涉所至練武脩備發奸摘伏邊人頌焉大同有變

本朝分省人物考 卷二百四

十八

李宗樞

李宗樞字子西富平人嘉靖癸未進士授諸城知縣徵拜監察御史劾都御史汪鋐不法狀出爲河南僉事累遷巡撫右僉都御史以疾卒宗樞經濟不

實所施論者惜之

盧紳

盧紳字汝佩書庵別號也咸寧人少而穎敏潛心問學博覽典墳爲邑弟子最選入正學書院纂修雍大記諸書多所撰述壬午舉於鄉明年舉進士授四川遂寧縣令廉勤自勵治教大行邑人戴之宛若慈母邑瀕大河曩有洚水之患築以魏堤植以密柳水害永消民受其利會蜀連年青災飛蝗滿野獨不入縣境衆咸咤歎焉六載之間析獄明允無橫羅刑辟者庶幾畫像之風歲旱大雩素衣徒步禱於羣祠輒有甘澍之需人胥頌之戊子入拜工部主事治水呂宋有功癸巳往督杭州竹木廠立法寬平商民感德迨貢外郎督造臨清等處輓料兼理衛河提舉時工孔亟磚用數倍常額經理維勤蠲省費百工若商便之運不稽留事有攸濟上嘉悅游錫銀幣有差進郎中管理九廟慈寧兩宮勞績懋著廟工成加俸一級兩宮工成陞二級辛丑擢湖廣按察司副使撫治荆南加意牧宰鎮靜不擾豪猾巨奸廉致於法一道肅然撫屬界連川貴諸夷携兵連歲不解天子怒下守臣委紳會兩省勘議紳首宣言於

卷二十四

十九

庚酉二

聚曰夷性犬羊先王以不治治之若繩制太嚴恐生

他虞不若開諭利害俾罷兵息民足矣衆從之諸夷帖服於卯總理工務有白金綵幣之錫甲辰擢江西布政司參政分守湖東瑞州寇起單車往諭解散其黨歲侵民饑賑恤有條全活者衆丁未擢貴州按察使清平衛指揮某者暴虐貪婪激變軍士連結諸苗爲亂驅車入城執首惡以泄羣怒申國典以示更生便化之徒威泣紀綱肅然戊申擢山西右布政使庚戌改山東左布政使宗藩歲祿之供邊關兵馬之餉諸務旁午紳調停區畫咸麗厥宜辛亥進擢順天府尹時有勲貴人權傾中外倚勢欲奪畿內民田數百頃者關說京兆紳力拒不顧入以爲難壬子拒戶部右侍郎甲寅改左總督倉場兼理西苑農事申明舊章釐革宿蠹清查積貯附餘米十餘萬石以裕國儲然持法過嚴同事有銜之者矣三載考績錄一子洪先爲太學生居太倉三年游蒙銀幣鈔錠羊酒之賜丙辰起拜南京戶部尚書定立章程約束悉鑒鑒可行丁巳循例自陳致仕上賜允歸鑒池畜魚栽花藝竹典至則與二三知友飲酒彈碁論文話舊日以自適紳儉樸冲澹爲人誠格簡夷於世味泊然絕

卷二十四

二十

庚酉三

縣所好雖囊無餘資厲聲餘粟而散財喜施不責償
報嘗謂人寧負我毋我負人寧我容人毋人容我立
朝正色直諒侃侃不阿一時交口誦之而沮之者亦
力家居孝弟肫肫事父竹軒公先意承志罔有所違
伯仲二兄蚤世撫其遺孤授以恒業教之誨之不啻
已子聞中人士稱之謂爲不可及云

閻溥

閻溥字克周興平人也弱冠受知於學使虎谷王先
生正德丁卯中鄉試嘉靖癸未登進士授刑部主事
巳丑晉員外郎郎中辛卯陞直隸保定府知府甲午
本朝入省金方

卷一百四

二一

陞浙江按察司副使明年乙未被論罷歸溥初舉於

鄉年才二十又四後屢困南宮復值家督方其居太
學時聞人劉瑾竊政溥爲同邑人或勸爲速化計厲
色彈謝退益淬礪講學授徒處貧而樂後卒取上第
其在此部研精律例鞠訊不苟原情附律不苟不縱
人稱平焉是時光祿崔卿子忿役鄉婦其子故宰相
甥也時宰曲爲請釋謝不往見迫之見復謝曰僕與
相公均有法守光祿子罪抵死相公欲生之宰相易
法亂道也僕守死不取易嗣有富室袁氏姻聯鉅璫
事下法曹朝貴半爲請託且賂以鉅萬竟置於法明

論翕然歸之謂爲異法吏其保保定郡爲右輔路留
入衛兵衛雜樣錢穀獄訟應接不暇盜賊鋒起豪右
威視武斷漁獵凡人有不堪者處之裕如若其抵徐
某之罪而攘奪之害草發魏東之姦而府吏之弊釐
塞唐水之泛而沮沒之患熄程邊運之役而轉輸之
勞均嚴課試之方而科第之才盛獎廉勤之吏而郡
邑之政修慎鄉飲之選而禮讓之風醇表節孝之門
而習俗之類振古稱循良不翅過之癸巳秋大同攜
受朝命宗伯黃公觀撫黃請於上邊溥與俱溥乃揚
威布澤持法行權元惡就刑反側向化暨績爲多既
之朝入省金方

卷一百四

二十一

陞浙江按察司副使明年乙未被論罷歸溥初舉於

乃晉副浙臺適臺貢闕乃兼攝教事浙人素欽其譽
吏慄慄不自存民則熙熙自慰也先時臺中申飭寬
度率由舊章謂郡牧臺史先時接見有制凡庭參止
長揖不屈膝今靡靡不自振矣今宜復故一時列郡
觀望可否溥曰是何疑哉臺史郡牧均人臣也憲度
其在余惟執禮以過越爲媚人吾恥爲之徑揖不顧
臺史陽加獎善陰排於同列羣議煽沸鬱而未揚乃
關其去郡攜撫絲髮交關擊攻乃擲不投浩然賦歸
一切仕進棄不置念讀書教子彈基賦詩飲酒自放
漠然於世不相關也卒之日鄉評士論皆惜其閭闔

之才而尚其長厚之風云

康河

康河字德清武功人少質秀發長嗣家學與其從兄修撰海兄賈外浩皆以科第後先典起治詩能得詩人古奧發爲詞章婉麗溫厚正則平達觀聽者感懲革化風被爲多論者謂其得詩教焉故以之飾吏則司儲司稅以及典郡培本抑末通商裕賦植善布惠才賢之稱播於郎署著於郡國顯美宏肆駕出流等古云不罷居之無忝焉然性爽介與人不瓦合方其居業與同輩者平第文翰銓拔人物時出其見以指本朝分省人物考 卷二百四 三三

周吉

周吉字應貞號一川西安左衛人舉嘉靖乙酉鄉試再應進士舉不第壬辰就中牟學諭學諭累八年始

遷沁水令甫一年調蘭陽又一年即罷歸性剛

觀負奇氣與人無戲狎平生守經自信力斥陰陽釋老師巫與諸外家者言始受易副使君副使君大奇之于是以明經著聲士率來受經門下遇門下士特嚴重門下士卽年長宦成者猶敬憚如童子時其教中牟士愈益嚴皆憚而遠之久乃知其方正長者乃更益服習敬焉督學吳仕聘長大梁書院庚子聘江西考試官故事考試官率伏聽御史不得自取士獨以掌故與御史力爭不屈御史亦折節從之是年冬遷沁水會廣警有令多募民兵力請裁其半歲早虔

二朝八分命云 卷二百四

二四

陝西二

禱輒得雨又賑濟善民不重困以死願數以事件上官上官數不善踰年遂調蘭陽是時儀封郭儒殿妻死獄久不成陳州孔某以負債久繫一訊咸抵罪立決貴勢者數爲言已又行賄盡置不理人大稱快焉尚書周用知其能檄令修河未幾河卽就功會御史與縣丞有故以丞有間言于御史御史乃面折之吉亦執對種種有狀人以是目爲周憊然自以峭直不容數乞休歸作得失吟以見志因自號宜休子居宜過清苦或勸稍爲子孫計輒大笑不應歸有東郭下田百畝卽爲園日讀書其中者讀易初筆一川野橋

已又自作像贊自經紀其終事其遠生若此先是中
牟訓導何漢清者卒于官無子厚贈歸其喪新鄭令
洪勳以百金託遺中貴侍膳者無何勳達詔獄撫其
妻子還之金人尤服其高義云

王 縉

王縉字朝儀其先廬陵著姓高祖用曾祖頻並西安
後衛百戶祖璧考鎮並副千戶遂世襲關中鎮忠勇
邁倫致令朝望縉以曼倩學劔之年承勾踐納官之
典爛其熊羆笑而鷹揚嘉靖六年歲在丁亥賊虜白
羊嶺稍遷正千戶戊子慶雲沙峴庚寅破箬龍鎮並
捷進指揮僉事甲午戰清水河丁酉援柳樹營積功

陝西二

三五

陝西二

遷固原守備旋進都指揮僉事克右叅將分守延綏
已亥伏涼水溝庚子攻孟家塔破高松砦掠神木山
殊庸疊懋權副總兵協守延綏辛丑承本兵檄批山
西虜掣風燐電不陣而馳東絕大河逆虜授首摧堅
擊瑕斬酋魁等獻捷音於在洋錫金縉於轅門壬寅
再戰介休功與前埒唱凱言旋假提帥印扞威武堡
搏定邊營虜僭威稜嘆息而駭便蕃再賁聞外益尤
癸卯進右軍都督府署都督僉事鎮守陝西地方露
布屢聞太常載紀於是實校都督僉事丁未拜征西

楊 爵

將軍總兵官鎮守寧夏乃襲承典巨鎮實為長城而
以義渠之魴坐剔虎鉅角中私第不怨不尤時宜嘉
賓優游宴喜歲庚戌疾卒享年五十有九縉雅操寬
中識局朗濬在金浴鐵逾四十年北禦狼裔西拒大
戎大戰十數小戰數十獲虜之數至于二百牛馬器
甲趁無算焉進律登壇計功而得匪冒濫也一值債
額遂從吏議為法受惡口絕辯言豈不惻惻君子哉

楊爵富平人也以進士為侍御史抗直不阿嘉靖中
注疏請慰人心以隆治道曰天下之患莫大子以危
為安以及為利以可憂為太平法家拂士日遠而快
意肆情之事無敢齟齬于其間此積弊而盡所以為
不可救藥之病也往年夏秋恒陽不雨畿輔千里無
禾歷冬無雪暖氣如春元旦僅雪即止民失所望洵
河無聊此正 陛下撤樂減膳率羣下所惠祐之辭
也而大學士夏言數人著方以為靈瑞而稱頌之不
幾于安危利災以大可憂者為樂耶大臣之職當輔
君當道志仁先天下以為憂無忠亮體國之心而居
人臣之極位是所謂小人乘君子之器者也翊國公
郭勛中外皆知其為天下之惡 朝廷之憂也迹其

陝西二

三五

陝西二

率職亦豈能無有妙于 聖鑒哉願 聖德優容不忍
卽罪神謀遠慮自有所處臣愚以爲奸不可近惡不
可長若止之于微過之干漸則 朝廷優禮大臣體
貌未失而武勳餘裔亦得以善其終或使稔惡肆毒
潛干政柄羣邪趨附善類退處于天下國家之禍必
深矣治道去其大甚此其失人心而致危亂者一也
臣近巡南城兩月中陳餒死者八十一人此南城十
都耳其諸五城尚未知有幾也千里之遠耳目之所
不及又不知其有幾也此皆 陛下之赤子望豆蔬
延須臾之生而不得臣 陛下憂民情財與天下休
息之時也而土木之功累年未止工部屬官添設至
數十員又以一方士之故差官萬里遠修雷壇浚民
膏血而不知卹窮民之財盡民之力其無乃自廢其
根本也乎今北虜跳梁內寇竊發加以頻年災異上
下一空百計取之愈爲不足而興作未已以結怨于
天下此其足以失人心而致危亂者二也 陛下卽
位之初勵精有爲不遑寧處嘗以敬一箴頒天下于
堯舜三王之道蓋心得而服行之矣數年以來朝儀
閒闕經筵輟講大小臣庶朝參辭謝未嘗得一觀
聖容敷奏未嘗得一聆 天語今庶官入覲遠目萬

文淵閣

卷一百四

三十一

甲四

里孰不欲一望 天顏以慰快觀之心而咫尺闕庭
不得一見臣恐人心日益怠惰中外日益忤敵非降
古君臣同寅協恭以臻太平之氣象也此其足以失
人心而致危亂者三也聖王之世執左道以惑人者
必誅而保傅之職坐而論道古所謂官不必備惟其
人者也今舉名器之重而畀諸迂怪之徒異言異服
列于廷苑金章赤綬延及方外而名器之濫極于此
矣 陛下以天縱 聖資爲上天元后遠宗帝王之
道近守 祖宗之法細旃廣厦與公卿賢士講論治
道則心正身修與天地合德日月合明和氣致祥罔
有災山川鬼神莫不擁護安用假此妖誕邪妄之
術列諸法禁而藉之爲 聖躬之福耶甚非天子所
以崇正遠邪平平蕩蕩奉三無私以化天下之道也
臣恐風聲所及人趨異教貽四方之笑取百世之譏
干 聖德國政所損不細此其足以失人心而致禍
亂者四也 陛下臨御之初延訪忠諫虛懷納諫狂
直敢言之士往往矜宥故一時臣工恃 陛下能容
致以直言于冒 天聽言過激切而不獲罪者亦多
有之此年以來震之以 天威加之以危禍如往年
太僕寺卿楊最言出而身立死近日左贊善羅濟先

文淵閣

卷一百四

三十一

甲四

等皆以言爲罪而加之屏斥自今以後雖懷忠義之心非灰心仕進甘退丘園亦必深自隱藏爲保身之計孰敢發口論天下之事以取死哉忠盡杜口則語諛交進上德不達下情不通堂陛之近遠千萬里此其足以失人心而致禍亂者五也疏上下詭獄械繫者數年雖處憂抑中端凝正直卽獄卒咸敬信之久之得釋而會尚書決有陳論 上大恚曰我固知釋爵諸妄言歸過者立至矣命卽與給事中周怡郎中劉魁俱就逮爵時抵家方一日忽錦衣校至曰若復來乎校素敬爵慰之曰吾獄有他往特一省公爵

本朝分命

三九

陝西

笑曰吾知之與校同飯飯榻食校不能堪爵啗茹自若也食已曰行乎校曰宜一入爲別爵立屏前曰朝廷有 旨見逮吾行矣卽攬袂行復再踰年乃出

呂應祥

呂應祥字子和號涇陽西安人少警敏絕人日記數百千言督學爰谿朱公補爲諸生愛其文奇之稍長學日益博談諸儒理性上下古今臺臺不竭同學生每聚論環坐傾聽罔不嘉歎以去皆自以爲不及也正德己卯魁省試登嘉靖壬辰進士授行人選吏科給事中既爲給事以敢諫直言自任無顧忌心日朝

廷以言官爲耳目也苟顧忌卽蔽明塞聰忍緘默不爲朝廷所平會京師地震卽偕同科者上書言汰冗賑貧倡勇恤謙卽賞五事已奉命監二十四草場疏發司場太監通商減芻奸狀已又諫止人道士度牒金佐內工已奉命同黃御史覆宣大邊餽參伍稽察盡得其登耗出入之實劾都御史以下若干人人服其風力已又條塞下便宜十事上之擇將帥重總督恤將士精器械修城堡嚴烽燧增年例明戰守慎賞罰振紀綱累數千言皆切事實可施行 上嘉納焉

上幸承天廟

皇太后顯慶應祥

三三

陝西

中從議禮多所匡言選諸賜特優是年內閣與吏部議選官僚多賂進者於是憤然抗疏略曰臣聞太子國儲副師友必於天下英俊自三王暨我列聖未有不慎其選者也頃 陛下詔言謂不必備員正欲惟其人耳而選者率以賂聞此豈聖世所宜有安望其成今德也 陛下不聞里人之愛其子者乎當出就外傳必慎擇所以爲傳者太子天下本而輔導之官顧可不擇令若是濫哉臣見臺省員闕必會官推舉舉多當名實官僚關係不在臺省下獨奈何不推舉臣願罷諸賂進者用會推例推一時英俊以聞疏上

獨執事者怒奪官爲民越五年會恩諒復其冠帶致仕自罷歸日奉母姚孝養備至姚性嚴善怒應祥在側則常懼平居不設城府常葛巾徒步里巷中接人雖貧賤均禮與故舊更款洽多所周急未第時有狂悖隣人加之以橫逆後其人悔懼數獻恭直與之渾相忘如未嘗卻也初立家廟補四代主歲時率子弟奉祭畢燕坐訓之家政當道薦起用者以十數應祥聞之特扁其堂曰知止積圖書其中日披玩四方從學者甚衆皆相繼成名去當道以渭南地震甚約暫借涇陽郵館顧久不還涇民苦之應祥率諸大夫數言上官卒還之洪堰水利浚弊愛微乃親爲捐投方略著書示久遠此皆非已事而挺然樂爲之雖他亦皆類此使久於位其濟世及物功澤詎可量哉辛年七十二

王維楨

王維楨字允寧陝西華州人舉嘉靖乙未進士改翰林庶吉士授編脩歷官至南京國子祭酒便道過家會間中大震殞千家維楨性亢急於世少所推讓獨與餘姚孫陞濟陞與維楨舉進士爲史官日聚著作退朝誦相與就舍持文墨議論終夜不輟以爲常

有故則走聲于挾策進之務相攻錯瑕瑜不掩以是二人甚油油然久相好也維楨爲文法司馬子長詩法漢魏近體法盛唐九宗杜氏居常好深沈之思務引千繩墨必結構中度而後修辭否則歷月經歲筆不直下也維楨歿陞官禮部尚書爲之哀次得詩文若干卷曰存笥稿刊于關中再刻于蘇州陞叙之曰余觀作者之林其長短較異即能屬書摘辭而聲詩不振抑或以近體取重古體細焉凡有所短寸有所長非虛語也獨崆峒先生得其具體王子與之後先入室皆得擅場即關中多才賢此兩人者豈易得哉

喬世寧

喬世寧字景叔耀州人也生有異稟日記數千言又強學不倦雖至老未嘗一日不學古詩法漢魏近體法唐文法秦漢融貫於古自初築廬一時作者斂紳歎服咸稱不及遂卓然爲名家今所傳丘隅集是手自芟裁者也初爲諸生督學使秦公文何公景明唐公龍皆目爲國士嘉靖乙酉舉于鄉果第一戊戌進

土授南京戶部主事凡再擢至郎中擢紳學士莫不
交好各枕經籍書求通其願未幾擢四川僉事分按
川南地川南控引越雋牂牁諸戎號難治盡取故牘
察事所緩急重輕卽連引數十年悉酌以法理決遣
罷之時時巡行郡縣獎吏民之良與罰其怙惡者素
彊執不阿比執政者欲叙其文因蜀之察案致言於
世寧置之不爲理有蒲人告嘉州人不償貸州笞之
死離蒲人者謂蒲人毆之死乃爲曰其冤濫人黃嵩
豪猾官府不能制捕得之御史欲重請法以數問訊
無左驗罪止徙嵩得不死諸所平反多類是於是川

六朝分省考

卷一百四

三十四

以南無冤民及爲湖廣督學使湖地綿邈試士歲必
遍罔所遺逸士所擢拔無愧類其所厭抑無細辭人
人爭自濯勵文教大典又敦本樹標因贊成善湖之
士莫不以名儉德行相爲引重故士之以文藝舉以
才誼者一皆所滋植故今雖去是幾千年士人
感奮不啻一日謂善教之得人心者非耶歲庚戌虜
犯京師上遣近臣募兵河南議緒紛拏世寧適以
忝政蒞任獨選丁男壯者從軍救損供費後諸應募
惡少多道亡且鹵掠獨大梁部署兵全無不法者尋
督餉小難小難故監兌於主事第主事多聽商賈閉

羅計使轉餉者無階翰官因期其值得倚藉爲利因
令轉餉者分糴勿近邑奪商賈利而坐失主事陰所
操縱民便之河南至今遵爲法成自河南擢四川按
察使以憂歸在官十五年歸十年自讀書外絕無嗜
好聯親戚同姓以恩義周其窘乏敬老撫孤嘗作糾
宗碑族諸急鄉里之愚不責其報司馬楊博中丞殷
學御史崔棟交疏薦之竟不肯起未幾卒世寧行足
世師譽爲儒宗其所建造率鑿鑿副名實抱奇不售
自斬其用遇後人咸克世家業雖不當世後必有達
乃其所歟

六朝分省考

卷一百四

三十四

魏學曾

魏學曾字惟貫別號確菴涇陽人十四爲諸生嘉靖
癸丑登進士授戶部主事歷兵部尚書兼副都御史
學曾以南大司農謝政家居適虜寇西北羽書勿年
奉詔督陝西三邊軍務屢辭不獲則移書政府催款
議戰執政報書如指始就道比至固原虜酋明莊二
部各擁衆數萬擾邊三戰三北之斬明安走莊酋獲
其部落五百餘級上嘉其勛晉太子少保蔭一子
世襲錦衣千戶賜金綺有方計圖大酋而有寧夏
之受呼拜父子故降夷宿有叛志會撫臣以事推折

之遂殺撫道據城以叛人心洶洶至則發二機僞振以緩之旋移檄各鎮徵兵餉而自統大軍駐靈州以偏師駐花馬鳴沙諸處扼賊要害使不得渡河窺陣又分兵收服四十七城堡以孤賊勢賊果大括城中金帛婦女賄虜時時與虜出入則多發敢死士夜衝牧場虜巢牽其反顧兵餉四集則進師薄城下圍焉城堅不可拔計惟決水可灌灌城恐多傷士民且促之從賊不便乃築堤障水實土塞閉水圍城如帶漲七八尺城浸且圯城中懼且謀曰此可以行間矣乃射書城中疑賊黨使自相圖居民亦多受計爲內應未幾呼氏果與其黨自相殺八月甲子夜城南門啓我師鼓噪入呼氏閭室自焚死寧夏以平先是言官急欲攻城有議以逗遛者詔逮曾問狀既行去城破之日月餘耳何得言逗遛縉紳爲上書白冤章滿公車終不一言自明而上感悟還官歸里亦不錄功廷議惜之學曾魁听倬杰平生慷慨多安攘大略明習邊事而七大夫所嚴事則其操履端方議論不阿閭閻侃侃郎計部時有權端爲商人居間欲冒支芻糧銀鉅萬大司農業許之矣趨而前曰豈其以百姓脂膏國家府庫爲此輩濁囊囊耶執弗與大司農亦

無以難之嘉靖中分宜相欲改郎吏部需一見始決謝不見亦不果改蒲坂楊公總督劾逮欲假事推轂不肯受事再強之則曰度支郎殿最有主者不敢當督府也未幾楊公入爲大司馬又欲得爲屬固遜亦不果改其生平不干進類如此督餉宣府時立交兌法吏不得緣爲奸適虜騎薄城中守者不知所出遽攝戎衣秉城指節方略虜遁去邊人大喜謂折衝禦侮乃不在秉鉞在主計耶頃之擢光祿寺少卿松江輪白糧不整當輸者罪其鄉人執政者以爲言不可再言再不可於執政門人也而守官不執法如此尋拜都察院右僉都御史巡撫遼東遼有叛卒黃勇者數勾虜爲邊患朝廷懸重賞購之不能得至四不問或以爲言則曰勇本吾人何處置失宜故外通耳我且撫而用之何購爲語傳虜中勇以爲信然縻市夷入城偵知虜在速酋帳下乃閉之甕城中而執之虜患以寧會當事者以修怨故抑其功止晉俸兩級尋以棒棰厓等大捷晉右副都御史巡撫如故尋以疾告庚午起爲兵部右侍郎郎改支部轉左時新鄭高公以閣臣攝部事開務繁重部事一切倚重焉爲立年格杜請謁新鄭勸止難下人獨禮重之每事未嘗

不稱善萬曆初元新樂興江陵同任政府各以才雄
一世顧皆倚重學會二相失歡而江陵欲得爲助
心知與高公至篤也乃設事嘗之是時有疏論高公
者矣正色語曰二公皆當時名賢同心爲國卽有失
不難盡言江陵爲改容謝焉以何高公策免廷臣失
色獨大言曰上踐阼甫數日首逐一顧命大臣豈
宜始事且此詔出何人手草不可不明示百官衆爲
凜然朝罷更要九卿諸公詣江陵所諸公有至有不
至而江陵稱病謝罷客高公遂行當是時江陵公以
師保朝奉與馮瑞張璠用皆得斷如也天下開
之有入命分之二日
而壯之未幾晉南都察院右都御史未行而有列曰
簡者有詔視新命以侍郎還里里居又數年爲歲
癸未江陵公敗乃起爲戶部侍郎未任改右都御史
督倉場有所不合尋陞南京戶部尚書其時言路大
開有羣擊執政家宰者上意頗動諸府部大臣各
疏保留次及南都九列曾曰大臣進退取自上裁國
是乎人情乎諸公心服其言顧重違宰執意相視首
鼠奮然曰此自出魏某不可不以相累也諸公乃不
復言保留事後月餘果有言之者其履方守正不諂
隨如此遂再疏乞骸骨後又數年而起大司馬有

洗與寧夏之役嘗著四禮儀式爲鄉人祭酒每事爲
綿最以行及居兩尊人喪先後六載不酒不肉不談
足中門事兄如父視族黨如其手足視鄉人餓溺由
已輕重賑之無不滿意去而自處甚約蓋秦俗以商
販爲業卽士類不諱持籌獨有拔葵斷織之風焉歿
之日里人皆家臨巷哭尸祝於社其內行醇備又如
此所學主誠信不欺文宗司馬子長書宗晉俱得其
趣趣所著涇陽志遠陽奏議詩文若干卷

李世達

李世達字子成號漸菴晚更號廓菴關中涇陽人生
六期入命分之二日
而類異日誦千言自其髫年卽具博大之器卓犖之
識一時薦紳先生咸器之年十二督學使者殷公置
高等補博士弟子員尋爲方伯楊恪愍公所知諸所
崇禮備至西安守石州胡公甫下車見而奇之與爲
忘年之交當是時已瑩精大道孔孟根宗伊周事業
日在寤寐中嘗夢調高皇帝授明珠一命曰善自
珍之異日當爲國寶也年十九登嘉靖壬子賢書丙
辰成進士授戶部主事癸亥調吏部考功司主事已
調文選以養病歸隆慶改元起陞稽勲員外郎未幾
調考功戊辰陞本司郎中調文選丁曾大父憂三年

起程膳黃通政給假回越陞南太僕卿 神宗取極
陞右金都御史巡撫山東陞右副都御史總理河道
茂寅以原官巡撫浙江旋告病復以原官起總督漕
運兼巡撫鳳陽甲申陞南兵部右侍郎改戶部是歲
陞吏部左侍郎丙戌陞南吏部尚書改南兵部尚書
恭贊機務召爲刑部尚書改都察院左都御史掌院
事壬辰以六年滿加太子少保癸巳乞骸骨歸奉
旨馳驛養病己亥卒年六十有七計開 上震悼久
之賜諭祭諡敏肅始在戶部監兌湖湘且暮竭心討
佐度支之急前後入銓司佐黜陟品藻入羣百不失

六朝八省人物考 卷二百四

三十九

高南雲

一會大計當事者拱手聽裁卽見斥者無不心服以
去時徐文貞在柄地而秉銓者爲嚴文靖時世達與
陸莊簡同爲司屬得以揆楊側陋薦進之往往從田
間躋華應列卿貳銓局之公流聞宇內前後所未有
也其開府山東議班操獨通減馬價著爲累令時
蔣范儒以明經舉安廷璞李遐齡以知印擢楊果趙
蛟以都吏進而白東阿朱萊陽一挂吏議又力昭雪
之不以身格爲軒輊也膠河議起身履其地相土宜
權經費所爲條析利害甚且東土不至勞民傷財爲
大役累其功居多戊寅改撫浙江不數月疏辭疾引

更八年起督漕河念寶應湖險惡歲漂舳舨無算爲
請開越河殺水勢列五款以上綱領節目率然畢具
奏年而竣比原估計價省費一萬有奇晉南太宰與
耐峰海公意氣相期擔荷國事所甄叙羣品如鵬眉
陳大察汰遺數百入下逮與臺無不悅服者入爲大
司冠章數十上無非平允詳慎務廣 上好生之德
時 上惡邊臣僞增首功恣至不可解乃劑量于輕
重之間以定厥罪而比附重辟執不奉 詔卒出其
人于必死之地眞回天力也會密遣殿校偵部事處
弊實不可長屢疏明非體乞亟罷去 上乃已權璫

本朝八省人物考 卷二百四

四

高南雲

憑藉威靈勢張甚在事諸臣莫敢誰何具疏先革其
禁近供事徐正罪以杜禍源是又發宮闈所未發之
奸而開廷臣所不敢開之口己御史職雄俊所抨擊
無與抗者往臺長不甚有所甄別世達謂史治日衰
民生寡遂皆職此之繇乃以考察例行之斥韓介劉
瑜黃正色輩五六人臺中始悚然改觀易慮壹以奉
公爲急且申明憲典傳布天下俾撫巡無得以問愧
相加遺所薦下吏亦無得執贄及門違者論如法于
時道路風清苞苴弊絕嗚呼盛矣生平正以褻躬忘
以獨國不難以一人排擊議觸忌諱侃侃然貞而不

激通而不隨宏不疎而而不挑獨斷于是非之中心也于傾軋危疑之際困事既濟身名亦全誠
母謂臣主相遭千載一時也所著有奏議八卷

南逢吉

南逢吉字元真渭南人生而穎慧不倫九歲通小戴氏大義後舉於鄉第三人時大復何公試其文歎曰奇才也計當魁已果然已會試不第師事陽明陽明曰關中自橫渠後有所振發興起而進於道德聖賢者必自吾元善昆季始已舉進士授禮部儀制主事仰贊太廟明堂諸大禮以備代獨得之典而嘗

本朝分省考

卷二

四

四

屬草多出其手在禮部七年出知保寧保寧公私冗奸不可詰振偷刷盡祛故張新興之更始暇則課諸生萃諸校之偶而督教之一時得人爲盛舉人傳太者有隱操上官率不爲禮獨式其廬而問焉諸驛傳檄役里甲民兵悉有定畫義民史俊輩以捕盜誣論死者十一人寬十餘年莫雪者一訊雪之萬口歸明在保寧四年獨用嚴治巨室銜者造飛語中之陞雲南督學副使命獨以守人觀會有佐前銜者遂改知歸德府歸德以州陞又新造當三省之交其難倍保寧治歸德如治保寧陞副使備兵鳳門晉之配塞巨

鎮也往兵備以督撫總兵在日惟飾其需遷憤然曰陣法不習匪我制虜虜實制我今之邊弊有甚於此者乎於是論三關將士如今甲習之又按志盡復其演武場爲豪家據者當是時三關未分部也獨數巡行三關外軍聲大振一日山下有牧虜數十騎望見于旄來知有備輒遁去其爲虜憚如此又嘗條上備邊便宜五事詞多觸忌諱執政不之喜格帶上乃考察用前飛語罷時長子軒舉進士爲翰林吉士後奏銓部主事績上書詔許以原官致仕事父母孝師事瑞泉公竟其世無異財累產則盡以父兄所貽讓婦

本朝分省考

卷二

四

四

若霞舉 穆廟嗣服進階中憲大夫贊治尹詩文希
盛唐兩漢所著有姜泉集越中紀傳若干卷藏於家
註解會稽三賦刻在會稽郡中享年八十一

杜榮

杜榮字善政三原人儀貌豐偉剛毅寡合獨與靖川
處士馬尚賓爲友博物洽聞經明行修尤善星遁風
角之術由鄉舉任真定通判調彰德時靖遠伯王公
驥征麓川舉軍前占望運籌爲衆耳目賊平 上賜
美女一人仍陞兵部職方司郎中恭贊戎政復調南
京戶部所在人以識大體稱南部堂後樹忽冬花衆
譽其長曰此堂尊之瑞也榮正色曰冬花春秋書異
何瑞之有其剛正類此性至孝母喪廬於墓側時友
人馬尚賓刲股和羹養親食殯涇陽處士師維學亦
執喪廬墓遠近稱三孝焉後陞雲南知府政績著聞
以老乞致仕詔進三品階通議大夫卒年八十一

張原

張原字士元三原人正德甲戌進士授吏科給事中
上書言十二事忤旨謫貴州新添驛丞嘉靖初召復
兵科尋擢右戶科原感知遇益以諫諍爲已任再逾
年所上四十餘章言皆剴切至論國家大計及進賢

退不肯詞嚴色正凜然風生 上亦多嘉納之後以
議大禮廷杖卒隆慶初贈光祿少卿

劉琦

劉琦字廷珍別號北郭洛川縣人也舉正德甲戌進
士授行人司行人嘉靖乙酉擢兵科給事中時值
聖上新政即陳六事 上嘉納焉嘗被旨差於冬衣
布花因極言侵漁十一弊且日詰衛衙文放雖經寒
暑遇風雨亦不廢僚長嘗推其勤勵不可及錦衣衛
多權右乃愈振風采有玩慢者即疏治其罪騰驤衛
所統力士又率內豎廩養人也憤以私債冒領官銀
以取利廉得其情俱寘于法是年冬當述職期多有
假稱緝紡嚇詐人財者琦上封事請旨下金吾捕治
併上親賢遠佞疏他如峻宮牆之禁嚴宿衛之備一
劾而中官逮罪者四十人皆人所不敢言者一時京
邑爲之肅然嘗存恤軍士嚴督五城及諸衛司勿得
匿情其設克軍妻者皆察治之衛司謂給事真神明
也未幾奉命清軍條舉三十事切中時弊咸下司馬
勘行凡比試藥歷同事諸大臣中官多請賜以從寬
貸寬劾治之雖事干勲戚權貴亦不顧也是時京師
大饑請行糴賑開倉之政饑民存活殆億萬計盜賊

等以屏息河南關司都司相通爲奸以庶易如發其罪俱罷官若乃衛卒病發誤入宮門極力請救以從經典妖人有犯繫晉獄當事者傷於權勢莫任其咎乃抗疏陳其顛末上命山西鞠訊得旨依擬發落然妖人者又爲權貴所庇遂發其隱過謫戍遼東瀋陽衛厥後上曰劉琦者是嘗進讒言者也因東宮大赦天下得還原籍抵家五年疾作而卒琦自童孺以及患難顯微之際咸以忠孝自砥雖遭誣謫人皆惜之

張治道

張治道字孟獨長安人兒歲時即能督約羣兒嘗從大父觀碁數次即從旁指畫勝負率奇中人即大異之稍長父命之商顧好書不好商乃就鄉校師學書始授讀即穎異絕人爲諸生其文辭率試高等又獨於詩賦議論如懸河而性剛氣豪慕義尚奇節一時諸生咸推先畏服之正德癸酉舉於鄉甲戌登進士第授長垣令三年以治行徵入會都御史怒不面辭輒論以任情操法過嚴僅授刑部主事於是與部僚薛憲劉儲秀胡侍約爲詩會並以詩名都下都下稱西翰林然意不樂於會又夢其母病乃即上疏

引疾歸歸二年當考察期御史又拾掇都御史言論落職自是以志業不伸遂棄官不就乃一意讀書爲文章尤好杜工部詩與秦漢人文其始詩學杜擬爲之久之句意體裁無弗杜者文復氣雄語質當於事實即不定擬秦漢何人然唐以下無師焉與王檢討康修撰一見語合乃數與縱論詩文又數與遨遊終南鄠杜間遇山水勝處輒命酒歌吟賦詩正就或語及古今天人之際至浩渺闊肆時人莫測也時薛憲在吏部望其就官爲書固謝之已而侍郎霍韜御史郭登庸又皆欲薦起又固止竟不復出往在長垣時諸上官令不便者輒請更令或上官重更令輒抗議執請不顧避邑故多豪強爲民害者乃按捕諸豪豪論死者十餘人已又修長垣城修孔廟增學舍改佛寺爲子路祠至其條馬政事與止塞黃河決口未盡施用後利害卒如所指陳人至今稱焉始去長垣人爲立去思碑後九年又就爛柯堂祠祀之以其才識使得究所施即古將相之業矣足道哉顧獨以才高語直爲時大忌又自負不能下人年甫三十餘而歸比卒時年七十歲矣家居者幾四十年所著太薇前集後集嘉靖集少陵志長垣志凡數十卷始在任時

一僧持練筆授之及誕夕又夢僧以練筆贈占曰文明之兆也後果驗云

胡侍

胡侍字承之咸寧人正德丁丑進士授刑部主事歷鴻臚少卿時追尊獻帝議者力辯兩考之非侍上言祖訓兄終弟及蓋嚴嫡庶防覬覦爾魯嬰齊不受命歸父漢病已不受命昭帝何以受命爲哉唐睿宗不當兄中宗宋太宗不當兄魏祖以其爲君也不當兄則不當稱伯明矣上怒其狂妄出爲潞州判官

本朝分省人物考 卷一百四

四二

魏晉

王懋

王懋字昭大咸寧人正德丁丑進士授行人以諫止南巡廷杖左遷國子學正嘉靖初詔復行人陞俸一級尋拜監察御史時廷臣議禮不合相繼去位有杖死者懋上疏論救謫高縣典史數遷至懷慶知府以疾乞休卒於家

裴紹宗

裴紹宗字伯修渭南人正德丁丑進士除海門知縣武宗南巡受檄署江都事責幸憚之不敢干以私比駕旋者數萬緡率權兵科給事中朝政以闕輒直

言無諱後以議大禮廷杖卒隆慶初贈光祿少卿

許宗魯

許宗魯字又侯號少華陝之咸寧人也正德丁丑舉進士授翰林庶吉士已卯授雲南道御史嘉靖壬午按宣大癸未陞僉事湖廣提學三年陞副使兵備霸州丁亥復改湖廣提學已丑陞太僕少卿壬辰陞大理未幾陞僉都御史巡撫保定自保定歸十七年而當庚戌之冬復僉都御史駐昌平已又陞副都御史巡撫遼東壬子乃致仕歸始爲御史也卽劾給侍郎巡撫兩人會宸濠事起又言上親王護衛宜隸之守

本朝分省人物考 卷一百四

四二

陝西

臣其劾卷蘇徽盡按諸大猾置之法所入銀穀至百數十餘萬世宗御極又首上封事中有勸視朝罷傳奉絕貢獻惜爵賞重邊備寬徵歛尤關切時弊者已又言常湯邵劉之按議當復其封爵大同將卒素驕悍難制立罪其尤甚者一二入於是將卒帖然先是太監劉祥乾及邊餉以萬計然罪止罷鎮復請下祥於獄祥大懼卽如數抵償而御史曹嘉論諸大臣也有給事中希諸大臣意論謫御史宗魯力奏御史無罪至其劾武定侯郭勛太監蕭敬兩疏關利害尤大後以地震上疏又言羣小竊柄官臺議外事國

是以定而復易罪人方獲而還釋蓋猶指助敬贊也
一特以爲危言宜大故有大邊正德初以地遠棄去
不守然邊境日感矣宗魯行邊顧歎曰大邊急宜復
者乃這條臺狀聞而當事者難之因補築近邊踰月
工完上賜以銀幣疏謝且辭因請上無忽重地
後宜大日益難守人始思其先兄云湖廣以屬地曠
遠往學臣數歲不一至宗魯歲試輒過所至以行義
倡士風楚自是益多名士旣去霸州士日益思之乃
爲其白撫按於是復改督學楚中其繫時望若此是
時又以救楚府二關與御史力諍不屈二關得不死
人尤服其鯁直而太僕時禁中貴人不得與事中貴
人銜之往保定以近畿民苦甚乃嚴覈驛傳又定府
州縣徭賦等式已又以築堤捍潞沁河有功上特
賜璽書銀幣旌焉時南給事有與之隙者論罷歸庚
戌會虜警給事中張壺御史張洽合疏薦之召復
都御史駐昌平昌平故無邊備議修邊牆三百里墩
堡數百又疏請鞏昌設一大將統入衛邊兵昌平改
參將守陵寢以鞏華分守駐懷柔爲東遊擊白羊
口爲西遊擊又言昌平得一兵備治京北霸州者以
至京師昌平撫臣可罷不該議未盡施用無何乃移

樞遠東至卽議處鹽課課大增諸軍占種民地者勒
令悉歸之民遠東故與三衛諸夷互市羣議北虜亦
開市遠東上疏駁論不可者十事遂寢遠人甚賴之
力求致仕歸別構草堂積圖書其中日召故所與遊
者置酒賦詩亦時時作金元人詞曲爲樂所著少華
集續集與遼海歸田諸集數十卷其詩足繼唐音文
復精典有漢魏風而作字又精諸古法諸行草大小
楷書雜置法帖中人莫能辨至老猶能作小楷字當
其得意時一揮輒數十紙不倦得其詩翰者咸珍玩
藏之謂當代二絕云

本朝分省人物考 卷一百四

杜 覺

杜覺咸寧人正德辛巳進士授大理評事李福達之
獄郭助居問席書亦助之覺上疏劾助及書乞將二
人先正國法徐命多官集議福達之罪不報及獄反
覺還治刑籍

周尚文

周尚文陝西西安人多謀善騎射讀諸書通大義情
約愛士飲食同甘苦能得士死力善用間諜悉知虜
中委曲故戰輒勝其總兵京州時策東塘募力士伏
渡口殺套虜悉中肯綮自壬寅以後屢數入宣大山

西無寧歲邊將望風奔潰惟尚文數當虜有功沙城
保來二捷績尤奇絕蓋近時名將也平年七十有五
後十餘年始贈太傅諡英驤賜祭葬如例

楊宏

楊宏西安左衛指揮使廉勇過人博覽羣史初守備
固原虜人掠撫臣欲稍減奏報之數宏曰不可失事
罪小欺君罪大坐是罷歸以薦陞都指揮仍守固原
楊一清爲總督宏請築紅古城募衆屯田扼虜入寇
之路掌陝西都司事平漢南盜斬首八百餘級陞總
兵鎮松潘番酋久爲亂宏至集將吏斬以徇百姓大
悅大朝公行八何等卷一百四

悅平大盜駱本恕廖林子等斬首數百級降者二萬
人以功累陞南京都督武廟儲值尚虛宏疏宜早
定以係天下之望不報召入復府時番亦不刺操所
海入河套駐牧邊患孔棘宏曰兵少敵衆宜通貢哈
審專意虜虜出套乃以河西改鎮守淮揚總督漕運
剔靈清通增制淺船詔回南京中府淮父老傾城攀
留泣擁路爲生祠累疏乞歸許之卒賜祭葬如例

祀道

郭文

郭文字海道陝西渭南縣人洪武十七年舉人除江

劉昭

劉昭字克明陝西邠州人景泰二年進士授兵科給
事中天順元年陞通政司右叅議左通政成化九年
陞工部右侍郎十五年陞尚書二十年加太子少保
改戶部尚書尋致仕卒計開賜祭葬昭美姿儀善談
論通政務敷奏甚稱英廟意嘗值端午節駕幸廣
寒殿大臣俱從上問劉叅議安在左右以昭秩五
品不得與對命特以一品服賜之其寵如此然其才
幹亦有過人者故所至皆有能官之譽在部最久所
言動中事幾故往往見聽陰有節省之益其致仕落
職益爲時要嘆言官所論以其子錦衣千戶綺之事
及之云

郭應龍

郭應龍字雲卿陝西長安縣人嘉靖三十五年進士
由行人選廣西道御史劾嚴分宜父子陞通政司右
叅議累陞僉都巡撫雲南

孫丕揚

孫丕揚字叔孝陝西富平縣人嘉靖三十五年過士
由行人選浙江道御史巡視兩關四十五年巡按

天四十四年遷接淮楊隨慶元年養病四年後除本
道五年刷卷京畿本年陞大理寺丞効大學士高拱
燦科臣程文誣論回籍六年仍復原官累陞吏部尚
書加太子少保萬曆己酉再起原官管內外察典尋
歸卒

溫純

溫純號抑齋陝西三原人嘉靖乙丑進士歷官兵部
右侍郎兼都察院右僉都御史巡撫浙江時值兵民
兩變又水旱爲災純悉心撫字嚴肅下吏不動聲色
而凜然自不可犯尋轉戶部歷左都管內外察典人
之糾分及人物考
朱三十四
五十三
言侵及遂拂衣以去公論惜之

趙應元

趙應元字文宗陝西涇陽縣人嘉靖四十四年進士
由郿縣知縣遷浙江道御史巡按遼東丁憂復除河
南道巡按湖廣以劾張居正事爲民復補河南道陞
南京大理寺丞卒

馬自強

馬自強字體乾號乾菴西安同州人嘉靖癸丑進士
選庶常授檢討久之充經筵講官纂脩肅宗實錄
陞國子祭酒時科條久弛漸失教學初意毅然以振

飭自任首按士習爲姦利者取累朝訓典申明之絕
請託抑躁競日以正學迪諸生戊均中咸莫然易觀
聽焉神宗在東宮爲講讀官凡所進講不爲微文
與義務取目前易省事款款曉譬冀有所感動上
聞而甚悅上登極擢禮部右侍郎充日講官丁內
艱歸上嘗與元輔張少師言自強所講解易省又
問問服將闕否服除陞禮部尚書仍充經筵講官宗
藩繁衍諸請名封婚祿歲以千計中多詭冒爭越而
先後條例亦自相抵牾以故王府科宿猾冒其穴實
交結諸藩役役出入爲奸莫可究詰一一清其源本
朱三十四
五十四
協于情法盡汰諸積習之無良者凡王府章疏至親
爲裁夾隨榜之部門明示行止由是諸豪隸無所索
公宇肅然丁丑知貢舉世廟實錄成加太子少保
戊寅進太子太保文淵閣大學士入辦閣務兩月餘
而一疾竟不起矣計開贈少保謚文莊遣行人護柩
歸

維子仁

維子仁號少涇三原縣人萬曆癸未進士授直隸肥
鄉知縣丁亥調繁清豐縣戊子陞大理評事己丑遷
吉言色剛氣四鼓批馬激切上怒特甚賴時相寬

假得免廷杖竟落職爲民

李伸

李伸字道甫三原人進士爲監察御史按江西能預
防宸濠奸權守嘉興以道自重言笑不苟對吏民不
怒而威有大豪侵官錢事覺在繫奸利益甚伸廉得
之令併收其子子聞膽破啗綠汁死有殺兄謀奪其
官者不具輪狀伸一訊服於是奸惡束手無敢撓者
每從學士弟子講學相詰難至忘等威及過亭不假
毫髮舉措因民不干聲譽中和之政獨推伸焉伸去
郡久士民誦思如一日

人物考卷之一百五目錄

映西鳳翔府

王色

霍瑄

田濟

閻仲實

張樞

李善

李璽

楊武

補遺

閻价

虎臣

王億

閻欽

漢中府

王信

張羽

張鳳翔

平涼府

巨敬

趙時春

林廷玉

鞏昌府

門克新

張翼

張錦

閻仲宇

宋宗

蘇民

范瀟

胡纘宗

馬昊

王璠

侯一元

楊華

周蕙

東

本朝京省人物考卷之一百五

陝西 興州府 漢中府 平涼府 華昌府

王 奄

王奄郡縣人自太學生授蘇州府同知歷應天府治
中山西右叅政山東左布政使所至有惠政及民正
統中陞行在工部左侍郎尋進尚書居工部八年營
建宮殿百工政令奄贊畫之功居多正統末請老致
仕歸家十五年以疾卒遺官諭祭奄篤實廉慎而才
亦精緻歷官四朝有譽無過老益狷介不阿是時王
振用事奄數被侵侮故未衰卽引年而退

霍 瑄

霍瑄鳳翔縣人發身鄉舉授山西大同通判久之以
薦陞知府正統十四年 英廟北狩逆酋也先擁衆
奉 車駕至城下守城者戒嚴不敢啓瑄感慨奮不
顧身從水竇匍匐出謁叩馬鳴咽進膳羞靴袍百物
悉出府藏金帛以犒虜衆 英廟深致嘉嘆秩滿遷
山西左叅政食正三品祿仍掌府事 英廟復郡召
陞工部右侍郎未幾轉左明年賜二品服帶成化初
因言其屬司郎中何經被經訐其不法事以聞 朝
廷雖不之罪然瑄由是鬱鬱不自安尋以老乞致仕

居京師久之不歸至是卒瘞質樸少文勤於幹理大
同一節尤出一時忠愛惻怛之誠故寵遇始終時不
以爲過也

田 濟

田濟麟遊縣人成化六年由進士守大名改守真定
下車初裁吏弊治民隱興學勸士紳強扶弱明年夏
秋瘟癘交作遂施藥以療疾苦死無依及屍暴露者
給棺瘞之歲災荒斗粟百錢餓卒盈途濟不待上報
開倉賑濟分糴官粟三萬餘石募其市價每米一斗
銀五分絕多糴賑之徒又巡歷州縣賑過糧米二
十七萬有奇全活者不可勝數性剛直不屈勢要定
國公弟徐永宜殺佃民濟卽奏聞問擬充軍平民
常清武強民解珙等十數人被誣強盜獄成至卽釋
之其軍衛詞訟剖析均平不待拘執而自來成化六
七年間旱澇相仍會禮部派猪羊雞鶩皮張等項以
十分爲率乃具奏減免五分永爲定例戶部派豆萬
石設法措銀九十餘兩差人納之及八年九年飢饉
洊臻將戶口食鹽糧鈔具奏折收米豆存留各驛支
用又因站牛載運貢物不前累及小民乃奏以驢代
之甚爲民便曲陽產有紅釉土歲起車搬運赴京民

不勝奏令各站轉運以蘇民困本府彭員馬三千二百餘匹奏准通行各處俱免數萬餘匹蒞政八年境內大治民賴以寧

閻仲實

閻仲實字光甫隴州人生六七歲讀書日數千言過目輒成誦十五善屬文隨父靜樂君任岳陽屬邊報方殷所司承部檄選官民子弟習兵法武藝以備非常仲實與焉未幾盡通諸兵法尤善騎射而獨專力於學元游京師謁明儒學益進景泰丙子舉陝西鄉試第一成化己丑第進士既仕有官守猶不廢學益大肆力於經籍汎觀約會充然有得發爲詩文辭而不俚根極理致有葵菴集藏于家所傳書至萬餘卷爲書院建崇經閣貯之增建堂齋延師擇徒泐然以作人善俗爲己任爲考功隨人才器鑒別精當公論倚以爲重尤嚴馭下吏莫敢爲奸時宰好任耳目屢視幽隱時摘發之以爲明羣情慄慄仲實曰爲宰相當如泰山喬嶽察察非大體廉者以告一日謂之曰外人議我察察有諸曰有之何人曰公爲大臣第視其言當否以自修飾不爲無補不必求其人時宰素重然終以是忤未幾有河南之遷值歲凶人相

負過歷所部有省賑貸暑雨祁寒未嘗告勞賴以全活者甚衆奔母氏喪扶觀徒跣三千餘里居父喪哀慟過毀治葬祭一遵胸菴家禮與人交敬雖久不衰遺貧與喪者樂爲賻助國子生華陰周某卒于京爲置棺斂歸其喪驛丞李廣客死子流落京師貧無以謀食鬻其孫爲贖還之給道里費以歸其爲德于鄉如此初謝事每謂人曰吾事畢矣歲月將不我延未屬續之前忽謂諸子曰吾某日將往先塋是日果卒亦異已

張樞

本朝今省公卿才 卷二十一
張樞字世安寶雞縣人幼敏慧異常初治尚書不舉景泰庚午春治禮記其年秋乃舉後又改治周易舉成化壬辰進士乙未授刑部主事歷員外郎中性剛決不畏強禦在刑部如都督同知王義劉寧廣寧侯劉益及山西鎮守少監石巖各有罪衆莫敢決立訊決之是時浙江按察司副使張蕙罪惡彰聞矣使者畏其口莫敢誰何往治之隨服其罪進四川按察副使弘治戊申蜀大饑出俸金易米三百斛賑之民賴不準踰四年陞湖廣按察使湖廣盜劇病民下令城中曰獲盜者千俸金時有獲盜者如數予之盜由是

惠允之進雲南有布政使轉貴州左僉以續著十四年進南京太僕寺卿性資簡潔攻苦茹淡留務多暇手羣經終日誦讀靜中多所自得不入義外一錢無何遷左副都御史督儲南京居逾年督完每詣闕奏議孝宗多俞行之乞致仕不允尋進南京刑部左侍郎明年復乞老命乘傳歸其鄉濡精於史事所在以廉明稱其質厚少緣飾蓋出于天性云

李善

李善字宗元隴州人舉成化丁酉鄉試明年戊戌舉進士授行人司行人出使慶府王以金幣贈不受

年選南京廣西道監察御史是時太監梁芳怙寵市

王

賦圖三

權而南京太監郭鏞亦橫擅入後湖乃與同官繆樛等上疏極言尋出清理江北諸郡入籍刮斂剔蠹以影射出者八百人有奇弘治戊申以父喪歸終制改浙江道巡按遼東是時總兵官羅雄偷安弛備太監韋郎縱其舍人侵漁軍餉奪人妻孥聞善至即懼不敢復爲都督王鑑孫貴皆以不職劾罷及代歸而壽寧侯張鶴齡方負勢莫敢誰何族于舍人下上運河沮擾貿易拷掠無辜謫怨載途至是有訟者善曰教授戾門之鈴束弗嚴故至此矣於是奉其教授姚倫

就問教授懼走匿戾所不出於是劾戾出教授就問而戾家以罪戾戍者若干人京師遠邇譁然皆知有李御史也然戾實不堪復求疵撫拾善訴之天子震怒欲置於理是時在司禮監若陳寬一二人皆識體善爲諫止無事遂擬河南按察司僉事去而都指揮李賢者守備河盧濫受民詞納賄無厭會善分巡河南道乃劾罷去是時河決張秋都御史劉大夏與太監平江伯偕來督修乃求綜理其事者潘杲以善應善爲相度水勢開修買魯河四十八里改河南注渠塞黃陵缺口百十餘丈斷水東流功垂成復決僅

身免乃更修數月功乃成詔陞俸一級未幾太孺

六

陝西三

人卒乃歸十一年復除湖廣分巡有河淮者與其徒五百以僭號稱王攻陷城池劫掠鄉聚居民大驚恐不可撲滅呂高者襄陽衛指揮也善捕賊乃以委高而身自微服出入賊害中覘賊以計擒獲之事平詔陞俸一級其後王景陽者亦荆襄人以左道惑衆其黨能彥和以子妻兩人皆稱王謀入襄陽內亂未發而善覘知之亟遣呂高往捕得彥和等及其妖書解送京師餘脅從五百人有姓名籍記焚其籍不問十三年樵山東按察使嗣使兵備臨清一日報錦衣衛

衛千戶劉海與一校尉同乘舟至聲勢甚大見而疑之執劉海下拷問對曰我京師人曾貴也校尉僕曾喜耳曰劉海詐也聞者咸以爲神十七年擢山西按察使是時晉王寵宦者門副劉茂高以爲奸凡府中金貨輒匿衆無敢言茂與府中人李成有隙詐以王命還成幾死成訴之巡按下問於是捕劉茂茂急附王王爲之請不從竟捕劉茂處死其後劉瑾用事欲爲茂復讐然竟亦不能害也正德丙寅擢四川布政使未幾轉左四川番夷久肆標掠百姓患苦之巡撫都御史鎮守太監具奏出師征之乃請於鎮巡曰當

不制公省人勿考

卷一百三

一

史三

用兵幾何曰非十萬人不可善曰民力殫矣番聞我師至必懼不若因而移檄宣布朝廷威德譬服其心從而撫降之亦萬全之策也于是檄番果降誓死願爲良民而不敢復叛捷聞賜襲衣白金三年拜南京都察院右副都御史會同吏部考察南京庶官甚平乃自引乞休不許慰留之本年轉南京刑部右侍郎會尚書缺員獨理部事獄死囚三人將行刑善以未經覆奏止之明日邸報至三人者殺江西巡按御史勘問衆皆嘆服庚午陞南京工部尚書會修孝陵及懿文諸寢殿皆會計甚悉未久疾作罷歸辛巳

世廟卽位覃恩臣下於是有司問勞具羊酒綵幣尋又奉詔進階光祿大夫卒年八十有二

李璽

李璽字朝信鳳翔府人幼醇不戲在羣兒中巋然頭角里中共奇之父曰家世爲農不識毛錐何物恐讀亦無益尋遣從里學究受讀卽日記千言十二善文章二十舉成化甲午鄉試第一屢上南宮不第於是讀書城北僧舍自炊食者數年乃第弘治丙辰進士授荊州府推官決獄平無冤又捕巨盜數百郡中稱之當道交章論薦起爲監察御史嘗出按河南山東

不制公省人勿考

卷一百三

史三

後按直隸諸郡縣會劉瑾用事事多掣肘璽一切任法無所假貸獨立不附由此忤瑾矯旨逮獄踰月出左遷鄧州判官踰半歲又降費用平漢驛丞在平漢一年乃陞襄陽知縣復超拜兵部員外郎主教武舉一時勲賁子弟仰德服量僂首傾心靡然向化矣居無何復超拜河南按察司副使折獄聽政務持大體不苛察細故以爲明會大旱傷禾禾且枯羣民格於無策乃授以桔槔制教之厚水灌禾竟以有秋正德乙亥以疾乞歸進秩按察使致仕旣歸五年乃卒年六十有七爲人厚外樸中與人語吐實不欺不言人

過雖酣後或餽之言輒一笑而出親愛者愈衆門外多長者車轍自起家至按察使家徒四壁立朝夕餬口無餘貲爲子孫地爲御史時邸舍瀕水乃種樹當屋種蔬肉種葦當竹結茅其中日與鄉士觴咏甚樂也赴襄陽過洞庭羣盜掠刃入舟旣見無何有相與嗟嘆羅拜以斛米饋謝無狀笑遣去比屬饑僅能具棺殮

楊武

楊武字宗文岐山縣人姪時選夢月墮其懷生而神骨特異早失怙恃然子立丙辰舉進士丁巳出知

本朝今省人物志 卷一百五

九

陝西三

渭川縣是時縣治久廢武下車鋤惡再盜修繕城池疏理寬濬勸課耕織積粟待拯拓學規崇賢祠興詩書賑貧乏之科且百年一時得雋者數人彬彬與名邑敵有盜市人稷米者求之不得攝其鄰居數十人跪于庭而漫理他事不問已忽厲聲曰吾得盜米者矣其一人色動良久復厲聲言之其人愈益色動指之曰第幾行第幾人是盜米者其人遂服又盜田園瓜瓠者是夜大風雨根蔓俱盡乃令印取夜盜者足跡布灰於庭攝村中之丁壯者令履其上而曰合其跡者卽盜也其最後一人展轉有難色且氣促甚統

而訊之果嘗家而盜者也瓜瓠宛然在焉又一行路者於路傍枕石睡熟囊中千錢爲人盜去令昇其石於庭鞭之數十而許人縱觀不與禁乃潛使人於門外候之有窺覘不人者卽擒之果得一人盜錢者也聞鞭石事甚奇不能不來入則又不敢求其錢實文爾餘以還枕石者此數事素嘖嘖人口典史陳璜者黃巖老吏也嘗肆言侮慢怒鞭之於庭璜急誣奏而渭川民千輩走闕下爲訟冤嘗出視渭河謂可漚田指示疏鑿處皆直故渠視蝗蝗滅禱雨雨澍竟以有年召拜監察御史乙丑清理河南軍務及查盤軍器前後凡三年尺籍器物罔不精審而風裁凜然正德丁卯代歸刷卷京畿道明年戊辰出按順天諸郡縣時劉瑾用事事多牽制不可行蕩然無所迴避罰米百餘石輸邊至於救任丘邊氏中傷之禍辨密雲李順殺人之誣卽劉瑾亦稱其爲真御史也已已擢大理寺左寺丞受勅勘視大同邊務若屯田不均軍役耗損諸弊政釐正裁革彈劾不少廷邊人頌焉明年庚午起拜左僉都御史巡撫宣府罷歸乃於城外置墅構寶椅堂藝植花竹必成行列一器一物罔不精好性不喜酒而風致甚高通與親故舉觴以爲樂

本朝今省人物志 卷一百五

十

陝西三

天順甲申以疾卒享年六十九歲

閻份

閻份字允德陝西隴州人成化二十年進士由庶吉士授浙江道御史弘治五年查盤松茂邊儲巡按河南值劉瑾亂政力奏之罰米五百石稱貸納之家爲一空陞四川叅議疏請致仕

虎臣

虎臣鳳翔府麟遊縣人自幼慷慨直躬與人寡合凜有氣節不規貨利成化末以歲貢士入太學時 憲宗於葛歲山起棕棚登眺臣具疏極諫祭酒懼禍以

銀鑄紫臣堂樹上俄有官校宣臣至左順門中官傳

大興三

溫古勞曰爾言是棕棚卽拆去所上疏畱中不出毋用該部復奏也祭酒聞而大慚自是臣名遂聞天下先是陝西巡撫鄭時具疏請賑難齋疏人臣請往至京既上疏請吏部戶部泣而言情辭懇至諸大臣咸動色遂大獲賑焉其語甚壯至今人猶傳之諫棕棚時有旨許選授七品正官後選雲南楚雄府郭嘉縣知縣卒於官人甚惜之

王億

王億字本一號立菴陝西鳳翔府人弘治乙丑進士

明年正德丙寅授開鄉令開鄉故衝衢邑也多中貴人往來百姓患苦之乃爲義抑中貴人無敢橫者縣稱大治憂歸服除補濬縣南數月濬又治陞刑部主事歷員外郎陞由東按察司僉事始至值 武廟南巡都御史檄以迎駕臨清事多倚賴焉明年分巡遼東是時太監于喜鎮守遼東往僉事見太監禮與都御史等而喜又怙寵諂諂者億輒踴道入上坐抗禮喜始怒已知其清直卒讓之嘉靖甲申陞河南布政司叅議丙戌督餉京師有張舉者太監忠之弟武廟時故都督也嘉靖初以倖陞輩罷而驕縱豪奪

如故先是舉令人攬河南歲餉侵沒至數萬金億曰

大興三

不發舉奸狀窮治之卽租無完期也乃召諸吏卒東舉廷下杖訊之舉惶恐以首觸地謝無狀死罪乞寬假益大怒復杖訊之辭驗伏罪乃復榜笞數十餘狀其罪刑部未具獄西舉死獄中於是太監忠與武定侯郭勛主令舉家討奏 上大怒下詔獄給事中張達上書白叅議無罪及言刑部不正其獄刑部尚書趙鑑意有觀望宜罪之於是罪刑部各罰俸有差竟以中旨謫億戍海南衛終身緝紳中諷風力氣節者皆稱王叅議云明年刑部侍郎胡世寧爲 上言請

還戍所以彰直節不報居海南五年而當嘉靖辛外
始赦歸鄉里億受經按察使李木菴先生木菴質任
簡默而億負氣剛毅然于鳳翔均稱賢大夫卒年八
十有四

閻欽

閻欽字子明隴州人正德戊辰進士選吏科給事中
欽在吏科前後凡七年不肯阿附尊寺嘗抗疏勸
殺皇帝視朝諸凡封駁不避權貴而同列彈劾請疏
多出其手其中有漏言者嘗道忌之乃遷河南兵備
蓋嘗推演武侯八陣圖爲九曲新書刊布以訓戰士

六朝金鑑卷六

卷一百一十五

一三

史記

慕義勇斥老弱脩城堦謹烽堠遠近特以爲安汝寧
南陽護衛官軍橫甚擾民殆不可制欽請入操而其
患遂息汝寧民兄弟爭田各誣其子不法而其子皆
習舉業者法當黜欽以數語央之而兄弟感悟不爭
而退羅山勢豪張輔者殺其妾之母死妾母之族訟
諸縣吏輔又誣以他事陷獄死乃以病告知其狀執
輔抵死信陽貧富兩民爭田里中二惡少素怨富民
乃誘貧者殺之而自殺貧者以滅口誑其守曰自相
殺耳按之曰一人先死後死者殺之誰也具得惡少
斬之以徇劉學恒者汝寧大盜也陰養死士肆行劫

掠無敢言者通賄郡吏伺動止屢捕不獲乃假以公
事過其地執而論之死其黨解散數百人於是遠近
駭嘆明歲嘗大旱禱雨卽大雨決境遂以有年中州
之捩盜息民安風教大行撫按前後凡六論薦超拜
可跋乃蒙妻非之謗以歸用不究其才識者以是爲
歎云

十四

改西

漢中府

王信

王信字君實南鄭人正統中世官寬河千戶父忠北征戰歿母岳氏生甫半歲持節不改朝旌其門爲忠臣節婦已巳虜犯京師信拒戰西還功陞指揮食事景泰六年從征五開諸蠻還信揮同知天順五年破曹賊東市遷指揮使成化中守通州改正倒馬關移守荆襄二年石和尚劉千斤反荆襄進據房陸民兵不滿千人賊四千餘衆突至圍信主帥逗遛不援信多張旗舉火晝夜不息歷四旬餘間以死士出城

本朝分省八卷之

卷二十三

一三

漢書

五六里舉火砲賊以爲援兵至驚走追斬有功陞都指揮同知鎮臨清兼管倉糧移鎮湖廣條陳八事又條上慎專任實倉儲修兵衛禁科罰四事十七年疏言湖廣蠻夷雖腹中之憂實無能爲但我軍好燕之徒利其竊發可以邀功今但選精銳常加隄防勿蹈前非其患自息荆襄流通本意逃徙徭役長子老孫已成家業濫加誅殺恐傷和氣南畝之農無所蓄積收獲未竟饑饉已空機杼纔停布縷何在乞選公正仁惠守令大加存恤濫陞官員無慮千百無一矢之分員崇階之賞乞查勘削奪三司方面所以折衝禦

侮承宣激揚當公以格物廉以律已所部指揮劉斌張全智勇過人力薦于朝且云英俊之子處心剛正寧肯抑心低首奔走媚求若不曲加攬訪則賢才多隱志士沈匿陞都督同知總理漕運卽日上道常語人曰荷國厚恩未能稱報此行當以江水洗滌肺腑少盡區區信沈毅簡重被服儒素出入省騎從歷鎮大邦不營私產平居默坐展玩經史寬袍緩帶襦飯蔬羹故人婚喪傾心賑恤出鎮三十年箭無華衣廐無肥馬鈴閣之下寂無人聲子繼善從善皆舉進士有名

張羽

張羽字伯翔號中梁漢中南鄭人也爲諸生時好學不問寒暑弘治辛酉領鄉薦乙丑登進士第以憂歸服闋授行人奉西蜀却其餽金一無所受先時受業師陳添福戍遼東羽恒念之三日有遼差隆冬險地人苦不欲去羽自請行且言有師在彼欲往候當途義之乃卒全師以歸是時家宰銜羽疎闊兩選不與人以勸羽羽曰窮追有命耳正德初宦壘用事執正不近墜敗諸趨附者皆被禍羽始授御史遭流賊猖獗經略內郊日夜戒嚴事平養衣一襲巡按淮揚山

東刺舉無私比國所部吏以金餽正色拒之時宰以
故人門生屬善視之至部按之則山東號三大害其
中有二焉首劾去之會中官導上游獵錫予頗濫
羽上疏力諫寢不報舉朝皆壯其秦然終以得罪時
宰出守廣平至則選賢良退貪殘施行條教胥吏舞
文者痛繩以法吏卒畏儆莫敢仰視雖隆寒盛暑漏
下五鼓必起視事夜分乃寢訪獲積年民害尤發配
所餘悉以次徙遣而又和易近民視之如子加惠于
鰥寡時賜之以衣食居處因刻羅氏論屬文以勵僚
屬創建漳川書院羣漳士高等者游業其中躬自督

本朝分省人物考

卷二十一

十一

朱國三

課漳七日櫛于學彬彬著于科目若乃郡中賢士夫
夫里居者不問崇卑往候其家問民疾苦舉行之達
廷開通水開田千畝以資困農奏表趙氏以勵婦節
嚴禁縣官阿徇以一士風置木牌令得自白以達民
情處方藥以劑貧病收積市利以蘇里甲當是時有
部之訟咸願質成廣平視諸旁郡若大府焉吏有不
法者率望風解組去順德囚母與僧通子已壯不攻
惡其子之言也乃入井死會當決羽曰母無行負夫
與僧私通願可殺子絕夫嗣乎因遂得釋鉅鹿有告
婦秦一要官暴殺其夫吏受委咸憚莫能決乃按而

實諸法要宦懼厚賂朱寧誣奏下獄吏民爭效錢贖
寧為羽未解曰吾寧失官不敢夫志若等愛吾幸無
枉吾志也大理直其誣乃還郡自後民益相信斷獄
大省為八郡最會調守河間士民泣而送之雖與不
能行去之日民有遺思懸像而尸祝之者河間郡中
無賴數十恃豪橫干鄉曲則召地方當甲者謂曰若
為甲不緝捕奸俠願令橫苦小民守姑貸若罪其害
報以來於是武斷之豪悉斂迹改行郡中以清尼寺
數十濁亂民俗乃廢其寺歸少尼于民之無家者即
其地立社學教郡中子弟又收恤廢孤子養濟院舊

本朝分省人物考

卷二十一

十八

朱國三

僚通州周禮素清苦死而妻子貧甚負貸其能償諸
貸家日督之羽乃延諸貸家以酒食曰若與周有鄉
里分周故善吏也忍窘其妻子乎於是諸貸家多感
動出券不復取乃擇係地居周妻子親為文祭于墓
武宗皇帝南狩有司供帳吏緣為姦率陽散官錢陰
斂富室惟河間據郡中錢治具軍民不擾供帳以辦
河間廣平京師股肱郡素稱治機難治聲名籍甚
世宗即位擢用良史遷山西泰政分守大同改守冀
寧道首捕妖賊下之梟獄晉人稱快尋轉江西憲使
羽雖抱質敦厚生平不喜造請禮貴當道嫌之乃左

遷責州至則出納慎防吏不敢私一日吏白羨金苞不報羽盡以登籍久之晉南京大理寺卿多所平反有疾乞休上溫旨勉留未幾轉南京工部侍郎展修國學號舍數百間窮治假印吏除姦惡數十輩又部主事王度嘗捕京猾滕氏不法事王憂歸會內察滕諶之子吏部欲黜王羽曰滕之暴橫京師誰弗知者王既發其奸顧肯納其賄耶王得不黜尋再疏乞休會被推本兵時黠虜入寇三鎮告急乃不復敢言去頃之考績還以疾卒于淮上年六十有四初七歲時母病頭風甚爲苦默取吞之乃不復生少受學於

卷一百五

三

陳生甚嚴時密歸省陳初怪之後知其爲母也益加愛重繼母楊叔人年少事之甚謹家貧好學雖羣輩嬉戲手不釋卷性謙抑寡言衣服居處喜儉素平居未嘗言人過亦不喜虛美人處家教子嚴而以正居平恂恂若無所能而見義必爲萬折不回手錄先賢要語帖置左右以自警切雖年逾六十位至九卿見僕吏鄉人未有情容按淮揚時泗州察院有妖劉御史至夜驚不能寢羽居數日妖不復聞後劉至不敢入名問守者云張公住時止見一鬼甚大捧藥跪牀下耳人相語以爲正能勝邪云

張鳳翔

張鳳翔字光世號伎陵子洵陽人生而異質殊才日羞日短矧然暗處則及明燈月之下猶晝也故其書寫必遮障而後觀字左手機書之興到筆飛解息請紙與李夢陽同舉于鄉先是西崖公遺提學石淙公書曰今年梅張潛冠手石淙公答之曰設無李張二生潛不後矣及見試錄名第西崖公嘆且服曰遂老知人是時光世角尚鼎業已夢寐屈宋步追班馬小視褒雄馳騁騷賦落筆千萬言奇字爛錯綺文輝奕觀者咸謂子安再生文考復出既至京師王公大

卷一百五

二

三

人翰卿吟客訪造其門求其識面者日殆無虛晷也于是聲名出李上然光世不以自居未始不兄事李而讓其精也及舉進士與李同部見其面黃憂焉居無幾晴亦黃察其身又黃問曰光世不病疽乎光世乃于是告休沐臥西山巖菴中居無何卒年三十耳子安二十九文考二十西先是人以二子擬光世不識乎李于是作哀鳳之操是時李夢陽與曹縣王崇文同爲部察寔經紀其喪事馬考功輯其遺文七卷屬胡蘇州板之行然散帙者不少矣於戲齋其年復思其文哉

平涼府

巨敬

巨敬平涼人伉直敢言建文中爲戶部主事靖難後被逮責問不屈死夷其族

趙時春

趙時春字景仁別號凌谷平涼人爲人嚴毅介特與士大夫處意有所不可議論有所不合必引繩按矩詰責之不少貸故賢者服其正而在中人戚疾其太剛切與羣兒戲每列旗部署御之年十四舉陝西鄉試十八試禮部哀然爲舉首當是時海內伺其有所

本朝本有人物考

卷二五

二一

陝西三

製作爭傳誦之而時春則習騎射談甲兵日以邊備之不修爲大戚或語及北虜方持杯酒相歡笑輒裂毗攘臂誓不與俱生數謂所知曰使吾得備偏校領精兵五千人操勁弓巨矢間以長鎗大斧卽掩難丘禍不足平也再失官虜人犯遊騎薄都城世宗用薦召爲兵部職方主事遷山東按察使事轉副使遷巡撫山西都御史提督鴈門諸關調兵部時疏請崇設候正士風又疏錄用諫官明善惡關吳端等七事下詔獄爲民暨改編修兼司經局校書疏請正東官

朝會禮儀備文武官僚以崇國本在晉斥食墨省征

徭抑請託絕餽遺曰吾不敢竊府庫以自潤亦不能借府庫以市恩宗藩貴宦相戒莫敢犯法一時文學氣節政事之聲振動天下而其志專在懷夷狄復

祖宗之疆宇遺後世以長治永安虜寇代州身擢甲冑督兵繼進斬虜若干級而總兵李深乘勝入虜伏中敗沒詔解官聽調卒以不起時春少讀書日記萬餘言凡史所載天文地理戶口錢穀多寡之數與寇戎蠻貊之詭姓隱名

文若詩豪

若閩肆伸紙行墨滾滾而止若不經意而於古人之法度靡所不合說者以爲有司馬子長李白之風不

本朝本有人物考

卷二五

二二

陝西三

虛也荆川唐公於文士鮮所稱許嘗有言曰宋有歐蘇明有王趙其推重若此王謂遵若也

林廷玉

林廷玉字粹夫其先侯官人父介奉韓府紀善玉幼隨任因籍平涼成化癸卯發解陝西甲午舉進士明年選授給事中時孝廟初元上封事乞順天地之理通君臣之情出御文華延訪大臣政治之詳又上籌邊朔治十事劾太監黃贊之弟黃經京職又蒐輯傳記釐爲入箴以保至治既晉都諫論興濟官建真武廟及考官程學士敏政六事言皆剴切降荆海州

遷知茶陵州乙丑陞江西屯田僉事已巳陞山西叅政丁繼母憂服闋陞右通政提督騰黃是冬陞右僉都御史巡撫保定等府兼提督紫荆等關凡勢宦貴戚相率欲欺又嚴捕巡軍之奸以杜響馬巢穴奏劾守備倒馬關太監李賓及翟都指揮張太僕忝之惡尋以張辯調南京都察院管事遂懇求致仕去嘉靖改元起改右僉都御史總督糧儲卒未又具疏懇辭得旨致仕年七十九卒初介菴爲信宜司訓廷玉母徐卒于信宜火葬鳳凰山不封時玉方二歲稍長微知其故及出使廣東葬都憲魯公輟趨信宜披草泣血遍訪父老得母葬所爲文哭祭圖其山形而去陳白沙聞之至錄其文爲詩以傳比介菴卒奔喪平涼念祖塋在閩復南展省立墓碑泣別歲甲子八覲途病還平涼就醫閩孝廟寅天哭臨于韓府擗下血淚點漬麻衣有痕提學廣東時焚黃爵祭于信宜哀痛之切足表士風嘗欲自平涼遷父葬于蜀以人言未可搖動體魄而止乃留仲弟廷弼于涼以守丘墓自歸閩戊寅夏福州衛卒鉄餉羣噪爲亂閉城門權利兵內外岌岌王角中深衣造壘示以朝廷恩威賊輒解散八月再亂再出撫定鎮兵因以夜偷集

魁福州用寧自退休後毫髮不擾于鄉里人皆德之蓋自始葬魯都憲及襄楚憲王妃時凡諸贈遺一無所取人已占其後矣陽明王公謂其碩德重望收曲突徙薪之功儀制郎中林炫謂剛大之氣常伸於萬物之上淵源之學自得於簡冊之外至于濟變之才人一時莫之與京也

門克新

門克新

門克新華昌秦州人爲人寬厚和易始爲本州儒學訓導洪武二十六年秋滿奉朝時天下華官入覲者咸命侍朝或試文辭詢問經史及民間政事得失在列者多應對不稱旨獨克新敷奏亮直上甚重之特紹興府儒學教授王俊華亦以善文辭稱旨遂擢俊華爲右春坊右贊善克新爲左春坊左贊善後陞禮部尚書未幾以疾請告命太醫給藥物不輟其祿已而病卒上差悼遣官祭之命有司護喪歸葬於鄉

張翼

張翼秦州人舉永樂戊子鄉選授江西監察御史會歲大祲人人蹙額孳殍相屬于道上疏繪圖請賑濟詔愍之爲發帑金數十萬賑活其多又江岸地斥鹵可田有司憚于開墾至則爲處牛種盤果道灌田萬餘頃民得殷富大臣劾觀貪婪無忌廷臣多彈射之然劉有寵于上言者反遭貶斥自是舉朝口噤心惴疏莫敢再翼忿然曰言官之職堂爲何普不與劉共朝於是按其不法數事力劾之上爲感悟下劉

謝及子輻錦衣獄遣戍遼左中涓楊進等佔寵要恩請玉帶金鞍圖書等物引從征王瑾故事頗屬信諭衆憚之不敢言復批鱗極諫事得寢中涓輩囑指欲中傷之時與御史御史倪玘楊爵輩齊名臺閣生風焉卒以忌嫉者衆疏請致仕以歸

張錦

張錦字尚綱秦州秦安人舉成化乙酉鄉貢己丑成進士授刑部主事署員外郎鞫訊明審錄囚山東平反甚衆署郎中事益精判決獄無滯囚會他司失官金乃屬錦按之屢鞠不承遣人給其家得金示之進伏罪畿郡災用廷薦往賑先條奏便利至則平糶勸貸分遣良吏恤馬乞舉嫁娶掩骼埋胔游惰者給牛種督之耕築塘堤以定水患所活不可勝紀有違校詆翼強武邑二縣民爲盜皆據理直之方山慶成二王府有大獄奉命往治還稱旨遷大理右寺丞再奉命治岷襄二府獄情罪皆協累遷右少卿意廟知名鳳陽有重獄特命之往尋擢都察院右副都御史巡撫宣府直隸除弊兵民畏服劾罷中官武將守備不職者間登陴望見武帥家假山甚麗怪之其家聞之遂自撤去虜報猝至或欲議請官軍遣朝廷遣

中使就議附奏以爲不必違竟以無他請立萬全左衛龍門所學置天下武學歲貢額皆舊所未補也丁父憂服闋還撫保定諸府兼督紫荆諸關未行還官再勘湯陰府獄有貴臣爲都御史秦公紘所劾賊以萬數怙勢求免卒正其法丁繼母憂服再闕方復任未幾遽疾作辭俸不許乃請告特給驛歸未幾卒計聞賜祭葬錦少有異質生窮邊無師友從釋氏學旋習老子及讀儒書始盡去舊習獨冠儒冠不避譁笑孜孜力學竟以所得取高第鄉之以儒顯者自錦始其爲人敦孝友重廉節早失恃事父甚謹撫諸弟無間言憫窮赴急或假貸爲賑卹其在官勤敏強幹不爲事窘章奏明暢動數千百言又典刑獄尤精法比而能以寬恕將之歷佐臺省前後十五年資望俱積而不及大拜以沒論者蓋深惜之所著有松壑小稿宣政錄張氏宗譜若干卷藏于家

問仲宇

問仲宇字泰甫隴西人成化乙未進士初授鹽山知縣擢監察御史陞山東按察副使分理臨清時有妖僧稱彌勒佛以惑衆者仲宇擒之寘于法陞浙江按察使左布政使尋陞右副都御史巡撫湖廣時洞庭

襄漢間劇賊充斥苗復爲患仲宇先後設謀擒之捷聞降勅獎勞錄其一子爲錦衣衛冠帶總旗晉左副都御史未幾命督理宣大邊儲尋陞兵部右侍郎本部尚書奉勅提督團營仲宇資稟端重體貌魁梧爲御史時憲廟眷注之居官惻惻以寬和爲政然所在稱治其爲尚書甫滿歲都御史劉宇巡撫大同以萬金賂瑾欲奪其位仲宇遂移疾求去再疏得允加太子太保賜勅給驛歸仍優以典隸月廩歷錦衣百戶一人未幾以疾卒賜祭葬如例

宋琮

宋琮字廷用陝之隴西縣人成化十四年進士授吏科給事中歷陞起科都給事申至太僕寺卿琮爲人篤實在言路時嘗有建白及官太僕尤究心馬政有可稱者弘治十一年七月卒于官賜祭葬如例

蘇氏

蘇氏字天秀別號乙峰秦州人自幼敏悟不凡稍長卽有文譽舉弘治乙卯鄉薦累試禮部登乙丑進士初授山西榆次知縣榆次健訟且善誦人難之下車公以蒞事廉以持已訟息而謫弭賢聲籍籍徵爲兵部主事時逆瑾擅權構之落職爲四川糧梓驛丞穀

然就道在任黜職無悔時贊表煥按李公進勳民
自領支兵征虜斬獲甚多辭不敢當兵功亡何璫誅
復官爲工部主事管理山東徂徠等處泉源改吏部
考功司主事陞驗封司員外郎調考功文選兩司陞
驗封司署郎中爲諫止巡遊事奪俸六月再調考功
司署郎中時奉例凡諫止巡遊官跪廷受杖者得陞
俸一級乃調文選司郎中文選據要地多所嫌疑處
之特有清譽乃陞太常寺少卿以祭掃例請上俞
之畢事復任陞南京太僕寺卿馬政修舉召改光祿
寺卿擢節財費歲以萬計陞太常寺卿提督四夷館
尋陞工部右侍郎丁母憂家居數載清修自持一毫
不以干人服闋日改南京兵部右侍郎嘗署工部事
八月餘司廳以直廳百金奉辭曰我自有應得者此
何以爲南都人士服其廉且當也滿一考例當給由
道經榆次榆次爲舊治縣人父老百姓至萬人要迎
入縣則又挽留遮道不欲行甫入京適刑部右侍郎
關吏部號名上上卽用之以南京工部修理孝
陵功賞白金二十兩織金紵絲二表裏甫兩月疾卒
得壽六十有三

范 鑄

范鑄璋昌衡人系出文正公倭成化二十二年舉鄉
應弘治六年成進士授中書舍人選湖廣道監察御
史鯁直敢言不避權倖因忤旨下錦衣衛獄旋得
釋稍浙江僉事歷四川副使浙江參政尋晉按察使
所在釐姦起廢約已愛民而民亦戴爲慈母畏爲神
君尋陞南京操江右僉都御史巡撫雲南右副都御
史時逆瑾用事兵部尚書王瓊附之鑄秉直嫉邪動
與瓊左瓊中之因降湖廣布政司右叅議卒于官生
平大節不與時俗浮沉遇事直言權倖憚之然亦以
是逮獄謫官後瑾黨被收中外交章表揚之詔復原
官賜葬祭得廕子謚恭惠

胡 纘

胡纘字孝思陝西秦安人穎悟夙成蚤歲以春秋
爲邑學生提學選菴楊公虎谷王公咸愛重之中辛
酉鄉試纘登正德戊辰進士授翰林檢討與修撰呂
博泰對孝宗實錄成賜金幣加侑一級以事謫嘉
定州判官歷二載陞潼州知州俱有惠政乙亥陞
南京戶部員外郎已卯陞吏部驗封司郎中未幾陞
安慶府知府時值逆濠兵後民皆窺去又武皇駐
蹕留都供御繁劇刻期履任時夏旱秋潦大興荒政

上下又安明年癸未移宋姓蘇財賦益夥法制益難
理庶務尤詳于治皖任兩郡幾九載陞山東布政司
左奉政及去任兩郡士民皆建祠奉祀樹碑頌德再
移浙藩又改晉省以平盜功蒙賜金幣辛卯陞本司
右布政使壬辰丁外艱制滿復除河南右布政使時
鄆陵盜起討平之亦得賜以金幣丙申轉本司左布
政使冬陞都察院右副都御史巡撫山東地方時魯
府恣惡抗疏以聞得遣廷臣會勘詔奪其祿并革護
衛地方藉以寧謐繼以原職總理河道經畫河防利
弊丁酉以九廟成奉詔進通議大夫己亥以皇

本朝分省人物志

卷一百五

三

吳

太子立復奉詔廢一子入監讀書既乘輿南狩迎
於磁復改巡撫河南時車駕經過經理周悉事竣
復賜金幣汴中大饑且疫上疏請賑情詞激切同事
者覽而難為曰豈得念吾屬而坐使堯中州數百萬
之生靈哉脫有咎某請任之疏上得發帑銀二十萬
兩命大臣賑貸之汴民少蘇焉己亥冬汴中薄城內
外火燎頻發未幾行臺亦災引咎乞歸因得賜閒田
里爰築別墅以居日閉閣著書於諸理亂黜陟不相
聞問時或乘籃輿耕隴畝亦或登高賦詩興盡乃
反與邑中薦紳燕會作九蓮圖得優游卒老庚申九

月方執簡對賓倏忽告逝享年八十一歲才氣英發
詩客揮毫詩賦立就宛若宿構然雋爽豪逸上追古
人凡海內賢達及藝文之士望形影從聽聲響趨踴
大位屢滯不究厥施而功實詞華流傳遠邇雖百世
不泯也有辛巳集丙辰集各四卷鳥鼠山入小集八
卷擬漢樂府二卷擬西涯古樂府家譜各一卷安慶
志三十卷泰安志二卷肇都記三十卷秦州志三十
卷春秋本義十二卷並彙選唐雅雅音等篇皆有
於世其河嵩歸田諸集未梓者尚多

馬 吳

本朝分省人物志

卷一百五

三

吳

馬吳關中人吳長身驍捷善騎射舉進士為監察御
史權按察僉事尋以御史時罪謫真定推官至則教
吏士習武多布置鈞指民家有流劫奸盜亡命悉擒
之再用前罪謫判開州吏士伏闕上言馬吳於真定
稱保障甚宜真定請勿謫詔許之亡何蜀盜藍鄙叛
侵掠蜀合四省兵討之未効吏部尚書言馬吳才可
蜀按察僉事佐治兵吳至關所部笑曰將不知兵若
勝何擇驍勇材力之士千人分四隊隊各立長會賊
來逼城吳夜出百騎舉砲擊賊管亂自蹈籍而悉兵
從後乘之斬首四千級軍中皆喜以兵起未有者吳

曰此尚未見大鹵胡足喜宜及勝用之遂前遇賊賊
万陣左而伏兵於右爲應吳以正兵當左而身與兵
百騎直搗伏伏驚潰趨左左陣亦潰兵合擊火其樞
大破之斬騎將方四捕首虜降萬人遷副使治兵川
東道賊延蔓勢尚張都御史高崇熙謀於副使張思
詒招諭賊賊請降而乞駐劄臨濟市空其民吳曰臨
濟市蜀襟喉上達重叙下連湖湘其地饒富以衍胡
可委賊自困獨益飭治兵募召豪傑賊因不敢東伏
漢州平填未幾復反集衆至二十萬前後官兵俱敗
續賊遂圍中江因謀嚮成都吳以五千騎馳赴中江
賊走窮追之與總督彭澤合擊大破殺賊酋廖麻子
遂進右僉都御史巡撫蜀廖麻子死餘黨尚數萬竄
於東鄉山推喻老人爲帥吳請于彭澤曰山險不便
前射深入賊爲主或返失便願發步兵三萬據出入
要道賊當自餓死也澤如吳言賊窘果縛喻老人請
降而它賊在遂寧渠縣者相繼平進副都御史逾歲
虜亦不刺自西海犯松潘蜀大震吳招上番爲間取
道夜掩虜虜驚潰獲馬及衣械夥事聞加祿俸一高
珙筠樊人普法惡倡諸夷部立寨僭號攻劫吳率兵
捕破之降者萬計獨青山寨不下吳行周視寨曰此

固高絕水道可下也乃遣兵據泉口而撤南方圍待
之兩日賊渴規南圍薄夜走兵從後追捕首虜又萬
人執普法惡誅之遷右都御史千一子錦衣百戶

王璠

王璠字廷瑞寧遠縣人少穎敏不凡入邑庠戴恭簡
公以按察副使督學見而器之會同舍生侵學侮隙
地衆悉於官衆更詭爲文投之縣代署璠名例出爲
掾是歲癸卯當鄉試戴公乃牒縣以掾入試遂得舉
自逮事至是凡八閱月耳明年甲辰登進士父疾且
羣聞報喜曰吾願畢矣尋卒聞訃齋歸伏地大慟築
廬墓傍手植松楸置祀田百畝服闋奉繼母徐氏之
京授戶部主事監督臨濟水次倉同事中貴劉尅萬
狀酷流諸郡力與之評暮月間縛奸胥輩二十餘人
皆寘於法時有真部使之稱進員外郎丁內艱服闋
進郎中奉勅總理遼東糧儲兼管屯種往歲邊費每
告之于是杜請託謹權量尺布斗粟必親稽焉閱實
得羨若米千萬數奸商射利不送者朋誣于廷疏上
其狀下御史臺治而法之凡百十餘人故事征商額
外有楮價充公用悉罷之既還朝補貴州司奉勅價
運漕河時值某藩之國河道壅滯夙夜乘小舟巡視

衣不解帶者四十餘日上便宜數事詔皆行之人以爲便尋擢山西布政司左叅議分守冀北道冀北古雲中地匈奴出沒不時戍卒餽餉恒虞不繼多方調畫方倚爲重而竟以臺評罷歸南游至江淮愛楊爲文獻地遂僑寓焉未幾以疾卒年五十三瘞天性亢爽痛服世之齟齬忍垢者事多直遂名以是得而諱亦隨之蓋自爲諸生伉直自許羣議攻人輕於一諾遂蒙不睦至落士籍及居官奉使知有國法不恤毀譽當商利交征之時獨搜刮弊端以買羣怨卒中物論然而鄉評宦績則卓乎爲明時之鼎呂矣

本朝今考人物考 卷一百五 陝西三 謝金

侯一元

侯一元字應乾泰安人正德甲戌進士授工部都水司主事歷兵部職方郎中病免久之用薦起爲吏部驗封郎中卒于官一元廉介不可干以私家居無所交往人有請託難拂其意卽謂之曰若得罪幾何贖直良苦我不能見此人又不忍困若也我且代若罪率報沮不復言亦不失其歡心

暢華

暢華字子實隴西人資性倬異六歲卽知學有奇志爲諸生極爲遠慕先生所重從學者日至其門領弘

治甲子鄉舉閱年父卒哀毀過禮終制舉正德丁丑進士丹無錫令興補弊弊庶事畢舉撫按交薦其能嘉靖癸未擢刑部廣求司主事論刑明允戊子奉命決獄畿內平反實多尋陞刑部員外郎己丑復奉命審錄平反一如畿內有疏論條例繁難未報丁內艱歸服除庚寅陞山西按察僉事值奇歲寇發官莫能制撫按以華往不旬日渠魁悉殄脅從盡釋撫按又以河東追累值凶荒請勅專以華分巡河東道明盜安民時論倖焉有倡白蓮教者取其人至以禍福禮義諭之其人感泣卽散去後衛氏有爲北教者誅戮

本朝今考人物考 卷一百五 李太 謝金

不可勝言人乃知華曲突徙薪之恩博矣僉事三年撫按牒交上而陞遷且遇遂奮袂起曰年將六十西山日薄豈歸乎來于是疏乞休致請至再四始得俞旨以歸

周蕙

周蕙字廷芳別號小泉山丹衛人後徙居秦州因家焉年二十聽人講大學首章奮然感動始知讀書問字爲臨洮衛卒戍蘭州守墩間容思段先生集諸儒講理學時往聽之有聞卽服行久之諸儒令坐聽既而與坐講既而以爲畏友有疑與訂論焉段先生屬

以聖賢可學教示進爲之方遂殫力就學究通五經篤信力行慨然以程朱自任當時見者亦翕然以爲程朱復出也咸敬信樂從之又授學于清水教諭安邑李公景得薛文清公之傳功密存省造入真純遂爲一時遠邇學者之宗總兵秦順侯吳瑾聞其賢欲延教其子憲固辭或問故曰總兵以軍士役某召之役則往役召之教子則不敢往聞者嘆服侯亦不能強遂親送二子於其家以受教始納贊焉時蕭藩有二樂人鄭安鄭宰者啓王願除樂籍從周先生讀書其感發人如此後隱居秦州之小泉因以爲號著深衣幅巾成紀之人薰化其德嘗遊西安與介菴子李公錦論學介菴由是大悟遂爲關西名儒渭南思菴薛公敬之執弟子禮師事焉秦州守數造其廬舉鄉飲宸謝不往巡按杜公禮徵求見講太極先天二圖不覺前席嘗正冠婚喪祭之禮以示學者秦人至今遵之迨老以父遊江南涉險訪之没于楊子江人皆稱其孝而又重悲其死云

卷二十一

三

陝西三

人物考卷之一百六目錄

陝西臨洮府

手忠

石執中

趙安

王玆

黃諫

段堅

彭澤

劉漳

葛廷章

慶陽府

景清

党理

孔文英

張驥

韓鼎

李夢陽

延安府

郝志義

劉仕

張文奎

馬汝驥

附 張德衡

慶陽府 涼州衛

紀溫

陳震

王誌

鄒昊

張嘉謨

楚書

吳克忠

張達

本朝京省人物考卷之一百六

陝西臨洮府

慶陽府

延安府

張德衡

慶陽府 涼州衛

毛忠

毛忠字允誠祖諱刺國初率衆歸附隸籍蘭州洪武丙辰歿于王事考諱實以雄勇收捕沙州叛寇甲午集衆隨駕北征授昭信校尉永昌衛百戶忠少營力絕人善騎射年二十代父領兵進征寧夏至賀蘭山後擒番王也先于并部衆馬駝以歸永樂宣德間數從征北虜多戰功累陞指揮同知賞賚有加正統丁巳陞甘州右衛操備戊午虜擁衆寇邊從平虜大破陣奇功陞昭毅將軍陝西行都司都指揮僉事賜以白金文綺壬戌哨巡沙州繕修城堡邊民賴之甲子巡迤北天倉毛日等處乙丑正月朝廷念其勲績賜勅獎諭加陞都指揮同知仍舊操備丙寅哈密使臣朝貢歸過赤斤掠沙州罕東等地大集渠魁諭以恩威虜即羅拜悔罪盡還其所掠時聞沙州都督喃哥偕弟謀內寇忠峴之廉得其實遂擒番僧加失領真等械送京師復領兵往沙州收捕喃哥等千二百人事聞陞都指揮使且有白金文綺之賜戊辰三

月奉勅征進軍東等處夜集虜營生縛偽祁王鎮南
奔并部下二百餘人招降沙州等處士達七千餘人
陞右軍都督府僉事乙巳哨接恭將劉震軍馬至半
截敬遇敵奪復被虜人畜甚衆勒充右參將鎮守甘
肅景泰庚午領兵繕修高臺城堡堅完有備人甚賴
之一日令男佗赴京奏事蒙特沒佗百戶令齋勅回
諭父子務在同心協力盡忠報國時英廟出待虜
廷忠前所獲奸僧加失領真因得不死遂投虜也先
以師事之適朝廷遣禮部侍郎李實爲通好計至
則奸僧加失領真欲圖復仇中忠奇禍因設間以告

本朝分省人物考

卷一百六

李實實遂以其言歸報忠將獲罪而甘之內外守臣
及其邊人俱爲訟寃朝廷亦知其偽置之不問適
福建賊起命忠馳往協守居閩七年英廟復辟卽
日召忠于闕陞都督同知賜白金三十兩紵絲二表
裏慰勞有加時忠以勤勞膺疾上遣太監賜羊酒
藥物及旨遣御醫診視疾愈入謝上恩甘涼爲西
北重鎮乃命協同總兵西寧侯宋誠鎮守迨行前一
日召至文華殿玉音下詢防邊之策應對威稱旨
上嘉嘆良久從容諭之曰卿爲閩老成舊在西陲民
情土俗諳練有素此行當宣布朝廷威德加意撫

輯人民俾知感恩報國遇有調發必得其用毋致平
蹙有負委任之重諭畢上親授以玉帶明日陞
辭復賜白金織蟒尋召至文華殿面諭丁寧再賜寶
鏡蓋上在虜廷時極悉奸僧之間而益信其忠誠
故恩遇之隆如此九月領兵昌寧等處截殺提備策
應涼州哨至板井寇聞忠威名皆遁去明年戊寅
上遣使就鎮賜明甲鳳翅盔繡刀以壯軍容仍降勅
獎諭忠受恩感激每征伐奮竭心膂務圖成功五月
永昌西石門六月山丹寺紺水湖七月花寨寺溝凡
三戰皆大捷擒斬賊衆并奪獲人畜軍器不可勝紀

本朝分省人物考

卷一百六

庚辰

已卯正月陞右軍左都督仍舊鎮守忠威望素著中
外畏服所過略無梗阻辛巳正月虜酋孛來擁衆寇
莊浪與總兵宣城侯衛穎分兵追擊之擒斬賊衆奪
獲戰馬軍器人畜賊勢少却隨領騎士三千於涼州
十二里舖敦安塘衆方集追賊騎數萬突至嚴督將
士協力拒敵自黎明至次日晡時士皆殊死戰凡百
餘合賊屢敗墜馬者不計其算賊遂解去全師面還
入月虜寇永昌屢截殺或夜劫營壘以撓之斬獲首
級戰馬軍器并奪回男婦三百餘牛羊驢騾以萬計
捷奏進皆爲伏羌伯食祿一千石協守如故成化戊

子陝西固原州土達滿四叛聚萬餘據石城砲架
山震驚關陝其山七峰陡峻前此官軍追勦每失至
是奉勅以行遂率甘涼兵馬與總督項公會行遇賊
迎戰以騎二百餘人衝陣至砲架山截山奪險敵後
哨至賊已大敗與孫鑑督我軍乘勝直搗七峰山上
老稚皆號泣奔走功垂成忽昏霧起賊遂乘風盡抽
餘黨以死決戰顧謂孫鑑曰勢急矣我受高爵厚祿
職在滅賊勢不與賊俱生鑑亦顧衆曰我君我祖在
上寧與賊同死遂首騎破陣以進孤軍相持自己至
酉陣凡十餘合射矢皆盡拾賊矢射亦盡忠遂中流

本朝分省人物考

卷二六

日

陝西

矢鎧前鋒救仍奮馬殺十餘賊賊執鎧斷其指裂其
額曰爾復能射否忠亦赴救死之是月十一日也夜
半風起折旗拔帳營中士卒皆開甲馬聲暮下卒王
寬夢忠曰我必將滿四馬上活活擒來既覺驚愕御
史鄧公本端隔帳聞之即起焚香祝曰公果有靈能
助我擒賊當爲具奏立廟祀之未幾滿賊就擒伏誅
計聞上震悼且曰毛忠奮勇殺賊忠義可嘉其與
葬祭給帛布一百疋齋糧一百石造望域明器錫以
鐵券贈伏羌侯謚武勇食祿一千石千孫世襲伯爵

石執中

石執中蘭州人長身美髯永樂中爲刑部主事謝獄
平九累官山東右布政使直而不華勤而能慎後官
至浙江左布政使以老致仕卒

趙安

趙安狄道人謀勇過人永樂中屢立戰功歷陞指揮
宣德正統中守鎮涼州數平羌寇陞右軍都督同知
充副總兵又征北虜進封會川伯

王竑

王竑字公度陝西河州衛人正統西年進士授戶科
給事中十四年英宗北狩景皇帝以鄭王監國

本朝分省人物考

卷二六

王

陝西

廷臣伏闕劾王振錦衣衛指揮馬順叱衆令起竑奮
臂捽順髮嚙其肉百官爭捶順死由是正氣直聲震
千天下已而北虜犯順陞都察院右僉都御史督軍
守居庸等關事平巡撫淮揚兼總督漕運官軍畏服
久之陞左副都御史天順元年英宗復辟石竑奏
軌論其擊順罷爲民酉年起復仍原職征平涼等處
虜寇七年復督漕運八年憲宗登極用科道論薦
陞兵部尚書時兩廣出師上勸賊安民事宜多見采
納薦韓雍爲都御史總督軍務雍方補外衆議不協
竑力爭曰此事非雍不可後果克成功薦修撰岳正

給事中張寧黃清不聽遂移疾 憲宗不許命醫往視章三上乃許病痊復起不數月而去尋致仕後科道累章論薦竟不起卒年七十五賜葬祭如例竑剛毅明斷臨事勇于必爲未嘗擇利害爲趨舍故累見沮抑而人惟恐其不用然用之不合卽去其守正不阿夷險一節一時論大臣如竑者蓋無幾矣

黃諫

黃諫字廷臣其先揚州府高郵州人洪武初以富民坐法徙置陝西蘭州幼有異質讀書績文不煩師友程督日有進詣時蘭州尚爲縣選充縣學生 朝廷

六朝八卷八何才

卷二十一

陝西

編輯四書五經性理大全書頒之學宮士未能盡見諫手錄誦讀沈潛有得老宿莫能窺其際正統壬戌賜進士第三名授翰林院編修讀中秘書益遂景泰五年上饒歌鼓吹曲詔付史館七年同少卿劉儼主考順天鄉試時大學士陳循于瑛王文子倫俱不第遂構陷考官賴大學士高設覆試獲免秩滿轉左春坊左中允兼編修天順初改尚書司丞仍兼翰林院編修久之擢尚書司卿充經筵講官音吐明暢多所規益同考會試所取號得人 英廟復辟嘗與議諫不自言人亦無知之者使交南始定賓主之禮王初

其抗欲有以汙之諫風節凜凜卒不敢犯比歸遭之厚贖却不受交人益服之未幾 英廟敦尚文治特擢翰林耆宿八人進本院侍講學士五年忠國公石亨事敗言者以同鄉概論之謫判廣州府人謂非所宜處諫曰官無內外大小皆天職也吾盡職耳公餘以其學淑廣之士發節擊蒙造就者衆廣人爲建學士亭尋被誣逮繫至京道卒喪舟過淮故兵部尚書河湟王公度方總漕於茲甚切慟悼見其子幼家貧過還旋視無所於資歎曰季札葬其子贏博之間孔子以爲合禮况諫高郵人也何必西歸乃卜淮城之東吉壤葬焉以其子琳爲郡庠生撫教備至諫性質粹美儀規清潤博涉諸經子史百家之書爲文根柢理致尤工於詩兼善書工古隸篆仿及宋元畫吮毫運思一一臻妙能對鏡寫真通達國體留心世務志崇風教過河南澠池拜月川曹先生祠詢知分教霍州謝世遂流葬於彼曰狐死首止霍之弟子固不忘其師月川之靈獨不思故鄉乎乃捐已資屬邑令遷葬故里月川名端始倡性理之學于中州所著太極圖解諸書河京薛文清公實紹其傳故諫尊信之成化間 憲廟以兩朝講官恩官其子琳爲中書舍

六朝八卷八何才

卷二十一

七

陝西

段堅

人歷陞吏部驗封司員外郎供事內閣卒所著有使南稿南坡集書經集義從古正文月令通纂傳于世

段堅字可久蘭州人生而剛方早年讀書卽知由正學希聖賢人以伊川嶷之中景泰甲戌進上天順己卯知山東福山縣修政治隆道化刊布小學令邑人誦誦教申五教諭以詩書福山地僻俗陋於是翕然丕變海邦島嶼颶風乎絃誦之風焉旣四載陞萊州知府壤接福而俗等政教一如治福者召譙郡縣及學政屬賦詩啓諭勉振事用未朞萊人大化以憂去

卷一百六

王西四

服闋除南陽屬吏彼化感奮思體國勤民視萊更加病近世以讀書媒利祿階富貴士鮮志聖賢之學乃倡明周程張朱與古人爲學之意召郡學及屬治諸生親授講說士志行勃然以變自茲鳴世者輩出又以民俗之偷由未預教乃取屬治童蒙及其良心未鑿勸志學皆院教之刊小學孝經論語崇正辯文公家禮敦民俗言諸書授之講習又於書肆收儲五經性理大八册刊二程全書俟有志者給授百姓習聞薰液純實同性禮讓同俗逾世而風猶存又勸節義祠取烈女傳論祀有差自是母修婦道閭閻可觀其

爲政持大體不立赫赫之威不急功利凡所恩植規模遠大而毀譽榮辱無一動心其勁節直氣勢力莫抵而抑強豪去貪剝察民隱逐巫尼疏冤獄謹庫藏輕徭薄賦與民休息郡人戴之如父母其敬畏之至若家有一段太守者然惠澤究下以直道不能取悅于上竟不得大用致政歸郡城與過屬地攀泣不忍舍卒于家郡人聞訃無弗泣下者遂作木主于志學書院之企德堂祀以少牢後四十年郡人思其德澤又別立廟以祀有容思集輯輯語錄行于世蓋其學本河東薛文清公承伊洛之傳故見於治行者如此

卷一百六

九

王西四

祭酒王鴻儒議曰使南陽之人知有正學而不知有俗學知有王道而不知有伯道知有闢邪辟趾之化而不知有桑間濮上之風皆自堅始也子曰見以進士爲翰林檢討

彭澤

彭澤字濟物號幸菴蘭州衛人成化癸卯舉人弘治庚戌進士歷官刑部主事員外郎眞定府知府累遷左都御史兵部尚書自少有聞長益好學平生書不釋手守眞定時郡有巨蠹竊政或諷以當附之澤具一棺于堂後曰吾身豈附人者哉儻不測則附諸棺

矣巨甯卒不敢怒所至征討克捷霸州劉六劉七起
羣盜前後官捕之不勝澤有文武材略聚衆至數萬
人詔左都御史馬中錫討之中錫儒緩好名下教招
撫劉六等陽若爲就招者兵遂撤而陰與其黨楊虎
齊彥名益縱馳突中錫 詔逮下獄瘦死而陸完進
右都御史假節用軍與法得誅二千石以下完乘傳
驅至臨清遣副總兵馮禎等襲楊虎于宋門店龍化
集大破之尋又鏖戰于裴子巖斬首二千俘獲亦衆
而賊分兩路由蒙城太行流劫入河南境者尤狠暴
于是澤同戚寧侯仇鉞陳秦兵擒之澤爲人長大腰
帶十二圍其領盼燁如也平居鮮笑容雖與爲偶語
叱叱聲若雷至則大陳軍容櫟甲引見諸大校責以
退縮顧軍正急行法建勳諸大將無不惕息皇恐頓
首請自效良久乃釋遂鼓行前薄賊凡數十戰皆大
破殺擒以萬計趙銍劉三死於陣於是給事御史上
言河南賊平下 詔切責完懼日夜督諸將微賊而
賊隨忽隨脇聚燒運艘掠臨清邳徐而下犯淮安又
奔登州海登完以宣大鐵騎及中土材官良家子悉
集合圍賊大敗之盡殘于通之狼山還朝完澤俱加
太子少保右都御史予世襲錦衣千戶時蜀盜藍廷

卷一百六

十一

十

萬曆四

瑞鄒本恕復起勢愈熾 詔澤充總督討之澤悉兵
破賊衆遁竄山寨多伏弩青棘中澤分兵出入奪水
道度窘開一面縱兵誅之且盡澤還加太子太保虜
萬騎入宣府大殺掠吏民將轉危近地 詔澤出後
督三關二路久之虜退仍理都察院澤好因酒使氣
時時出兵書王瓊上嬖人錢寧挾威公卿咸俛首折
節澤切齒不能平瓊因寧遣所親近語事過澤飲澤
醉媢罵朱寧瓊謂澤曰勿妄言澤益奮不復可止寧
大怒會哈密城及金印爲土魯番所取 詔論還不
可且謀得將寇甘肅狀食推澤經理之澤調寧夏兵
自遣使詣土魯番予贈幣二千銀糧一孟求和過哈
番及城土魯番陽許澤輒奏事平乞骸骨澤歸而土
魯番變矣薄肅州芮寧全軍沒瓊餘澤死罪錢寧欲
從中下賴閣臣力掄乃免嘉靖初徵拜兵部尚書以
老加少保致仕卒

劉漳

劉漳陝西蘭州人以邊功得給祭葬少穎敏居官廉
直所在有聲戊戌遼東兵變退亂賑饑全活其衆後
復平邊寧盡伏遺人思其功祠之

葛廷章

葛珙字朝憲蘭州人少負奇穎潛心墳索嘉靖丁酉中陝西鄉試戊戌連舉進士授行人奉詔列藩守

法惟謹忠勤清亮名蓋哀然起也辛丑選戶科給事中欵奏詳核規諷明諱其彈撻務持大體不喜攻訐

巡察內庖裁革冗靡尤多甲辰出守鳳陽郡歲大禱羣盜蜂起衆方議撲滅之術日此良民也特奪於饑

寒耳遂懸榜境內曲示禍福郡盜各警懼引去境內始安於是計口多寡發粟賑貸饑民多所全活其子

女散鬻者往往捐俸收贖樂聚如初蒞任三載訓農勤學興滯訓墾百廢具舉治行稱最帑庫羨積一無

所點數至累萬盡解民部大助邊餉丁未陞江西按察司副使分道南昌南昌簿牒填委訟獄詭健防範

既精剖決尤慎奸欺內息請謁外屏以故疑讞競白平反無冤然文非深刻政皆簡重人莫不畏而愛之

既抱疾僣牀猶批駁如素卒正襟危坐順命而化稟性沉毅守已端恪孝弟成于閭庭仁卹達于姻黨且

爲政不苟律下孔嚴入仕十年所在以公清得譽既去而人莫不思之比於漢之何武焉

慶陽府

景清

景清慶陽真寧人洪武二十七年進士第二人初領鄉薦游國學同舍生有秘書清請之不肯與清固請

請以明旦即還而書生旦往索書清曰吾不知何書吾未嘗假書于汝生忿怒訟之祭酒清待書往見祭

酒曰此清所誦書即誦書徹卷問生生不能誦一詞祭酒叱生生退清即以書還生日吾以子珍秘太甚

故相戲耳清初赴舉時過宿淳化主家主家有女爲妖所憑是夜清在而妖不來女詰之曰吾避景秀才

清朝小字人勿字 卷二 一六 上三

清也女以告父父追及清語之清書景清在此四字令歸粘其門妖遂絕清試禮部第三錄詩書二經入翰林三載改監察御史三十年春召見嘉其才命署

都察院左僉都御史與實倖出川陝巡察私茶建文即位權左都御史改御史大夫 文皇繼統方孝孺

練子寧等都死而清獨委蛇侍朝人以其素頗疑之一日早朝清緋衣入先是星者奏文曲犯帝座甚怒

文皇已疑清及朝清獨着緋遂收清得所帶劔不屬而死是夕清靈迭見族其家已而時入殿庭爲厲又

命籍其鄉諱相攀深謂之瓜蔓抄村里爲墟

党理

党理真寧人洪武丁丑進士任宜陽縣丞以經術飭吏事政通人和境內以治永樂初累陞太僕少卿

孔文英

孔文英字世傑系出宣聖之裔陝西安化人中永樂十五年鄉試登辛丑科進士宣德元年初治江西廬陵縣未幾以事至京師擢任監察御史三年累奉聖書巡視北直隸民瘼事訖條奏所以消弭之方大荷寵賚值浙江黃岩有健訟者構捏齊民三千人相聚譁張爲非奉勅諭俾往體量鞫問至則取其文狀

卷二六

一日

陝西

究察端緒所自起遂得之所以構造者皆羅織之詞一訊衆情皆服立遣誹連之衆獨械首訟一夫來京處治人皆交口以明果稱之十年丁內艱正統紀元奉詔清理江西軍伍九年滿考陞支五品俸仍理前事正統五年陞湖廣按察使丁外艱部屬軍民狀其生平之績相率訴御史乞留御史會奏得旨報可奪情起復蒞事後以事至京師景泰紀元陞大理寺卿奉勅鎮守紫荆關及提督緣邊軍務至則練兵有法設險有要弛張得宜關備大飭內外晏然無警軍民得以樂生與事六年春陞刑部左侍郎次年二

月辛子官詔如例遣官諭祭修墳安葬

張驥

張驥安化人宣德中領鄉薦拜監察御史激揚有聲遷大理寺少卿山東飢民相扇思變驥受命安輯卒

韓鼎

韓鼎字廷器合水人辛丑登進士第乙巳選爲禮科給事中丁未孝宗嗣位首陳公銓選經財用嚴兵衛崇天道四事尋差陝西寧夏二鎮給散官軍賞賚能盡革侵漁之弊由是人沾實惠茂申遷右給事中

卷二六

一五

陝西

時西夷貢獅所過驢然上疏言陛下初政放珍禽異獸天下聞而頌之今未踰年而納此貢恐無以示信于民宜罷遣之又以皇嗣未廣爲憂上言禮天子一娶十二女以廣儲嗣大本也今舍是弗圖乃信邪說建設齋醮將以徼福不已惑乎上感其言優詔答之進左給事中太常卿丁永中少卿蒙以袞俱以黃冠起家會神樂觀董素雲竊祭服售人事覺因火其藏以滅跡永中等庇素雲以災聞鼎請明正其罪且乞用文學之臣以充太常庶知法守素雲乃下詔獄衆論快之親藩將行婚禮詔給准鹽一

萬引爲助上言凡賜鹽須遣中使支需因多市私鹽舟艦塞江官莫敢問鹽法且大壞請令有司給價與之便詔如其言是時四方奏報災異甚多上懼撤樂減膳詔百官修省言缺失乃陳謹大要堅大信崇節儉簡大臣重藩臬五事明年辛亥又上明正學遵舊制抑異端三事復因星變極陳時弊指斥貴通無所回互且乞遍覽羣臣章奏言有理者悉施行之上皆嘉納擢通政司右叅議乙卯應詔陳言有克實心以消天變清軍匠以省軍儲正服舍以革僭越抑豪右以便商民數事言亦剴直調南京尚寶司卿

本朝分省人物

卷一百一十五

一

李夢陽

連言宜切時弊證以先王之法酌之中道庶有裨於治其考績當以所言事關國家大計者多寡爲殿最不當叙文書出納爲勞又謂攻君之過不若養君之德諫官言事當在經筵進講後議者以爲名言蒞官所至皆著能聲而平安惠政尤多民思之爲立生祠云所著有十菴集一卷尚寶司實錄一卷慶陽府志十卷藏于家

李夢陽

李夢陽

本朝分省人物

卷一百一十六

李夢陽

獨名見兵部尚書劉公大夏問曰日來外間事何如
對曰近釋李夢陽中外歡呼望德如天地之大
孝廟曰初下夢陽獄中人皆勸朕杖之其意實欲殺
夢陽以快中官之怒使朕負殺直臣名其不忠如此
朕故釋之劉公曰陛下此事即堯舜之心也正德
改元丙寅進郎中太監馬永成劉瑾等亂朝政給
事中劉蔭陶諸相繼論奏而大臣未有言者戶部尚
書韓公文日流涕憂憤夢陽進曰大臣同國休戚此
而不言焉用彼相韓公慷慨曰吾當言言而獲罪報
先皇帝于地下耳乃草奏之詔廷議其事
而八人者環哭上前乞命事中變瑾遂召人司禮
監而中官王岳范榮皆竄死明年丁卯大臣多罷免
瑾知韓疏實夢陽手草也蓄憾不已矯旨奪劉公健
等四十八人官放歸田里榜爲黨人夢陽與焉然瑾
必欲殺之又明年戊辰矯旨羅織其罪械繫逮京師
再下錦衣獄內弟左國玉者間行徒步上書康狀元
海勉以大義賴力放得免放歸大梁庚午瑾敗辛未
起江西提學副使張起古學力變宿習褒獎義節訓
正禮俗士翕然向風時宸濠懷逆招致文學凡吏江
西有村名者卽唱以厚利否則威劫之以夢陽有太

名折節下之初不爲動久之墮其術中而不知也既
材高負氣不肯同流俗人人多忌之而江御史某素
有嫌遂相奏訐天子命大理卿燕忠體勘下廣信
獄權苦殊甚不稍爲屈竟文致開住而布政使鄭岳
適爲濠所陷夢陽素與岳不相能岳既得罪謂其傾
之也濠敗辭連及賴刑部尚書林公俊力救得亡窮
治乃後大臣暨撫按數論爲不用嘉靖辛卯就醫京
口還大梁病卒所著有空同集若干卷夢陽以命世
之雄材洞視元古謂文莫如先秦兩漢古詩莫如漢
魏近體詩莫如初盛唐乃與姑蘇徐禎卿信陽何景
本朝分省人物考卷一百六
明作爲古文辭以爲濬南宋胡元之陋而後學者有
所準裁彬彬郁郁茂以尚矣竟以負氣傲睨屢得苛
禍坎壈終其身世成疾之如讎嗟乎斯人也豈世俗
所能容哉

延安府

郝志義

郝志義字宜之陝西清澗縣人成化己丑進士授大理評事進寺副陞山西按察司僉事整飭馬門關等處兵備陞副使坐事左遷福建都轉運鹽使司同知明年復陞福建按察司副使以憂歸服闋改山東陞四川按察使歷山西四川左布政使陞右副都御史巡撫湖廣進刑部右侍郎未上而卒賜祭葬志義性嚴毅狷介持已處人皆循蹈桀驁居官以廉慎著聞人無能訾議之者

劉仕

仕字以學中部人正德辛巳進士歷刑部郎中諫陞山西御史馬錄質以張寅罪狀仕言寅爲李福達不赦及修貢詔獄仕以鄒勛庇姦劾之獄成上逮治仕高戍邊報還卒隆慶初贈太僕少卿

張文本

張文本應光緒號蕭山陝西洛川縣人生有至性聰敏過人而篤信力行不事華飾始受學于鄉之孫先生年十二能文章遂薦楊公督學試補縣學生員歷試學臺皆列首選正德丙子舉于鄉明年丁丑登

進士試政吏部已卯授刑部主事無何丁外艱嘉靖甲申服闋復除原官丙戌進員外郎躬勤聽斷據法原情不撓權勢不侮寡弱稱明允焉陞四川按察僉事先時芒部弗負叛服無常至則親涉夷境諭以恩威夷民歸化時蜀地屢飢賑施惟殷乃遍履荒遐不以難苦避過適有貴官請居行頗不法繩以憲略不假借爲流言以中之己丑移山西按察司督理屯田時參將其違例占種人不敵詰按劾不貸屯政就理尋以賢能薦再奉璽書飭兵石隲武備率修癸巳考績晉四川布政司右叅議是時向所繩者適撫其

地援例疏請迴避因有論辯詔命所司停勘卽治然休致構亭教授曰吾當爲蒲柳山人矣丙申事白奏上左遷一級丁酉添註直隸廬州府同知往添註官多不事事奎力政不急墾荒復連郡乃大治戊戌首潮廣按察司僉事督理江防己亥上南巡興都職除追建航供備行官所事克舉上嘉其績賜衣二襲白金三錠是歲章聖皇太后附葬顯陵護送梓宮自劉家隔抵石城驛川途無警奠獻如制乃又以法檢束從官往來道途事集而民不擾使者以聞復養衣一襲白金二錠庚子晉江西按察司副使職清

軍伍兼理驛傳核籍稽勾酌宜裁革二政允修若其
登指彈羅某之姦息妖人易盛之亂尤爲顯績壬寅
晉四川布政司參政癸卯入蜀視事乃華州縣庫役
之供應罷西路夫役之輸銀催科撫字寓仁于政民
愛畏焉晉江西按察使江西爲南方之大省宿號難
理先政在民見其至欣迎載道持守不阿貞肅有
道憲度吹觀未幾晉山西左布政歷官既久廉節愈
厲惟櫛二童侍行俸金亦以貯庫大革加耗裁損公
賈覆露廣通晉省以寧然以不通請謁不事逢迎久
居不遷丁未以內艱西歸居憂讀禮無愆孝思率之

馬汝驥

馬汝驥字仲房綏德州人也正德丁丑舉進士已選
庶吉士尋授編修號爲才子能詩然爲人沉毅有大
節已卯中武皇南狩諫者輒獲罪後縮喙莫敢諫
者汝驥曰卽畏罪寧不爲宗廟朝廷所乎乃率諸
同館士六七輩赴闕上疏言巡游有隱憂伏禍不可

天子怒詔跪闕下五日已又杖之調澤州知州澤故
多王府王率聽州郭小暴侵民利澤人苦之而未能
有禁也乃因事稍懲其左右不法數人爲條告誠止
又王以書來請私好答使者去已卽投書懷中封之
所請或干法得釋又使將謝乃令使者至懷前啓取
書還之實未發爲報曰法誠如是吾安敢低昂獨情
平陵川令葛者賄人也害人人怨之廉得狀議且黜
令有巡按御史者以親故爲葛解甚力不聽竟置于
法威聲震于部中辛巳世廟卽位錄前諫者忠
詔起知州還爲編修如故澤人攀泣送之以百千數

而前王以禁不得暴及投書不發者亦郊祖頌德焉
曰馬先生民之父母國之正人也其年天子用吏
部請旌忠加俸一級名由此益顯癸未會試同考官
乙酉武宗實錄成有錄修勞陞修撰明年母王卒
歸三年煙山公亦卒兩載連哭其父母至嘔血毀形
制起陞南京國子監司業尋改北監司業會天子
幸太學充講官坐講言辭而正賜文綺而司業壓于
祭酒不得有言規畫然諸生固知憚馬先生持重有
議度居數歲陞南京通政司右通政又三歲爲南京
國子監祭酒於是慨然曰自予爲司業固嘗念諸生

善遠絕之今與諸生約度所能行耳期勿犯犯必罰如懸格不解其所約有懲駢跪勤考課稽德行肅威儀數事有制太學生出散諸曹歷事出序視人不得越而捷者或因貴人關說求疾出卒不聽即序及故抑奪之曰以懲求者蓋自是太學之教彬彬循循多可觀云庚子陞禮部右侍郎當是時少傳嚴爲宗伯官層松江孫爲左侍而上興禮樂創制度諸大典更起不絕諸公日聚講議而汝驥洽覽羣集習議古昔遇可言則問答如響平居視之顧徇徇若不能者嚴賢之又嘗善其詩愛重踰等居久之嚴拜相見上

本朝分省人物考

卷一百六

二十四

庚子

言馬侍郎賢遂陞左加翰林侍講學士寵之而放病肺自始仕至今未嘗一日廢書不觀遂病卒上悼之遣官致祭諡楓歸勅有司營墓加贈尚書諡曰文簡所著有馬文簡集又有西玄先生詩集

附錄德衛

遼陽衛

紀溫

紀溫字宗直延安府綏德衛人人生而魁岸有風常識者奇之曰當以文顯比成童補弟子員成化乙酉舉陝西鄉貢卒國子業榆林衛在綏德西地逼邊境人鮮知學余肅敏公爲巡撫都御史奏設衛學官不時置禮聘爲師溫規格嚴整經指授者多底成立屢誦禮部親愛老乃以壬寅就銓試授吏部司務時尹奉簡公爲尚書特見器許弘治戊申以外擢去辛亥改都察院給紳士無間識不識皆知有紀司務者癸丑

本朝分省人物考

卷一百六

三十五

庚子

陳震

陳震字文靜上世武進人也曾祖肆從太祖皇帝

定天下有功累陞都督僉事而廣其于友爲蔚州衛指揮同知正統間改慶陽衛遂爲慶陽衛人生而神宇凝重氣度洞達人咸異之洎長受易於鄭州王先

生未幾有內艱執喪無依乃依叔父祿而祿天性孝

友視若所出故得肆力于易成化甲午中鄉試高等

數試禮部不第益自砥礪卒登丁未進士弘治戊申

拜監察御史風裁凜然凡所按行姦貪望風而解寬

者平逮者釋時以爲真御史也丁巳陞山西按察司

副使恥尚嚴峻務以德化而已壬戌陞本司按察使

憲度益修人用丕變正德初以御史盧儀事註誤左

不朝今今命考卷一百六

遷兩淮鹽運使司同知尋轉長蘆運使曰是不可以

已乎力請致仕得允居數年以薦授陞光祿卿已復

陞戶部右侍郎庚午夏值寅藩及逆改爲兵部右侍

郎兼左僉都御史總全陝之師以討之寧夏遂定復

歸慶陽嘉靖乙酉壽七十有九而卒立身甚嚴遇事

不苟事無鉅細執其樞紐至于低昂起伏咸中窅要

而于學無所不通天文律曆具得其妙慶陽北定邊

管有妖自名趙太白諸貴人狎而遊之有貧乏者輒重以賙予及所厭怒卽以鐵簡飛擊之一日謂諸貴人曰明日慶陽陳舉人至我與有干不可相見當與

諸君永別已而震至東賦之正爲邪所畏憚如此

王 誌

王誌合水縣人永樂乙未進士知河南府死于王事

初撰旌忠碑廟祀之孫琦弘治中知項城亦死于賊

鄒 昊

鄒昊字宗大寧夏人弘治乙未進士拜行人擢監察

御史忤逆瑾謫真定府推官瑾敗陞四川僉事督兵

勦藍廖等賊於大壩山以功累遷四川巡撫達賊犯

松潘番端竹白等功陞右都御史後坐天全土官高

松潘番端竹白等功陞右都御史後坐天全土官高

繼恩事逮京下獄嘉靖初釋復原職當時如楊一清

胡世寧李承勛皆薦其可當大任而不爲新貴用事

者所喜未盡展其蘊云

張嘉謨

張嘉謨字舜卿寧夏衛人少卽耽嗜筆研書史英奇

穎異不類常見弱冠爲衛學生耕讀自力志向遠到

弘治辛酉舉于鄉明年遂卽上書請終養得請歸邑

養備至人稱以孝時乃開館授徒一時英髦多出講

下正德丁卯父卒已巳服闋授兵部武選司主事家

食時稔知武選宿弊事事躬自檢覈吏姦不售還人

大快辛未盜起山東侍郎陸公完督軍平勦與主事王崇獻皆以才略贊戎務初官軍之東也日尾賊後行止視賊故賊益猖獗功無所成乃獻議陸公謂當出奇以遏其鋒奪勢以奪其氣若徒尾其後是驅賊以自戕也何損於賊何益於民陸公是之令賊犯淮縣陸公以偏師屬之提師行一日卽按兵不進賊易之不爲意乘其息也卽夕疾行掩擊大破賊斬首二千級賊遂奔河南回部陸車駕司員外郎癸酉蜀盜滋橫詔起兵部尚書彭公澤往征之彭公疏請與行乃告彭公曰蜀地險阻用兵爲難今王師西征賊心震恐勢必不支若順流而下則荆湖之憂方劇矣公若分兵屬僕由漢中取道以扼夔峽公以大兵取重慶以感賊則成禽矣彭公深然其策後卒奏功凱旋陞山東按察司僉事兵備濟寧已而沂州礦盜竊發宗藩弗戢撫臣疏奏移兵備沂州持法厲禁忤觸藩邸起愬于朝以是冬逮下詔獄在獄數月乃得白然竟由此罷去既歸退居城南別業事親教子授徒方田知素士蓋二十年不侈初志嘉靖癸巳偶爲詩書壁間云年來慵懶謝交游日接盧醫扁鵲流可歎明朝更分手短橋新柳雨聲秋人見之頗訝其

無謂不數日臥病甫七日卽不起得壽六十有二平生好書學篆隸行草各得其妙詩文敏捷自成一家所著雲庵集西行稿藏于家

楚書

楚書字國寶寧夏人嘉靖癸未進士任兵部主事大同之變書觀兵城下城中俱登陴請曰吾輩非殺主帥者亦無他志但畏死自保耳請書入書遂入諭慰之且言州兵非朝廷意衆皆望闕呼萬歲書仍遣馬昇等陳朝廷威德曉以禍福令獻首惡至夜賊平累陞右副都御史

吳克忠

吳克忠涼州衛人永樂十六年嗣爵二十二年扈駕出塞有功洪熙元年以戚里恩兼有功進侯正統九年統兵出喜峰塞征兀良哈有功加太千太保十四年沒於土木贈弟國公諡壯勇弟克勤都督亦戰沒贈遵化伯諡僖敏子璫嗣曹欽反劫璫不從死贈涼國公諡忠壯

張達

張達涼州人起什伍歷官總兵鎮守大同嘉靖二十九年夏虜酋俺荅率衆數萬入大同塞計伏精銳殲

谷中而以羸騎百餘誘我軍偵卒信之走白達延素
以果敢名徵兵未集遽率麾下卒馳擊之伏發圍達
數匝馬蹶集乃死事聞贈左都督諡忠剛

人物考卷之一百七目錄

四川成都府一

焦敏

趙天澤

向敏

李蕃

杜銘

何漢宗

尹淳

桂山

溫琮

梁萬鍾

鄧本端

蕭儼

張玉林

龔鼎

王弼

劉時敷

趙璠

吳璠學

王志恭

何琛

任漢

王資良

宋有文

汪藻

鄧翰

蕭猗

張貴

楊廷和

王一言

馬炳然

楊春

李志剛

劉寅

計朝聘

李佶

金獻民

劉瑞

李充嗣

楊慎

王汝舟

熊允懋

張潮

趙貞吉

周滿

齊準

何全

周冕

陰武卿

賀朝用

陰秉衡

吳泰

楊惟懷

張時中

羅天祐

邵道人

補遺

楊訓文

胡亨

梁萬鍾

劉士元

王之臣

李鳳毛

本朝京省人物考卷之一百七

南直督學御史西浙過廷訓纂集

門人蘇松備兵副使南郡熊 齊恭聞

男

過銘孟

過銘鑑

寧國府學生員嚴弘志

句容縣學生員劉孔揚全訂

四川成都府

焦 敏

焦敏

焦敏 縣人洪武間以貢任永豐訓導寒貞公恕薦

擢主事歷刑部員外卒于官敏諳刑名而行之以恕

所至著水蘖聲曾孫部登成化進士授刑部主事提

牢得代盜謀劫獄獲而訊之曰恐累焦君故遲遲也

陞武選郎中出知曲靖境產瑞禾府民歌曰一本二

穗嘉穀滿田太守焦公仁德及天爲立生祠終副使

趙天澤

趙天澤 蜀新都人與同邑杜圭明文行齊名棄官簿

遊江南無貴賤皆倒屣迎之最善恬荅劉公伯溫一

日行省大臣論江左人物天澤首以伯溫對衆愕然

疑且竊笑之天澤退而贈劉公文曰蕭何拔韓信玄

德師孔明非信任之策則涑水之奇八陣之妙可由

照耀後世乎方劉公未遇叔之以卜法言言山而

深奇預識者天澤也起有吳江月下泛舟詩云餘霞

微遠岑微露生近浦江行得良夜月出鳴榔宿茫

天欲流歷歷星可數水螢明乍滅沙禽或翔舞此意

誰與同三高渺千古

向 敏

向敏 資縣人永樂進士歷官大理寺丞獻獄平反守

武昌有政績卒于官僚佐發其囊惟圖書衣衾而已

李 蕃

李蕃 字秀實唐涼國公慤之後內江人自幼警敏異

常兄既長力究羣經中鄉試副甲榜遂領教職以上

疏論事陞行在兵科給事中其爲教官以師道自勉

爲給事中克舉其職命視關外城壘遠陳備邊策清

理軍政於河南人稱公平還獻安養軍民十餘事所

至采軍民利病以聞每二親不訖養請分俸給之朝

廷宴賜或有嘉味美醢綵幣謹封識奉其親及得推

恩於父母乃請告歸省賜綵幣爲道里資其處內外

親姻皆有恩意姑二人早寡迎養于家其于成底成

立朋友鄉鄰以善道相與卹困窮化橫逆皆可解述
素甘澹薄言不及產業誤家範一編教訓子孫所著
詩文有鳴佩集藏于家

杜銘

杜銘字敬修成都金堂人少有異質舉正統六年鄉
試十年第進士授刑部河南司主事論決輕重能盡
法意自尚書以下皆器重之總十三司章奏羣僚堂
恭時有疑獄不決者皆聚而質於銘歷階員外郎郎
中他司郎中缺嘗兼領其事至晚他司吏往往抱三
四印歸其家銘愈謙退不伐衆益賢之景泰六年尚
書江公淵巡視南直隸河南山東等處舉銘自輔有
詔慮囚貴州出滯獄數十百人貴州人謹傳以爲神
丁母憂復除河南司尋陞雲南按察司副使黜賊吏
剔幣政聲稱厥起未盡一年會有誤傳新任按察使
呂因道卒者守臣交章薦補其處遂授按察使已而
呂復任乃改於貴州居三年部使者列上其風績陞
湖廣左布政使湖廣爲東南大藩最號繁劇銘裁決
庶務宣布德恩治行稱異等成化八年召爲戶部右
侍郎比至京陞工部左侍郎未幾轉刑部十一年按
事襄垣擢都御史提督山西三邊軍務出代州歷薦

本朝分省人物考

卷一百一

十一

四川
忠王

八

四

四川一

門寧武至偏頭關徧行邊壘覽觀形勝時召老兵
退卒問以攻守之宜益市馬募兵補完虛籍因建議
偏頭關在山西窮邊東連威遠西帶保德北接虜境
猝然有警成者出戰便爲虛已宜設千戶所一領百
戶所十就以戍兵願留者實之又言三關兵民雜處
事多牽制官利乾沒於豪家勦卒占役於私室請置
按察副使一員督治之俱從其議又於要害處設土
運堡之望高視遠二墩久之虜知我有備遁去還朝
奉旨審錄罪囚有白金文綺之賜十六年按事寧府
還奏明年以父憂去官終制仍舊任二十一年秩滿
九載加正二品俸尋遷工部尚書掌大理寺事故事
拜尚書者率上疏禮辭銘曰事君貴誠虛讓非禮也
獨不辭自刑部轉大理其所駁正一裁以法不嫌于
專時論多之明年改刑部尚書憲宗皇帝在位久
明習政事尤慎重刑獄銘時教飭其屬吏以人命至
重勿以喜怒用法度一時用刑號稱平允明年乞休
優詔不允屢疏得旨賜寶錢二千貫仍給驛以行公
卿大臣設供張祖道崇文門外觀者榮之既至家稍
葺舊廬燕休之室扁曰敬齋兄弟賓客日過從爲樂
當春夏時扶杖從一二僮子課家人田作田父老

皆謂酒餽之爲引滿不辭人人感德而去優游林下者蓋十有餘年居家常衣布衣或曰公以大官被服如此得無近陋邪公曰我故布衣也在官照官服居家返吾初服何陋之有其自用雖約然至於周貧恤孤則惟義是從多費不吝也卧病少間具衣冠端坐召諸子曰吾人仕自壯至老勉於忠孝始終保全至此若等能讀書爲善不使家聲落莫吾死瞑目矣乃卒春秋七十有八

何漢宗

何漢宗溫江人正統進士歷官副使平生尚氣節不

本朝今有公物者 卷二 七

王

黃

隨時俯仰居官清介家甚貧學士周洪謨稱爲鐵石心腸

尹淳

尹淳崇慶州人正統舉人授伏道教諭言動不苟以身率人九年擢御史巡按雲南摘發奸宄所至有聲歷官爲政致仕著閑治集二十卷

柱山

柱山字本寧成都人南唐司空柱卿之後正統甲子舉于鄉登景泰辛未柯潛榜歷戶部郎中老練廉潔訓理無遺凡有關軍國者雖拂衆力爲之不顧司徒

馬昂甚稱譽之陞廣西叅政守左江時大藤峽徭寇寇南寧亟山一日馳至選土兵募要害以禦之烽火相望寇懼遁去民賴安堵夷興其威不敢肆云

溫琮

溫琮華陽人登景泰進士任御史巡按雲南時藩鎮錢能貪橫琮執法不撓風裁特著能因斂手避之弟璽成化進士歷河南叅議人有難兄難弟之稱子仁和官至禮部尙書

梁萬鍾

梁萬鍾溫江人景泰進士知仁和興利舉廢崇教厚

本朝今有公物者 卷二 八

六

四

俗邑民肖像祀之權知杭州復除西湖淤患陞兩浙鹽運使未幾乞休坐逆瑾椅櫛代民償逋負三千兩盡蠲田產輸官恬不介意年九十無恙課子孫相繼登科

鄧本端

鄧本端奇縣人景泰進士拜監察御史有文武才能成化間劉千斤等作亂僭號命端督諸軍討平之陞陝西兵備副使

蕭儼

蕭儼內江人景泰進士歷刑部郎中審錄多所平反

陞雲南參議河南參政時州官不法遠巡按守地官
至京淮儼素有風力得免餘皆被黜尋陞貴州左布
政使奏請頒樂器增解額俱賜允俞致仕卒所著有
竹軒稿三十卷集皇明風雅廣選五十卷

張玉林

張玉林內江人幼以道義自重馬湖土官安熬聞其
名延之師位爲置產業室居之固辭而返登景泰進
士疏言七事知壽張縣以古道化民不任刑法陞北
勝知州卒于途有靜菴集及語錄

龔鼎

龔鼎雙流人天順進士幼稱孝友篤愛鳳弟任主事
有能績守南陽遇宗室縱橫寘以法悉斂跡居雲貴
參政封石文貴義方德壽表重鄉閭于嘉祺令福清
有父祖風傳世家云

王炯

王炯華陽人天順進士初知開化蒙民余濟助奪人
田上妻女持府縣短長前令不能制炯法之其黨懼
誅火牛尾爲厭勝溺桶之急乃夜持匕首匿公廨將
以害炯爲雷震死陞監察御史平反獄囚數十人陞
福建僉事漳南溫文聚衆爲惡以計獲之鄉賢實清

慎居喪三年足不至公府子汝舟汝梅俱登進士

劉時敬

劉時敬字用行別號素菴內江人年二十五魁于鄉
天順甲申第進士爲刑部主事轉員外郎又轉山東
按察僉事分按東兗究終訟積數百事逮干人就繫
動數三歲裁決浹月而盡訟爲之衰濟南大旱先期
虔禱蠲租平糶藥疾食瘠招流而瘞殍力且匿獻計
巡撫以亟請于上得發米二十萬石銀四萬五千兩
錢五百五十餘萬民賴全活甲午巡瀘川疾作猶強
歷數縣至長清與還越七日不起年三十九察使王
君琳提學楊君珉檢其笥敝袍數襲俸遺無十金

趙珊

趙珊綿竹人義士天順甲申德陽賊趙鐸叛珊仗義
攻殺手刃數人擒捕故亡追至二郛鎮爲賊所害詔
錄其子恤其家焉

吳瓊學

吳瓊學綿竹人與珊倡義討賊賊潰瓊極力追殺遇
害詔贈其子

王志恭

王志恭綿竹人慷慨仗義渠賊趙鐸叛攻陷州郡志

恭首倡討賊之義率兵三萬餘會德陽鐸潰志恭單
騎擣穴鐸幾就擒從兵不至爲矛所中脇下腸出猶
戰出重圍以手捫腸大呼衆士併力言不絕口而死
事聞贈始信校尉廕其子成都衛百戶

何琛

何琛成都人登成化進士知蠡縣有善政拜御史清
理湖廣貴州糧儲及巡按雲南風裁凜凜權豪斂迹
時征叛夷勅將官擅殺冒功者黜之陞山東副使調
江西觸逆瑾罷職瑾誅起爲湖廣按察使貴州左布
政使卒于官時論重之

任漢

任漢溫江人登成化進士歷御史抗疏論列權貴斂
避林公俊稱爲真御史累進布政使剛直不撓陞右
副都御史改總治鄖陽經略三省多所建白陞南京
大理寺卿浩然還蜀平生孝友容止矜莊有詩六卷
奏議十卷

王資良

王資良成化進士官兵部郎中遇事精密不紆不迫
名公咸禮重之擢臨安守夷民雜處難治大布恩信
民愛之如父母推重風教士經指授者咸登科第晚

年吟咏陶然自得

宋有文

宋有文資縣人成化進士歷都御史巡撫陝西黠奸
去貪不私故人致誹謗無餘物第宅一仍其舊人
多其廉而子孫亦甘其貧云

汪藻

汪藻內江人幼以奇童稱七歲補弟子員登進士由
翰林歷參政首劾汪直王越開邊釁立西廠章上罷
廠貶直越朝者肅然

鄧翰

鄧翰內江人成化進士任知縣卓有異政陞府同知
操守堅定舉止不苟致仕家居繼母停柩火災延及
堂室翰以身蔽捍火至不動尋滅人以爲至孝所感
蕭 翀

蕭翀字凌漢內江縣人成化辛丑進士弘治十一年
陞浙江按察司僉事才識明敏遇事不爲遲疑當機
立斷在浙五六年間風采振揚清操永潔民情士論
皆歸之擢陝西按察司副使致仕歸里

張賁

張賁成都人成化丙戌進士授南京戶部主事歷員

外郎中弘治初擢南京光祿寺少卿累遷通政司參議太僕寺卿致仕卒賜祭葬賁朴雅有長者風歸十數年與鄉邦耆彥結會以詩酒自樂云

楊廷和

楊廷和字介夫新都縣人成化戊戌進士改庶吉士十六年授翰林院檢討歷修撰進左春坊左中允丁憂補原職陞大學士兼翰林院侍講學士命同學士張元祜爲會試考官取董祀等三百人得人最盛尋陞少詹事兼翰林院學士正德元年進本府詹事陞南京吏部左侍郎初武宗御經筵講書故事講解本朝小學公案卷之二書義畢終必獻規諫之語是日廷和同學士劉忠直講既罷上謂劉瑾曰經筵講書耳何添出書外許多說話瑾乘間嗾之陞二人南京侍郎遷尙書十月改戶部尙書兼文淵閣大學士人閣辦事加少保兼太子太保進吏部尙書兼武英殿大學士七年十月進少師華蓋殿大學士廷和上疏請早視朝御經筵罷邊兵西僧市肆等項以憂去服除起原官仍內閣辦事十二月上時巡邊廷和言北虜不時出沒正統末年之事可爲明鑒請回鑾不報十三年上復北征廷和諫萬乘不宜輕出不聽會上自稱威武

大將軍今內閣草勅廷和同大學士毛紀上疏謂大祀之禮在正月社稷之祀在仲春孝貞皇后大祥在二月二日禮應卽時祔廟今俱改期至再甚爲非宜朝覲官員吏部考察上請未奉定奪各官辭任既久政務悉廢殿試進士之制亦已踰期自去秋聖駕南行至今八月有餘在京在外各衙門題奏俱未蒙發出施行伏望 亟賜頒師還京舉行前項大禮各衙門題奏文書早賜發出母致事務久稽至生他虞不報十六年武宗不豫廷和等密請太后懿旨誅江彬籍其家定策迎世廟嗣位會命議與獻王主祀稱號廷和檢文獻通考漢定陶王宋濮王事曰是足爲據異論者卽奸邪當斬七月進士張璁疏論繼統繼嗣不同力詆朝議上令送至內閣廷和復持入上言禮謂所後者爲父母而以其所生者爲伯叔父母蓋不惟降其服而又異其名也臣等不敢阿諛順旨仍封還手勅仰御批加與獻帝后皇字廷和等復上言恐紊一代綱常拂萬世公論敢封還御批若加皇字是忽所後而重本生任私恩而棄大義臣等不得辭其責者願罷歸上曰卿等所言皆大義朕奉至情不必拘於史志可勉錄皇號廷

和等倡九卿翰林科道連章劾張璠邪說願罷斥之
不報嘉靖元年壬午春以胡戴功加伯爵璠一子爲
錄衣衛指揮使辭免仍加銀廕五月有旨免日誦命
下建和上言人君一心關係最重養之以善則智若
聲色貨利一動於中則害政害事其患不可勝言伏
望 皇上宮中無事不廢讀書以涵養此心其大學
尚書答臣等接續前所講讀者並進起止有疑召臣
等詢問暇則時臨古人法帖一切聲色貨利不使少
接於前 上喜其言二年以少師十二年考滿特加
太傅兼官賜宴禮部時上於欽安殿修設齋醮延和
等上疏言臣嘗極言異端左道亟宜痛絕及條慎始
修德十二事具書殿廡今無故修設齋醮日費不貲
此皆先年亂政之徒艾鋤未盡妄引番漢僧道嘗試
上心夫佛家三寶道家三清同一虛罔首梁武帝
宋徽宗教信尊奉無所不至一餓死臺城一囚繫虜
庭求福未得反以速禍其無益有損明矣行香拜錄
之勞孰若移之以御講筵設醮修齋之費何不移之
以周窮困乞畱神斥遠左右奸人僧道罷停齋醮清
查冒濫恩賞又以直隸江北水災異常疏請集議賑
救併蠲一應歲派錢糧會內織染局奏乞依成化弘

治年間例差本局官三員請勅往蘇杭五府提督織
造廷和等上疏言今年直浙水旱異常稅糧尚舊
寬若更差官織造工役何能措辦非惟逼勒逃亡抑
恐激成他變況經遠淮揚邪徐諸府縣見今高低一
望皆水房屋田土槩被淹沒所在白骨成堆幼男稚
女鬻斤而賣十餘歲者只可得錢數十母子痛哭投
水而死官司議賑而錢糧無措自今抵麥熟時尚數
月饑民豈能垂首枵腹坐以待斃必起爲盜近傳鳳
陽饑民哨聚劫掠莫敢誰何將來事勢尚不可料所
有勅書決不敢撰 上以織造累朝事例令無再擾
本朝分省公物考 卷一百一十一
執拗特力糾科道皆極陳其不可廷和等復上疏曰
臣等備員輔臣非敢實擾誠恐窮民不堪羣起爲盜
以擾天下亦非固執違拗所執者祖宗之法望 陛
下遵而行之以保宗社勿與公議相違取譏後世況
考洪武永樂至天順並無有此弊正德年間權奸亂
政始擅自改擬營求 御批以清其私 陛下何忍
墮其奸計復敗壞 祖宗之法度 祖宗天下至正
德幾傾覆賴 陛下再造軍民始獲甦醒今日豈堪
更自敗壞報曰卿等所言具見忠愛恤民至意但業
已差官第爲勅令安靜無擾三年三月以議大禮忤

官力求去令致仕尋開繕爲民

王一言

王一言字行之內江縣人成化辛丑進士授監察御史陞雲南副使整飭兵備再轉都察院僉都御史遣撫寧夏偶渡河墜水衆援出之以致疾卒于官一言體貌脩偉善談笑爲御史頗有風來居官亦能盡職

馬炳然

馬炳然字思進成都內江人成化辛丑進士知嘉魚縣民有爲人作狀牒者炳然訊其人名而問之曰汝

民當各安公畏法何至爲人造訟乎對曰窮無以養

一五

四四

寫一狀可活吾家數人炳然自責曰不富焉能教厚其資使力本自是公門游食者悉遁去炳然爲政明察而不煩暇則巡行村落益悉其人堪某事某戶堪某役胥徒不能爲姦三年大治流民復業乃新治事之堂扁曰富庶教退居之堂曰黎矩二十三年丁未秋之交湖湘旱饑炳然申賑貸未報輒開倉救之明年又饑朝廷出內帑錢以賑民府守意令具文放散而定欲轉輸府庫也炳然曰天降凶荒爲政者之責也卽放散之守怒炳然不恤也歷官副都御史

濟南京儲至武昌青山江中退流賊劉六爲所挾令作書退軍不從遇害妻女俱溺死事聞贈右都御史謚毅愍

楊春

楊春字元之別號酉耕新都人父官永寧卒于官二子繼沒時春尚幼隨母護三喪歸會苗賊亂出入閭道區別外內入夜則防護嚴密或竟夕不寐雖在遊旅肅如堂室性穎異日記數千言顧弗克得師自取案舊藏周易讀之晝夜研究闕歲進廩千庠名頓起成化元年乙酉領鄉薦越十七年辛丑始舉進士引

疾歸養母目已眊至是復明時時趣北上不忍違居

朱一七

一五

四四

久之孝廟嗣位乃赴選授行人司正行人職掌舊制如冊封宗藩徵聘大臣之類多爲諸司所攝悉奏復之壬子丁母憂服闋擢湖廣按察司僉事奉勅專督學政過家值于廷議得鄉舉意不欲出覲友強之乃赴任作士以德行為先歲時考校鑒別精當凡所甄賞多捷科第時誦其明歸志素決巡撫都御史暨諸藩臬以試事留之既放榜卽疏乞休致遂行居家越十有八年乃卒春諒直純厚孝友出天性母夫人素嚴事之甚謹惟恐拂意二弟少孤撫教周至皆克

成有治家嚴甚閨庭整然無敢輕出入者雖諸孫
慈見不命之退不敢退教諸子必舉先賢言行爲說
雖小過亦不貸嘗曰修身正家吾人分內事居官能
和之國與天下乃爲實用與人交有信初若難合久
乃益爲人所敬愛接引後進寸長片善稱挹不吝口
未嘗及人過失學博而遠在太學時常與天下名士
卽饌堂爲文會辯析輿廬有據衆咸心服焉四方從
游者多躋接爲顯官志存濟物縣南橋圯鄉人病之
出俸金數百兩修治蜀藩義其舉助成之又患城守
弗完當預爲之圖城成流賊果至起來保聚者數萬
人皆得免於兵平生不習術數而言輒奇驗湖湘人
往往傳其事以爲神

本朝分省人物志 卷二十一

一七

四十一

李志剛

李志剛成都護衛人登弘治進士歷刑部員外有劾
逆瑾不法推廣東僉事平劇盜復民田以萬計民祠
祀之居家友愛四方從遊之士相望于門

劉寅

劉寅雙流人弘治進士資性醇厚事繼母至孝隨父
宦淮陽從王衡吾遊莊定山結爲忘年交及長奮志
學登第官南京考功出守寧國值歲歉賑活甚衆

流賊之變備豫免患建梅都官祠擢泰汴藩未幾以
疾歸有文集數卷行于世

計朝聘

計朝聘字莘夫成都人正德庚午舉人性孝悌遠易
學以道貲讓二弟以正學啓門人授真陽令歷潁江
知府誠心敷政約已愛民增建昆明學舍數十楹捐
俸賑饑督兵平寇開海田三千畝俾民佩犢以耕寬
稅恕刑部民初祠祀焉引歸林下布蔬自怡不事干
謁明孝友以遺訓子孫壽八十二太史康余二公有
廉節傳稱古刺史所至有水蘂聲卒之日撫臺陳公
評其清白之操終始不渝說者謂其爲知公云

李佑

李佑金堂人正德進士選翰林庶吉士嘉靖初拜御
史巡按浙江獨持風裁一時貪墨望風解去申明科
舉新法奏革織造太監時以剛直忤時相殺然乞休
緬紳重其風節

金獻民

金獻民綿州人進士歷官湖廣按察使爲政剛明不
避權倖以忤逆瑾罷歸尋召進都御史刑部尚書掌
院事持大體不事苛煩糾劾彈舉臺中肅然進兵部

尚書嚴明精察序次武籍犁然不紊

劉瑞

劉瑞字德符成都府內江縣人生而穎異十歲能詩
文父時敏歷山西僉事鍾愛之爲作五清書告期以
聖賢之學因號五清主人云時山東提學楊公瑄嘗
集諸同寮于試之特奇其不凡未幾僉事公卒貧無
以爲斂察案牘之適克西還應成化丙午鄉試初擬
發解監臨官以其儒士貢第六逮揭榜設宴禮之與
解元等人傳丙午二魁云舉丙辰進士讀書翰林三
載受檢討弘治己未清寧宮災下詔求言上疏論弭
災之端有八曰崇實德親儒臣嚴近習全孝恩旌直
言勵士風畏小民御戎狄疏人孝宗加納庚申北
虜犯邊復上疏云虜人有必勝之機而我師無可當
之勢宜下來才之詔作賞罰之權別用人之等定戰
守之計時論趨之是歲重修闕里廟成詔故少師西
崖李公祭告因獻議欲更定先師封諡卒不果行王
戊同考會試所取多名士楊杲何景明其尤著者與
修通鑑纂要充經筵官有白金指鈔之賜武宗卽
位上疏乞瑞治本以光繼述一日隆孝德二曰求聖
學三曰勤宣召四曰嚴責任五曰擢名望六曰明賞

罰七曰抑僥倖八曰絕異端九曰禁澆俗丁卯逆賊

劉瑾擅權亂政毒虐縉紳嘗言事者咸得罪瑞知不

免卽上章謝病既出京之明日瑾矯詔斥大學士劉

公從而下賢士大夫凡五十三人爲朋黨勒令致仕

瑞與公同聞之恬然奉母以行沿浙江沂鄒湖風逆

幾覆舟以肩輿載母隨陸遂行渡長沙江暮雨懸

泊萍鋪無從者待母達旦由常德至澧田淑人女兄

卽南京兵部尚書李公充嗣之母在焉適歲暮峽險

田淑人不欲歸遂依李公居之李公以田數畝助其

饔餐之資時逆瑾小已嘗都憲雍公泰忤瑾除名

本朝今省人物卷之二

謂瑞嘗薦雍罰米二百石輸大同坐是益貧養親樂

道裕如也時太和陳鳳梧視學湖南檄諸郡邑士子

從講學四方聞風而來者甚衆臨江蔡漸繼提學因

以州後開舍更爲澧蘭書院延講授其中後鳳梧恭

政湖廣復徵辰守載敏創崇正書院請主之則辰之

士多趨焉壬申正月丁田淑人憂五月詔起爲山西

按察副使提督學政以制弗行服闋乙亥改浙江提

學副使以復古明道爲已任其造士先德行而後有

文藝有一行者必旌以廩食若行賄虧缺文雖工必

黜於是士知向風人文大振遂定冠婚喪祭鄉飲鄉

射之儀著名宦卿賢之祀教以釋其歌舞之節而風化不覺矣部使者交章薦之將有顯擢適寧藩不軌鎮守者潛通逆謀浙謀洶洶與巡按暨藩伯共定捍守之策民恃以安已卯冬陞南京太僕寺少卿上疏乞休不允時寺卿他出瑞署寺馬政久弊徽屬郡戒培尅禁豪家憫貧弱故有牧場在著令歲久侵于豪民瑞復之有盜竊焉者抵之法馬政爲之一新辛巳世廟入繼大統又請致仕弗許是冬遷南京光祿寺卿與中官雜處弊端百出瑞痛革之復上疏釐正其事請著爲令且疏薦屬官之廉能者三人於是中官斂手而屬吏人人思勵民有侵光祿錢久繫於獄者死將半產不足以償瑞憐之爲奏釋其未死者七人癸未四月進南京太常寺卿瑞爲神樂觀樂舞生未有代耕之資奏乞以通童例納銀者免其赴京以其銀畀樂舞生爲糧詔從之八月進南京禮部侍郎是冬地震雷電雨雪交作甲申元日地再震水旱疫癘江南北人相食瑞憂之條六事以進曰多發帑藏曰嚴督通賦曰督察賑濟曰修祭告曰謹戒備曰端大本言甚剴切時大禮議起大臣暨侍從臺諫部屬以辯諫下獄謫罷者殆數十人瑞將率畱都九卿諍之

草疏極論帝皇受命受終之道大宗小宗之義及漢唐宋以未入繼大統之典據經援史凡數千言特議禮主正論者凡九百餘疏惟瑞之言簡明深切上雖未盡從而亦不之罪也其卒之日晨尚入部視事既退食於家俄而疾作瑞坐而逝享年六十有五性至孝蚤孤事田淑人孝敬備至既歿哭踊幾絕京喪禮歸葬經萬流驛遇風舟人錯愕瑞焚香額天風即止人以爲孝感所致忌日追奠尤極哀痛家廟特祭齋戒必誠牲醴必豐潔纖息一遵於禮宦遊數千里必載木以行蓋近世士夫所鮮及者隨事建白言無不盡坐朋黨及廢氣不少挫其居官惟法是守有干謂者輒峻拒之聞族人物故必爲位而哭持服視禮爲隆殺嘗畜內弟及族兄仲奇之女皆爲笄字如已出蜀有劉雄者嘗爲校官以憂去服闋赴選部客死瘞貧不能歸爲作書示沿途有力者發卒賴之初僉事公在刑部貸李姓者十金弗及償瑞訪李之妻倍數歸之不受後舉進士復訪得其子竟畀焉陸東阜歿家貧請其墓爲文哭之出俸金二錢爲其夫人葬具以米二十石給其家學以程朱爲正脉以居敬存誠爲本以窮理致知爲要病世之以心學者

空自大而卒流於禪也故操存嚴密器深厚半居
無戲言情色雖退食必冠帶終日本嘗傾倚食無兼
味衣無鮮綺尤寡嗜慾室無媵妾學甚博積書數萬
卷口誦手披無斯須廢至老而矍鑠雖刑名度數邊
情民隱靡不周知惟痛絕佛老異端之說每遇 國
有齋醮輒疏諫止其督學及在禮部禁約九嚴作文
以孟子史遷昌黎六一南豐爲法詩宗漢魏李杜而
其要必本諸六經不爲浮靡險怪之說所著有讀漢
書改本童觀錄幼學稿教納稿禁垣奏稿澧蘭錄講
習錄并雜文古今體詩若干卷藏于家

李充嗣

卷二十一

四十一

四川一

李充嗣字士修成都府內江縣人先是太夫人感異
夢誕充嗣在襁褓寡啼笑及五六歲恬靜沉然一無
所欲或戲觸之惟端視不語家人咸謂不慧而父愚
蒼翁獨識之曰此兒神氣非常不可易也一日翁觀
書竄之膝傍俛然若有所思翁心異之指案上書曰
是何物也又巖然若有所辯而未能者趣之對徐言
曰所謂載道之器非與翁大驚曰吾嘗謂此兒不可
易果然翁從仕吳楚皆携以隨少用能草書工吟咏
翁每以末藝爲戒遂棄其舊習一意慕古既而以

易故用伯父素翁謀偕北學京師爲西充少宗伯馬
廷用門下生初至有邊報告急馬私試策其兵備爲
問目卽席揮毫遂以卷呈所對區處精當皆有證據
馬稱其年惟才老雖練達邊事者殆不爲過衆因卜
其後當大用暨成化丙午領薦薦亞魁丁未進士選
入翰林庶吉士及徙戶曹主事旋改刑部主事審鞠
悉中多所平反以累謫判岳州嘗勸九溪夷情益大
獄也待牘立判庭中以不寬頌之秋滿權知隨州始
視篆以學舍傾欽適謀葺新之工費不逮於民承荒
膜之餘坊里凋瘵則謀未義倉之法酌宜而行敏散

本明今省合勸考

卷二十一

之四

四川一

有方凶歉有備境內以安民兵久弛則簡閱以時士
益精銳後有巨寇流入境率衆拒之盡殲焉尤保愛
士人嫉惡異說有李氏子名中者才敏而學贖以新
籍爲桀猾者所擠乃力主之後果舉鄉薦第一人考
最陞陝西按察司僉事正己帥物貞一意度分理邊
餉以公勤著聲時有中貴撓法正色不少屈常計事
公署不合語侵之卽危言切責劾其貽害地方十餘
事疏上 孝廟褒其直中貴銜之欲甘心焉十六年
會薦榮封計至去位獲免服闋以太夫人故欲圖終
養未卽上道而 孝廟陟遐正德改元閣理用事蓋

中肯黨也必中傷以泄舊憾密達其黨下陝西伺察
久無所得事遂寢乃擢其服制違例矯旨免官未幾
太夫人亦捐世五年方禫而瑾誅詔復起補任江西
以風力名時震濠逆節未著縱下淫毒壹繩以法民
侍以無恐楚賊據華林勢甚熾我師數不利與總帥
都憲王公贊畫竟致大捷六年以功晉山東按察司
副使兵備臨清齊俗侈靡而臨清尤甚乃教以儉約
於除戎簡閱之事罔不殫心力爲之雖處宴安之時
惴惴焉常若寇至狀八年轉雲南按察司一時聲稱
凜然尋轉本省右布政使十年召爲順天府尹行未
半道遷右副都御史巡撫河南振肅風紀扶植教化
權抑權豪屏黜貪墨至有望風畏憚解印綬以遁者
汴地下濕多河患通租無算至卽疏聞咸賜蠲免民
力稍蘇正德丁丑蝗戊寅勞民間大戚老者死壯者
逃亡立條約下諸屬郡郡行之州州行之邑祛滅寇之
樊旦夕與衆屬商處期得善策至終夜繞牀不寐偶
得休糧方於書筒歎曰天若濟民此方必效吾不忍
藏乃刊示四路民得此以活者甚衆汴洛故都會陵
墓在焉盜利其中之所有多被發乃峻爲之禁令近
居者守護防衛由是未發者始得全時鎮守藉違奉

名虧值市物如古器羔皮之類深爲吏民病徐以溫
言論止之十三年再徙巡撫南畿尋遷戶部右侍郎
兼左僉都御史巡撫如故其綏安之方抹荒之術大
都如河南時政而儲運之法裕國之計恒做諸大義
恭以民情時稱其便聞宸濠將稱兵犯闕以安慶叢
輔適當賊衝非得人莫守也值都督楊銳時爲指揮
使及諸將最恭於衆中揖而進之曰皖城保障委之
於子毋負我乃奏請使視事而白巖喬公宇時任南
畿本兵相與協心王室設方略飭武備日以禦賊爲
念已而賊兵東向舳艫相接氣勢銳甚抵安慶城下
攻具悉備目中已無江左矣充嗣飛檄城中諭以忠
義銳感激思奮嬰城固守相機應敵日至數十發無
不克捷又潛遣間諜順流而下給云王師百萬四面
至矣賊得諜語相顧錯愕城中偵知之士氣百倍鼓
譟震地賊敗衄宵遁渠魁就擒 武廟幸南畿詔許
撫項之臺臣言東南財賦甲天下而水利之政久廢
不講非常久計詔宰臣僉議下其章於撫臣比受
命親蒞其地尋訪淤塞故道多爲勢家所據力任衆
怨無毫髮假借不逞者爲謗語上騰冀陰阻其事朝

議復難之充嗣卽建白臣考禹貢水道所歸之由相
地形高下之殊并正統中周文襄治濬舊跡則功無
不可成者但恐成功之後不能無疑臣者耳特論避
之由是盡心所事不辭繁苦凡椿木春鍾給資領直
之需取諸屬帑美餘委廉能官分幹一毫不下於民
謂水之枝節多岐而白茅港吳淞江二派最大首興
事焉自經始至迄工凡三閱月而諸木旋亦就緒人
悅於趨赴無怨心自是潮汐不受壅滯浮而不患泥
厓蓄洩有道而旱澇有恃食其利者甚博而京儲不
致於匱乏矣 世廟襲興被詔陳言乃條上新政數
事以正心用賢爲首務識者謂其知大體併嘉前時
權南京兵部尚書畜士卒有恩遇武弁以禮有益於
國家及軍民者率獲臂爲之振刷擢薦惟懼或後如
馬快船素爲苦役乃汰其冗者取盈數而止倉猝無
所媒利此類是也嘉靖丁亥以考績進階正治上卿
居官清苦自圖書外無長物前後數歷四十餘年所
至以風裁自持然外和柔而內剛正以故始終不及
於禍如聞忠孽彰在南畿特屣蹕勢凌輾結紳數有
要求一切不與卒不能加害自晉尚書常曰大臣監
止足吾不歸何待累疏乞骸骨蒙 上溫旨諭留至

本朝少卿公傳

宋二二

三二

四一

戊子春移疾告歸是年九月卒年六十三謚文簡
楊山集奏議水利二稿當江西之變有靖危錄凡若
干卷藏於家

楊慎

楊慎字用修別號升菴新都人少師石齋公廷和子
也慎生而岐嶷穎達七歲母夫人教之句讀併授以
唐絕句輒成誦慎奮志誦讀不出外戶罹母憂極其
悲號廢食骨立未幾祖母葉訃聞隨石齋公回蜀守
制大父留耕公授以易兩旬而洽不遺一字擬作古
戰場文有青樓斷紅粉之魂白日照翠苔之骨數語
公極稱賞復命擬過秦論益大奇之曰吾家賈誼也
一日石齋公與二弟觀畫問曰景之美者人曰似畫
畫之佳者人曰似真孰爲正慎舉元微之詩以對二
叔曰詩亦未佳汝可更作慎輒呈稿云會心山水真
如畫好手丹青畫似真夢覺難分別御寇影形相贈
晉詩人二叔曰只此四句大勝前人矣時年一十二
辛酉石齋公服闋慎亦入京師有過渭城送別詩及
霜葉賦一日偶作黃葉詩李文正公見之曰此吾小
友也乃進之門下命擬出師表及傳奕請汰僧尼表
文正覽之謂不減唐宋詞人弘治乙丑侍石齋公禮

本朝少卿公傳

宋二二

三八

四一

聞時鑒鏡試卷在分考劉武臣簾下疑其刻深永祿
慎見之愛其奇雋以呈石齋公遂擢詩魁崔知而以
小座主稱焉時年一十八正德丙寅與同鄉士爲麗
澤會丁卯歸應四川鄉試督學劉丙試而奇之曰吾
不能如歐陽公乃得子如蘇軾是秋果擢易魁十一
月上禮部戊辰春試入國學祭酒周玉類試之曰天
下士也已已歷事禮部尚書劉宇見慎問曰子爲誰
對曰楊慎劉曰子固天下士豈必一大臣子弟耶乃
稱歎不置辛未禮部會試新貴擢慎第二殿試則及
第第一制策授史融經數陳弘劉讀卷官李東陽劉
本朝分省人等朱一
忠楊一清相與稱曰海涵地負大放厥辭共慶朝廷
得人授翰林修撰時年二十四癸酉丁繼母給憂明
年監鄢諸寇作慎在邑城中日夕戒嚴有賊數百詐
稱官軍以紿門者慎率守雉堞者詰之散去乙亥服
闋冬十二月北上丙子入翰林爲經筵展書官及校
文獻通考丁丑爲殿試掌卷官得舒芬策以呈閣老
梁公乃得首第時 武皇遊幸宣大榆林諸邊返而
復往慎疏切諫不報乃以養疾乞歸庚辰九月慎北
上仍舊官辛巳四月 世宗皇帝即位五月慎爲殿
試受卷官八月開經筵慎首作講官進尚書金作賈

刑之章言聖人贖刑之制用于小過者其民自新之
意若大姦元惡無可贖之理時大鬧張銳于經等皆
犯先朝事罪當死以進金銀得免故及之壬午二月
命慎代祀江濱及蜀藩諸陵寢著江祀記與給事熊
浹御史簡霄遊浣花溪載酒賦詩有煙霞誰作主魚
鳥自相親斗酒千金會扁舟兩玉人之句十二月北
上復命癸未纂修 武廟寶錄慎練習朝典事必直
書總裁蔣冕費宏曰官階雖未及實堪副總裁者乃
盡以藁草付之刑定甲申七月兩上議大體疏嗣復
跪門哭諫中元日下獄十七日廷杖二十七日復杖
之慎斃而復甦請戍雲南永昌衛時同事死者配者
黜者左遷者二百八人慎舟由潞河而南值先年被
革挾怨諸人募惡少隨以何害慎知而備之至臨清
始散去時年三十七乙酉正月至雲南病馳萬里羸
瘠特甚栖栖旅中方就醫藥而巡撫台州黃衷促且
甚慎方疾冒險抵永昌幾不起巡按郭楠清成江良
材極爲存護卜館雲峯居之且上疏乞宥議禮諸臣
郭亦被詔下獄斥爲民丙戌九月聞石齋公寢疾死
馬聞道十九日至家石齋公悅而疾愈七月携家就
戍所十一月尋甸府土舍安銓變起十二月武定土

合鳳朝變亦起攻掠城堡爲患愼歎曰此吾效國之日也乃戎服率旅僮及步騎百餘往按木密所守禦入城與副使張峨謀固守明日賊來攻城寧州士舍陸紹先率兵戰城下愼促城中兵鼓噪出以助外兵賊敗去愼復歸會城戊子春愼一足病有半人嘲鑿齒一足笑虞葵之句已丑八月聞石齊公計奔告巡撫歐陽子重疏上得歸裏事十一月還滇壬辰三月布政高公韶聘修雲南通志時鄉大夫有欲冒嗣額川侯傳友德以說世爵者愼不可乃乘張羅峯復相流言欲中之愼遂去庚子八月巡撫劉大謨聘愼及王元正楊名纂修蜀志辛丑還滇至東瀘疾作尋歿金甌之返成都壬寅七月還戌所丙午冬大理推官吳宗徽署安寧州好規州利欲惟民鹽牛愼言于當路得免丁未居高曉水莊名十二景日與交遊倡和凡招提佳勝會意處便操觚題數真滇之鄉大夫遊昆明池有詩社集壬子二月時在逸武弁得委祭龍海口歸肆任感請丁夫六千督往注泐剝聚利州人苦之尹言於愼者愼歎曰海已涸矣田已出矣民已疲矣致書巡按趙炳然罷之九月復至逾已未春還戌所六月還疾卒年七十有二丁卯 穆宗卽位

奉還詔通贈光祿寺少卿愼孝友性植謂欲過人家學相承益以該博凡宇宙名物經史百家下至押官小說醫卜技能草木蟲魚靡不究心多識聞其理博其趣而訂其訛謬正德間 武廟聞文獻通考天文星名有注張內閣取秘書通考又作汪張中使下問欽天監及翰林中皆莫知爲何星也愼曰注張柳星也歷引周禮史記漢書以復又湖廣土官水盡源進塔平長官司進貢同官疑爲三地名于長官司上添一三字愼曰此六字地名也取大明官制證之嘉靖初給事中張紳上言時政論學術不正一條有商字颯瑣之語 上問之內閣愼適在館中卽取荀子非十二子篇以復敬所蔣公喜曰用修之博何減古之蘇頌乎乃若論王導之賊晉室辨太王之非翦商營之重祭不始于成王周公春秋五伯深斥乎楚宋秦穆引墨子及修文御覽以辨范蠡無載西施之事引黃泉發蘇東坡之言及李漢韓文序以辨大公與太顛書之爲駁歐陽氏非非堂之說傳節婦唐貴梅之死此又證據古今闡揚幽隱謂其有功世教也非乎至若附情乎豔辭寄意于聲伎落魄不羈又愼所以用晦行權匪恒情所易測者也昔重慶守劉滄貽愼

書曰夫人情有所寄則有所忘有所需則有所棄寄之爲則人無所忌無所忌而後能安無所安而後能適足下所爲益求其適與安也古人買田宅擁幹伎皆豪傑蓋世之才豈獨抱尺寸者之見也僕觀足下自蒙難以來嘔心苦志募文請經延搜百氏窮探古蹟鑿石辨剝泐破塚出道忘有解儒苦士自自迷舊日事纂索所不能盡而謂竭精蕩神於運欲聲色者能之乎斯言也可謂諒愼之深者也慎嘗語人曰資性不足恃日新德業當自心力中來故好學窮理老而不倦平生著述百餘種

王汝舟

王汝舟字濟川別號時齋成都府華陽人少而穎敏乙卯舉于鄉正德戊辰登進士爲句容令三載徵爲江西道御史爲巡視陝西茶馬遷爲山東按察僉事整飭武定諸路兵備已卯以內艱去起復補陝西僉事癸卯秋遷爲布政司叅議分守涼州諸路丙戌遷爲雲南叅政分守金滄道己丑遷爲貴州布政左轄至有聲聲翰躬盡瘁嬰疾卒其令句容則百廢具興六事克舉其爲御史則激揚風紀其巡視茶馬則茶利均布馬羣弗逸其爲兵備武定則戎務咸理巨寇

以平其復僉陝西保任鳳翔兵備則斬木通談訓導督捕以遏關棧聚剽之寇其爲叅議則儲備以足供餉有方美餘三千悉備公儲其爲雲南叅政勸木邦之夷奪三酋之氣還金牌土地歸之版圖其爲貴州左轄破姑息之說勵振刷之氣以消邊患練兵防守會計芻糧以定川冠周天星之亂蓋自筮仕二十四年節操水清賢能茂者才不究用資志以歿始終生死以順以正可無遺憾矣

熊允懋

熊允懋字士勉資陽縣人正德辛未進士嘉靖癸未陞浙江水利僉事往者豪強多侵水利致妨農業及允懋至嚴爲之禁諸所據於豪大家者悉加釐正以業貧民宿弊頓革不畏強禦抗有貴勢挾長欺孤而佔其產允懋一鞠得實力爲直之勢家祈請不已堅拒弗聽輿論快然踰年以憂去

張潮

張潮字惟信號亭溪更號玉溪內江縣人年十二携從父任游學於內翰劉五清之門恒讀書踰夜分母恐過勞戒之甚嚴藏燈帷中默誦不輟父器之撫其背曰見他日必亢吾宗越正德庚午舉於鄉辛未連

舉進士入翰林爲庶吉士癸酉授編修甲戌充會試
同考試官教書內館丁丑請假歸省庚辰復任嘉靖
辛巳充經筵展書官壬午預修武廟實錄乙酉陞侍
讀充經筵講官實錄成陞司經局洗馬賜金幣丙戌
充殿試受卷官丁亥陞侍讀學士兼日講并撰誥勅
日錄國史時上方銳意文學日進儒臣講論經史潮
舉動閒疊敷說明暢每心識之明年戊子主應天鄉
試初下詔變文體就切實殫心校閱務得名士梓文
詞達理到士服誦其言己丑充殿試讀卷官庚寅奉
詔與議郊祀禮尋議分合相半潮據經引史旁及子
集斷以祖宗之舊反覆辨論幾及三千言大約謂禮
之可疑者八難行者二一日合祀之說雖證以昊天
有成命詩序而其詞却又專頌成王分祀者不過援
周禮奏樂於圜丘方丘數語而北郊則僅創自漢儒
標取孝經緯文天神主北辰地祇主崑崙殊爲荒謬
二日六經有祭法有祭天泰壇祭地泰圻之語而亦
無南北郊文唐賈曾表引春秋說王者一歲七祭天
地合食於四孟王肅述孔子云祭天而地配於經皆
無所據三曰易股薦上帝以配祖考舜典止肆類上
帝及祀六宗山川羣神周禮以禮祀昊天上帝以實

樂祀日月星辰而司中司命風師雨師社稷山澤四
方百物各以物祭及月令凡祭祀亦斷自昊天上帝
山川四方宗廟社稷之神而俱不及地豈地道從天
與中庸所以祀上帝之文同乎四曰禮言郊禘或言
郊廟或以社對帝或以社對郊釋之者曰言郊以知
社稷之在國言社以知郊之爲天地亦無的確五日
祭必有服掌王之吉服祀昊天上帝服大裘而冕享
先王先公祀四望社稷五祀羣小祀各有服冕何祀
地祇獨無若同大裘則非夏至所宜六曰祭必有配
祭義云郊之祭大報天而主日以配月孝經云郊祀
本明今言分祭
后稷以配天何北郊獨無配乎七日朱熹嘗言古時
天地定是分祀却又曰五峯言無北郊只祭社便是
此說却好似亦矛盾八曰陰陽之義多矣如祭統以
郊禘爲陽義以嘗蒸爲陰義則曰祭日於壇祭月於
坎以別幽明以制上下何天地獨無陰陽至若周禮
一歲九祭天朱熹所謂當時禮數簡儀從省故易行
者是已今於天歲止一祀而春秋既祭社以專祀方
丘則反崇地抗天非尊卑相承之道此難行者一也
且周正建子故二至祀天地於歲事爲不素今歲首
在寅不從二至非順陰陽之義從之則於序有乖皆

不合周禮此難行者二也惟聖祖時合祀已久雖其列壇從祀非古而當時者令命官分獻各以義起殊與漢晉唐宋神座十數百位者不同今不若循舊爲便時上志先定分祀覽其言懇切誠盡亦不以爲非未幾南郊創造園丘御御史汪鉉請築遷禁垣外冢墓上不忍盡遷限一里之內而止亟上疏曰此正陛下不忍人之心發於至誠遠符文王澤及枯骨之德惟壇去外垣尚遠一里之內墳塚不下千萬餘區倘若於瞻對無妨悉容仍舊其恩尤溥疏下內閣執政者詰謂褻穢園丘匪宜潮應之曰在園丘似褻然天無不覆即遠遷何所逃詰者語塞竟得旨罷自是直聲隱隱起朝著聞矣辛卯陞翰林院學士掌院事尋陞詹事府少詹事兼學士掌府事壬辰聘主會試先是常念舞淑人年高遺疾三疏乞歸侍養不允會陞吏部右侍郎益款託不俸曰忘親以戀官非子也復抗疏網追始復允命給驛以歸入門三越月母卒賜諭祭一壇服闋丙申用薦起復吏部右侍郎丁酉轉左仍兼學士與經筵日講已亥加秩太子賓客充官僚辛丑再掌翰林院事教庶吉士壬寅陞禮部尚書掌詹事府事教庶吉士兼官如舊上疏辭讓詔褒答

之不允辭 上覽詞臣文字最難許可惟湖父知素深屢遷分獻陪祀其獲金帛鉉幣之賜不可勝紀至嘗應制和上奉聖母遊覽有詩賀嘉禾瑞麥慶雲靈鵲有賦賀瑞雪甘露瑞兔有頌賀時雨時雪有疏每被稱賞自元老而下眷遇之隆罕與儔者年六十卒器度凝重與物無忤而中有介然不可拔之操自少即能詩文讀書過目輒成誦尤工楷書人翰林後詩格益高文必根極理道不專尚華藻有玉溪稿若干卷藏於家

趙貞吉

本傳分年八節 氏二
趙貞吉字孟靜號大洲內江縣人生而神穎六歲誦書日盡數卷年十五讀王文成傳習錄驚曰予固疑物理之遠於本也今復所歸矣自二親往從不許遠過誦六經自求之嘉靖戊子甫卿薦走謁故相楊文忠里第文忠稱曰是社稷器也明年下第歸大夫人逝泣曰人世遽忽若是遂兼修出世業習靜古剝不飾沐解衣者數年父資政公強令赴試舉禮部廷對都御史王公廷相撫其卷曰雖治安策弗能過也上嫌其語直置二甲尋悔之乃首列庶吉士特旨留館授編修 上初年銳意聖學後稍惑方術遂上求真

儒贊大業疏執政不憚貞吉日與同志徐樾章切劘
踰度謁告歸蜀爲多士發明大學致知本旨蜀士始
知問學出于咕嚕之上二年冊封三年教司禮監同
修會典充會試同考試官又三年遷右春坊右中允
管國子司業事當此時天下士高者固守物理紛若
射覆一聞知本之學反加詆訾於聖門性道之旨莽
如也慨然嘆曰學之不明未知性也進諭六館士首
揭中庸性道教爲訓諸士聞之懷然舊習若濯而新
是歲爲庚戌乃語當事者曰虜將大舉盍爲防禦計
八月虜果闌入古北口由通州薄都城上破虜疏是
時虜方有求貢嫂書入朝 上詔禮部尙書徐階集
百官議日中某有發一語者獨出大言曰城下之盟
春秋恥之且既許貢則虜必入城要索不已卽內外
夾攻胡以禦之徐公曰足下必有奇畫貞吉日爲今
計請 主上出御正殿下詔引各錄周尙文之功以
賜邊帥釋沈鍊之獄以開言路輕損軍之令重賞功
之格飭文武百司共爲城守遣官宣諭諸將監督力
戰其他無可爲者 上已偵知其言手詔嘉其壯猷
陞左春坊左諭德兼監察御史領勅宣諭并給幣銀
惟所措置然勅未有督戰語可統攝諸將以行也因

以請于相嚴嵩嵩故有卻又其黨趙文華素銜之其
相齟齬而甘心焉故不與事權卽兵曹一護卒不可
得時虜騎充斥單騎出城先詣總兵仇鸞營次謁諸
將宜 上旨激勵付賞功銀一時將卒感奮惟趙國
忠一營駐沙河隔虜則屬鸞傳諭而貞吉以詰朝入
城復命方貞吉之入也仍欲上請督戰已撰有疏草
矣而鸞陰畏之至遂令人請備膳疏故爲遲之入朝
懸疏不來獨以宣諭事畢奏上 上怒謂貞吉領銀
未覩措幣第爲尙文鍊遊說詔歸衣建杖落職補廣
西荔波縣典史癸丑量移徽州府判稍遷南吏部文
選司主事未至進郎中乙卯陞南光祿寺少卿遷南
通政司叅議先是嵩已嗾吏部推以蔣泰因 上問
趙某何在故有是遷丙辰陞南右通政明年陞南光
祿寺卿聞三殿災乃移書執政言大工復作不宜加
賦困民嵩見大忤又三年乃陞南戶部右侍郎時已
聞計歸服闋改戶部右侍郎抵任 上屢遣代祭示
優眷嵩滋不樂亡何有建議薊州增設戶侍一員督
糧練兵者嵩以屬之且召之酒詭曰是行非公不可
貞吉曰人臣之義死生以之復何議哉酒半徐曰今
欲戶侍督糧督京指揮運手抑民運乎若二運已有

職掌卽部中與出蘇州何異添官徒增慢耳況兵之不練其過宜不在是縱十戶侍出無益練兵也嵩作色怒且罷適嵩在告上手詔次相徐公問薊州事徐對以查理當用習邊糧者吏部因得易管理爲查理而以林侍郎行嵩出愈忿而詬林侍郎嗾其黨張給事益劾林不數日并劾貞吉竟奪官去貞吉持論以二氏學通吾儒謂必出世乃可經世論汴遊嵩高抱犢伏牛諸山巡撫蔡公汝南逆而問學遂列爲圖明三教之所繇起曰儒者見之曰儒仙者見之曰仙佛者見之曰佛其實一也蔡梓以傳家食多居玉溪莊嘗爲諸生申致知之旨又爲講說人心道心精一執中大要以中卽性命卽天則也而後儒乃不識中爲何物至以爲物物有之是有同於刻舟之愚雕形之苦殊失其旨丙寅肅皇帝崩隆慶改元詔起吏部侍郎兼翰林院學士掌詹事府事實錄副總裁會
有言幸學祭酒坐講當預擇耆德攝之遂奉旨以原官暫掌國子事八月朔駕幸學賜坐講禹謨后克艱章上見其闡發精明音吐洪鬱大爲感動問之知爲新起用臣益喜尋命解監事充日講官先是北虜陷石州貞吉與執政數議邊事不合乃求補南

隨書既行御史李惟觀南戶科給事舉用中文章言趙某居啓沃之任可以格心贊治不宜置遠地復以禮部尚書兼翰林學士協詹事府事戊辰三月還京會文武邊臣建議欲招練南兵十萬于張家灣力執不可曰曩南京建振武營致大變今乃欲建十振武營於都城側哉況燕薊乃戎馬場豈藉南兵當事者寤遂移練兵于薊鎮惟練南兵三千教烏銃識者謂爲得算頃之奉命教庶吉士仍充講讀纂修又命代祭先師孔子爲皇太子千秋講唐太宗喻太子章賜資無虛日時薊鎮奏修敵臺幾千座以爲徒費無裨戰守因講語中力言之語具爲執政格不得上遂邑邑懷去志而上之眷用意益切尋詔以原官兼文淵閣大學士同諸臣入輔大政一日于講筵謝上面諭盡心輔佐時上多恭默而面諭之者再群臣謂自臨御以來所未有翌日御便殿手詔閣臣謂貞吉已有年當同任閣事又撰勅令中貴捧詣閣下皆特典也先是大同邊臣棄城走爲巡按暨科道所奏而閣臣未有言治罪者貞吉謂宜照元年山西失事例治之執政不得已乃行巡按覆勘爲是遂註籍不出上聞溫諭遣醫賜羊酒瓜果感上睦注乃

上疏乞解贊輔重任退供譴職且言大同之罪惟
視法國是公論清議八字勘之足矣今兵部與閣臣
俱仍姑息臣欲爭論而力不能故懷慚思退 上亟
慰留之是日 上以原票還閣中改擬有不與昔年
虛套之論而閣中猶以將才難得題覆 上姑兩解
之然信任益篤明年庚午上言遵祖制收兵權以飭
戎務略云我朝內外兵分隸五府乃 高皇帝定萬
世太平計免前代權臣握兵之害永樂末年因聚府
兵北伐旋師後遂結營團操乃以三千神機二營附
之因號三大營其實皆五府兵也正統末年嘗變爲
十國營弘治間又加爲十二國營正德間又添署東
西官屬然五營之號未泯而丑府意猶存也至嘉靖
庚午嚴嵩欲爲賊將仇鸞地遂請特設政廳括內
外兵籍鑄總督及政印授鸞夫以五府外而別立一
廳則盡變 太祖分府之意以十餘萬衆而統於一
人則盡變 成祖分營之意向使鸞誅或晚時事之
危未可測也合無將見操官軍九萬人分爲左右中
前後五營各擇一將統之責令開營教習仍以文臣
巡覈之每歲春秋校閱凡將官能否否軍士勇怯技藝
生熟皆得奏 聞而賞罰行焉要令五營齊成精銳

有事則領勅將兵於聞外事畢則納印歸卒於營中
如是則太阿之柄獨持於上而輦轂下有數萬精兵
隨所用而可矣 上曰分營練兵乃 祖宗舊制遂
下廷臣議行時本兵科挾前大同事議遂蜂起反
矢建白本意 上以貞吉兼掌都察院加太子太保
時閱臣高拱兼掌吏部方欲挾權籠制諸臣意假爲
分謫地故推之兼掌院事已而本兵霍冀故糾臣論
劾賊私疑前議大同及已乃於求退疏中誣貞吉主
使疏辦欲付法司究問以糾官邪且兩上疏乞休
上不允乃請給假回籍還葬不允拱尤銜故相徐公
欲中以危法疏言當時議事臣假托遺詔凡 先帝
所斥如大獄及建言得罪諸臣悉加超擢死者贈官
廕子是仇視 先帝近於無君又引弘治間彭程事
欲有以治之貞吉拂衣起曰若是則將如宋奸黨碑
矣拱色變強留乃共改票止於吏部通行曉諭而已
拱以是迄不得逞於徐公後又以故錦衣陸炳爲徐
姻家已嗾張御史追劾炳而刑部以炳一品爵例在
應議例當請勅三法司集議定之奏下國中擬票是
日拱遲貞吉久不至遂徑擬削爵沒產自是拱與貞
吉勢不兩立矣亡何宣大督撫王崇古等奏俺答孫

把漢阿吉等入降貞吉曰大約浮言謂恐閭閻震然
自俺答橫行五十餘年每年邊餉數百萬何年無憂
憂不在納降也惟當請覲與降人官職慰來者心其
制虜機宜一付之督撫乃同改票卒如貞吉言亟令
督撫姑置封貢事徐議之第令俺答速獻投虜叛人
趙全等九人易其孫去且當慎交質防虜劫盟又貽
王書曰吾外憐悉怛謀之附人內恐李文饒之失助
其爲邊計篤切類此先是給事中張齊者爲拱宸劾
徐公而王都御史因訐齊賊罪抵戍後齊倚拱辦復
力擊王與毛司寇欲因以傾徐乃奏行法司而刑科
給事中舒化參寢不得行拱懷怒思一逞於是考察
科道旨從內出貞吉曰是將倚法爲報復計也疏請
止之拱聞卽上揭謂有成命不當中止遂同赴吏部
有給事中吳時來者故嘗劾嵩父子譴戍起用守伉
直不附拱者也拱銳欲去之獨不可爭至日中拱知
其不可奪從之以故臺省之得全者衆然拱益恨且
刺骨喉心腹給事中韓楫枉誣之疏懇乞歸以明年
春抵家諸門人請設教聖水寺會 穆宗大漸哭臨
至哀毀成疾乙亥遂杜門不復會講第擬作二通遺
諸門人內篇曰經世通外篇曰出世通二通各分二

門內篇門曰史通曰藝通外篇門曰說遂曰宗通內
通之門八部而百代九流之緒備矣外通之門四部
而頃漸半圓之旨悉矣欲俾三千年未經指束之籍
聚爲一書以俟來哲是歲十月卽開局編遂乃爲文
祭諸聖賢告始事至冬未疾作輟編丙子三月歲春
於六十有九計聞 上諭祭贈少保諡文肅孝友天
至從總髮與弟蒙吉自相師友剛忠英偉稱其氣貌
解褐卽身任天下憂先一世雖百挫不回至其同學
淵源上探堯孔之微而博辨雄深要歸于道所著詩
文若干卷進講錄若干卷行于世

周 滿

周滿字謙之蜀之廣漢人生甫六歲遭就外傳頗異
絕其儔嘉靖壬辰登進士授南京戶部主事時年二
十有五南戶曹務簡始蒞事卽明作自勵指揮某者
造僞領以冒官儲遂劾而置之法尚書異其少年練
殺通之本科凡制置奏覆倚以斟酌可否逾年監督
浦子口更益植學尋莊定山讀書處拜其墓其祠
刻其遺集於邑齋既還都聞高陵涇野呂先生躬行
君子也內修外文進止可範乃折節事爲師朝夕聽
其討論退而証諸寔地以自稽省事必求無作於夢

寐乃已與諸友俛會業於南都名勝如鍾阜鳳臺牛首獅峯靈谷等山諸名刹各有會所分經子史漢晉唐詩爲課限首以交核行藝相質迎養父南山翁暨母夫人于京邸夙宵必冠帶入子舍候省爲常日令內入市江魚浙酒爲供具酒數行輒高吟座隅吟已起舞當彈吹班綴之樂二親懼甚忘其在客月一起山寺之會必稟白乃行至則各校課程動輒旬餘乃罷戎權雲南府知府雲南爲會府輔轅至則慎守官箴承馭一循事矩刻廉自喜滇海地獨下洩水之口隘甚沙泥易淤衝躍四漫濱海腴田歲收不上數千鍾公私俱病甫入境民遽道自言其苦遂力白監藩承檄往視循阡達觀果如民訴喟然曰是可畏上嘆而貽民嗽嗽乎今惟省役費易府佐督之不易畢事乎乃條濬海口之利與不濬之害畫圖述策以上尋徽同知濬治如議於是淤積漸去海田歲大有獲公私供需咸資爲長利矣逾年遭母夫人憂去癸卯免服補守肇昌力行教化務在敦琢而休煦之育選學官弟子經學道義有師法者列之便座口授經書訓以性命人倫之要學必由橫渠以志於聖人治必法三代爲條教使各歸教其鄉里務種藍田鄉約之

大明水行八里至冬二一

四一

千海

美以藍田呂氏橫渠張子皆陝人也輩氏由是知嚮往二賢尤注意於孝子貞婦鯨鯨毀毀獨貧介之倩里表戶明龍民關世安獨居養母母沒廬墓三年恥從人句貸年三十二未能娶聞之捐兩月俸資于世安置妻舉人陳爵能文死無葬具母妻靡依乃爲爵完葬具復旌其母妻計日給以廩著爲則爵妻得養姑終身生員許國忠楊炯等貧不能葬親舉人何遷等無居各力爲處給棺等始獲居食國忠父母得不暴骨淺壤其喜賑寒瘁類如此又訪遐村孤老得數十人時其寒煖處其粟布病予醫藥間有獻饋肥鮮不入私邸割以頒之弗遺一老以故歲人俸餘亦緣手盡跡雖毗武斷白徒一一寘之法馭屬吏寬平有威不忍褫其中太朴之然嘗洞其陰伏受取雖一錢以上無能匿吏杖過問雖孽賊趙廷學暴聚亡命割掠鄉邑長驅抵肇急圖殪之會羣盜暮夜趨避北匿小城旅舖中密遣力士環而圍之別添兵扼其歸路比明俱就縛乙巳擢廣西按察司副使去後關孝子生千名之曰周父以誌世感華人思慕不已胥造胡都御史殺宗所請立去思碑文至此之文翁冠衾朱北海龐仲達云北赴廣臬廣右多峻山而府江蔽谷連

洞尤易數盜徭徭民賊盤穴其地者十之八賦役之民不及一二山南三洞賊尤雄獍常伏菁薄中候官民船突劫之平樂李進邦陽朔陸公肩富劉劉苟勝皆民賊之崛起者也動率千數入互出橫劫官庫城獄多所侵剽又倚險爲巢跋扈甚往年制府先後雕勦之俱不獲一矢而還始至平樂即思殄寇必先養兵養兵須同甘苦遂減膳省役開誠布公日閑其兵而練之閱五月而兵可用乃遣人齎花幣招撫尋陰部所練兵夜斫其巢斬進邦首焚其穴兵勢漸振復謂苟勝管奪縣民女新寡有色者專寵之乃繫女父

本朝今今今

卷二十一

二十一

二十一

議之以婚賊當死于是誘至其家勒兵擒還其女於父公肩始懼請撫度肩不可鵬勦廉得其甥婿史姻在陽朔爲其耳目謀肩藉得先備以逞乃誘繫其甥婿與之百金悉其出入今千戶朱臣授以秘計是日東下梧州示遠出以弛其備令督治具山寺請肩素善筵以筵內不往月餘復令督申請公肩重違其意厚甲重鎧率精騎來會潛伏精兵於徑公肩受擒從賊四百餘人皆糜散徭徭股慄不敢近陽朔戊申丁父艱歸檢發其行賁止兩木篋貯衣數襲俸銀董董五銖而已張侍郎岳聞而嘆曰昔軒尚書配爲按

察使歸蒲僅二竹箱出門比聞外訃次日遂行識者謂爲純孝今何如周副使之行不停贖也庚辰補山東副使專驛傳屯田水利已改督宣大五鎮邊儲尋赴各鎮盤閱軍儲鉅而帑應徵而絀急令勾綜覈如調參議兵都指揮使以下侵隱諸罪邊鎮肅然復與智帥才臣素著勳名者咨以戰守攻御之宜堡徹築設之備與練習慰帖賞罰信必操切之方酌裁於心退則識之於帙嘗誦劉綎募兵不如養兵擺邊不如合戰數語乃上疏言幾旬所病今在民兵北直素多武勇騎射之士操練本土不以爲勞調戍薊州不

本朝今今今

卷二十一

二十一

二十一

以爲違風土相宜音問相及恒有激烈求試之意山東歲調宜大其人粗悍猛厲不難就死河北義士忠勇素稱山西近邊之民身親戰鬪但選材有方未可榮取乃若南直隸者脫粟之飯不能下咽沙磧之場不能張目一馬裹裝重不至百斤一行蹣跚趨不能百里況望其摧鋒破敵鼓勇立功乎爲今之計無如雷北直隸民兵平居操練遇秋應援其山東河南山西者使相幫貼以俟後處一以蘇徭戶之困一以精武士之選至於南直隸者勢須槩罷但解支費以給北戍是以兩省給一軍兩人併一騎也以壯爲衆以

餉爲遲計其便於此 上率用其言明年癸丑陞山
西參政駐節靈武是時俺答大發犯渾源將聞紫荆
類京師我師防禦其急滿提兵覈餉風不假察旋議
援應方略中飭將領濬修池隄日校武士部勒行陣
擇其梟俊者聞之使兵將識情人精慣藝其有能饋
圍陷陣引射命中寇至能騎戰備立衝突弗動者爲
材勇賞不待時否則撻戮隨之士益鼓勇思效七月
虜犯紫荆督戰廣昌虜逃不敢度關冬虜又入寇督
兵血戰獲級九十捷聞加資白金十兩明年秋再犯
麥川將士受餉總兵李沐馮參將李遊擊皆死焉朝

本朝分省 卷二十一

三十一

四十四

議洵洵後知 連分中計畫罰俸三月滿感 上
恩慮計羣策陳略輯兵志必死綏而頸虜酋爲報甲
寅轉雲南按察使雲南習俗仍夷熒惟南理臨安近
華土珍貝充盈吏於其土者多對遠惕居懷日暮塗
窮之計類浮沉乾沒思滿棄而去至則置墨綬之食
婪者下法罷斥諸債帥庸弁之剝草侵餉者懲度振
肅關竒一切不行乙卯轉陝西右布政使攝篆事屬
歲大侵冬地大震崩山頽陵民屋裂陷水泉飛湧水
盡火出千里丘墟存者驚於訛言奔走蹂躪不足之
羣乘時稱亂府以下倉皇避匿單車徧視輯不逞魁

本坡人械之市須臾亂定已乃於巡發帑諸廣
恩恤帑俸資卹死喪嚴徵巡邏弛役以軫時艱清
繫囚以蘇淹獄修頹城敗庫藉工作以寓救荒停公
宴雜會省繁費以功窮匱復選辰吏四出問遺開中
父老災賑氣獨受賜安堵就業如常丙辰轉山西左
布政使覲地否時艱弗復展布又以在陝文變過勞
成疾上疏乞休不允明年右副都御史巡撫汀虔四
省提督軍務時岑岡賊李文彪賴清規等越境劫殺
火人廬舍故遂下令團練專事開練登場校藝選有
心計者爲帥演練各卒又且懸購賊首優待材官破

本朝分省 卷二十一

三十二

四十五

格齊子不局常條文彪等聞之懼而稍戰而大埔上
杭賊首王子文梁能等亦以次勦平是時兩僉事函
賊首或牽縲反接獻賊軍門滿乃緣虜寇兵與顧未
研嚴功罪浮實及有司將領勇怯效驗具疏以聞又
見皮寇涌出無時兵壯素瘁馳之技術升雖衆大半
乳豎庸闇緩急難倚藩司又多員汰一人嘗攝守數
道復疏請於所轄嶺北嶺東漳南嶺南四道並各專
設分守一人以參政或參議任之詔復如成化中例
仍設參將於會昌節制四省茲分守專設則期會可
必緩急不何擬議參將節制則職有統紀儼臨巨測

則以有制之兵加之烏合之衆如舉四縣兩部復所
請各專設分守如讓任未暮乃疏病乞休而去去之
日猶龜龜指設所奏協諸宜以貽來政爲人沈恂足
智愷悌朗爽特甚一聞涇野先生躬行之說專以四
教三省爲存主務日有可見之業爲尊聞行知嘆世
儒徒嘖嘖認識本來反洗洋而無益於歸宿也平生
靡疾言厲顏忘人怨謬嘗言寧成居人上操下急如
束薪此傲酷安能化人所至倡下吏以公廉相砥感
以至誠遇有咨稟遣委霽色待之語大事釋參問縣
轉以相諷證使各竭所蘊悉對未嘗折逆間有負之
公與人介公與人介公與人介公與人介公與人介公與人介
劉亦必行然終無叱咤相加其有賊不入身能懲前
自淑者反爲枚拭灑過故下吏咸思勸勵爲報有急
輒以聞素精敏吏事手所出奏疏卷移皆文理縝密
不可得反然深以網絡詭度文致人爲惡歷漢粵秦
晉吳楚宦跡幾週海寰然動嬰事變張大嘗以身當
利害屢立戰功議邊備折色皆賦新則與廟堂爭可
否而卒從其議東魯新學顏曰公不爲抗激之履雄
駿之辯厄言而裁羣議之端酌行而趨者則焉修古
文詞惟冥契神理而生色乎自然之質不撮其英而
芳不和其味而調蓋翩翩溫恭君子哉所著有古文

詩賦奏議家譜二百餘卷爲楊升菴所選有文集有
續集行世

齊 準

齊準字平甫成都人賦性公直理學深潛事繼母待
諸弟以孝友聞中嘉靖辛丑進士任戶部主事調停
國計嘗委濟邊儲未幾三疏終養給圍施貧族多不
能婚喪者悉勉力代之其淡薄厥勢利長於文翰名
重一時每以道義作人里族子弟造就居多鄉評首
稱焉壽八十卒之日有見其義冠博帶如雲擁而去
者咸以爲登仙云

文淵閣小字

五

四

何 全

何全字原學成都人登嘉靖中進士自少以文學孝
行稱歷官江西參議有惠政時濱海倭患亟全以身
任事追剿寇於南隍平倭夷於蘇常且奏減歲租以
蘇民困民立生祠祀之以直介附言官忤權貴乃引
歸養重絕跡公門士論益重之

周 冕

周冕資縣人嘉靖進士任御史疏請虔祀太廟慎選
銓曹俱蒙採納又請東宮講學以端國本降雲南典
史尋陞兵部郎中劾嚴嵩父子冒濫軍功力救楊繼

盛寬廷杖爲民 穆宗登極推太僕少卿以父憂歸
卒于家

陰武卿

陰武卿字定夫號月溪內江人生而岐嶷七歲卽能
爲文年十五補邑學弟子員嘉靖乙卯領四川解士
額丙辰連第南宮成進士初授南戶部主事丁內艱
復除刑部陞員外郎甲子陞陝西提學僉事丁卯江
西右叅議分守九江戊辰轉本省副使尋督學廣西
壬辰福建左叅政甲戌江酉憲長丙子陝西右布政
尋轉左兩淮南贛保定巡撫皆不授繼惟南京兆始
授已卯真試事聞中轉太常卿壬午奉勅巡撫保定
癸未以左副都佐內臺理院事轉兵部左侍郎尋右
卽轉左乙酉陞南工部尚書丁亥改兵部奉勅叅贊
衙樞機務戊子夏偶一疾竟不起享年六十武卿由
郎署至八座居官若干年事當爲未嘗不力于爲其
或不當爲也亦未嘗輕于爲初爲郎刑部三尺法奉
推謹兩爲督學使者所至能得士分守九江鄱湖故
盜藪賴壁畫一時江壩如淨練焉在廣西畧臬篆則
贊佐督撫殷公平循僅在閩則與參將俞大猷平倭
亂于興化兩皆受 上賞 總憲江右則點合星抑

豪右貞度肅僚忌者不能中傷其歷左存轄以旬豈
關陝也通民利而錢法大行屬歲稔又大著勞績于
荒政罔星變修省考求利弊十事一日給戶出二日
定本折三日謹收支四日議儲蓄五日清虛糧六日
嚴屯課七日清驛傳八日備邊餉九日辦賢否十日
嚴吏卒議上兩臺盡措之于行又能贊佐督撫董公
殄除妖賊以白蓮教戡衆者太常卿奉 上耕藉田
交天祀地謁陵享廟事事循典故行無失禮前後蒙
賞賚有差撫保定則勦平劇盜行劫鉅鹿新河間者
又以清丈田糧議處賑恤清理河道運塞申飭三關
名月八十分 卷二十一 四
墩堡處欽蒙叙錄賞賚甚多而權璫之藉沒嚴嚴惡
黨爲保等財產無敢一有寄匿者轉兵侍則督修慈
寧宮兼督 壽宮工程又運籌遼左有功滇南緬捷
與有功而科臣兩開保定邊竝亦奏其邊功蒙叙優
賞爲大司空于南也應詔敷陳入事裁造則議減免
拖欠則議蠲免物料則議暫免以至議寬造器物議
香復獲薦議改折皮張乃若杉楠花梨等木議停解
停取種種皆爲國爲民之言後因償還糧儲而敷陳
五事也一請關防以肅漕稅一查工匠以濟工作一
最底船以杜推諉一慎倉廩以嚴責成一清船號以

便僅此則有益于清政者敗兵部欲修舉寔政又敷奏凡六條一補丁壯以寔行伍一徵折色以買糧馬一增火器以固營壘一優撫馭以重巡遊一嚴捕盜以異都會一稍職守以肅官常此則有益于兵政者後因快船得所以處而欲議及于黃船也又遵明詔陳十事一日分大小黃船之差二日減太常官之差三日減駕船之軍額四日處原駕之正軍五日會量之數六日酌量應募之宜七日議接船之銀

日派編應詔快船十日撥差應

人部此則又有益于船政者也竭盡心力知無不

為斯無負參贊專任以憂勞成疾卒贈太子少保郵

典並優厚

賀朝用

賀朝用字道亨行憲其別號也蜀之綿竹人幼穎異隨羣兒嬉戲時露奇質有古人取韋擊毬風稍長善詞說梁詠諧潤達不拘小節年十三從父來行伍偶督戎萬戶以法繩父乃負氣銜憤矢志業儒聞玉璽王太史之賢躡屣往從之遊太史奇之已而晉膠庠試輒先諸士七八棘闈無所遇乃循資克壬子貢四

十餘矣卒業北雍暨守選凡一紀甲子歲謁選天

授景東衛幕人咸為嗟惋怡然自得也蒞任甫三月值土目鳳繼祖之變全滇騷動撫臺呂瀾洽兵憲楊聞其精于數學爭招致惟惺惺待以殊禮凡天時地利軍旅之事必諮訪而後行危期執俘不爽鏘錄尋今督捕白崖盜盡得復督捕迷渡以數占之生擒巨盜數十輩知不可悉誅諭以大義令其自新釋之去於是萬經之賊聞風聳伏稱為神明誓不犯境時與本道朱約所公論事不合無所就委怒叱之即起拜曰烈士雖窮壯心未已身可殺不可辱自此不復得為門下吏矣經行入省下乞休會右方伯陳公大參

朱公聞其賢挽留之已而試以事無不奇中二公深器異之適宜良尹以辜去俾往署其篆發摘奸伏若神江右人倪丙二商於宜良一日出不還同舍聞於官密占其人已被殺沉屍水中顧水浩漫屍無所取乃禱於城隍令三日出屍至期行至水邊命善泅者入水探之未獲通邑人列兩岸以觀俄風雨雷電大作屍果浮出邑人大驚問商素所往來有楊連者其故交也命取其家一童子訊之具云丙二久通連之婢連知之不問是日丙二觸連出亟如楊氏值連回無可避連慚佯以棒戲敵之本無意殺之也適誤中

類定連懼事露乃三求篋繫以石寘水中非雷斷其
篋寃不得白其聽斷皆此類既乃聞岢峨二尹之報
久之始得代赴岢峨時會平溪獠蠻構變臨安張兵
憲呈允兩臺擬添設督捕丞其地西通沅江南接交
趾自古蠻獠盤結之所欲擇官相度而難其人於是
委臨安二府金河西文尹岢峨張尹以其習知地利
且夷人素所畏服俾參護行事焉甫入境蠻落萬衆
瀟漫山谷呼噪而來諸委官皆驚走蠻不問獨其扶
昇朝用深入山藪中引寘高坐獠衆羅布岡厓惟首
長俯伏座前聽指揮示以某地堪爲官舍令分工刻
期刊木治土營屋一區繕以週垣其外開街道通諸
巢簪華酋稽首奉命不三月而門堂解宇秩然嚴整
遂爲城市癸酉三月遷昆明尹巡撫鄒公尤愛重之
既視事聽斷益神閭里毫髮之奸無所隱人共以城
隍解之鄉官鄧主政家蓄萬金初有一子聘顏府同
女後子亡主政繼殞鉅業無所屬妻賈潛以帑物輸
於顏將改適焉姪世彥訟之撫臺臺官驗之沒於賈
賈賂糊復命再委朝用往一一檢所歸於姪是時巡
臺馬公稱爲卓異然性剛褊好直行已志不屑習特
套辦餉以希世好解伏藹應多不適上官意且以衛

幕拔起爲令長而破撫臺寵重人多忌嫉之者亦且
分數窮屢以情告乞放歸終不可得每鬱鬱數日其
命也夫居無何鄒公被人言而新代巡郭公與撫臺
雅不相能嫉者乘間搆之曰賀某恃寵傲物依勢受
賄請按之時德衣束書行有日矣適報者止公母行
新院且有後命入謂鄒孺人曰數不可逃也吾年踰
六十可入牢獄丐生耶又曰爾大數亦至奈何朝用
挾中負氣素以廉自喜一旦被污蟻憤不可忍遂自
引決鄒孺人哭曰夫死我義不獨生且夫先詔之矣
亦自決初蚤歲遇異人授以神術凡人事之通塞機
舒物理之羸絀倍覆天道陰陽之愆伏調適咸預言
之尅以日時百不失一然深秘其術而一假於相以
爲言故人以神相目之其將赴瀆也別其署州事節
河溫君而栗溫請曰先生茲遠行何以教我則應之
曰祖公萬福但三日後州前有小變當流血溫君大
駭徐曰勿憂非州事也越三日番人節撈爭於州前
果刺刀焉幕景東時滇南大旱巡撫召之相曰須董
太守至乃可言之陳公曰吾爲一省主顧不如郡侯
耶對曰不然方今旱災惟雲南一府公之所轄廣矣
何可占公然之促太守至熟視之曰喜可賀矣本月

二十一日戌時雲當合有微雨三更而大鳴黎明雨如注非三十不止至期言無一不酬公大奇之以書薦於巡臺見嵩劉公劉公見之曰吾雅不好呈相無已姑視我子息乎察之曰子宮甚佳已有成名之慶公曰無妄言曰九日後佳報且至名列賢書第幾何敢妄對已而悉如其言其轉昆明也同筆硯陽宗令文君嘉謨往賀之乃酌之卮酒而語之曰兄亦遷矣何以無報文君不以爲然引其臂出檐下諦觀之曰遷則遷矣而不甚滿意其將有兔園之遊乎文君不樂而去明日閱邸報不誣其術之神也大率如是

陰秉衡

陰秉衡字振平內江人隱居潦園作文翰樓貯書千卷手不停披口不輟吟平生著述惓惓於天理人欲邪正異端之述嘗參酌朱子家禮爲陰氏慎終錄及婚禮節要鄉人呼之曰隱孟子

吳泰

吳泰井研人任湖廣監利知縣事祖母以孝聞母徐氏目盲泰以舌舐之母曰復明鄉人稱爲孝子當道旌獎其門

楊惟懷

楊惟懷新都人從父宦游扶母親歸至三峽夜遇羣賊聚皆逃匿惟懷獨守母棺賊疑其有財欲殺之惟懷以身什柩賊殺之沉尸於水母柩得全

張時中

張時中金堂人父傑目盲旦夕躬授七箸夜必焚香額天如此者三年偶遇賢復明及患腹脹常同卧起遍求醫藥尋亦愈父常曰吾無報汝願汝子亦如是也薩冠王城弗可守棄其妻子負其父先逃累遇賊哀求得免居畏哀慟祥禪如初起復爲清平司訓

羅天祐

羅天祐漢州人來遊長寧市若顛若狂善言人得失嘗隱語書鄉榜封以寄人撒棘無不驗倭入成都見司戶薛紱于座上而化

邵道人

邵道人者蜀人也至慶陽年六十餘矣道人不言凡所顯指色授故莫究所自來然見之者卒知其異人也道人館於鐘樓街周家築土版稍無晝夜露坐郡中諸子弟少年爭來事道人道人凡所顯指色授之諸子弟少年無不當道人意者道人喜看病病者家請片片令請者數日又令其嗑唾可活道人則目諸

弟子諸弟子卽置飯病者前道人出其袖中錢尺讀
飯上誦大悲咒已起尺摩病者曰瘥矣脫不活道人
則趨而出病者家以死期請道人則出其指示日數
如其指數然道人不取錢每歲自正月始活一人取
其布尺其袖裏完弗取也病者家脫有見飯使道人
以梳列諸案無問多少道人食之若加飯更以梳列
之不食也若見具是草惡食道人卽喜食之日更爲
造美食道人則不食其見飯或雜葷物道人日第擇
去葷物終不欲更造也道人善飲水鄉野人聞之爭
來請願觀道人飲水道人微笑領然之弟子前置水
道人目弟子令鄉野人自置水亦以梳列諸案無問
多少道人飲之若冬月水水則聞道人齒間澆澆聲
頃之肩膊面紅汗欬欬下若兩也若十餘年忽謂諸
弟子曰吾將歸歟諸弟子曰先生福慶之人慶之人
無敢慢先生者何遽言歸邪道人不應一日道人設
几三層而坐其上諸弟子始悟其歸謂死也環守之
夜有登几而伺其息者道人爲揮脇墜焉夜半霹靂
隱隱起屋脊若戈士思馬駭聞之聲諸弟子震懼伏
地天明起視則道人死矣

補遺

楊訓文

楊訓文四川茂州人故元淮海書院山長遇亂不出
乙巳年主師下楊州以儒士見留侍左右五月拜起
居注尋遷中書省左司郎中洪武元年陞太常寺卿
二年出知湖州三年移知汀州四年陞禮部尚書協
陶凱理部事是歲舉舉進士命禮部尚書陶凱與前
侍講學士潘廷堅爲會試主司至廷試又命訓文協
陶凱提調得進士吳伯宗一百二十人號稱得人本
年改戶部尚書

胡亨

胡亨字伯泰四川井研縣人洪武二十六年貢士除
山東道御史靖難後丁憂復除北直隸 欽賜御製
圖書清風御史箴丁憂後除雲南道陞陝西僉事致
仕

梁萬鍾

梁萬鍾字天錫四川溫江縣人成化戊戌進士知仁
和縣興利舉廢崇教厚俗斷獄明慎冤滯者多所平
反子惠之聲浹于里巷邑人肖像祀之三原王公重
其不造謁權知杭州浚西湖以清水使早澇有備新
岳武穆王祠政尚寬簡陞兩浙鹽運使未逾年乞休

逆理特據細事代民償通負三千金盡鬻己產輸官
帑不分慮年九十康強無恙課子孫相繼登科人謂
循良之報

劉士元

劉士元字伯儒四川彭縣人正德六年進士除御史
建言廷杖降麟山驛丞嘉靖四年起湖州府知府累
陞副都御史巡撫貴州疏請致仕

王之臣

王之臣字敬充四川內江縣人前福建道御史王
言子嘉靖十四年進士由行人選廣西道御史疏論
夏實溪調行人司正陞戶部郎中累陞福建左叅議

李鳳毛

李鳳毛字子翔四川彭縣人嘉靖二十九年進士由
大明府推官選浙江道御史巡按宣大以邊功陞光
祿少卿調南太僕教仕

人物考卷之一百八目錄

四川保寧府

蔣良輔

趙欽

蔣義

何濟

任彬

劉孔凱

李冕

唐仁

鮮弘

李實

任儀

雷應通

袁璋

楊輔政

荀惠

荀濟

何光祿

趙炳然

王尊賢

順慶府

范循

王鉞

張永清

馮牧

楊純

魏必通

馬廷用

李陽春

江萬實

石天柱

孫仲玉

韓士英

馬馴

王翰臣

張羊

東以蒙

楊麗

王嗣文

李應和

陳于陞

向信

熊孟龍

王佩

補遺

王褒

王周頤

王德完

叙州府

郭廉

梁承宗

李從智

牟倫

黃仕儒

李永通

周洪謨

李本

吳道宏

侯旺

劉忠

周汝端

陳卿

楊僕

侯啓忠

李仕清

劉景宇

周惠

甘爲霖

駱順

卞偉

蘇金章

本朝京省人物考卷之一百八

四川 叙州府 重慶府

蔣良輔

蔣良輔保寧府閬中人洪武三十三年任本府儒學教授學規嚴整課試有方勤於教迪造就生徒居多知府虞謙重之薦于朝陞給事中擢吉安知府

趙欽

趙欽洪武舉人任宿遷教諭考滿之京太祖欲授重秩對曰臣有過不應取生員米三升以待急客上笑曰孔子所謂束修非止此也因歎曰取米急客權也爲臣不欺君忠也命吏部就祿侍養除新都學諭造士有聲欽世家廣元

韓義

韓義南部人貢士博學善詩時有行人巡茶至縣以權稅爲民害義上書言本地無茶行人強權殃民縣官被其拘留不得上請帝嘉其能言除南甸令

何灝

何灝巴州人州學自洪武乏科百餘年滿以儒士登原賢後科第相續並仕龍泉政教大敷聲修隄防爲一方保障安歸補輸檣值歲荒多方賑濟全活

尤衆

仕彬

任彬蒼溪人景泰間由舉人授雲南石屏守俗雜夷漢立社學改州學選質美生員授以經義親督課業次年舉鄉試者二人時有長官司吏目高秉權被頭目刁諒毒死委彬檢勘刁諒潛逃黃白金七百兩拒絕不受明正諒罪人服其廉

劉孔凱

劉孔凱閬中人由進士授太平令正風俗興學校有馴虎甘露之祥陞戶部郎中辭疾家居講學不輟著夢覺稿詩文語錄

李冕

李冕晉城人天順間進士成化中歷湖廣僉事征勦辰靖叛夷擒獲水寇有功陞福建副使持憲有聲尋陞陝西按察使官與周瑛講明聖賢之學學者稱崇岡先生有崇岡集

唐仁

唐仁字秉元號鳳山保寧南部人自少篤問學治春秋繼以詩薦秀鄉闈累奇於會試天順甲申始成進士親政大理詳練律學正統初勅吏部選諸進士

之選事皆補官六科拜兵科給事中頃之丁內外艱服開調官吏科以都給事中缺命掌科事尋遷左給事中每歲吏部選官仁預其事量才授官無不允當直登聞鼓有赴訴者得報遂駁行無或少滯法司會諸大臣錄囚仁在列凡有疑獄必力爭不已代王泰守將徐都督不法上命按其事悉得其情元惡首服餘寬宥皆釋朝廷以邊將郡守不可輕授召廷臣各舉所知仁以指揮劉良知縣馬球舉卒皆稱任立朝幾十載凡時政缺失靡不盡言扶正抑邪無所畏避

文淵堂手抄本卷之二

鮮弘

鮮弘閩中人任醫學正科天順間寇掠南部逼閩境府檄弘率民兵禦之道遇賊奮擊死事聞俾孫義世襲其官

李寅

李寅巴州人弘治進士授翰林檢討陞岐府長史動有禮法守正不阿有中官欲侵旁郡葺稅實執不可遂誣之下獄事白中官反坐改趙府以三品致仕

任儀

任儀閩中人進士選吉士授御史適權貴以內命建

佛會于興隆寺一御史乘馬過寺門爲宦者所辱儀上疏劾之坐是外補歷選山西右叅政忤逆瑾再謫西安府同知

雷應通

雷應通嘉川人正德間流賊衝百丈關知縣何濬提兵拒敵應通父子七人踴躍倡衆誓以死戰爲賊所執各慷慨就死

袁璋

袁璋南江人正德間盜賊倡亂都御史林俊委令殺賊璋奮不顧身所向有功其後兵盡矢竭爲賊所獲

本朝人年分考卷之二

四庫三

男袁襲挺身救父連殺七賊被擒獲死三日兩目猶瞪視其父林公爲詩挽之榜其門曰父子忠節總制彭澤嘉其節義勒石城隍廟祀於忠義祠

楊輔政

楊輔政通江南山巨族正德間督率兵衆追鄧藍賊于羅江列坪鎮賊屢戰屢却輔政乘勝逐北孤軍遠入援兵不前力戰皆沒都御史林俊聞于朝立忠烈坊以旌之

苟惠

苟惠通江人剛烈有膽略藍賊起惠率衆合羅猶軍

為犄角以擊之賊破走龍潭惠從間道衝殺賊溺死
水中水為之不流復與戰于松樹柵殺傷甚衆會日
暮賊伏兵出惠力屈而死

苟潯

苟潯通江人惠族弟臂力過人藍郢陷城縱火煙焰
蔽天潯帥銳卒五百人合兵進擊賊敗于三花頂兵
聲大震遂敗賊于龍潭屍骸枕藉山谷後數百賊潛
入潯家潯短兵接戰千門身被數十鎗父子兄弟同
時遇害者三千五人

何光裕

何光裕嘉靖進士由翰林諫用仇鸞廷杖卒 世宗
遺詔贈太常寺卿所著有石卒初集傳于世

趙炳然

趙炳然字子晦四川劍州人嘉靖乙未進士拜監察
御史按浙江正大悍風裁屹然核吏治糾官邪察
民隱部內不嚴而肅歲壬戌浙撫臺以事逮詔獄炳
然以兵部侍郎復來撫浙前撫院有懷寇功用日益
奢頗以此失士民心炳然既受代身持節儉以緩靖
民士諸浮淫蠹政者汰冗食定兵制減額餉立哨道
還刺唬兵船建羅木營先是浙兵未練調集客兵以

勦賊立功素已驕恣又不立營舍以安戢之往往寄
寓僧寺或散處民間出人無程去為奸盜甚則白晝
擄金暴橫無已炳然深知其害乃建營分處各兵禁
其出人有犯禁者即按誅如律兵乃最浙人感其德
貌像營中祀之炳然立身居官以誠為本天下識不
識皆知為正人端士云仕終兵部尚書肅太子太保
謚恭襄賜祭葬如制

王尊賢

王尊賢閬中人性剛介博學能文嘉靖間貢至太學
時上好方士多災異人莫敢言賢撰聖學要義中
和衍義上之及諫立 東宮忤權臣下獄已而 上
聞其善奇之謂輔臣曰布衣敢言當世事忠臣也釋
其獄授程希推官有異政致仕歸貧落如韋布時著
史學辯疑紫霄文集

順慶府

范循

范循南充人永樂初進士授御史陞青州僉事耿介質朴克持憲紀有古人風

王鉞

王鉞營山人永樂中以易中式隱居翠屏山不仕號竹壑老人言動不苟侍御方昇贈以詩曾同壑宮拆桂花歸來林下度年華于今兩鬢俱成雪萬竹森森暮景賒

張永清

張永清南充人景泰中進士選翰林庶吉士授禮部主事權知嚴州府爲政嚴明歲饑不待報請減稅額關沙渚沒豪石田以給貧民御史上其狀璽書褒美

馮牧

馮牧南充人景泰中進士任戶部主事權知延安府改仰武寬賦役雪冤疑建陽賊彌聚直抵巢穴擒斬賊首民賴以安陞湖廣叅政以親喪去任廬墓哀毀養疾不出士論高之

楊純

楊純歸水人成化中進士任監察御史巡按貴州決

斷如流任滿百姓乞留一年上許之民謠曰歸水楊相願年年巡貴陽貪污畏法軍民安康陞陝西副使去之日黎僚遮進攀留

魏必通

魏必通儀隴人成化中文成醫學調科賊犯境成率兵禦之破虜必通入賊營以身代父賊乃釋成而留必通抗言不屈被殺邑人皆恤其孝

馬廷用

馬廷用字良佐西充縣人丘濬爲祭酒時李試諸生以廷用魁太學名遂太振中成化戊戌進士改翰林院庶吉士授編修丁未同考會試陞侍讀充經筵官

乙卯主考順天鄉試預修大明會典陞南京翰林院侍讀學士南禮部右侍郎致仕尋卒賜祭葬如例

贈南京禮部尚書廷用敦朴樂易而所存饒介臨事能斷在南京嘗攝戶部會江北大饑流民渡江就食者相屬獨持議發廩不俟奏請全活甚衆外守備官與太常議禮不合判數語立決學達于易喜爲詩文亦華贈父居散地勇於求退士論多之子金爲布政使僉爲知府

李陽春

李陽春渠縣人弘治中進士任行人奉使名藩便道一無所受居諫議彈劾不避權要以太常少卿致仕歸恂恂如書生狀鄉人敬服

江萬實

江萬實大竹人正德初進士任監察御史巡按江西抗疏言事動關國體時討寧麻人及平華林巨寇咸與有功時稱名御史

石天柱

石天柱岳池人正德戊辰進士歷都給事中立朝敢言乙亥武宗北巡力請回鑾戊寅駕南欲幸宣

府天柱刺血書疏以進遂止兵部尚書彭澤被誣當

刑天柱陳澤征伐功忤旨外調世宗御極詔復前

職尋陞大理寺丞卒于官所著有秀峰集及奏稿

孫仲玉

孫仲玉南充邑民正德癸酉流賊侵縣仲玉與眾守李灘為賊所獲令探水仲玉示不可渡且呼眾固守之賊不得渡斬仲玉送去總制彭公大書忠義以表之御史周雍曰使當時眾惜仲玉仲玉惜其身害未可知也是蓋聞紀將軍之風而興起者乎

韓士英

韓士英南苑人正德進士授主事權稅江西時宸濠不執士英持正不與通及守約陽弭盜服饒屢有異政歷都御史巡撫鳳陽晉大司徒改司馬滌蠹減租選將練兵卓然有聲于時

馮馴

馮馴岳池人正德中進士授戶部主事會乾清宮災疏弭變七事言甚懇切出守興化除二虎三彪政治肅然謠曰馮太守來何遲書吏瘠百姓肥銓部考最榜天下第一官至江西布政使

王翰臣

王翰臣渠縣人正德間進士居父喪一遵朱子家禮監司聘以金辭不受妻李氏卒終身不娶事繼母以孝關授主事歷鹽運同知力祛宿弊官民便之卒於官囊無餘物人服其廉介

張芊

張芊正德中進士為郎中權稅浙江以廉名擢漢中知府持法公平不逐時好所至有遺愛芊順慶人

陳以勤

陳以勤字逸甫號松谷一號青居山人其先世自關中來居南充之水西里母姓時學有星如月光燭庭

階飯有神降授以研寤而生幼穎異不好弄伯父器之曰吾陳三世爲儒鬱而未遇其在孺子乎益發憤與季父相師友銳志經術年十八爲郡博士弟子才名籍甚丁酉領鄉薦辛丑第進士選庶吉士癸卯授翰林院檢討乙巳代制草充會典纂修官丁未分校禮闈尋請告侍父歸已酉居母喪壬子服除是秋充裕邸講讀官丙辰遷修撰戊午進司經局洗馬兼翰林侍講初兩邸並建而位號未定羣小窺隙構釁動搖百端密勸穆皇變遷藩邸規左右戒屬垣多方調護之一日分宜子屏人語曰稍聞殿下有感志謂家大人何新鄭故爲誰語勸正色曰安得此言夫國本固懸定久矣乃生而命名從元從土若曰首出九域君意也故事諸王講讀並用檢討今聞一編修獨異他邸以示崇重相意也殿下每講尊公社稷臣安得此言分宜乃安侍裕邸九年穆皇嘗手書忠貞二大字及啓發弘多四字賜之庚申間父喪賜祭賻及綵幣路資癸亥服除仍代制子選侍讀學士掌院事總校永樂大典亡何遷太常領國子祭酒事乙丑擢禮部右侍郎尋改左明年改吏部左侍郎兼翰林院學士教庶吉士穆皇登極

召見賜餐有加是時天下想望太平而勤以舊臣首上謹始十事定志保位畏天法祖愛民崇儉擢權用人接下聽言比于姚崇要說云丁卯遂詔以宗伯直文淵閣參機務總裁世廟實錄同知經筵事會大典成加太子太保直武英殿尋以大慶加少傅兼太子太傅戊辰神宗五齡正位東宮出遇輔臣于馳道勞苦之勤仰見睿姿退而頷乎曰宗社萬年慶也時華亭徐公當國而新鄭用事兩家門客乘其隙交章相攻朝士或左右袒動獨中立無所附竟二公法私議不及之嘗自言朝廷置輔設參本爲協心體國安事爾後乃事事懷不受言或引嫌不盡言皆非也故在政府若金石相宜損虜共和及當大事果決不疑正色昌言不爲首鼠兩端又言執政者虛心潔已奉一人威福聽百司公議案網維綱頗奇進忠賢抑躁競慎守祖宗憲令罷一切紛更恬然而天下理矣自古賢豪功名蓋天下而無功名之心心喜功名天下始多事勤相業雖未竟而其梗槩則定于數語矣隆慶初法令畫一海宇校亭又以時政尚恭默希所裁決而近侍多緣內降得授恩於是疏言勵精修政四事甚切至上心寤已有詔令司禮

置設文書案視 先朝後竟罷之疏亦留中論者惜

對庚午以從一品滿蒙羊酒鈔錠之賜應一子中書

舍人而是時新鄭內江外猶引重而中矛盾江陵因

構其間于是堅有歸志然猶上疏陳懷懼用酌久任

處職吏廣用人練民兵重農穀六事其秋遂乞骸骨

上慰留其溫疏四上始得請加太子太師吏部尚書

致仕 賜置書嘉葬給驛歸遣行人護行有司給廩

復 陸辭之日 上日送之而諸籍紳祖道者車馬

填溢瞻望咨嗟立朝三十年歷館局卿貳以及宣麻

一務直已守義奉公履正上結 明主而下爲物情

所歸有問以應事者自行其初心得失勿問以是想

見其平生矣貌古氣清與人交表裏洞徹不設町畦

而其中有介然不可潤者議論慎重不蔽的不發生

平獨好古法書名繪藝器至其奉身粗糲之食澣濯

之衣泊如也其學以倫紀爲大宗操修爲實地謂古

人盛德大業自勤小物慎一介始故居恒不輕取予

卽燕襲衣冠危坐見世儒聚談性命掩耳不願聽曰

儒者玉學饕食飲求爲耳獨行不愧影獨寢不愧衾

獨居不愧屋漏安事多言人有迂而笑之者曰作法

于迂其弊猶通作法于通流汚何極或又謂此不近

名乎曰夫無實而外自標幟者電光蜺采耳若實也

日月星辰麗天自古所爲垂簡編勅最著皆是物也

奈何弗好爲文初宗馬遷後頗尚曾子固既參大政

不復修詞人業獨手錄古人名臣批忠扶傾解紛應

變之蹟口誦心惟設身其地而懸車以後乃喜佛書

時與高僧遊葛巾羽屨要安小園中更不問戶外事

至開端人者碩進用色動眉端有不當未嘗不噴蹙

也庚辰七十 上出尙方綺幣寶鏤命子子陸歸賜

且令兩臺使者存問海內鮑之平生少疾歲觀齒耳

豪寸許面有嬰孺色偶以暑月燔下遂不起往數歲

本朝今有命考 卷二十一 人

日星河漢卿雲鶴鶴鶴鶴然從列宿間讀也卒之

前日有大星自西南墜一郡皆驚蓋與母夫人夢徵

合云

楊麗

楊麗南兄人嘉靖中進士授戶部主事歷守楚雄府

有惠政民立生祠以祀歸與諸弟怡怡一堂分財讓

產人稱賢行君子

王嗣文

王嗣文大竹人由歲貢仕至山東副使時齊藩事多

不法嗣文抗直不阿力爲裁抑後皆畏憚無敢干紀

著

李應和

李應和大竹人由進士任給事中遷參議廉介自守以德化民有侵官地若干畝者有司漁獵其利置不問應和清出還官計畝徵稅官民兩便人立碑頌德

陳子陞

陳子陞字元忠別號玉壘世爲順慶府南元縣人太傅以勤子也太傅爲檢討時生子京即生時室中夢有仙音導從自天擁一人下已而生太傅異之生而穎慧讀書如夙習太傅不甚督勵志下惟有所綜繼

本朝金省公劄考

卷二

五

四

結誤輒如太傅旨太傅益喜曰是真類我辛酉年十七舉鄉試第四人戊辰舉禮部第三人對策高等尋改翰林院庶吉士時同館皆一時之選而太傅方爰立出從諸彥歸奉庭訓博綜考鏡銳意於文閣試每冠太傅常避不閱卷徐文貞笑謂太傅曰我安知爲公子衆實有口公何不學祁大夫庚午授編修尋充實錄纂修官時太傅意有所不可輒上書乞骸骨固請扶侍同還蜀中父子晝繼世後爲盛事壬申秋復如京師會 穆宗實錄成陞修撰旋以太夫人憂歸丁丑以 世宗實錄成陞俸一級服闋以原官充日

本朝金省公劄考

卷二

五

四

講已邪以講敘敘勞再晉俸一級庚辰太傅公年七十矣上疏乞歸省特 詔有司存問賜予陞銓幣乘傳歸省故事大臣里居滿八家始存問而太傅以七十得之稱異數云大傅歸集里中者舊如任太史瀚王恭節十餘輩爲高年會陞從太傅身行酒炙必極歡乃罷太傅雅愛嘉陵當玉山構後游焉乃集唐詩詠江樓者命童子歌以佐觴凡可娛太傅者無不先意承之類如此癸未仍補日講兼起居注甲申權司經局洗馬乙酉主順天鄉試晉侍講學士丙戌秋太傅訃至京哀毀骨立 上仍賜銀幣給輓所以贈卹

更稅而不與苟不及此時修正史何以昭一代之盛
乃上疏請俟宋正史例開局纂修 詔允行甲午春
感疾乞歸 上慰留不許是年秋 詔簡閣臣 命
以原官兼東閣大學士入閣叅機務感 上拔擢首
上六事一曰接見大臣二曰採人才三曰勸募外史
四曰清查邊餉五日儲養將才六曰選擇邊史大意
謂今 至尊端拱忠良沉滯吏治惰窳國儲匱乏邊
隅多警武備未修失今不為更始後將何極以 肅
皇帝之精明而末年貪黷成風夷戎交侵則倦勤之
故請亟修朝講召對之典以振綱紀張聖嚴召還斥
本朝人 卷二下人
論諸臣而後以賞罰隨其後人情重內輕外今後行
取宜及州守太守治行高者卽入為列卿巡撫宜叅
用內外果賢則又任之歲入有限邊餉日增宜簡主
餉曹郎重其權使覆虛冒將帥國之爪牙平時宜令
公卿大夫各舉所知武舉外別立一途以收異才邊
吏宜擇人與地宜者銓註令習熟邊事以需邊道開
府之用錢幾萬言皆其素所籌畫而稿積者也
上皆嘉納允行乙未二月以西塞功進太子少保已
滿二品考晉太子太保賜賚加優仍廢二子入監讀
書是冬言官同時被 旨落籍者二十餘人南北臺

省幾空獨上疏曲為諸臣營救若謂諸臣建白各有
主者又或遠在留都或奉使外省平時往往抗直不
避繁而遂之是言亦罪不言亦罪天下且謂 陛下
陰惡其言而各以不言斥之臣等亦何以自解言極
委婉意 上或稍解竟寢不行然中外翕然誦之未
幾 兩宮災同諸大臣直叩內殿問慰覲得而陳不
獲已上疏引咎自陳乞罷不許冬至有事南郊感寒
疾竟不起 上聞震悼命宗伯諭祭賜賚加渥又諭
皇長子故閣臣于陞有講幄勞特致優賜尤曠典也
贈大保謚文憲生平端凝雅重外和內介被答接者
六行八行物考 卷二下人
如坐春風而砥礪操持凜然不可奪自史局以至政
府謝絕餽遺門庭如水性澹素雖生富貴衣不御鮮
華飾不享兼味一切濃醑嗜好泊然無涉惟好聚
古今墳典閉戶伏讀為詩文冠冕宏麗居然盛世之
音嘗著文樂軒記以見志而所注心者尤在經世之
學考究往代典制朝家令甲與未名臣碩輔所規條
厝注者故首創正史之議先勸諸大志欲使六曹九
域之故彼春可得上備九重乙夜之覽下令當事者
有所據以應猝意頗深遠一參大政即毅然以擔當
國事為已任其矢謨効惻功在 廟社者良多通籍

三十餘年與修實錄者二總裁正史者一入侍日講者三分校禮閣者一典主文衡者二主上養之以爲舟楫鹽梅而海內仰之如清鑪大呂沒之日無賢不肖皆嘆息其賢始終完結毫無點垢可謂得全全昌者矣所著有萬卷樓集若干卷藏于家

向信

向信字秉誠四川岳池縣人少而穎異既長就學聲名燁燁出流輩上庚午舉鄉試辛未登進士選河南府推官法比吏事如素練然僚屬羨服之尤留心民務高縣有永通渠久涸不涸力爲濬之靈寶縣有沙礫地若干頃爲請蠲其租陝州臨黃河溢徙別道其積歲不決令取爲軍民牧馬場至今便之劇賊劉六之亂分守新安縣城督令丞修戰具揚先聲明號令羣寇備於西犯城得以完收被虜婦女以百數令遺室家獲棄遺畜產亦數百總制彭幸菴上其功有銀牌綵幣之賜甫滿初命薦剡七八上徵人爲浙江道監察御史未幾以母喪去位嘉靖改元服闋北上值新政初陳講學用賢六事詔嘉答之其他論列極多信幹宇軒昂揚休山立未別色入朝人望而知爲向

御史也與人交有信義而和氣款言無少長愛之居閑好讀書爲詩文有古意又善射儀臺中的巧噴四座飲酒不多而惟冷竟席環居種竹因自號竹溪綽有晉人風味焉

熊孟龍

熊孟龍南充人進士歷官恭政先知南昌府廉潔方正時稱循良居鄉孝友閭里感化

王佩

王佩南充人由進士性剛毅不隨時俯仰歷湖廣副使獨持風裁不畏強禦及解歸飭名勵行鄉評推重

補遺

王衷

王衷字廷驍四川廣安州人嘉靖二年進士由行人選湖廣道御史十年督理屯馬巡按湖廣以議大禮廷杖復職十五年陞河南副使疏請致仕

王用禎

王用禎字子周四川南充縣人嘉靖三十八年進士由東陽知縣選廣西道御史巡按廣東隆慶元年建言降斬州判官陞承天府推官累陞惠州府知府疏請致仕

王德完

王德完號希泉四川廣安州人萬曆丙戌進士改翰林院庶吉士戊子授兵科給事壬辰陞禮科左本年陞戶科都甲午養病庚子補工科都建言爲民修議官闡之事痛快激切落職里居二十年杜門養高庚申起太常寺少卿陞左僉都又陞戶部侍郎未幾而卒

叙州府

郭廉

郭廉富順人永樂初進士歷尚書疏諫北征詞甚剴切直聲聞于中外後歸鄉里有中貴至邑誅求太甚廉東帶見之既退中貴曰郭公在此遂去

梁承宗

梁承宗宜賓人永樂進士歷山東道監察御史秉公執法風裁凜然親老乞歸養詔許之

李從智

李從智宜賓人承樂中進士任大理寺評事議獄無枉陞知蘇州府廉能著聲陞鄉黨置義田以贍宗族之貧者謝病歸屢徵不起

牟倫

牟倫宜賓人永樂中進士任監察御史直言抗疏百折不回叙南衍軍每苦遠調奏免之立鄉社以作養後學郡人咸敬慕焉

黃仕儒

黃仕儒字庭臣世爲富順人自幼穎敏絕人書一再讀卽成誦甫弱冠於五經四書諸史悉通大義入邑庠爲弟子員一時流輩皆師事之宣德戊午領四川

翰林院一壬戌登進士以儀觀文學選兵科右給事中
中偶在言路知無不言然小心謹修凡所論奏必委
曲開論以俟 上裁未嘗以言事得罪三載秩滿復
膺 勅命陞本科左給事中久之陞太僕寺左少卿
先是馬多耗每歲民鬻子女以償仕偶往鳳陽等府
巡視學生馬匹見軍民以車載小口賣以買馬者相
繼於道歸卽疏其可矜之狀 上爲盡蠲所負時北
虜寇邊 上命偕左都御史王翱經制其事王方以
風節望天下同列鮮富意當仕佛出謀發慮出人意
表王深器之遂相與歡洽如平生還朝言天下大利
害前後章奏凡數十上多見采納丁丑 英宗正位
簡賢圖治進刑部右侍郎治獄平恕務得其情民有
奸其女者誣以強獄成法當死疑之請再鞠不一其
語具得誣狀會山東囚奉 勅賑濟得以便宜行事
處置有方全活甚衆一旦坐累貶廣西參議逾三載
念母老遂以疾力辭 詔許之乃歸成都買田宅居
已而與偶同坐累者相繼登用故舊慙慙起弗從日
櫛鴈賦詩以爲樂于子如也天性至孝太淑人春秋
高不能行愛遊院落園圃間親扶或自負不以委人
及卒時年已七十禮七十不行喪而哀毀踰制每念

不及 先君子終爲恨歲時感泣爲人溫恭樂易
不爲崖岸峭絕之行接人無賢愚貴賤皆有恩禮而
待親戚尤篤其自奉儉約雖貴食不兼味一裘十數
年不易至於周人之急則無少吝貧不能殮者爲買
棺居或都時隣婦有公首飾者其舅姑責之切欲自
盡密爲置補成化甲午卒所著有詩文二十卷藏於
家素工草書筆力遒勁有鍾王宋法鄉人得之者重
如珍璧

李永通

李永通長寧人正統中登王慶榜進士官至侍讀學
士經筵進講多啓沃文章羽翼六經治陳氏三禮著
爲書傳輔導 憲宗勤勞益懋

周洪謨

周洪謨字堯弼叙州府長寧縣人正統甲子領鄉試
第一明年復占一甲進士第二授翰林院編修建言
促學意臣以振作人才景泰壬申陞左春坊左贊
善仍兼編修丙子修宸宇志成陞侍講天順戊寅改
侍讀署南京翰林院事甲申 憲宗卽位召修 英
宗實錄進侍讀學士洪謨以文爲業然有志政務多
所建白在翰林卽勸 上勤經筵以講聖學謹內治

以義政本復條陳十二事以進及竊竊作與長寧陳境稔知其出沒設禦備之術甚悉遂見構而地方晏然丁亥陞南京國子監祭酒上疏言會饌乃高皇帝成憲歷年遵行以致學規嚴肅生徒勤謹自景泰中因無柴薪暫且停止其後因循廢弛至今未復訪得南京抽分厥積有柴薪宜令議復詔下南京禮工二部計議洪謨又言監生丁憂多有詐冒預今申建咨呈者爲今監生患病一年之外不復監者放爲民又令監生單烟者有司先聞于部以待回聚皆如洪謨所言冬十一月又奏言每年差監生六人解毛

卷二十一

四十二

襖淹滯虛曠以致年久不得出身乞免差爲便從之六年七月又奏言本監紅板倉二十座係孝慈高皇后積糧惠養諸生妻室乞爲修理庶表著高皇后良法美意於億萬年也詔從之自后建倉房易蘆席覆以瓦七年改北監祭酒尋丁憂十一年補原職整飭規矩表率生徒且言修祀事廣倉儲禁酷刑減正稅攘虜撫夷六事上悉嘉納之又奏准申明洪武二十年學規二十八條備榜戒諭十二年七月奏請加孔子封號且謂古者鳴球琴瑟堂上之樂笙鑪祝敎堂下之樂而干羽舞兩階今舞羽居上而樂

器居下非古制也宜令典樂者改正上乃降制曰尊崇孔子朝廷盛典蓮豆俗舞俱如洪謨所奏增之十四年禮部右侍郎尋轉左進本部尚書有言書載璫璣玉衡蔡傳不得其制乞改造以備占候既成有羊酒寶鈔之賜後爲思藏等處入貢其貢使數踰舊制一歲中有至三四千人者實賜糜費不可勝計自長河西諸番皆冒以圖利上言此特無印符無驗耳宜照依海外諸番例各給與符二十道入貢備填貢使物數於上仍議以舊賜金印至關驗以防詐偽詔從謨議其費始省丁未進太子少保時月當

卷二十一

四十三

食不食或以爲宜賀洪謨謂此陰盛之象其可賀耶遂止嘗奉命祭天壽山神見役夫運載相繼於道知有所營建歸言月令云盛夏不可興土功又曰寒天事則有殃今歲大旱未必不由於此且時方炎蒸人易疾疫宜暫休息之不報及孝宗卽位之元年以老致仕既歸老母中憐憫不忘朝廷忠勤之心至於終身乃已三年以疾卒年七十二謚文安平生尤善著述凡經史稍有疑輒訂正之尤爲文簡直不爲奇險語而理致明白粲然可愛所著有疑辯錄三卷與朱熹相矛盾辨春秋所書正月據戴良以爲建

實實非趙子姪奇者善之有兩集子集二十卷齊集五十卷又手製瓊瑤玉衡圖以木代之規制工巧識者服其精

李本

李本字立之富順縣人正統戊辰進士改翰林院庶吉士歷官檢討編修侍讀預修一統志 英廟寶錄次之陞南京太常寺少卿禮部侍郎建隆尚書成化二十一年九月辛丑卒賜祭葬如何本性質直不爲詭異之行然慷慨尚義聞有義舉則欣然倡率爲之其文章平實類其爲人平生不拘小節至大開則不

失云

吳道宏

吳道宏字文博宜賓縣人天順元年進士授南京太常寺博士上疏論東南事併劾大臣之不職者遷授監察御史巡按荆襄等府時荆襄流民復聚爲患議者多欲驅逐道宏言流民樂後沃土進之復來不如因而撫集皆爲良民于是建議行都司衛府州縣以安集軍民而籍其流散者特陞大理寺右少卿撫治其地以憂去服闋改南京大理右少卿尋陞本寺卿弘治三年言者論其庸碌因自乞致仕十五年九月

卒賜祭葬如何

侯旺

侯旺長寧人天順初鄉試居家時都夷猖獗攻城邑有謀遷避者旺移書鹽水壩官軍示以死守城賴以全後修城者掘古墓取碑石旺禁勿取爲息縣令其俗好訟慣以陸胎誣人旺下令告陸胎者抵罪俗因以變其志歸詩曰迂叟襟懷惟與藉兒孫事業在綱常正德間知縣豐懌立祠以祀

劉忠

劉忠南溪人成化中進士歷戶部郎中正直不阿見

沐朝分第人物志

卷一百八

三七

四川三

眉州萬公當國解印綬歸閉門著書絕迹公府縣尹陳俊饋以輿皂曰吾可以此累桑梓之民乎謝不受事母至孝子孫兄弟皆相繼登科

周汝端

周汝端長寧人成化間舉人洪謨長子授戶部司務轉中府經歷逆瑾伏誅條上五事俱見嘉納秋滿陞銅仁知府至則興學撫叛漢夷懷服陞河東運使進階叅政謝病歸鄉與弟汝靖徜徉山水時人擬之二蘇云

陳卿

陳鼎宜賓人弘治中進士天性孝友學問淵深任都御史以介直聞晉兵部侍郎引年歸嚴家訓撫孤貧行誼著鄉評頌之

楊僕

楊僕南溪人弘治中進士歷刑部主事蚤孤事母以孝聞友愛伯兄甚至母喪畢起復後期忤逆理即引歸居家二十餘年布衣蔬食不履公門祖產悉以讓兄又捐家貲嫁族女之無依者

侯啓忠

侯啓忠長寧人弘治間進士歷江西布政安化之剛

啓忠倡衆削平精忠勁節橋關中外著涓里文集

李仕清

李仕清長寧人弘治初進士授戶部主事歷陝西參政廣儲書華奸弊決疑獄政績居多及致仕兄弟同費盡以故產讓其弟建文明書院率鄉族子弟其中親爲講解多以成就

劉景宇

劉景宇南溪人正德中進士任御史因疏薦王守仁不報遂謝病桂萼以書招之不應嘗手書范滂傳揭于庭日夕三復每歲終將諸當道饋遺悉歸有司作

有谷謝

周惠

周惠宜賓人進士嘉靖初任雲南副使溫厚純謹筮仕刑曹獄獄明允歷官憲臬政績著聞陳情就養克敦孝友鄉評推重

甘爲霖

甘爲霖富順人嘉靖初進士官至少保工部尚書學問淵源孝友篤至自治郡陝孤卿公廉自矢權貴莫撓太廟建立議度量材盡制省費世宗甚眷注末年陳情奉母綰紳重其行誼

駱順

駱順富順人嘉靖初進士官戶部侍郎時北虜犯京師順爲守門西山昌平一帶民被殘傷者奉勅賑濟撫綏流移還定居多總督漕運聲稱益隆解歸田宅一仍其舊鄉黨高之

卞偉

卞偉宜賓人嘉靖中任御史巡按陝西獨振風裁豪右欽手擢雲南副使威攝土酋事繼母盡孝年八十而卒

蘇奎章

蘇奎章筠連人峨嵋教授博覽羣書潛心理學事父至孝一日與父入山遇虎無所避章倉皇泣告願舍父食已虎併舍之而去人咸稱異督學郭公爲作猛虎歌紀其事

補遺

李人儀

李人儀四川隆昌縣人景泰二年進士除廣東道御史建言下獄以天變得什出襄陽知縣陞荊州府知府卒

劉信

劉信字明節四川南溪縣人成化十一年進士由崇陽知縣遷浙江道御史清軍貴州巡按福建陞貴州僉事廣西叅議以征黎賊功賜三品服後復叛斃死事聞賜祭錄其子

重慶府

卷八

憲義字宜之重慶府巴縣人生而岐嶷長端重不好弄而嗜學弗懈始從里社師中書左丞殷哲時爲郡守一見異之引充郡學弟子員語其師曰是兒將來遠到非吾所及嘗成就之而義不煩程督日有進益洪武甲子中四川鄉試乙丑中禮部會試廷試賜同進士出身擢中書舍人授徵仕郎見重太祖每前奏事稱旨上數見將養初名恭一日遇奏事畢問汝妻叔之後乎義叩頭不敢對上嘉其篤實親遷宸翰書義字賜之以易舊名特丁羅夫人憂賜道里費且命馳驛歸蓋特恩云服闋仍舊職滿三載吏部奏當調特命終九載朝夕左右凡機密文字必以付義而小心敬慎久而愈篤三十一年閏五月建文即位陞吏部右侍郎授嘉議大夫壬午成祖入正大統同夏原吉等皆被寵眷首言建文中凡中外大小衙門有創革陞降官員額數有增減者及所更改文武散官并考滿等例並合遵復舊制上曰如關軍民利害可因時損益既於利害無所關涉何用更改俱遂改復一日上視朝以建文多改舊制

顧侍臣嘆曰如羣臣散官一事前代沿襲已久何關利害亦欲改易且陵土未乾何忍紛紛爲此於是天顏愴然變色既又曰凡開創之主其經歷多謀慮深每作一事必籌度數日乃行亦欲子孫世守之故詩書所載前王之善必曰不愆不忘率由舊章於警戒後世必曰率乃祖攸行曰監於先王成憲此皆老成之言後世輕佻諂諛之徒立心不端以其私智小見導嗣君改易 祖法嗣君不明以爲能而寵任之御小人之邪謀至於國弊民叛而喪其社稷者有之矣豈可不以爲戒改義左侍郎尋陞吏部尚書時政令制度有非洪武之舊者 詔悉復之義從容爲上官鑒成憲者豈無因革反亂政者自有經權損益貴適時宜開舉數事陳說本末 成祖以義忠實悉從其言有除官不得善地訴義不公者斥之十二月義言鹽課提舉司考滿舊無定制宜如稅課司局官三年赴布政司按察司考覆於九年赴部通考後之永樂元年七月義言太僕寺太常寺光祿寺通政司大理寺國子監鴻臚寺翰林院正佐官考滿舊例四品以上本部不考五品以下未有定擬 上命准四品以上之例二年冊 仁宗爲皇太子義兼詹事時

師傳皆以勲臣兼之而輔導責任文臣詹事益元僚也 上欲有論 皇太子率論詹事往還意義亦委曲周悉 皇太子尤愛重義所言靡不信用六月義言諸司歷事監生例應三月後授官近因少闕有一年未授者而內府辦事監生止是懸爲奏本查理文冊稽算數目別無政務適者內官監奏准牛歲校官而歷事監生有政務者反遲今後宜令有司內府辦事監生月日滿日定例給賞仍令回監進學依次歷事出身 上從之七年 車駕巡狩北京命輔 皇太子監國中外交務惟 諸王及遠夷有奏請詣行在餘悉啓聞處分義熟於故典達於政體孜孜無倦不動聲色而事賴以濟數奉命兼理他部事雖職務填委處之裕如十七年丁父喪歸 上及皇太子皆遣官 賜祭 皇太子贈賻尤厚有詔起復詣北京謝 上慰勞再三 賜鈔千緡遣中官護送至南京十八年 詔定鼎北京從 皇太子朝北京十九年二殿災遂 命同給事中馬俊巡撫直隸應天等府州問兵民休戚及文武官吏之賢否而陞黜之義謂國家多事之際悉以法繩吏人將不勝特黜其太甚者數人餘多見寬假而兵民利弊當與革者具奏行

之還吏部二十年 上北征還坐東宮事繫縲衣獄
尋釋 仁宗初嗣位一切政議預者四五人而義居
首最少保兼吏部尚書二俸俱支 賜冠服象笏及
玉帶二遂進少傳及進少師 賜師傳之臣銀章各
一其文曰繩愆糾繆義首被賜 上諭之曰朕有過
舉卿卽具疏用此封識進來蓋望義等匡直也繼
賜諸榮祿大夫封贈三代及妻於數人詰詞 上特
增曰勿謂崇高而難入勿以有所從違而改息又面
諭曰此朕實心益所以望義者甚切也又念義等從
侍監國舊勞特製寒忠貞印賜之義重厚毋事不敢
專斷每承顧問常持兩端不決西楊謂勿過思義曰
事不熟慮有後患 上笑曰義士奇言皆是東楊或
詆之語聞 上不直東楊義頓首言榮無他卽左右
有譏榮者願 皇上慎察 上曰吾亦不信偶言及
耳時修 成祖實錄命義監修 宣宗嗣位一切政
議屬義數人如 仁宗之初繼奉命監修 仁宗實
錄書成 賜白金文綺鞍馬宣德元年扈從征漢庶
人高煦還寵賚尤厚七月義言四川按察使陳璉持
憲非其所長改南京通政使掌國子監事 上知璉
有文名謂義曰命官得其才則不勞而職易舉何所

用非所長矣今其庶幾乎然爲天下師表尤不易也
時議救交趾義及夏原吉力言 祖宗疆土不可棄
上不聽命擇人使交趾義薦伏伯安楊士奇謂伯安
不可使義當備前力爭夏原吉亦曰不可而義亦不
以二人爲異已三年復從巡邊既過以義年老不欲
煩以有司之務 賜勅報吏部之務朝夕左右相與
討論至理共事邦家明年夏 賜新第於文明門內
寵祿薦加五年六月義奏舊例國子監官九載考滿
者但復職增俸 上曰國子監官有例復職固是優
待儒者但他官九年俱降職學官獨不可陞乎今特
加翰林史職仍理教事又若教官中有學術才識出
衆者尤當不拘資格拔擢勿謂儒者不可用八年吏
部言義歷少師九載降勅遷論仍賜宴禮部是歲生
旦賜鈔萬壽殿馬一匹十年 英宗嗣位賜白金史
綺是夕齋宿於公得疾以聞 上遣太監范弘以醫
來視賜鈔萬壽明日范太監以衆醫偕來又明日疾
革范復來問所欲言對曰 陛下初嗣大寶義獨不
能效分寸裨益然區區大馬之誠所望於 聖明者
惟敬守洪武成憲始終不渝耳言已而絕訃聞 上
深悼歎屬時有大事停諸祀特 賜贈太師諡忠定

義爲人沉深質實和厚簡靜處人無所拂逆至於議
法亦不苟爲包含必歸中正歷事五朝凡五十年所
履坦坦無一日顛蹶之憂退朝之暇手不釋卷貴而
能謙富而能約 上前所言未嘗退以語人蓋天下
有陰被其利者矣

劉元

劉元長壽人洪武中任吏部員外奉使過河南見饑
孺盈道遂發倉賑之活人萬數

康健

康健合州人初名子榮洪武中由太學生授給事中
受 太祖眷注改今名敷奏詳明歷官二十餘年水
霜之操終始不渝

胡子昭

胡子昭字仲常大足人初名志高富經術性方介從
學方孝孺遊漢中蜀獻王重子昭贈子昭詩以明經
儒士薦爲榮縣訓導建文中陞翰林檢討又陞山東
按察僉事進刑部左侍郎建文四年九月死臨刑詩
曰兩間正氣歸泉壤一點丹心在帝鄉時年四十一
父復初母郭氏皆年八十餘并其子五人紹續繼等
皆諱戊正德中巡按御史熊相立祠祀之

胡子義

胡子義昭之弟庠辟薦分教威遠歷山東僉事聞兄
死節棄官避世隱于丹陵民家蜀獻王知而憐之命
剪髮隱于僧子義曰父母遺體不敢毀傷生子二各
年數歲子義曰嗟乎吾兄無後天不絕胡氏二子當
免于難遂棄去不知所終有懷鄉詩曰一區廢宅崇
山下半畝方塘夕照中鄉國匪遙身自遠乾坤雖大
足難容

伍善

伍善合州人正統中進士拜御史性剛介不阿權貴
劾中官李寶叛逆總兵石亨擅權左遷卒于官

蹇英

蹇英字伯榮重慶巴縣人太師忠定公冢子仁孝淳
謹太師寵冠羣臣名震天下而英日侍側親賢友仁
躬躬然如寒家子略不有倨傲態衣服飲食悉從儉
約在南京時鄰居伏侍郎之隸卒疽發于背委諸途
見而憐之爲求劉御醫治得不死嘗遊句容寓崇明
寺寺有中官一僕亦發疽弗治以待斃英延醫士張
榮療之而愈水樂甲辰母歿時忠定公扈從鑾輿行
在所來請治喪命至高郵湖暴風壞舟舟人失色英

鐵天曰英平生不敢為悖理事是行特請父命治母喪天如憫之幸貸其死少頃舟漂至中洲而止後扶柩歸櫓須滿塢廬于殯側時久旱為文率父老禱於神時雨大降木乃登既免喪上驛召來侍忠定所及忠定公薨哀毀踰制尋授尚寶司丞以歸舟次江表風雨大至俄有覆舟順流而下急遣家僮以展救之活男婦七人居繼母喪不異所自出正統戊午服闋復職已巳扈從北征明年庚午進本司卿一日朝廷行大婚禮先期禮部失請寶璽之捧及期衆謂倉卒不可復請英力請捧之以成禮天順已卯進太

少卿辛巳秋患肺疾劇醫弗效一夕夢神人告曰

三八

劉川

勿憂吾為汝增福壽矣疾果愈上疏請老詔不允甲申復疏懇請始獲命成化元年春治裝歸次南京疾復作遂卒於都城年七十四訃聞上遣官致祭前後居官凡三十年持身端謹蒞事勞動茂修不懈清譽彌彰平居喜讀書凡經籍子史及九流百氏靡不力購所著有草亭集萬懷稿

李實

李實字孟誠號虛菴合州人母夢巨蛇繞身而誕適五月二十日俗以是日為龍會因以命其小字狀貌

偉胃次高明奮業備術為郡庠弟子員博洽瑰奇為一時流輩所推正統辛酉領鄉薦明年壬戌第進士乙丑春擢禮科給事中屢上章疏咸切時弊已巳秋英宗北狩留虜庭是泰庚午被命歷淮揚諸郡招義兵二萬餘赴都下策應時有豪猾乘機倡亂為河道害者嚴禁以法遂帖然五月進本科都給事中章數上愛者戒以宜少慎默恐買禍曰吾所任責官也食祿而曠職取莫大焉何敢為身謀也聞者愧服六月瓦剌脫脫太師也先來議和詔命入京堂上官有如富弼文天祥者往使莫有應者實曰國家養

未二日八

三九

四三

士正備緩急之用况主肩隆見義也其可避難毅然請行上悅陞禮部右侍郎充瓦剌正使大理寺少卿羅綺副之具奏八事皆與虜所當議者上覽之曰事難預度卿至彼隨機應變處之七月一日陞辭面受詔勅賜白金文綺及一品服從一十六人經榆河驛居庸關抵也先營相見以賓主禮責以大義氣壯詞直虜酋悅服具乳酪禮甚恭許奉饗與南還次日朝見英宗行在所面定回鑾之計領書辭歸奏撰奉迎勅再使往還備嘗艱險英宗還都朝廷嘉其勞績進資善大夫都察院右都御史巡撫湖廣

寇爲患以兵勦之岷玉謀爲不軌擒送京師除凶星
安善良恩威並行政化大治五年甲戌詔還掌院事
風裁凜然六年乙亥春母歿守制 英宗復辟忌者
譏之免官家居天順癸未鄉人有訟於朝者逮繫錦
衣衛獄時衛使門達擅權作威福素忌其名且入侯
爵之語將謀不利一日 英宗坐便殿召達令問實
有何言達覆奏以實云其所言者非臣下所得聞必
面陳乃可 英宗俛首泣下因不豫而入達退而懼
不敢加害後數日 英宗登遐 憲宗嗣統廉知無
辜給還所沒家貲令冠帶歸任甫抵家而父歿將葬
陰雨連旬默禱至葬日開霽既葬復如初人以爲忠
孝所感成化八年壬辰驛詔起闕沮於言者復職致
仕優游田里幾三十年以山水文籍自娛乙巳年始
卒得年七十有三計開遣官造墳布政司論祭恩禮
備至云

江朝宗

江朝宗字東之四川巴縣人景泰二年進士入翰林
爲庶吉士授檢討與修大明一統志歷編修秩滿歷
侍講成化三年與修 英廟實錄陞司經局洗馬候
遷侍讀學士 孝宗在書宮日侍講讀尋坐都御史

牟偉累調廣東市舶提舉司提舉既而累章乞休東
部覆請 上以其才學可惜今復原職致仕家居二
十年卒朝宗早以文譽歷清秩凡侍經緯供史事典
文衡勞勩頗著嘗以起復病子道 上特命遣醫治
之然性和易不擇交與人亦莫有非之者其卒也乃
效白樂天自述擴志以識平生云

劉爰

劉爰字凌雲四川涪州人景泰甲戌進士授吏部主
事遷郎中以憂去服闋數月部二年仍補文選公清
勤慎時論與之累官太常卿禮部尚書掌寺事久典
秩紀陳習儀章且客觀舉條肯吐鴻暢甚爲 憲宗
所眷注進太子少保以疾乞致仕不許爰自陳世爲
戎籍勅兵部除其籍私治乙酉爰復以老請乃賜馳
驛并寶鏡以還命有司給夫廩家居一十七年而卒
訃聞賜祭葬爰平生謙謹衣稱人之善聞人過失輒
止之或面侮之亦不校初數子子官京師時妾有生
子者妻如而棄之道人爲收鞠至八歲乃復迎歸以
爲子聞者以爲爰厚德之報云

蔣雲漢

蔣雲漢字天章重慶巴縣人天順元年舉進士授戶

郭主事成化五年陞興化知府丁母憂改大理府十九年遷貴州左叅政以父憂去弘治元年改廣東未幾遷福建右布政事轉左十年上疏乞歸又明年其子恭自中書舍人轉吏部員外郎進恩進階正奉大夫正治卿十八年以徽號恩再進資善大夫蓋優游林下者十餘年乃卒初在戶部時爲尚書年公官所知事有難處者必以屬之嘗監收畿內芻粟乾沒者無所容乃揚言欲狙擊之所親或勸少假借者笑曰我命在天豈此輩所能害也執不變繼往徐州監倉夜夢白面大耳鬼中者衆見曰我薛公之神也贈汝劍說有他虞擊之言已忽有鬼物擁隨如其言擊之輒仆既覺莫知所謂明日舟經濟寧下聞爲急湍衝覆見者謂不可救矣頃之手擊舟底聲聞于外人趨救之舟即自正乃知爲神所祐其在興化政尚寬簡獨馭吏不少縱後治大理亦如之大理徭役故無成法吏緣爲奸貧民病之乃量其貧富爲之等第因以授役輕重乃均春秋丁祭頗用批碑考訂儀式製祭器又延樂師教諸生肄習乃成禮遇水旱禱輒應所至皆有惠澤及民詩審精密軍其身之不究于用而不欲愧於其心寧在我無赫赫之名而不欲逐逐

於近利廉介之操始終如一大理有鮑指揮者嘗以寶玉首飾置金中往遺峻拒之鮑踴請曰卽不受盡一啓視乎曰既不受奚視爲此致任同官者墮之解又使人出境強之亦不可曰使可受何必踰境也天性孝友初自大理報政于朝會擬推貴州叅政曰吾父老矣往年吾母沒以官遠道不得親視含殮至今抱恨今得近於吾鄉是吾願也抵任踰年奉表入賀因過家爲壽自京師還又留兩月父乃卒人以爲孝誠所感愛二庶弟尤篤先世所遺田宅器物悉推與之曰某以竊祿可自給也居家訓子弟進履及待人溫厚有容不見人過無事則盡日端坐每讀一書終篇必掩卷默誦務得其所以言之意首尾貫徹乃更讀他書晚年尤喜學易聞其言者各有所得而遇

費廣

費廣合州人以進士遇御史天順初上疏劾石亨擅權請知永寧改貴池卒于官廣爲人秀偉嚴重工詩文著約齋集

王愛義附李興

王愛義永川人天順間有盜掠掠村落劫殺八財母羅氏病臥寢室愛義侍不忍去賊入索財不得母子

俱死李興永川人讀書能識姓名而志行絕特嘗拾金敘訪主還之買一豕人以爲過所直而喜興乃候於市數日得賣主邀與同歸復償足之一日晨啓後俟歸傷其額妻詢之對曰隣婦竊吾園蔬恐其見已無以容也故俟歸傷額爾其他重厚事多類此

劉春

劉春字仁仲號東川一號構卷巴縣人成化癸卯舉四川鄉試第一丁未舉進士廷對第二授翰林編修孝宗御極充修憲宗實錄官實錄成陞修撰仍賜宴於中府選充經筵展書官癸丑充殿試

本朝今分多考

卷二丁八

四

四川二

掌卷官四月賜端陽節物自是歲以爲常七月疏乞歸省給道里費復任已未充會試同考官選充東宮講讀三考滿陞左春坊左諭德癸亥以纂修大明會典成陞翰林院侍講學士五月詔選修通鑑纂要甲子以父母偕七十再乞歸省命給驛行且賜道里費乙丑冬還朝武宗御極陞學士詔纂修孝廟實錄上念青宮舊勞特賜金鑲玳瑁帶一又賜御製盤龍遶文十二軸丁卯四月命掌院學武舉充試官武舉有錄自此始其條格皆創爲之丁外艱歸服滿陞吏部右侍郎轉左充經筵日講

官以河北平盜建議功賜文綺鑲金陞禮部尚書丁內艱歸以經筵日講東宮講讀勞賜祭葬禮部經紀其事仍給驛以行服除改南京吏部尚書致辭不允仍陞第三子延年國子監讀書五月命掌詹事府事廷試爲讀卷官以六月不起春在翰林每以職在論思手不釋卷生必夜分起必五鼓如未第時凡舉動皆爲遠久計不務目前西僧有欲奪民地於甘州且乞遣官督建寺時關中實饑春力爭以爲不可謂非止病民邊警亦必致擾亂入起停之宗藩請封及婚嫁弊孔百出春卽檢其行駁者盡語之吏不得欺以求賄又以繁葬議關係勸懲乃奏爲定格有以厚利力請者不爲勸父之亦安其所宜得心莫之怨也故事功臣襲爵表謝皆禮部代誤謝以銀幣悉却之其峻于操介如此春忠清嚴重毫髮不苟門無雜賓待物寬簡雖未見其矯矯之節而光明俊偉不可奪志以憂歸逆理違遜卒伺子道平無所得而還待物和而有則人不見喜慈至正義所在毅然爭之不能奪也每語後進拳拳不欲失秀才風味見不可意事輒頻頤曰士大夫存心行事何必乃爾詩文力追古作晚近無簡勁類其人碑板在四方者

甚衆有鳳山橋數卷藏于紫閣太子太保謚文簡

朱光正

朱光正大足人成化中由舉人知河西剛明廉謚得吏民心交趾侵邊光正輸以大義夷退當道書談笑却兵旌之

郭智

郭智字汝愚合州人成化二十三年進士生而穎敏過人年十二能文章經史一目即不忘嘗居龍泉菴貧燒樹葉讀書達旦如是三年文思警拔于言立就成庶吉士翰林會星變應詔陳言極論陰陽之理言

公朝人多奇之

見二

四明二

少師萬安倖祿保寵殊無厭足少保劉吉附下罔上漫無可否太子少保尹直挾詐懷奸全無廉耻世所謂小人也南京兵部尚書致仕王恕託志忠勤可任大事兵部尚書王竑秉節剛勁可寢大奸直隸巡撫右副都御史彭韶學識純正可央大疑世所謂君子也乞盡斥小人而進用君子疏人不報弘治三年御史湯羅劾萬劉尹萬尹去而劉得留恨羅御史魏璋附劉劉嘆羅能去羅陞食都御史璋即草疏署陳景隆等名劾羅與壽州知州劉榮妄言朝政嫉之者因下詔獄身親三木俸餘幾囁神色自若無所曲撓獄

官苦評之曰智與今湯體等來往或論經筵不宜

敬導或論午朝不宜以一事塞責或論紀綱廢弛或論風俗浮沉或論生民憔悴邊境空虛當事者恨甚竟生以妖言惑衆律罪死刑部侍郎彭韶辭不判徐文靖亦言吾輩不可使朝廷有殺諫臣名獲免左遷廣東石城所吏目既諫毅然就道衣結屣穿幾不能存親識餽道堅却不受至石城視事甫兩月廢政悉舉總督都御史秦紘檄重修書得居廣城與白沙友善暴疾卒年二十六獄中詩人到白頭終是盡事垂青史定誰真夢中不識身猶繫又逐東風人紫宸進朝詩盡披肝膽知何日望見衣裳只此時但願聖朝無一事孤臣萬死更何悲忠義之概情見乎詞矣

楊孟瑛

楊孟瑛字溫甫鄞都縣人成化丁未進士弘治十五年知杭州遷順天府丞瑛當事故任如泰安溪竹木關却福建進貢之僭艘于杭減免旱災糧七萬石定水馬驛夫之徵皆便民美政其浚復西湖俾水有著洩實利益下塘諸田而論者或謂其欽怨生謗此其故不可詳究要之爲敏幹吏云

陳瑞

陳瑞忠州人弘治初以進士拜給事中疏劾中官郭鋪諛媚乞罷內侍官不得忝機務上嘉納之陞光祿卿請禁浮屠罷園醮及減奢費等事歸省道卒聞者惜之

劉福

劉福字順夫巴縣人弘治九年陞浙江按察使風儀峻整法紀森嚴部內懼其威名不寒而慄後以註誤改貴州按察使盤江賊起福挺身赴之遂死于賊

詹奎

本朝分省人物考卷二百八 四十八
詹奎巴縣人弘治中進士爲戶部郎劾權奸趙冠歸後以徵復起歷官十餘年家貧如故

曹勛

曹勛巴縣人弘治進士官刑部員外郎治獄無冤使晉藩餽遺無所受好古力學爲時所推重云

姚學禮

姚學禮巴縣人弘治中進士歷忝議性忠侃初居南臺以敢言忤逆瑾罷歸其志節有足嘉者

戴錦

戴錦長壽人弘治中進士抗疏請除壅蔽權貴忌之

中傷落職貧不能歸流寓徐淮間授徒自給久之乃歸者綱卷諸集行于世

劉蒞

劉蒞涪州人正德初任給事中中官瑾擅權有抗疏極言其奸被笞落職理敗起守金華尋歸

胡守約

胡守約合州人正德初以鄉薦授彭蠡知縣遇寇攻城親出督戰身被數鎗遇異人療之不死歷官知府

王俊民

王俊民合州人正德中以進士歷給事中奏請有聲本朝分省人物考卷二百八 四十九
中官畏憚以直言忤旨死于廷杖

劉鶴年

劉鶴年巴縣人正德進士操守廉峻持已剛方始任兵曹門無私謁歷雲南布政不持一錢時稱清白吏

張縉

張縉字元素四川巴縣人正德戊辰進士已卯按浙性持重不事苛細而綜理詳慎風紀克張江藩逆濠蓄謀不軌預置心腹畢真爲浙鎮守威蒞羣屬恩結士卒潛圖策應縉知狀伴示欸奸乃深慮而密防之練兵儲粟以備不虞六月報聞濠于十四日戕殺撫

熊萬變

臣稱兵犯順杭城戒嚴七月十四日臚刻鎮守傳令三司期來日四鼓下標衆訝之疑其爲變綰定計以是日出表比禮竟則天已大曙謀不得行復與郡守留志淑議先伏兵真府外諸司盡入遂脅其使去諸左右復盡得府中藏甲咸以屬吏真懼不知所爲不踰月江石平後論治逆黨遂按誅真初逆謀始露時人心洶洶賴鹿尹同心奸謀遂寢卒奠安兩浙者本縉與藩臬諸人之力也綰後位至副都御史祀名宦

任 轍

任轍巴縣人嘉靖初進士知許州歲旱多方賑恤擢守黃州採木之役善爲調停民困以蘇歷官貴州都御史計譚叛夷詩吳等邊陲賴以奠安

劉啓宗

劉啓宗巴縣人嘉靖中進士任衢州府推官遷給事中抗言不避權貴諫劾蕭蔚歷陞提學副使改苑馬

卿居官二十餘年持廉守正卓有風裁

張佳胤

張佳胤字肖甫重慶銅梁人初號壚山以其家在居來兩山間更之曰居來山人十七爲制舉義試輒冠諸生時重慶太守光州劉公出行部閱其文而大奇之使與其子游卽玄子也劉公固以古文名家又好談兵多奇文凡所携書籍盡以屬之間與玄子談富世英雄而歎曰夫英雄者其吾家子房乎玄子異其志而又益習先秦西京言下上于黃初大曆之間多所厭咀二十三舉於蜀明年遂成進士出補大名之滑令故三輔巖邑也比至按宿牘嚴決若神而恒以情衷法而行之兩造甫畢各得意而去吏民之嚴愛若父母矣時提帥挾上寵張甚其所遣詞事官校與詔旨並重佳胤一日晏坐有弁而急裝者一髯輔之至邑門門者戟之叱曰我官校也遂入下與諸徑前曰縣官欲捕若邑耿氏豪亦與若有連胥吏以下皆辟易遂挾之入別室出匕首交置於項曰子我萬金陽驚曰我何所得萬金髯者曰某庫有萬金俊陽驚曰庫金誠有之第上皆邑賦長名氏若出十里外必敗且今日子公庫金法必死不予亦死死等耳寧

苑國引其項曰七首胡不下髯者曰我何忍下第欲得金耳乃徐謂曰邑郭中多富人我出一紙授之即不得萬金可半致也呼一小吏前命筆書紙應賦金者二十曹曰縱帥責金甚急可人賦致二百金來予之時至簿踰路儀門外既得所賦金主名乃皆賦曹游微驍武者也始知爲劫賊亟集此二十八人奉二十金而袖鐵椎前謁謂民貧所賦金止此矣乃陽怒曰賦汝人二百金胡二十也何以解二公索復令一人前忽躍而就之髯者出不意即自刎死羣縛弃者訊之名任敬者高章也使游微四跡郊外有四輕騎皆逸去拷問皆得其人磔于市居邑多暇乃喜爲歌詩而李于麟守順德爲北壤出其詩爲贊于麟大善之與拆節溝釣禮時歲大饑而富民有故靈糴者請於臺平價納諸倉爲粥以食饑者所全活數萬計事聞特賜金幣治理流聞法當首垣省以年未及格權戶部主事既入遂與諸君子稅文翩翩相砥礪且飛鴈樂輸下夜無已亡何出權閣廣金帛洗手出人毫髮無所私道改兵部職方主事累遷都察院右僉都御史提督應天等處軍務兼巡撫所行諸郡縣務持大體不屑屑期會務以民瘼吏弊爲急已而中

聖詔聽調歸未幾補南京鴻臚寺卿屢遷巡撫宣府爲宣府未幾而虜別部長滿五擁鐵騎六百闌入獨石口剽掠時久已通互市矣因檄大帥麻錦伏兵邀之生獲其副八賴滿五悉求之辭甚哀計以縱之則見狎慘之則見警乃以屬大帥錦俾建旗鼓縛八賴將斬而馳赦之八賴叩頭流血曰微太師身首異處矣乃諭以威德給之銀符八賴自誓不敢復闖入邊然八賴擾而滿五驕明年校益賞不聽互市如舊事聞勞賜金帛入爲兵部右侍郎未幾而浙江有驕卒之警督撫浙者吳中丞善言嘗取中旨減卒月餉卒訴之不聽遂噪而縛吳公車中冠履俱破至演武場擊詈吳公而赦之且甘心焉會工部郎謙與二御史往解詬詈百端猶責吳公狀使復餉而以二千金謝過乃已吳公遂出避於吳興當此之時吳楚閩越之卒皆驕而督撫臣倖至有穴垣以防不測者事聞江陵公曰孰能制之既而謂吾得人矣遂以佳胤兼右僉都御史奉命往及馳至甫與吳公代而市民之亂復起始杭城中諸柵俱有役夫司干楨諸土著者募游手充之其後必取身役其人每多借貴勢以免夫數益以狹役益迫而游手無所得食僑客丁仕驍

假利便言之監司弗聽意忿忿曰謂我曹無瓜距耶
寧管卒之不若謀之市猾相率焚貴勢家謂此其應
役者遂破兩臺使門略其衣裝以出使者跳與三司
俱匿跡佛廬以免事聞佳胤謂其人曰營兵哨海者
發乎曰發矣而二營留問留者不與市民合耶曰未
也喜曰吾知所以處矣速驅之從吏惴惴無人色飲
食談笑自若既抵鎮而民行則愈甚盡毀諸柵以快
意千餘人且抵臺門佳胤以輕輿出諭之曰汝曹必
有所苦曰苦夜役耳夫雖有力之家衛貴勢之家以
免而監司守令若弗聞也者曰易耳即下令除役衆
不期分爲二營
卷二十八
五四
四四二

姑叩首退既退而行剽巨室竟夜火光亘天大怒曰
上命我誅亂卒今乃見亂民而靡耶召遊擊將軍徐
景星使呼二營之長入而慰免之曰亂民之惡極矣
雖然非爾曹勿能剪也何不因爲功贖罪乎咸
踊躍聽命又呼點卒之首倡亂者馬文英劉廷用曰
聞汝二人前自縛請死壯士也汝死法胡不死義且
必不死二人亦踊躍聽命于是約束二營壯士使景
星帥而討亂民凡四戰大敗之生獲百五十人至轅
門而丁仕卿與焉擇其豪得五十人皆斬首梟轅門
餘悉下獄其從亂者咸惕伏或鳥獸散去杭人若更

生 上優詔褒答以膏身犯難定變俄頃紀綱大振
忠績卓異賜飛魚服鎰金支綺私念兵且戢矣覓之
則廢法急之則生變乃陽好謂二倡亂者馬文英劉
廷用曰罪可贖矣予之冠帶二人意自得洋洋羣卒
間且有所侵侮羣卒大怨恨謂若倡我以亂自爲功
得官而使戎曹尚惴惴也度是二渠者與衆心左無
能爲矣乃謀發諸營之卒哨於海而密以名屬徐將
軍下令縛之至軍門并文英廷用輩皆斬之餘皆赦
弗治仍呼平亂者二營卒語之曰吾非不得若主名
以昔有微勛耳且吾不欲食言羣卒咸股弁唯唯
不期分爲二營
卷二十八
五三
四四二

上大悅拜都察院右都御史兼兵部左侍郎俾還部
理左侍郎事道拜兵部尚書協理京營戎政事又總
督薊遼三邊以遼左大捷加太子少保已陞兵部尚
書三上書乞骸歸有張居來先生集行于世

江淵

江淵江津人由進士歷學士工部尚書清勤簡靜忠
鯁不阿尤喜文詞著觀光錦榮諸集

王應元

王應元武隆人家貧居鄉力農爲養父友文每出飲
元候于途扶之以歸一日文醉既卧元往于出家偶

火災急奔回烈焰其熾身濡泥水出而復入救之者
三號哭火中抱父死

聶賢

聶賢長壽縣人以大獄事革職尋起爲工部尚書奉
致仕卒詔賜祭葬如例贈太子太保諡榮襄賢持正
守清苦始終不變士論重之

李允

李允忠州人進士歷翰林檢討正朝儀年四十辭歸
開門讀書流賊過其門咸相戒曰勿犯李翰林其感
人如此鄉黨咸重之

白勉

白勉涪州人以進士歷官刑部侍郎練達刑名有匡
濟才及卒賜諭祭有剛方清介之語鄉人美之

沈運

沈運重慶衛指揮充右叅將守威茂蠻叛殺人運密
置兵門內呼蠻至椅以酒食因并其黨殲之

補遺

尹鉉

尹鉉字太和四川巴縣人正統七年進士除湖廣道
御史護駕北征死于土木之難

曾嶼

曾嶼重慶府人生而奇穎殊凡兄稍長即以正學自
任十四歲補博士弟子每試輒高等郡侯爲禁別業
于鳳儀山居之正德丁卯舉省試明年成進士授戶
部江西司主事時逆瑾爲政縉紳趨者如市嶼間以
言觸之會瑾怒矯令跪午門外尋權稅清源以肅明
稱後轉員外郎中條上大司徒八事丙子知府建昌
益脩循良之業上刺益藩下悉民隱立社學建書院
群弟子而考德問業郡有兩芙蓉山多淫祠妖術橫
行廉得其首付諸理毀淫祠以祀伍大夫李旰江岳
武穆會寧庶人謀不軌要脅諸司變起遣使卒間道
走上變又自帥兵兼程詣軍門陳擒勅七策王文成
采之合兵火攻又慮九江南康業已從逆不分追擊
之則援兵爲梗文成檄嶼取南康斬賊首謝天一等
四百八十餘級又自王家渡同廣信守周朝佐斬獲
賊三百三十餘級釋脅從者八十五人寧庶人遂擒
當勤王時與母鄧恭人永訣誓與賊不共天卒能成
功王文成亦叙其勞烈而竟不錄先是寧庶人膏腴
苑囿屋廬多爲豪所侵中丞鄭某檄嶼廉察之一無
所徇盡逐之官旰郡有巨室欲齟齬麻姑山嶼裁以

法又上叛逆疏內有省內奸邪顯附陰結語繇此忌與怨交集咸爲蜚語中之迷休致以歸移居江陽郡城縣茅齋數楹藏書數萬卷日坐其中手一編以著述自快享年八十有二而卒

李恭懿

李恭懿重慶府銅梁人生平究意圖學務在自得聖賢之旨一切糟粕筌蹄僅資涉獵非所嗜也嘉靖戊申貢入太學餘姚李司成大器之應順天鄉試下第謁選授江西奉新縣縣丞不得志遂罷政歸日掃榻讀書每好深沉之思而尤精于易理嘗問曰六十四卦始于何時或曰文王重之曰非也觀繫辭取諸渙隨等卦則三皇堯舜時事書言龜策協從則唐虞時事六十四卦上古已然矣又曰伏羲八卦非盡取於河圖而觀繫辭言仰觀象于天諸句亦自可見又曰先天南乾北坤後天何不代之長男女而南離北坎耶此大道之玄老易所同又曰古人釋經不敢自信故傳不與經相參小象原自爲類試讀之無不叶韻至後儒始分經傳故宋人余琰集說不爲無見若使易無序卦傳不知後人將六十四卦顛鑿何狀矣又曰原始及終故知死生之說與無極而太極同一意

無極云者從前推後原始云者由後遞前又曰讀乾之彖見文王與周之德讀坤之彖見文王事殷之心聽其言者輒聳然悟以爲今之儒者莫之光也

凌伯曾

凌伯曾號森壘四川永川縣人萬曆甲辰進士因念祖母年高懇陳終養未幾丁艱服闋授南戶部主事歷員外尋陞郎中曾應天倉能以搜風弊爲甯都重口實陞寶慶知府以持正執法之故與同官相左卽請告歸歸未數年而卒伯曾生平素矜名節交游辭受毫無所苟于理學諸書亦多斯探討蓋翩翩不與俗伍者惜其資志以沒耳

卷之二

三

四

卷之二

三

四

人物考目錄卷之一百九

四川夔州府 嘉慶州 涪州

青文勝 冉通

黃從禮 王文義

王思睿 周泰

汪瀚 嚴琥

熊希古 向孔洙

杜斌 何應宣

李清 陳秉元

趙養 孫夫舟

張芳 熊士傑

王彥奇 黃以春

郎文林 雷震

袁達 汪安宅

雷禎 朱鵬

王珪 趙趣

馬湖府

安濟 安本

鮮原 安洪

王常 楊琰

鮮懷經

潼川州 徐英 王璠

張澄 楊澄

席書 張謨

席春 楊昞

張种 楊名

羅賢 張序

湯紹恩 譚閻

黎希哲 楊蔭

王縉紳 黃珂

席彖 譚維

譚宣 陳謙

申錫 譚紀

蹇衡

石州

余子俊

嘉定州

梅應魁 蔡廉

劉肅 童瑞

趙時	宿進
程啓充	安磐
徐文華	彭汝實
毛鳳	張鵬
王儼	錢貴
高任說	張瑛
尹東郊	王表
瀘州	
楊璵	李祥
王忠	高嚴
曾嶼	翁磐
白徹	朱子和
何其賢	李奎
韓憲	李惟觀
賀顯	曾海寬

本朝京省人物考卷之一百九

四川夔州府 嘉州府 瀘州府

青文勝

青文勝六寧人洪武間爲龍陽典史律已公勤軫民疾苦邑賦凡三萬七千有奇濱于洞庭每苦水患民不肯輸文勝疏減凡三上不報遂經于登聞鼓下事聞矜其誠切詔減賦二萬四千餘石民德之妻子貧困不能歸占籍龍陽有司祠祀扁曰忠惠

冉通

冉通萬縣人洪武中進士任兵科都給事中面折廷諍忠憤激烈直聲動天下雖在竄逐讀書不輟

黃從禮

黃從禮巫山人永樂間任交州府同知黎賊之叛抗節不屈死于官

王文義

王文義大寧人宣德中母疾篤割股進藥疾愈母卒廬墓鄉人憫其貧日給之食墳去水遠無以滌祭奠器感夢得泉人扁曰孝感事聞賜之以永阜

王思齊

王思齊巫山人宣德間任吏部文選主事剛正無私

縉紳推服

周泰

周泰新寧人天順間任錦陽縣知縣廉謹有聲陞泰州同知民有清官之謠解歸行李蕭然

汪翰

汪翰開縣人進士成化間知修武蒞政廉勤愛民如子歲早大賑民賴全活以愛去父老泣西望官太僕寺丞乞休時人嘉其勇退

嚴琥

嚴琥開縣人成化末任高州府同知時石城信宜二

開三

縣大饑民多流徙琥捐俸賑濟化州吳州等縣歲辦礦鐵民苦賠補無敢言者琥力請停山民歌曰治我嚴父生我慈母

熊希古

熊希古新寧人弘治間知天台歷官刑部主事以忤逆瑾謫官尋復員外陞郎中詳肅明允權守臨江築城彌盜卓有聲稱陞雲南副使

向孔沐

向孔沐大寧人正德間流賊鄔藍攻縣沐率民兵臨城拒敵相持數日城已陷沐奮勇先出敵衆皆披靡

之而中流矢九力以戰殺傷數賊賊勢稍却後賊詐議和突入城獨尋孔沐沐墜城死

杜斌

杜斌大寧人監生任河南沈丘縣丞正德間流賊攻縣斌同都司王寶督衆力戰援絕勢孤遂死焉嘉靖初事聞昭知縣詹子入監

何應宣

何應宣梁山人庠生正德間母爲流賊所執宣求以身代死賊暴殺宣而存母都御史林公嘉其孝入祀鄉賢徐敬之梁山人剛悍過人流賊之變衆署敬之爲鎮長賊至身先士卒力戰而死都御史林公題其墓曰忠勇義士爲九祭之

李清

李清開縣人正德中流賊壓境委守監賊間出黃土增清知其狀邀擊斬之事聞授萬縣武衛巡檢

陳秉元

陳秉元開縣省祭正德七年鄔藍爲亂揚言欲奪臨江市秉元倡率義兵二千有奇追至富順三母灘奮勇當鋒賊衆辟易援兵不繼力戰死鄉人義而祀焉

趙鑒

趙鑒新寧人正德末任大理寺寺副議大獄不避權貴罷歸建萬柳書齋吟誦不輟

孫天舟

孫天舟孫天高弟兄俱達州鄉勇正德初征流賊與姪及麾下范尚木冠義氣所激皆死於陣

張芳

張芳新寧人任雲南太和縣丞母年八十方假公事歸省辭母復去母曰汝去吾不及見汝矣芳感泣棄官養母母年九十終每忌辰必齋沐哀祭至老不衰

熊士傑

熊士傑新寧人幼嗜學通曉易經及百家醫卜書隱居循禮有吟稿藏于家

王彥奇

王彥奇雲陽人進士任知府政蹟循良端士習新橋梁民德之累官都御史

黃以春

黃以春雲陽人進士歷郎中守正不阿清慎爲重稱爲溫厚長者

郎文林

郎文林萬縣人任經歷器度渾厚與物無忤家甚貧

人有餽金者堅却不受

雷震

雷震新寧人任襄城縣教諭疏諫英宗親征不報及復辟錄言官陞禮部主事尋以忤旨謫戍遼東卒

袁達

袁達達州人任給事中性聰敏讀書一目成誦舉進士試喜雨詩稱旨授庶吉士遇事敢言

汪安宅

汪安宅開縣人讀書好古不求聞達好周人之急鄢

藍攻城安宅率鄉兵禦之有別室在城外賊欲乘以攻我安宅發火箭焚其室連燒賊營圍遂解時稱爲汪義士

雷禎

雷禎新寧省祭官鄢藍賊熾巡撫林公俊聞其勇敢檄取領兵追至滄溪馮兵備遇害禎奮力對敵手刃數人而死當道哀之遣官致祭

朱鵬

朱鵬新寧人嘗省親益陽過洞庭舟覆鵬獨抱一木經晝夜不死人以爲孝感所致後任蒲圻知縣多善

結元嗜詩有集藏于家

王珪

王珪萬州人築室南溪號志堂居士左右松竹道遠其下一時名流喜其高尚榜其居曰竹隱

趙趣

趙趣梁山人庠生流賊之難趣同其友黃甲呂鳳何取齋銘徐宣楊茂竟趙承晉死赴敵三晝夜城陷死之郡御史嘉其義命立祠祀之

馬湖府

安濟

安濟馬湖人洪武初湯和克蜀首率衆歸附授土知府高皇帝賜詔褒嘉子孫世襲

安本

安本濟之子洪武間襲土知府建公署改學校永樂中賜詔褒封

鮮原

鮮原泥溪司人永樂初以國子生授階州守奉公守法勤民生產善政甚多遷山東轉運同知

安洪

安洪景泰初巡撫李公匡以邊事寧息洪與有功疏聞于朝給賜官帶襲授祖職

王常

王常平夷人由進士歷參政幼孤苦學及貴分俸贍族平獠賊大有功于粵地

楊喀

楊喀泥谿人廩生嘉靖中隣居失火延燒其屋喀他無所顧惟以身翼母火烈不得出母子俱斃于火

鮮懷經

鮮懷經馬湖人母侯氏癘疽躬爲吮之母復病割股和藥以進又嘗糞以驗其苦母沒毀痛幾絕盡于墓側夜有虎近廬懷經泣曰吾守母塚于此幸勿見傷虎咆哮久之始去人以爲孝感云

潼川州

徐英

徐英中江人景泰中進士任給事中立朝正直抗法不撓官至都御史

王璿

王璿安岳人天順間進士知臨淮勅守坐太監七事潔已愛民政聲大著擢監察御史以抗論黜知宜都縣後歷宜城江陵咸有嘉績擢倅楚推廉尋旬知府

張澄

張澄安岳人任平江興史賊寇平江澄與知縣朱鑑率民兵出境對敵賊氣稍沮鑑曰宜退保城東澄曰保城東則西南虛矣吾當以死格之已而賊前鋒突赴城西民兵潰澄力戰而死事聞旌表其門錄其子

楊澄

楊澄字憲父四川射洪縣人成化己丑進士授行人擢監察御史嘗重兩淮鹽課禁河隄以通鹽利人便之按北直雲貴等處有聲歷大理寺丞左少卿陞右僉都御史巡撫山西兼提督鴈門等屬頗留心邊事致仕後嘗施地爲義塚及出穀濟平鄉人多德之

席書

席書遂寧人弘治進士初知縣城興水利墾荒田歷戶工二部主事作漕河志時雲南晝縣詔考察雲貴諸使書奏言致災之由在朝廷權河南倉事堵截漕粟賑饑累遷福建布政使宸濠之變發帑金募兵討之巡撫湖廣僉豪民除長沙貪吏進南京兵部侍郎江淮大饑條上賑法全活者數十萬議大禮稱旨被召爲人言所沮陞禮部尚書上新政十二事及大禮集議六卷總裁明倫大典加武英殿大學士卒謚文襄

張謇

張謇字季直江陰人弘治間舉人孝友純篤每晨起必詣親榻問安否暮自外至亦省親方食承母志分產給姊授金州學正分俸養親州人爲作望雲卷遷海陽令奔父喪歸哀毀骨立起遷寧遠令至今人誦其行

席春

席春字同仁別號虛山世爲遂寧人自童稚卽儼然如老成人強毅有操執祖每異之曰他日必能負荷大事丁丑舉進士改翰林庶吉士武宗潛幸居庸關廷臣屢疏莫回中外人心惴惴春上書內閣欲乞兩宮懿旨遣中使迎駕還宮而館閣府部百司各

以一三居守餘俱趨行在所請務必得然後返否則從此巡遊南北國事滋多憂其始矣識者聽其言尋授河南道監察御史出按雲貴聲革軍政凡錢穀刑獄欺蔽被罪者無怨吏役假冒至七百餘皆罷斥莫能逃者時黔國總兵交結近倖威權日甚藩臬每被訐論臺中有參其假公言以結民心恐爲將來專恣之漸得罪下獄按滇南黔益駭至則痛爲裁抑家人于紀殃民者悉縛致論罪馬進士某以罪謫戍金齒潛入總府克記室凡章奏公移多出其手憑藉冒側爲都指揮廉得之獲其服仍發隸原伍指揮王喬稔惡爲衆所嫉當道者莫能治至亦論以法滇南爲之肅清世宗登極疏上時政興革利弊多符詔款人稱其有經濟之具尋以文襄公職中丞改翰林院編修癸未殿試克彌封官修武宗實錄克纂修官書成陞修撰丙戌會試爲同考試官尋克經筵展書修明倫大典仍與纂修書成陞侍讀學士賜金帛文綬克經筵講官聖天子勵精治理考古帝王所圖治簡命春與二三詞臣經筵外復進講西山真氏大學衍義每寵錫大僚必預辛卯壬午南京考試多得名士己丑壬辰殿試克讀卷官隨擢翰林院學士掌

院事兄經筵日講官未幾擢禮部右侍郎癸巳秋轉吏部右侍郎文襄既受宸眷上後知春爲文襄弟乃於諸侍從中顧遇獨厚擢翰學擢吏禮二侍皆簡自聖衷於是頗爲時所忌既感上知遇益思報稱在吏部數與冢宰誠齋汪公議不合司屬復有肆間者乃遂失歡寢成隙汪疏奏起用大禮還謫諸臣又誣以不賀皇太子誕生等事疏入命冠帶閑住即日陛辭怡然就道人勸論諱曰吾惟無覩於心耳又何辨且吾老無子得歸素志也涓厓霍公繼爲少宰汪尋去位凡春所欲更置者悉見施行後臺諫

論汪陷害僚屬蓋指此云家居杜門謝客絕久不及

朝政時與二三故舊登涉玉山涪水之間嘯咏竟日邑故稱淳朴後漸事修靡春歸敦儉素表率鄉閭俗因以變

楊最

楊最射洪人正德中進士朴實淳厚有古人風歷官郎中知府雅著清操仕至太僕卿抗言國事死于廷杖隆慶初詔贈都御史謚忠節

張紳

張紳潼川人幼稱奇童正德間進士歷都給事中疏

劾高父子請成翟塘處困十年始終一節後復起陳六疏皆先憂後樂之意平居忠信篤敬言笑不苟著來賓小車行於世

楊名

楊名遂寧人正德中官翰林編修上疏直言忤權貴免官家居致行者書時論推重

羅賢

羅賢遂溪人正德中舉人歷官漢中通判鄆藍賊逼賊賢仗節入壘諭以禍福賊解去總兵官楊洪遇捷賊衆遽加侵辱賢抗節而死尸骸無棲上其事贈本府知府錄其子

張庠

張庠遂溪人正德間進士歷官貴州兵備副使都勻黠夷連年負固庠整兵直搗其巢執渠魁釋俘從諸夷畏服稱小諸葛

湯紹恩

湯紹恩安岳人歷紹興知府瀕海潮汐至多淪沒田舍恩議築堤建閘以時蓄洩開田至數千畝越人歌之曰泰山顛高于天長江水清到底功名如山水萬古雷青史至今立祠崇祀他如建忠烈祠修古陵寢

表揚貞烈置學舍嘉績茂者未可殫述歷山東布政使卒于官

譚 閏

譚閏逢溪人正德間進士歷官按察副使兵備固原始築邊牆大破虜衆受上賞鎮有鐵鑄泉夷人歎飲馬于此閏分兵守之虜不敢犯邊境肅然民立生祠祀之

黎希哲

黎希哲樂至人正德間司教安寧學權諭衡序有文行所在學士歸心僚友誦義卒之日門人哀之今里人稱家行純謹者必曰黎氏云

楊 蔭

楊蔭遂寧人廩生正德間廖賊劫掠蔭奉母蘇氏避險畦草中賊獲之欲殺其母蔭抱母痛哭願以身代賊以刀屢試其頸蔭色不變遂釋其母截餘髮去當道重之表其門

王紹紳

王紹紳安岳人進士歷官監察御史按浙江風裁爲時所重先後章奏皆見推行陞湖廣僉事懇乞致仕家居不入城市與楊昇等講學于真南書院士無遠

近負笈從遊咸稱真南先生

黃 珂

黃珂遂寧人自縣令至尚書有介直譽震濠奏求護衛珂堅執不署時人以爲難卒謚簡肅

席 承

席承遂寧人書之弟嘉靖中任給事中以諫謫夷陵塞井城中民便之卒于官萬曆改元贈光祿少卿

譚 維

譚維遂寧人舉嘉靖壬辰會試以親老不就廷對後六年始舉進士授戶部主事權京商稅痛絕請託典太倉嚴祛積弊日以母老爲念未幾懇疏乞歸及母終躬營葬具人稱至孝撫按以忠孝世家表其門居鄉耻干謁以達有徑道甚衡白當道設朝天驛減廢井謀民咸利焉

譚 宣

譚宣遂寧人知河源時巨寇陳汝標掠邊鄙民被屠戮宣以誠諭之賊乃解去隣封亦賴以安

陳 講

陳講遂寧人嘉靖中歷直隸山西提學所至造育人材卓有成就歸休著茶馬志及烏集等書海內重之

申錫

申錫澧川人作先天太極諸書自一歲一月一日一時皆有圖說至於九疇會極中央立極中星合極復分畫而附益之又作三易圖說十卷以探義文孔氏之秘而六十四卦爲二圖以釋其義諸書至老不倦

譚紀

譚紀字廷憲澧川州人孝友性成父有足疾扶持四十年不少間父沒泣血三年不御酒肉建思親堂望親臺時復悲哀至老不替焉

寒衡

寒衡州人性至孝母卒水漿不入口者三日華祭一遵家禮後懼都水主事居父繼母喪哀毀廬於烏闕哭聲輒飛集哭已乃散事聞旌表

眉州

余子俊

余子俊字士英眉州青神縣人生十歲父母歿幼有大志迥異常兒登景泰辛未進士授戶部主事陞員外郎在部屬中獨開敏精勵常有兩勢家爭田久未決部檄理之甲以其地名與己姓同執爲其家故產子俊曰然則張家盡張產耶卒爲直之一時能名聞於上下出知西安府公務叢委訟牒紛紜三邊之事咸萃於府使車往來無虛日子俊處之裕如初西安患城中水鹹苦民爲艱食子俊於城西北三十里相交澆水欲開渠引入呈白巡撫秦允乃躬督工役濬決流通民用稱宜頌其功澤瀾橋圯壞行途既阻民田因折子俊先後建策營修二次橋成牢固水患遂無涇陽縣山高水下不利灌溉乃出公帑責健卒鑿山開道溉田千頃永爲秦民之利使者奏其治行爲關中冠 賜璽書旌異成化初年陞陝西右叅政尋陞右布政使子俊在陝藩最久歲儲數百萬皆手畫心計纖毫不屬胥吏之手又先卹民而後理財措寇聚斂之風頓息七年陞右副都御史巡撫延綏地方具疏言陝西有三邊延慶寧夏甘肅三邊之中延

虜爲內地國初逐出北虜遠遁黃河之外至正統初渡河來犯近邊始於沿邊立界石創營堡築墩臺天順以來虜知我東西諸邊各據險以守難於窺伺惟延慶一帶地無險阻可以馳突屢來犯掠遂人以爲嚮導遂知河套所在入屯其中自是虜顧店內而我列屯守禦反在其外臣以爲莫若沿邊一帶墩臺空處築爲邊牆立砦保守舊界石一帶多高山斗壁依山形隨地勢或剗削或累築或挑塹延引相接以爲邊牆於是東起清水營之紫城砦西至寧夏之花馬池延慶二千里每二三里間爲對角敵臺砦連比

八月八日 今二

不絕於其空處築牆如星月狀以偵敵避射凡爲堡十有二砦砦八百一十九小墩七十有大墩十有五兩月之間厥功告成皆精堅可久又榆林列戍始於正統歲調官軍未有衛至成化初立衛未就緒子俊請以先年陝西清出遠年不明軍籍及有罪誦成南土者之子孫免其遠戍就近編伍以實之擇軍中子弟之俊秀者爲弟子員奏清建學立師以教之俗不藝圖教民種稻蔬苽其蔬菜與內地等又於界石外開荒地萬頃以爲屯田得糧十數萬石以助經費自是榆林爲重鎮而興寧夏甘肅鼎立而三矣虜

自後經城下必嚙指相顧不敢鳴鎗以向丙申移鎮關中進右都御史有詔議弭盜安民之策選將勵兵之方條上事宜凡七疏入皆從之十三年陞兵部尚書子俊熟知邊清區畫各有機宜善擇屬官賢者委任之不好自專時有中官用事獻下西洋策以中旨索永樂中調軍敕子俊命吏檢舊庫職方郎中劉大夏故匿其藉以利害告遂拜服之事遂叛又永樂間勅遣大臣分行各處凡民間子弟二十以上棄衛者皆選取以備侍衛頗被發戍其軍悉隸府軍前衛數至二萬有餘立千戶所二十五領之年六十驗

有老疾實狀兵部奏請疎放仍於本州縣照名選補至是子俊議差官點選時選處多僥倖大夏言停止衆稱其服善未幾以丁憂去任十八年再起戶部尚書爲錢穀之司苛者得公名平者多後患其流之弊知有賦而不知有民旱乾水溢厭人上聞子俊樸節盈縮不爲格刻計於地方災傷上聞必請蠲恤會宣大多事命以本官兼左副都御使提督宣大軍務兼理邊儲子俊以大同宣府切近京師敵陝西邊牆所已行者而爲之乃竟爲忌者所沮不克成二十二年復召改兵部尚書理部事時年已衰疾乞休不

允力疾視事至弘治二年卒於官贈太保諡肅敏

嘉定州

梅應魁

梅應魁威遠人洪武中爲寧波府推官不事苛刻辨
卹縣民邵觀之誣人服其神明永樂二年應求賢薦
後陞刑部郎中廣東布政使

蔡廉

蔡廉嘉定人登正統別旋榜以母老乞教職就養授
井研諭母終哀毀骨立及葬遇雨不止廉大慟額天
至期開寧事畢雨如初人以爲孝感

劉瑞

公有父翁才

宋二九

三二

金

劉肅字敬之嘉定人成化丙戌進士授行人奉冊封
秦府却其私謁拜監察御史按江西湖廣二藩風裁
懋著歷湖南布政性狷介不阿權貴故權貴人忌之

童瑞

童瑞字世奇嘉定人生時有異兆故名瑞少長穎異
不凡習舉子業文舉蔚起弘治乙酉舉鄉薦第進
士授給事中尋遷都給事會陝西左布政使王衡御
史張文孚爲互糾舉不法事連宗室言官往勘率畏
避引去至則悉發其奸隱咸伏罪時論大快中官杜
安奉爲帖取太倉銀四萬兩備內帑費故事錢穀出

入戶科得與聞時不與聞疏爭之安懇請下 孝廟
欲中以危禍有旨以明年當輸內帑者扣還太倉曰
中官何能爲司徒乃阿違至是耶遂抗疏司徒某奉
職無狀亟宜罷斥假詔兩宥之由是直聲益振有杜
威者帝戚里勢挽壞鹽法劾之論如法嘗與御史劉
纓論摘寔政逮繫錦禾獄事得辭未幾還浙省左叅
議以外艱去服闋補陝西副長廬運使乃典修鹽利
繩治豪猾尋改廣西叅政時下禁所獲繫獄者百
餘人廉之多寬濫乃直之仍具牛酒犒其使師使緝
其部落咸感泣受約束居無何丁內艱服闋進湖廣
右布政使尋轉河南左所歷有政績可紀惟順天府
尹 武皇帝南巡公私惶擾從容應之若無事者京
兆賴以寧 世廟登極進工部右侍郎奉勅督修
康陵崇先殿先後賞賚殊渥未幾進本部尚書管一
再疏請老荷溫旨勉留既典司邦計裁省節縮悉中
規則其人者如仁壽宮 顯陵徐河之役上下俱便
之丁亥冬疾作 上遣中官就問私第兼賜羊豕戊
子六月疾復作竟不起年七十有四性和平坦平若
無所可否而遇大事卓有定見確乎不可奪歷官四
十年位至六卿謙恭淵其能以功名令終焉

趙時 趙時健爲人正德舉人歷知三郡連克巨寇有異績
權太僕寺少卿人服其才
宿進 宿進宇鵬忠夾江人進士歷刑部員外郎遂瑾擅權
以直言受杖卒嘉靖初贈光祿寺少卿縣有祠
程啟克 程啟克字以道嘉定人進士擢監察御史抗疏時艱
程啟克字以道嘉定人進士擢監察御史抗疏時艱
其大者如清監局之費上諫獵之書發馬昂之秘謀
辯逆黨之誣逮嘉靖間接江西主試事增已卯額以
議大獄謫戍艱苦十餘年放還置義田以贍宗族捐
家貲以新學宮又置學田若干畝隆慶初贈光祿寺
少卿
安磐 安磐字公召嘉定人戶部主事佑之子登進士選庶
吉士改兵科給事中與程侍郎彭給事相友善時號
三高繼進都給事中議大禮伏闕被笞家居守禮有
家禮儀節萬曆改元贈太常寺少卿
徐文華 徐文華字用光嘉定州人進士授大理評事改監察

御史陸大理寺左少卿大獄起編成遼陽會赦還至靜海卒爲人有節操工詩文與給事中安磐侍御程啟克給事中彭汝實爲友一時蜀中論人物四子稱首隆慶初贈金都御史

彭汝實

彭汝實字子克嘉定人進士授南京吏科給事中極言近習變亂與國是偏執反覆萬言又作貂璫錄以爲化導不果上時宰臣惡不附已罷之家居奉母孝事兄謹結廬山居成就後學

毛鳳

毛鳳夾江人進士授戶部主事歷知鎮遠廉介不苟平易近民居家貧不能自給鄉評重之

張鵬

張鵬洪雅人進士授徽州府推官讞獄明允以忤逆瑾瑾敗拜河南道御史建白侃侃以直聞巡視兩淮忤中貴張銳移病家居後巡按山西以論大臣謫知漳州著壯還集西巡稿

王儼

王儼字若思號啓齋四川威遠人隆慶戊辰進士弱冠尹金壇清簡峻絕不與人交一言惟教方施先生

邑民素弱久屬于豪右莫敢吐氣儼甫下車爲伸之豪家奴屏跡民始有生氣往邑中多弊政一一釐革尤振作士類在任五年終始如一但疾惡太嚴豪有力者媒孽之止陞南京刑部主事後歷官福建右布政使其治行多在湖廣廣東二省云方麓先生與人未嘗輕假一言獨與儼相洽其人亦可知矣

錢貴

錢貴峨眉人以越衙貢任雲南富平縣令簡重廉平邑人李義爲盜所誣貴廉其冤釋之義以三百金謝貴叱去在邑常治圖自給及卒士民如喪考妣

高任說

高任說字汝霖少篤學性端重嘗銘其座右曰程明道坐如泥塑包文拯笑比河清後舉進士歷知鎮江府政先惠愛大學士張公薦爲浙江提學竟卒不果用

張瑛

張瑛字子玉華州人才器高邁性嗜學治詩書二經善屬文工於詩事親友弟俱可爲卿閭法潛德弗售郡守召之不應

尹東郊

尹東郊字敬孚始爲滇人父爲崇縣令因占籍於嘉

州博學善爲詩郡守魏瀚甚禮重之列其狀於朝
弗就今稱尹聘君云

王表

王表字孔儀嘉州人舉於鄉年老孀居不慕仕進朝
夕躬侍手調甘旨母有疾雨到股以進請報急三赴
禮部皆中途返其詩云未忍終園終日別故時小艇
幾番回歷年九十卒水漿不入口者三日有司以聞
詔旌其宅

六月八日分六卷之二

二

瀘州

楊瑁

楊瑁瀘州人永樂中知景州剛介有爲多美蹟時州
境有四吳麥秀兩歧黠旅生野蠻成藺嘉禾九穗
父老欲上聞瑁止之周文公爲紀其事

李祥

李祥瀘州人天順解元登進士任御史鯁介無私以
剛直忤戚畹譴典史累陞副使所至以廉能見稱

王忠

王忠瀘州人性開雅善詩兄弟友愛初仕刑曹逆瑾
擅權撓法忠秉公任怨白冤獄千餘人擢陝西僉事
市米布以濟凍餒進雲南副使平夷寨有功賜金帛
進爵一級滇人祠祀之終山西參政

高巖

高巖瀘人弘治中知丕州時江彬隨武宗出狩有
司曲意阿順巖獨抗拒不屈械送錦衣獄彬敗朝議
出之歷官知府

曾瑛

曾瑛瀘人弘治進士授戶部郎中忤逆瑾出知建昌
宸濠之變與有討逆功明入祀之名宦善詩文有計

部大事記諸集行世

翁磐

翁磐瀘人弘治舉人爲禮部郎諫南巡議大禮兩受廷杖諫却西夷進獅子及芽茶咸嘉納焉歷官叅議

白檄

白檄納舉人正德進士初授工部主事督修軋清宮及整北征軍務皆有功歷陞刑部員外郎出高藩宗室三百名口流宦寺黨惡者十二人奉命決楚藩藩朝之獄并錢寧江彬諸大逆爲時推服曾疏陳

本縣民瘼改邊糧均徭役省里甲邑人至今受其惠

朱子和

朱子和瀘人嘉靖進士少博雅有異才主爵欲授以銓曹因爾補刑曹大臣家奴犯法論如律典江西試事多得名士進儀制司員外食憲浙江以能吏稱著有初溪集藏之家兄子恭官叅議姪藻官辰沅副使俱以治行聞而朱氏斌斌稱多賢矣

何其賢

何其賢瀘人領鄉薦二十餘年未嘗一至公庭孝友之行人無間言令湖廣通

劫掠設秘計擒之人稱神明出

盜匿大姓家恣行

刑獄民無冤抑憂旱禱雨勞瘁致疾竟卒于官族旋士女哀號民爭斬挽抵其家通城至今尤嗜嗜頌之云

李登

李登瀘人嘉靖舉人長子令初以孝友聞初授平江文學捐俸以修學舍濟貧生勸業括士多成就及令長子備邊儲化好恭典華利弊兩院交薦爲御史最瀘人至今仰之

韓忠

韓忠瀘人嘉靖進士耿介無私初爲吏部考功郎舉察咸當時布政張某叅政張冕有時名爲忌者所排志力庇之署文選杜請托抑僥倖權貴切齒至欲劫於道忘不爲動擢大常少卿卒於官

李惟觀

李惟觀蔡之子登嘉靖進士性慈直初爲寧國理平反冤抑民祠祀之拜御史建言崇正學等事皆見嘉納擢湖廣僉事平金崗大寇轉陝西叅議致仕歸著西臺疏草

賀顯

賀顯瀘人隱居不仕潛心經史家貧精泐泐數以自

給言勸不喻矩矱士論極乏陳太丘云

魯海寬

魯海寬漁人善詩家貧不仕受徒於合江常曉浴於渡口舉遺金七百還其主又以學資給謝女信官錢者其人納券授女寬焚而遣之

對同列客縣學訓導江之鯤

督工句容縣典史鄭乾直

人物考卷之一百十目錄

廣東廣州府

何真

簡祖英

黃哲

關敏

周志新

李德

趙介

單忠順

張度

孫黃

王佐

黎光

陳敬

陳璉

鄧林

彭通

黃裳

陳思賢

羅亨信

李晟

梁軫

翟溥福

彭森

董巨

金誠

龔遂

林彥愈

顏宗

陳諤

彭誼

盧祥

陳政

陳獻章

魯能

李嗣

何經

祁順

何淡

梁昉
附周世雍

鄭敬

陳道

張善昭

張濤

陳庸

梁儲

張泰

張詡

吳源

林光

徐瑞

何珖

何允魁

本朝京省人物考卷之百一十

南直督學御史西浙通庭訓纂集

門人蘇松備兵副使南郡熊 嘗奉閱

男 過銘盤

過銘孟

過銘重

寧國府學生員嚴弘志全訂正

廣東廣州府

何 真

何真字邦佐東莞之員岡人少英偉好書劍元至正

中仕爲河源務副使時中原兵起嶺海騷動棄官歸

鄉里慨然以生民爲念至正十五年邑民王成陳仲

王構亂真請于行省舉義兵除之真躬擐甲自往擒

仲王以歸成築砦自守乃使其弟迪驍將真從簡高

彬等領兵圍之募人能縛成者鈔十千未幾成奴縛

之以出真釋之引生笑謂曰公奈何養虎遺患成掩

面稱謝曰始以爲貓孰知其虎奴求實真如數與之

使人具以報京奴駕轉輪車數人推之使至于衆曰

四境毋如奴縛主以權此刑也又使數人鳴鉦督奴

妻囑火奴一號一羣應之曰四境有如奴縛主者視

此於是人服其實罰有章以爲光武待蒼頭子當不

能及也越趨之行者上其功居一年惠州人王仲剛與叛將黃常據忠貪暴肆效民不堪命眾舉其義運以守惠遂解惠州之困逐常錢仲剛併有惠州二州行營又上其功授惠州判尋遷惠陽路同知廣東都元帥歲癸卯南海三山民仰宗惠陷廣州守將何深死之大肆焚掠真聞之率眾復廣州號令明肅廣人大悅擢廣東分省參知政事進江西行中書省左丞分省治廣東弟迪以從征功擢宣慰使未幾合江西福建爲一省改拜江西福建行中書省左丞仍治廣州乙巳宗惠挾廉訪副使廣寧等叛圍廣真禦之踰十月部將與賊通絕糧道真出避城陷丁未五月真帥惠州部曲至廣民響應復克之宗惠退走誘右丞鐵里迷失以歸明年制授真榮祿大夫自左丞遷右丞真保有廣南或陳符瑞勸爲尉佗計者即遣而戮之以示無二心洪武元年二月 高皇帝命廖永忠爲征南將軍率舟師取廣東時永忠在福州即先遣人以書諭真三月壬辰師至潮州真遣都事劉克佐詣軍門上其印章已亥復籍所部郡縣戶口兵馬錢糧遣使表降永忠遣人送其使及表詣京師 高皇

帝賜詔褒之四月永忠至東莞真率官屬出見永忠慰諭之仍以榜招降諸寒誅御宗愚等餘孽悉平詔至真率傳入朝貢獻方物賜文綺紗羅綾絹各百匹銀千兩將校各賜有差侍膳內禁賜宴中書初賜詔諭援例當進繳真叩頭乞賜藏于家爲後世子孫榮上可之授真率奉大夫江西等處行中書省參知政事諭之曰天下分爭所謂豪傑有三易亂爲治者上也保民達變識所歸者次也負固偷安流毒生民身死不悔斯不足論矣頃者師臨閩越卿卽輸誠來歸不煩一旅之力使兵不血刃民庶安堵可謂識時達變者矣真叩頭謝曰昔武王伐暴救民諸侯不期而會者八百今主上除亂以安天下天命人歸四海景從臣本蠻邦之人始者逢亂不過結聚鄉民窮保生之計實無他志今幸遇大明麗天無幽不照臣愚豈敢上違天命太祖曰夫能不買禍于生靈者必世享其福真率忠誠念江西地近廣東用特授爾江西行省參政以表來歸之誠古云令名德之興也卿令名已著尚德脩厥德以輔我國家真率官有德有威施政聲令風行延斷人莫敢犯而一主于寬厚尤好儒術平居讀書綴文無虛時三年召還遯山東

行省參政四年命還廣東收集舊將士還京復任山東九年致仕朝朔望十三年真率以其子貴參府東宮卽除貴北城兵馬指揮十四年命真及貴同往雲南規畫糧餉開拓道路置立驛傳集糧草以俟大軍征進及還陞山西右布政使十六年致仕是年復命真及貴往廣東收集土豪一萬六百二十三人還朝拜貴明威將軍鎮南衛指揮僉事真從子潤勦敵三人皆升官軍校數十人授管軍百戶十七年復命真往廣東收集未至軍校十八年遷浙江布政使十九年朝京師調湖廣左布政使三十年復賜致仕八

月封東莞伯食祿一千五百石賜以鐵券復賜鈔萬貫仍賜第京師以其第六子宏爲尚寶司丞二十一年三月己卯真薨年六十七比葬又遣官祭祭于葬真豐傳美類得吐音如鐘少時有相者謂曰公才著文武霸王之器惜生南方微帶火色位不過封侯果如其言

簡禮英

簡禮英字世英東莞人學問該博且有才略事元爲江西都省員外又從左丞何真起兵保護滄岳督畫平仰宗愚之功居多謬永忠克服廣東乃徵祖英赴

關錫燕勞之資以纁帛拜建平縣知縣以母辭歸其
陳表略曰臣祖英九歲失怙慈親鞠育達長知訓
冀或用世以酬罔極之恩臣之志也向以叨食元祿
爲何左丞孫佐適蕭三山強寇剽掠廣城一門妻女
死節五人而老母陳氏爲所拘囚臣祖英隱忍不能
卽死有難於石苞之殉國也多矣茲遇 聖朝維新
征討不服率土效順咸蒙嘉休乃者三山逆虜悉嬰
鐵鎖臣母得以生還雖不孝之罪固所難逃而得以
展區區抵烏私情者陛下之賜也臣母子離散得完
白骨復肉銘感 聖德徹於肝肺雖九死其能報耶

陛下又復就錄寄以民社此正臣隕首思效之秋也
而臣倪願自慙不敢拜命者以罪戾已深不宜職在
民牧欽惟 聖朝以孝道治天下以仁心懷遠人臣
經事元朝幸已逃誅母年逾耄孤苦特甚尤宜惻恤
而欽恤者也伏望 聖慈矜其愛日之短俾遂歸養
之願則臣母子拭目清平謳歌德澤爲賜多矣今臣
年四十有九老母年八十有一鶴髮垂堂西山之日
已薄苟違親而事主 陛下安所用之果盡奉歡之
期然後投戈求仕進以盡忠罄節非惟盡人子私亦
聖朝孝理之道也 上俯從之人榮祖英之能養焉

時 上方以道德風厲天下凡元朝懷降之臣始雖
榮遇終必損辱名士如危素張以章輩皆所不免祖
英亦超然有遠識矣

黃哲

黃哲字庸之廣東番禺人哲弱冠而孤刻苦讀書通
五經嘗借人文選手抄之沉玩究竟遂能作詩造晉
唐奧域性好山水結廬蒲澗栖息其中往來羅浮峽
山南華諸名勝自以爲未足乃度庾嶺過吳楚遊燕
齊間一時湖海英豪皆與遊焉當風雪時泊舟秦淮
遇朱文昭涂穎輩相與握手吟詠沽酒大噱二人惜
本朝今省金芳 卷頁一
日君才如白雲吾雖知音如寡和何龍鳳中 太祖
爲吳王駐師金陵招徠名儒哲爲丞相李善長參政
張昺汪廣洋所知交薦之乙巳建吳國拜哲翰林侍
制入侍 太子讀書尋兼典籤輔道盡職 太子愛
重之鈔幣之賜無虛日丙午六月左丞相徐達北伐
還應制賦詩稱旨未幾歲早 上祈雨鍾山獲應
御製七言詩志喜命哲歷之洪武初本使青徐論諸
反側尋出知山東東阿縣吏胥初以儒生易之哲剖
決如流案牘無滯且不事激刻苛察民樂其寬一縣
帖服值旱麥苗盡稿哲齋戒徒跣烈日中詣洪範池

龍祠禱焉詞旨哀惻甘澍應時優渥民驛呼曰此黃
公雨也狼溪有怪物爲幻竊人啗之哲爲文禱於天
須臾風雷大作一青蛟斃水上時經毛貴亂後民多
流徙他鄉聞哲善政復尹業者亡慮數千人戶口日
滋辛亥陞東平府通判東阿士民遮道涕泣攀留父
老扛輿而至有百餘歲者抵府境乃返是歲黃河
梁山申書省發民疏浚黃陵岡哲建議謂此乃胡元
不告勞聞有司欲復堰黃陵岡哲建議謂此乃胡元
覆轍不可以爲法事遂寢尋上疏陳時務數十事皆
人所難言 上怒其狂妄會山東守臣言哲相俸修

先聖祠築積水湖堤有成績 上乃釋不問哲亦乞
歸得允既南還有司請哲領郡校事橫經授徒四方
至者多名士歲凡數百人哲始北上時倚蓬聽雪常
自詫曰天下奇音妙韻出自然者莫是過也歸構一
軒名聽雪蓬學者稱爲雪蓬先生

關敏

關敏南海人本朝初四方兵亂率衆保障鄉里據有
一州王師下嶺南全城歸附投巡檢後爲流賊攻陷
死于陣衆家二十口皆死焉事聞贈兵馬副指揮命
有司立廟歲祭

周志新

周志新南海人文皇帝呼爲周新因改名以志新爲
字洪武己卯舉于鄉授大理寺評事疑獄每一言而
決拜監察御史彈劾敢言貴戚畏之目爲冷面寒鐵
公京師中或怖小兒輒曰冷面而寒鐵公來皆匿永樂
元年巡按福建奏言軍民諸司兩非統屬府衛途遇
應分道而行卽有公事不許徑下府縣毋得責辱有
司官吏奉詔書雖邊衛亦從藩司道諸都司無輿焉
上悉從之二年巡按北京制令吏民有犯流徙者免
罪發北京民稀處種田羈繫數月候詳多死獄中新
奏請死罪及職官有犯詳擬待報外餘悉從刑部或
巡按詳允就發種田則下無淹滯之患上有寬恤之
恩 上諭都察院曰御史言是也且命北京百姓有
犯應決者許其收贖燕民大悅三年超爲雲南按察
使未赴命改浙江有冤民淹繫聞之喜曰冷面寒鐵
公來吾無患矣至卽洗其冤釋之一日視筴忽旋風
吹異葉至前詢之獨一僧寺有此木曰此必寺僧殺
人瘞其下也發之得一婦人屍人稱神明一巨商遠
回抵家日暮潛以其資置石下妻問之告以故明日
求之不得往訴之新新曰必而妻有外遇也鞠之果

然遽併治之境中有虎害爲文告城隍須史得虎格殺之偶行道上馳納迎馬而聚尾見一暴屍遺小木布印令人市布得印誌同者輒之乃劫布商賊也立正其罪召布商家給贖家人大驚性素廉介未顯時其妻緝經以給及貴同官內熱猶以荆布往若旧婦然故當時周憲使之名震天下初錦衣指揮紀綱使千戶往浙訓事多作威福受賄新如京師遇諸涿州捕繫之千戶脫走訴于綱綱更誣奏上怒令馳馬逮新承綱意者榜掠無完膚既至蒲伏陛前猶抗聲曰按察司行事與在內都察院同陛下所詔也不對八月八日 卷二十一

臣奉詔擒奸惡奈何罪臣死且不憾上命戮之臨刑大呼曰生爲直臣死當作直鬼是夕司天奏文星墜上旣悔後見一人衣紅衣立日中問爲誰曰臣周新也上帝以臣剛直命爲城隍爲陛下治奸臣貪吏言已不見上益憮然他日顧侍臣曰周新何許人對曰廣東上嘆曰廣東有此好人朕枉殺之矣後紀綱以罪誅事益白新旣不祿其妻獨挈遺衣及書數卷歸廣貧居如洗都御史楊信民懇撫時存問其家屬以月俸嘗語人曰周志新當代第一人嘗言所未及也

李德

李德字仲修番禺人夙負逸才博極羣書洪武庚戌以明尚書薦至京師授洛陽縣典史繼遷南陽西安二郡幕政暇過覽帝王遺墟高作賦發其胸中磊落之氣人爭傳誦常著論謂西安南陽皆天下大形勝所在建不拔之基者當擇而都之江東非其匹也士林趨其識歷職郡邑十餘年年且暮乃自陳不能更願就教職得爲湖廣漢陽教諭當兵革初靜賞舍驛遂羈中生徒僅十數輩皆獵野德盡心訓迪之秩滿改任廣西義寧縣學其俗尤陋德立法孜孜勸諭使約束鄉黨不得爲惡習俗日美科貢漸盛當道交薦之而德以倦遊南歸卒于家德爲詩多效長吉太白孫贊嘗笑之曰子真混元皇帝遠孫也德乃力追古作評者以爲跨晉唐云少嘗自號采真子著論如子書晚更潛心伊洛嘗謂誠意爲古聖哲心要故其詩有曰意誠諸安遠可以通天地又曰鑿空非自然立異豈真實堯舜與塗人其初本同一故世稱理學者必曰李仲修子孚亦能詩

趙介

趙介字伯貞番禺人博通六籍佛老諸書悉究其奧

氣宇豪邁與物無芥籍興至卽揮毫賦詩人莫測其

涯也父景元臨江治中與母連喪介孤憤閉戶讀書

無復任進意植二松于所居扁其軒曰臨清以淵明

自擬蓋昭其志云南海文士李韓以薦起介力止之

不可曉別介泣謂曰堯天雖長劉日實短子獨何心

韓竟去後倅南康被繫乃嘆曰趙伯貞真高士也介

行常以囊自隨遇景卽授詩其中絕不爲人留題獨

與劉樂善輩相倡和日往還西樵泉石間有司屢薦

皆辭免洪武己巳以累逮赴京道南昌至于舟中介

顏如渥丹丰度類神仙中人子縈絢繹純皆善詩文

本朝公初守

上篆隸時稱四懷絢隱居有父風所謂趙懷蔡者後

純貴贈食爲監察御史有臨清集行于世方孫賁王

佐結詩社南園一時名士如李德黃哲暨別駕黃楚

金徵士蔡養晦黃希文架閣蕭子文進士黃原善趙

安中安中之弟通判澄徵士納更唱迭和文士宗之

而介自成一室言與黃佐德哲並稱五先生云

單忠順

單忠順字廷直增城人洪武初以貢士選授江西道

御史風儀整峻方正不回凡有所知徑以入告後因

建言請陽朔縣典史卒于仕

建言請陽朔縣典史卒于仕

建言請陽朔縣典史卒于仕

建言請陽朔縣典史卒于仕

張度

張度字景儀增城人風儀偉特未冠時有相者見之

曰山角潤庭柱石材也以才學聞元季舉茂才爲高

要縣學教諭遭亂棄官歸杜門讀書而業益進洪武

壬子舉於鄉計偕如京師會罷科舉詔選賢能補憲

職遂權監察御史度以舉望振一時彈劾務持大體

高皇帝重之時諸助臣連姻帝室多怙勢者度每事

檢舉風采凜然朝著爲之屏迹嘗建議立張巡廟於

歸德州以勸忠 上亟命有司舉行魏觀知蘇州治

張士誠故官爲府署有司以爲言 高皇帝使度偵

之度往變姓名爲日者人吳縣學官廉其實還奉稱

旨或言度在吳縣學官每師生會膳度就食惟分其

餘以故人益不疑而事情益覈 上聞而深器之尋

誅畿輔諸郡守權度知常州府治政公勤人不敢干

以私雖公務倥傯不廢文業勸勉郡人俾知向學禮

教焉然大興前郡守何用修公屏建庠序祠宇未畢

以罪去度力終其事而民不以爲病治行爲畿輔第

一遂召爲吏部侍郎嘗條舉選法之不當者數十餘

事上之皆見用六年進本部尚書廉鑑人品銓選得

體持廉秉公朝野欽之後以小誤當獲徵還開戶一

情懷婉辛人皆傷之度爲人清謹有用世才鄉人等之以爲有崔清獻風云

孫黃

孫黃字仲衍南海人性敏邁儀觀偉然于書無所不讀爲詩文多不屬蔡仲繼行墨俄頃輒就初若不經意而氣象雄渾典喻深致駁駁乎有古風元季避亂山澤間東莞何真保有南海洪武戊申征南將軍廖永忠至真屬黃爲書請歸附曲盡誠款永忠不侈一人而南海晏然徵典郡教三年庚戌開科黃三試皆在高等賜進士出身授工部織染局使尋爲虹縣主簿時經兵燹十室九虛黃加意勞來民還其業甫一載被選爲翰林典籍宋濂樂韶鳳唐同輩亟稱許之八年預修洪武四韻踰歲持奉常節監祀西川居翰林三載外補平原簿以事逮繫有旨輸左校板築間望都門諷吟爲粵聲監者以聞召至誦所爲詩率忠愛語特釋之十五年拜蘇州府經歷二十二年諭戍遼東怡然就道酌酒賦詩無異平日都帥梅思祖節鎮三韓素聞黃名迎置家塾是歲以黨禍見法人勸其上書自明黃不答賦一詩長嘯而歿年五十有六門人黎貞隨其行葬之安山黃所著有通鑑前編綱

目者經集善理學訓蒙西菴集和陶集集古律詩數賦黃沒諸書散逸惟黎貞所編黃詩文行于世

王佐

王佐字彥舉占籍南海時孫黃與佐結詩社於南園開抗風軒以延一時名士佐才思雄渾體裁甚工黃深重之構辭敏捷王不如孫句意沉着孫不如王會何真開署求士與黃首被禮聘真敬禮二人使掌書記軍旅事多見咨詢李質者德慶豪帥也據有肇慶佐恐其有異志與黃往說之得其歡心質遂通好質好文義衣冠之士多往依之其尤知名者則有江右伯顏千中茶陵劉三吾建安張智歸言于真使招致之由此上凡以一藝名者真皆館穀之洪武六年用部使者薦拜給事中論思補闕恒稱上意學士宋濂嘗拜賜黃馬上爲歌命諸詞臣和之佐斯須而就清折富贍如宿構者有臣騎黃馬當赤心之句上覽之而喜賜鈔一錠上遊幸或遇會心處多命之賦詩三吾嘗同詠署中桂驚其才高語妙以爲名世之作其爲名流所重如此佐性不樂樞要居官二載卽乞骸骨上憐其誠特俞所請陞辭日賜鈔五千爲道路費士林義之時天威嚴重臣僚自陳者多

祇諫風佐以恭慎得歸故當時以爲難云佐天性孝
弟父沒時有廖元正者爲料理喪事續諸南雄之五
里山終身事元正如父既貴後元正之子犯法言于
有司以已資贖其罪哀慕終身形于著述集多散逸
評者比之高遠參參

黎光

黎光字仲輝江寧人博學能文獨有奇氣洪武壬
子應鄉薦釋褐拜監察御史正色立朝卓有風裁常
巡歷蘇州民罹水災缺食具實以聞得蒙賑濟存活
者甚衆及巡歷鳳陽所上封事皆切時弊遂受知于
上其在朝也執法不阿爲御史大夫陳寧所忌陞刑
部侍郎纔三閱月陳以他事中之竟卒于謫所人皆
惜之

陳敬

陳敬世家增城之石灘洪武十四年以賢良舉授禮
部主客司郎中遇事剛果敢爲人多忌之以事左遷
雲南曲靖府幕府尋署劍川州事劍川鄰寇竊發來
攻州城敬親率壯士禦之衆寡不敵其下欲退敬瞋
目大罵賈勇前進遂力戰而死軍民咸聚哭贈焉事
聞命有司恤其喪

陳璉

陳璉字廷器東莞人自幼聰敏喜學領洪武庚午鄉
薦爲桂林府教授嚴條約以身先之都督韓觀總兵
鎮守廣西猛悍不下聞璉之教悅服每加禮焉秩滿
陞國子助教永樂初廷臣言璉有治才不宜置之散
地召試在役等擢知許州始至人以儒者易之少有
警發衆爲悚懼乃吳以寬厚宰民俗多淫詞戒諭之
俗遂漸變未幾代還改滁州均徭役時征欽禁奸戢
暴民用大和 太宗皇帝巡幸北京所過先遣廷臣
察吏治問民隱治有異效者加陞擢馬家皆言璉績
人悉失之請關乞留遂陞揚州知府寧滁州事
賜綺衣 義鈔五百貫禮部宴餞給驛還任滁州又
九年陞四川按察使四川去京遠民不畏法豪吏黠
胥奸弊百出璉至一治以法不少貸軍中暴橫有號
虎彪太歲者人莫敢犯犯輒受奇禍廉得其實密遣
人捕之皆真之重典乃建言修武備慎刑罰明禮制
復義倉正風俗等九事 上嘉納之永樂間召還改
南京通政使俾專掌國子監事師道尊嚴善於訓迪
士類悅之丁內艱正統初起復調南京禮部左侍郎
又五年致仕璉德行淳懿文詞典重人愛之若拱璧

楷紳士大夫求碑銘序記詩賦諸作足相躡於門應之如響故著作最多所至學者考德問業無虛日黃蕭恭亂建制御綏靖之策竟平之卒年八十五初去潯時潯人侑之於醉翁亭與歐陽修王禹偁爲三賢祠東莞縣知縣吳守嗣之與李用李春叟亦曰三賢祠家有萬卷樓所儲書多秘府所無者四方學士求覲必館穀焉錄沒書皆失散

鄧林

鄧林字士齊新會人也洪武丙子領鄉薦爲廣西貴縣教諭林素嗜學能爲古文章復長於詩歌自謂學本朝公名人物考卷下
詩於陶韋李杜學文於史漢韓柳學書於晉唐諸名家考滿京師時大學士楊士奇祭酒李時勉聞其詩文相謂曰嶺南一代文人也暫留史館修書尋出教南昌多有薦其學者乃遷吏部驗封主事宣德四年三月以事件旨謫居杭州林博記多才器識洪邁議論侃侃抗士夫多從之爲湖山遊與布政使姚瑩士夏誠諸人譔遊倡和仁和士人張震編集刊行曰湖山遊詠錄

彭通

彭通字萬里南海人蚤失怙恃勵志讀書工爲詩隱

居教授從之遊者常數百人洪武四年由儒士舉銓都以下名人見上親聞之拜給事中恭劾封駁嚴明有威同列皆以爲勝已上方嚮學文士多權近待實左右俾應制焉通詩思敏給上稱之嘗賜贊善大夫宋濂以醉學士歌通廣和稱旨九年三月與方徵等十六人偕轉監察御史常奉命巡京郡薦達賢能攻擊貪暴有能聲用事者遣人以金帛賂之通辭不可其人強之受通欲以上聞乃已久之陞山西布政司參政通單車赴任能以公恕濬積弊河東運司官匿羨餘不以實關廉得其情通寘于法朝廷賜寶鑑旌之有吳印者官至陝西方面本五臺寺僧也以材辯受上知嘗譴殺按察僉事張丁其家人橫肆諸藩臬謹事之偶以事干通通直其罪且斥辱之條其事以聞上不之罪也尋引年致仕卒于家通爲人恭謹外柔而中實剛直爲政若不事繳察者然所舉刺動無遺失故能以功名終

黃裳

黃裳字迪吉番禺人少從李韓遊明經學善文詞洪武癸酉鄉貢進士卒業太學授福建政和知縣永樂初縣病荒歉裳勸富民發私粟以貸饑民而官置簿

晉儲其人名以印鈴之授諸官民約至秋成令息石以二斗而歸之且禁粟毋得出境獲全者衆民共德之而他縣多旱饑云政爲一省之最惟母憂去服闋部使者以文學政事薦陞禮部主事歷刑部郎中卒蒙有學識多所著述其論說所以主石之義曰社祭土主陰氣也大陽氣積而成天故其精爲星陰氣積而成地故其精爲石石擊則星出陰動生陽也星隕則陰石陽變爲陰也土爲陰氣之積而不乃其精故祀以石爲主也時稱其善論他詩文亦多可採者有黃郎中集十卷

本朝分省人物考

卷百一

十九

陳思賢

陳思賢

陳思賢廣東茂名人質直剛毅洪武末在漳州府學教授以忠孝行誼勗諸士隨才造之多所成就文皇靖難詔至思賢慟哭曰明倫之義正在今日遂堅臥不出迎率其徒位性陳應宗林珏郭君默曾廷瑞呂賢即明堂爲舊君位哭臨如禮郡人執送京師思賢死之六生成以身殉嘉靖中從學副使御鏡立祠祀之

羅亨信

羅亨信字用實廣東廣州府東莞縣人永樂癸未領

鄉薦明年甲申登進士改翰林院庶吉士是年五月授工科給事中往浙江視水災奏免嘉興海鹽崇德三縣稅糧以蘇民困丁繼母憂起復調吏科陞右給事中坐累謫交趾素位而行雖遠在荒服亦怡然自得未嘗有憂苦無聊之嘆因自號安素久之用薦起拜監察御史嘗命往通解察倉庾之弊巡按真定等府清軍山西所至有聲再丁繼母何氏憂命馳驛奔喪即起復大臣有言其堪任方面者詔復舊任食按察司僉事傳宣德乙卯陞右僉都御史命往平涼等處練兵以備邊塞殫竭心力夙夜不懈上念邊境

本朝分省人物考

卷百一

二

羅亨信

苦寒降勅勉勞正統丙辰庚都督趙安率師邊境午丁外艱奪情視事明年殄虜功成陞俸一級賜紵絲白金始命馳驛歸葬父畢事還京奉勅巡撫大同宣府并督屯種給贍軍餉興利除害爲久安計悉心國事勞來措置無不得宜言聽計行信任惟允在邊年久諳於地利之宜戰守之法轉輸之方每有建白無不嘉納已巳秋北虜入寇廷議召宣府總戎入衛衆紛然欲逐棄其城挺然仗劍當門止之衆遂定是年九月轉陞左副都御史賜以白金紵絲是時年已七十且有疾上章乞致仕越八年以壽終

李晟

李晟字孟昭南海人器宇疑重蚤有文名少孤能承
顏事母孝除已卯舉于鄉永樂初爲戶科給事中嘗
侍左右言事稱旨上嘗有所遣陸辭許過家省母
賜道里費人皆榮之已丑春正月上御奉天門晟
方奏事上謂吏部曰史材中多有能者令給事中
保舉若非其人則平日交結可知晟受命奉保郎中
萬子雅辦事官前御史傳衡命試二人以事然後任
職由是益爲上所知壬辰進都給事出知南寧府
不辭夷其民專尚德教歷六載梗化者悉歸供賦稅
以績最擢河南左叅政所至有聲致仕家居尤篤孝
友鄉邦論純君子必曰李大叅云

梁軫

梁軫字應辰三水縣人幼失怙恃家貧無以自贍幾
流徙不能自存稍長以薄業治生往往聽人講說理
學則孜孜不倦若有夙悟然者久之自知讀書專精
飭苦訓常達曙曉光微于窓析即走市頭覓贖養資
矣永樂九年奏賢書辛業太學宣德初詔國子監掄
選學業談博才行器落者授臺省官軫徵拜浙江道
御史巡按湖廣建言降平樂縣典史

程澤福

程澤福字本德東莞人永樂甲申過士知青陽縣青
陽地僻民稀因其土俗爲政一以恩禮爲本民甚戴
之縣治近九華山山麓多虎爲民患齋沐爲文檄告
山神曰民懼虎患今之過也禍于吾民寧廟于令身
二日即殲巨虎一境頌寧邑人勒石紀之移知新淦
田里廣而政冗訟繁推誠布公教民禮讓秩滿陞刑
部主事用法平恕進本部員外郎尚書魏源薦其有
牧民材出爲南康知府至則訪民情揀疾苦省刑罰
禁橫征先是郡值歲歉民有擅取富室穀粟及收割
流官本者百餘人前守論以強盜悉寘重典澤福盡
杖而遣之閩郡服其明封壤溯湖舟楫苦風濤無柁
泊所遂捐俸築石堤延袤百餘丈舟人稱便後共立
廟祀于堤上政暇遊廬山見白鹿洞書院遺址經元
兵火蕩爲瓦礫惻然興嘆以爲政本在是乃捐俸率
郡邑之尚義者重鼎建之延致仕何博士爲師簡民
間俊秀子弟受業其中會朔望親臨爲生徒講解老
稚觀聽動以百計自是郡民皆知慕學考績赴部以
老疾辭侍郎趙新嘗巡撫江西知其爲人甚詳屬聲
曰程澤福江西第一郡守也豈宜遽退懇乞累日如

得謝事別郡之日父老以其清貧特持百金餽送
謝力辭不受皆抱舟涕泣不忍舍因留帶立廟祠焉
又聞享于白鹿書院之三賢祠三賢者唐李渤宋濂
漢鼎恭也後并祀賢守號六老堂年六十六卽投老
歸杜門却掃性觀書教子孫講誦而已足跡不到公
府口不言有司政令居官三十餘年俸祿盡捐以營
公務故家居田宅絕無所增平生廉謹剛介始終一
節庭庭蕭然清貧自甘年七十一卒

彭森

彭森字伯森南海人少孤貧以俊材被選爲郡諸生
服儒衫破缺以紙補之有司見而憫焉爲給燈油
飲食使力學森以是得肆力於書授筆輒萬言皆中
規獲永樂甲午鄉舉第一明年登進士授山西道監
察御史陞福建泰政始末第時聘同里女盛早賤人
也及得辭其家以宴辭親戚復以女貌陋止之森不
可竟成婚恩愛甚篤生子皆賢而有文森嘗曰婚姻
之禮以嗣萬世也非以論財也男女之居室以正家
也非以漁色也近世鄉俗粧奩奢僭王侯不知色衰
愛弛脫輟召咎皆森所不忍爲也森有文藝居官所
至有能聲其居室一事粵人至今舉以風世

董匡

董匡字宗輔番禺人性介特選於易尤善草書隸篆
與弟匡俱負才名稱番禺二董永樂丁酉領鄉薦明
年起春官兄弟同登乙榜匡授萬載教授癸卯典山
東文衡秩滿起爲貴州道監察御史獻獄平恕匪授
金給訓導有二董集傳世

金誠

金誠字誠之番禺人尺籍繫廣州右衛讀書社學揮
使麻張最無賴遇諸塗擊之詎曰軍餘乃敢效儒生
耶褫其衣使雞草烈日中稍緩則捷之誠泣曰讀書

金誠字誠之番禺人尺籍繫廣州右衛讀書社學揮使麻張最無賴遇諸塗擊之詎曰軍餘乃敢效儒生耶褫其衣使雞草烈日中稍緩則捷之誠泣曰讀書

金誠字誠之番禺人尺籍繫廣州右衛讀書社學揮使麻張最無賴遇諸塗擊之詎曰軍餘乃敢效儒生耶褫其衣使雞草烈日中稍緩則捷之誠泣曰讀書

金誠字誠之番禺人尺籍繫廣州右衛讀書社學揮使麻張最無賴遇諸塗擊之詎曰軍餘乃敢效儒生耶褫其衣使雞草烈日中稍緩則捷之誠泣曰讀書

世

世

京師命誠鞫問張望見誠一步九頓首誠笑迎之言
于堂官釋其罪張造誠誠執禮如平時張感泣歸以
女妻誠子云誠性易直不事表暴嘗侍 文皇帝北
巡同行者視其舉動朝夕未嘗失尺寸蓋敦朴人也
正統初以疾乞歸杜跡公門怡情山水有詩集行于

龔遂字文昌番禺人永樂辛丑登進士第選授浙江
道監察御史以註誤降山東布政司副理問九載考
最陞廣西按察司經歷性廉靜不求榮進景泰癸酉
始擢柳州知府柳屬廣右要害悉心籌略民夷安之
將及九載當赴奏巡撫兩廣僉都御史葉盛廉其
介潔官吏畏服習勞民情對勞年久奏請加遂職俸
仍官府事吏部以聞欲埃至部考覈而後擢之遂不
待致仕歸道經賊追劫之獲所携數十篋盛視之皆
書籍云

林彥愈

林彥愈廣州府寶安人林光父也少服賈困于魚鹽
久乃厭奸惡之滑和津然若有得也手書小紙示其
子光曰樹立宜如是則范文正畫素弱長白山時事
也已復購文正全集界之曰是爲汝師凡光所欲讀
之書必購而貽之光夜分起讀又戒之曰亥子之交
血行經心神之所守也吾聞欲速不速欲速則蹶非
善爲速者也久之光舉于鄉不願卽仕從陳公甫講
學則愈喜手錄朱子語類至四十三卷呼光謂曰汝
學能有立吾寧飲水死不恨矣紆青紫耀閭巷何
有於我哉父子間自爲知已如此

顏宗

顏宗字學淵南海人永樂癸卯舉于鄉授福建邵武
知縣爲政平易愷悌以救荒憫旱爲先增置義倉士
民爭出粟二十餘萬儲之歲歉計口給賑民無阻饑
過大旱晝沐徒行百里禱于神雨大注歲遂稔民有
異姓者垂死其子名鐵牛尚幼託所交育之一日鐵
牛爲人所殺是武執所有者抵罪宗疑之積誠告城
廩夢有人訴曰殺牛者驢也明日召耆老問其親有
丘驢者一訊具服人稱神明鄧茂七作亂上命率
師討之渠魁既得餘黨據險當道委宗招撫宗率耆
老數輩直詣賊所賊衆皆泣謝聽命散爲良民所活
十萬餘人景泰辛未九年滿考擢兵部車駕司主事
轉署員外郎奔母喪歸卒于途

陳諤

陳諤字克初教一諤廣東廣州府番禺縣人永樂六
年鄉舉試入太學八年擢刑科給事中舉劾權貴無
所避每奏事大聲如鐘上令候之數日奏對如故
上曰是天生也每見呼爲大聲秀才嘗言事件旨
命坎壈奉天門外七日不死赦出還職尋陞吏科都
給事中一日率同列論事觸上怒落職罰修象房

同事者先治完降官去謬貧不能僱役躬治甚力備
駕至觀象 上問治屋者爲誰謬前俯伏具道所以
上憐之命復其官持擊愈甚十一年奉使雲南還命
署通政司事逾年署應天府事復署刑部十四年署
鴻臚明年改署工部所至能其官十六年六月擢順
天府尹政尚嚴實頗有張趙風嘗出行誤觸 皇太
子駕 太子訴於 上上曰陳府尹是我父母官竟
不問其優假如此既而執政者忌之出爲湖廣按察
副使以摺據 楚王細故爲 上所厭三載刑政肅
清一道無冤獄亦無冤民奏最改山西坐事落職洪
熙改元遇赦應復 上曰謬小人也宜以玷方面
貶海鹽知縣 上一日問左右大聲官人何在宜署
輔導使人得聞通乃授荆府長史多所匡益 上賜
以忠良鯁直四字示寵異焉宣德三年與王不協遷
鎮江府同知致仕歸正統九年卒於家

彭誼

彭誼字景宜廣東廣州府東莞縣人宣德乙卯鄉舉
初任工部司務正統己巳遷事起有 旨大臣舉風
憲部以誼應陞湖廣道監察御史時王文學院事號
嚴明獨禮重誼景泰庚午南直隸游民有 旨往賑

濟日走數邑不憚勞民賴活者甚衆壬申河決張秋
隄水東趨不由道奉 勅修理先是尚書石琚督都
御史王選洪英各言方略試輒敗誼乃督役夫從旁
審之約先畢先息不限日既濬決水勢緩隨既塞之
水復故處清輒通以功陞六品俸甲戌陞大理寺丞
乙亥陞右僉都御史奉 勅提督紫荆側馬等關律
將治兵修築城堡按古法造神臂弓守之尋復奉
勅提督各關倉糧保定等衛屯糧會忤權貴得罪天
順丁丑左遷紹興知府民告饑卽發倉卹之或謂當
上聞否且得罪誼曰待請而發則轉溝壑者多矣吾
何愛一身不以活萬命明年有秋民爭委輸不踰月
而倉復盈先是郡縣官田稅重耕者不得食而流移
焉賦多逋負責歸於官輒不滿秩去誼請計畝起耗
減重增輕民便之又因暇築白馬關圍墻不入激良
田若干頃歲獲穀若干斛一郡蒙其利成化元年陞
山東左布政使去之日蕭山民有感德者持海味二
器爲餽咸却之其人愧謝而去居山東一載陞工部
侍郎四年改右副都御史巡撫遼東在遼東十年嚴
武備實倉庫鎮靜有威自小黑山之捷虜遠遁不敢
犯遼東方無事時總鎮太監橫徵諸屬衛誼乃令所

屬尺移文不經本院議處者皆令覆請違者
從事虐陷頓息違人德之十三年致仕卒於家壽八
十八

盧祥

盧祥字仲和東莞人幼多技能年三十始習舉子業
往從其兄全州訓導克游正統戊午選領廣西鄉薦
壬戌登進士高等擢南京禮科給事中多所論建凡
六年丁外艱服闋補吏科論北虜也先借號之害劾
大臣王文項文曜等奸惡爲人所畏懼未幾以言事
謫山西蒲州判官慷慨就任以下僚自處或論之則
曰吾素位而行也天順改元召爲禮科都給事中章

二月八日

卷二十一

三七

續編一

疏剴切多見聽納戊寅陞南京太僕寺少卿尋以內
艱歸甲申補順天府丞其冬升都察院右僉都御史
巡撫延綏至則嚴武備肅紀綱明賞罰屢平虜寇朝
廷有白金文綺之賜議者欲進其秩宿與銓部有憾
遂爲所沮因以書抵其外甥祈願思求退休願答曰
昔人謂使管窺表吾將老焉論者有猶豫留時之謂
舅何爲而不早決也丁亥冬得謝歸明年五月卒年
六十六祥以氣節自高性寡合與同官林聰獨厚凡
所獻納必協力成之故其名稱亦相頡頏云祥嘗學

春秋於安福吳節教其子士廉從子岬岬嗣後皆預
實與由是邑子之學春秋者益甚所著奏疏詩文號
行素集藏于家

陳政

陳政字宣之番禺人生而秀穎六月能言三四齡時
客有以三人聚話命之對者應聲曰四皓同遊客太
奇之十五能文詞有理致作自訟文以警勵提學食
事彭璜見之曰此殆潛心孔孟者也亟稱之正統辛
酉登解元一卒業太學祭酒李時勉命與商略等四
十八人讀書于尊經閣下登景泰甲戌進士選爲翰

二月八日

卷二十一

三二

續編一

林庶吉士與修寰宇通志書成拜湖廣通監察御史
竊怨糾謬務存大體嘗疏劾天勤民十事人服其敢
言尋奉璽書提督北直隸學校立教條十五事故簿
書以稽學者勤惰隨其資質高下而成就之大都以
德行為本文藝爲末未嘗輕易棄人故學者咸懷其
德聞九載陞山東按察司副使提督學校如故先是
積歲蠲餉不敷庠序廩米折半支鈔奏言京師首善
之地當以培養人才爲先不宜吝惜小費詔復舊典
士益激昂久之太常卿員缺吏部侍郎尹旻指案問
犀飾示意政對曰廢金恒愧非據敢溢涯分乎旻遽

曰君言是也遂不果用成化丁亥上疏謂追崇孔子謂當易大成之號以洗胡元之陋復玄聖之稱以正宋人避諱之失用示一代崇道盛典會議者加詆斥寢其疏不行是歲改雲南按察司副使至則緹武弁之尤無良者數人修舉憲度張弛有道民夷安之甲午獻績之京至湖湘遇疾還番禺治瘵逾二載卒年五十有九政爲人資性淳雅學殖該博存心忠厚不言人過孝友信義之聲洽于鄉黨廣之薦紳謂可以託妻寄子者政一人而已

陳獻章

陳獻章字公甫廣東新會人身長八尺目光如電右臉有七黑子若斗文爲人豁達大度不見小利少警敏絕人讀書一覽輒成誦嘗讀孟子至有天民者嘆曰大丈夫行已當如是也弱冠領正統丁卯鄉薦兩上春官不第聞臨川吳與弼講伊洛之學遂從之遊既受業歸足跡不至城市閉門讀書徹夜不寢少困則以水沃其足久之乃嘆曰大學貴乎自得也自得之然後博之以典籍則典籍之言我之言也否則典籍自典籍而我自我也遂築一臺名曰陽春日靜坐其中者數年時寄休學士錢溥誦知顧德雅重之因

本朝小史卷之六

三二

廣東一

勸其止遂復遊太學祭酒那讓一日試之命和楊山此日不再得詩驚曰龜山不如也即賜言朝著謂真儒復出由是名動京師一時名士羅倫章懋莊景周英輩皆樂與之友薦紳謁見考德問業無虛日吏部侍郎尹旻賢之遣子從學辭不納給事中賀欽即抗彈解官去執弟子禮肖其貌像懸于別室有大事必啓焉羅倫改官南京修程開獻章議論亦解官去爰自成化己丑復下第南歸絕意仕進四方來學者日益衆乃築小廬山書屋以待學者雖中官繇流眷夷農賈接之無不得其歡心者家政食或貸粟於人金事陶魯以田遺之不受海北提舉汪廷貞慕甚作懷沙亭以想像之江西布政使陳煒修復白鹿洞書院走書幣聘爲師謝不往進士姜麟以使事道貴州如白沙以師禮見出曰吾聞人多矣如先生者耳目口鼻人也所以視聽言動者殆非人也至京師語人曰白沙今之孟子也廣東布政使彭韶巡撫朱英交薦召至京師朝廷用故事勅吏部考試初辭以疾不起試越數日赴試一到部門復以疾驟登卒不就試時年五十六懇辭乞終養詔與翰林檢討且云親終疾愈仍來供職公其恩疏云臣雖至愚亦知卿負恩

本朝小史卷之六

三二

廣東一

德國報稱于親終疾愈之日不敢負朝廷倚士之盛意不敢違臣子效用之初心也歸經南安知府張弼問出處對曰康齋以布衣爲石亨所薦故不受職觀秘書者豈得問悟主也惜乎宰執不悟以爲實然令受職然後觀書殊戾康齋意遂決去某以監生薦又疏陳始終願仕故不敢僞辭以釣虛名或受或不受各有攸宜爾生平事母林氏甚謹朝夕不離側或在外母或念及之輒心動亟歸果然太夫人頗信浮屠法及病命以佛事禱唯然從之御史王鼎曰此見先生愛通處也既丁內艱服闋絕不衣錦繡人問之曰向者爲親娛耳自後屢薦不起或勸之著述不答弘治十三年卒學者稱爲白沙先生

魯能

魯能字千之新會人景泰甲戌進士授南京戶部主事丁母艱服除改北戶部陞員外郎明年以繼母喪去官起復陞本部郎中癸巳遷陝西參議尋陞參政分守臨葦時清水縣城久圯虜寇卒至親率官兵且築且戰賊成而虜遁繼奉聖書還左轄總理八郡三邊稱餉徵運以時遠近有等而民不疲每歲戶部給糧米銀數十萬兩舊多乾沒于權貴能估直分瀾

合無虧兵食克裕創會計堂一所於公堂之右民徭邊備治王府祿米所當預計者則集僚佐時度其中故歲無精進甲辰陝右亢旱不登民相食乃虔禱羣望百方區畫古今救荒之宜舉行殆盡一方卒賴以無虞尋擢右副都御史巡撫甘肅至則簡閱部伍振張領要補弼利弊兵備咸飭俄聞父喪代者不至弗敢離任克以疾卒于關內計聞賜祭葬命有司歸其喪

李嗣

李嗣字克承廣東廣州府南海縣人性端謹質幹魁梧年十三爲邑庠生氣蓋時輩識者知其偉器中景泰甲戌進士授南京戶部主事以清勤知名嘗催督南畿江西積欠輸賦不勞而集乃奏增大臣一員專董其事遂爲例晉署郎中事時五城兵馬司安泰房鈔都稅司侵剋公訟憲政戾民參提兩正其罪士民稱決尚書張鳳推重之出知金華府下車之始供億豐贍一無所受適行郵飲酒禮有司設主席設核視賓十倍遽令撤之由是吏民知風指終嗣任不敢干以私郡俗婚嫁論財生次女卽淹殺之雖富家亦然嗣嚴其禁使養送無得過制其俗漸革奏立正學書

院祀王何金許四先賢重修呂東萊張南軒朱孝亭
會講麗澤書院俾郡人知所嚮慕府屬地僻遠民苦
賦役奏請割三郡近地設湯溪縣隸本府以便之諸
賦浩繁邑里多遭竄者乃手券貸諸富室以紓其困
民情安堵上風丕變治行爲浙江諸郡之冠壬辰入
覲與黃州守並謀優等諸命旌異遷浙江右叅政轉
左修築長堤以禦紹興寧波海漲二郡民永賴其利
又上軍政數十事蒙九轉行諸省晉福建右布政使
一時寮案多鄉人常居和衷相與臨事則凜不可犯
閩士稱其公明播諸謠頌尋轉左布政使辛丑入覲
如京道經金華民爭逐之攀轅涕泣不忍舍癸卯遭
內艱守制於家適蘇松多事奉情起嗣爲都察院右
副都御史往巡撫焉首陳事宜降勅嘉獎所至百廢
具興居無何召還授戶部右侍郎丁憂廷試預讀卷
孝宗卽位力疏休致優詔不許尋轉左侍郎會本部
有言兩淮鹽法不舉虧損邊儲者奉聖書督視兼都
察院左僉都御史以行悉心羣務遂感疾卽上章乞
歸得旨乘傳還第弘治甲寅卒年六十有九計開賜
葬祭嗣爲人孝友器量宏重見義敢爲遇事有斷居
官三十餘年田園無所營增沒之日衣篋中惟白金

十兩而已登第後祖業盡與兄弟休餘必以均宗黨
有司請大其居力辭之選內難自任抵家官司多致
祭禮贐金動以千兩毫釐無所取其廉介如此

何經

何經字宗易廣東順德縣人景泰五年進士歷官工
部郎中累陞廣西左布政遷右副都御史撫治鄖陽
凡輯流民禦苗酋黜貪殘號能舉其職成化二十三
年以疾乞解任不許旣而懇以爲請允之仍命病愈
日起用未幾卒賜祭葬經爲人寬厚不自表見歷三
十餘年始終如一云

祁順

祁順字致和號達巷又號興川居士三水人宣德甲
寅年十七領鄉薦天順庚辰進士在首甲以姓名皆
近上諱穆寅二甲第二授兵部主事守山海關代
歸轉戶部預科會試累遷員外郎郎中成化乙未建
儲奉詔使朝鮮未幾陞江西左叅政甫三載進右布
政使命未下以歲幣詿誤左遷貴州石阡知府壬子
丁母憂服闋陞山西右叅政乙卯進福建右布政使
尋轉江西左布政使守山海廉聲幸著使朝鮮詔至
其主故郊迎不拜順諭以禮卽拜中官偕行者貿易

以萬計悉屏之一切女樂之奉金帛之饌皆

受 天子嘉焉在石旰盡心職務營吏習以禮教自
國初來始有權科登進士者當道數以治行薦憂聞
士民不得留則竟解圍帶以識去思再任江西政持
大體度無私識惠澤甚博公帑不濫動一錢卒之日
廩無私金妻子至不足於食廷論舉都御史者再以
無內援皆不果願問學該博要歸於身心私居奉嘗
妄笑語去冠幘夜點者憚不還居官不辭勞奔恐恐
於吾君吾民之有負其著作有與川集使東稿冷菴
翠渠倡和及寶安雜詠

何 漢

公事余命云 卷二十一

三二

廣東一
徐仁

何漢字中美順德縣人天順丁丑進士除知山東濱
州適蝗旱漢至以勸相耕農爲首務定糧役料物以
貧富爲差書爲由帖預給之聽以粟麥布絹通融折
納廉其病民者一切罷之及期不待督而輸賦集暇
取呂氏鄉約教民榜每鄉慎選老人親爲演說大義
使訓其閭里按季查考民以惡聞則召其鄉老泣謂
之曰吾不能化若與若不能化鄉其罪一也然吾則
罪首也民苟三犯吾當自劾求退於若何如各懲謝
而去訟爲之稀例得皂隸馬夫折薪錢悉移應公務

新學宮修禮器延聘師儒聚民之秀者日夕教之初

士習鄙悍解額荒甚自是科第煥赫甲於他州輿論
稱其廉明仁恕政務畢舉民安其業所定徭役後守
之以爲法丁內艱去士庶萬餘人哭留之憐其清苦
贈錢二十萬相與謀曰公素廉不受踰境其受乎付
鄉老余良勝至臨清致贈漢正色卻之良勝負還散
於衆不匿一錢蓋化於漢也後貌漢像祀諸龕遂祠
服闋入爲工部虞衡員外郎陞湖廣漢陽知府教民
力農爲築陂堰使時灌漑江左右布商羣來誘民取倍
息困之與訟相督殺痛癢之民始有寧居尤重學校

公事余命云 卷二十一

三二

廣東一
徐仁

所教髦士多取甲科前此未有也陞貴州左叅政時
生熟苗相攻郡縣騷然撫巡集議用兵請漢招之會
朝命下如漢言撫巡即撤漢往漢單騎深入諭以威
德遂釋甲返故土尋以親老乞歸得允時年纔五十
餘與從弟副都御史涇內弟恭政李聰同時致仕人
訝以爲難漢居官三十年俸祿恒以助公費家產無
所增貧至不舉火自處晏如也暇惟課僕種園蔬以
自娛知縣吳廷舉稱爲吳隱之流亞分俸賜之張翊
贈之以詩謂其清奪粵江水云卒年七十五

梁 昉 附周世雍

景泰丙子鄉試第一明年登進士甫弱冠授蕭山知縣初至老吏猾胥咸以少年易之昉則情明果斷案無留牘庭無滯訟彈壓櫛垢一邑震洗于是禮賢與學教士育民縣以大治召拜監察御史嘗爲擊所不避權勢卒不容於當進出爲浙江按察僉事以嚴爲治執法一無所徇又能發詭奸伏曲見情詐豪猾遠徙未幾卒于官昉生平廉介死之日不餘一錢尺帛人咸悼惜之同邑周世雍亦景泰間進士歷江西憲副持法嚴刻剖決如流至于清

礪之操亦與昉相伯仲云

鄭敬

鄭敬字德聚東莞人少秀異明敏夜誦非三鼓不伏舉正統壬戌進士授南京湖廣道監察御史廉介自持曹無滯牒六載出爲江西按察僉事改河南雲南清慎不渝秩滿將之京土酋賄以兼金或勸之受叱曰我司風紀二十年享有常祿猶恐弗稱敢改節乎竟却之成化丙戌轉山西副使食少事煩方驗西秦而髮盡白自陳致仕歸卒于家年五十八幾無以爲人皆稱之

陳道

陳道字德修番禺人天順壬午領南義鄉薦爲甲申遂第進士成化改元授吏部文選主事未幾坐累調南京刑部歷員外郎郎中清謹守法門無私謁都人因有板陳之號刑部諸司惟廣東最稱繁劇道主是司獄無留滯時莊懿周公爲尚書雅重之推總諸司章奏一時僚友有疑事咸就正焉丁酉值內艱服除改南京兵部武選甫餘年擢知金華府民從訟蔓連動數十人累月不決至詢之不數語得其情牽連者隨皆釋之有巨豪屢起大獄官司追捕輒身負黃楸聲言上訴衆畏之如虎召置於法卽服辜無異辭府獄

之朝八分公初考

卷二十一

十一

陳道

故在治外人得出入役賒之徒肆爲教誘命限以高垣有古木當垣合抱民祠以爲神伐之而道適有小疾衆皆以爲神之靈屹不爲勸櫛竟伐而道疾良愈弘治戊申陞江西右叅政剗煩治劇益盡其心分守湖南道得吏民之刻害者十數人悉加重譴他郡邑聞其風咸懼之壬子遷雲南右布政使踰年轉陝西左布政使所至輒有能聲乙卯進都察院右副都御史奉勅巡撫河南具疏陳地方利害謂彰德等府與山西直隸錯處水旱之餘民多爲盜宜專設武臣陳州境都直隸額州數百里盜所出沒宜增添添縣黃河

之決河南爲上源而患及直隸大名府等處清治夫役宜屬之河南事下公卿議奏多從其言又以宗室分封河南爲繁衍而無籍之徒出入其第肆爲播置貽患甚大乞嚴加禁約以篤親親尤人所難言戊申召爲刑部右侍郎未幾轉左庚申陞右都御史掌南京都察院事踰年改南京刑部尚書道久職刑名凡獄訟之輕重悉取案牘未閱之詳允而後行死獄必求其生終不可得始成獄故一時重犯鮮稱寬者癸亥冬滿三載將考績過京值寒疾卽上疏乞休朝廷勉留之旨未至前一日竟卒年六十有九計聞詔

不男少人勿考

卷二十一

且一

廣東

贈太子少保遺官諭祭命有司營葬如例爲人沉靜寡言與人文及取與皆不苟爲政尚寬厚至於臨大事治大獄不含晝夜思之期於當而後已嘗以書示其子曰先正所謂煦煦爲仁子子爲義數數沾名庸庸保祿近世士大夫急於進取者往往涉此吾平生俱不及人獨幸不在此列亦願汝曹效之子大章成化甲辰進士南京太僕寺少卿

張善昭

張善昭順德縣人以鄉薦授兵部司務大司馬余子俊甚才之嘗言選法臺官以其超羣不悅擢四川僉

憲治屯田臺官劾之謫鳳陽進判轉臨江尺籍劉生等八十四人所謂統子寧肺陰好惡也善昭上封事曰子寧忠貫古今 太宗謂子寧在朕當用之

昭皇帝亦謂方孝孺等忠臣既忠之矣何肺腑外屬尚以奸惡配百年不有哉之復其家朝野壯之初善昭計偕天順癸未南宮火執友劉生琮死焉善昭傍重數日於煨燼中得遺骨歸瘞卒業成均同舍趙蘭生窘且疫妻躬薪水門無親賓善昭頻往視之生垂絕叩枕謝曰螻蟻何足累君君幸自愛比再往生已臥地撫其心尚溫也曰是謂泥丸宮氣行週而塌圻

不男少人勿考

卷二十二

且二

廣東

鼓觸弗洩者法當生舉而卧之狀對以湯水越數日愈明年舉進士德善昭若父以終其身爲人敦本尚義旁近里中無甚凍者餓者裸葬者忿而爭者都御史劉大夏鎮粵時獨單車訪善昭信宿乃去孫濬最知名

張濬

張濬字仲堤號涇川新會人天資穎異十歲能屬文日記數千言成化丁酉舉鄉試第九時年十六明年登進士始冠改翰林庶吉士庚子授編修弘治己酉陞侍講乙丑陞侍讀學士弘治初晉學士再轉國子

祭酒正德丁卯遷禮部右侍郎尋轉左已巳陞南京
禮部尚書遷改戶部吏部又改兵部參贊機務前後
引疾乞休疏凡十五上至乙亥始得請特加太子少
傅賜聖書給驛以歸仍諭有司月給米歲給輿隸廩
其子概中書舍人仲子樾國子生皆異數也漆勳於
職業在翰林書授書內館纂修 憲廟實錄同考會
試者二主考順天鄉試知貢舉及廷試受卷提調者
各一皆以精敏爲同事所推服事先朝爲講官又日
侍春宮講讀每進講必齋戒致敬敷陳啓沃不忘規
正爲祭酒毅然以師道自任日生彝倫堂謀諸生進
修雖盛暑不輟諸生有疾病憂患必拊循周恤之尤
諄諄以存心爲訓曰爲學當求諸心心之理得則大
本立著爲文章發爲事業皆舉而措之耳在吏部以
儲位久虛草廩率同儕以請或難之曰此社稷至計
他不遑恤脫有譴責某獨任之既轉兵部卽條上時
務八事多報可守備廳故有審事官其貪橫奏革之
仍著爲令人大稱快四方遊僧多贅聚覓剎名曰安
禪主之者皆貴豪也漆曰是將惑衆且蠹財下令逐
之先是父資政公自南京還道全州愛其風土淳厚
有卜築之意至是歸遂定居焉日與賢士大夫登

觴詠爲樂母兄郎報或時政有關及四方水旱輟
形於色常念先塋遠在平南冒暑往省進至柳州適
疾卒訃聞 上悼惜之命禮部諭祭者再遣工部治
葬事

陳 庸

陳庸字秉常南海人力行好古舉成化甲午聞江門
之學往師事之獻章深服其德量典張謂李孔修爲
異逆交謂初見獻章庸爲紹興或詢謂爲人獻章曰
余知庸庸知謂何問焉庸潛心理奧多所自得其學
以主靜爲本羅倫莊景望重一時少許可遇庸輒嘆
實踰年五十親友強之仕釋褐補荆門州同知蒞任
五日不能隨時俯仰拂衣歸足不履城廓督學王弘
故與相見竟謝不往友人謝佑卒貧無以葬整囊助
之病革沐浴更衣設獻章像焚香再拜而逝年八十
六所著有東峰語錄其徒多以科第顯倫文叙最著
梁 儲

梁儲字叔厚廣東廣州府順德縣人自幼穎異不凡
篤於孝友弱冠博學能文成化戊戌會試禮部第一
改庶吉士十六年授編修二十二年尋兼司經局校
書侍 孝廟於東宮日進講讀多所啓沃丁未充會

試同考官旋丁內艱暨外艱弘治辛亥服闋進侍讀
與修憲廟實錄成進司經局洗馬壬子主考順天
鄉試復侍武宗東宮講讀戊午主試應天是歲冬
冊封安南國王充正使輕裝冒險兼程以進至則宣
布德威竣事亟反安南利盡南海故多琛貝犀珠之
餽儲一無所受安南國人相顧動色曰中朝多廉士
至此邪庚申九年考滿還翰林院學士辛酉再主
試順天壬戌奉詔教庶吉士與修大明會典書成進
少詹事仍兼學士本年遷吏部右侍郎奉命充正使
冊封魯藩正德改元詔纂修孝廟實錄及合典俱
爲副總裁遂轉左侍郎明年遷吏部尚書兼學士專
典詔勅掌詹事府事又明年戊辰主會試時逆瑾竊
權專恣有不附己者輒以計去之乃指摘會典訛繆
貶爲吏部右侍郎實錄成復尚書兼職加故瑾猶憾
不置指譏錄中欲中以危禍而難其辭俄有旨調南
京吏部尚書加太子少保實厄其進也五年瑾敗召
復官兼文淵閣學士權居內閣參預密勿既至進武
英殿大學士加少保兼太子太保尋進少傅兼太子
太傅謹身殿大學士廕一子中書舍人甲戌再主會
試凡六司文衡藻鑑精密防範詳密所取士號稱得

人六年考滿加少師兼太子太師華蓋殿大學士迭
是石齋楊公首兼朝政以父喪去位言于武宗勅
遣行人慰諭命有司卽其家督促上遂楊公至廕居
其下士論多之奉詔奉安孝貞皇太后梓宮於茂
陵損益會通一裁之於禮武宗之將幸宣大也楊
公暨敕所將公皆在告中外洵洵莫敢先發乃與東
萊毛公極諫於左順門內繼之以泣既而毛公亦在
告獨廷爭累日不得命陝西親藩有請良田爲牧地
錢寧江彬及宦官張忠輩受重賄賂上許之兵部
及科道交劾奏謂太祖高皇帝有禁茲田不得
畀藩封上曰朕念親親與之勿爲聞言大學士楊
廷和蔣冕皆引疾不出儲曰如皆引疾如國事何是
時上震怒令內臣督促草制備承命上制草曰昔
太祖皇帝著令藩封不當益以土地土地既廣將多
富士馬奸人誘爲不軌不利宗社今王請求懇篤朕
念親親畀地於王王得地宜益謹候度母牧聚奸人
毋多養士馬毋聽強人誘爲不軌危我社稷是時雖
欲念保親親不可得已王其慎之母忽上覽制駭
曰若是可虞其勿與事遂棄衆謂儲一草制間有回
天之力會上自稱威武大將軍鎮國公朱壽慈遂

今內閣草勅大學士楊廷和同備力諫不聽屢使促
勅廷和稱疾不出至是上御左順門面促儲儲奏
曰勅不敢草上曰何乃逆命對曰凡事可將順獨
此勅不敢草上曰何不取對曰陛下爲君乃自
卑而列於臣臣草勅是以臣名君故不敢上大怒
手劍立曰不草勅而此劍儲免冠解帶伏地流涕曰
臣逆命有罪願就死若草勅則以臣名君臣死不敢
奉命良久上釋之時禮部尚書李遵學等廷議建
儲居守朱寧陰受寧王宸濠賂謀入寧王世子司香
太廟江彬亦欲立所厚遠藩各陰有所主築儲厲聲
曰

本朝分省命考

卷一百一十

日

皇上春秋鼎盛建儲未宜輕言萬一有他吾輩
伏斧鑕矣邪謀豈可聽狗王瓊王鴻儒亦助言之議
遂寢已卯考一品九年滿進階特進光祿大夫勳左
柱國兼給誥命褒諭賜宴禮部會江西兵變大駕南
征扈從至南都凡七請回鑾不報時且郊與蔣公謀
曰既郊則退無日矣遂疏言南都郊祀祖宗配位
不同典章位置不可紊且天子主豐庠北而南神
必不飲乃不果郊遂定議北歸復聽請於行宮西階
中使傳諭者再四得報乃起時師行所過驛驛有司
供役勞費悉散遣之民得少息弗及於亂中道既自

初罷挺京師再疏弗允儲乃疏言老病宜免且請
未葬先隴未修辭旨懇切竟優詔勉留而遣使爲治
葬修墓且賜之祭未幾與羣公受遺命定策世廟
自與邸入正大統奉迎勅進既而外議謂儲黨逆濠
復護衛不知主之者非儲也默然不辨攻訐者縷縷
歸亦不較固申前請上可其奏賜勅馳傳遣行人
送歸仍官其子鈞甫爲中書舍人歸日以詩酒自娛
與弟恭議君億億伴山水間所居蕭然如韋布士田
宅一無所益嘉靖乙酉秋上念定策功詔蔭子鈞
甫爲尚寶司丞歲丁亥三月卒享年七十有七贈太

文淵閣

卷一百一十

日

張泰

師諱文康儲沉重朴雅惻惻無違接人和易無所乖
忤雖賤士亦必下之以禮有善則爲之延譽有過輒
掩匿之博交汎愛而臧否自別尤善調郵無間賢不
肖皆稱焉長者立朝四十餘年議論每持忠厚若不
出口且不爲矯亢故羣邪用事從容其間若履坦途
雖位極大臣而賓客過從治具款飲無不盡歡而罷
至其用人爲政要自有不可奪者爲文章冲澹平雅
不事剗削而自合程度所著有鬱洲集藏於家

張泰

張泰字叔亨順德人成化丙戌進士知沙縣爲入端

薩樂易政尚寬平公庭無留事民愛戴之修飭學校
重建先賢祠修建縣治事集而民不擾公暇輒蒞學
躬勵諸生學業列羅摩章陳了齋遺書以詔學者邑
士用皆北照經兵燹泰至百廢具舉甫三載以賢能
徵授江寧道試御史巡視通州倉革包攬之弊言及
宮闈吏政上怒杖責之幾死提督京畿學政公明
爲衆推服丁憂養病十有餘年弘治壬子復起出按
雲南奏增解額五名繩賊吏之尤無良者先是象馬
思探執木邦宜屬司罕究法囚禁四十年未有所處
泰於是會議檄各漢土官兵臨其境以公移諭之恩
人請罪補遺一朝頓釋遠近稱其能既復命行劾中
貴及改里壞法者上怒罰俸半年尋陞太僕少卿
及改大理寺勸州皇莊與牧馬草場爭地界日久累
勘不明奉命會武臣清理泰密訪得永樂中開設圖
本按之舊貴始服陞副都御史總督南京糧儲遂甄
專委任清兌支均休糧委監收廣儲積修常平清軍
數總部送限稽派重查糧稽行休省守支十二事俱
先行正德丁卯選工部侍郎公出納杜請託改南京
都察院右副都御史府逆瑾盜虐所求不副奇禍立

張訓

至泰來表入賀惟以土葛布遺瑾憾之以中旨陞戶
部尚書者致仕家居三月卒朝廷遣官賜祭葬如制
張訓字廷實南海人少負經濟力行好古不爲口耳
之學莆田彭韶見其所作詩美之曰嶺南孤鳳也成
化甲辰登進士疏乞養病歸總督兩廣都御史屠濬
俾有司促之任北上授戶部主事尋丁艱歸隱居二
十餘年弘治辛酉巡按御史費鏗疏訓學問優長操
履端愼杜門高尚不干時事部書下有司速駕訓以
疾辭不起正德初御史程材王冕前後疏訓少從陳
獻章講學祖濂洛正派爲嶺南學者所宗師友淵源
踐履純篤閉門養病讀書求志可大用部書再下詔
復辭如前繼而吏部以謂敦龐博雅雖有古風恬靜
清修寡欲忘世薦不報巡按御史累疏學行以聞有
旨起用甲戌拜南京通政司左叅議檄下趣上道先
具疏辭以疾赴南畿謁孝陵而歸抵家不閱旬卒年
六十

吳源

吳源字源深號震白增城人由成化進士尹弋陽治
弋折節白律朝夕飯粟一瓢羹一齋擇不取適民有

飢水土物者謝而不受從者苦之私曰又從官人
益吾不如歸趾隨俗吏役役以簿書期會倣古循良
自效始至日與諸生講學習射而助其不給者寧陋
官室以與民寬力立義倉以廩其無告者十萬石挺
身權中貴人之威而息其暴欲裁無經之費以爲典
常曰寧我受責毋寧使民受其辜嘗從其僕問弋之
俗因謂婦人何髻僕訝曰主官弋六年今問髻詐我
也曰吾殊不覺耳安有爲民父母窺其子女乎爲弋
陽六年弋陽之民歌之者以數百未滿秩以御史陳
選疏薦陞饒州府同知踰年而卒于官太守發篋視
之僅數金嘆曰覆自信廉吏也厚賻之始克成飲源
嘗語從子時慎曰兒謂我何如人夫太匠不斧試大
器不小庸凡我之所以爲此者非吾之所謂上焉者
也吾之所謂上焉者而何足以知之峯山飲流抱道
而居義高憑虛造物爲徒世貴不足賤而有餘吾不
知其不可也既卒而弋士祠於奎星樓民祠於縣治
邑祠于鄉賢與崔李爲焉

林光

林光字緝熙東莞人生而狀貌清臞資性粹美苦學
不懈博綜經史年十七補邑庠生讀吳文正公論學

諸書益大感悟建得起亭日讀書持敬涵養其中咸
化乙酉領鄉薦已丑會試拜陳獻章于神樂觀語大
合遂從歸江門曰吾得師矣獻章亦深期之已而築
室樓山往來問學者二十年巡撫朱英勸之仕尤報
曰夫人幼而習之於小學必求所以事上長而進之
於大學必求所以治下善學者不汲汲於爲成敗
利鈍之外而汲汲於吾心權衡尺度之間寧學成而
不用未有不成功而苟用者也尋丁外艱服闋母孺人
強之出甲辰會試中乙榜授平湖教諭以斯道爲已
任以身爲教勉學者探本窮源反身修行一時士習

丕變上敦風化養廉耻疏言甚懇切蒙允行之巡撫
彭公廉其賢待以賓師之禮丙午分考福建多得名
士各贈酒皆謝却之弘治己酉主考湖廣是年總修
浙藩 憲廟實錄辛亥修嘉興縣志壬子復同考順
天試凡三授文時服其藻鑒部使者以卓異薦等陞
交州府學教授會丁內艱起服補浙之嚴州府學教
授按察使孫需以古道正學作士淑人薦國子博士
作正學解教胄子解諸生翕然宗之會孔廟歲炎上
疏言孔子之心必不安於天子禮樂之祀題額宜曰
先師孔子明論禮之三載乞致仕不允尋陞襄府左

長史先是羅倫墓詩一聯以贈云南冠今入晉家池
一代風流更屬誰至是符其識云襄懷王新元化
王暫理府事百斛叢積威令不行光隨方整頓由是
官僚効職奸宄革心宮闈肅清門禁嚴密而犂小因
之側目未幾進中顧大夫致仕邑大夫歲時謁為鄉
賓皆不應日惟兀坐手不釋卷典到則曳杖逍遙吟
咏自適於世好澹然無與也年八十一而卒嘗言所
謂聞道者在自得耳讀盡天下書說盡天下理無自
得入頭處終是閑也其中殆有浩然自樂者

徐瑞

徐瑞字邦祥番禺人少穎悟儀表豐偉有文
名成化丁酉領解首丁未進士第三人及第授翰林
院編修肆力于學歷籍日達同館皆推重之庚戌以
修志廟實錄成遷修撰癸丑引例歸省弱父母皆
無恙子何卒采咸惜之瑞所為文汪洋浩論成一家
言時東莞劉存業亦以第二人及第並有文名

何珣

何珣字汝玉廣東順德縣人成化十一年進士由桐
廬知縣遷河南道御史察按蘇松建言杖獄調大寧
知縣歷涇州府知府一憂後除涇州府陞廣西右叅

政致仕

何允赴

何允赴字允陞廣東順德縣人嘉靖十四年進士由
行人選浙江道御史十八年清軍南直隸巡按山東
浙江建言謫浦江知縣陞汀州府通判累陞貴州僉
事疏請致仕

人物考卷之一百十一目錄

廣東廣州府二

黃緯

陳希文

沈光

黃衷

倫文敘

王縝

蘇葵

方獻夫

湛若水

陳錫

黃重

霍韜

鍾善經

梁焯

倫以訓

倫以諒

鍾雲瑞

王漸達

黃佐

黎貫

祁敕

王鳳靈

何鰲

張深

陳騏

劉士奇

何宏

鍾曉

方重杰

林挺春

梁廷振

何維栢

侯國治

龐尚鵬

龐嵩

梁有譽

本府分府人物考卷之二目錄

陳紹儒

蕭端蒙

黎民表

趙勳

羅虞臣

郭棐

歐大任

雲奇

唐豫

黎貞

李孔脩

陳鶴

李義壯

何繼之

岑萬

戴銳

林烈

梁津

李鳳

唐守勳

李价

李邦義

岑用賓

梁典

劉格

李悅

嚴堞

謝佑

何廷矩

霍任

鍾景星

鄭昊

劉克正

梁有年

區越

殷廷蘭

本府分府人物考卷之二目錄

二

本朝京省人物考卷之百十一

廣東廣州府二

黃 暉

黃暉字時雍號稼坡南海人年二十六領成化乙酉鄉薦卒業太學益博綜羣籍以書授徒凡得其言要者卒爲名士然屢屈於禮闈始謁選天曹太宰鑑其文第一授吏部司務陞司封員外郎時東廠權傾特盛曹署請謁必踞歲暮饋曆次當往比見長揖而已總兵沐昆請嗣黔岡公暉按其世宜襲西平侯執奏至再朝廷以舊恩遠鎮特與世公爵故事予通朝籍父爲外小吏雖以罪廢猶冒貤封暉素革之由是士人始知恩典之重尋拜江西左叅議奉制督儲入辭家宰屠公屠曰江西大藩錢穀弊集是以付卿暉對曰往服厥官安敢不力如後有謂暉才智弗給即皆可信若謂其貪幸見察耳屠曰嘻豈有是哉至則摧獎惠良去積蠹如振秋稿郡縣糧目素繁且雜若完若負不稽簿領肆口指陳無一勞謬又妙通算法日量贏縮不假籌計奸吏屏伏糧政大修寧庶人蓄異志禮多僭擬庶僚朝見頻贊叩頭暉伏不動俟贊畢而興識者以爲得體祿米折價溢數而橫取暉執不

本朝京省人物考

卷一百十一

黃 暉

可庶人大怒遣僞實李其勤以危言曰殿下且奏奏下卽有政通判輩斬矣暉徐曰第斬吾一人足矣何寬彼邪其議竟沮至如辯豪僧之誣訟過兌運之侵暴上下避焉居八年撫臺林公見素薦之巡察若谷若周若王薦之以無內援未果遷值逆瑾亂政裁奉制官暉在裁列士民羣泣欲疏乞留暉輕舟徑去既而江西督務日弊朝議以舊職起暉復領其事未至擢雲南左叅政所管納樓茶甸長官死妻沙福代與夫弟普顯治兵相攻積數年死者甚衆撫鎮屢遣屬僚撫諭竟莫能平暉曰非濟果重職恐未有濟乃借會司都閫以往比至境福顯皆盛兵自備暉若不聞也者據館卽召二渠反覆詰讓盡得其情乃執通把墩革將撻之操兵者望風奔潰暉度其已困釋之曰日暮且休矣遲明俱來吾有戒約詰旦二渠皆束身伏庭下聽命去居數月福等各行千金求變初約且曰已告夫二子者暉曰吾卽受此緣此以死者將不知幾千百人吾雖貧已老如子孫何謀者乃腹竟弭其亂初安南長官那代攻破蒙自虜其令祿卿之族負固垂二紀歷數守巡毋敢議者暉至則游壘增牌調餉練兵建旗鼓申號令若將征之者代報請歸祿

本朝京省人物考

卷一百十一

黃 暉

卿之妻若其屬口乞緩師以圖新由是威震六詔
崔安附理作威且忌其功語次微有譏犯時盛氣力
辯聲色俱厲安乃媿屈連呼鐵漢吏民因稱鐵漢公
云比致仕垂案而歸觀者泣數謂三原公後無此廉
節也雅善吟詠晚年屏居詩益雋永遺稿藏于家正
德壬申辛享年七十有三

陳希文

陳希文字載道南海人成化癸卯舉于鄉乙丑令武
清縣去京師百里道衝通運河民疲俗悍希文至視
篆七日即執勸舊案販私鹽及開市于河西務者數

本朝今

卷一百一十一

陳希文

人治之凡利於民次第舉行其年大治邑舊無城池
嘗苦響馬賊希文私書勸戚有田在邑者計田出賃
功遂告成部使者交薦之拜太僕寺丞庚午領常盈
庫銀二萬兩往大同買馬給散軍士兼開帑得欺匿
銀三萬以聞歸途遇劉六劉七之亂次定州城中驚
駭士民擁人問計即登城號召發公廩以給貧民守
城者有無賴子陰與賊通希文擒斬以徇民遂堅守
賊環攻三日知有備乃去至真定賊已抵近郊守官
聞城遣人察識希文乃啓鑰希文按轡徐行驅民先
入民得安堵尋奏毀真定等府寄庫養馬餘地銀乾

沒者治如律丙子出爲湖廣常德知府備理河渠興
振學校居三年述職如京解官歸卒年六十有五

先光

先光字汝實南海人始祖有鶴園徙居順德之鷺洲
村光生而長身玉立讀書八行俱下舉弘治丙辰進
士授江西安仁知縣潔已愛民善辨疑獄寔人子誣
陷重辟歲久不白光一訊立釋之百姓爲之語曰民
無冤訟有先燈籠訟無滯屈有先三日言其明且斷
也水災民饑光發賑不俟請命存活甚衆縣有引鹽
前官卒利其羨光藉以輸公遂爲成例時進諸生講

本朝今

卷一百一十二

先光

學勉以忠孝大義如大學士桂萼兄弟皆感教而興
者丁父艱去補今泰興召爲陝西道御史出按應天
獎廉察墨風裁大著臨江民某商于徽以誣繫獄幾
瘦死光廉其寃爲獻出他郡平反多類此居臺七載
疏毀佛像疏劉瑾專權疏江彬誘駕巡幸侃侃凡千
萬言中外爲光危光不色動疏亦畱中光遂乞歸養
母杜門十八年嘉靖戊子以薦起南京通叅歷太僕
太常晉工部右侍郎所至皆有聲遇太廟災援例自
陳爲時宰所忌竟准致仕光廉靖正直居官無紛華
之好解組林下不通冠蓋日從父老徒步田間問樵

答稔無有知其爲卿佐者卒後 上遣官論祭于義
相廕京府別駕孫應芳憲祖俱舉于鄉

黃衷

黃衷字子和南海人父璉居喪盡禮以學行稱士多
從之遊衷幼穎絕倫三歲誦孝經問孝本天性何別
於天子諸侯璉大異之弘治丙辰登進士授南京戶
部主事監江北諸倉嚴括積歲侵羨得粟十餘萬及
督榷楊州尋丁內艱時僅四十日輸銀九千三百餘
兩卽前此一歲之入也起復除戶部督員外郎惟外
艱補南兵部晉禮部郎中歷轉兵吏二部與顧璘陳
沂輩以詩文擅名出知湖州府遷福建都轉運使晉
廣西督糧參政繩奸有法境內肅然時征古田帥師
由落容斬首二千餘級增俸一階辛巳擢雲南右布
政以征芒市功轉左尋擢右副都御史巡撫雲南薦
賢黜貪安民禦盜清里役以節財力復條陳地方利
病八事皆切機宜移鎮湖廣首劾巡守二人奸吏多
盜風解去脩沔陽州龍淵滄浪等隄士民立碑以紀
之數月積粟八十餘萬石銀四萬餘兩特詔嘉獎丙
戌以討賊功再蒙褒賚晉工部右侍郎改兵部右侍
郎抵家累疏乞休不報會有忌之者竟以誣誤削秩

或勸上疏自明衷曰事久當白何辯爲久之果詔復
職致仕卒年八十所著有矩洲文集十卷詩集十卷
奏議十卷海語一卷行于世

倫文敘

倫文敘字伯疇長身玉立頭顱大二尺許五歲時與
羣兒戲有術者獨指之曰是兒當大魁天下弘治己
酉以儒士小試御史周南得其卷於遺才中嗟異之
入棘闈果中高等己未會試殿試皆第一授翰林修
撰學行才器爲世所推重乙丑 武宗登極使頒朔
安南會丁外艱不果庚午起復爲經筵講官尋起右
春坊右諭德壬申進講舜有臣五人而天下治多規
諷語癸酉進修玉牒是秋主應天試事竣卒于京師
年四十有七文使天性純厚篤于孝友仗義恤孤室
無私財且器量甚弘人皆期爲台輔及卒天下惜之
所爲文宗韓楊悠長宛轉類其爲人居嘗以書史自
娛手不釋卷尤善教子三子以諒以訓以詵皆成進
士而以諒鄉試第一以訓會試第一廷試第二父子
居四元海內科名無兩云

王纘

王纘字文哲東莞人父恪寶慶知府纘爲人敦重寡

言笑弘治癸丑進士爲翰林院庶吉士授兵科給事中出使安南其國王郊迎席拜以禮卓叱去之所餽金寶一無所受進禮科右給事中奉勅清查南畿屯田革宿弊捃工科都給事中正德初擢山西左叅政遇例裁革改雲南左叅政時逆瑾擅權奪罰米五百石俸不足鬻產以償瑾誅進右叅政使俄進福建左布政使遂陟都察院右副都御史奉勅巡撫應天蘇松嘉杭等郡兼督糧儲殲逆賊劉七於狼山禦挑峒賊王浩八於徽寧復賜鈔幣隨以乾清宮災警上陳言以答謠四事曰正本以安天下省內臣以慰民望處驛遞以蘇民困廣延納以開壅蔽皆切時弊武宗西巡疏止之不報歲壬申丁內艱服闋以父年老乞終養勅起撫治鄖陽至任時武宗巡幸諸郡供億動以萬計有求活虎豹以獻悉令罷之且究其爲首者褫府護衛奪民產爲疏辯以還民已卯夏寧藩煽亂震授刑襄嶺下令設守備嚴警柝士氣振奮人心獲安擢南京刑部右侍郎嘉靖紀元隨上疏陳十事曰正心以正大本勤政以法祖德親賢以廣延訪守信以重詔令崇德以禁奢侈舉知以求賢才體仁以恤民窮修禮以正風俗裁冗員以復舊制慎刑

罰以重人命多見採納陞南京戶部尚書疏以父年老辭不允時南畿大饑撫區處賑恤請內帑銀五給之尋卒於官年六十有一計聞上命賜祭葬

蘇葵

蘇葵字伯誠順德之龍頭人進士入翰林爲庶吉士授編修弘治丙辰文當同考會試柄臣屬其私人葵堅却之遂謝試事被譴出爲江西僉事提督學政公明士子服焉鎮中太監董讓作威精神奪氣葵守正不能詭媚讓誣奏葵違法司盛洪等臨治南昌洪欲刑葵諸生數百排闥入擁葵而去事竟得白增修白

久南今分命云

卷三十二

人

廣雅

鹿書院置學田改四川葵不能具其兄助之乃行四川士愛之如江西至福建右布政使卒正德辛未江西提學副使李夢陽請入白鹿洞先賢祠曰公昔省方視學矜佩作氣抗折權貴威武不屈茲洞之興公實有力德祀功祀二者公並有之

方獻夫

贈子

方獻夫字叔賢南海人父遂以鄉薦署全州學止卒遺腹生獻夫七歲卽苦學不輟壯重如成人弘治甲子舉鄉試第二登乙丑進士選庶吉士乞歸養母終喪起復歷吏部文選員外郎正德中復謝病歸與灌

若水霍翰卜築西樵往來講學嘉靖癸未以薦起授
考功員外郎會大禮議興廷臣惑於漢說獄夫上疏
極言今日之事與漢議不同者三烏得率令強附少
師揚廷和見而惡之尋轉侍講學士敷陳洪範之義
上皆嘉納之乙酉大禮書成擢少詹事丁亥轉禮
部右侍郎上以張寅獄久不白命桂萼攝刑部張
璵攝都察院獻夫攝大理寺廷鞠之獄成上欲誅
御史馬錄及其黨四十人獻夫與璵等力救錄得請
成餘皆未減上又欲誅建昌侯張延齡密詢之對
曰昔漢文誅薄昭致母不食今殺延齡必傷昭聖太
后心非盛德事也遂寢後夏言伺上意陰令重至
等上受惡詔始不免是冬遷吏部侍郎尋擢禮部尚
書獻夫遂請毀議內尼菴至六百餘區天下僧道無
度牒者悉令還俗戊子明倫大典成加太子太保尋
改吏部尚書陳言修省諸疏多見採納庚寅謝病南
歸尋忽何復遣行人蔡愛徵還晉少保兼武英殿大
學士賜金章曰忠誠直諫久之進光祿大夫柱國以
病屢乞骸骨不許懇少傅李時為請始許之治第西
樵山麓優游十載而卒贈特進太保謚文襄平生厚
於人論解州後晉家奴忤其兄茂夫意輒置酒長跪

謝罪尤篤交誼友人陳激衷貧為置田園以榮其老
少時與王守仁同官吏部而折節相師士林多共謙
遜年僅五十輒力辭樞筦其急流勇退尤近世所罕
觀云所著有易經約說學解大學中庸二原西樵存
稿子紫庭歷尚寶卿薨多智略精騎射歷贛州府同
知有平寇功後至武定知府

湛若水

湛若水字元明廣東增城人性穎敏自少知學弘治
壬子以書魁其倫尋從白沙先生遊即以隨處體認
天理為宗旨曰此子參前倚衡之學也自是潛心
默會日有所得遂焚去路引誓不復仕後以母命出
食事徐紱為勸駕赴南雍祭酒章懋試辟而益肯論
甚奇之乙丑會試學士張元禎楊廷和主考撫其卷
曰此非白沙之徒不能為拔第二名賜進士高等選
為翰林庶吉士擢編修時陽明王公在吏部相與倡
道京師場屋所取士修謨呂柟主事王崇輩和之道
價日著學者稱甘泉先生久之使安南冊封國王黎
嗣却其餽不受正德丁亥奉母喪歸葬荷塘廬墓三
年墓產瑞瓜人以為孝感所致卜築西樵多士末學
支輿日給錢米開禮舍于僧寺至齋戒三日習禮成

而後聽講必端主觀心不遽與言嘉靖初趙朝考九年滿陞侍讀尋陞南京國子監祭酒開講院與諸生論學刻心性圖說未滿考陞禮部侍郎先後有勳聖學等疏凡數十總爲獻納編又徵大學衍義補作格物通以進累遷南禮吏兵三部尚書置新泉三山二莊講學於新泉書院江都休寧貴池等處書院所在而足滿九十年考吏部奏其績 上以年逾七十許致仕所著有遵道錄樵語古文小學四書訓二禮經傳測春秋正傳古易經傳測學府訓測前後詩文集不啻千百卷平生足跡所至必建書院祀白沙雖田莊亦然管子所居天關精舍立祀先聖所置倉廩館穀多士又至衡山建白沙書院置田五頃歸復取白雲山爲白沙祠平生篤志而力勤無處不授徒無日不講學從遊者殆徧天下所論以自然爲本體以勿忘勿助爲工夫大抵得之師門爲多白沙嘗謂曰人與天地同體四時行百物生若滯在一處安能爲造化之主善學者常令此心在無物處便運得轉耳學以自然爲宗不可不理會又曰學以自然爲宗譬之適千里者起脚不差必有所到自然之樂乃真樂也宇宙間復有何事又示以詩曰有學無學有覺無

覺千金一軀萬金一諾天命流行真機活潑水到渠成處飛魚躍德山莫杖臨濟莫喝萬化自然太虛何說繡羅一方金鍼誰撥其得于指授者如此庚申四月丁巳卒于所居小禹洞年九十五有大星隕于廣州之河南其聲如雷云

陳錫

陳錫字祐卿南海人弘治乙丑進士授戶部主事嘗司庫總理方用事羣璫列中外雖東筭出納亦混主計錫以法繩之衆不敢肆司漕通州革弊政六條人以爲便轉員外郎調吏部稽勳尋陞郎中一時名流

六百八十八卷之二

宋三十一

續通

心所咨決屬舍人朱麒求襲封保國公錫駁之曰洪武之約引有重大軍功不得封爵襲蔭今朱麒襲公非約也宜從始始封伯爵尚書楊一清從其議因著爲令正德丁丑遷福建參政歷左布政綏定叛軍鈞稽乾沒樹立風紀綽有令聞擢應天府府尹去之日閩人爲立遺愛亭居應天未及三載廷議欲晉孤卿錫竟請致仕凡三疏得允優游田園以翰墨自娛凡十餘年始卒年八十有一賜祭葬郡人祀之鄉賢祠

黃重

黃重字子任南海人正德戊辰進士授行人羅外服

歸服閱復職壬申使伊藩葬祭事竣卻其企望設服行至懷慶遣人馳投復卻之奏西使遼東勞夷人却鎮巡河贈如使伊特甲戌以績最擢戶科給事中進視內十庫并光祿寺宿弊俱革建言重名器久任用傾薦舉省推課四事戶部奏從所省商旅稱便已而清理畿內倉場權貴避焉時左都御史彭澤坐夷情削籍重奏請寬宥以昭往功輿論遽之尋進兵科右給事中考選京衛武官淑惠罔弗當者會 毅皇帝北巡迎駕有勞賜金幣遂疏乞歸省復賜寶劄行庚辰復任尋擢內艱歸癸未服闋補吏科右給事中市魁李陽鳳挾中官勢恣爲奸利方付刑部俄改錦衣獄尚書林俊執奏不聽乃疏慎政令以肅治安會災異修省復疏詔令不常爵賞太監聽言不以營建不節言甚剴切聞者危之甲申夏進兵科左給事中太監潘真出鎮荆湖遠倒丐請重封駁不避秋以言禮杖于午門外尋進戶科都給事中賜金幣寶劄丙戌充武舉考官丁亥畿內饑疏請賑濟詔行其言多賴全活人侍經筵擢南京太常寺少卿比蒞事登牲厨役皆受其惠已丑星變以自陳致仕忌者快之公論惜焉時同年呂柟謫金陵嘗書喬岳大川氣象青天

六朝人言行錄

卷三十一

一三

黃真

白日襟懷以贈歸構草堂刻枬書以自況云平居易諧譔然性嫉惡向義則勇奮不傾有姊適曾氏而貧每損貨贖還其產業同僚張漢卿落職貧甚瀕行傾囊贖焉鄉民有官責其通課垂死者見卽爲之代償潘伯通等十人誣陷盜獄爲白其冤皆得釋他如革橫刷之舟築捍澇之牌鄉人頌輒輒自遜謝其行誼類此巡撫錢如京疏請起用而已病卒年六十有二計開 上遣官特賜諭祭

霍 韜 附子與敬

霍韜字渭崖南海人生而重瞳甫就小學卽揭居處恭三字于座前舉正德癸酉第二甲戌會試擢第一歸婚值江彬等橫恣遂隱西樵 世宗登極授兵部主事大禮議起廷臣主繼嗣之說韜上疏曰帝王相繼惟繼其統不繼其嗣自今言之 孝宗未嘗無嗣也無嗣者 武宗耳 興獻所出惟 陛下一人僞御廷臣之議是使 孝宗有兩嗣 武宗竟無嗣與祿有嗣而不得嗣也一舉三失拂經不祥故惟統是繼兄終弟及則不惟孝宗之統不絕而 武宗之統亦不絕矣後卒如韜議嘉靖元年上三劄一論聖學治道一論六部政務一論中外積弊侃侃言時

六朝人言行錄

卷三十一

一四

黃真

以董賈比之。卒未復謝病歸。著書講學。將終。湯五召不起。丁亥。擢少詹事。兼侍讀學士。兩疏懇辭。惟詳陳用人之法。上眷注彌切。賜敕一箴。洪範序及文獻通考。于山中。部散諸司。趣行首薦。王瓊。魏校。王守仁等三十餘人。轉詹事。兼學士。上法祖十二條。江西提學徐一鳴。毀寺散僧爲鎮守。內官誣逮。詔獄。賴力救。獲免。八子進禮部侍郎。尋擢尚書。俱累辭。不拜。錦衣。最能遷結巨璫。崔文誣許大臣。韜表其罪狀。滅死。諫。成。韜雖遜處。散地方。朝廷有大議。輒建白。數千言。多採用。已丑。春。星變。風霾。韜疏陳召災變者。六曰宗室。

朱二十一

一

一

失所曰邊軍困苦曰冗官侵民曰賊吏害民曰酷吏肆虐曰內臣含暴。上嘉納之。詔自今官吏犯枉法。賊者。滿戍無赦。酷刑殺人者。因公亦黜。著爲令。上命王會試唐順之。羅洪先。輩皆所取。士尋充脩大。明會典。訓德裁因。疏言田土失額。文武冗濫。且請覈內官員數。屬之禮曹。此屬人人自危。遂中沮之。庚寅。郊祀。議興給事夏言首倡分祀。韜待論過激。上震怒。下獄。會天晝晦。武庫兵譟動。上警悟。復其官。歲以憂去。尋已召爲吏部侍郎。廣詢博訪。多所鑒拔。乙未。莊肅皇后崩。詔廷臣議。謚希之曰以四字。請韜曰。

帝后謚用十二字。歷朝制也。武宗謚號既循舊典。則莊肅豈宜有異。上不悅。卻其議。久之。尚書汪鋌罷。代秉銓衡。痛革宿弊。選法一新。無敢干以私者。甫十月。出爲南京禮部尚書。至則申禮制。正風俗。改淫祠。與社學。清尼。娼。南都由之。改觀。侍郎崔銑嘆曰。霍公可謂真宗伯矣。已亥。冊立東宮。太宰許瓚薦韜。剛正不阿。忠直有識。宜官。僚徵拜太子少保。禮部尚書。掌詹事府。事時九廟七陵工費靡極。公卿臺諫結舌。乃與論。德鄒守益上聖功圖以諷。上怒。詰責。尋察其忠懇。原之。復有南巡之議。有司料敝。遐邇洶洶。韜疏陳其狀。事遂寢。既而權貴結術士謀導。上退休。以東宮監國。冀爲奸。韜力諫止之。前後所上。幾三十萬言。直聲震天下。庚子冬。卒于官。贈太子太保。謚文敏。韜爲人質直。好古。行誼高潔。學崇莊敬。不喜浮談。平生肆力于居處。恭即獻納。亦以此爲第一。義尤好進賢。汲汲如不及。康海李夢陽王九思輩坐累禁錮。猶望薦之。書移文峽山而虎害絕。煖峽江祠而妖患息。其精神感格類此。秩滿敘廢舍于西宮。宗千與球積休直產與從兄弟共之。尤人所難云。所著有詩經解。注象山學辨。程朱訓釋。霍氏家訓。渭厓集。西漢。

朱二十一

一

一

書纂評行于世學者稱渭厓先生長子與璞穎悟過人年十五註楚詞蚤卒與瑕與璣與璵並泉于鄉而史瑕登嘉靖己未進士授慈谿知縣時邑罹倭禍遐邇蕭條與瑕筮仕之初繼父家聲振以明敏政行令肅豪猾敏手慈民甚德之御史袁淳受權貴指以刑白簡民赴闕訴留不得歸臥西樵者六年隆慶戊辰用給事中張鹵等薦召補鄞令俄遷南太僕丞轉兵部員外郎尋出爲廣西僉事飭兵左江土酋黃金彪叛督府議進討與瑕以計縛致又撫八寨城新寧州俱有功會憂去御史唐鍊劾調簡時兵部尚書譚論其才爲除江西離憲踰年復爲御史張簡所劾與瑕嘆曰吾安能隨時俯仰視人肩睫乎遂拂衣歸二十餘年卒所著有勉齋集慈人祀諸名宦云

鍾善經

鍾善經字理夫順德之都粘人天性孝謹不言而躬行居父母喪皆不進鹽酪者百日終三年未嘗御酒肉離盛者必服衰而半武不出倚廬祭葬無少踰禮者創建家廟出自己貲長姊早喪育二甥女如己女擇督學姊之弟善綸先歿撫卹其孤寡同居共爨內外無間言少篤志問學以明周易補縣學生正德丁

順領解額高第辛未登進士授福建興化府推官守法察刑每獄疑獄部使者驚以爲老吏不如興化士大夫亡不舉其賢能者假官楊日新勢張甚察案尊禮之王則詰以數語不能對卽縛送臬司按治如律總領崔太監使一指揮往鎮府吏竟叱去之崔怒欲求事十傷不可得及相見反屈服焉其發姦擒伏不畏強禦多此類被徵爲御史差往盧溝橋抽分竹木廠實收福建道監察御史會武皇帝北狩力諫回鑾嘗劾奏錦衣千戶陶淳不法又彈太監崔文蔚景賢以風力聞京師居無何卽止疏乞歸屏居杜門有司屢勸駕不起督撫巡院交章以學行薦於朝未召而卒卒之日貧不能斂當道競周其喪弔者如市郡縣諸生以其行白于督學督學曰賢如鍾御史固當尸而祝之也今祀于府學仰高祠

梁焯

梁焯字曰字南海人正德甲戌進士過嶺從王守仁學辨問居敬窮理悚然有悟拜禮部主事己卯三月議南巡與葉龍等十七人上疏諫上怒問跪五日大杖三十車駕遂行會佛朗機夷加必丹末等三十人入貢江彬領四家兵馬從上遊豫導引火者亞

三謁 上喜而爵之比至京師入門夷館不跪焯執
門杖之又奇人寫亦虎先與其甥米黑兒馬黑麻以
貢賦事誣陷文武甘肅大臣時彬與錢寧用事二夷
人者日益驕橫而大臣被誣者皆桎梏幽囚以是輕
侮朝官焯每以法約束之二夷人相謂曰 天顏可
即主事乃顧不可即耶彬聞之謂焯凌虐駕下人員
將奏聞會 武宗晏駕是日皇太后懿旨誅彬已而
火者亞三等與寫亦虎先皆伏誅以焯嘗謀殺杖陞
俸一級嘉靖初政司職方予告歸養卒

倫以訓

倫以訓字彥式廣東南海人也文敏仲子少有異質
書過目不忘課對輒出奇語稍長博通經史年十六
舉鄉試第六正德丁丑會試第一廷試第二授編修
予告歸養逮侍養七年始出乙丑寶錄成選俗撰同
考官試官二充經筵講官儀度雍雅詞義懇到左右
頤聽 皇上時屬日昃以考績進論德甲午主應天
鄉試所舉皆名士丙申陞南祭酒立教嚴整士類歸
心時太恭人統養恩歸遂上疏乞養庚子遭疾卒得
四十八嚮川方殷不竟其志所著有國朝詩集二十
卷及詩文集若干卷藏于家

倫以諒

倫以諒字彥周狀元文敏長子丰神秀雅世比之衛
玠正德丙子舉鄉試第一越五年登進士第選翰林
庶吉士秉軸者忌其才名出爲山西道御史未幾歸
養數言官文薦起補浙江道疏舉尚書林俊諸者
英輿論多之改吏部文選主事歷稽勳郎久之出
爲南小通政司參議復謝病歸尋丁母憂遂無復用
世志與主事王漸達最相得偕遊名山詩酒自適一
時縉紳遜其豪爽卒年六十五以諒性孝友弟以訓
宦遊無居第輒讓舍居之親族待奉火者甚衆然
未嘗德色人以此多之

鍾雲瑞

鍾雲瑞字天慶東莞人溫粹純禮潛心書史終日不
下几掛親喪與伯兄雲祥廬墓鄉黨稱孝正德丁丑
第進士授南京大理評事折獄平恕調北寺副歷寺
正會 世廟大禮諱之忤旨廷杖殆甚得不死出爲
江西按察僉事秉正執法伸理冤抑不避豪右尋轉
參議撫院惡之及禍有請言雲瑞曰是豈待濬司禮
耶言不謝出撫院怒以飛語改調歸居西廬爲終焉
之計三年部檄催赴選補雲南丁內艱服闋補潮廣

提督秦如山時中貴部隸雲瑞繩以法中貴欲
中傷之無由益重之歲時輒遣拒不受未幾遇副使
遞謝病歸聞門危坐雖子弟未嘗見其情容表正鄉
閭有陳太丘風時銜冠連歲流劫雲瑞料衆防禦冠
知有偏引去鄉人德之建祠以祀邑令楊寅秋額其
堂曰慕德又爲之記逢慶庚午祀鄉賢從子卿最著

王漸達

王漸達字用儀番禺人父傳爲泰州學政祿俸悉以
濟貧比卒室如懸磬母謂漸達曰貧至此兒欲以讀
書佐貧何異藝石田濟枵也漸達泣曰兄力不任農
本朝分省人修志卷三十一

卷三十一

三十一

三十一

圖巧不任工商惟飭學足代耕耳乃苦志鑽研弱冠
登正德丁丑進士授刑部主事未幾請告侍養以臺
首薦起刑曹條陳四事言極剴切人皆危之而書留
中不報再疏乞歸與銀臺參議倫以諒相得甚惟爲
物外之遊諸名勝無不足跡達登第三十年貧如故
以諒歲周之尚書霍韜亦重其爲人嘗曰予平生莫
迎交惟王用儀梁日孚耳漸達多著述有水記正學
記四書通言學庸釋略讀經記春秋集傳嶺南香彞
傳王氏宗禮青蘿集行于世隆慶初郎建言諸臣贈
酒達光祿少卿子原恒登進士歷江西按察使

黃佐

黃佐字才伯泰泉其號也廣東之香山人正德庚辰
進士歷官翰林宮詹侍讀學士卒贈禮部右侍郎諡
文裕所著書二十二種平生服膺傳約之訓慎獨而
力于行其操觚命製闢雅名彖理學之士率望理窟
萎蕭腐迂而獨不然蓋理學而兼辭藻者本朝如佐
不幾見也其五七言近體雄深麗逸旨遠格精足以
入室王陽升堂李杜至于賦樂府古詩彖總古今旁
通音調繁方入矩圓融出規殆憑軾而馳漢魏結響
以取風騷也

大明分省人修志卷三十一

卷三十一

三十一

三十一

黎貫

黎貫字一卿南海入正德丁卯舉于鄉辛未始註備
中乙榜司敘建平捐俸祠名宦鄉賢及修王叔英墓
提學御史張璠巡按張仲賢皆以異才稱薦之丙午
授文江西多得名士丁丑上春官崔文敏公旣置諸
前列殿試賜進士第內閣覈閱所對策忠懇過人乃
選爲庶吉士讀書翰林文名日起與進賢舒芬調中
許宗魯臨清閩闔輩以志行相砥礪館閣皆推重焉
已卯授監察御史巡城恤火甲靖獄市駕北征戒
嚴巡緝回鑿以守城功被褒賞庚辰奉命往福建剿

德兼五監有司倉庫軍衛器械奏總守太監侍奉
追遠宮銀十萬餘兩糧二十六萬石前此使命所未
有也封事累上其論絕貢獻復史官通言路尤切
治道流賊起山東破城邑兩廣盜亦時發時亢食日
多幣帛日匿乃請稽歲入之數權其輕重爲定式且
令戶部覆考績者祠壇充否黜陟之朝議聽其言著
爲令時元舅王田蔣輪求以其子主 獻至帝祀還
除奉祠世襲且多所干索治中王槐阿附成之劾奏
神不享非類以外戚主陵祀非禮決不可行且又求
乞無厭他日驕恣如薄昭王鳳則憂不可尙 上優

六朝分府公物考 卷二十一

詔署之尙書林公俊會議曰御史言是會三邊有警
鑄劉太監晏安都御史王翊嘗 罷去而以致仕尙書
楊一清代之從其言果靖虜患甲申巡按江西首賊
豪民互訟聚衆切奪者獄訟爲之肅清逆濠既伏誅
其宗室多林連乃疏治其從獄數人餘悉未減始濠
未作逆末新建伯王守仁巡撫江西有得其書跡者
同寮多欲論列買止之曰此間謀耳衆疑乃釋至是
楚正平濠功大益惡人心自餘鋤強理枉與人誦之
甫立刀而封君計至凡命使罹憂例復命領公移乃
得守制賈徑奔喪還家或懸止之哭曰吾方寸已亂

其如後罪何尋有詔許人代領人以爲孝感服闋行
至贛州病作上疏乞歸詔報可家食七年庚寅督還
朝時汪鉉掌院侍權見其蒞事判案不覺嘆服爭多
咨訪然心實忌之會大學士張孚敬方釐正祀典請
去先師王爵及減邊豆佾舞之數貫大以爲不可率
同列抗疏極言之鉉使人止曰疏上必得重禍且三
日即當差往廣西矣不聽 上果震怒命法司廷鞫
鉉之合孚敬欲置諸死刑部尙書許讚獨不可會
上心稍解乃罷爲民貫還朝僅六十日耳給事中孫
應奎營懷理皆論抹上譴讓不行去國之日士民爭

六朝分府公物考 卷二十一

求識其面云家居杜門却掃奉太夫人葢水歡如也

邢叔

邢叔字性允號堂野東莞人五齡通論語諸書十有
五爲詩文有奇語十有五而春秋業成踰冠領魁薦
千卿卽藏修不出慕濂溪延平爲之贊師其心學充
養日粹後進多從之遊久之逆璫誅乃北上正德丁
丑進士歸省庚辰赴銓拜刑部主事會季兄政上春
官沒于途卽移疾護其喪歸督學魏公校至邑臨訪
與語稱重之因謂師生宜以爲式甲申請京復除刑
部主事七月伏闕評禮得罪復釋詳識明允廷尉稱

平三載以績最聞丁亥晉本部員外郎迭署諸司印
受知尚書胡公寧委以章奏六月晉本部郎中平反
公恕郡民謂之祁佛爺嘗辨曹恕王民弼獄知爲岳
民張雄所誣立出之公餘益績學名其齋曰日新作
箴以自警戊子鄉試受命往廣西考校比入箴皆名
士而錄文亦其馴雅事竣取道歸省有司致責一無
所受照總制陽明王公子廣與論病神知化大旨王
公稱服語人曰祁正郎深於養者也抵家無何卽拜
饒州之命單車往視事少保桂公菴素重之適桂家
居然未嘗敢私謁時方習鷹鷂爲能而較難容裁

公對令公物

卷二十一

三五

三

斷獄獄輒得其情出無辜者百餘人民靡呼以爲神
明自是錄文史無所售其奸而訟日簡會水旱薦饑
躬檢踏以聞得蠲常賦民賴全活甚衆乃嚴儲水法
修預備倉庫排門夫役令下民皆稱便復增築郡陽
白馬隄浮梁胡白渠皆不擾而事集常議鑿井濟因
賜忽某湧東廡下士民謂德惠所感名之曰應德泉
而歌詠之暇則臨學與諸生談道置簿以揚善紀過
恒獎其勤而賜其乏凡廟器射圃修飾完備弦歌組
豆晏然改觀每月旦令父老集于社學訓戒子弟置
役官出以爲館穀費按治下其法于諸郡縣俾踵行

之旌義獎節增祀鄉賢于學官又別立祀于鄉社皆
前此所未及舉者其表正風俗類此淮府官校豪橫
稍加戒諭卽詣謝求自新首相姻家有爲訓導者謀
蒲敘論沮以大義當道報可輿論快之往吏員新泰
鹽商稅船及存留耗糧歲不下數千金皆屬守所私
入至教盡釐革之部使者考核治行爲列郡稱首蘇
于朝使人歌之曰有影黃堂月無痕碧水秋至有私
祠于家者時有命燒造郊壇磁磚限毋過七十日或
獻山謂以土爲胚飭之以磁庶可易成救恐欺君
俾工匠如法爲之倅不能就及遽赴詔獄怡然就道
五日八卒八物

卷二十一

三

三

三

凡愧者悉卻之士民遮泣不忍別形諸歌頌其卷曰
一磁不持云及抵京師法司以其賢能議罪從輕
上覽奏遂謫貴州安川縣典史較殊不以夷險介意
南還渡楊子江盜至舟人惶駭端坐自如盜驚歎而
去壬辰九月行次袁州感疾歸就醫疾亟猶冠幘力
止家人禱禳臨終惟以母太夫人爲念而已距其生
年五十有三

王鳳靈

王鳳靈字應時順德之耕原人 毅皇帝十一年鳳
靈偕兄鳳儀舉于鄉俱從吳姓明年丁丑鳳靈舉進

士授刑部主事始疏復王姓云鳳靈主有異質日誦書數萬言輒終身弗忘爲文章以氣靡其起家比部郎年甫弱冠乃明習法律如老吏官皆張說都督錢安等罪當死詔減戍且許贖金諸法吏咸愕然鳳靈獨踈論之其略曰此等非逆瑾爪牙則錢寧羽翼非交通家濠則結奸江彬蓋必誅之賊也今以贖囑轉移即慮臣恐奸雄同覺皆將謂私文可無誅亂政可不殺而獄可賄習弊無忌憚天下之皆可勝言哉疏奏竟如法司議給事中陳洸者罪有狀狀世廟以議禮故庇之鳳靈疏言曰議禮者自議禮犯罪者自犯罪何得援此以掩彼也臣聞先朝開國靖難及諸迎立元勳豈無寵利動觸刑章卽如議禮諸臣深係聖心而或處極盈之會犯不韙之科陛下亦將與衆棄之而不得私如洸之罪又奚待而不決之疑乎諸曹咸爲之悚然自是無敢復庇洸者矣其練達守法類如此年未三十出爲襄陽太守未幾以母喪歸服闋補淮安准稱劇郡鳳靈至問民所疾苦清徭賦學豪猾數十輩更創郡縣又關龍溪書院廣徵屬邑士與肄校其文藝爲之筆削刻曰同文錄又引淮水入洋以開科第之祥故其門人一時登科第顯庸

者甚多淮故患水鳳靈首疏五事以疏泄重農爲先又因頻歲旱蝗連上秋災夏蝗等四疏請飭秋糧雖賦出餘鹽銀數千以賑民復疏停馬價懇憫數千言俱得許民賴以甦嘗於河辨疑獄得治巨盜卽古稱廉明何如焉在淮五年權陝西學憲淮人卽龍溪言沈爲生祠祀之未抵陝遭謗歸起補霸州兵備佐翟相行左邊又督城沙河議省費忤柄事者故疏置五獄始逐廣右大參未赴忌者以考察竟罷之鳳靈性伉直好激論天下事以此多忤人功用惜未究也其文章名高于時所著有淮陽稿及諸奏疏字法王

何 肇

何字子魚號鴈峯順德縣人正德戊戌進士爲慶元令均平里賦勢擊豪梗以治行入爲御史巡湖廣郵災檣伏多赫赫可頌出守松江革科斂清冊稅除機戶止墾役小民蒙其利而巨室或嘆之遇早暴烈日中且拜且禱而應期至郡有靈芝醴泉之異皆辭而弗有晉浙江按察副使定驛傳條約歲省費以巨萬計去縣令奉職之尤無狀者盜息民安訟獄以清

晉參閻省尋晉右轄遷湖省左轄咸有治聲未幾卒于九江得年僅五十。營孝友明達學術足以大用臨事有遠識在武宗朝佛郎機夷人假貢獻以窺南境逆彬甘賄使侍上肆夷語於是夷會憑恃寵靈詔見昭穆時爲御史疏其利害請銷患未萌逐之出境朝議從之及按湖廣詰發襄府僞官復楚世子侵地往藩封祿米不時給則謹于有司營素撤去稅使以守臣拙分充其缺之以給藩祿而人無弗稱便者備兵徐州河溢爲患精兵夫餘力築長堤自沛亘徐連絡百里隄成而大水民免墊溺皆治行之可紀者也

張深

卷二

三

張深

張深字景川順德縣人弱冠登正德戊戌進士知定州縣素號難治至則進長老問民疾苦而因革之重學校勵忠節飭范仲淹之祠表王叔英之墓已遷禮部主事會大司馬王瓊與都御史彭澤有隙澤經略哈密以金幣與土魯番贖城印未幾土魯番復據哈密犯肅州瓊送劾澤擅命遣使納幣營寬欲殺之並逮都御史李昆副使陳九疇澤剛毅敢果屢討流賊有功時議多右澤者一日瓊遣其屬持牒會澤窮核

其事曰此趙宋覆轍事成有顯權與景川共此老翁何如深正色曰王公誤矣大夫出使于外苟有利于國家專之可也澤與土魯番固在豈宋屈已和戎比耶爲謝王公母汗我使得罪天下後世卒不署牒事以得解還員外郎嘉靖甲申以議大禮從諸大臣赴左順門哭諫不起上震怒收繫詔獄已而廷杖之深被杖死年僅三十有八深未死前猶力創草疏數千萬言及謫留投其疏謂李義壯曰身盡廢獨此心耿耿耳言已而逝聞者莫不傷之

陳驥

卷二

三

三

陳驥字夢祥南海人少喜技藝工畫能醫有司使視重囚入獄中穢不能忍恥之乃學舉子業爲邑庠生時年二十七矣三十一舉于鄉連登進士拜大理寺評事晉左寺副修撰羅倫以剛直許之陞江西僉事發奸擿伏有能名分巡嶺北民病瘴以藥活之者至八百餘人勘虛糧明經界均徭役民不敢欺有病死而婦以被毆殺告者驥視而折之曰傷必有血蔭今肋骨形臂內黑外被能自內踢耶責皂角水洗之黑色盡去獄遂決人服其明巡九江以南火錢學宮文昌祠凡清出虛糧十八萬三千餘石儲贖罪穀備賑

濟至二十一萬六千石有奇以各道罰罪銀市材備工修理學校祭品及正聖賢像服之不如制者七八所毀淫祠九十七區陞雲南副使時鎮守太監錢能家人不法每爲騷所抑能中傷之訐奏落職家居年八十餘卒

劉士奇

劉士奇字邦正廣東龍門人正德間舉進士主事刑部錦衣千戶陶淳枉法殺人言官疏達治士奇竟法之轉員外郎議禮與諸臣伏闕哭諫杖不死遷郎中山陝兩藩與有司訟奉命臨訊論如法出守梧州梧州關有椎征以給軍饌特有奇美士奇毫不爲染民多竹舍不成于火延燒輒數十百家士奇患之表火道度數家障以崇墉災乃止在郡七年超拜廣西左叅政江西按察使有某甲者一家九人文致于盜幽囚數年士奇鞫而釋之右布政山東以病乞骸骨歸士奇廉家無餘貲或傳士奇常欲市規問其妻妻曰何不善清字與之杜門八年卒

何宏

何宏字道充廣東順德人正德二年舉于鄉授通州學正待人和易然尚氣節不可撓屈文廟分獻據禮

與州守夏邦謨爭論請於督學督學竟直宏也諸生令居舍中月課之又爲籍書勤惰微疵督學至則以名聞講行四禮弔死振乏人人感動以父憂歸服除調泰州學教如通州歲饑巡撫發廩遣弟子監之曰何先生弟子必不欺也其見信於人如此遷六合知縣縣當孔道民棘於供億宏均其役稱畫一焉關浮屠禁奇袤淫靡之習斷獄明允不畏疆禦卽上官未嘗少徇有貴戚與豪民訟久弗決刑部以宏往遂決之澤陽民坐殺人拷死相繼不白御史下宏逐白實具獄上御史田頊三反宏三執人謂必獲罪矣頊竟薦之曰縣令不爲御史所撓可不謂賢哉人亦以是賢頊也擢南京江西道御史六合人爲立生祠吏部非人宏上封事逮詔獄尋赦之遷德安知府未幾以妻子連喪致仕

鍾曉

鍾曉字景賜順德之江人少沉毅寡言笑鄉智之謫石城也曉師焉以舉人分教梧州督學重其學行檄主桂林書院九載遷國子監學正南京貴州道監察御史奏革錦衣金吾龍驤騰驤四衛冗員及工部冗匠歲省漕粟數十萬劾叅政王奎叅議王泰白金

役事李淳皆宸憲也制卷四川諫迎生佛請召還使臣母空糜十餘萬又奏停采木蜀人德之熊給事門御史時亦以使事在蜀則共請建儲疏至而武宗晏駕矣未幾爲忌者所排謫判沔陽沔陽志稱其長者政事志節足稱云遷知歸州先是湖廣中路與四川石柱兩土官爭地相攻四十餘年兩省官不能決脫奉徵訊之片言而服人以是稱其敏同知瑞州進思恩知府致仕曉居官三十餘年食約甚於寒生嘗治室梁矣比鄰惡其蔽已卽裁其楹其鄰反自愧謝八十五卒後二十九年知縣沈某曰曉按蜀著謬

本國今省人勿忘

卷一百一

三三

廣東三

謬之節居家有恂恂之風男子六人無百金之產以清修白兩堂表之子千亦同知瑞州

方重杰 附于卷中

方重杰字思與世居南海尚書謚簡肅家子也少奇俊老成侍父仕粵值黎人符南蛇構亂父在軍中歷三年所母陳氏病劇徧叩諸醫弗効重杰心皇皇一夕焚香籲天曰母以父憂子恃母育願母生卽眇躬奚啻哉乃持匕首割左臂肉和粥以進母啖之疾尋愈嗣有訛傳父遭兵刃者母輒驚怖卒重杰殯殮弗愆於禮哀毀復蘇年方十五也粵諸父老靡弗出

唱嘆異扶觀還遇夜雖風雨露大弗離過荒林野藪聲爲烏啼暮使人不忍聞當其時父與叔左方伯良節一時並仕臚顯重杰獨閒處對古聖賢戶外事若不聞足不踐公庭父清自吏俸人不足庇其家重杰能同苦節章布櫛食糗常違累父歿廬於墓側時有朱蛇盤旋廬舍中弗去者旬日臺司行徵獎徧其門重杰嘗受業於東所張誦操養漸充正德己卯舉於鄉再上春官不第遂脫跡名場卓然心性之學甘淡薄絕嗜好以顏子淵程明道爲矩矱妙契疾書根極要領著希明錄以見志後病嘔血卒屬繼之日令其子講蘇食水飲章歌歸去來辭自作挽文至死不亂大理郭黃鞏嘗曰簡肅之有重杰猶張忠獻之有南軒也學憲江以遠檄送孝子祠與唐林贊明陳茂烈諸公並祀世宗朝巡按御史曾佩疏言其孝行詔立坊旌表重杰子夢升字君符郡庠生因父羸疾亦嘗舐糞割臂肉願以身代孝義彰聞屢經褒獎督學田汝成特賞於優等廩食之將貢卒人稱世孝云

林挺春

林挺春字少和順德縣人一字元育從湛元明先生遊事親至孝藩臬旌其門挺春日事親若曾子可也

崇而律我當伏不孝之刑奈何以爲嚙天隨屏去之
以世人牧諭仙遊仙遊故有田租掌牧多侵漁挺春
悉諸生嘗自作邊豆禮器或謂有主者曰學佛乃
舍其身吾何惜錮鉢而儉夫子遷知岑陵調南靖南
靖兵燹後官寺里屋一空蒿擢成林白骨滿野虎豹
晝行挺春及穢掩骼驅虎豹而遠之傳茅聽政已洪
水至城郭蕩析乘桴露處乃遷于大帽山下邑焉漳
經界不正自朱子已患其然今九甚富者割倍賦之
田無直以啗貧民貧民利而從之既賦日積縣官受
其病挺春悉以均之招流移撫洞寨南靖大治遷露
益州知州以親老不赴挺春醇謹自筮仕至老未嘗
一介取於人罷官益貧人以是重之

梁廷振 附李朝

梁廷振字伯綱甫十齡事親盡禮時稱孝童正德丁
卯舉于鄉登嘉靖癸未進士連丁內外艱號痛履絕
年四十二髮已雙華服闋授兵部職方司主事尋進
郎中廣西土官互相讐殺總制陶泰請大征會安南
弗庭朝議主討廷振皆力止之中外賴安戊戌出爲
廣西副使與叅政翁萬達監督諸軍進勦斷藤峽號
令嚴肅民不知兵捷聞賜金幣復平府江諸僭平樂

之民得以安枕邊福建右叅政督理糧儲公餘講學
聞士嚮風晉按察使憲度貞肅比人覲不持一物清
風穆如會遷浙江右布政使尋轉左遇旱禱雨輒應
時大工木商應給銀十人萬兩經久未支廷振奏給
之衆商欲以萬金致謝斥絕不染其廉介類此未幾
卒于任百姓嗟悼初廷振爲孝廉下第能逮扶先尚
文之喪以歸又能敦篤友愛感悟其弟既分爨而復
合食後自郎署陟方岳置園二畝田一區悉與弟共
如廷振者世可多見哉先是有李祥者成化戊戌進
士亦歷官貴州左布政雅有清操一介不苟取爲白
沙先生高第與廷振前後並稱二方伯云

何維栢

何維栢字喬仲少遊三水庠見同舍生臨祭而諸輒
引避以爲辱已衆皆愧服嘗慕西樵泉石之勝負笈
讀其中時湛文簡霍文敏亦山棲與語多所默契嘉
靖辛卯舉于鄉乙未成進士選庶吉士尋授御史疏
止沙河功德二役省費百萬再疏罷征安南極論毛
尚書伯溫奪情非禮上多嘉納未幾謝病歸西樵
常與劉模王漸達陳激衷往來論學復補御史出按
閩值歲大疫多所賑恤存活以數十萬計因條奏

范十策著爲令是時少師嚴嵩顯柄維柄首發嵩罪
比之李林甫盧杞 上震怒遣官逮繫所遇士庶遮
道禁錮縱騎持之益急諸生大哭維栢謝曰此予慮
定而後發人臣之義自當如是何哭爲遽至幾死杖
下竟削籍歸屏居僧舍聚徒論學隆慶改元復原官
超爲大理寺少卿俄遷左副都御史協理臺務徐少
師階揚少傳博甚重之大政多所取決尋以憂去萬
曆初徵拜前職無何轉吏部侍郎前後請脩聖德勤
聖學飾羣工語多切中會少師張居正遭喪奪情衆
議保留尙書張瀚私叩之對曰天經地義何可廢也
語泄見忌出爲南禮部尙書未幾河運乞骸骨歸角
巾野服恣遊名山關天山書院聚講發明陳白沙宗
有薦紳之士卽皓首猶北面就弟子列如尙書葉夢
熊僉憲陳吾德尤以勳節著聲海內云卒謚端恪所
著有易學義禮經辨太極圖解天山存稿及編陳子
言行錄傳于世弟維椅亦登進士選庶吉士遷禮部
主事子崇亨以廕歷南京都督府經歷

侯國治

侯國治字平裕南海人嘉靖甲午領鄉薦庚戌授應
天之江浦令邑當南北衝衢輪蹄如織貢賦繁疲國

治綜理有方民用不困擢爲寧波府同知時寧郡中
倭方甚國治職專海防躬巡禦於舟山昌國之間屢
瀕危險不避平倭捷奏得與賜金委署鄞縣慈谿定
海餘姚所至俱有殊績而城慈一事功烈尤著慈人
尸祝之居五年稍遷南都督叅軍轉戶部郎中請告
隆慶庚午起督密雲糧儲密爲畿輔重鎮主客兵餉
以百萬計當事者因而自贏國治嚴覈其餘盡歸之
公歲省可三之一邊庭皎然未幾出守思恩所轄土
司夷落國治蒞以清正峻卻餽餉搗北三之舉定武
緣之屬思恩對起赫然改觀華嚴廣西按察副使備
本朝小司人勿考 天二二

兵蒼梧時大征八寨督府以國治監夷江軍國治先
在思恩計賊情形甚熟遂以蠟書約會諸將一鼓殲
之比奏功夷江爲第一晉國治左叅政國治遷引年
乞骸骨時萬曆庚辰之九月也國治爲人廉明謹畏
治家尤嚴出入進退尺寸不爽歷官三紀無一字樹
彈章歸日開一堂于青門外引海潮入灌畦種蔬雜
蒔花卉以自娛無事絕跡不至公府精神素饒年過
九十猶能風興揖拜祭祀賓客無情容見者驚異鄉
里後進奉爲儀刑者二十年乃卒世以人瑞歸之

龐尙鵬

龐尚鵬字少南南海人嘉靖癸丑進士筮仕樂平縣治行卓絕召爲監察御史命覈浙直軍餉發總制胡宗憲監軍鄧懋卿冒破之奸語侵權相嚴嵩幾中奇禍復命猶執奏如前直聲動天下上防倭五事計畫詳悉出按河南丰裁尤著強宗斂散貪墨吏望風解綬去巡撫蔡汝南獲白鹿于王屋山欲會疏獻尚鵬固執不可尋丁外艱服闋擢赴河南道理考察事時科臣胡應嘉刺太宰得罪尚鵬疏救甚力且劾輔臣郭朴中外凜然再按浙江首發歸安豪宦縱橫之罪全浙不寒而慄又立均徭條鞭法歲省費百萬請皆

本朝名臣人物考

卷一百一十一

王九

廣東

爲令通行恩遍海內隨在立祠祀之曠使昌亂亟促撫臣劉畿勒平紀功時釋幼小千餘僅聲載道旋建孫忠烈祠修岳武穆墓以勵風化改提督京畿學校都人士翕然不變會莊皇帝踐祚條陳時政數萬言擢大理寺丞時議興復九邊屯鹽晉右倉都御史以行甫次昌平即疏劾內侍張恩馳驛殺人司禮護恩得從末減又劾御史孫以仁賊私狼藉并劾給事中張齊陰壞邊餉言官憾傷其類思有以中之矣尚鵬巡歷各邊足跡殆徧河套搗巢與總督王崇古克成厥功爲執政所忌不得敘上會計錄言從古征斂

繁多則民窮盜起天下遂大亂臣親視邊方生靈愁苦語甚激烈又疏請卹錄大獄得罪諸臣下部未報至甘州御史鄧永春修前郅中之疏下吏部楊太宰博持之甚力忤輔臣高拱意傳旨勒博致仕而落尚鵬職九卿科道會疏留之不報未幾博召用尚鵬亦以僉都御史起督福建軍務獨宿逋五十餘萬踰年擢左副都御史協理院事時權相張居正聞喪奪情罪及言者尚鵬移書申救居正黨陳三謨承望風旨以考滿年月小誤指摘遂奉旨回籍聽用值母病劇得承訣時謂天成其孝云居四年卒尚鵬忠介慷慨

本朝名臣人物考

卷一百一十一

王九

龐尚

龐尚字振卿居南海縣唐鄉學者稱爲兩唐先生嘉靖甲辰由鄉舉授應天府道判晉治中先後凡八年大京兆缺屢攝府事初至早愬爲災蒿督賑委悉霑

洽公粟既竭貸之鄉先生富民誠意懇惻人多應者
所全活撫算已而獨其積過於以勢來捐借之所絲
以復業者十萬六千有奇部民苦役重蒿取公贊議
寬之令甲首輸繳免其置辦付之印簿以防侵漁清
寄居客戶以助夫役移僻驛馬足以赴衝塗嚴冒濫
優免及訖將官戶寄庄戶女戶神帛堂匠戶以實丁
口八邑皆蒙惠焉時江寧葛德承豐二鄉數有水患
居民餘七戶而已歲課不能辦蒿爲築堤闢萊得田
三千六百畝立惠民庄四召貧民佃之流移盡還而
全邑訖無代輸之苦百姓至今頌之析獄無細太必

三月八日

卷二十一

四十一

四十一

得其情有張元二者以追逃婦不反蒿躬至婦所見
室畔縣崖矗立林木颯然心動行數十武而前伴執
村老訶問之對曰我但見屍遂得元二殺人狀又高
浮備人亡其妻妻家以爲死執之蒿偵知鄰有畫工
以其妻歸日遜也計改畫工奪還之聞者以爲神戚
晚王湧舉人趙君寵占良人妻殺其夫蒿并論死居
間者萬方拒不聽蒿饒吏幹在事拮据百廢具舉尤
加意造士暇則進諸生課之自捐俸以資賞給歷寒
暑無倦淹通五經爲諸生發疑扶異無不虛往實歸
者早遊王陽明湛甘泉兩先生之門至是奉其緒論

諸生規建會於新泉書院日與講習以故一時文
行之士成就興起者爲多性嚴明嶄嶄不可犯而又
與聞於名儒巨公以是施之政亦以是持其身見義
勇爲獨信一力雖責育不能奪也單騎行縣所至肅
然一蔬片楮不以煩民人目爲麗青天云晉南刑部
郎中曲靖軍民府知府所在士民銜德旣去而追思
之葛德鄉有特祠至今俎豆不絕云

梁有譽

梁有譽字公實廣東順德人也公實爲諸生卽名能
歌詩限嶺南矣已成進士燕中卽又傾燕中人而居
恒不自得鬱鬱思歸補尚書刑部郎間與不同舍郎

李榮龍

王世貞

游乃稍

自愉快

曰世故

有人哉

而郎

宗臣已

去爲吏

部休潞

輒一來

俄而郎徐中行來中
行故常與公實遊南太學深相結者也以是日相與
切劘古文辭甚懽而一旦念其太夫人竟移病滿三
月上書請告歸公實聲愈籍甚當徙郎吏部吏部亦
推擇嶺南郎一人有以此風公實者公實笑曰吾自
欲歸豈以刑部郎少之故而一吏部能廢我哉竟去
弗領至濟上而貽百韻詩攀龍輩爲別百韻卽古自
杜甫氏而外不恒見也而文甚工卽歸乃杜門度園

史丹青彝鼎之類一小閣卉木竹石環之而身吟誦其間翫然不屑也郡國大吏雅慕公質于旌門相踵公實則以一蒼頭謝卻不任客鄉里襁褓子跡絕不相聞而潦倒青生挾策剝琢則聲出延食之矣然公實所最善者攀轡輩武昌吳國倫放後定交而謝榛以布衣故公實亦間從遊其於鄉師事故黃文裕公佐而友黎戶部民表當與民表約游羅浮山觀滄海日出沒探勾漏今丹鼎庶幾其一遇而屬海颶作不可以舟乃止宿田舍者三夕颶益甚山木盡拔道爲徙而公實亦意盡乃賦詩而歸是時屬疾寒中奏

水明分省人物考

卷二十一

四三

卷二十一

矣歸而疾大作遂不起年僅三十有六也公實以念太夫人故棄其官萬里歸養而竟先太夫人以死歸益謝棄交游期以歲月窮古作者之蘊而卷若未觸手庭卉木弗及新以死嗚呼何以死也公實所爲集若干卷具在取其上駟而擬古作者無大愧其下駟亦足以走夫後死者即公實不死也

陳紹儒

陳紹儒字師孔南海人生而異光滿室五歲讀小學孝經明愛親敬長之理弱冠補從化諸生應嘉靖辛卯歲貢卒業成均時司成湛若水呂柟咸器重之丁

酉領本省鄉試戊戌登進士給假歸省適母病晝夜扶持不少懈旋授戶部主事督員外郎詰內豎混竊之奸革倉庫積年之弊議設陪庫主事經歷大使各一人以防閑出著爲令歲羨至盈五萬遂晉郎中命總理遼東糧儲兼理屯糧三年章凡十數上皆防守大計時承平日久忽報虜寇至紹儒登陴拒守寇不得逞自是益習騎射必破的諸將驚謂神授調山西雲南二司進會計錄省京邊冗費二十餘萬陞湖廣副使分部荆南襄樊水溢城不沒者三版乃議築老龍諸堤以捍之水不爲災又設法賑饑存活萬餘

五月八日

卷二十一

四四

卷二十一

人襄人樹碑峴山以紀其事居二年爲權貴人齟齬文致其罪謫泉州同知未赴轉南昌知府越五月陞廣西副使督狼兵救援兩浙紀律嚴明所過秋毫無犯晉福建泰政丁內艱服闋補四川泰政尋轉按察使平白蓮教秦政和之亂賊其渠魁散其黨三千餘衆擢廣西右布政轉左丁外艱起補雲南即召爲順天府尹時 穆皇登極百度惟貞紹儒釐革縣驛冒濫臺費斂手甫六月轉太常寺卿 上耕藉召問禮儀按經以對 上趨之晉南京刑部右侍郎未幾召還戶部條陳遼東甘肅等鎮兵馬主客錢糧之數凡

薛徐官經濟繁夥皆可行者 上嘉納之轉左侍郎
把督京通倉場議復漕運例限至今遵守其調陞南
京工部尚書爲忌者所嫌孽致仕歸土垣竹屏甘澹
自適室無二八之奉坐無九九之吝惟手一編弗間
寒暑誨子弟必以忠孝大節爲先至老不懈年七十
六卒詔給祭葬予弘采以廕至知府弘乘博學砥行
以孝友聞不喜爲貴介容交於當路縣歲薦歷善化
知縣茸頹圯杜侵欺剖冤滯未期月而百廢備舉竟
卒于官子熙韶選貢生熙昌領丙午解額熙陽亦舉
同榜世多榮之

明倫彙編 家範典

卷二十一

四十五

蕭端蒙

蕭端蒙字曰啓南海人父與成舉鄉試第一尋登進
士官修撰蒙少治老蘇之學與季父潔俱季父多技
能任俠而蒙沈靜有器量好讀書舉嘉靖辛丑進士
選庶吉士改御史巡按貴州先是貴州無制府兩省
諸司以客相視謀篡異同動相牽制一方有事彼此
掣衡而立蒙請置重臣撫按其地而事權始一又貴
州試士皆會于滇南至是始得專試策請廣其額以
夙遠人上皆從之明年還朝道病因自免家居後復
起爲浙江道御史按江西時藩王驕縱自恣制大吏

傾軋其長吏蒙劾王不道捕麾下治之境內肅然王
內艱歸未幾疾卒

黎民表

黎民表字惟敬號瑤石廣東從化人由鄉貢進士任
中書舍人擢南京兵部車駕司員外郎性嗜詩篇屢
有刻本且善臨池之技其隸書得其師文衡山先生
家法大爲宇內人士所重

趙勤

趙勤字舜伯番禺人少秀整長好學博通經史弱冠
補郡學諸生嘉靖戊子舉于鄉辛丑登賢江西瑞金
本朝分年八考 卷二十一 四十六
今瑞金爲贛小邑隣于閩使傳旁午供給繁苦泰和
安福勢豪多以寄庄優免土著民久患差役貧不堪
命動申請均繇始得蘇息節省浮費興起學校瑞金
素之科名進弟子員戴汝器而授之經踰年輒舉于
鄉龍南信豐饑旱載道委之賑濟存活甚衆兼攝他
邑一如瑞金循良之聲播于遐邇按撫交章薦之先
是安遠有黃鄉賊洞路通閩廣萬山巖險征勦莫及
賊葉氏世統其衆也屢設軍門泰給千夫長印使就
驅束乙巳冬千夫長妻曾氏代夫主洞二子冲幼姪
葉經科衆剽掠提督都御史奏請征之官軍敗于賊

初一千戶一縣丞勢張甚處是兵備勦使薛公申請
虞公曰事迫矣非趙瑞金莫辨此賊幕府召問方略
勦曰賊方銳戰必敗也今聞賊亦自困且厭其首亂
可往諭使自縛虞公壯而遣之遂挾四小隸單騎入
洞初往賊猶未信列兵露刃夾道擁視勦推誠慰撫
曾氏相率跪服手縛業經及梗化肆掠者數十人以
獻餘黨悉降勦又諭曾氏曰官軍征汝奏聞于朝今
雖縛姪而二子不誅軍門何以示效願曾氏即出二
子付勦曰二豎子之命在公矣勦曰二子即吾子也
當是時諸邑間瑞金縛賊且得曾氏二子歡呼道路
動以二子入軍門觀者萬人無不稱快虞公不待報
卽以便宜赦曾氏二子送郡學觀禮勦再入洞築城
寨設巡司而黃鄉賊無不歡呼樂業者是役也不餉
一軍不廢一矢百年通誅一旦歸命以治行徵拜南
京監察御史舊規內守備太監守備國公不理細務
惟人命賊情許兵馬司引稟時漸不如制且役辦無
名竊盜攀指最爲民患疏陳五事禁無名之差役革
官司之借辦罷竊盜之工價嚴巡捕之考覈省引稟
之煩勞世宗皇帝下其奏南京守備諸司爲之斂
戎武職紀法憲臣窮治波及無辜幾至激變事聞覆

議參朝之懲其首惡餘皆薄治上俞從之壬子選
山東按察僉事巡東兗濟南二道執法詳明存心忠
厚嘗錄獄囚決配者卽遣之寬抑者免齊魯之間稱
明決焉歲大饑人相食巡視極郵不遺餘力豫豫州
邑告賑卽發不待報可民賴以生者萬計株荒之策
一如龍南信豐矣僉事二年前後論薦于朝者十數
疏甲寅以愛歸遂家居不出勦爲循令尹爲名御史
貞憲秉度爲按察尤有聲五十懸車論者惜其位不
究德云有遺集五卷藏于家

羅虞臣

羅虞臣者順德之大良人也字配載穎悟絕人觀書
目數行下九歲能屬文弱冠舉進士補建昌推官建
昌號繁劇難治虞臣至郡以文章潤飾吏事日召善
書史數人於前口占其所謝故人書手授其所爲文
且省吏事各有條退則讀書至夜分乃就寢故虞臣
居官文日益進郡中亦翕然有文雅之風三載徵拜
刑部主事改吏部與李開先任翰革以文章氣節相
高而虞臣尤剛腸疾惡面斥人短以故多忌之者開
先曰熙載且見中於法矣會宛平人劉東山僞上變
告張廷齡姦連虞臣於是逮詣詔獄治虞臣乃從獄

中尚書通政鄭紳覽書集去不奏徹成下御史府大夫王廷相當虞臣故縱重囚黨結元惡杖五十褫職爲民虞臣既歸就中山結草堂墳索置前圖牒陳後括百家馳騁千載雖伸舒單思下帷嚴平不窺城市猶自謂過之也嘗言虛生不如營名美古不如自正其志如此兩廣都御史蔡經薦于朝未用卒年三十五所著有原子集

郭棐

郭棐字篤周南海人弱冠由儒士領嘉靖己酉鄉薦師事湛若水與聞心性之旨壬戌成進士初授戶部主事尋改禮部會穆宗卽位次日傳封七夫人御極出果力諍納還門方今先帝廟號未尊中官母儀未正而迭有此舉何以示天下事得較輔臣高拱以專擅爲時杜柄問語棐曰人言相度可操舟如太橫何棐應聲曰儻其橫不能操更願相公廓度矣拱滋不悅棐遂以祖母年耄請歸養因疏陳十事如設史局之官錄于謙之後進薛瑄陳獻章從祀孔廟皆納棐議獨以數忤當路出爲夔州知府夔地嚴瘠棐務課農養士爲根本計作仰高夔龍二書院選諸郡邑之儒躬董教之又兩校蜀閬所得皆知名士晉湖

廣屯田副使攝新州道有柯賊數千爲梗督府陳瑞欲提兵殄勦棐戒勿輕動願以身往果得首惡正罪來往與國界中數經江陵之家不投一刺萬曆丁丑始改四川提學時當國者方嚴功令督行汰士法棐守正不阿檢選公明居前矛者學士范醇敬輩登鄧會榜幾三百人皆屈指豫定前此所未有也梁山署印基通判杖斃生員李夢祥檄臺力護之棐按法執治不少貸因而得罪去官癸未抵京將補銓司相國申時行余有丁皆棐同年雅欲推轂而棐每見輒進規諷由是失二相意僅除廣西右江副使至則首平象州洛容等亂脩柳慶賓象四學旋陞湖北叅政耀穀萬石以賑繕武陵龍陽沅江等邑隄六千餘丈又計擒苗夷楊廣和等一方獲安秋滿轉山東憲使值倭奴窺邊棐計畫防守全齊晏然未幾陞雲南右布政再行堂事滇人方苦師旅苦貢金棐爲平丁其數緬寇疏罷增金二千兩以救疲民爲閩部所抑不得奏乙未大計羅人言棐遂乞休詔晉光祿正卿致仕居十年卒棐忠孝天植處父母兄弟自少至老毫無間言孜孜公家夙夜匪懈其與内外柔內剛榮辱生死不爲動初擬鼎甲後擬內擢皆爲權相所擠遭遇

三十餘年官止外藩家業無所增益至於建祠恤族或周急助義則傾貲爲之他如建塔濟濠防夷罷稅凡關桑梓利害力贊當塗舉行卒爲鄉類性尤絕聲色惟喜講學談文每手一編寒暑丙夜不輟戶外乞言者滿志而去竟無受謝屬續之日倦倦以國恩未報爲恨其子陽齡精手親友始克成喪云著述傳世者有粵大記嶺海名勝記廣東四川通志夢菊全集齊楚滇蜀諸稿士林宗之

歐大任

崑山歐君生於廣東順德官江都訓導名大任字櫟伯有文譽與嘉靖間六子遊碧作甚多已有定評植伯青歌學英詩甚爲聲亦有小集惜遺其半

雲奇

雲奇南海人洪武間內使守西華門時丞相胡惟庸謀逆其居第距門甚遠奇則知其事冀因隙以發未幾惟庸言所居井湧醴泉遺上往幸鑾輿出奇走衝蹕道勒馬衝言狀氣方勃峰舌歛不能達意上怒其不敬左右亂搗極下垂斃右臂將折猶奮指賊臣第弗爲痛輸上乃悟登城頰頰則見彼第內壯士衷甲伏屏帷開數匝亟返樓殿罪人一一就縛召

奇息已絕矣上追悼加贈司禮監太監賜葬於鍾山之西命有司春秋致祭仍給六人備歲時灑掃

唐豫附子璧

唐豫字用之順德縣人父奎洪武初以經明行修薦授增城學教諭博覽羣書鄉人號唐書區湛某冠至被執不屈死豫生而穎悟少從翰林典籍孫黃遊作詩文有古人風性剛介無諂曲痛父非命作蓼莪亭與周祖生周祖念劉子羽何淮劉子高友號平步六逸皆德行醇謹衣冠嚴偉爲人所欽嘗相與定鄉約鄉人信行之秋成彼先輸公賦一補尺籍必遺少壯當行之人二冠禮遵文公幣無過腰三昏先夕燕其子坐之南面曰漸老燕非禮也如禮醺之四父在子立違者叱之五喪無飲客遠者爲具蔬食朔望會哭勿雷六祭以四時忌日哭盡哀不飲酒食肉居宿於外如禮七禮尚施報冠昏喪葬其大者鄉里親戚朋友往來佐之八子弟教以孝弟睦於親族鄉黨讀書學文母令後其衣冠博奕飲酒以爲父母戮九鄉爲甲幾其出入幾其所事其有奇哀聞于有司十豫子璧亦有文行母嘗不能自食璧晨夕飲食之母遇醫復明人謂孝感一時公卿皆重璧奏議陳贊待以賓

及改大常執手別曰卿吾三益也璧動循禮署未
嘗去衣冠訓誘子弟端立正坐出入規矩然後授以
句讀或見以爲迂闊曰文藝末事不收放心何以受
教其敦行如此

黎貞

黎貞字彥晦新會人性坦蕩不羈樂以酒自放故號
陶陶生晚更號林坡學者稱之曰林坡先生貞自少
岐嶷異羣兒七八歲時與弟浴於塘弟溺塘井中雙
指猶漾漾未沒貞亟沒水以手捉其足登淺處鄉間
異之五羊孫賁狂者才美絕人爲文章標筆立就死

本朝分省人物考

卷二十一

三三

生榮辱得失亦不以介意貞從之游故學所成就非
一時流輩所及發而爲詩文滔滔自胷中寫出無斧
鑿痕議論古今治亂興廢與世道得失人物賢否類
出於已意而多得之洪武初補郡庠生部使者以其
有學行署爲新會縣學訓導志不樂仕乃退築釣魚
臺於所居宅前自號嚴光後以事爲訟者所誣發戍
遼東者十八年艱危困厄之中學愈博而識趣愈高
氣愈光而議論愈出比脫伍歸聲益著學者從之遠
近畢主貞詳善誘每俯而就之隨其淺深有所造
就焉年五十九卒所著南林坡集古今一覽家禮舉

要行于世初貞在遼時孫晉以事死貞抱持其尸以
衣裹之殯殮如禮奉柩葬于安山之陽典衣營其事
爲文祭之讀者莫不墮淚其篤於友義如此比其自
遼歸也適已薄暮明月滿空呼舟中餘酒登所築釣
魚臺吟嘯久之乃扣門還家焉其胸次脫落此類也

李孔脩

李孔脩字子長自號抱真子順德縣人僑居廣州之
高第街混迹閭閻人不識也張詡識之則薦孔脩及
雲谷老人于其師陳獻章獻章曰陳留市隱不遇陳
無已黃廷堅市傭耳雲谷老人李孔脩非廷實安知
本朝分省人物考

卷二十一

三四

廣東

吾郡二士雲谷老人得見孔脩少年如廷實非倪首
當世人也往來之便庶接其論以信廷實知人善取
士未幾孔脩通諭于縣縣令異其容止問姓名不
答第拱手令叱之曰何物小民乃拱手耶再拱手令
怒答之五竟無言而出有庶母父沒改適誣孔脩奪
其產縣令鞠之孔脩操筆置對曰母言是也縣令疑
焉徐得其情乃大禮敬之由此人皆以爲駭故雲谷
產蔬食不繼未嘗其眉詩字不履前人自爲戶
牖或觀山水歸而圖之者爭愛而酬之平居管寧
綈朱子深衣入夜不違午年不入城閭惟攻周易

城中兒童婦女皆稱曰子長先生開出廬戶則遠近
圍視以爲奇物云吳廷舉由縣令歷落舉在粵最久
與孔脩爲布衣交兩人高風在塵埃之表粵人常道
之孔脩卒無子憲使李中少恭王崇教經紀其喪尚
書霍韜葬之西樵山西樵人祭社以孔脩配

陳鶴

陳鶴自號海樵山人世襲廣東南海衛百戶生而穎
悟絕羣年十餘已知買奇帙名畫窮晝夜誦覽十七
襲祖爵固不喜握鍵轅弓矢以自匿其芒角鬱鬱得
奇疾百療莫驗則自學爲醫久之洞其自爲診藥

凡七年而病愈愈而棄其故所受官着山人服踰粵
嶺下彭蠡游吳渡越徧交海內名士歌嘯諸謔一座
盡傾對客論說其言一氣萬類儒行玄釋凌跨恢弘
既足以撼當世學士而其所作爲古詩文若騷賦詞
曲卓犖特出盡效諸名家間出己意工磨絕倫其
所自娛賦離騷至吳歛越曲盡草莽巫史祀咒推
歌凌峭輒章離詞離逐伶倡萬舞偶劇投壺博戲酒
政闔善釋官小說與一切方言樂師矚股口誦而手
奏者一遇與至身親爲之靡不窮態極調於是四方
之人日造其庭盡一時豪賢賁介若諸家異流無不

何慕願得一談一飲以爲快幸性喜夜窮士士往四
方又必借其片墨以動諸貴人每值集飲之處旅者
行者車爵持組載筆素以進振髯握管須臾一擲累
幅或數十丈各極其所願而後止而往後箋札酬酢
去留目營心記口對手書又雜以論說娛戲如前所
云者一時雜陳燦然畢舉無不氣折心醉願與內交
而去如是者幾三十年以爲常一往金陵客四年而
不復返矣初至金陵將造顧尚書璿先一夕夢李白
至及見乃山人也遂深相結故客留最久顧公嘗稱
其氣雄邁跨諸貴游似東方朔才敏絕似劉穆之其
爲瑣細藝劇忽整衣幘談理道辨世務又大類曹陳
思真海嶺山負天賦以多能者矣

李義壯

李義壯字稚夫番禺人嘉靖癸未進士初令仁和其
政在鋤治豪強矜郵筑獨三年遷戶部主事司臨清
鈔關以進美餘七萬受旌改禮部儀制義壯工古文
詞其時諸郎如田汝成王慎中屠應鵠悉負雋名而
獨嚴事義壯以爲益友歷員外郎出爲廣西督學會
事轉湖廣副使備兵辰沅先是苗人不靖都御史萬
鏗以爲憂義壯至督兵直走盧溪急攻其爲梗者以

次熾焉諸岩遂望風降附境內以平詔賜白金文綺加俸一級歷四川參政福建按察使章宗清吏部柱請託縉紳大夫莫敢干以私者轉右布政提僉都御史巡撫貴州時方征苗所規畫多與總制張公相左遂乞休既歸有司造請多不報日檢閱百家之書爲文弘博浩瀚有則詩亦壯麗無卑瑣之態性剛方於人過必嫚罵不能容於砥礪名節者則願與交權不少忤以故士論歸焉著述最富多散佚所存三洲初稿十五卷行于世子成性領鄉試第一蚤卒

何繼之

何繼之字克肖順德人登嘉靖丙戌進士知攸縣懲豪民張金通負由是知名晉戶部主事歷松江知府却糧長常例累擢河南參政互糧小灘以漕中都源賴既足羨銀八萬七千餘兩同事欲私之不從還福建按察使未赴隨遷河南右布政使抵家卒繼之謀和清慎積而能散見稱於時

火萬

岑萬字體一順德人嘉靖丙戌進士授戶部主事歷福建左布政使萬壽節御史曾佩拜于上萬引却之曰拜下之禮按臣何獨不然御史啻之論謫廣西參

政遷按察使靖江王不得於母作慈母不慈記譏藩臬命伶人歌焉萬遽起曰此非臣等所忍聞也以子譬母於法不幸一旦上聞以此督過於王奈何王竊然立命焚其書母子遂歡好如初遷河南右布政前御史仍不解噤言萬老勒致仕年甫踰艾云年七十卒

戴銳

戴銳字子聲東莞人嘉靖己丑進士觀政吏部上時政疏千餘言授禮部主事督會同館校印版校至佛字資習長諷令少徇持之益力尋改監察御史某月間言天下大計至十餘疏多人所難言者論劾尚書聶賢劉龍等六人不職吏部尚書汪鋌槩爲之護欲加銓罪上優容之後言官論鋌黨護奸邪中傷言官當路謂出銳謀坐免家居淡薄自甘足跡不至公門廷臣交章論薦未幾卒年四十六用不完才士論惜之有集藏于家子記亦登進士官楚雄知府

林烈

林烈字孔承東莞人父汝椿篤于行有長者風烈幼聰明通左傳漢書嘉靖甲午舉于鄉嘗師事魏莊簡潛心理學所養日遠四上春官不第釋褐江陰教諭

授南大理寺司務九載也戶部員外轉郎中以勦擒
著聲庚申督賦江右綜理惟嚴以外艱去服除復補
戶部出爲福建鹽運同知革常例祛積蠹嚴闔出商
至如歸薩政大舉於是毀淫祠興社學朔書院日興
諸生講習其中又聯什伍恤孤貧監義門立鄉屬壇
脩養濟院民始患盜已復患虎悉力驅除之偶夢歸
章緩心里焉適世宗遺詔至遂卒百姓巷哭商罷
市立祠水口尸祀之烈學務躬脩一介不輕取與歷
官二十年儒素如胥子培坦城俱鄉薦培最知名

梁津

梁津字濟甫番禺人幼有至性事母區氏以孝聞三
弟皆出庶母時在襁褓庶母素悍盡奪財產以私其
子津略不以介意撫之益厚甲午發解第一辛丑進
士筮仕刑部主事迎母就養以學行改吏部持清操
杜私謁朝著賢之時大璫麥福最寵幸以同鄉求見
津善辭之福亦服其素履不訝也循資當轉文選副
郎同僚有越次錯求者津卽讓之曰典選重負予寡
陋且多病兄才望宜補衆皆服其量卒于官年三十
有五母哭之斷腸而絕聞者莫不盡傷太宰聞淵素
重其賢尤痛惜之潤其貧率僚屬致贈遺官護一喪

以歸

李鳳

李鳳字鳴岡番禺人其先大庾人父賢始屬籍番禺
兄鸞登嘉靖辛丑進士歷戶部郎中嘗以經教授成
就甚衆鳳少從兄學終身執弟子禮丙午舉于鄉後
十年登進士知蕭山縣鋤豪強禁溺女均賦役士民
咸孚頃蒙嚴道從治劇餘姚甫下車茂著俊功入爲
大理評事治獄以不冤稱遷登州知府地瀕海饒於
魚鹽歲美數于金一切麾却之日理民事惟務節愛
歷廣西布政使所至以清介自持不肯徇世權貴媒
之竟以老罷歸官居二品其產業不足糊口訓家
甚嚴兄子良杜亦登萬曆甲戌進士爲廣西參議

唐守勳

唐守勳字允懋番禺人少有志向家貧力學嘉靖辛
卯舉于鄉督府以學行延之嶺表書院爲諸生師甲
辰登進士知閩縣舊創歲收綱銀支給公費不贍則
預徵民甚苦之守勳裁浮冗節出入積有餘美適值
荒歉民獲樂生以憂去起補貴溪邑無城郭寇至率
民兵禦之擒渠魁而還無埃交薦建南京戶部主事
歷郎中已未擢興化知府卒守勳戶於倫理教四弟

如巖師急則捷之皆向學有止在南都時聞業師湯朝達之弟鬻其祖宅輒還券不索原直同年東莞令孫學古卒于客邸躬治其喪士論賢之有集藏于家第守明守文並領鄉薦守敬以詞翰名家

李 价

李价字少藩番禺人穎悟有志學務躬脩嘗從香山黃佐遊登嘉靖丁未進士知當塗縣俸外一無所取施當衝塗前令逢迎無虛日价嘆曰吾安忍敝吾民以相媚乎專務節儉歲省民財數千已酉熙蝗災獨民租十之四獄中大辟囚惟四人爲辨出其二有父告子不孝者反覆開諭下其子朴之父泣請焉遂提携而出權戶部主事里正馳至采石贖百金爲舟車贊却之乃畱靴而去壬子以才行改吏部稽勳司主事遷考功員外郎兩列上考會三殿災欲上封事爲親知所沮亡何宿痞頓發乞休太宰李默止之晉稽勳郎中疾彌甚歸家踰年卒人咸惜之

李邦義

李邦義字宜之連州人生而穎異貌甚魁梧與兄弟仁齊名而邦義登嘉靖丙辰進士知上虞縣有異政歷戶科都給事中條陳時務指摘奸權人多其直歷

太常少卿尋改南謝病歸卒年五十七邦義有才而敏論天下事若走輕丸下峻坂恥爲妍媚態好面折人過以故爲世所忌居常感慨政令不便者輒白有司更之故人有遺思焉

岑用賓

岑用賓字允穆萬子嘉靖己未登進士授衡州推官補池州景王歸葬官校以供張不給多凌虐有司二千石而下不免守屬用賓能獨稱辦而民亦不擾擢南京戶科給事中喜論奏章凡數十上勸經筵崇正學擇師儒舉遺逸載職造七其大者大學士高拱負才剛狠狹中而忌隆慶初爲給事中魏時亮所劾而御史齊康希拱旨劾大學士徐階上皆不問用賓乃奏言兩人日侍左右心執邪正行執臧否量執廣狹豈能逃遁聖鑒高拱剛愎自用苛刻立威決非端人小則殃民大則誤國乞令致仕以杜厲階不聽拱深銜之以此出爲紹興守紹興人聞用賓來計必武健自用及至乃更爲寬和立教條不鐸以徇務在德化於是紹興人大喜有故人欲饋用賓具其廉託以茗進用賓面發之得金大怒絕焉既入計請陝宜川丞猶以前憾故至踰月卒自嚴嵩當國沈楊輩以直

言質禍人皆結舌及用實在職言路復振終亦不免
貶死海內惜之有小谷集行于世

梁典

梁典字梓伯順德人家故貧少傳經以供其親比舉
于鄉二親已沒輒欲棄之去已謁選授上林學論其
課諸生如傳經時上林遂彬彬多文學士矣遷南雍
博士尋出判南康署篆于都昌建昌三縣而在建昌
最久建昌學圯于河典浚河新之諸齋舍自此興建
昌病多通貢民卒流亡典緩之復業者相踵在南康
三年清謹如一日伯兄嘗過其邸談及家人產與曰
祝傳經時已侈矣卒于官百姓哀之子思年博古工
詩翰喜談名理蚤卒今得其諱書者競珍之

劉格

劉格字豫誠從化人性至孝幼而父歿哀毀幾滅性
弱冠舉庚子鄉薦壬戌謁選授六合令清慎勤敏百
廢具舉徐國公家僮鎖禁良民格杖而戍之閭中丞
檮江盜數百疏皆抵死密廉其枉者數十力爭之不
少屈時稱強項令操江都御史欲腹削沿江官軍格
不阿承遂調信豐會零都令以丈田激變督府殷從
儉三遣官弗能定格繼往片言解散執其言惡正法

焉從儉疏其能兩零都而信豐士民諸還益力未幾
從儉去長沙李棠來代諸言先入徙荆府審理正後
祀信豐名宦及鄉賢祠所著性說真善論大倫圖多
發古人所未發于克正克修並舉于鄉而克正登進
士克治選貢

李悅

附李翔龍

李悅字子喜新會縣人天性孝友年七十言及父母
輒流涕長兄七子二十餘孫產薄不能自存召與同
居以已財產均之族人多依者至百餘口庭無間
言所居臨海颶風作惟飲潔慕悅皆收而歸之同邑
李翔順德嚴疎俱以孝友稱翔進士授府推官以
母老畱室事之携一僕以行尋繼主事欲改南迎養
或止之翔曰近思老母夢魂顛倒遂請歸抵家七日
而母卒人謂孝感疎置肥田捐產繼兄邑旌焉

謝佑

謝佑字天錫南海人嘗從陳獻章遊一聞主靜察
遠築室萊山之下棲焉寧甚并日而餐襖不掩脛晏
如也處世名利不少呈胸臆病中嘗寄友人湛若水
詩曰生從何處來化從何處去化化與生生便是真
元處未幾卒從若水祠其師子白雲山以佑配

何廷矩

何廷矩字特振番禺人爲郡諸生以文行爲督學胡
崇所器重見陳獻章卽棄舉子業從之遊會將秋試
廷矩毅然謝去榮遣人乘馬追之謝曰泉石疾已在
膏肓矣遂不復出所著有禮意大全三卷存半錄中
卷皆本周禮云

霍任

霍任字尹先南海人少同兄韜讀書僧舍衣冠相對
卽暑夜不違人服其端莊兩試不遇遂潛心理學以
主靜爲根宗絕玩好漸戲詭於聲色名利澹如也父
不朝少自命

卷二十一

五

霍

霍沒哀設成疾齋素三年盧墓西樵服闋因移家墓
下兄方歷顯要秉銓衡而任托跡谿谷間與陳獻章
前弟鄧德昌輩泉石自娛不與世事然赴人之急甚
於其私有受誣殺人者未嘗識面聞其冤輒爲雪釋
其人數百金謝揮而不受歲侵令家人減食以賑見
債負苦累或代償焉有兩田更闢之不勝毀甲先隴
釋獄甲將訟于官任諭之不聽乃具脯醢往拜其隴
躬帥之甲驚曰吾世田更何以當此遂不復訟其厚
德類此栖西樵垂四十載山民父視之比卒聞者莫
不悲悼所著有心性說解南山刺言行于世季弟傑

有奇行亦隱西樵獨處石室中經旬絕粒無饑色終
身不娶有林逋風嘉靖元年忽出會城徧辭親友登
建王臺端坐而逝數日顏色如生人皆異之

鍾景星

鍾景星字叔輝東莞人少習舉業聞湛若水講學西
樵遂受學焉久之相從至都下與陳謨郭肇乾相策
勵終日正襟未嘗少懈如是者數年充然有得其歸
躬砥行毅如也家最貧然毫不苟取雖往來諸名公
間終身未嘗有所干人以此益重之晚年養愈冲粹
喜怒不形未嘗疾言遽色望者知其爲有道士云卒
年七十四幾無以斂邑令喬諸捐貲助之乃克葬焉
尙書何維栢銘其墓

鄭吳

鄭吳字祖欽順德人其先漢章得金蒲潤訪其主還
之者也少力學善屬文文溫醇如其人登嘉靖乙丑
進士知江陰縣補海鹽縣里甲海塘前令籌策未竟
吳卒就之民蒙其利遷南戶部主事歷工部郎中出
守柳州會八峇之役久旱大饑百姓嗷嗷吳殫力畫
夜八峇平賜金無何卒吳端慤清慎年踰五十始復
一第不以日暮爲自植計官六轉歷二千石歸囊無

條督府劉堯誨知其廉命所經郡邑祭贈之

劉克正

劉克正字懋一從化人生而穎悟隆慶丁卯舉于鄉
辛未會試主司奇其文擬魁天下後置第六時論備
之既第進士改庶吉士尋授檢討奉命冊封靖江王
有遣一無所受修兩朝實錄成賜白金文綺會奔父
喪南歸哀毀踰節起復抵維揚疾作還次真州而卒
年僅三十七克正質敏才茂肆力詞賦爲丁士美諸
大綬輩所推重嘗作越裳白雉賦瓊瑤華麗世競傳
之

梁有年

梁有年號惺田廣東順德縣人萬曆甲午鄉試乙未
會試改庶吉士丁憂辛丑選吏科給事中本年督太
倉銀庫巡視皇城陞戶科右巡視京營皇城癸卯浙
江副考時主考爲閩中之高克正較閱精詳甄收多
名士丙午陞刑科都諫例應內轉請外補得霸州兵
備陞河南按察使調湖廣按察使壬子陞浙江右布
政生平素持清肅所至吏畏民懷屹然倚爲保障甲
寅丁艱未踰年而卒未竟所施士論惜之

區 越

方新會人進士正德元年知嘉善少遊白沙之門
性慈祥政簡靜得親民體平居無疾言遽色民甚懷
之擢戶部主事

殷廷蘭

殷廷蘭廣東人嘉靖癸丑進士授嘉興理刑廉介端
嚴不可干以私每聽斷詳審精密未嘗輕出入郡是
以無冤獄會督平湖事倭夷卒至僅隔一水時未有
城廷蘭令民無走當爲疑兵以却賊於是晝則揚兵
夜則列炬舟卒市人聲應若十萬師賊駭遁百進款
呼相賀廷蘭曰是幸也不可再庶中爲城以守
本朝分會物考卷一百七
全八

畫指畫盡出其力無何以募去尋卒

人物考目錄卷之一百十二

廣東惠州府

王度

李顯

張津

陳吾德

葉夢熊

楊起元

陳駿

葉應

曾祿

姚祥

車邦佑

唐勳

王天與

曾守約

翟宗魯

葉春夏

李學一

謝憲

潮州府

戴瑀

吳祿

黃勳

附子一道

翁萬達

章熙

薛侃

蕭鼎

林祖

蘇福

補遺

林興祖

林希蔭

蕭登

李齡

吳一貫

王昂

莊瑛

鄭一初

劉子興

林大欽

陳一松

陳瑞德

鄭旻

唐伯元

薛宗鑑

瓊州府

葉頤

唐舟

邢宥

薛遠

丘澤

王佑

唐胄

陳實

鍾芳

海瑞

鄭廷雋

王懋德

丘敦

曾鵬

林士元

吳會期

黃顯

黃宏宇

肇慶府

梁敏

梁軫

陳鼎

梁致育

劉芳

附子城

盧宅仁

本朝分年命考

卷二十一

莫如士	李 津
南雄府	
陳德文	譚大初
韶州府	
黃 裳	鄧 頤
廉州府	
林 榮	
高州府	
姚岳祥	

本朝京省人物考卷之三百十二

廣東惠州府 潮州府 肇慶府

王 度

王度字子中惠州府歸善人肆力經籍研理修詞部使者以明經薦起家拜監察御史繩糾務持大體疏十餘上多見用 高帝升遐諸藩不靖兵部齊泰等會議軍事度與僉謀監庚辰會試翕然稱得人時曹國公李景隆北征收績退保濟南以歷城侯盛庸代之度密輸籌策隨機制勝乃有東閣之捷景隆徵還殺不誅且當軸用事忌庸等功多掩已反行譏間庚辰六月六月濟寧告急將士率與避敵度請募兵益戰乃有小河之捷夏五月鳳陽不守北哨長驅方孝孺與度等書策普死社稷秋坐黨禍謫戍賀縣後被族誅度死時年四十有七

李 顯

李顯字思誠惠州博羅縣人正統丙辰進士由刑部主事擢福建按察司僉事未幾陞參政綜理海道景泰丙子調任山東入順茂寅進右布政庚辰入覲時天下官旌異者僅十人而顯預焉賜宴于禮部兼錫金織襲衣轉左布政丁父憂改浙江成化丙戌召爲

工部右侍郎錢塘江溢衝堤岸壞民田廬往治之人賴以安還朝年六十有二以疾乞歸成化十六年六月卒計聞賜祭葬如例願廉靜寡慾不事聲名歷官中外皆著政績爲時所稱其在閩莆民有游益綱者仗中官勢爲鄉里大害無敢詬何之者願至立置於法至今閩人稱頌不置云

張 津

張津字廣漢惠州博羅縣人成化丁未進士令建陽遊礦盜創縣城舉荒政除女妖置田以祀五賢俾其後領之治述甚著以憂去後補大冶權監察御史疏講學慎令等四事正德二年出知泉州時逆瑾扇賊鎮船私人絡繹下郡邑津以嚴重鎮之輒屏息以去政平而信吏牘無欺民訟無所詎者強戢弱安郡方仰見政化之成僅三閱月竟以逆瑾排去去之日百姓送者塞道且祝焉五年瑾敗補寧波府尋陞山東左叅政八月陞南院右僉都御史兼管操江九年命征賊寇十年陞都察院右副都御史巡撫應天等府上言江南水旱宜停止織造寬卹民力不報以征湖州孝豐賊有功遷戶部右侍郎兼左僉都御史巡撫如故未久卒于官贈南京戶部尚書賜祭葬津歷官

清謹練達吏事而自守嚴正故所至有聲望云

陳 吾 德

陳吾德字懋修惠州人嘉靖乙丑進士授行人冊封蜀府及營豐城李尚書瑩皆無私交隆慶己巳進工科給事中時東粵盜賊如螟威執空文以問朝廷自督府上下相遁盜賊日多疏上八事明賞罰復兵防議舟師禁關出補假貸覈虛冒慎撫勸卹忠勞上從之庚午元旦日食鼓于禮部僕御亂行無禮雜沓喧呶大臣自攜茵褥肆然安坐德奏非敬天之怒無敢戲豫之意且元夕月復食矣日月交食天威孔赫陛下宜居洪宮戒荒寧罷游宴凡娛耳目悅心意一切無益勿復爲之以逆天休于是勅下禮部敕日月食無得喧呶自此始遣中貴織衣浙江上言民力已竭加之水旱莫若令有司如期徵解攝戶科適有買珠之命與同官李紀功切諫忤旨皆免爲庶人萬曆改元復召爲兵科給事中至京卽劾中貴人鄭貞傳內官其姪錦衣并總督劉燾奸賊不宜召用時江陵專言事者多承風先白乃敢言德以給諫非宰相私人獨不附禮部主事宋儒與兵曹熊敦朴交惡購收朴欲疏江陵與王萊江陵遂令部尚書譚論劾

敦朴誦外德因並勅僑江陵嘆其不自已感之成國
公朱希忠薨行金錢求贈爲王復上疏力爭不可江
陵大怒明年二月而一麾出守矣至饒正風俗作人
才廣厲學官置院士之田談經校藝立父老正二爲
條教頒行民間勸以爲善去惡其善惡皆有籍行之
出于至誠禁溺女減網罟之徵定湖港之稅革浮羨
遠貨利宗室負勢驕奢難繩以法懼德之嚴正皆杜
門敏手卽吹笙度曲惟恐明府聞也樂浮德安多山
亡命潛匿番餘則濱彭蠡接九江之流不逞之徒與
海出沒萬年尤盜淵藪於是飭什伍鼓勇銳有警掌
國杆諸岸戈船杆諸江三年而盜皆遠去江陵以前
憾未釋嗾言官劾以違禁講學擅用庫金指買學田
降馬邑典史已竟削籍奏朱江陵死起用推官以親
老不起後丁內外艱服除詔起同知紹興至則歲祲
奸民並興爲盜職主詰盜殲渠魁二人而撫其饑者
郡中清遷湖廣僉憲分部武昌巨寇劉汝國嚴孟新
倡亂久率師詣壘懷甲督戰二賊統帥餘奔遁上功
幕府自黃州行部歸武昌選疾二日卒年六十有二
德忠誠天植正直不阿始罷歸羣盜充斥邑西梁村
雲鄉二壘反爲賊窟白晝殺野請村官鄧于龍屯守

復臨江之成至今賴焉邑士以科第少謀能譽曰無
改作爲也建文昌閣於左而引紫水入泮池科第自
此盛邑負山環海內狹外寬亟言于當道築其外郭
若白沙先生祠若節婦烈女祠並折之事關利害名
教爲之不啻饑渴其家侈靡佚游酣溺雖里人必正
色誡之人亦不敢不從也

葉夢熊

葉夢熊字男兆號龍潭歸善人嘉靖乙丑進士令福
清以廉能卓異徵拜監察御史居臺三月會議俺答
封貢事忤旨謫邵陽丞二年量移歸德推官遷南
戶部主事督理鳳陽倉歲羨額絕侵漁歲省數萬轉
郎中出守贛州府郡有巨盜葉楷葉柱聚黨安遠山
中前守不能制乃密購楷柱所厚善者令召楷黨推
赤厚待之令入巢穴中間離其衆楷腹心內潰不知
也急帥兵深入以擊之楷衆倒戈內向遂擒斬楷柱
禽其餘黨就其地設長寧縣治百姓就所在祠祀焉
丁內艱歸苦淡中猶計擒楷黨賴王讚致之軍門閩
境晏然疏聞詔賜金幣服除補安慶府歲大旱禱雨
百姓建留雲亭以志德又計縛潛邑天堂巨寇上最
荷軍書旌異陞雲南副使未上改浙江海道尋以邊

才調永平兵備其治兵善用間又能因敵開爲我用
復以間用間機轉于不窮之算所制輕車神隊尤精
一試遼東虜成披靡當事者上問下其式于九邊仍
混旨慰勞加叅政道鄭部士卒鼓譟丙夜馳定之咸
受約束無敢譁者大計舉廉能第一尋晉山東按察
使晉右轄擢右僉都御史巡撫貴州兼督川東湖北
節制三省草坪苗殺一千戶倡亂立策殲其首惡故
事按撫以幣交皆取償公費獨命典司之互易其
幣以報權副都御史撫甘肅寧夏呼拜承恩劉東
陽自恃家丁強衆又虜方黠悍而邊備卑弱遂決計
勾虜叛逆戕撫臣晉宗室虐焰張甚得旨趨寧夏
入靈州虜數萬突至亟命驍將麻貴等出其不意破
之虜復傳城下率兵搏戰虜宵遁賊失援喪膽然猶
堅壁以拒我師朝廷憤師久無功下封侯之賞賜上
方劔速總督魏而以夢熊代其任俾得專決乃召將
士激勵之示之劔人人競奮決水灌城復用神礮焚
其樓櫓擊破下着二虜酋之援賊者賊意氣沮喪益
耀舟師震賊而間移蠟書以移其黨俾爲內應百道
攻擊承恩等計無所出斬劉東陽等三人函首行成
不聽益進兵攻之呼拜自焚死承恩傳首九邊捷上

楊起元

樞右都御史詹一子錦衣世襲正千戶尋舉邊功陞
兵部尚書復詹一子胄監生幾疏乞骸骨致仕以歸
楊起元字貞復別號復所惠州府歸善縣人甫弱冠
賊蹙東平焚民舍元爲所掠第賦詩自若賊異而釋
之明歲中鄉試第一人年二十一耳三試南官不售
乃遊金陵下帷績學邂逅江黎允儒歡然相得也
黎爲近谿羅先生之甥爲述先生言行甚悉大契于
中業駭駭嚮往之矣丁丑舉進士改庶吉士已卯授
翰林院編脩丙戌分校禮闈是歲冊封崇藩歸省觀
還朝取道江執贊羅先生而稟學焉往復參證因
大悟性命之宗曰乃今如客得歸矣因欠先生會語
爲答問集又摘其論爲仁者爲識仁編日諷誦之并
示學者丁亥進脩撰戊子校士入闈試策大發所學
同志者爭傳誦不置己丑復分校禮闈三月還闕子
監司業辛卯晉司經局洗馬纂修玉牒克經筵講
官上崇聖志勤聖學疏語壬辰復分校禮闈先後所
得多名士聞父喪奔還服闋起國子監祭酒丙申晉
南京禮部右侍郎修皇陵功成上命祭告至中
都士大夫暨師生來問學卽中庸首章與牛山之木

二章刻其旨意反覆開論中多典起者丁酉秋因災

異復上恭勸勸學疏踰月轉高皇帝御製集刻行之于其中稍爲詮注取洪範語名曰訓行錄擬上未果遷南吏部戊戌召爲吏部右侍郎兼侍讀學士未行而母夫人卒于官舍扶輿還里已亥八月營葬事躬荷舂鉞哀毀之餘感寒疾以是月十九日卒年五十有三平生事親孝與弟友厚宗族間黨其春風和氣不滅明道程子人有過耳不欲聞而惟就其所善獎成之僅僕有過亦不加鞭扑微以意諭戒之而已一聞羅先生之學銘心刻骨無須吏忘雕一小像出必

不事小令之

人

要

告反必面歲時約同志祭奠于所居以爲常四方之士受學者屢常滿戶外隨機指授人人躍然意滿去時論以明德親民止至善爲宗而要歸于孝弟慈讓孩提不學不慮之良心卽聖人之不思不勉耳目手足之生生卽心愚夫愚婦之知能卽聖氣稟物欲皆明德之寄寓共觀共聞卽不觀不聞之本體大抵皆本父師之言而推衍之聞者始而疑中而譁以辯久之羣然服者以其言取成于心非世儒矯強義襲半塗而廢者比也所著有證學編楊子學解論學存竒稿楊子格言楊子政序輯白沙語錄證道書行于世

陳駿

陳駿字仲良河源人永樂中以鄉薦歷官廣西柳州府知府時馬平宜山寇起駿甫抵郡寇奔至圍城人情洶洶駿從容檄投城下示以恩威禍福且今自新寇大慙怖乃狀白其情而退駿遂躬歷各壘開誠諭之皆投戈解去歲饑流移滿野駿倡屬勸分計口賑之全活甚衆城池學校靡不修葺嘗同參將孫琦驗征剿功故事惟授首級駿必欲俘之以訊琦不以爲然旣而琦遣卒張鬚者出謀逾期不復俄獻功者至閱之得鬚者始悔服卒用駿言

之制小令多才

九

附文

葉應

葉應字子唯歸善人性敦慈謹言詞有長者風嘗獲遺金于野訪其主而歸之蔬食布衣澹如也登成化戊戌進士初授行人遷南京工部員外郎始至辭常例金清理江北諸州課額定擬運抽分之格上下便之爲管繕郎中時有民陳忠者坐運官稅獄斃復繫其子乃鬻其已受聘女應聞而釋之代償其逋且令歸女于原聘家出守慶遠未幾乞休杜跡田野比卒無以爲斂友人副使姚祥經紀其事應好讀書老彌篤所著有易卦圖衍太極圖說大學綱領圖

曾祿

曾祿字汝學博羅人以進士宰武義邑多虛稅祿因請度田以羨補不足築隅都堰漬潯水溉田百餘頃募兵設策掄劇賦張念四件其黨民役寧居召爲雲南道監察御史上疏條陳八事曰正心術慎幾微辨邪正戒權倖任賢臣納忠諫絕女寵明賞罰 孝宗多采納焉出按貴州閩蜀務存大體不事苛察蜀嘉定峨肩饒於竹木民利之而官是地者往往假川江之徵以害民祿曰食君之祿奪民之利是不可長也乃取其尤一人罪之諸屬悚怖自是無復私賦陞浙江按察副使卒

姚祥

姚祥字應龍歸善人成化十七年進士授知沛縣廉介嚴明百廢具舉以治最徵拜江西道御史會道瑾竊權縉紳荼毒祥每疏奏輒徵及之瑾卿之甚出爲雲南副使奉諱歸復除潮廣瑋橋 旨逮至京下錦衣獄未幾瑾敗起補雲南副使累陞四川按察司使卒于官

車邦佑

車邦佑字朔卿博羅人進士由行人遷浙江道御史

督理屯馬 肅宗朝都御史曾銑決志復河套幾有成籍蒿父子與仇鸞比而喊之論棄市邦佑義憤所激申杖甚切忤 旨廷杖旋卒

唐勳

唐勳字汝立歸善人正德戊辰進士授靖江知縣平賦息訟彈盜興學崇墾濬渠政聲赫然改知休寧正德癸酉饒寇逼休寧出死力禦之既散復聚時通報陞去聞之亟還率壯士與賊遇于黃茅齊擊幾盡南畿列郡倚爲長城立祠祀之紀功使上其事徵爲河南道御史未幾乞養親終起補陝西道御史巡視蘇松鹽屯屢疏留都倉場屯田及官戚賜予差遣諸事上多采用焉素多病乞歸治疾卒

王天與

王天與字性之興寧人正德甲戌進士知寧都縣廉平民戴之如父母新學宮重民事鋤強梗植善良卓有異蹟丁丑從都御史王守仁征橫水桶岡頭諸寨屢有功陞俸二級已卯宸濠之變守仁徵郡邑兵天與以兵從軍中冒暑疾作歿于南昌守仁哭之哀解衣爲斂寧都之人立祠祀焉明年論平賊功有詔給賞恤其家

曾守約

曾守約字子如歸善人嘉靖己丑進士授行人選江西道御史巡視十庫刷卷江西後按廣西振紀糾擊賊吏恣肆者皆按宣于法戊戌山陝大工起武定侯郭勛總其事郡瑞附之守約嘗巡視忤勛怒其不附已疏守約稽誤守約遂條奏勛欺縱不法數大罪語多切直疏留中庚子陞大理寺右寺丞未幾懇疏乞終母養時年四十有六居九年卒

翟宗魯

翟宗魯字一東博羅竹障人少補縣博士弟子學師聖賢居處必敬重遵古禮嘗設科以誘進多士一時學者遵教惟謹時延慶招提峙洋宮東宗魯上書督學使者魏校曰洋宮厭於招提據高臨下雨集以學爲壑非所以息邪反經崇儒貞教也徙招提登高鎮以其地廣學宮便校從之僧赴闕訟使者推問卒直宗魯當是時校講學嶺南檄下邑弟子良者受業宗魯從校居之省心亭一日過問省心之義對曰聞省心矣不聞省心心一也省心無乃二乎校嘿然其定力卓識皆此類也後歐陽鐸來督學檄諸博士行偽而堅言僞而辨者悉以名聞博士徐甲憚宗魯嚴

則以名應宗魯于是上書請削籍去鐸疑之廉得其情強起試遂中式時嘉靖辛卯年也甲辰署宣平學諭不其教於鄉者行之文士彬彬鄒風嘗署學政上督學孔天胤報曰不帥教者先斥後聞其重如此丙午聘典蜀試已西遷融縣令緩征輸節財用廣厲學官復廢學地租每日燭蕭告天而後聽訟片言立剖胥吏受成而已久旱霽雨乃大樹十二啊徠來寇宗魯率師禦諸鄉賊以牛前行忽震死懼而退宗魯遂釋兵詣臺諭以禍福頓首請爲編氓其復兩院以轉饒非宗魯不可中道賊百艘遮迎謀知融縣亦頓首投戈而退於是宗魯推擇諸儒子弟稍慧者破之青衿鉦鼓導歸諸儒以爲寵剽掠用稀二府嘆曰得一賢令勝百萬師信哉宗魯一介不取于事上盡禮至爭當否則謂諄不撓上官求硯對曰非融產也命往易之則曰取諸民不勝取諸官不敢憾之然卒未有中也藩司以獻程不及逮簿往宗魯謝簿無罪罪乃在令然賊未誅致別民田損國賦亦典兵罪耳藩司嘿然良久曰君且休矣而御史朱有孚則齟齬之甚有孚行部臨况籍紳宗魯不候門大怒乃遂文致其罪明年大計羣吏諸司皆署上考其毀不行既觀

選乞骸骨歸宗魯剛毅有守爵祿不入其心甘食
自食食至服官衰耄不服敝綬不完以此終其身卒
年七十有四

崇志及

葉春及字化甫歸善人少倜儻不羣領嘉靖壬子鄉
薦三試市官不第隆慶初授福清教諭未赴伏闕上
書論時政一曰端治本二曰正士習三曰糾官邪四
曰安民生五曰足國用其目二十有五縷縷三萬餘
言都下倉然謂劉黃復出之福清先孝弟忠信所執
持即監司不能奪遷惠安令以文章飭吏治公牘牧
令無不手裁者毀淫祠五百區勸民至廢廢食其視
權貴藐如也民訴賦不平輒考境內田均之以是忤
權貴三載求去會權守賓州檄令不得赴則罪以逃且
請不許既而忌者匿賓州檄令不得赴則罪以逃且
列大計中遂和陶潛歸去來辭拂衣歸羅浮治逸庵
而居有司爲闢石洞書院置田贖從游諸生各譽曰
起屢登薦剡銓部竟以大計故限罷歸御史艾修薦
春及乃召守興國未赴權同知邵陽府遷戶部郎中
權稅都下郎中貴不假擬請嚴九邊屯田具疏未上
卒春及剛方廉介學行表表一時所爲文高古雄偉

李學一

出入秦漢所著有綱齊集肇慶順德永安惠安諸
李學一博羅人初穎異弱冠首鄉書隆慶戊辰進士
選庶吉士未幾以外艱歸時山寇充斥益以海寇叛
兵民莫必其命學一目擊傷之起復授刑科給事中
嘆曰此所謂主上耳目臣也天下事無所不當言
願臣之耳目示及今積寇久爲患思當事者塞蔽之
耳目請自此始遂上疏言地方當事諸臣掩飾彌縫
無爲國家計者當責見任總督兩廣侍郎殷正茂要
其成功語甚剴切下兵部覆議正茂懼任事聞之大
怒而給事張楚城御史陳堂復上疏聽焉輔臣張居
正以爲其說必出學一乃召切責之且曰奈何不容
一般司馬乎至是不能奪其議而殷正茂奉詔徃征
分伍軍并力盡殲羣寇惠人忻若更生以爲功多股
司馬而議決於李給諫也於是御史楊一桂上言嶺
東地遼闊奸民易爲嘯聚臣以爲長樂置府便而以
惠之興寧和平龍川長樂潮之饒平大埔隸焉兵部
尚書譚綸佐其說移咨勸議惠人皆以爲非宜學一
從中掣之長樂之不府者學一力也內艱服闋復補
吏科給事多所建明持大體不能承望出爲湖廣參

高特居正政劉重天當事者多倚之學一絕無所聞
李貴州得士心而湖廣御史承居正意指論其前
李奪一級居正敗尋轉廣西副憲量移苑馬寺卿卒
無子以從子戴恭後

謝憲附李學顏

謝憲字汝慎歸善人不事藻飾灑然鶴立事父母定
省如禮無私財爲邑諸生與棄天祐劉梧同舍志聖
賢之學諸生不敢風行歲薦至京卒業太學歸則築
臺居之焉巾木屐日携藤杖往來西湖浩歌至暮而
返憲學一粟程朱而多自得嘗於臺畔折竹枝編亦
土註易訓友葉春及受而錄之名周易竹書時河源
李學顏亦以諸生應員不仕居鄉多大致營建議修
復故城有堡障功後以子貴至中大夫

潮州府

戴瑀

戴瑀潮州海陽人行己峻潔經學修明洪武中以薦
辟授南豐令均賦稅鋤奸黠宿弊盡革治化一新三
年之後政平訟理民懷其德歌之曰山市晴山鳥鳴
商族行農夫耕老瓦盆中列酒盈呼囂舉突不聞聲
二十四年建言九事太祖覽之大喜曰瑀所言甚
合時務通達事變大有關于政體勅賜溫旨褒嘉
召爲都察院左僉都御史瑀在臺中贊直公正能持
大體斥貪植良中外震肅二十五年卒于官贈卹祭
葬優典甚隆

吳裕

吳裕字敬昆潮之揭陽人成化戊子舉廣東鄉貢明
年試禮部不偶人太學時吏部尚書耿公爲司業每
試輒見稱許名益起壬辰登進士授南京戶部主事
初餘丁父憂服闋補原官監督京倉通州倉糧踰年
再差徐州敏而勤慎出納無滯丙午陞本部員外郎
於是耿公在吏部素知裕賢調補文選員外明年陞
稽勳司郎中弘治戊申三原王公爲冢宰益加器重
調文選司時王公負天下重望力欲清選法異時僥

傳以進取者一切罷去裕風夜盡職凡擢用人才務令公議而小人多不悅者亦思避怨請求去庚戌擢右通政專管武官誥命事既清簡不勞而治罔念母太恭人老于家奏乞歸省既至丁母艱服闋復任已未始有太僕寺卿之擢裕居官以安靜自守適朝虜數入雲中寇掠邊將議出師顧馬多病死奏乞甚急日坐堂上選閱至發數千匹不足更出庫銀數萬兩往市當是時裕已嬰疾復治馬政過勞疾益作凡再上疏乞休致朝廷率勉留之已而疾劇竟卒年五十九聞訃遣官諭祭命有司造葬如制

黃勳

一八

黃勳字守勳揭陽人領鄉薦中丁未乙榜授江西新淦教諭日修己教人一一遂以振士風扶正學爲已任日與生徒講誦暫輟絕卻弗苟受生徒貧而勤者分膳周給或疑其矯問曰君若大用竟能始終爾耶日學以地殊志以時改言語與心術異德之賊也道有顯晦大小耶既六載遷柳都教授柳士習卑謂欲以氣節勵俗見郡守長揖而已守督過不爲動居歲餘乞歸守悔謝語諸士曰士苟賤縛利祿由學不明耳竟歸居揭陽之龍山終身爲書恭默憂勤中

正六言訓其于一道口終身佩服可已一道字唯夫舉嘉靖辛巳進士由戶部郎中擢守興化乙未考劾天下官員南京科道交章劾之一道落職時治郡僅八閱月輿論憤憤不平聞布政使徐乾能按察使屠儵咸曰閩第一守也而結吏議黜幽之詔何先是林方齊文俊爲會試考官一道方齊取士也守興化實方齊薦旣而方齊族弟殺人坐罪死祈恩一道曰曲人命之獄媚事舉主吾不能由是悟坐黜科道反其誣詞曰受林金巨千脫死囚獄然林獄實不脫竟無有辯其誣者後以上壽終于家

翁萬達

一八

翁萬達字仁夫號東涯潮州揭陽人少穎異七歲時父爲解書至親親之殺即悟日斯異文同情之義也中乙酉鄉試時夢神人大書弘濟二字後見試卷批曰此子負弘濟之才夢乃驗嘉靖丙戌登進士授戶部主事惟河西務疏戚侵奪官地商稅語甚峻上可之會畿輔大饑奉命出賑減去騶從巡行勞來立法簡便周至民甚懷之完奏有金帛羊酒之賜出知廣西梧州府民夷採處東西粵時興兵事一切供億悉力周給而尤以厚學校正風俗爲先咸軍候仇

驚縱倭卒橫市肆間縛其首杖繫之後以稍戢會安
南鄭惟脣上告莫登庸篡弒狀 上命咸寧侯仇兵
部尚書毛侍郎蔡督兵往討陞萬達爲廣西征南副
使時關吏飲莫氏重賂往來不復禁常有伺我事以
告之者於是密募敢死士梁文輔等人安南旬日盡
得其狀乃下禁曰敢有出境與賊通者磔之籍其家
因上議釋府曰今日之兵有二議用與不用而已若
兵不必用也示之急而急焉示之緩而緩焉弛張間
關其機在我以彰不戰之功可也若兵必用也則急
而或示之緩焉緩而或示之急焉呼吸瞬息其發如
大射今省公事 本三十二

之賜陞浙江右叅政督府上疏以萬達曉曉戎務練
達兵機宜於始安南以成安報之功復改叅政子廣
西分屯龍憑思陵等處簡士卒礪器械足饋餉警師
以禦獲安南間諜丁南傑訊之曰汝能爲我乎曰
能厚賄而逆之南傑密白登庸盛道中朝兵威之雄
銳拒之徒貽禍境土於是登庸請鎮南關親降遣其
姪來表入朝其詞甚哀 上乃詔罷安南爲都統使
司賜登庸不死以都統使治其國奉正朔許以入貢
班師論功陞一級賜以金幣權四川按察使尋轉陝
西左右轄時諸藩以祿俸不給聚訟比至裁處允宜
人人驩悅權右副都御史巡撫陝西於是選將帥罷
貪庸廣容兵儲蓄修器械固險要謹偵候明賞罰
西北邊備屹不可犯是秋大同宗室充灼等潛謀出
邊勾虜爲患廉得其情密令總兵周尙文發其好跡
以聞虜入寇督率官軍據險遏敵虜以遁去有王千
斤者力戰死敵哭而歛之爲文以祭歸其棺具奏官
其子立忠節祠祀焉邊人無不感泣願效死力復築
邊牆東自老營堡西距滑石澗延袤幾二百里濠塹
深闊曲盡其法自居庸以臨三鎮木柵蔽野商旅絡
繹比于內地 上復兩賜金綺陞兵部左侍郎廕一

子入太學又以禽縛逆灼之功陞左都御史兼官如故再賜銀幣磨一子已酉春虜人宣府萬達請以大同帥周尚文禦虜而自督兵數千人來援時虜勢張甚麾下將請止曰我志決矣誓不與此虜俱生馳騎先出衆無敢後者距虜僅四十里會西風大作索車數百輛曳柴以進塵霧蔽天咫尺不能辨虜驚以爲大兵至矣夜解圍而遁陞尚書兼左都御史尋召入本兵以父喪回籍庚戌秋詔奪情起宣大總督會虜犯京師參兵得重譴詔復改兵部尚書萬達方在籍病疽結廬墓間聞命單騎就道不下四十日抵京是時虜新犯都甸百務恆擾上日夕俟萬達至意適之以問大學士嵩嵩不爲申理遂貶爲兵部右侍郎經略紫荆諸關以京察自陳乞罷終喪上怒疑其避事免歸是年十月復起爲兵部尚書命下而萬達卒矣生平性剛志潔思深猷遠視抗千古心雄萬夫望而有制沉而善斷故所至以政著聞善御將士能盡其才而得其死力其料敵甚密臨戰每以身先士卒虜衆當之輒失其利庚戌之交上起召萬達達至不先計謝嵩嵩密使人諭指亦不應是時嵩子世蕃擅權賄貨無敢撓者慮萬達強執乃乘上怒

章 熙

熙字世驥潮州海陽人嘉靖甲辰進士授行人轉戶部員外庚戌虜薄都城援兵四集邇州守吏以兵食告匱聞上怒切責尚書及諸曹郎熙爲山東行省幕史已徙南雍博士仍爲戶曹郎出爲廣西僉事分道若梧白馬三州故險道也江路遙通林木深阻爲諸蠻窟穴熙至首咨民患苦白于督府檄縣邑各備大斧長鏡之屬以千數因下令調集諸路管兵統以偏裨躬履其地勢高下而刑夷之盡伐其樹賴其山分兵守焉自是諸蠻奔突竄伏不敢復出事平遂投効歸日惟以講學會友教子瞻族爲事不復有用世之志矣

薛 侃

薛侃揭陽人正德丁丑進士授行人以言落職從王陽明遊雖處困講學不息兄俊舉于鄉弟倫舉進士俊于宗侃亦舉進士擢給事中所著有研幾錄

蕭 鼎

蕭鼎字伯鉉潮州海陽人歲庚午領鄉薦會試途遇

有攜妻傭車赴京者其夫候驛遞文至而車行疾追不及遂相失在後者數日其妻少美艸防禦之甚嚴同行者無敢凌及抵京夫始追至泣訴曰微大人妾身幾失所且死矣其失德德執費懇謝不受甲申登進士授工部主事往遵化理鐵冶冶所素弊甚多額課常入又有青爲宮伯鉉盡祛其弊竇負課遂充且有美餘三怪亦息三載秩滿改戶部主事出理德州軍儲慎蓄積嚴出納德人多其能久之陞員外郎往督江西福建供應之未完者所至餽贈秋毫不受兩藩諸名勝皆重之不數日事竣而還吏部薦知浙江

之月令

卷三十二

二月

續錄三

温州府事治溫歲餘疾作懇乞歸就醫藩憲大夫留之不得乃爲達諸吏部始得歸暨至家終於正寢得年五十有六溫人哀之

林祖

林祖潮陽人家貧讀書早孤遇寇亂失母弟所在遍歷郡縣訪覓至梅州山中得見爲寮人所阻祖乃潛赴梅州訴之得還相離十有四年矣人以爲孝誠所云久之中有司上其事賜衣九套鈔千貫官終河間府通判

蘇福

蘇福潮陽人幼穎悟絕人出口成章若有神助年八歲時嘗賦月詩其初一夜月詩云氣朝盈虛又月初婦嫁底者半分無却於無處分明有恰似先天太極圖他作皆稱是年十四卒

補遺

林興祖

林興祖潮陽人七歲而孤事母至孝洪武初舉孝廉授蓬萊簿丁母憂居喪毀瘠服除改仰武府倉大使歲饑府牒曰孰能詣巡撫請賑乎方隆暑衆莫敢應興祖慨然請行晝夜倍程比至撫臣覽牒未有言與祖曰民命危急旦夕望公若慈母義形於色撫臣遽檄郡發廩所活數萬口郡守丁原振薦之擢當塗知縣有惠政遷代府長史當塗民乞留不許皆涕泣去召選改工部郎中遷廣西右參議會安南平郡縣其地改交趾右參議分守盤灘城亡何餘寇復叛圍城急先降者二十餘人主帥恐生變將殺之興祖曰不可已降而殺之何以示信從以聖敵心耳寇卒解去在交趾再歲而卒所著有棠陰集

林希葵

林希葵潮陽人自幼能屬文博通經學尤精春秋故

孝行父客死貨錢歸葬奉母甚謹母歿廬于墓有白鳥來巢蟾子千輩聚極三日表門不再偶與潮士林厚善俱以孝聞永樂間同舉孝廉希蔭謂厚曰君幸親在宜祿仕余祿不及親矣奚仕爲厚繼舉進士累官叅政希蔭終不易志天順間海寇行劫過其門大書曰此林先生廬也慎勿犯嘗一日出遇賊希蔭衣冠坐舟中賊識之遁去族兄與鄉人訟郡守不能決召希蔭至涕泣言曰至誠不能化族黨非善也誣父攘羊非直也守益賢之著有遺選歌二十四孝各贊以詩季子巖性剛介行義著於鄉不替父風

蕭鑾

蕭鑾宋漳州國梁之後至孫詢知潮陽始家焉鑾少勤學登宣德丁未進士授行人使甘肅亦力把刀及哈密多餽方物御之上嘉其廉擢監察御史遇冤獄輒有百口鑾激出之左都御史王文有墨聲獨格其議鑾爭之愈厲竟得白權廣西提學僉事興學育村居多尋丁母憂天順己卯復除潮廣時憲使楊珏謫知黃州與衛鎮撫許奏事下所司鑾按問如律珏由是謫戍甚啗鑾會丁生母憂去珏遂誣奏鑾通賄文致已罪事復下逮問無狀得終制葬未補福建僉

事尋擢山西副使有通政張瑄者謫知霍州刻剝部民百餘人伏闕上章有旨移鑾鞫問坐削籍爲民瑄反奏鑾陷已力詆之人皆直鑾奏乃寢居二年上疏乞歸不許再三許之去日士民遮道泣送抵家囊無長物時八桂諸生仕潮者皆嚴事適有以贓賄名者輒泣杖之論者謂是道也將亡矣今世學士私樹桃李一人其鄉惟患其舉趾高耳蕭公亦猶行古之道也

李齡

李齡潮陽人宋廷平之後大父依於魏遂以爲姓及本朝分省人物考卷百十二
齡父于貴列朝籍始復姓少時嘗從父憲舉之官甫中過考亭故址心竊慕焉父卒益自發憤宣德己酉舉于鄉正統丙辰授賓州學正晉國子學錄尚書胡濙祭酒李時勉皆才之薦授監察御史督學京輔特晉詹事府丞入史館景泰丙戌典京闈後督學江西以躬行率士察其孝弟力田者禮之以爲諸生式後被置語去歸未逾月卒士論惜之先是齡嘗講學白鹿書院建二陸講堂置贍士田比卒以從祀焉又李若林舉宣德庚戌進士授刑部主事詳於法律病免家居後輩多師事之晚年益工詩文人稱二李云

吳一貫

吳一貫字道夫海陽人成化辛丑進士上高知縣質性明敏長於吏事其宰割一以廉勤興學除奸吏不敢欺士民頌其義擢御史巡按浙閩黜貪墨均徭役平滯寇所至風裁肅然累陞大理少卿嘗奉使經略邊務上安邊策數萬言皆見采用時宦官劉瑾專橫一貫以直忤請嵩明州同知尋遷江西按察副使有靖寇築城功每見上高吏民如家人父子轉按察使行節至奉新卒于官民哀之立祠祀焉

王昂

王昂字抑之陽陽人兒時穎敏淹貫經史遭母喪枕塊幾殆登成化甲辰進士授永豐令嚴詭籍革巫俗捕宿盜辨民冤輿陋修廢不遺餘力時方旱爲民禱雨第令童子號曰令有罪民何辜天不雨令可屠雨輒應又時大疫延數千家抑之親與按察病者皆起以治行高第遷太僕丞理馬政窮其利病餘陳一疏四千餘言將進適疾而卒所遺僅詩文數卷宋史補數冊

莊璵

莊璵字惇之揭陽人年十四游郡庠弘治九年丙辰

進士宰安福性峻潔不可每事必札記而行要其成一粟於法或以召謗難之曰三尺法如是吾知奉法而已至延接邑士大夫雍雍如也無敢干以私朔學舍五十餘間以居生徒比考最疏之收教調國子博士尋擢德府長史時宸濠蓄異志範諸宗挾借祿米璵持不與復禁絕其私交濠銜之陰謀構害璵乃挺身往見詞色俱勃遂杖而下獄不與食三日衣冠危坐而死時威悼之御史王完疏其忠嘉靖改元加贈太常少卿道官諭祭

鄭一初

鄭一初字朝朔揭陽人兒時以高節自負弘治乙丑進士病免居紫陌山閉門靜修人有以千金求爲居間曰名義至重鬼神難欺且欲饒舌作說客耶却之後起巡按雲南風紀肅如聞王守仁講學請師事焉屢詣書勅子弟力學疏歸卒于杭

劉子與

劉子與字質之海陽人嘉靖辛丑禮魁授臨海令以廉平著遷兵部主事歷閩總憲端介慎事俸入外不它取一錢轉粵西左轄致政歸行李蕭然家居十年恂恂誠懇有德讓君子之風嘗謂士人一解組卽宜

絕干謁若僂首喜事僕僕爲人役曾不若居官置鎮門謝客猶能遠俗禁持素節也其清修雅行爲湖士大夫宗以此所著有見湖邊夢論者謂馳跡之士恥譚模茂請以劉公風之

林大欽

林大欽字敬夫海陽人生有異徵慧出僞等家貧每從人貸書年十三即能通少微通鑑年十七失怙教授生徒以養母翁囊穀得其經義至請見許以國器二十應嘉靖辛卯試對李綱十事御史吳麟大稱賞擢第六人以語督學王世芳皆曰大魁手也遂連捷禮闈比奉大對文益奇都御史汪鉉訝其起語不如制以示大學士張平敬曰是嫻於辭進以備御覽可也遂品置第三進呈上得大欽策大稱意親題第一比制下海內翕然慕之授翰林修撰尋乞身歸養大欽夙以才自負于百家言雅喜蘇氏爲文亦酷似之第後稍任達厥繩墨獨窺玄理嘗著性日照空萬障論以見志故其行事時有出入百事母獨謹居喪哀毀以改葬歸道病卒于家

陳一松

陳一松字宗若海陽人少孤貧事母孝嘉靖丁未進

士選翰林院庶吉士除兵部主事轉員外遷湖廣倉事以忤直指使乞歸終養母寢疾嘗湯藥衣帶不解者逾年比卒哀毀廬居免服補蒼梧僉憲甚得民心遷福建提督儲叅議催科撫字公私兩給遷湖廣憲副清聲彌著所至民立祠祀焉遷陝西大叅轉福建按察使復擢江西左轅出納惟公悉革常例擢應天府尹民遮道留又立祠祀之尋遷大廷尉晉工部左侍郎督修皇陵役餘十萬悉歸公帑賚賜加俸服一級旋以乞省坐連疏得歸杜門謝謁卒于家諭祭葬之生平儻儻有大節不事脂韋亦不冠核人以此多之所著有廷尉駁稿玉簡堂集

陳瑞龍

陳瑞龍字體乾潮陽人生有貴徵甚類爲文立就少來于鄉嘉靖庚戌進士授南京戶部主事轉員外郎督修孝陵瑞龍董其役節繁汰冗親執朴行築甫九月而功竣叙功未報命尋出守興化奉母行初抵郡延見三老問民疾苦剖決持平民有闕墻者復開墾令自省悔獨橫暴回過者推鞠一無所貸時倭寇聞急日夜乘城設備以捍百姓會母病卒哀毀治喪將歸後偵知之倖薄城下又客兵乘衆通賊孤城

爲危城中父老無不涕泣乞留首而當道督撫諸臣亦移書強起之端龍乃感激墨衰臨戎募山中射虎者臨水兵授以方略夜揭賊營果奪俱發賊大潰棄營遁至寧海橋水兵夾擊之斬首六百餘級生擒一百三十人奪回男婦又數百人是時方在戎中以籌兵過勞致發背今百姓哀之旅禦經還後兩月城遂陷論者謂失一十城大之不惠甯也

鄭旻

鄭旻字世卿揭陽人博聞強記登嘉靖丙辰進士初授兵部主事歷武選郎中出守大名歸德謁述華弊

卓有治聲督學貴州山西所察士百不失一尋擢湖廣參政是時江陵柄政仕其鄉者疲於奔命旻獨正

身率屬不激不隨自務釐舉庭無滯牘一時以爲難

復遷四川憲使晉貴州左布政察厝田正詭籍豪酋

溟然木椿月卒于官百姓哀之旻生平慷慨有大志

與物無競家居惟耽泉石侶琴鶴吟咏自娛而已所

著有哀拙稿泰山談言祀貴州名宦

唐伯元

唐伯元字仁卿澄海人生而凝重天資穎異學問淹貫登萬曆甲戌進士初授萬年令爲民築堤緩賦積

貯賑饑尋改泰和俱有惠政滿秩晉南京戶部主事去兩邑民並祀之後爲郎進石經大學上留覽焉以言官擢其詆斥新學謫判海州亡何轉保定推官尋擢禮部主事且疏請端大本間引世宗遺詔語極忠劄上爲感動辛卯與湖廣試得士備一時之選尋晉尚寶丞宅艱服闋補官轉吏部員外歷文選郎中時上方督過銓衡懼罪兢兢伯元一意剔弊銓曹清肅會太僕少卿闕太宰薦入未下兩疏乞休歸踰年卒年五十八伯元學本誠意其爲文根極理要所著有辭經樓集禮編易註太乙堂采芳亭稿白

本朝分省人物考卷百十二

沙文編二程類語

薛宗鑑

薛宗鑑字子脩湖州府揭陽人嘉靖癸未進士兩令將樂建陽以治行第一擢拜給事中疏論篆宰汪鏞內懷欺罔外飾忠愛惡貫四凶行兼正卯鉞被斥遂宗鑑下詔獄賜杖八十不勝痛楚凡五日而死

瓊州府

葉頌

葉頌字夢吉號確齋瓊州府臨高人永樂鄉薦授潯
州府同知加意撫民每取古良牧之政宜於今者次
第行之頑家壞接廣右峒徭竊發爲鄉人害心每懷
不平治官潯州正羣徭出沒之衝抵郡既條合行事
宜建白於督府復與父老有智略者圖禦寇之方增
括民丁壯編爲什伍置長分領之躬鞍馬服弓矢日
號令訓練諭以保衛鄉井之意咸踴躍思奮嗣酋韋
羅積年劇賊也官軍聞之披靡莫敢誰何頌設伏生
擒之其黨狃于常勝益驕耻互相援結必甘心焉後
已未幾掠旗山復敗之越數日盡合羣黨攻劫難刺
等村報至郡守方與都指揮黃鉞會飲學宮恬不介
念頑拂衣上馬督民兵合戰于柳青鋪孤軍無援竟
以大潰賊憤怒擯矢刃向之頌身被數創棄矢如蜩
尚手刃三人與其子公榮從于官慶民兵三百人皆
走焉嶺南素無雪是日雷雨大作平地雪深尺許賊
素圖去忌者反以激變誣之郡民相率走千里懇於
督府事甫白具聞于 朝 詔贈廣西右叅議直指
復命虎尊祠祀之

唐舟附子亮

唐舟字汝濟瓊州瓊山人學優才瞻中華陰問鄉試
永樂癸未復試中第二名甲申舉進士授新延知縣
始至簡易御下若詩常然久之名愈著上下大服有
問其故曰古人所謂新任如處暗室輕動必有觸損
久坐自明未幾應求賢詔起赴京陞江西僉事整肅
紀度郡邑承望風采舊南昌守懼先隙閭門不能仰
視舟待之加禮衆服其量後以微累降判衡郡即折
憲節盡安輯撫綏之道以非辜從戎隆慶衡人思之
不已 仁廟登極大臣首薦爲監察御史即抗辯內
不朝外省人物考 卷百一十二
侍轄黃本固等數事風節愈勁出按浙江所至多政
譽爲人陶次坦夷光明無纖芥吟域待已接人任真
自信敍歷中外餘三十年所至有水聲聲嘗題門帖
曰雪霜半沐中年髮大地應知暮夜心見者歎服及
歸杜門不出家無擔石之儲處之晏如鄉議高之年
八十二無疾而終子亮字景明幼隨父任南州游常
山學中永樂丁酉科浙江鄉試戊戌登進士除直隸
涇州司官改詹事府主簿旋改王府長史司奉祠永
樂二十二年九月 仁宗以舊恩賜鈔幣權寧國府
同知恩詩曰內侍傳宣出建章 永寧宮奏爲恩光親

勞御手分文錦又勅中官賜玉杯五品大夫各不遜
萬年 天子壽無疆小臣戀國心在時望雲捧
玉皇後屏官至湖廣布政

耶宥

耶宥字克寬文昌人正統辛酉以監記領鄉薦戊辰
登進士明年拜御史澈四川道景泰庚午常然氏有
誣臣太監王振家財者詞連二十餘人有奉命與錦
衣千戶于信往鞠之至則辨其誣信恐得禍宥曰豈
可違禍而文致人罪耶竟辨之辛未巡按福建鎮守
薛尚書希純與御史士達相訐奏事下有有一以

實獲不少避或疑鄧茂七餘黨生亂欲以鎮東軍易
延平軍宥曰人情重遷山海異習徒之適恐致亂卒
不獲民有坐盜死罪臨刑冤號不已宥曰盍姑緩之
貽月果得真盜榮永安四城奏留班匠助役城成民
不告勞甲戌巡遼東瀋陽軍官盜官儲者三十餘人
宥以瀋陽三面拒敵奏止黜爲首者二人餘皆罰贖
守城未幾賊至賴以無虞副將焦有功主將曹義
飲月之部御史寇深黨焉宥執不可送戍隙丙子乞
歸省天順戊寅還朝巡河南華省驛遞復民地取之
藩府緣罪囚可矜疑者民皆稱快庚辰績滿擢知台

州府府吏舊皆做屋以居而新募者輒入公費金有
卽府治東開地免新募金今自治屋三間甫三年吏
盡有舍奉以巡按時事就逮父老有懷金窮餒者宥
曰吾無用此謝絕之左遷晉江縣丞成化初起爲
常州府蘇州賦甲天下攬納者滋爲弊賦因以虧宥
官紀治責賞且得餘錢數千緡因以闢永豐倉築沙
湖長堤雙運道橋梁爲永久利民俗喜奉率以儉約
諸遊宴亭館老佛殿閣一莫之顧成化丙戌大水民
飢開倉廩并募勸得米八十餘斛賑之民猶不給相
聚持券入富家強取卽日榜諭許民持書券赴府府

召鄉老引領往貸其不發與強取者俱抵罪又得米
八百萬斛猶不給會計軍餉足一年尚餘二十萬斛
亦舉貸之同官以專擅爲慮宥曰民命在須吏待報
則無及矣吾當任其咎民相全活殆四十萬口事聞
上賜勅褒獎陞浙江右叅政仍視府事是年秋遂擢
僉都御史詢吏治察民隱獎廉能盡食禁開丹徒二
河築奔牛閘革儀真淮安兌運米重懲諸腳費清湖
坡田賦減門攤商稅規畫賑濟敘率有法理兩浙鹽
罪僞造引私販米魁數十人官給煎鹽具俾濱海民
養主之山居者出米給島民兩利之鹽賦無虧已丑

黜罷官百七十餘人帖帖不敢有怨語庚寅秋議事至京乞致仕章再上乃許焉既歸別號有丘道人作涓丘草亭記以自見間語及祭禱曰謂皇無良醫市無善藥不忍坐視勤於祭禱以紓愛敬則可若謂鬼神能生死人則萬無此理卒年六十有六

薛遠

薛遠字繼遠瓊州瓊山人正統七年進士授戶部主事陞郎中嚴實直隸通稅得羨餘若干萬督大同軍儲邊食爲足天順六年使交南還陞本部右侍郎丁憂適河決河南召以工部侍郎起復往治河口遂塞復改戶部成化六年王師有事于兩廣遠奉命總督糧餉以功陞左侍郎既而進尚書總督京儲十三年乞致仕許之十五年召爲南京兵部尚書參贊機務十六年以被論劾致仕弘治五年以詔例進階榮祿大夫未幾卒年八十二計聞賜祭葬如例遠通變動敏朝章舊典多所練習在戶部久爲主事郎中時凡移文奏札多出其手上下率稱之至爲尚書既致仕而復起人不能無議云

丘濬

丘濬字仲深瓊州瓊山縣人少孤力學天資過人六

歲能詩弱冠着論謂許文正公仕元無能改於其後又不得行已之道不仕可也者儒碩師見其論初甚駭之已而又深服以爲先儒未有言及此者正統甲子鄉試第一兩試禮部名在乙榜當授教職辭卒業太學祭酒蕭鐵深器重之爲之延譽錄是名益重景泰甲戌中式禮部選庶吉士讀書秘閣七年授翰林院編修自六經諸史九流箋疏之書古今詞人之詩文下至醫卜老釋之說靡不深究發之文章雄渾麗麗四方求者沓至碑銘誌序記傳詞賦之作流布遠邇然非其人難以厚幣請之不與天順七年兩廣川

本朝分省人物卷百十一

三九

廣東三

兵經年不決濬除列事宜李文達一見卽代上之英宗嘉嘆付所司舉行八年憲宗登極充經筵講官成化元年陞侍講與修英廟實錄或謂少保于謙之死當著其不軌之迹濬曰已已之變微于公天下不知何如武臣挾私怨誣其不軌是豈可信哉衆以爲然功過皆從實書之三年實錄成進侍講學士五年丁母憂九年服闋復原職十三年續修宋元綱目成陞翰林院學士濬自由已見撰史略謂朱子綱目以正統爲主然泰階之末有不可遽奪漢唐之初有不可遽予者乃作世史正綱以著世變之升降明

正統之偏全有裨世教本年陞祭酒十六年加禮部
左侍郎仍掌國子監事後謂西山真氏大學行義有
資治道而於治國平天下之事缺焉乃采經傳子史
有及於治國平天下者附以已見作大學衍義補直
孝宗嗣位之初其書適成乃表上之上覽之甚喜
賜白金紵絲特陞禮部尚書掌詹事府事且命錄其
副付書坊刊行修憲廟實錄充副總裁官弘治四
年實錄成加太子太保本年冬兼文淵閣大學士入
內閣在位務以寬大啓上心忠厚變士習凡人才
進退政事廢舉一惟祖宗舊典是循五年天變上

本朝分節八物以宋言二

疏萬餘言大祭論上改元之初歲在戊申與洪武
初元同符宜登革庶政盡復舊規內擬二十二事陳
時政之弊其略曰成化間彗星三見過掃三垣地震
無慮五六百次遇者彗見天津地震天鳴無虛日且
異鳥三鳴於禁中考諸經史天變莫大於彗幸在三
垣三台尤爲重地變莫大於震動在京師邊防尤爲
危急矧禽鳥動物得氣之先春秋二百四十二年書
彗幸者三地震者五飛禽者二今乃屢見於二十五
六年之間變不虛生必有其應天人相與甚可畏也
臣願體上天仁愛念祖宗基業靖身以立本清心

歲三

以應務謹好尚勿流於異端節財費勿至於耗國
任月勿失於偏聽禁私謁以肅內政明義理以紀邪
好懷儉德以懷永圖勤政務以弘至治庶可以回天
災消物異帝王之治可幾也疏凡十餘萬言上命
諸司議行又請訪求遺書上皆嘉納洪武永樂以
來凡百司朝覲命吏部都察院考其尤不職者乃黜
之不過數十人其後吏部務以多黜爲公方岳以下
少有微瑕輒黜之黜者亦不敢訴濬深知其弊言於
上曰唐虞三載考績三考黜陟今有居官未半載而
黜者所黜徒信人言未必皆實此非唐虞之法亦非

本朝分節八物以宋言二

歲三

祖宗舊制也上深然之會吏部上大小庶官當黜
者幾二千人乃勅凡歷官未三載者俱復其任雖經
一考非有貪暴實跡者亦勿黜蓋用其言也七年加
少保兼太子太保改戶部尚書武英殿大學士以目
疾辭不允八年卒于官贈太傅特進光祿大夫左柱
國謚文莊官其孫尚寶司司丞潯性剛直與大臣論
政議所未安必反覆辯論言官論事亦以是非詰之
不肯姦阿取悅無歲不求歸前後凡十三疏上皆
不允間勞賜資之使踵相接於門初經生文士以詩
怪相高或不可句濬考南京鄉試及禮部會試凡整

駭險語皆痛斥之。怨誦不恤也。及爲祭潭尤諄諄。學者言之文體乃復渾厚。士有慕道德者。或過爲詭異之行。以微名濟。因考會試。發策言之士。乃知道以中庸爲至。詭異不足貴也。其在太學論者。謂師道尊嚴。無愧李文忠公綜理微密。則文忠公不及嘗謂朱子家禮最得崇本敦實之意。然儀節略爲考諸儒所言。作家禮儀節。使好禮者可舉而行。朱子微言散見於傳註語錄學者。卒未易求。乃采其精切者彙爲二十篇。倣魯語作朱子學的其他著述。甚富世稱博學爲我朝之冠云。

王佐

王佐字汝學。瓊州臨高人。少受業於丘濬。弱冠正統。才卯以禮經魁鄉薦。遊太學。爲祭酒吳節司業。閩禹錫所稱許。監試每擢爲首。延譽于內閣。李賢冀其大用。後試南省。五策條荅無遺。本房欲寘魁選。爲忌者所黜。成化初授高州府同知。時都御史韓雍用兵兩廣。佐獻策平戎。用之動中肯綮。雍奇其才。甲午改御武以文章飾政事。持身廉而不微。事上恭而不阿。屬泰寧盜發。時食事章懋適分巡至郡。檄佐行。縣召集里老密切訪問賊中動靜。若其可招則還其里老之

有識幹者往諭之。除首惡不宥其餘。脅從者悉聽自新。若不可招則亦令其各陳勦捕方略。以報佐。至縣周詢衆論。皆以爲賊勢方張。若遽攻之。則其黨必固結。以拒戰。而其勢遂成不若乘其衆心未固。誘其來降者。以殺其勢。則可不攻而自潰矣。佐遂遣人招諭降其脅從者數十人。賊果散去。同寮聞之。有欲邀功希賞者。言於部使者。謂懋儒者不知兵。恐不能濟事。願自行勦之。部使者信其言。遂調將樂所官軍。俾率以行至。則賊已平矣。乃械繫佐所招降者。凱還獻功。悉戮之。懋恥與爭。而佐亦絕口不言。惟與人頌其靖亂安民之績。然終亦無由白於上也。滿九載去。改同知臨江府。致仕。臨江與人又頌其公平正大。博學工吟詠。以賢能著。稱云佐所至廉操遺愛。始終如一日。惟質直任職。不能隨時俯仰。故低徊二郡二十餘年。一官不徙。泉皆惜之。平生雅淡。惟書史自少至老。手未釋卷。雖耗贖。猶使家人讀而聽之。提學新喻胡榮稱其博學多識。精思力踐。見道精審。故其詩辭和平。溫厚。文氣光明。正大。當比唐宋諸大家。識者以爲確論。所著有難肋集。經籍日略。原牧約。庚申錄。瓊臺外紀。其經進御則有珠崖錄。世稱其文行年八十五。

卒

唐 胄

唐胄字平侯瓊山縣人弘治戊午舉於鄉壬戌成進士授戶部主事丁母艱服闋值逆瑾擅權謝病不出瑾誅起復以母老乞終養益肆力於學蓋家食者幾二十年 肅皇帝入嗣大統始起召爲戶部主事時蘇杭織造運道中貴人往大爲民害上疏諫止詞甚剴切已又疏請出內象又疏爲宋死節諸臣請謚立祠其所論列皆有問政體時論題之於木春分考會試所得多名士陞本司員外郎尋擢廣西提學食事以一身範士督師生習冠射諸禮卽僻邑遐陬巡歷皆遍丙戌陞雲南副使備兵金騰飭號令治軍旅境內肅然土酋莽信橫虐莫敢誰何遣壯士計禽之逮其黨八人俱論死保山令趙九臯與其子明引逆賊劉七餘孽承檄漁民苦郡吏弗能制胄械繫之九臯坐盜邊錢糧例斬其首以殉明帝命宣慰永邦孟養爭地構兵連歲鎮巡議興四省師往討之胄曰母煩師是可平戰而下乃覈木邦先世與地所由論以固恩永邦感激獻地兵遂寢丁亥改本司提學副使其所選士一如西學時會有尋甸之變總制提兵來

大封

八月

庚子

二月

日

日

日

日

日

日

日

日

日

日

日

日

日

日

日

日

日

日

日

日

日

日

者柄臣私人也竊以古人子不聽時三司其成諫迎參者跪胄獨不從疏乞致仕不允陞雲南參政已表賀如京諸郡邑例餽夫廩皆卻不受既至見京實一無所遺上疏請崇聖德 上嘉納焉陞本司右布政使壬午入覲陞廣西左其年至廣西時桂林盜發喜掘富家塚王府諸巨姓惴惴旦夕胄計獲渠魁七人誅之古田鳳凰寨羣賊尤大肆掠時調上漢兵征之無功乃屬其令劉朝輔曰往諭吾意天兵不可再干如急來吾能生之朝輔如命往賊曰是布政果前提學耶卽解甲與朝輔偕至受質而還輯其衆境內大安蓋胄往提學時嘗諭諸猶送子入學受書遺風猶有存者先是各鎮守將月領銀賞獨名鹽魚銀軍器局月支糧給軍名軍匠口糧胄按掌故謂洞首能戢諸酋無掠乃賞今各處警報何賞爲抵官吏冒耳軍器局造以年今年造未已而支糧至十二年何也悉禁絕之靖江王府宗人受封輒請補祿自登名玉牒日始胄曰祿與爵偕應始自拜封從前誤也且以靖江一府月補祿米八千石今天下諸藩費當何如者遂疏其弊於朝宗室羣齟齬之屹不爲動得旨俞允通行各藩皆爲令胄在西學功績尤偉他如

本朝

庚子

二月

日

日

日

日

日

日

日

日

日

日

疏請不隨王府慶賀不行王府叩頭朝禮及賔客兵不敢爲暴人間之皆吐舌癸巳陞右副都御史提督南潁汀漳曹以開府四省重鎮而潁城早小何以示威乃增築樓櫓雄堞擬諸都會按兩廣軍興條例著賞格置湖西道檄守巡分駐臨江吉安令緩急可倚官軍遠邇帖然僅半載改山東巡撫再乞致仕不允時值旱焚香祝天行藩司分禱嶽瀆諸神連日大雨郡邑多蝗撰祭文命長吏傲周禮春秋禳祭是歲無蝗有蝗飛自邳淮來過沂州不下歲則大熟是時方尋黃河故道以疏三郡水災屢通省荒田給民牛種

卷一百一十二

四二六

三

遷之爲世世永利未就而陞南京戶部右侍郎丙申春改戶部右侍郎迨秋轉左會安南弗靖廷議興師往聞罪責曰交南道路險絕出師必無成功且得其地不可郡縣永樂中事是也因疏力言其不可者七事武臣郭勛怙寵請其祖配享功臣廟復疏請止上皆虛已可其奏後以議獻皇帝禮懣旨詔獄廷杖歸踰年而卒隆慶初奉詔卹錄晉右都御史賜祭葬如例

陳實

陳實字秀卿世爲瓊州瓊山人舉弘治壬戌進士始

逆朝籍卽以疾謁告歸卒遭父監察公喪服闋未起逆瑾矯詔例勒除名瑾敗起爲南京江西道御史時內臣趙蘭以內旨採珠於合浦驛民騷實劾罷之尋以母喪去服闋復除廣西道辛巳出按應天諸郡舉刺無所遺蕪湖有沙灘民業葦割中貴有爭其地者奪而有之實奏還於民嘉靖改元擢知常州至則嚴恭見之儀謹文移之式而於前政不擅更張誠待羣吏裕處諸邑政有禮存刑有教寓規爲遠大而不屑近小芥月間上孚下悅稱循良者同然一詞歲值大祲民率走死無弔巡撫請發內帑銀分賑不足實

六月八日分發

六月二十二

月二

三

憂之甚檢庫中羨餘得無名錢萬緡將盡發以益之主者曰此故以供郡吏燕饋諸雜需者也奈何發之日庫皆公錢賑饑與燕饋孰輕重緩急卽日令糴穀貯之倉或勒分富室實謝不聽曰人各爲家勸猶斂也如吾心何是冬有年大慰悅浙東海道倭人入貢與民交貨羣鬪殺人都指揮以下驅逐而被害者一人傷者若干人事聞於朝朝議宰者不豫欲置重法上遣都給事會巡按御史臨嚴之實與其事實言倭來以貢不以寇事出不虞安能豫知雖然官以備名亦不能無罪焉若加重法則過矣至於士卒於主將

死不赴救自有常法亦不可加重如實議以聞上
從之既歸常病士習之浮靡欲以正學倡之謂宋龜
山楊先生嘗與鄉道知數君子講明程學於常留寓
甚久親炙私淑故有淵源乃建書院於城之西隅以
祀龜山配以道鄉而下十人榜曰道南取程伯子送
龜山語也其他積弊數事次第搜革或談及修船累
人輒爲興歎方圖處之而不可作矣卒之年距其始
生才五十一甲子而已

鍾芳

鍾芳字仲實先崖州人改籍瓊山弘治辛酉領鄉薦
第二正德戊辰進士選翰林庶吉士授編修以忤時
左遷寧國推官陞漳州同知精於吏治政績大著歷
官南京戶部員外郎署吏部稽勳司郎中轉考功陞
浙江提學副使校文必上名檢挑捷諸湯者文雖工
必懲浙士斐然向風陞廣西右叅政去貴縣虎患論
降洛容賊討田州叛酋岑猛定平樂藤峽屢有軍功
捷聞兩賜金幣陞江西右布政使凡藩祿軍需之難
處者區畫悉得大體陞南京太常寺卿疏言祭告禮
稱上意陞南京兵部右侍郎改戶部右侍郎奉
勅總督太倉經略邊儲漕政大舉甲午七月南京

太廟災自陳修省以回天變言甚剴切且乞休上重
違其請准致仕居家十餘年未嘗一至城市惟以書
吏自娛名其居曰對齋取對越上帝之義有子以私
者謝曰吾守志猶葵婦豈以晚而改節耶甲辰卒於
家訃聞贈右都御史賜葬祭

海瑞

海瑞字汝賢瓊州瓊山人以鄉舉爲南平學教諭初
至調上官止長揖曰吾師席也可屈膝乎因着論云
孟子言爲貧而仕者非也抱關擊柝委吏乘田無在
非道而尤莫如教職蓋人材所由造世運所由理其
職亦何尊且難乃稱爲食餼自世沿此說不察故居
此官者多妮妮不舉其職士習蠱而吏治媮所從來
矣持論若此尋進淳安令淳嚴邑也地瘠而民膏所
產茶竹杉枊外無他物且重巖複嶂民易逃匿山下
田畝悉歸右姓窮民卒歲不粒食又當新安下流諸
官舫日五六至夫役迎送費不可支慨然思拯之初
入署例有燕第以祀神牲草草治具乃召丞尉若學
官弟子若耆老以次列備陳所爲奉法字下意甚悉
竟日散去淳安人固沾沾知令志有在久無何度田
定稅不使窮富得上下其手官署中有

樹禾麥藝蔬芥旦夕取自贍自江水外無關淳安者
胡公宗憲總制浙直權甚重家僅過淳安曾無加饋
制府竟無議

齊某曰

昨聞海令爲母壽市肉

二斤矣蓋異之也豐城鄢懋卿由中臺出理鹽政勢
張甚所至縣令如上供以得無叱辱爲幸維楊三臺
使陳宴之費至千餘金鄢將往徵齊雲牒所過郡縣
供辦令甚峻及淳安乃爲書上鄢其言邑小不足奉
迎至且見罪願取他道往且言沐浴不可爲與小民
不當虐者甚具鄢得書色變久之遂罷齊雲行曰令
言是也蒲泉郡守聞之股慄曰今何懲幾累我輩矣
時已晉嘉興別駕鄢私人御史袁迎鄢意以他事摘
之從舊職論調興國興國地故單薄歲賦不入民苦
浮糧爲患因述八事上之中丞而獨亟清丈以甦貧
民而均其賦已陞戶部主事時肅皇帝尚玄修朝
政多曠懷慨言天下大計調興土木爲傷民數惟廣
事例爲蓄爵以師陶仲文爲非體以仙桃藥丸爲怪
妄其者以不見二王不還大內誹謗猜疑慘辱臣下
爲薄于父子夫婦君臣其言皆敵以下所不能堪者
上震怒投其章于地已徐閣之意若爲動者留踰月
不下而會上意有所不可遂下瑞詔獄中外縉紳

卷一百一十二

五

讀東三

相顧失色而直聲亦遂聞天下亡何

肅皇帝崩

莊皇帝奉遺詔出之獄還其官尋改兵部主事已晉
承尚寶丞大理南京通政入爲左通政遂以僉都御
史撫應天時威名籍甚中外墨吏往往望風解印去
權豪怙勢之家宰相戒毋敢犯一顯者賴其門以居
聞瑞至卽易頰而黥中人監造者以八人肩輿行見
瑞亦減其半云吳故有松江滙震澤人海瀕江田藉
其灌漑已爲潮蓄淤于陸瑞斥羨募工乘輕舟躬督
畚鍤開濬之不旬月而成又吳俗貧富相傾弱者率
獻田于其豪以爲奸利輸不必入獨郭翼窮民而權
本朝分省人物考卷一百一十二 五

讀東三

之通解官歸里居十餘年九卿若臺省前後薦者無
意十餘載起南僉都御史旋以爲南更部侍郎比至
首原治安要機謂今日貪墨姦決不可縱而歸本君
身多責難語疏奏上深鑒其忠屢欲召用而病地
有於沮者乃以爲都御史掌南院淡歲三遷皆出
特簡海內端人舉于出處以爲特達之知而小人之
不便者顧曰爲上聞之甚力章亦驟不下因屢疏
乞歸竟以丁亥卒于自卒之日貧無可給棺槨士大
夫贈金以煑士以餉哭至罷市者數日祭于塗累數
百里不絕計開贈太十少保謚忠介

鄭廷鵠

鄭廷鵠字元侍瓊州衛人嘉靖戊戌進士授工部都
水司主事大司空奇其才居三年閹豎灰目不敢干
以私以父艱去起復禮部儀制司主事尋給事吏科
轉工科以京師地震條陳黃花鎮古北口等處俱京
師後門屬者設石匣營悉城孤力薄請遣司馬侍郎
督之築關城增水壘夏滂庶不爲藪莽高唐無所聚
貴州地連三藩勢不統一總督巡撫不置置置一控
三重其權干法便京師草場併御馬等領之者率歲
遷因以滋弊願三年爲限蘇松等郡以才賦雄天下

乞專設叅藩董而責成之四者皆國大計也庚戌當
大計吏疏皆手出以公正稱又論三途取士疏無慮
數十上陞江西督學副使轉叅政以母老乞終養后
石湖爲娛撫按官交薦之廷鵠性介謝官屏居闕於
問遺意不起著述數十種凡百餘卷

王懋德

王懋德瓊之文昌人也舉隆慶戊辰進士由南京比
部郎出爲金華守前後無善去者而獨以廉察擢江
西副使已晉福建右叅政瓊官在海外而父封公良
弼與母偕年八十餘爲吏廿六年於外矣無子多貧
燔藥構建南篆歸而得消渴疾先是延平人有病此
者以溺甘爲死候試之甘度不可起乃請歸同官者
謂疾不可涉遠固留之曰懋德之逮定省十有六年
願徵福諸君萬一生見父母死且瞑不然而死道路
吾志猶南首也於是俸友爭致臚固推不受曰吾瓊
故魚米鄉家粗自足吾以十六年所餘月俸佐仲產
爲二親養安所事諸君且吾不留而亟行懼以歸
親爲閩人果也聞者莫不感泣至延平不能前竟卒
卒之日神爽不亂爲書謝僚友誓不受裝費按使者
以爲不可遂循故事括六百金遣使傳護之渡海至

環授金封公亦不受曰吾子業有成言吾即老奈何
沒六白金以傷吾子之義吏固請而封公固益御竟
今持歸僅收其真金曰爲我謝諸大夫老且死海外
無能報也其父子之能以廉介相成如此

丘敦

丘敦瓊山人性簡默初就塾師疑其不慧及濬遭喪
留敦于家敦乃盡讀所儲書足不妄至公府對客如
土木偶不輕出一語有司聞高雷問故河以便往瓊
敦寄濬書謂疏治失宜恐先貽害元人治河因之召
亂往事可鑒得書始知其不凡屢趣還京以陰爲
太學生試不第遂屏去舉業研究經史百家其學以
精思自悟爲主終日凝然無言繼以通夕不寐有所
得輒發爲文多不起草落筆如飛時見倭倖李廣輩
將復成化故事又作發冢論攻宦者蓋取莊子詩書
發冢之義設爲甲乙辨示其友蔣晃思得不置漸以
嬰疾弘治三年卒于京邸年三十一敦雅尚儉素生
長相門自奉如寒士海外俗侈巨室子弟多乘輿馬
敦獨從行遇者望而知其爲敦也性剛介少容辭受
最謹環守遺詔者餽五百金使爲解紛敦斥去之嘗
夜宿會河夢有石牀囑於水書露而賦其一方明

過之儼然夢中見者亟掩以土卒時蔣晃哭之慟序
其書行于世季弟京廕中書舍人性仁愛重義樂施
大征後白骨遍野盡收瘞之會大疫救以良劑活者
甚衆有祖風焉平居罕至城邑當路重之敦孫郊亦
以廕授尚寶司丞與弟祁友愛尤篤腴業悉讓祁祁
不受則曰我有官矣宗黨多其義

曾鵬

曾鵬字元翰瓊山人父英以鄉薦宰茂名清苦愛民
民以父呼之鵬登嘉靖癸未進士知龍溪兵荒相仍
乃緩征斂捐俸修學業八都諸堤有惠政民立石頌
焉祀名宦權刑部主事歷福建副使辯冤獄如神改
貴州備兵都勻旬月平土酋蒙鉞之亂招降凱口賊
阿向通鵬言參政未行分守某欲自以爲功乃率衆
襲賊全軍覆沒無臣恐急檄鵬終其事至則單車入
賊壘賊駭曰聞公已遷今猶在耶鵬爲言禍福遂解
兵聽約束未幾以足疾乞休疏三上不許乙未入覲
時武定侯郭勛當國外官多饋遺者鵬曰吾平生不
能阿諛今老矣奈何白首改節會有啗之者遂歸海
志今稱鵬爲先輩師法最彰者云

林士元

林士元字舜卿登正德甲戌進士授行人奉使冊封唐府餽金六十鎰卻不受王深器之乙酉擢南京戶科給事中劾光祿少卿史俊怙勢殺人都御史汪鉉考察不公並劾罷內外不職者數十人仕路爲之一清條陳時務先後數十疏皆極剴切壬辰擢湖廣副使備兵衛承江華流民與土戶爭田構兵連年禍延諸郡士元卑騎入諭以利害遂息吏部郎中鄧尚義弟挾制守令侵牟里黨按以法轉廣西叅政分守峇梧戊戌征大藤峽士元督餉紀功有貴勢子弟希報功次絕不假借請去擢浙江按察使未赴以憂歸遂

本月十八日

五十六

廣東三

不起祀桂林名宦晚年家居時或戴笠躬耕鄉人賢之所著有學庸二論及孟子衍義讀經錄讀經附錄孔子世家顏子列傳討論北泉論草及文集十卷

吳會期

吳會期字行可瓊山人篤行古道鄉薦時俞憲汪鉉以所罰黎民悅七十金爲愧會期受而還之民悅登嘉靖癸未進士授南京戶部主事轉工部郎中管九廟稱旨嗣修七陵內侍高忠翼營私交會期不與既告成省費十之五上嘉悅進正四品俸服時嚴嵩當國欲會期附已私語會期同官熊某曰此郎

記京堂若固有足不一至吾門何止也會朝問之作廷議所益嫌之言者承望意旨論萬千外遂拂袖歸肅皇帝憂爲衰服宿崇文院三日隨伺司行禮歸倚廬于中門外者二十七日共忠愛若此片家廟置義田日與親族相規勸海忠介瑞稱其貌古心實直指陳道基表旌其門

黃顯

黃顯字仁叔瓊山人嘉靖辛丑以進士授刑部主事於獄多所平反抵中貴呂洪賦罪雪總兵沈希儀誣誤皆不爲當軸屈出守撫州罷築千金陂以蘇民困

本月十八日

五十二

五十一

廣東三

完通數萬而刻核不及于下郡民感德立祠祀焉以憂歸備池州池故饒山澤利顯益謹身陟下不少私狠兵自湖趨浙所過殘暴顯以術屈其酋而厚犒之迄不爲害尋擢湖廣副使時嚴嵩方用事遂乞休歸子弘宇弘憲俱知名

黃弘宇

黃弘宇字震祥少受學於霍尚書嘉靖年十七舉順天鄉試慨然有志大業以世俗一切榮利爲恥嘉靖已未登進士授戶部主事督運昌密陳五難三便監兌南都復以水災備陳慎上益下用一緩二之義得請

民困獲甦出守武昌作政約諭僚屬一意廉靖楚藩
以爭餽黃金百兩不受景王歸葬使人以禮諭中官
復下令曰護軍敢譁吾境者執之既過卒無敢譁者
凡興利廢弊恤獄賑饑具有聲入覲首舉卓異賜宴
旌之尋擢四川副使浙江叅政以憂歸服闋 陛見
失儀致仕弟弘志舉于鄉爲南康令著古制以自檢
約建大議以正民風懇鉅告姦設匿稽弊稱能吏焉
禽巨寇葉措以功加五品俸服未幾以憂歸起補懷
集捕魚尚鹿馬諸寇有功撫按交薦未幾卒

肇慶府

梁敏

梁敏字以納高要縣人性孝友穎悟能文年十九舉
洪武壬子鄉試歷清遠教諭警昌紀平丞以文學薦
擢左春坊左贊善日隆春遇嘗彼命作午門觀燈詩
及賦胡陽鳴鳳圖換筆立就 成福備賞不已尋以
乞休忤 旨謫遼陽苑牧再陳再謫枝江訓導疏累
上始 賜允復其官致仕歸中年喪偶不再娶自奉
如寒儒以勤儉訓諸子多所著詠年九十有六卒有
雲萍集

梁軫

梁軫高要縣人少卓立有經世志永樂中鄉薦授福
建道監察御史肅清風紀務持大體改行在山西道
巡按直隸所至激烈有指揮抵法託鄉人蘇郁事饒
金稅一夜明珠五叱之出按湖廣清泉司匿賊賊劾
武臣不法事後爲忌者所中謫雲南典史謝事家居
布衣蔬食始終剛介蓋古之遺直者

陳鼎

陳鼎字重器新興人永樂乙未進士吏部尚書蹇義
知其學行薦擢山西道監察御史立朝正直不詭隨

於時俗宣德初出知建昌府時民多桀驁鼎至寘最者十餘于法始知畏懼復布教條施德意而郡內大治荆府內曹蕭詔擅作威福鼎以上聞寘之法於是官校之屬斂衽畏避四境晏然十年以政績陞都察院右僉都御史勵志剛決風紀益振左右都御史缺人與僉都王綱等正已率物各道敬服正統元年陞刑部左侍郎與尚書魏源相得留心刑獄務崇矜恤三年卒于官賜葬祭

梁致育

梁致育字遂初高要人通五經志行高潔以鄉薦歷建昌訓導六典文衡致仕家居嘗修郡志天順二年流賊掠連鄉致育年九十六日警被執賊令講書罵曰蠻奴若曉禮義必不爲此賊不忍害以竹與昇之行致育知不免語昇者曰至徑口深淵卽自投遂投淵死賊驚嘆而去有竹屏稿藏于家于茲應浙江鄉薦松子瑜瑜于鑪皆舉于鄉瑜知來賓遠安二縣有政聲鑪康靜剛方薦于人倫仕至鎮江府同知與時不協致仕歸行李蕭然家居屏跡不謁公府太守袁誠鄉射東序以賓禮賓之躬迎不往月旦評其家世清白云

劉芳附子疏

劉芳字永錫陽江人敏穎好學登成化戊戌進士授江西靖安知縣清介公勤時邑久賴敝芳至一新之建公署興學校修壇壝治績煥然民有余紹祖者寃繫狂獄得其狀卽釋之政暇與生徒講學使胥相勸勉士類與起居六載政平訟理召爲戶部主事士民立去思碑于學而鄉祖刻像事焉轉郎中出知南寧府以節用愛民爲本至忤上官不顧久淹于職乃引疾歸至今郡民猶思慕之子竑字伯度弘治乙丑進士授如皋令遷鄧部主事轉光祿寺丞壽達廉潔年未衰而乞休屢徵不起人稱勇退其應鄉書名次連取甲科其父云靖安南寧皆祀芳子名宦祠

盧宅仁

盧宅仁字伯居四會人登弘治己未進士授都水主事管濟寧閘河議修仲家淺諸閘咸底績時逆瑾擅權有所需同列曲徇宅仁獨不應幾陷于禍瑾敗獲免歷雲南副使以邊功受賞轉福建按察使能決冤獄丁內艱服除補廣西復以父喪去時已有雲南右轄之命矣終喪守令勸駕宅仁嘆曰人臣之義終事而退且仕以養親今二親俱違養矣出復何爲竟不

得請以仕居鄉恂恂鄰有犯者以理論之不佞則
門弗叔嘗修邑志寬嚴有體其著詠亦嘗時稱其
爲博雅君子

莫如士

莫如士字于元思平人以龍驤衛籍領順天鄉薦登
嘉靖丁未進士第歷官監察御史性端直敢言嘗奇
張岳翁萬達有用世才遂疏薦之後俱以功業顯時
咸寧侯仇鸞通虜將爲不利如士劾其不臣鸞甚銜
之欲中以危禍會鸞病卒獲免如士又偕臺官諸臣
追論鸞通虜之罪上震怒命發鸞梟暴屍梟首縛
示九邊是時直聲動海內遷大理丞理冤決滯人以
爲有干公風焉從兄如爵甲辰進士弟如善庚戌進
士皆監察御史而如善歷官按察使亦有時名

李津

李津字濟之四會人苦志勵行登弘治壬戌進士知
寧海州興廢補弊時劇賊劉七流劫本境津先備夜
巡卒四出張疑兵以懼之賊遂引去擢南京刑部員
外郎晉郎中歷守南寧卽陽興學採荒俱有成績遷
兩淮都轉運使時鹽筴叢委奸蠹根據津至撻剔釐
正一歲以法國課倍昔而羨餘悉歸於公乃爲權貴

所忌罷歸南海吳允禎繼其任亦以廉介稱每自誦
曰得無愧於吾鄉濟之否其爲人所敬服如此生平
淡薄片楮不抵公門年七十卒時稱其清介云

南雄府

陳德文

陳德文一名瑩中文字石南雄府保昌縣人洪武中華文學授台州府通判越二年左遷枝江令又遷籍雲監稅所至有稱以兵部尚書唐鐸薦拜北平道監察御史明年擢按察使三十年使西番散馬兒罕等歸開通西域居十有二年克舉使職不辱君命永樂五年回京凡所歷之國采訪風俗作爲詩歌歸日進呈成祖嘉之擢令部御史詔內閣修西域志多採其言八年二月隨駕征遼北十月述北平上念久勞王事進右都御史賜衣十襲名馬二匹及校尉四名還鄉省墓九年六月復詔回京十三年三月卒丁位進左都御史附諭賜葬祭

譚大初

譚大初字宗元始興人宋朝散大夫煥之後生而穎異十歲爲郡諸生督學魏校深奇之嘉靖丁酉應貢復領鄉書以貢資還公帑或以爲矯止之大初曰受此自心不慊豈矯乎連登進士出跨蹇驢人笑之弗顧也以憂歸修郡志公而核士林多之赴選授工部主事痛草情弊不遺餘力久之復以憂去起補戶部

選爲戶科給事中歷兵刑左右給事奉使冊封淮藩饒遺一無所受秩滿擢江西按察副使獨振風紀視權勢藐如也清戎多所開豁御史孫慎以失額爲疑大初曰失額罪小殃民罪大慎從之理驛傳嚴革冒濫撫院或借資庇其故人亦峻拒焉過者多避道而去民有枉抑必直之時嚴嵩專柄其親黨憂人產有司莫敢問大初廉得其實悉罷于法嵩滋不悅秩滿年僅五十具疏乞休疏甫至權廣西叅政不得已就職值桂林潑米阻騰湧請督府開倉發糴便宜賑恤存活十餘萬粵右賴之在事二年值妻子連喪悲哀疾作遂上疏乞解職不待報而行歸築拙蓮軒讀書其中時或鼓琴一曲陶然而樂無復仕進意嘉靖丙寅召用耆碩起家河南右叅政連權南京石通政應天府尹三奉詔書不敢復辭穆宗卽位疏乞以叅政致仕不許胥工部侍郎遷戶部左侍郎總督倉場貴戚權璫侵民田土必躬覈之所侵悉歸之民力薦食都御史海瑞可當大任累乞休不許轉南京戶部尚書道出淮陰復引疾乞休復以尚書致仕歸家因不滿百畝深居簡出人罕見其面卒年七十五有司以聞詔賜祭葬所著有次川存稿八卷族譜

五卷遺戒子孫勿請卹典勿求墓表論者謂其涅不能
能竟不能榮進以三讓退以一辭庶幾古人臣風
云子首以貢歷上石西州知州所在著惠政有廉介
學顏廕國子生

韶州府

黃家

黃裳字元吉其先家興國洪武中祖仲禮以事成曲
江裳讀書過目成誦登正統壬戌進士授監察御史
一時彈文多出其手法司會審疑獄頃頃折多得其
情都御史陳鑑雅重之嘗按兩浙鹽法及蘇常諸
都所至有實惠已巳虜犯邊扈從北征沒于土木明
年加恩死事者詔恤之家

鄧顯

鄧顯樂昌人正德間進士授廣信永豐令時閭寇犯
境顯伏兵大破之斬獲甚衆寇悉衆突至顯力戰被
害妻聞顯光縣少卿

廉州府

林榮

林榮合浦人成化戊戌進士任禮科給事中抗直敢言不避權貴時各省運糧入京中官多橫暴侵刻榮疏論之共莽始革從滿喇咖國請封以榮充正使泛每弱死詔贈禮科都給事中遣官諭祭廕其一子肥鄉貢

高州府

姚岳祥

姚岳祥字子定化州人登萬曆丁丑進士選翰林庶吉士時張居正柄政聞制不守鄒元標抗疏摘其罪下獄居正命吏守獄門凡來詢元標者書名以報卽親屬重足不至岳祥獨昂然直入吏書其名神色自若旣而嘆曰奸邪當國尚可行吾志耶遂養病歸

人物考卷之一百十三目錄

廣西全省

王顯中

于中

蘇木

曹學程

莫敬山

王溥

黃驥

王敏

馮俊

張濂

蔣昇

蔣晃

楊護

屠楷

陶魯

蔣淦

石邦柱

蕭淮

呂調陽

徐養正

張翀

沈希儀

李九簡

任良幹

唐儼

補遺

郭本

宋欽

劉天麒

包裕

舒應龍

曾曙

唐世堯

本朝分省人物考卷之一百十三

南直督學御史西浙過庭訓纂集

門人蘇松衛兵副使南郡熊膏恭閱

男過銘盤

過銘孟

過銘鑑

寧國府學生員嚴弘志全訂正

廣西全省

王顯中

王顯中桂平人洪武初遊太學有聲擢交趾諒江府

同知在任勤能著稱尋遷新平府知府卒于官吏民

思之

于中

于中字子正廣西全州人洪武初年除本州訓導十

五年擢廣東道御史以建言忤旨降歸化縣丞陞

臨安州判廉潔不滓治多異政廷臣交薦補郴州同

知南雄知府致仕歸

蘇木

蘇木字子和廣西陽朔縣人以進士知清豐縣治最

微拜四川道御史疏多懇直指及乘輿請濬州判

陸南兵曹出守紹興致仕

曾學程

曾學程字希聖廣西全州人以進士授知寧海扼腕民艱心力曲盡雖權勢之阻撓當道之推抑不肯纖毫假借者治行稱兩浙最召拜廣東道御史督理屯馬未幾以寢言劾上怒詔逮于獄旋辟典在獄者十年家恩得釋謫遠戍竟卒于戍所

莫敬山

莫敬山蒼梧人洪武中由明經舉任本縣儒學訓導秩滿推其才學卓異陞河南布政司參政有能譽未幾卒於官

王溥

王溥字士淵桂林人洪武間由進士歷官廣東右叅議時匠藝之家勢要占役弗克官生溥禁止之有奉部徵來徵斨木者立期逼取又木多不中式民苦之溥親臨督閹十取八九先是起運俱出海道風水漂沒民不勝困溥自臨廣甯過觀險易命有司鑿石填澗修葺橋道教民造車運之民賴焉先是慶賀俱設筵宴溥罷之時其起無糧無籍軍都可谷取其亟溥曰國以民爲本今一槩起取賦稅從何出耶遂奏聞

上之其弟來廣適遇承差何秀同舟知爲溥弟送以布衣弟至以實告溥曰一衣雖微不可不慎此汚行辱身之漸也卽命還之隨遣弟歸及獻績父老還道留不可得歷官數年皆無重衣庖無珍饌爲胥吏龐庸誣逮詔獄行李蕭然寮屬餽饘皆辭不受曰吾豈以忠難易其心哉比至得白歸卒年三十有六廣人惜之

黃驥

黃驥全州人洪武中領鄉薦爲沙縣教諭振育有方士皆向化累官禮科給事中三使西域上疏論外夷首馬及官軍下番之弊詞甚剴切上嘉納之著爲定令自是陝西之民少甦尋陞右通政奉命撫諭南交使還卒所著有黃門奏草數卷藏于家

王敏

王敏南寧人永樂中任湖廣道監察御史克振風紀尋遷交趾布政使司左叅議有政績交人愛之

馮俊

馮俊字士彥廣西宜山縣人天順四年進士授刑部主事歷員外郎郎中錄囚廣東多所平反陞福建按察司副使丁外艱改湖廣鹽筴沅清備橋等處兵備

偏橋屯戍數萬餉給陸運甚艱倭至設法禦石河以通漕舟造浮橋以濟徒法軍民稱便進廣東按察使尋陞江西左布政使擢右副都御史巡撫四川時總兵潘松者勢驕情倣秦黜之馬湖土官知府安整虐毒其民前此巡撫者皆莫敢治倭與巡按御史張鸞按察使平曲銳合議請之寘于法奏設流官以撫其民蜀人快之未幾卒于官賜祭葬倭賊急有才識臨事能斷于良輔亦進士歷廣東布政司參議

張 潔

張潔字仲湜廣西全州人成化戊戌進士改翰林院庶吉士授編修陞侍講選侍東宮主順天鄉試陞侍讀學士尋陞學士國子監祭酒正德丙寅駕幸太學賜坐講尚書尋陞禮部右侍郎轉南禮書改吏部時諸位久虛草疏率同僚請建太子罔有領忌韓兵部奉其軍務條陳八事又奏革守備廳審事官及管伍官所委任不容請託人皆服其明決乙亥乙歸凡疏十五上始得請特加太子少傅給驛還家卒賜祭葬如例潔性剛直與人多不合在戶部時清查連年逋賦不少寬貸人雖沮之直行已志斷斷如也

蔣 昇

蔣昇字誠之全州人成化丁未與弟冕同登進士弘治初知南海誠心蒞政有長者風而鋤奸雜惡不遺餘力吏畏民懷徵入爲監察御史累官南京戶部尚書敏歷中外三十餘年操履清白始終如一嘉靖元年致仕臨終戒子勿求恩澤士論多之後贈太子少保

蔣 冕

蔣冕字敬之全州人成化丁酉鄉試第一丁未舉進士選庶吉士授編修歷陞至禮部尚書兼文淵閣大學士加太子太傅禮部尚書兼武英殿大學士戊寅武宗北狩命內閣撰威武大將軍勅冕上疏言內閣之職其大者口代王言凡手勅旨意俱從撰擬今事出非常遠近驚疑惟陛下受天明命爲天地神人主內而中國外而四夷孰敢不尊稱天爲天稱日爲日孰敢擅稱稱未壽號爲將軍鼎鑊在前不敢奉詔已卯駕南巡至金陵大學士偕同冕扈從十二月駕旋次揚州以郊期在邇冕力請回鑾從之辛巳正月加少傅兼太子太傅戶部尚書謹身殿大學士時楊廷和柄國冕與協心奉迎世廟於藩邸入繼大統改元頒詔與天下更始多冕所裁定壬午湯金織

襲衣及玉帶勅加伯儋見其辭於未見上疏論災
及禮儀 聖諭令見撰勅差官織造冕以南直隸災
傷重大具題請止至是已久不進稿 上命司禮監
促之且謂冕作慢冕引罪得旨宥之尋乞休不允五
月再乞致仕 上責冕牽大禮災異爲由歸咎於
上有負重托遂准致仕還湘中杜門掃軌不通賓客
人稱其清謹得大體

楊 護

楊護象州人成化間任臨高知縣廉明寬仁深知民
隱恤民如子自前後官本嘗有也護承苛虐之後政
之制人今之制人
尚寬簡然能明燭下情事至先得其誠僞善惡必明
審無大害者諭歸使更籌思多感其言而中止者獄
無淹禁而吏無取瓦民以爲便事事稱是初若無甚
異政者行之數年民俗大安獄訟頓消後以謗累去
任百姓如慈慈母臚者縣門絡繹解不能去新任梁
尹嘆曰此無所爲而爲者可憫也吾當一留楊君以
慰吾民之心乃置一帙門下命臚者書名其上須臾
帙滿持以示楊勸納所臚焉已而行車就道邑之老
稚隨送三十里至舟次者殆千人護蒞事廉明簡
民大信服民詞非干大故但批詞尾付告者自行喚

所告無不應期而至故能信乎如此

屠 楷

屠楷廣西桂林人入仕三十年至兵部尚書孤立寡
交然亦無竹素嗜好居第僅避風雨而已閉門靜思
讀書其中卒年七十有二謚恭簡

陶 魯

陶魯字自強流節庵廣西之鬱林人父成以副使死
金華葉賊之亂官其子魯魯以父歷丞廣之新會縣
方弱冠廣右徭賊流劫盡雷廉高肇以東之境破城
殺吏戮掠二香山順德庶頑效尤劫殺無寧日魯召
父老於庭誓曰賊氣將吞吾城若父兄能率子弟從
我以死守城邑保家族乎皆曰諾乃築塞堡與民守
之中立以捍東西寇賊之衝築輔城以衛厥城浚外
溝以衛厥輔城布鐵蒺藜植刺竹以衛厥溝人守其
土分殊死戰別寨分兵相援一邑之勢如腹心相聯
終賊至下符犯白沙陳先生記曰往西寇之患陵高
寧以東被圍襲城勢如建瓴至此則截然而止如虹
霓之收急雨由是吾民丘壠以完室家以安雞犬以
寧倉廩以盈燕有歲時樂有賓客至於今各得其所
者皆陶公之賜也魯多爲疑兵東西多寡賊不知方

寬數賊遁則戒兵勿進賊強備則急取之其剛柔操縱在手故賊遇之卽登又無能遁者嘗夜飲俄起如廁潛身鎗門出城寮友索之不知其出征也故賊雖置之耳目於左右其行神速不及知也功成而人多忌之其薦而稱道之者韓公雍鄧公廷瓚劉公大夏九載當滿去父老乞留推知新會縣事陞廣州府同知仍掌縣事民益用康風俗不變總督兩廣韓公以功立總府於梧州統兩廣以制其喉舌蔣詹事曰百世之功也梧有帥府兩廣乃如兩臂以護胸腹而兩賊

本朝人分初云

六丁一三

人

續西

遂不東雷廉高肇民有寧宇又城吳川民喜曰衛我者生我勞我者惜我公大惠我我何敢忘又九年考最陞本司副使仍奉璽書專理戎務凡兩廣之地雷廉高肇潯梧荔蒲府江田州之賊剽掠毒虐於西東者討而撫之諸賊譬之於是劫其鬱林之盧焚其詰命毀其先塋害其族黨事聞於朝乃命徙籍於東廣暮憤不顧家益勵志討賊又九載考最陞湖廣按察使仍奉璽書理戎務於兩廣如前賜以金綺諾命陞湖廣布政使兼理東按察副使仍奉璽書撫治兩廣至布政使凡平後山平恩平陽江平新寧白

永平潯梧荔蒲府江田州諸凡斬首二萬一千四百有奇奪回被擄人暨撫散同化人十三萬七千有奇巡撫鄧公廷瓚疏其功於朝且曰魯年將衰而恩信入人且深若得魯父子相繼統領民兵其可請以世襲武階官其子荆民俾領兵隨魯殺賊以繫兵志以激成功上可之下兵部復官荆民錦衣左所百戶後以功陞千戶魯恒言除寇賊化之爲先殺之不得已也故平後山賊卽請置從化縣并學平陽江賊卽修陽江縣學平恩平賊卽請置恩平縣學他如電白新寧白水建學皆如之修厓山三忠祠以祀從征死

本朝人分初云

六丁一三

人

續西

戰諸民兵曰吾以化殘而勸之忠義也於是民父老爲思德之碑沒三十餘年國子生何相上言欲正祀典於忠勇祠縣官歲行禮魯平生所禮於其廬者白沙先生白沙先生亦曰陶節庵之治民也如治兵因應隨機初無定體其治兵也如文士作文奇生筆端無事蹈襲故能使人畏之而率以取勝此皆魯精神心術之與所運云以弘治戊申卒年六十有五

蔣淦

蔣淦字汝潔號雙橋全州人正德辛未進士授兵部主事丁外艱歸服除補原官尋轉員外郎中謝爲嚴

州府太守與利華好四境靜肅吏無私權民知向方
歲課諸生有不合者親爲改削丁亥遭母憂起復惠
州府知府政績卓異列祀名宦陞河南左參政督選
如京自公應外毫髮無私馬陞廣東按察使辨冤獄
懲貪暴粵人德之陞江西右布政使時 聖母梓宮
南稍以一身按應江州不動聲色民不擾而事集轉
浙江左布政擢順天府尹順天徭役久弗平其他弊
政尤多淦悉心咨訪疏上四事曰議緝審以均州縣
曰議優免以恤凋瘵曰議偏累以阜邦畿曰議修理
以省民力 上嘉納以次舉行時譽振起詔陞工部
右侍郎會慈慶宮役竣有白金文綺之賜加俸一級
至庚子疾作三上疏乞休始得九瀕行遂以不起淦
平生慷慨執每論子弟曰吾居官苟取他日敢校重
貴過柳浦乎故所在皆以廉介著譽

石邦柱

石邦柱於梧人年七八歲善詩對弱冠氣見羣兒博
奕目役之士歲入郡庠以奇童稱十九舉鄉試登進
士宰南海有古循良風數月入覲士民千人疏請留
不獲丁內艱服闋補嶺南縣遊任一月擒巨盜王浩王
千斤者二十七人連年荒旱緩刑薄征虔禱而甘霖

降少司徒王瓚大賞其賢爲逆瑾所忌以掩恩市私
罰果百石遷郴州守權貳長沙陞南京戶部郎中轉
知瑞州府俱有善政

蕭淮

蕭淮廣西桂林中衛人正德辛未進士授行人司行
人九年丁母髮十二年補原職十三年擢雲南道監
察御史十四年五月淮奏竊見寧王不遵祖訓包藏
禍心招納凶命潛謀不軌官校交通積有年歲如致
仕侍郎李士實等皆今日亂臣賊子關係宗社生靈
安危非細也宜勅錦衣衛凡濠黨與逮繫至京師究
治以快人心前鎮守太監畢真等首保濠賢行及諸
前後附勢者宜坐名罷削布政鄭岳副使胡世寧皆
守正蒙害宜急起用所有鎮巡奏乞褒獎孝行乃宸
濠詭謀不可從疏入 上勅諭廷臣曰蕭淮所言關
係宗社大計朕念親親不忍加兵特差太監賴義詣
馬都尉崔元都御史顏頤壽往戒諭之輩其護衛十
六年陞光祿寺少卿嘉靖五年陞太僕寺少卿七年
陞都察院右僉都御史巡撫延緩地方九年改撫六
同未任卒於官

呂調陽

呂調陽字和卿號豫所桂林人嘉靖庚戌舉進士廷對第二人授編修丁內外艱五年服除遷國子司業乙丑擢諭德典內制隆慶改元擢國子祭酒尋擢南京禮部侍郎遇 莊皇帝覃恩錄廢一子尋以吏部左侍郎兼翰林學士辛未副考會試已奉命教庶吉士轉少宗伯日侍 穆宗經筵每講輒先齋沐期以精誠悟 主往往緣傳經傳列古義以爲時政規上亦時時嘉悅之暨修 世廟實錄稽載精覈足稱一代良史壬申拜禮部尚書會 莊皇帝晏駕一切典禮俱從哀次釐定條奏 神宗馭極進文淵閣大學士協贊機密備顧問以朴忠受知於 上嘗親書大字賜之其一曰樞機克慎其一曰同心夾輔萬曆甲戌主考會試是年修 穆廟實錄成少保兼太子太保歷一子中書舍人是時江陵相當國每事皆專決調門深沉簡諒于人入不輕喜怒於事不輕可否故無招權攬寵之事會病肺久而足又患癢徙漸不反於行至戊寅秋次計告歸書十上乃得請賜帑金百文綺二詔乘傳以歸越歲庚辰疾作而逝底一子中書舍人諡文簡

徐養正

徐養正字吉夫號蒙泉柳州衛人嘉靖辛丑進士讀書中秘授禮科給事改戶右劾嚴世蕃奸狀嵩怒矯旨廷杖七十謫滇之通海典史量移肇慶推官歷陞貴州提學僉事丁外艱服闋歸雲南規條嚴肅集諸生於五華書院教以忠孝大節時徐波石死事沅江購得其西賓之法無幾多其有經世略家宅李古冲稱爲吳東湖霍渭崖之流都南光澤少卿丁巳轉尚寶卿已未丐歸壬戌尚逐世蕃還起爲南通參尋遷右通政甲子轉南光祿卿卒諡貞利內使戒不敢構乙丑轉南戶侍申明部運規則丙寅晉戶部左侍郎擢南大司空丁內艱承諭祭葬服闋撫按會薦朝寧側席忽遽疾一夕自云真西山先生至起迎之揖讓而卒顏色弗少變養正深有得於主靜之學能不以死生利害動其心生平德性溫然可親而直節勁氣又浩然不可挫也家居常却汗令二千金之餽嚼然溼而不緇所著蛙鳴集若干卷子秋鶚舉進士官福建按察副使

張 紳

張紳字子儀柳州人幼側儻爲文操觚立就嘉靖癸丑進士授刑部主事與同舍高岱舊傳策以氣節相

破礪相高當時楊貴外繼盛況經屢錄以直言奏
市會給事中吳時來疏高父子奸狀紳與傳策章繼
上俱下詔獄訊所主使者紳獨對曰臣自求爲社稷
死耳時能主使者卽有罪臣三人自當之會地震
上怒解發烟瘴地方永遠充軍紳戍都勾諸生日執
經侍講下紳語以忠孝大節及性命之旨曰性命非
懸空者離倫物談性命非真性命也乙丑高父子伏
辜丁卯 穆宗登極召補吏部驗封郎晉大理寺少
卿尋轉右僉都御史巡撫南贛汀韶督軍事至則撫
流民過崗寇平三巢又遣兵解惠州之圍臺奉金綺
之賜念搖僮爲西粵便疏請先勦古田次及八寨則
百粵無煩南顧 天子趣之後悉如所策四年庚午
巡撫湖廣晉大理卿尋晉兵部侍郎疏乞歸養萬曆
二年起兵部侍郎兼右僉都御史總督漕運丙子入
爲刑部侍郎累疏乞休歸已卯秋卒于家拙氣節才
猷爲海內所仰重所著鶴樓集十二卷傳子時

沈希儀

沈希儀廣西馴象衛世指揮使未弱冠已能馳馬手
搏賊征永安盜陷淳中勝而及于陸三酋前趨之希
儀候頸決項死又掣刀斫酋于燈間斷其頸尋又射

殺首酋竟却其追兵而還還都指揮僉事荔浦賊八
千人行剽歸倉卒部五百人往扼之蛟龍滑石兩灘
相去數里希儀曰滑石灘狹引繩乃濟雖衆可薄也
蛟龍灘闊衆成列難圖矣吾欲奪其闊而致之狹伐
岸竹樹岸上編筏以爲繆項刻成數百旗紳之蛟龍
灘今歲卒數十人守之以疑賊賊果趨滑石且半渡
發伏擊敗之還都指揮同知嘉靖六年卒猛叛姚督
府鎮奏行誅討召典計曰歸順岑璋猛嬖翁也當助
猛奈何希儀能素得土官陰事曰璋女失寵而璋心
恨猛貌合耳是可使擒猛何謂助乎督府後曰猛乘

上流勢擁兵下如建饒邑梧危矣奈何希儀曰是不

一五

如周才

足憂土官大率飽富貴總巢穴所爲叛者懼誅耳豈
有遠志乎督府又慮猛且走交南曰猛走交則明不
能歸彼豈無慮哉於是分五哨進師希儀將中哨當
工堯工堯隘而糧盡乃潛渡江詣左哨將乞糧請并
兵攻工堯左哨以分地爲解希儀笑曰兵糧吾自足
試君心耳還夜分軍三百人緣山上繞出工堯背而
責餘糧爲稀糜食士合戰戰疾力而所遣軍則已正
幟工堯山頂突賊大驚遂入隘得其積果食軍乘勝
攻田州初歸順岑璋素信希儀使團猛則遣兵二千

人勝助猛精卒千人名護女實爲開官軍得工堯則
先募工堯破猛走出則擁入歸順左哨將知之壓歸
順境索猛歸順斬他囚首以獻而先一日希儀已獻
猛賊巢軍門矣督府議設流官希儀曰恩恩設流官
反側至今若更設合從且復起不聽而田州果叛後
竟復土官田州乃平擢右江叅將右江故治柳州柳
在萬山中城外五里卽賊巢軍民至無地可田而城
中兵弱不足任前守劉建璫于賊希儀至鼓士氣破
賊訶者耳目徧官府卽開閩中稍動色賊在谿洞數
百里外趣知希儀至顧令熟徭恣出入嬉遊城中而
求得與徭通商販者數十人厚撫之使爲訶于是賊
動靜聲息顧往往爲我所先得每出勦卽肘腋親近
不得聞至期鳴號則諸軍立集聽令曰出某門旗頭
卽引諸軍質實行問旗頭旗頭自不知頃之剗管賊
衆至戰方合而伏又左右起賊大敗去已賊寇他所
官軍又已先在雖絕遠村聚賊度官軍所不至者寇
之軍又未嘗不在賊驚以爲神卽官軍亦不知希儀
何自得之也于刺賊巢得婦女牛畜果鄰巢者悉還
之惟陰助賊者還軍立勦曰若奈何陰助賊戰或刀
弩而門闕者曰罰若牛五若奈何刀弩闕我師于是

賊警服無敢陰助賊及門闕者嘗欲斃一巢乃伴臥
病所部入問病謝不見明日入問希儀起曰吾病思
鳥獸肉若輩能從我獵乎卽起出獵去賊一二里而
止管軍中乃知非淵也最後計擒其尤黠猾善戰者
支解之四懸城門兄者股懷常以甚雨凄風天冥冥
夜察諸賊所止宿散遣人篝火若砲衣囊帽與草同
色潛巢賊中夜砲舉賊大駭曰老沈來矣挈妻子滿
伏山頂見啼女叱往往往寒來見或觸崖石死妻子相
繼汝作賊何利至此明詞之則寂無人所散遣出他
巢者亦然他巢大驚已相聞愈益驚陰詞之則老沈
固在茶府不出也自此賊膽落或易面爲熟徭而柳
鐵旁一童子牽牛行深山無敢訶者夫後熟徭既伏
其威信調征他巢雖懼不敢不往甚而大雨徭懼
大期汨溪水以應至有溺死者論者以爲自廣西爲
將韓觀山雲之倫能使徭不爲賊比希儀能使徭入
攻賊前此未有也思恩奏設流官而州數反側不靖
已聞潘有子曰金在鎮安益益洵洵昔楊留者在賓州
乃辭去曰留小主人在請往希儀時方愛思恩聞留
言則大駭以金去賓州近而留應之且爲賓州發賓
州危則廣右之咽喉立梗矣乃婉色好語調留曰是

岑澹第九子耶我往征思恩固聞之因作自語狀曰

岑氏其復乎已呼留入密室要賂即得賂行爲金復官留乃大喜且出復呼入曰章貴徐五今分將思恩必奪金善防之于是金果將五千人因留以見門者懼走報請無納希儀罵曰金本土官子非賊奈何不納則引入厚結之又引以詣兵備隨盡散其五千人卒縛金而思恩復寧當是時非派計賓州幾失布儀在柳度十三年移淑遠後總兵貴州會北虜入寇詔屯宜大末幾署都督總兵准已復調廣西貴州在江灌賊販之警幾絕然天雨輒苦創痛數在告已還廣西瓊南五指山熟黎本馴順畏法知州邵清者黠貪虐使之而黎叛兵八年不休希儀言于督府曰法家斷獄必分首從今諸相煽從逆者如虎投奔勢不可釋他諸夷疑而勦之則傷仁撫而勦之則墮信莫若獨搗其首惡首惡平諸異志號魄矣是公以生賜萬州也郡御史聽之而黎平進都督同知賜金幣改貴州入銅半泉甚奇然秘不告人入亦莫之知也希儀膽勇被賊害然諸人爲耳目者賞不失項刻嘗染危病所部卒至自戕于神前以貯穿手刺股痛毒諸體皆皆偏最後有一人至以箭穿喉其得止如此

李允簡

李允簡字可大柳州融縣人嘉靖丁酉領鄉薦明年會試乙榜授澶州學正丁內艱服除改夷陵攝判門州爲政清勤民德之陞知內江公廉自持士大夫請乞無所得會大旱徒步暴禱赤日中令兒童歌之曰旱既太甚治非其人寧禍其身勿病其民三日霖雨大足嘗於通津治石梁御史題之曰壽溪橋壽溪其號以此旌其大得民也大學士蔡陵震文隱從銓部乞爲州守至則均徭賦剔奸蠹豪民欲跡皇太后梓宮稱顯陵調度有方事集用簡有白金文綺之賜秩滿當遷張文隱復乞展一年俟黃籍成於是在茶陵者蓋十年矣始陞雲南同知攝守潞江有豪奪民田勒令歸主不服再訴于朝下法司皆如原論陞思州府知府孤城多寇遣其孥歸獨與孫炳文居適有銅仁之役還郡五日麻陽苗龍許保等僞爲哨兵突入城殺掠允簡與孫炳文皆被執留郡二日劫以歸寨往苗每執郡邑長吏必求厚贖院司及守將亦幸朝廷不知也率許之遂以爲常允簡以爲天子命吏爲賊劫質何面目復臨士民上乎傳語守將石邢憲亟進兵勿以我爲念邦憲不應自出盤山關至嶺

寒崖高水深遠自投下賊驚共拽之出氣息僅續垂之途而去思人昇還至清浪衛而卒事聞詔贈貴州副使廕一子論賜祭葬

任良幹

任良幹字直夫號南嶺廣西桂林人積學修行舉廣西鄉試赴禮闈不第就官湖廣潛江縣學諭學諭五年是爲嘉靖十三年甲午適陝西郿縣王邦相者先是攜其幼子六兒往度巴縣劉主簿主簿王嫌夫也至則不禮焉會亦失官歸王不得已乞與同冊又且病主簿恚之至潛江欲下諸水屢不得死乃推而棄

本朝今省人物志

卷一百一十三

三

廣西

諸路旁逸去父子匍匐伏行乞市中居無何父困于獨乞間行乞良幹所告之故哀之遂躬詣困處致醫藥館殺備至王病且死泣數行下亦泣曰若無發吾爲治後事歸若子乃買地葬立石焉收六兒于家與弟同卧起令學書報書于順天府通判爲王族兄居無幾何亦卒書未達鄂而王氏以主簿獨歸意見殺訟起成獄則通判之父爲翰林九思得遺書篋中六兒手模在焉或疑書計其母劉思子垂死見之泣曰吾兄其指缺此當是也使次子持金至潛江取子當是已行取赴京行時誠家人王氏來取子無辭一錢

也至則家盡却其金而厚遺之母子得全主簿微解爲人剛明傲儒而心慈愛其在官與廢舉歷自勵冰霜至其表尚書孫顯之墓買張武之棺而恤其家配僧尼洎貧士陰德種種蓋其天性然也

唐儼

唐儼全州人少游鄉校父蔭管知柳州歸老於家得危疾時儼年十二恒侍疾不懈迎醫視之弗能療儼泣曰是非藥石所能攻也潛割右臂肉雜腦進之父吸之良愈未幾父疾復作而役儼哀毀如成人見者傷焉儼游學從兄於毫其嫡母蒙寢疾於家儼妻鄧

本朝今省人物志

卷一百一十四

三

廣西

氏年十八奉其姑甚篤蒙疾劇鄧曰吾婦人安所事湯藥吾夫以臂肉療吾獨無以療吾姑哉於是割右脇肉以進蒙而蒙病亦愈儼聞母疾馳歸至則無恙久矣儼拜其妻曰此吾分也當亟召我子何自苦如此鄧曰子事母婦事姑有二道哉方危急之際雖召子何及且事必遲子安用婦爲儼嘆曰吾得子吾無憂於事親矣是時督學使者廉知其狀錄儼於廩以粟帛給其妻儼事嫡母甚謹生母宋儼事之兼隆而儀節衣食視嫡較焉曰禮不敢踰也蒙歿二十年而宋歿儼朝夕號慕葬宋於金盆山廬其側三年寢苦

黃土惟從一童子龍蛇虎豹縱橫其間儼日取薪水甚疲推牧相其勞儼曰吾爲母氏爾豈敢以私勞煩諸君卒謝遣之金陵顧璘知全州慕而訪之賦詩以詠其事書山之壁曰望母巖先是觀風者多重儼欲上其事於朝儼辭曰事親以盡吾心耳名於儼何有使儼以私放得名非儼志也嘉靖乙酉儼以貢至京師縉紳聞儼名多欲見之儼輒避之後儼肄業南雍有司奏之旌其門

補遺

宋欽

宋欽蒼梧人正統中擢湖廣參議十四年麓川亂尚書王驥西征欽督餉不避艱險於辰沅清溪銅述山行乘騎又乘小舸往安江洪江苗賊要害至盧溪被賊遮留欽率兵挽弓揚矢迎敵厲聲歷數其罪詞氣壯烈賊不敢逼歷官湖廣左布政致仕天順六年寇陷梧州城欽罵賊遇害

郭本字通克融縣人景泰二年進士歷官御史七年巡按貴州又巡浙江時權璫肆惡本疏劾之謫雲南永平典史時璫移太子府同知久乃擢知太平抱才

未伸每鬱鬱不自得堅以疾告歸

包裕

包裕字好問臨桂人成化戊戌進士以撫州推官徵授御史弘治元年巡按貴州寬洪仁恕耻以鷹擊鴛鴦爲能凡事務通民情不怒而威尤加惠貧獨悉收之養濟院亡失所者已出爲雲南僉事歷副使會邊夷叛督兵討之有功錫鐵金所區畫地方事宜不刻意立異而惠澤自廣滇人賴之移病歸日以詩酒自娛採山釣水登覽嘯歌泊如也所著有拙菴稿

劉天麒

本朝分省命考 卷一百一十三

二十三

廣西

劉天麒字仁徵臨桂人弘治壬戌進士爲工部都水主事分司呂梁正德初閩人擅勢有自南都詣北者舟經呂梁天麒不爲禮及橫索頗裁抑之其人怒詣去入訴諸聞諸閹誣奏遣官校往逮繫錦衣獄榜掠備至卒不服乃謫安莊驛丞居未幾王主事守仁亦謫龍場驛至則與天麒定交天麒病卒守仁爲文祭之并經紀其喪事嘉靖初詔復其官賜諭祭

曾曙

曾曙廣西臨桂人由舉人爲平湖令愷悌慈祥清介絕俗其爲政多尚安靜不事華飭尤專意學校獎訓

士類先是邑頻災迄嘉靖甲辰歲凡五月不雨苗悉
稿死秋大饑驛力請當路出粟賑之仍開置塚所十
餘設粥以食饑者緩不遑之征節無經之費遇死屍
橫道則潛然泣下捐俸易棺以葬會當路繼征甚惡
贈投然曰吾職可罷民不可毒有過稅者咸縱使歸
業勿之繫民得免轉徙溝壑之苦然驛竟以緩征罷
去去之日號泣遮送者以千數民至今咸思之今祀
于名宦

舒應龍

舒應龍廣西全州人嘉靖壬戌進士歷官戶部侍郎
兼右僉都御史總督漕運轉工部尚書應龍歷任中
外表表各有樹立而督漕之政尤籍籍輿誦方召用
而卒士論惜之

唐世堯

唐世堯號觀柏廣西平樂縣人萬曆丙戌進士授寧
波府推官庚寅陞吏部稽勲司主事歷文選郎主考
廣東壬辰以起廢忤上旨斥爲民世堯雖解莫西
學而文章獨得正宗分考浙江主考廣西甄收多知
名士其樹立綽有可觀而品行亦卓然不可及云

人物考卷之一百十四

雲南全省

蘇海鎮

李忠

張文禮

張謙

丁嵩

趙彥

張昂

李純

張英

蘭剛

張隆

段子澄

張璉

楊一清

李華

趙弼

呂禴

滕檳

張志淳

張繹

張敏

陸經

李文中

王景

劉洙

雷應龍

孫繼魯

唐時英

趙愷

馮世傑

趙汝濂

張合

吳懋

嚴清

張西銘

張西銘

朱瑛

趙德宏

李元陽

戴仁

楊禧

李資坤

張勉

紀經綸

王廷表

楊元

張鍾

吳潤

趙禧

楊忠惠

王用之

符節

補遺

楊士雲

楊南金

張素

朱光霽

本朝京省人物考卷之一百十四

南直督學御史西湖過庭訓纂集

門人蘇松備兵副使南郡熊 齊恭閱

男 過銘盤

過銘孟

過銘簞

寧國府學生員嚴弘志

句容縣學生員劉孔揚全訂正

雲南全省

蘇海鎮

蘇海鎮太和人洪武間以經明行修辟授蒙化學正能以忠信勸化夷習頗著勞勩九年例應考滿俾道遠不出家居或至關食客至唯煮茗清話而已或勸其爲貧而仕不應終其身不悔

李忠

李忠初名特昆明人洪武二十五年選貢入監高皇帝宣見便殿賞賚甚厚賜名曰忠雲南舉進士自忠始後任陝西鳳翔知縣扶弱抑強威猛兼濟有循吏風

張文禮

張文禮寧州人少敏捷志向卓爾泥濘純粹不爲習俗所移以選貢中永樂癸丑南京鄉試登甲戌進士第不樂仕進求任劍川學正後補四川江陵學正遂乞休致居鄉教人名士多出其門

張謙

張謙字抑之昆明人德初貢入監選監察御史巡按江西卓特風采剛直執法及監鄉試痛革夙弊科號得人尋陞湖廣按察司副使卒于官

丁嵩

丁嵩永昌人天性篤孝奉母陳氏曲致甘旨雖處顛沛流離而生養死葬舉無違禮家貧無以爲業乃開館牧里中子弟多所成就洪熙元年舉懷才抱德辭不就宣德間詔下求言嵩陳首務戎機八策一曰正心術則天道應二曰重經筵則宗社福三曰開言路則聞見定四曰用賢才則政治美五曰總大綱則庶務舉六曰汰冗兵則財用足上嘉納之徵至中道病卒所著有橫峯樵唱

趙彥

趙彥趙州人宣德壬子舉人敘州高縣令仁恕公廉百廢具舉正統十年郡守妬之削籍還鄉後四年

部作亂筠珙諸夷皆起從之時都御史招撫諸夷皆曰惟趙縣尹來當即降于是辟彥彥至單騎赴敵諸夷納款凱還奏功詔復彥職仍治高尋卒于官

張 昂

張昂字德遠永昌人天資清俊嗜學飭行足以表正鄉閭正統初侍郎楊寧舉爲子弟師後家日饒裕乃以千金置義田以濟宗族之貧婚葬施居皆有常給予姪有不善責令改而後已鄉人奉貨而負者焚其孤執無依者別置室鞠之教以藝業長則爲之婚配凡周貧不欲人知亦不令人感有犯之者終不較有司請爲鄉飲賓竟不赴尤善於行草人皆珍之所著有鈍春稿地里撮要藏于家至今子孫之盛人以爲積慶所致云

李 純

李純昆明人舉人少時不羈有智略正統間任監察御史巡按遼東時國家有土木之難純曰胡虜以我兵勤王而西必出吾不意不可不防於是選精銳八百騎指屬險要急令防守虜果有二萬騎直趨遼城未至二十里純設伏兩路待虜半入舉火擊之虜首尾斷絕不得相救斬獲無算以功陞左副都御史食

一品祿仍巡撫遼東自是虜莫敢窺邊矣後改巡撫薊有大虜壓境純微服潛行賊中盡知其虛實回鎮集將官嚴兵攻虜所不備虜大敗斬二千餘級虜遁去寂無消息邊庭甚賴之卒於官

張 英

張英字時俊昆明人爲人長厚與物無忤事母克孝正統戊午登解居冒監時祭酒李時勉以直言獲罪英率諸生詣闕求以身代遂蒙原宥自是譽望日著英卽乞歸養居鄉以易教授生徒甲第者多出其門卒年九十有四黔國武僖公以禮葬之

蘭 剛

蘭剛字德中騰衝千戶愈之仲子也正統六年隨父報効征麓賊俱有功愈累陞副千戶剛亦當校所鎮撫乃告愈曰吾先祖嘗守禦斯土爲正子戶後調會川遺我父于在此幾不立今幸獲功願併之倘得授如祖職顧不可乎愈曰吾豈弗思紹先人但武廢以長我死當汝兄承之置汝何地剛曰爲子弟亦惟竭力於父母耳若大人光復先業他日雖歸之兄剛與有榮乃偕白於靖邊王公嘉其孝讓併功於愈爲正千戶愈卒長子誠襲剛無難色後膺壽官年八十六

而終

張隆

張隆字伯興建水人正統間由國子生授杭州府知事以廉能被薦歷陞本府知府有濬湖築堤功入覲治行爲天下第一天順間聞母訃奔歸廬於墓側有狐免馴擾之異人以爲孝感云

段子澄

段子澄太和人天順壬午鄉試第一始爲諸生時不納奔女路遺遺金及人場屋考官得其試卷屢感異夢知其爲端人遂薦之後除德安府通判以內艱遂不起居鄉秩然盛德雅量未可以一節數也

張璉

張璉字廷璧平夷人成化二年登進士第八年授南京刑部主事歷官員外郎中以明允著名尋陞重慶知府遇事迎刃而解郡中翕然太治丁外艱復補郡治績卓異弘治初元南贛閩廣夷寇爲亂陞江西按察司憲副整飭兵備既至治城池積糧糗練士卒修器械設險隘嚴防禦一遵賴以無虞修建諸縣堡城人皆稱便尋以一言不合飄然去任羣盜復起巡撫兩廣都御史鄧廷讚特奏南贛不可一日無璉詔可

之聞命卽日就道遂築南康城新學校羣盜聞風輒散尋以疾辭歸璉剛直不阿論事達大體南贛郡校再秉憲節所至以廉能果敢著遇盤錯迎機立斷墨吏斂手歸橐蕭然卒於家

楊一清

楊一清字應寧安寧州人幼讀書過目不忘以奇童薦入翰林憲廟命內閣選師教之受業於黎文偉淳年十四中順天鄉試時已抗顏爲人師登成化壬辰進士授中書舍人文譽籍甚從遊門下者皆海內名士二十三年擢山西提學僉事力祛宿弊學政肅

不朝分省八物考

卷二百一

六

清會丁憂去服闋補陝西提學副使大作士類愈久愈嚴士稟凜守法命郡邑製諸禮樂之器俾諸生肄習諸禮久之絃歌盈於西土凡所首取恒多中式或許以將來科第及冠世名世必卒如所言五十餘年用之未盡當其時雖宗室不能奪生員之婚雖撫按縉紳不能撓課試之權爲國朝提學之最久之召爲太常少卿提督四夷館十四年轉南京太常寺卿壬戌虜火師入寇馬政廢弛乃遷右副都御史督理茶馬疏請擇材任使旌別淑慝官勸政舉宿弊以除又處置牧馬茶馬鹽馬實濟邊用十七年清出荒熟牧

地凡十二萬八千餘頃十八年題准招商自出資茶買茶轉運茶司每一千斤給價五十兩卽以茶銀置買馬定官商兩便事例至今著爲令甲子虜賊大舉邊軍請京軍會勦大司馬劉大夏薦爲陝西巡撫兼經理邊務一清卽上疏具陳邊事劾罷總兵武安侯及兵備不職者數人裁抑鎮守中官支應歲省數千金創城平虜紅古二處以援固原築垣瀕河一帶以捍靖虜虜遂不敢渡河乙丑冬虜數萬人寧夏乘勝直抵固原遠近危疑一清率帳下五十餘人趨會總兵曹雄議方略衆遮道不可參政安惟學曰公行何恃一清曰以身殉國成敗利鈍非所計也竟去賊圍各營見挑選新兵軍容甚盛賊駭之又聞一清且至乃移侵隆德夜薄城下一清連發火炮響應如數萬人酋長疑大兵至遂掣衆北走一清發平涼時道無行人關中震恐衆謂與郭子儀單騎見虜相類在陝未逾年百務具舉正德改元朝廷以邊患方熾兵權太分命總制全陝三邊軍馬一清以寧夏花馬池係要害地虜數由以入率官屬沿邊巡視議處方略上疏極陳賊守之策修濬牆塹以固邊防增設衛所以壯邊兵經理寧夏以安內附又謂河套者周之關

乃漢之定襄赫連勃勃所建統萬城也唐梁受降虜在河套之北正統以後寢失其險既舍受降而衛東勝又撤東勝而就延綏河套爲虜輒脫巢穴其中冰堅入套東寇宣大西寇寧固厥患無窮乃條上六事悉中機宜丁卯歸休逆理柞國遠詔欲賴大學士李文正救免庚午慶藩真鑄叛起爲總制鐫榆仍晉總制靈州土人苦漢官科虐一清昔時革之既去尋作至是減科徭十之二禁泛濫接遞以恤人馬聞土漢官兵巡視各邊堡閱舊築邊牆高厚堅完嘆前志未遂有老去寸心猶未死仗誰經略續餘忠之句入城

同鎮巡訪求將領之賢否而更置之約法定令以從人便條陳地方急務十事請蠲寧夏各路早傷稅但以郵困窮薄恩養以安反側旌忠節都指揮楊忠等以勵臣節改調管糧參政復設理備僉事管官極論糧儲缺乏請發內帑召買以免派買之患又條陳河西事宜欲調延綏寧夏陝西兵分道而進驅逐出境修復沿邊墩臺以圖經久莊浪告急還靖虜蘭州健兵一千令指揮陳松統領援之兵至而賊遁自固原至蘭州所在缺乏糧草河西尤甚軍多枵腹生怨乃量發各帑藏令兵備守巡二司官分道招糴酌量

奏大小緩急分派運納以舒目前隨將議處儲蓄
數事馳奏時劉瑾素憾一清不得已起用尋悔之乃
矯詔令專在寧夏撫馭實陰奪繼制之權無何瑾伏
誅衆但知瑾之誅爲永所發不知永受算於一清以
成之也逾月召爲戶部尙書尋加太子少保戶部自
逆瑾查盤禍作守臣不復儲積故邊儲一空一清行
各邊巡撫將見在官銀多方召糴公私稍備辛未年
順天應天山東河南盜起一清上十一事 上嘉納
之復改入吏部凡瑾所排陷者連茹以起國是復定
及劉六劉七等聚衆數千充斥近圻要朝廷宥罪廷
議將從之一清執不可曰中原百姓敢稱兵煽亂罪
在不赦必易將增兵殄滅乃已 命侍郎陸完提督
星馳帶勅兵駐江南以備截殺又恐奔通海二州以
趨山東令勿撤淮鳳兵而賊以就擒寇平加少保甲
戌乾清宮災上疏其一視朝太遲其二祀郊廟太慢
其三創梵宇於西內其四調邊兵於禁地其五謂皇
莊皇店及織造等事言多切直是年命入內閣以時
事多垂言不盡用乃因災異上疏自劾曰近日紀綱
縱弛風俗傾頽賞功太濫刑罰失中謏言可以惑
聖聽匹夫得以搖國是禁庭難介胃之夫京師無藩

藩之說一切弊壞人異往年易宜地震天鳴日食星
變旱乾水溢報無虛月祝顏在位將安用之疏入近
倖錢寧卿之遂謝政歸後 武宗南征特幸其第宴
飲庶歌兩晝夜左右有導 上幸浙者一清從容婉
諫遂不果行嘉靖四年再起繼督三邊即以四事上
疏謂邊儲莫急於開引中鹽邊卒莫先於召募選擇
將校莫先於訪求器用要害莫先於分兵控制俱蒙
議行五年以少師兼太子太保吏部尙書武英殿大
學士再召入閣首陳五事一曰聖學二曰聖政三曰
聽言四曰有過五曰和衷 上俱見之施行六月疏
乞罷差官繼遣上諭 有旨令安靜行事毋擾地方
會求直言疏舉賢才收入心 上嘉納之復條陳修
省事宜曰祭告曰寬恤曰聽言曰用人曰革弊皆切
修省之實 上以張錦奏還顯陵之事諭一清對曰
地道尚靜體魄宜安山陵既定鎮靜已久大事既襄
體魄已安無故舉還恐有他虞況 獻皇帝大葬之
後 陛下自藩邸升爲天子不謂之吉壤可乎竟不
果遷 世廟成 章聖太后欲謁 廟一清奏對以
爲今制無 母后謁 廟之文累朝亦無謁 廟之
事遂止初張孚敬柱基一臣恣肆著聞 上亦厭之

言官多有論列疑一清所授二臣行時即私謀於霍
輅霍懼有齒寒之勢遂上疏毀一清於朝 上始疑
之遂再疏乞歸霍復諷言官論劾乃奪其官衆謂其
當辨一清曰吾心無愧得失在彼吾何辨哉後卒於
家十二年命復其官贈太保諡文襄

李華

李華字子實成化戊戌進士授密雲知縣太僕寺丞
程蕃知府不赴或勸之華曰吾住京師十八年粗得
一第以慰吾親教子之勤始願畢矣且貴賤榮辱有
如奕棋貴不起布衣絲帶里巷優游不異野老家無
梁肉之事出無車蓋之華與當路顯貴交未嘗少于
以私卒之日無以爲殮貨其屋以易棺

趙弼

趙弼字廷直太和人成化辛丑進士授邯鄲知縣以
推誠爲治及爲太僕寺丞守官惟謹見僚友馳
勸見取之罷官里居與農夫偶耕樂跼泥潦中晏然
自足似未嘗顯者同榜有姚祥爲本道分巡至弼廬
弼時耘田遂棄鋤于田畔見之詞色自如祥問生事
何弼曰差勝諸生時矣道謝而別祥再三款美弼女
不得于夫夫忽暴死弼恐不知所措弼至教督曰

生死由命其寬厚大都如此

呂禴

呂禴字宜簡昆明人舉人成化間知湖廣隨州嚴明
廉慎七年如一日不苟言笑時早傷不禴素衣跣足
躬晴年饑殍集道上盜賊乘禴爲害禴發倉賑救盜
息民安自是夜戶不閉道不拾遺居官以節用愛人
爲本文廟祭常以鹿脯奉上官覓鹿遍豪家僕價甚
高禴曰神不享非禮況虐民祀神乎以羊易之民間
咸悅初夏民納祗候錢禴曰五穀未登錢必假貸於
人者其如剝肉醫瘡何却之他事率多類此

滕檟

滕檟字秀之永昌人天性穎敏過目成誦舉成化丁
未進士歷官南京戶部主事員外郎中清苦持重督
運會計周悉一無所取未幾以親老乞歸竟不赴任
嘗爲親友勸駕就道忽念及親養輒弛裝不行如是
者再家居淡薄不治產業與人平易可親非慶賀未
常一至公門日以詩文爲事所著有永昌百詠歸田
錄等集藏於家

張志淳

張志淳字進之號南園永昌人成化庚子鄉薦第一

甲辰登進士弘治間授文選主事後爲文選郎中循部規采輿論用賢拔滯門無請謁與前文選天台黃元昭齊名正德初擢太常少卿提督四夷館晉南京戶部右侍郎尋致仕功名事業中外著稱晚年著書自娛天性聰哲六藝咸精嘉靖間進階通議大夫十六年詔有司問勞年八十一而卒所著有南園集西銘通南園漫錄永昌二芳記行狀長子合舉人以詩名次子合壬辰進士仕至參政

張 釋

張釋文宗子字思紹號東崖寧州人弘治丙辰進士
初知南溪縣事情劇勉韓積德等置之典刑勸永寧納漢軍民事原情定獄咸服其罪遷四川僉事藍賊之亂多所招降添栢林遣運減巴州解銀官民稱便以貴州兵備副使致政歸家絕跡公府日事簡編所著有東崖錄諸稿

張 敏

張敏字時勉先海鹽人祖從征雲南遂爲大理人少負奇有才名舉雲南鄉試屢上南宮不第弘治己未始拜蘭州知州蘭州密邇虜巢虜時剽掠州民苦之敏嚴議察奸細至趨擒獲斬之自是虜不敢輕入州

氓多家村落城中惟藩邸軍衛人素侵暴百姓輕州官敏乃一切裁以法民始安生屬河漲壞梓橋民以皮囊渡多溺死敏度材鳩工親督役數日橋成民不病涉善聽斷摘人陰伏多曲中遇事敢爲嘗勅牧地之久爲豪右所據者盡追復之還官還四安府同知專督儲餉期歲完通者五十萬而民不怨權馬湖知府進川蜀盜起鄧藍廖喻諸賊首勢猖獗甚自襲曼延保順諸郡營連十餘里衆號數萬兩川震動總制洪公鍾聞敏雄武有謀略特屬任之敏請以選兵自當一面曰賊雖凶獷然皆烏合之衆易與耳進通於通門鎗聲震天大呼直前無不一當百賊奔遁斬幾盡漢水遠赤自是氣沮喪所向有成鎮邇倚以爲重巡撫都御史林公俊上其績鄧既就擒其黨廖陳輩復糾衆爲亂每曰洪公謂渠魁已伏誅餘出脅從法宜撫定若一槩兵之恐玉石俱焚非天兵弔伐意然衆莫敢任事乃獨請往遂率騎入賊營賊露刃以俟敏曰吾爲活汝來寧畏死也因宣布德意曉以禍福衆感激泣下賊首陳詣軍門聽撫散其黨二萬餘人廖憤陳先受招乘夜劫營將并害敏笑曰吾不怖死但恐大兵具至汝輩無噍類耳賊爲之吐舌時准自前

者來得報冒鋒刃人賊營顧與敵同死誠以宗祧事
重趨之出胎書兩司宜急進兵攻賊母以予故遺地
勞患又與其家人嘆曰以死勤事予之分也汝第治
裝歸賊尋悟送敵出營既出營偶墜崖傷足乞致仕
不許復起治兵事既而都御史彭公澤來代洪總制
因問平賊計策敏謂賊既撫而叛非實有降意特借
是以老我師宜及公初至亟集兵勦之可絕後患彭
公竟用其言平賊

陸經

陸經慶雲人弘治壬戌進士累官南京兵部郎中賦
性耿介力辭伊王金帛却土官陸世爵五百金貧約
終身卒之日棺殮不具

李文中

李文中字宗周號瀘濱臨安衛籍先斬奉人弘治甲
子鄉薦筮仕大理寺司務以明允稱調吏部綜理精
詳部事不可更者寧忤冢宰至持正抗法則斬如也
陸禮部員外議禮坐杖僉憲四川獨整風紀斷獄不
顧賊寇秦栢周天星倡亂奉命撫勦踰月而平去
蜀民有崔李再來之謠歷固原兵備破虜克捷後以
年老致仕

王璵

王璵建水州人自幼聰穎孝友天植十歲喪父事母
以孝聞爲諸生時粵人張貴謫戍臨安妻爲回籍
之資相別哭甚璵遇卽以所得廩銀三兩贖之乃歸
其券時以裴度擬焉後登進士授懷寧知縣實心實
政興善育才儒林丕振治水有功人民永賴之祀於
署堂正德初徵拜御史激揚風紀時逆瑾擅權璵抗
疏力詆朝中以真御史目之按蜀繕兵番人帽服改
路瞿河行免水患蜀中亦祠祀之致政歸日以居族制
爲樂有二疏之風買祭田以供祀置義宅以居族制
行不凡遺風師式

劉洙

劉洙字道原新安所籍先閩縣人正德戊辰進士歷
官都給事中在諫垣十二年以蹇諤著名疏武廟
遊樂五事肅廟端治本十事皆見嘉納又請改新
安所之地舉十八寨之兵勅兵備副使王昊之乖法
薦臨安知府朱疏之廟能時議趣之有奏稿若干卷
藏于家里居置義田以贍宗族施棺槨藥以濟貧窮建
家塾以育子弟隆慶三年入祠祀之

雷應龍

應龍字孟升蒙化人正德中進士任御史嘉靖五年督兩淮監課賦性峭直不顧利害其禁私鹽先束官捕之倚法爲奸者及議掣鹽深恩博訪慎重周密必求官商兩利不輕差官以開整門會郡邑諸生請禁淫祠卽下令毀州縣淫祠無數祇治廟祀僧道以左道惑衆褻利者悉抵于罰士論稱快後以勤政積憂疽發于背而卒

孫繼魯

孫繼魯字道甫號松山其先浙之錢塘人高祖維賢以太學生言事諫成雲南右衛遂家焉南縣冠通書本朝分省人物考卷一百四

十七

雲南

史已卯舉于鄉登嘉靖癸未進士出知湖廣澧州因改國子監助教以經學者歷戶部員外郎中監運使大著水蘗聲尋擢守衛輝一以公廉惠愛爲亟會歲多蝗復大旱竭誠以禱蝗害除大雨隨應民以爲神當路特薦調知淮安府亦遭旱禱之又輒應民間每晨焚香尸祝之無何中官奉命織造江南道經淮大作威福抗阻之于是構誣于朝械逮京師賴執政夏公之力獲解調知貴州之黎平宣猷敷德苗亦格心靖州叅將歎曰與其選將董率萬兵守備諸邊莫若選廉吏一人足矣擢湖廣提學副使士以得師

爲幸權山西左叅政分守薊南強藩敏戢嗣陞山西按察使行之日宗藩以其持法銜之相與解其裝惟敝衣履數事而已衆咸嘆服至晉持法益堅兩臺父薦之百姓樂其久任而惟恐其去雖宗藩亦以爲請乃擢陝西布政使晉秩提督雁門等關兼巡撫山西右副都御史會有西陲之事持論與總督翁公不合爲文數百言誓于神慷慨忠義之氣溢于言表及封事與總督公交上而執政者故先翁而後孫竟被誣下錦衣獄先是陝西特御楊公爵者以言事在獄中無楮具相與取破碗書壁倡和百餘首命曰破碗集

小引分八卷

卷二十一

十八

禮

久之知公者百口直之而山西宗藩抗疏救辯卽前解裝肆挾者也方讀易獄中進退存亡付之一編而執政者阱之不已會疽發于項遂卒諱五十年朝野聞而哀之隆慶改元言官疏其非辜乞賜褒錄卹贈兵部左侍郎諡清懿

唐時英

唐時英字子才號濟軒曲靖人嘉靖己丑進士知平陽縣縣以賦稅不均大爲民困爲請於當道屢歲所丈凡六閱月而一邑之田腹瘠高下盡得其情批定而兼并侵剋欺漏飛詭之宿弊脫然盡洗縣有廉塘

歲久於淺乃度田興役貧富均勞清蓄有則啓閉有期明年大旱平陽獨稔邑人德之乙未授戶部主事委理通倉時新革中增出給皆由曹司方日偵伺求以中之一年之內秩然有理官軍便之至今守其成法權稅九江俸薪自給蕭然無營取前人語揭之柱曰寬一分民受一分之賜蚤一刻舟行一刻之程其年考課戶曹首最歷員外郎中出守真定府簡易宜民不隨不執庶務全集立加裁決訟無留獄案無滯牘賦去其私徭省其冗在任三年十膺薦剡甲辰晉貴州副使接丁內外憂起補河南參政遷浙江按察使晉山東布政尋轉左厥歷所至咸有能聲遂拜副都御史巡撫陝西在任三載邊鄙晏然乃疏乞致仕而歸歸則脩清淨之緣飯僧印經像設菴院廣作佛事自甲子以後絕不御酒炙泊然獨處一樓盡屏僕御夜偷兒人樓窺帳見其凝然端坐惶懼叩首謝之曰汝盡取去即吾所施也仍從容指以去路萬曆乙亥春命具棺殯葬地爲文祭之有丙三二十五之語不解所謂明年三月二十二日碎殺不食日但飲米數杯至二十五日侵晨索紙書偈頌之曰入此門多年今果得大受用生死關頭去來無住今日之午

吾當逝矣沐浴更衣禁勿悲泣忽風雨晦冥若有所擁而上升者而端然瞑逝矣享年七十有八

趙愷

趙愷事旬人性行誠朴爲鄉人所重嘉靖六年銓賊攻城愷首率衆與賊拒敵力不能支爲賊所執以刀加頸欲協從之愷詒之曰待同率家眷相從賊信釋之愷至家集衆於前泣曰今賊勢猖獗人民殺戮殆盡吾惟有死而已我若死汝等舉火焚屋母致我屍骸暴露可也遂登樓自縊而死家衆亦舉火闔家皆自焚止留幼男景新年甫十三以他出得免知府劉槐卽故址築垣爲趙氏佳城撰文往祭知府魏公濟以詩輓之

馮世傑

馮世傑爲諸生剛方有氣節嘉靖六年銓賊攻城傑攜母李氏弟妹匿迎恩橋下爲賊所獲劫奪罄盡母曰婦裸體赤身廉恥喪盡矣不若死之爲安遂投水死傑謂其弟曰患難不能救母苟全性命何以自立於人世弟兄亦投水而死

趙汝濂

趙汝濂字敦夫太和人十五歲浮海本偶見鄰冊乘

遇難轉機嘆舟子急移已舟救之舟人曰灘流如此往救恐亦不免曰彼生吾亦生彼死吾亦死坐視其溺豈人乎卒之兩舟皆濟所活二十餘人父聞之喜曰吾有子矣自是益勵問學嘉靖改元壬午中雲貴鄉試壬辰成進士選翰林院庶吉士乙未授吏部考功司主事歷考功郎應補文選乃白之於冢宰曰頃者考察一任積怨已深伺候兩府起風旨此豈迂拙之所能耶明日詣內閣辭皆曰宜晉四品曰四品之例在銓郎則可在其則不可與其爲人所忌不若爲人所忘諸老皆喜一時輿論多之甲辰由尚寶轉太常寺少卿轉右通政丁未轉太僕寺卿庚戌轉太常寺卿尋轉右副都御史協掌院事辛亥同南京吏部考察京官是年自陳奉旨對品調外任歸里二載准以右副都御史致仕隆慶改元例進正奉大夫卒于家時年七十有五爲人簡默平居言訥訥若不出口及廷中有大論議寒暑不少阿屈問者悚然爲考功郎主京考察事人謂曰兩閣下私人須先請問否則匪直煩官而已然曰若此何用考察爲哉竟入部明日堂上唱名王左都曰御史某某應改調曰此數官者未聞其過王曰雖無過然之風力曰不宜御

卷一百一十一

三十一

三十一

雲南

吏猶宜別官改題可也王默然久之首肯曰是部察魏某端人也本堂周尚書欲黜之力爭不已周怒而督亦冒諸老解曰考功雖無所聞本堂必有所見姑從之勿爭遂削其籍堂事即畢部院欲散復申言曰本年考察不虧人只虧一魏郎中耳頃之科道拾遺奏上獨留之後魏官至兩淮巡撫考察疏名將上時冢宰謂曰黜中有某某者內閣之姻黨某某內閣之門人某某內閣之愛幸此疏一上恐爲衙門累曰郎中不自顧惜斯無患矣冢宰又曰趙某者內閣倚信決不可黜曰趙某不黜無可黜之官矣竟持疏納奏明日旨下果留趙某等三人無他患也後時趙某與嚴氏聲勢相倚總制淮浙戚震中外相遇于途趙曰昔時會殺人今能否應之曰殺人而人不死恨刀不銘耳趙怒目而去其于利害之際深沉不撓有如此張合

卷一百一十一

三十一

三十一

雲南

一漢中以爲盛事而合年財十六歲耳後十年而
壬辰進士授戶部山西司主事尋改兵部職方司
它以母憂去丙申服除改吏部稽勲司久之調考功
司是年復以父憂去甲辰起復考功尋陞稽勲司署
員外即益一官十三年不遷云久之爲當道所忌外
補福建僉事陞貴州叅議轉湖廣副使治行在湖廣
尤著會忌者陰中之竟罷去無何卽卒壽僅四十八
歲

吳懋

吳懋字德懋其先山東寧陽縣人 國初戊大理遂

爲大理人弱冠能爲古文辭慕思逸發前輩以陸機
目之兼工篆籀行草成都楊升菴修撰謫居相與甚
善嘉靖庚子中鄉薦三試禮部不偶更就銓除順慶
府通判到任甫一月會蜀中採木檄之董解人謂懋
初任不省茲役皆私爲危之懋曰行止非人所能也
命也遂受檄而行既而如京師諸同事者多失事繫
獄懋獨得竣事而通以所存銀數百金還官帑上官
異之屬郡缺守檄攝守事凡一切利害應罷行者無
不悉心力而爲之未嘗以攝署自苟又委署雅州廣
安州所至以廉惠稱撫按交薦子朝甲子陞漢州知

州懋曰體方慚衰豈宜久役乃疏謝上官求致其事
弗許會病且革取筆自題其像曰爾貌蒼然爾口吻
然履仁義如坦途付死生于適然涕澤之水湛然月
之光皎然非無非有打破鴻濛混沌天憐筆
而暇時年五十貧不能歸自撫接藩臬而下皆悼惜
之又遣官護之郡士民執紼十餘里民有昇舉送至
家者

嚴清

嚴清字直甫號寅所雲南後衛人鄉先達光祿施昱
擇婿得清以女歸之嘉靖癸卯舉於鄉明年成進士
除富順尹能聲大騰以故荒課爲天下最丁母憂再
除郡郭尋入爲工部屯田司主事歷員外郎郎中督
修外城及 九陵皆斤斤謹出納所省費以巨萬已
工成當叙丁父憂復除兵部車駕坐忤權貴出知保
定府歷陞至四川右布政使隆慶戊辰擢都察院右
僉都御史巡撫貴州尋改四川乃其籍川課之當輸
京者議割二十萬金就近改給陝西軍餉罷郡縣卒
之圖操擾民者貢番入邊則爲定限額數額外不得
浮一人他約束一切以惠利爲本而痛持豪家悍吏
廢法以是士大夫與清常參半俟調五年起督鳳門

不果改貴州人爲南大理寺卿尋改北歷刑部吏部右侍郎陞刑部同書執法不執權勢時上眷注方殷而以病歸矣歸之日遣使慰勞仍賜馳傳以萬曆庚寅卒于家性檢厲勤於事於趨舍辭受尤廉廉所居官身自與僮僕食糲衣敝蕭然也案中裝雖圖書琴鶴不敢取諸人蜀王慕之遣使致廚餼微餉不受初拜尚書貧不能具服色束素屏帶以朝或指戲之公釋褐時玳瑁七品帶故在耶笑曰不然夫屏帶不裝金安知非玉吾顧恐難爲上耳朝貴相傳以爲美談

不月人分公

朱二十一

二五

五

董漢雲

董漢雲字昭仲河陽人進士爲節推時郡守與倖皆嚴刑淹禁民咸賢咸於漢呼爲董青天官至僉事家居不以勢籍產不以事干謁入城過里舍輿而徒其謙卑類如此

張西銘

張西銘字希載寧州人幼穎異年十三五經皆成誦傳極墳典善詩賦弱冠聯登中第授江西金谿縣令縣多豪猾召其首者數輩論禍福許其自新衆皆悔過悉還宿所侵赴縣以大治合郡大饑各縣民競起

朱珮

不月人分公

朱二十一

二六

五

朱珮字鳴朝鶴慶人人生而穎異登嘉靖邊士任評事平反冤獄甚多大廷尉以下咸稱其有古良吏風爲貴州僉事調停驛傳民州以安計縛元惡不費兵餉爲湖廣副使除豪右增隄防楚人至今稱便爲廣東參政設墩堠如要害猛寇不敢出沒嶺南盜起邀阻水道不數日乃降陞陝西按察使未任乞休居鄉恂恂若未嘗有官者

趙德宏

趙德宏字有容鶴慶人舉人累官至慶府長史爲人

孝友謙恭父遠爲按察知事在京病痢宏爲嘗羹父
卒哀毀骨立旅食無貲假貸營殮徒跣僭備人肩輿
以歸旣葬廬墓三年嘗有一白大自來相伴小鳥巢
於桃樹呼即啄食知府汪標聞而異之親至墓所慰
贈有加巡按御史唐龍奏 開榜其居曰孝子趙氏
之門歷官所至以清白稱判順慶日郡有疑獄三事
久不能決宏一訊洗其寃者十餘人及知潼川賾鏡
悉令輸粟得粟萬八千石明年蜀大饑死相枕藉獨
潼川得免潼川城圯數十年莫能興宏措置重建基
月而竣民不知勞潼人立祠祀之又當路推委撫麗
江鹽井戍情士含高鵬者嘗饋銀八百兩宏力拒之
士人愧服里居囊橐蕭然嘉靖間撫按存問復榜其
門曰孝廉

李元陽

李元陽字仁甫號中溪大理人爲兒時不與羣兒嬉
戲親師友好讀書及弱冠夢異人授錦三丈許遍令
吞之旣寤胸次猶梗塞爲諸生力學稍暇輒登城睇
覽見山海風雲濛思悠然煥發爲文有奇氣決疑義
皆出人意表凡天文兵法諸書過目洞識其要居常
求靜地默坐欲究性命之奧且謂世儒口耳之學未

盡得其旨歸後中雲貴鄉試第二人赴試禮部下第
入國子監順天諸生多從講授每作舉子業求元陽
因其文而尋之元陽信筆揮灑一題數首各成理趣
寓邱有高樓日登之默坐至忘食忽一日午坐有悟
自云天理流行之實令乃見之再應試中第十四人
選庶吉士第二名尋以議禮忤權臣出補分宜到任
數日即赴江西科場事竣聞太孺人計分宜舊俗凡
縣令丁憂里出布銀縣貳先敘以俟元陽駭曰何以
汙我力却之出示令民自備散歸途至質衣物以爲
替服關補江陰會鄰縣靖江海寇劫庫官吏遇害賊
猶未散元陽暨族教演水操賊乃遁去操江巡撫潘
公珍以國士待之特薦于朝以地通海當要害乃建
城樓嚴兵衛增所未備兵賴以安巡撫顧公微逋負
甚嚴各縣死者動以百計按部至常州民莫不疾首
元陽曰過多不可卒辦且以完報巡撫素相信得免
刑者二百餘人自是一邑心感爭自輸納江南厚俗
獨稱江陰矣去之日流涕送道者百里餘旣還戶部
主事與常州唐順之浙屠應瓊等聯會賦詩號十才
子時選官僚大學士夏公紹之皆不赴吏部霍公韜
知元陽有賢聲改監察御史及爲言官獨立不阿彈

効不避權要巡按八閩將出京大學士楊繼手書
名納公祐謂宜薦剡也比至廉知其貪黷皆入劾疏
所至風靡一省廓清監臨場屋得人最盛初避嫌不
自出題試錄則盡出其手識者評爲天下第一至今
人稱誦之上議幸承天上疏乞止上怒欲撻之
是夜臺臣悚懼不能寐元陽獨新睡達旦候命三夜
皆如此內外稱爲真御史後扈從出京聞大學士所
選官僚皆江南富室卽于行在疏劾至承天又進皆
爲中官出補荆州知府久知荆襄之間四百餘
里無井無泉暑月徒役擔負每以渴死至卽捐俸穿
數十井又作石池以飲馬荆地瀕於大江古堤既圯
州縣皆爲穀澤巡撫顧公璘發庫銀八萬貴之司水
利者了無成績元陽毅然爲之甫暮而堤成蓋前此
所未有也荆人名其堤與井皆曰李公先是江之南
僻有數村約萬餘戶元陽謂村當徙於江中沙洲不
雨當爲魚鼈人皆以爲迂未幾村爲水湧獨洲無恙
章聖梓宮歸承天關寺乘勢肆暴所至府守皆被縛
例以三千金贖不然推溺水中一日候祭白狄驛寺
人鐵鐸如雨撫掖而下皆奔避元陽獨不移寺人皆
吐舌曰奇男子也自出京至此僅見此人遂免縛首

疏藩府不利於長吏者十事藩府自是斂戢嘗試諸
生得太岳張公卷評曰此子當爲太平宰相列之大
商人之首以外艱去任盡荆之人皆垂涕往送三百
里內連拜不絕未幾夏公當國以前郟中之也罷官
歸里以來不營生理薄於自奉而厚於施予平生口
不言人遇雖重雅亦溫然接納其教人曰一誠字何
事不辦中年大有所得著心性圖說鄉人有爭及爲
不善欲質於其間或至中途自相悔罪而返曰爭至
訟庭愧見先生升庵楊公嘗與坐終日每出謂人曰
見李先生之貌如臨水月令人鄙吝自消聆李先生
之語如聞洪鐘今人耽迷頤醒既倡明性學亦時與
諸生講授文藝郡之通顯多出其門凡與從游者類
能敦世善俗賦詩作文初不經意援筆輒就世以唐
白香山宋蘇東坡擬之年八十餘聰明矍鑠每登高
陟達少壯莫能及儀觀秀整望之如神仙然卒之前
十日召門人子弟示曰自今數至十日寅時吾當謝
世吾嘗以一死生外形骸爲念今其時矣至期端坐
而逝

戴仁

戴仁太和人舉人由教諭累官鎮遠知府府舊有美

稅四千餘金爲文際之需前守以濫半入私囊日增
稅額商賈患之仁至則編稅爲三百六十分以備日
支羨二千餘盡裁罷亦不暴于當道人或勸之暴曰
暴則張已之長形人之短非吾心也連職得循良上
考臺省旌其門曰循良進松茂兵備歸呈不治第館
賓子門設楊千屏自號無懷先生卒之日家無餘財
郡守吳晟泣數行下爲之殯殮

楊禧

楊禧舉人任榮經縣教諭上 太宗文皇帝書言時
政辭激切因繫獄頃之釋繫拜監察御史遷知慶遠
遠素號難治禧至儉約誠信以臨其民期月而諸
夷相率歸之任滿且行民夷遮道留之喜臣上其事
復畱三年將行民又畱如初乃以參政品服食俸仍
知府事歷十二年晉參政遂乞骸骨歸特進左布政

李資坤

李資坤字伯生號雲巖昆陽人舉人幼以孝友端謹
聞歷知縣主事員外郎中知府所至如開渠堰復侵
田均田賦建城雉平寇亂立閘築堤興學置租卓有
成績去後士民感其功德一建生祠兩祀名宦焉
肅宗朝考廉吏第一居家置義塾不請公府性剛介

寡合而好古信義言動必以禮老而彌篤積善萬餘
卷研誦以終自謂一蠹居士嘉靖三十九年督學使
陳善採衆議以風範特異行州立祠祀之

張勉

張旭字希安劍川人舉人授黔州知縣平生清心寡
慾居官有膽略縣有巨寇劫掠四出十餘年莫能平
勉至纔彌月計擒渠魁一時臺省大吏拊髀歎羨又
都臺督責它運甚急屬吏莫能逆民且逃散勉止之
曰吾能爲汝達之事上果得減徵民乃安集明年卒
于官將屬纊時其妻問曰何以歸視曰寄葬重慶不
然化骨或賣子亦無不可士民立祠以祀之早以經
術教鄉人人稱爲龍溪先生云

紀經綸

紀經綸字胞夫號西潭臨安人舉人天資純朴忠信
不欺里中稱爲篤行君子居喪三年不入寢至待繼
母如生視族人如已平生語言不妄女色不遇諸婢
貌異詰其故婢曰父伍百戶立功貧迫至此遂爲已
女厚嫁之人謂有馮商之風舉人馮文奎卒于京以
同憲卽傾囊助回人謂不讓麥舟筮仕上蔡有賊黑
龍黑虎黑象爲邑大患設策募勇三賊就擒漢召杜

三潯九十里許從古不能過乃胼胝沿源三潯大關
荒蕪恍若南鄙人有清時召杜之稱委修襄陽泊岸
計作桃柳築之兩臺有動勞獨者之薦出納潘襄萬
金秋毫不染貪病卒嗣王痛悼不已有存心如青天
白日操守似烈日秋霜之贊所至皆祠祀之

王廷表

王廷表字民望號純菴少時穎敏讀書再過日輒成
誦比屬文學校以奇童稱之弱冠領隆慶庚午鄉薦
登甲戌進士授台州推官行取刑部主事員外郎中
操持甚謹識議甚正不避勢要陞四川僉事而歸杜
門著述學傳而才捷孝友之行人所難及

楊元

楊元字務本號象山永昌人潛心理學終日靜默須
悟邵子先天數學人有叩者無不驗為諸生卒業太
學而歸遂隱居不仕幅巾深衣甘貧樂道從學者甚
衆兩鎮兵寇重其為人寬懷遺以濟其貧一無所受
不得已則封識藏之待其去任還之所著有納甲圖
九主數學聖指南行於世鄉里老少貴賤皆稱象山
先生

張鍾

張鍾字子鳴保山人端重孝友後舉鄉薦任湖廣岳
州府推官正辭別冤錄重一時嘗備伏巨奸不屈聞
宦當道稱之進南京工部都水司主事屢遷營繕司
郎中尋以疾告歸遂決意恬退處家十五年淡泊自
如非慶賀不履公府清風高節雖閭巷能知之及卒
惟圖書數卷付其子士林稱曰西村先生

吳潤

吳潤字時雨騰衝人溫恭有度篤志慕古事親以孝
稱應貢不忍遠違其父偕之京授溫江訓導過籍省
墓父客死潤扶柩返葬哀號毀瘠服除補上海陞雙
流教諭模範端嚴善於啟迪士子久而益慕乃立教
思碑祀於名宦子璋字朝獻少遊學中鄉魁過浙問
學於陽明先生居二年所養益粹署長壽教諭先教
化後文藝士皆興起人名宦陞知東鄉縣縣新制難
治惟以興化善俗為務以內艱回士民不忍釋去居
家恬靜和易可親無諛辭無情容學者稱為執齋先
生

趙禧

趙禧字景福河陽人幼直質力學與李蕃為友情誼
最篤及鄉薦同榜人咸異之上春官不第卒業成均

選貴州永從知縣有廉惠聲尋以內艱歸服闋再詔京師歎曰廉本爲養而親不逮矣仕復何爲遂白銓曹拂衣歸里清修苦節足不履於公門鄉飲等爲賓者三十餘年乃卒

楊忠惠

楊忠惠和曲人寄學雲南府賊祖倡亂軍門方議招降欲遣人持示賊營以散其黨無敢前者忠惠承委即行竟爲賊祖所害提學道匾其門忠義

王用之

王用之鎮南人以監生任交趾慈廉州知州適交趾雲南用之執節不屈被殺後同何忠等贈官恤後

符節

符節字性善永昌人平生耿介寡合嘗與丁貞友善貞病篤謂節曰吾兒幼不可托吾有白金八百兩托於汝吾兒長可付則付之否則君之物也節遂密藏於丁宅地中貞卒節後撫其子且教之比其長即完付其金封識宛然隣有貧婦無子迫於饑寒乃自經使人救之日給飲食二十年迨卒治棺葬之所著有拉坡堆詩一卷

補遺

楊士雲

楊士雲字從龍號弘山弘治辛酉薦雲貴鄉試第一登正德丁丑進士選庶吉士改授工科給事中奉詔查盤湖廣糧儲事訖取道省親會丁外艱哀毀骨立與疾復命往返燕黔不受驛廩服除之後親識勸駕曰太孺人在堂何忍去離又不能奉親于萬里之外遂決意不出太孺人疾歿既禫祥始至京補戶垣見俗尚迫別當途非數候不得見關人非重賂弗爲通遂以病著籍吏部遣人以督學暨司業報曰疾病餘生非可久于京土者適上疏乞骸骨既歸探討六雲南籍而於康節皇極廿七星經枕籍勿去各爲誄贊明其所得後以上壽考終焉

楊南金

楊南金字用章雲南鄧川州人弘治十二年進士由奉和知縣選陝西道御史以不附瑾黨罷歸起補江西道御史養病起湖廣僉事陞江西泰議疏請致仕

張素

張素雲南安寧人嘉靖癸未進士授南京戶部主事轉北戶部郎操持嚴正風裁凜然京師謂之部屬風雲南還補湖廣僉憲兵備茶陵脩築臺壘一方振肅辨疑

獄三十餘事湘潭之民有寒谷春陽之稱洞庭爲賊十八家官兵不敢跡掃多方設計擒殄之盜息民安後累官右副都御史巡撫四川開誠布公恩威著定松潘糧賦寬新例加科特銅仁北寧陡叛集兵征勦轉輸征調百計區畫捷聞有白金文紳之賜遂乞休致累疏得允年六十有三以疾卒于家

朱光霽

朱光霽字克明號方茅雲南蒙化人癸酉領鄉薦上南官弗利嘉靖壬辰授重慶府通判自來清約催科撫字犁然當于人心諄諄滿道聲望大起有食事發銀買簪時視府篆遂持銀入白曰通判自幼但知讀書未學造簪也僉事且怒且慚而寢撫臺善晉人府任以下皆屬鞭笞獨遇之以禮遂謂人曰朱通判非常吏也會有微受人危之指獲無遺上官相顧稱其能丙申遷知綿州州多勢家私役州民至則悉除之一日有稱尚書府家人徵州夫裁田者曰公田乎私田乎其人曰雖私田舊規也乃揭律令示之其人不信而索愈固于是呼吏出罪囚使領曰此數百指可爲裁田用矣其人口恐不可曰吾亦以爲不可聞者哄然其玩世性性如此三年遷西安府同知時有修

復河套之役百務填委酬應各有攸當益爲監司所事纖造詔璫擅作威福吏大小望風跪拜獨挺然不爲屈祿其治獄明允多所平反長安人擬之爲包孝蕭去著華州朝邑蒲城諸邑所至有惠政關中御史楊公爵不輕許可獨致書謝之謂其有益生民久之累乞致仕撫按諸司再三勉留不告而去飄然長往竟歸白下時邸報以陪黜僉憲曰卽爲僉憲官味只如此耳堅不赴時論高之

人物考卷之一百十五目錄

貴州全省

易楚誠

王訓

詹英

張諫

秦頤

申祐

楊瑄

安康

周瑛

易貴

李潯

越侃

李珉

徐節

孟震

楊禕

汪大章

趙昇

陳文學

范府

趙遠

沈尚經

侯位

王木

田秋

盛全

華剛

湯嘒

楊振文

顧堅

許奇

趙維垣

李渭

蔣宗魯

敖宗慶

李佑

劉秉仁

陳珮

孫應鰲

馬廷錫

柳之文

石邦憲

李梅

陳尚象

楊如皋

吳鉉

許鉉

本朝京省人物考卷之一百十五

南直督學御史西浙過庭訓纂集

門人蘇松備兵副使南郡熊 章奉閱

男 過銘盤

過銘玉

過銘鑑

寧國府學生員嚴弘志全訂正

貴州全省

易楚誠

易楚誠占木人洪武間父遊貴陽歲久老且病楚誠

待養不倦父嘗盛夏思水楚誠泣天致懇已而大雨

雹又嘗病瘍醫欲得兔髓和藥楚誠求之野偶有羣

鷹攫一狡兔爭食之持歸付醫疾旋瘳有司欲上其

事固辭曰此非吾誠所感偶相遇耳不願以是得名

事遂寢

王訓

王訓貴州衛人博學知兵工詩文年十八上保邊政

要八策 宜廟嘉納之宣德乙卯中鄉試正德間以

都督吳亮薦授儒學訓導奉法嚴整文化事興多士

景化郡學制度草創訓典副使李唐極力營建正統

十三年麓川思任叛尚書王驥總師討之辟訓佐

助十四年苗徭攻圍新添平越等衛尚書侯璉辟訓

贊畫不閱月圖解論功陞教授成化二十三年御史

臺瓜生並帶有司以聞訓爲嘉瓜頌獻之當道薦薦

皆引還不就晚以子貴封武略將軍副千戶卒年八

十有寓卷文集三十卷并孫子註解訓又有讀書臺

在城北二里許白巖山半歸田時所築臺下壘石作

院鑿池雜植花卉有琴案棋枰皆假石爲之常與客

遊玩於此以愉適其志焉

詹英

詹英字秀實玉山人成籍於貴正統戊午鄉舉授四

川會川衛訓導時滇有麓川之役會川與滇隣而英

祖居在貴乃兵所從入之孔道也英上疏言邊務十

三事悉行之是時中官王振柄于內王靖遠領東南

兵十五萬轉餉半天下中璫于弟因緣爲利英上疏

論靖遠貪功窮兵老師費財海夷金寶盡走京師聞

官乳童立功西域疏奏 上大異之詔卽往叅其軍

英恐事屬掣肘非便自請閱以不可狀辭公卿聞其

至皆欲謀其面或納交或招致爲重客或欲薦以臺

職處之會已已之變歸于會川講考轉雲南河西教

職處之會已已之變歸于會川講考轉雲南河西教

職處之會已已之變歸于會川講考轉雲南河西教

職處之會已已之變歸于會川講考轉雲南河西教

職處之會已已之變歸于會川講考轉雲南河西教

職處之會已已之變歸于會川講考轉雲南河西教

職處之會已已之變歸于會川講考轉雲南河西教

職處之會已已之變歸于會川講考轉雲南河西教

職處之會已已之變歸于會川講考轉雲南河西教

職處之會已已之變歸于會川講考轉雲南河西教

論雖去蜀猶憂其患驅薦可樞蜀者侍郎張回上
可之蜀賴以安當是之時英以疎遠小臣奮不顧身
言天下事天子聽而用之大臣不沮抑之而又欲
薦之是真可謂不諱之朝矣美所著有止菴集今逸
不存

張諫

張諫字孟弼赤水衛人少有志節脫父伯安于行伍
不憚險遠嘗從劉長史仲珩學於蜀時劉忠愍廷振
奉使至蜀諫日與講論二公甚器之宣德乙卯中雲
南鄉試第二明年至燕卒業忠愍之門正統己未成

進士貴州登進士自諫始選授行人未幾丁母憂哀

貴州

毀骨立廬墓三年致羣鳥芝草之感起服拜御史往
督福建銀課時當寇盜殘毀後民物凋敝餘孽間作
乃親帥土兵撫捕賊遂遠竄父卒復廬墓三年芝草
產於傍歷官河南副使順天府尹以直言請守萊州
尋召為太僕卿卒於官賜葬祭

秦顯

秦顯字士昂宣慰司人正統壬戌進士拜行人遷禮
部員外郎天順初奉使滇粵咨民隱歸疏於朝上
多採納歷官雲南左叅政鐵索普賊起攻殺武備

龍尋甸頗製擒之會衛東養備有死囚九十人皆執
繫不耕忽省堂萬鳥飛集彈揮不散顯疑有寃也詳
鞠之平反者三十九人偕三司巡金齒騰衝舟經潞
江風濤大作舟中悉驚怖順獨正色賦詩有云若載
賊私並土物任教沉向潞江中項之風寧舟濟人皆
謂其忠誠所格卒於官

申祐

申祐字天錫婺州縣人常從其父之田道逢虎父人
虎口祐挺身持杖尾擊之虎逸父得免正統辛酉中
雲南鄉試入國學肄業時祭酒李時勉以言事件

本朝今省人物考卷一五

貴州

旨下獄荷校國學門祐倡六館諸生僕闕申棟且願
代其死上為之霽威尋登乙丑進士拜四川道御
史立朝忠諫多所補益詣御史聚議祐折衷其論咸
中窾繁眾皆推服出按廬鳳所至輒進諸生講論經
史疑義已巳英廟北狩以御史扈從至土木死之
嘉靖十年郭御史弘化移檄祠焉

楊瑄

楊瑄土人也其先曰忠順者元總管府同知勝國末
大明兵南下忠順詣軍門送款洪武五年以忠順為
鎮遠州同知傳至瑄瑄州陞鎮遠府通判瑄軀體長

大有膽略正統末苗叛景泰元年兵部尚書靖遠伯王驥同貴州總兵官毛福壽駐劄遠徵遠部領縣司民兵協同官軍征邛水十四寨苗特苗據紋羅山拒戰瑄以所部兵深入險阻連破敵斬獲甚衆二年重安苗與官軍戰敗退香爐山參贊軍務右副都御史王來督諸軍進討瑄復以所部兵攻破螃蟹等寨陞瑄從五品俸七年平蠻將軍南和伯方英徵瑄部領民兵會同官軍征洪江大小坪諸苗瑄進江頭屢戰斬獲首級甚衆天順七年邛水以南諸苗復叛貴州總兵李安湖廣總兵李震合軍進討瑄攻楠洞坪有功成化二年茅坪之戰瑄死之茅坪賊巢也時參將吳經會瑄以所部兵會同官軍爲一哨進至江口卒遇賊未及陣戰死事聞贈瑄奉議大夫本府同知仍錄子入監

安康

安康字汝錫思南人總角時讀書青鸞溪常拾腐薪繼晷景泰癸酉中雲南鄉試如京師從太史商素菴遊除南兵部司務歷工部都水郎中督造內用器皿減積料價至七千緡弘治初彗星見應詔陳言大要息輿作裁冗員詰奸慝以福天變上納之弘治壬

子出守激江修政惟謹精誠步禱六月雨雪夷人白焚擁萬衆爲寇郡民苦之康單騎入穴示朝廷威德夷苗悉平南人祠祀之致政歸裝僅衣衾數事放情林壑絕跡公庭年七十有七卒入思石二鄉賢有青鸞溪集行於世

周瑛

周瑛字廷潤興隆衛人其先自臨川從戎征南留守干茲大父以武功授千戶瑛補序生篤志行學遠從師於蜀之瀘州比再期歸登景泰甲戌進士由刑部郎出知臨安衛州二郡遷行六侯卿廣西右布政使駁歷中外父而引年以歸優游林泉間多吟咏嘗出書以衛學所著有興龍衛志二卷草亭存稿若干卷

易貴

易貴字天爵宣慰司籍吉水人景泰甲戌進士廷試二甲第二貴幼聰悟出羣長通朗剛正淹貫載籍宦轍所至崇學校恤民隱遇事明而能斷不怵于勢利有古循良風歷官辰州府知府創禮儀治樂器士始知古道歸田杜門校書十餘年卒所著有竹泉文集十五卷詩經直指十五卷

李 濬

李濬思南水德司人由歲貢任臨武主簿天順庚辰嗣苗以萬衆入寇時濬率衆保舜峰寨以拒之賊環寨而攻者三晝夜蓋寨爲均義故壘也四壁斷然隱隱見彈堞濬出死力率先壯勇驅石曳柴以助聲靈卒能完師經害寇退樹列坐衆若部落然冬十二月苗人再入寇以報舜峯之後而得憾於濬時已有土堞可依民既經戰守諸凡攻禦之具亦粗備矣城中煮毒藥膠矢鏃以射人無不立死者圍數日賊中藥死者半竟無所得而去八年又合衆大舉數且二萬計連冠城下者再不克轉攻桂陽城陷之時則知縣陳鍾已至而將衆保城運算出奇則濬之力也陞山西蔚州同知

趙 侃

趙侃字至剛普定衛人景泰庚午雲南鄉試第二天順甲申進士授吏科給事中陞都給事中時政得失軍民利害屢形奏牘有憂恤邊軍疏陳時政八事疏皆經濟急務大臣有不爲公論所偃及朝觀開報不實進退不公者舉彈無所避權倖憚之又陳言禁輦宿弊任賢養民彌災禦亂振舉公道悉中時弊上

皆嘉納率見舉行適清理軍職詰命缺右通政冢宰意屬選郎黃孔昭而以侃名陪點上特越次點用與議駭其有不次之權而侃處之泊然卒於官賜諭祭祀鄉賢子敬馬龍州知州

李 珉

李珉字美中衍輝洪縣人祖仲宜洪武間授御史不阿權要謫戍烏撒遂占籍焉成化壬辰珉登進士授寧國知縣寧國官田租重民田多爲旁豪兼併珉損益官民田而稅課以平公私稱便有白兔之瑞辛丑徵拜南道御史巡視上江捕僧寇千餘同巡撫王恕交劾中官王臣等暴橫蘇松再同御史徐鏞交劾中官汪直等羅織縉紳臣傳首江南中外稱快他如余尚書用兵失利中官梁芳等引用妖邪日勤章奏稱名御史乙巳命清戎四川疏奏貴州站鋪邊軍損糧遞送之苦上命站軍月支糧五十鋪軍月支糧三斗鋪站之糧自此始尋陞四川僉事子銳中弘治己酉鄉試

徐 節

徐節字時中其先壽昌人成籍貴州衛父資當正統己巳湖廣寇起清平道梗守臣請兵征討御史黃公

錦聞資有才略辟置左右是年秋七月黃公巡邊至羊場河猝與賊遇將爲所掩資奮挺直前厲聲叱曰蜂蟻羣孽敢害朝廷憲臣耶我分死之明年此際當殲爾醜類遂遇害翼日賊見之面如生遂遁去黃公幸免明年秋賊果平適符資臨終語鄉人因名其墓爲忠節岡節其仲子也幼習易於御史陳鑑大奇之遺以易義成化壬辰舉進士授河內內鄉知縣治行稱敏被徵吏民遮道悲慟衣履爲之分裂擢御史三上章數錦衣指揮牛徭罪惡屢劾相臣萬安等風裁凜然自太平知府擢雲南叅政連破梁山竹箐米

本朝分省人物考

九

貴州

本朝分省人物考卷百十五
係諸寇錄功食正二品俸遼右副都御史巡撫山西以廉正忤劉瑾矯制削秩罷歸瑾誅奉詔復職致仕節居官廉謹不忍擾民在太平荒政全活甚衆又例二驢于官解鄉人過郡以二驢送出境驛遞皆不與知比老自擬淵明生作挽歌行狀以示其門人汪沐訣別如平時決旬而逝年八十有六嘉靖元年嘗纂修武廟實錄有司以其事聞五年賜諭祭所著有蟬噪等集

孟震

孟震貴州宣慰司人成化庚子鄉果正德間任雲南

府教授修潔簡默在任九年未嘗妄言笑三日一課諸生今屬文違者輒笞責之諸生於父兄鄉黨稍有違犯無弗知皆恐守業不敢嬉遊郡中至今言教規必曰孟師兩典文衡六任教職皆有賢聲士大夫稱六學先生

楊禕

楊禕字希祥宣慰司人弘治戊午鄉舉性至孝母嬰心疾每一發輒顛往往如不克生禕號泣以隨露禱于神未以身代母卒哀毀骨立杖而後興竭力營喪葬具幾于毀性守服三年如一日甫舉於鄉父已垂

本朝分省人物考

卷百十五

十

貴州

白禕眷戀不忍離左右人強之仕不應終養十餘年父卒始授牒授新寧縣值流賊破殘之餘多方招撫安集士民懷德解組日亡以治裝家居訓子不入公門年八十餘卒子文炳府照磨文煥知縣孫其寧以寧俱府通判之寧府同知玄孫世華舉人人以爲孝子之報云

汪大章

汪大章普定衛人弘治己未遂士幼稱奇童年二十登第歷官叅政不附逆瑾所經官處卓有聲績咸祠祀之

越昇

越昇宜恩司人宣德間以經明行修召將校佐職會四川橋州宣慰司求經師以化夷俗遂授昇橋州學司訓導卒于孫三世孫英字德充剛方正直無戲言情行從以在湖南家口流落英聞關盡歸之年已二十八發憤讀書七年以弘治甲子中雲南鄉試任瀘州知州好善嫉惡守正不阿素宣歸行李蕭然家食三十年絕跡公門闔蔬圃于西園門外因號西園日靜坐其中作詩文自娛觀書錄子明農耕并諸無所嗜好卒年八十一

陳文學

陳文學字宗魯前衛人少事陽明先生弘治丙子鄉舉知耀州三年調簡不果赴杜門養病一切世故罔預稍閒即開卷苦誦倦則覓紙臨古法帖以自娛賓或至下榻清話論文談詩博奕蕭歌隨意所適至忘晷刻雖齋於治具亦未嘗不歡洽也自耀歸日者言歲將不利乃自作五果先生誌五果者其別號也後二十餘年始疾有客問疾談笑慰籍曰別矣善自愛客去危坐而逝所著有陳耀州全集

范府

范府字季修貴州官籍湖廣宜城人正德丁卯鄉舉

授巴縣學諭大賊藍旗起都御史見素林公召置戎幕一切章奏口授代草撫勸機宜預議未幾丁艱去補遂寧令遂寧東去縣治遠民多不馴府爲諭善長剪強梗倡亂者帖然增修石城不費財不妨農而功就緒至今屹然陞雅州知州蘆山縣隣天全招討司先是招討使高文林及其孫高維恩等占據蘆山頻年劫殺朝命討之遊擊將軍曹某與戰不利兵屯雅州大爲民害府乃請於當道散之身入招討司與副招討楊世仁約兵夾攻文林夜奔繼死林并繼恩逃

趙遠

趙遠字宗魯前衛人少事陽明先生弘治丙子鄉舉知耀州三年調簡不果赴杜門養病一切世故罔預稍閒即開卷苦誦倦則覓紙臨古法帖以自娛賓或至下榻清話論文談詩博奕蕭歌隨意所適至忘晷刻雖齋於治具亦未嘗不歡洽也自耀歸日者言歲將不利乃自作五果先生誌五果者其別號也後二十餘年始疾有客問疾談笑慰籍曰別矣善自愛客去危坐而逝所著有陳耀州全集

沈尚經

沈尚經晉安州人正德庚午鄉舉歷官廣州府同知才識明敏聽訟每得隱情而條守清白督學魏校毀淫祠寺觀勢豪多匿田土累至與訟尚經屢訟清查均其徭役與情應服權刑部員外郎

侯位

侯位字世卿平溪衛精平溪故無學位寄學思州府又爲思州人正德辛未進士初任平溪縣歷兵部郎山東參議南京光祿寺卿遷右副都御史巡撫應天其撫應天也會太夫人夏氏年登百歲乃自陳乞終養吏部侍郎霍韜議曰古者聖帝明王之御天下也

本朝分爲八物

卷一百一十五

靖州

巡狩至於方岳詢百年者就見之敬老也天下有百年之老太和元氣之徵也古帝王所以申敬也漢文帝三代以後盛德之主不時使人存問長老八十以上以賜米肉九十以上賜絮帛亦所以敬老也老者教焉所以勸天下之孝也皇上登極屢頒恩詔祇高年民八十以上俱令郡縣有司給賜米肉布帛有差凡以風天下而敦化基也今都御史侯位母夏氏壽躋百齡尤世希有是皆我國家敦大博厚之氣脉薰蒸衍溢鍾爲上壽天下生靈命脉悠久之祥夏氏孕和協瑞產自全是定我皇上龍飛之地又聖

德造命無疆之祥敬老尚年古今通義都御史侯位自任巡撫凡財賦之稽查百姓之存恤利弊之興革竭力効忠地方甚有積焉令拘於例難准侍親伏望皇上勅令本官照舊供職仍行湖廣撫按有司申敬老之制於夏氏加酒肉絮帛之惠則厚其親其子莫不勸移孝爲忠位將感激圖報愈無窮矣上曰侯位不准侍養夏氏着有司給絹米一時縉紳監以爲榮嘉靖二十五年太夫人百二歲卒位請祭葬廬墓所應車十餘年杜門寡交卽至戚弗與觀家在平溪徙辰州子孫仍居平溪平溪建學實自值始士至今德之

本朝分爲八物

卷一百一十五

靖州

王木

王木字子升清平衛人父漳貢入太學長清死令有惠政時劉璋奉使至漳以不折節忤璋廷斥之遂棄官歸行李蕭然木生而好學中正德癸酉鄉試登乙榜授隨州學正繼按交薦召爲南湖廣道御史彈劾不避權貴歲壬午大比士近臣主試弗公物議騰沸木糾之勸臣庄戶爲民害一繩以法貴戚欲手江南苦慙爲崇民無以自振疏出公帑賑濟多所全活海寇董勦等倡亂江洋木會兵勦之拜白金文綺之賜

入薦大學士楊公一清尚書王公守仁可大任時服其知人出爲雲南僉事整飭迤西兵備精覈羣吏獎廉黜貪而賦性校直初所論列權貴人共排陷之數年不調遂拂衣歸歸而嘯傲山林容與竹素晏如也先世室廬盡讓諸弟暇日課子若孫子學祖歲薦鄉登進士府同知煉舉人知縣煥歲薦教諭孫男培塿塾曾孫鏐俱舉人所著有東巡集晴溪詩集奏稿藏於家

田秋

田秋字汝力曾祖永富洪武初遊學思南因家焉正德甲戌登進士歷官禮科左給事中劉瑾初誅璫焰

卷百十五

十五

貴州

猶熾秋奉勅清查御馬等監裁縮至七萬夫食至七萬石查光祿大常庖厨力役又裁至二千四百餘夫因陳謹飼林慎稽考十二事斟酌未盡三事皆塞冗食之孔扼中貴之咽者都御史汪鉉奏壇郊外凡墳墓悉令遷平以擴壇址疏下涕泣載道秋疏略曰都城村落萬塚麟次懷土重遷夫人常情而經發朽骨尤傷孝子本意欲以致天地之享反以傷天地之和甄入忤旨而澤及枯骨矣思南僻處一隅流移嘯聚會稽蠶桑秋請設兵備貴州往貴士赴試雲南歐涉

甚艱請另立選闈以寬制額疏入從之肅皇修飾山陵豫建壽宮大臣首進開礦之策極陳其不可者三役試行之節御史先以平解礦石六十斤工部煎銀止十五金而解官王愷稱搗夫百名防軍百名燈油槌鑿廠房饋廩費不下百金是所出浮於所入而礦所地名荆子谷密週邊牆又易起釁復抗疏乞罷歷陞廣東右布政上疏請告病革革訓子略正衣冠而化所著有西麓奏議若干卷

盛全

盛全普安衛戍卒家貧而孝母恒疾齋戒三載弘治己酉三月母病革不能爲藥度勢不可活詣城南龍王廟齋沐秉虔仰天禱焉質明剝腹出其肝剖之死而復蘇持歸與妻和羹以食其母衆聞奔至廟血跡在地壁書盛全爲母四牛恐死患及鄉人也有司憫其孝給之醫藥七日而瘡母疾亦瘳正德丁丑卒諡田林廷弼賦普安盛孝子歌廷弼林見素先生也

華剛

華剛都勻衛人監生正德間以杭州府判陞彌勒知州明察強毅有爲有守十八寨賊首阿勿等聞名喪膽輸納通稅甚月間法令大行惜以狷介見忌於鄉

倅卒于官州父老至今頌之

湯 嘯

湯學字伯元貴陽人年十四失恃繼母韓性嚴重諸子弗敢近弟邦鼎皆亡去惟嘯委曲承事卒以孝致其慈正德戊辰王伯安先生謫龍場嘯師事之嘉靖辛巳成進士歷官南戶部郎中守潮州潮劇郡剖決如流至廣濟橋稅關元寺祖毫無所滯滯紳請托不少徇濟之再三則糊刺堂壁以慙絕之由此銜恨刺骨甫三月改肇昌便道歸省其在任思親有腸斷九迴情獨苦仕逾十載養全貧之句居無何中飛語歸

成明今有公名

卷一

一

貴州

真年以詩自娛與陳栗山唱和爲多所著有逸老閒錄續錄若干卷性孝友二弟出亡從滇歸獲邦於晉城爲擇室助背援例歷官登仕佐郎惟求鼎不得每以爲悲卒年八十一子克俊新與州知州孫師項今爲順天府通判師黃祿豐知縣

楊振文

楊振文宣慰司人嘉靖壬午鄉舉守達州政平易不事苛刻歲大旱又多虎貢躬禱神雨隨注一日虎驚者三民德之終臨洮府同知孫秉誠雲南副使秉鐸同知起義舉人

顧 聖

顧聖字天厚其先無錫人成籍貴州嘉靖壬午舉人由弋陽訓導知樂平縣寧樂平素悍頑前令悉敗去堅獨飲怨任諱不卒於所樂平大治遯南道御史改北按甘肅邊境輯寧出爲雲南會寧山西左參議以南人不習水土疏乞休致仕晉人泣送不忍去是時山西御史黃公毗微二司曰顧少參見道分明蒞官勤慎作卷毫於振鐸並駕蘇湖數膏澤於鳴琴齊聲召杜立臺爲朝端之鳴鳳分泉則旗南之赤麟山右旬宜萬井沐紫微之露北窓幽雅角巾睡栗里之風

成明今有公名

卷一

一

貴州

豈特知止於功成悉已先登於道岸某不能繫馬維駒有孤宿志親擊攀轅臥轍益驗去思其見重如此歸年甫艾杜門謝事精於醫理凡疾莫能治者輒投以藥隨手取効活人不可勝數至於陰陽星命百家靡弗精造鄉人有疑戚就正焉應若洪鐘纖悉不爽卒年八十一

許 奇

許奇字文正貴州衛官塘嘉靖辛卯鄉舉授巨津知州巨津夷地故無署奇借寓于真寇檄交馳道路以次蕩平谷太和昆明鄧川趙姚皆塞帷之地大著接

聲五載憂去復補豫勸州四載遷順慶同知性謹厚尤大有執持若事關利害持之更急會有巨寇爲民害者業已就擒廣行賄囑爲解監司欲釋之力陳不可遂大忤監司又鹽課無徵者院議均權於糧奇建白以爲誤生於井糧生於田齊民無業於井而使代鹽是甲疽而乙之困也又大忤直指免官歸以伯子一德貴封御史一德辛未進士御史副使仲學德知縣季裕德府同知

趙維垣

趙維垣字師德永寧衛人嘉靖壬辰進士改庶吉士

授刑部主事以註誤下獄得釋謫大名維垣長詩歌

善樂府在大名著攻玉集自爲序歷官雲南提學副憲福建左布政使永寧以芒部之亂遷西守備邵鑑請設叅將叅將劉鍾建府伐石題名而維垣爲之記人咸以爲名言者述甚多今多逸惟攻玉集存於家

李渭

李渭字湜之思南府人生有異質十五病肺屏居小樓尋暑散髮箕踞父中憲公富以無不敬飭之卽奉而書諸牖目攝以資檢束第覺妄念叢起中憲又以思無邪飭之又奉而書諸牖久之妄念漸除恍惚似

有得於是專求本心未與人接自問曰如何是本心既與人接又自問曰本心是如何嘉靖甲午舉於鄉蕭然布素計借以一僕自隨讀孟子伊尹耕莘章則曰堯舜居民事業自一介不取始交際豈可不謹乎卯將公信視學貴州謂謁之因陳樓上樓下光景蔣公曰樓上是假樓下與朋友譚笑却真至一介不妄取蔣公曰此猶然樓上意思在理理然小入哉渭愧甚以爲學十四五年只成得一個理理小人人不覺面赤背汗淋漓也由華陽知縣和州知州擢高州府同知至則謁湛甘泉先生於小嶼峒中嘗宿廉州公署

二

曰滑於人者獨愧見道服未醒耳鑲必爲聖人四字印而布之海內嘗曰孔子毋意孟千不學不慮程子不著纖毫人力皆是不安排知毋意脉路卽日夜千思萬索亦是毋意知無纖毫人力脉路卽人一已百人十已千如此用力實無纖毫人力學是學此不學應是應此不慮知得不學不慮脉路任人只管學只管應都是不學不慮濯漢左恭政近溪羅公爲屯田使渭至與之合併精神學益進門人歌青山綠樹詩因論天理人欲浮雲人間作雨天上常清常明狂風江中作浪流水不增不減知得常清常明不增不減

八月八日

命字

三

貴州

五

方是學問以明月青山綠樹爲天理只是頻復又曰無不知愛無不知敬兩側無不知是天地靈竅吾人通天地民物死生皆是物本體原無間斷學者不可在起滅上做工夫任他千功萬行終做不成如樹無根縱日栽培灌溉終成枯槁予昔日工夫亦有起滅被近溪大喝通身汗淚從出這身汗自是欲罷不能自言已於此學人白下時覺與官和州時不同登天台時又覺與白下時不同與近溪遊月巖又覺與前不同所著先行錄答問毋意篇合大學中庸易問雜著詩文統十卷又著家乘十二卷藏於家大儒治規

三卷行於世

蔣宗魯

蔣宗魯字道父晉安衛人母羅夢虹飲井而生國號虹泉嘉靖丁酉雲貴分試遂中式放榜之辰黃龍見雲漢間其光如電下徹於地巡撫汪公曰此科目之光聖世之瑞也諸士當有應者明年成進士授濟令蔣故魯輔劇邑德最難均乃夙戒白坡陸神曰審編民命攸繫魯若私神勿俾還家里老吏書等若私神勿俾保有妻子遂約法定則盈縮高下一準於田產有里長趙某者戶本上上誣爲上中越數日其妻抱

大村公有命字

卷之二

三

貴州

嬰踵門泣曰妾夫欺公神暴亡之矣夜聞鐵索聲請乞如舊保二孩及遺業邑人稱神君焉遷戶部主事監昌平儲題其座右曰入母重民胥民賄出毋輕軍衣軍食比守成都明望晉於神曰食饗害民天必譴之忠君愛民天必佑之有利卽興有弊卽革凡我僚屬相與勉之是時滇江逆首那鑑殺侄倡亂誘方伯徐公樾殺之士卒死者萬計天子震怒簡魯備兵臨元至滇喟然曰吾本家難而貽禍於國業已成我方面大臣損我威重而復窮於兵禍難卒弭乃悉解諸軍若無意然者獨遣指揮汪輔以署印往密授

方略卒不遺一矢那遜自殺餘黨就縛歷河南按察使時伊府肆虐人莫敢指魯首舉其惡竟寘於法而出兩河民於水火東川土司諸部有阿堂弑主自立惠蔓三省晉官右金都御史撫滇魯曰是猶那鑑也兵不在多貴謀耳未入境乃陽擊各調兵而陰以土兵敗賊於野馬川賊氣阻然後以安萬鎗正兵臨之設奇嶺伏於是阿堂授首俘其子阿哲不數月而平魯撫滇持風武尚大體與分宜忤乃告老所著有治藩政議齊梁記錄吳關奏議牧政事宜撫臺疏章并詩文集藏之家

敖宗慶

敖宗慶字汝承一字應昌恩南府籍少讀書中和山與同社龔仲霄費恒稱三友云三人皆後先登仕籍嘉靖戊戌宗慶成進士授行人久之擢膳部郎分治鐵冶鐵冶役夫殊困楚憐之寒給之衣病療之藥所全活甚多適化故無井泉軍士酷夏多病渴令多時梨至今賴之草場利入故饒即以充匠役鑄金灼瓦之費而宅無所泄陟蜀憲副備兵松藩松藩僻在西陲糜餉獨倍轉輸者輒乾沒其間爲報藩司得親給便又故事賞餉歲計不下數萬繙出自公帑茶椎亦

不下數萬繙以充賞皆編緝然如寒潭澄江徹底無所澤機其據介如此晉廣西廉憲會戊卒調備倭其往來桂林間咸虎而執雞犬靡寧當事輒以盜捕治之曰戊卒未應募先皆羣醒耳既爲酋長招來之所趨惟利況酋長又半匿其側而半給之奈何不掠也一旦卒歸欲責以秋毫無犯難庸詎盡死數百人者不報揭此三上臺使竟不報乃作而言曰殺人媚人吾不爲也吾寧以一官博數百人爭之益力竟出之癸亥晉副都御史巡撫雲南鐵嶺青類年干櫓遠也騷動一一指授石盡卒奏奇功以病眩屢請歸弗予竟以閑住放歸

李佑

李佑字吉甫清平衛人嘉靖丁未進士授南大理評事陞寺正丁巳春三殿災改繕部往董川貴大木深入嵐瘴不辭險阻一時報發獨多而又不似他株木使者侵掠尚賈第令有司出納終其役嶢然無滓鉅工攸濟於是名愈崇重遷江西副使備南贛兵事南贛者盜藪也自陽明經略後垂數十年萌蘗滋長歲辛酉殺汪憲副猖狂彌甚佑蒞事決辰卽單車入岑岡三巢營曉李文彪謝九樟諸副賊爲福各飲東聽

命定是南縣控制諸異無幾何廣東賊煽亂廷議請
復設撫臣公在廣東有大勞遂用府其地當百務
期造無所承望宗理局密鑒令嚴明省汰冗費雖羽
檄紛馳但何絳繹未嘗增歲額外繕兵甲造艦修
城郭練士卒固始奸宄如海賊林道乾山寇張韶南
等皆次第殄除所向無不摧克終唐國提督相繼十
餘上受金幣之賜者十有三賜題書論勞竟以病歸
未幾卒所著有南法寺駁稿六卷撫粵疏草八卷詩
文四卷

劉秉仁

劉秉仁字子元貴陽人父節齋爲國子學錄而平湖
陸翁者亦在六館仁隨父遊長安與陸公子更部尚
書光祖皆總角會林祭酒講於堂間壁後有人聲則
仁與光祖在焉召至試題大驚賞謂兩公曰二子並
他日公輔器其識之嘉靖丁未成進士補江西德興
縣知縣以公平惇悌稱有反風滅火之異陞工部都
水司主事惟稅杭州秋毫雁渥令三殿災改營繕郎
中調度將息言請宜括天下藩司幣金仁以貴州
鎮守之役時未歲定單與交馳力疏不可詔貴州
母以金進民月少又大工竣陞光祿少卿歷右金

都御史無治郎陽疏言鄧陽孤懸萬山地連四省先
朝設郡經吏止罔縣治軍民耳目未一起向靡定大
盜寇何鈞據後斯卒至釀成大患甚非除戎器以戒
不虞之意願假臣提督給以旗牌俾得專意軍務
上報可鄧陽之加提督軍務自秉仁始致仕歸別墅
有翔雲閣澗漪亭遊息其中絕意于進擬接交章薦
凡二十上竟不召家食二十五年與二弟愉怡壘班
欄起舞稱壽二尊人歲時馳甚已二尊人相繼捐館
亦以哭泣踰禮卒

陳珮

陳珮字鳴仲其先廬陵人附籍銅仁舉嘉靖庚子貴
州鄉試第二癸丑成進士授行人以忤分宜故官齟
齬不遂終交州府同知嘗銘其座右曰士大夫能以
居鄉之心居官必無寬民能以居官之心居鄉必無
請託人以爲名言子揚產吳產周產皆鄉舉揚產舉
萬曆甲戌進士黔中父子進士止珮與普安蔣氏清
平李氏普定梅氏四家云

孫應鑒

孫應鑒字山甫清平衛人生之日適衛人饋六鯉因
以名就塾受業日誦數千言正襟危坐求解大義年

十九以爲士應鄉試督學徐公樾一見大奇之許必解額於榜果以禮經中第一人癸丑成進士選庶吉士改戶科給事中出補江西僉事流賊起釋禦有法一道安然九江三百人誤坐賊黨一言出之未幾遷陝西學副使實意作人身先爲範在秦所取士悉一聘名士以爲賓參政士苗蔚兆乾就參將賈慶以叛都御史谷公烈入黨曰參將與天子誼輕昔英宗北狩于慈肅公數語回威威振卒返英廟今者豈恤一參將邪谷從其議險北乾孽竟免於害陞慶改元陞僉都御史巡撫鄖陽因境內災疏請勸學八月八日

矣宜徵天下舉人入監祖宗設太學非舉貢非勳賢恩廕不入祭酒司業爲朝廷作人於內提學爲朝廷作人於外必在內樹風教而後在外振紀綱今提學所積斥者盡歸之太學倒置若此則太學母乃爲視學藏垢匿瑕之所爲生員不才者之通逃數與甚且至愚不肖貨一入咸劇其中太學之汙穢極矣疏上俱著爲令丙子八月竊幸太學黃華處書無教逸欲有邦進講上嘉納命生賜茶燕驛典云以病予告等學孔精舍於西城之陽起刑部右侍郎學南工部尚書李賜祭葬萬曆十寅賜諡文恭所著有易談四書近語教秦語錄雍論彙稿續稿春秋節要律呂分解等集傳於世

馬廷錫

馬廷錫字朝龍宣慰司人初仕內江令二載卽解組歸師事則州蔣道林講學於桃岡精舍數年始歸與孫淮海諸公聚講越山又於瀛嶠構棲雲亭趺坐其中三十餘年有悠然自得之趣嘗著勸靜解曰萬世精通乃是聰明枝葉一塵不染可窺心性本根又著自警辭略曰抱守初心周旋世務精誠必貫乎金石志行必合乎神明必振精神極清以至於極定始長學

長明以至於長存微頭方了道亦手莫言貪其勵志
如此嘉靖三十六年巡按御史金谿王公紹元薦之
於朝疏入不報四方士益尊仰之督學萬公士和請
入書院爲諸生師其所著有漁磯集警忠錄沒祀鄉
賢

柳之文

柳之文普安衛人有勇略官至守備嘉靖二十七年
銅苗弗靖撫按檄領兵討賊賊卒至京片驚潰文仗
劍曰彼獨非命何乃畏之陳有先逃者斬後賊大至
文以數賊後無援兵竟亡於陣木幾賊首龍許保
就擒之賊曰石叅將不要錢柳守備不怕死吾是
以就擒耳總督撫按議於銅仁立祠祀之

石邦憲

石邦憲字希尹清平衛人方在娠庭前有千葉榴結
實甫十歲苗夷迫城憲于階下立壘持標額當一隊
識者壯之嘉靖七年築衛垣俾使九年都清守備時
四川流賊合思石苗民據江村圍叛會大征命下憲
視其嚴壁高僅二丈令軍士積草崖下軍中選一少
年何全謀充千戶與賊交質給以招撫全往探賊食
盡守者皆婦人即從圍上一躍下大軍鼓譟急攻斬

首百餘級磨子崖固苗盧阿項等反撫之不服調漢
土兵進征春江雨漲意令軍士編筏徑渡猝至崖下
夜防刼營是夜果至伏兵斬首數十級鎧仗盡棄賊
求援于播州諸將皆恐憲曰安萬全陽烈所畏也調
水西兵三萬進次烏江聲問罪烈美暇校人復每
路分兵迭緝以疲賊時二月沿路桃李花乃集兵犒
勞曰吾以鼓催桃花花速開則即破矣是日午報桃
花盡開又令樹旗百步外曰吾軍中旗字賊父子俱
擒一發果中軍中踊躍遂大潰大燭燭大斬關而
登生擒賊父子斬首無算二十九年銅仁劇賊龍許
保吳黑苗等據六龍山爲穴日事剽掠進攻銅仁等
府楊參將以招撫被擒撫臺以進攻遂擊三省震恐
當事者乃議設總制于是張公岳開府沅州憲見督
府曰興師十萬日費千金某謂以夷攻夷者便以一
日費而撫其順者爲腹心以一日費而賞其順者以
誅叛不一年而賊可平賊逼銅之南岸憲率兵往援
諸苗驚謂曰石老虎來也不敢復窺銅仁乃由間道
襲破思州陷石阡府憲領兵進勦大破之龍塘追之
董苗山斬賊于餘賊勢日蹙於是相厚營招吳來格
等內附已而許保擒黑苗授首數十年賊黨始滅陞

都督府僉事鎮守貴州賜黔六龍山殘苗悉平遷右都督特進榮祿大夫前後蒙欽賞者十四陞俸級者三廕二子隆慶三年卒賜葬祭贈左都督

李梅

李梅字元年貴州前衛人爲諸生累試高辛三十年竟不偶會從孫蒙亨舉於鄉遂誦學官曰李氏讀書今有種矣何必乃公杖策偕蒙亨至出桃源蒙亨方就婚令舍今以父行事之攝除外舍人暮夜引百金爲壽叱去之絕口諱其事令應知之大嘆服伯兄官大寧諭卒梅奔赴迎觀歸中流舟覆身翼視浮水上誓與遺骨俱葬江魚已救至得免若神相之者業師家病疫死喪相尋同舍咸避去梅曰死生有命在三之義寧能忽然躬醫藥調護之卒亦無恙以子時華貴封重慶推官沒祀鄉賢萬曆辛丑覃恩贈御史

陳尚象

陳尚象字見義貴州都勻衛籍登萬曆庚辰進士癸未授中書舍人戊子遷戶科給事中屢彈白簡卓有風裁給假送母還丁王母喪庚寅復除本科辛卯主考四川陞刑科右壬辰建言忤上旨賜璽幸于家

楊如皋

楊如皋號師虞貴州銅仁人弱冠登萬曆甲辰進士授玉田縣令調停養馬之法最有方略地方稱便奴酋入貢經其邑需索不貲從中多所幹旋邑民恃以無恐選入雲南道御史中立不倚論列悉關大計一時正人君子藉以爲重未究所施而卒卒之日僅三十歲耳

吳鉞

吳鉞都勻人幼孤鞠於伯氏嘉善初從桐城歸尚未知名時鄒公爾瞻謫勾得鉞卷擊節曰此黔第一士也聞者駭之已督學李公學一馮公時可後先教勾士俱首鉞萬曆壬午舉鄉試第一鄒公時易以正學鉞默默領之不吐一語鄒公去勾鉞益下惟自砥礪聖學有圖日課有紀至經手自抄寫勾士多從之遊鉞亦毅然以師道自任夜潛坐常至鷄鳴讀書聲朗朗徹曉思及父母早幼淚沾沾下坐是多病連上春官不偶竟卒食亡以爲殮同年侍御李公時華助之歸

許鑑

許鑑字國器貴州石屏人進士知嘉善蒞任務崇節儉訪民疾苦有耆老董申留心卹救洞悉江南利弊

畫均得均平等數事鑑得而奇之上巡按龐公力請
從其議龐卽具奏立條鞭法著爲令甲考績至京拜
御史官終僉事

表揚錄續編不分卷

〔清〕尹嘉銓撰

清乾隆三十七年刻本

上海圖書館藏

表揚錄續編引

上海圖書館藏

古者五屬十連帥維方伯今也

承流宣化任重于蕃欲職業之

克修每比年以考校歲終彙

題節孝實為風化之大端當事顧

以具文視之賦政于外安能四

方爰發哉使者不敢出此上年

面奉

恩命自東徂西來旬來宣即以文教

文易象

三人引言

壹

為先務顯護賢家適屆改歲請

旌節孝七人拜疏之後即將事實刊

布所屬以發潛德之幽光今年

舉報倍多美愛斯傳何容束之

高閣爰續編以勵門內之修云

乾隆三十七年冬十有二月朔日

諸投通奉大夫甘肅承宣布政使尹嘉銓題

陳孝子煥聲事實

陳孝子煥聲大通縣學生員父爾琯歿時甫七歲即有至性哀毀骨立十二歲母蔡氏遭疾無力製褥因母飲食蘿蔔乃往園中它取得銀三兩以製被褥有餘人稱天賜孝子焉母又患胃疾醫言陳倉米可愈鄉中缺乏煥聲徒步赴西寧購米出城則已夜矣至紅崖灘遇賊將剽衣物煥聲以實告賊亦憐之送至臨莊而去母得食陳米即愈人謂孝心格及

未揚錄

孝子

壹

強暴云

煥聲行七上有兄長六人伯仲繼亡四五兩兄意欲分居母不能止煥聲涕泣苦勸以祖先七世同居無故分折何以見于九泉兩兄感之翕然式好迄今男女四十餘口同焚共井焉人謂孝心格及宗族云

煥聲子乾隆二十九年入庠至三十二年正月母疾篤奉侍湯藥晝不離膝夜不解帶及母歿棺殮衣衾無不盡禮葬於下灣東山之麓

離家十里結廬墓側獨居三年壹夕焚香墓

前有青狼二隻咆哮而至煥聲呼母額天狼亦掉尾而去人謂孝心格及猛獸云

煥聲性好周急乾隆二十五年糧價昂貴遂以所得館金濟貧有族婦王氏衣食無資周以布粟不使凍餒又有族姪陳世利之母病故無力營葬為之給錢買棺人有因飢寒而行竊者煥聲規以廉恥借給資本謀生鄉里聞而興感

表揚錄

孝子

侯孝子事實

侯孝子麟角奉其縣庠生侯寶三之仲子母蔡氏
早歿其父繼娶錢氏而年就衰手顛不能舉箸
束帶麟角日侍左右未敢暫離數年父卒朝夕
供奉飲食如生時入山觀麟漆木良材時值嚴
冬必宿墓所以理之葬時痛哭幾絕觀者莫不
含淚

麟角事繼母甚孝侍疾不避瀉穢親率其妻張氏
時易簾馬愛敬無已四十九歲病革囑其子曰

孝子

三

三

吾死後汝若稍違祖母非吾子也既歿繼母哭
之喪明

康節婦孫氏事實

孫氏安定縣人雍正癸卯科進士廣西遷江縣知縣孫昭之女十八歲適儒童康克勤為妻未及期年夫故守節四十壹載現年五十九歲

歲

氏于歸時夫年十七已染危疾沿俗街喜同室兩夜夫伯康倫恐克勤滋病即與伴宿令氏與孀姑同處以至夫歿無子族姓勸氏改適氏以死自誓姑媳守節備歷艱辛氏事姑曲

家務錄

三本 節婦

五

盡孝養全賴十指作生活計姑年已逾八十康強無恙皆氏孝養所致

氏矢志守節伯翁康倫憐其貞操以次孫建為之嗣生未彌月氏撫養如已出恩勤並至及長供給讀書遵母教早歲入庠受室生子氏上奉老姑下撫幼孫家庭之內融融如也論者以為節孝之徵

范節婦段氏事實

段氏會寧縣氏段如雲之女十七歲適儒童范樺為妻雍正十壹年夫故守節四十載現年五十九歲

氏事翁姑盡孝飲食必親烹調氏嘗患難以翁患病猶日夜調治湯藥無少怠翁沒後遇姑病劇氏願以身代姑曰汝子汝孫須汝養育當念祖宗嗣續之重吾年已老歿亦何憾姑尋卒氏哀痛迫切幾於殞命

家務錄

六本 節婦

二

氏夫故時遺孤方四月恩勤鞠育七歲即命受學於伯叔以故早年入庠旋食廩饌至今子年四十猶勉以學業不令少輟

氏有二孫教孫嚴如教子長孫年方十二小學四書已成誦兼讀詩書禮三經見者器之氏好周濟有甥張效式幼失恃向肄業于氏家衣服飲食惟氏是賴乾隆十三年染疫甚重氏盡心調理得以無恙效式後登壬午經魁任平遠州牧皆氏維護之功

趙節婦徐氏事實

徐氏寧夏縣癸卯科舉人徐朝桂之女適監生

趙秉鉞為妻雍正十二年夫故守節三十九

載現年六十三歲

氏相夫五載克盡婦道夫故號泣欲絕親族諭

以大義始勉強進食

氏夫故時其姑已歿老翁在堂備極孝養實能

以婦道而代子職

氏生三子無子翁歿時尚未承嗣氏朝夕哭奠

表揚節

壬辰 節婦

三

哀痛於叔翁以三弟之子曰溥為後撫如親

生恩並至稍長即令就傳遂得成名以綿

宗祧

劉節婦楊氏事實

楊氏汝道州民楊國玠之女十七歲適偏童劉

瑜為妻乾隆四年夫故守節三十四載現年

五十二歲

氏夫有疾氏食不下咽夜不安寢夫故乘隙懷

刃將以身殉家人窺見奪之勸以翁姑在堂

毋重貽憂氏廼稱未亡人

氏夫故遺腹五月生子詰士氏撫育成立器列

膠庠早生二孫鄉黨皆謂節孝所感

表揚節

壬辰 節婦

七

氏翁姑年老牙齒半落氏每飯必親調軟美以

進至今翁姑俱存年適古稀康強無恙實為

孝養所致

師節婦潘氏事實

潘氏狄道州民潘滋桐之女十六歲適監生師聖璽為妻康熙六十年夫故守節五十二載現年七十歲

氏奉事翁姑並庶姑邊氏竭誠盡孝始終不懈家無間言

氏夫故時披髮搶地幾不欲生親族勸以事若撫孤為重氏垂涕受命二十餘年未嘗預慶弔之事

交易錄

三

尺

節婦

五

潘氏

氏夫故時長子兆用僅二歲次子利用夫歿後三月始生氏恩勤鞠育延師課讀雖嚴冬盛暑不令稍怠

氏次子早亡待寡媳劉氏不異生女又撫孤孫不辭勞瘁

任節婦仁氏事實

任氏狄道州民仁三愷之女十七歲適儒童任正譚為妻乾隆五年夫故守節三十三載現年五十壹歲

氏持身勤儉夫夜讀書則辟繡相佐至夜分不怠

氏夫病革以親老子幼為念氏答以養老撫孤矢死靡他夫心寬慰乃瞑目氏慟哭幾絕者三至今語言嗚咽不已

交易錄

三

尺

節婦

六

任氏

氏事翁姑黎明即起每問飲食所欲而亟進之及翁姑薨歿氏經營喪葬無不中禮

氏夫故時遺孤甫二歲長而延師課讀不稍姑息

左節婦楊氏事實

楊氏寧州貢生楊茂材之女十八歲適儒童左從中為妻雍正七年夫故守節四十四載現年六十四歲

氏性醇謹姆教夙嫻于歸後相夫克家有舉案齊眉之風

氏事翁姑馨儀潔饁晨昏靡間生養死葬終始無違

氏夫亡時遺孤在襁褓中養育數歲而獨膝下

文忠錄

卷之九 節婦

七

無依家計益窘藜藿充腸糟糠延命親族莫不憐其窮苦

氏喪子後不忍故夫絕嗣氏育姪左佺為子愛同毛裏殷勤勸學因而感激成名克綿宗祀

楊節婦姚氏事實

姚氏伏兔縣庠生鄉飲介賓姚仁再長女十七歲適儒童楊邦譽為妻雍正十二年夫故守節三十九載現年六十四歲

氏夫將死永訣曰我舍雙親而長逝死有餘憾爾將何之氏哭對曰君放心妾必不負君也及夫喪氏投地長號欲身殉翁姑流涕勸慰氏乃含淚吞聲經理喪事茹苦拮据孝養翁姑不辭勞瘁

表揚錄

卷之九 節婦

八

氏夫故時遺兩女壹男兼以家寒人皆慮其志不克終氏慷慨對眾曰吾夫所天親老子幼若有他志其將誰依于是勉力支持以紡績為生計迨後翁姑下世喪葬盡禮女嫁男婚無不周到人謂以婦職而盡子職以母道而兼父道邑令聞之採其行實已登縣志

門節婦宋氏事實

宋氏伏兔縣庠生宋科之女十六歲適儒童門作聖為妻雍正十三年夫故守節三十八載現年六十三歲

氏幼習庭訓畧通四書孝經大義于歸後相夫誦讀雖嚴寒酷暑未嘗少懈

氏事祖母姑極孝壹蔬壹飯必甘必潔事翁姑益加承順妯娌之間處以和平是以上下無

怨

妻易錄

七及

九

氏夫故時遺子門特立甫二歲氏欲從死絕粒數日祖姑抱子晝夜哭勸氏乃進粗糲撫育幼子以至成立

氏夫故後雖祖與父母在堂問疾而外絕不歸寧親戚中罕見其面女紅之外絕無他務

氏翁姑相繼而歿喪葬盡禮教子備極辛勤邑令為之頌額曰苦節足風

冠節婦黃氏事實

黃氏伏兔縣人十七歲適儒童冠承召為妻雍正三年夫故守節四十八載現年六十八歲氏于歸時值翁授徒于外相夫迎養以盡婦道人皆稱孝

氏夫故悲號不止殯殮時壹痛幾絕姑黃氏悲泣喚醒曰汝死姑老子幼將誰是賴氏乃節

哀經理葬事

妻易錄

壬辰

十

氏姑因子傷哀痛成疾氏與質衣物延醫調治姑疾遂愈今謂孝心所感

氏姑每念門作哀薄孤苦零丁氏仰體姑志將叔翁之子冠順召冠從召為之娶妻成家邑人稱曰此婦以媳代子養身養志承宗承家兩無所忝

氏夫故時遺孤秉忠甫四歲恩勤周至為之延師訓誨其子身弱未獲成名而篤志小學品行端方有三孫俱幼均令讀書邑侯憫其家

教給匾修入縣志表其特節

劉節婦紀氏事實

紀氏武威縣民紀文斗之女十七歲適劉宗向
為妻雍正十二年夫故守節三十九載現年

六十三歲

氏事翁姑甚得歡心持家儉約備極勤勞及翁

姑歿後哀毀盡禮鄉黨稱之

氏夫故無子誓欲身殉族人以姪承嗣不冬又

殤親族勸其改適氏因乘夜自經隣人知覺

力救乃甦族人復以從堂孫承祧氏恩勤鞠

不易錄

三辰

第

士

育如自己出其苦節守貞遐邇咸為嗟嘆

龔節婦袁氏事實

袁氏武威縣民袁照之女十九歲適龔爾任為
妻雍正十三年夫故守節三十八載現年六

十歲

氏夫故時其子甫三齡值家貧親老翁姑勸令

改適欲得嫁資以自給氏抱子嗚咽絕粒數

日翁姑見其志不可奪旋為寬慰氏事翁姑

備極孝養及翁姑歿喪葬盡禮哀聲感動閭

里

表揚錄

士辰

士

氏教子維嚴時加督責卒使成立克綿宗祧

以母儀而兼師範

程節婦李氏事實

李氏古浪縣土壕泉垠人十七歲適廩生程元吉為妻雍正十二年夫故守節三十九載現年五十八歲

氏于歸四載而粒食維艱其叔舅勸令改適氏曰姑老子幼何所依賴誓死不從茹荼完節氏家甚貧截髮紡績養姑無怠及姑壽終祭葬盡禮親族皆稱其孝

氏夫故時遺孤程珍甫八月氏撫育成立母儀

表揚錄

壬辰

節婦

可風

氏夫弟程元慶夫婦早逝遺姪程介無所依賴氏撫如已出成其家室鄉黨皆稱其賢

俞節婦宋氏事實

宋氏古浪縣長流垠人十七歲適俞理為妻乾隆六年夫故守節三十二載現年四十九歲氏家甚貧無以謀生藉女紅以易薪水雖嚴寒酷暑晝夜不停鍼指菽水奉親備極孝養及親歿喪葬皆能盡禮

氏成室踰年即遭夫喪遺子俞大力甫三月氏鞠育成立課耕養家其子服田力穡恪遵母教鄉黨稱之

表揚錄

壬辰

節婦

古

王節婦汪氏事實

汪氏寧朔縣民汪朝棟之女十七歲適王義為妻康熙六十壹年夫故守節五十壹載現年七十歲

氏于歸後善相夫子必敬必誠自夫亡毀容剪髮誓不二天經理夫喪盡哀盡禮隣里莫不欽服

氏夫故時遺孤尚在襁褓盡心撫育稍長朝夕教誨其子得以成立人皆稱為母訓有方云

表揚錄

三辰節婦

五

李節婦沙氏事實

沙氏寧朔縣民沙騰龍之女二十歲適李雲騰為妻康熙三十四年夫故守節三十三載卒年五十八歲

氏于歸時翁年已逾七旬染患癰疾其夫又孱弱症氏洗濯衣衾穢惡之處極其周到毫無怨嫌

氏成婚七載而夫亡椎心泣血誓不二天後母家憐其清苦欲令改適氏嚴詞拒之遂少歸

表揚錄

三辰節婦

六

寧

氏家赤貧晝親晝離夜勤女紅養姑育子皆賴十指所出姑歿貧不能葬晝夜號泣百計圖維以營喪葬心力俱憊後遂吐血而卒

氏夫故時遺孤甫五歲氏恩勤顧復命就外傳後因家計艱難教子力田事母以孝聞孫二長德恒歲貢生次德豫廩膳生聖人咸謂節孝流芳云

孫節婦韓氏事實

將氏寧朔縣民將馨之女十九歲適廩生孫開
勳為繼妻乾隆元年夫故守節三十二載卒
年五十三歲

氏于歸三載即遭夫喪藉織紉以備承嘗代夫
盡孝大義克敦

氏夫故時子方孩提鞠育辛勤稍長篝燈課讀
卒使成人

氏秉禮守義言笑不苟終身無改素履壹範可
永揚錄

風

之辰節婦

七

劉烈婦沈氏事實

沈氏汝道州民沈天廣之女十六歲適儒童劉
伉為妻乾隆三十六年夫故殉節時年十九
氏繼姑張氏僅長于氏二歲氏奉事極敬深得
翁姑歡心稱為賢孝

氏夫夜讀書每紡績相伴至中宵不輟翁姑憐
其勤苦

氏夫染病卧床月餘氏親奉湯藥備極辛勤夫
病革氏即披髮搶地誓不獨生是日投繯殞

永揚錄

壬辰烈婦

大

命家人解救不甦隣里皆哀其節烈

新節婦馬氏事實

馬氏皋蘭縣人年十七適靳登東為妻乾隆五年

夫故守節三十三載現年五十四歲

氏夫故後老翁在堂家無餘丁農務維艱凡籽糧

播種氏以婦代子皆親歷其事不憚勤勞

氏事老翁克盡孝道家雖貧苦菽水未嘗少缺及

翁歿棺槨衣衾百計籌畫皆能盡禮

氏夫故時遺子斯文煥甫三齡氏恩勤顧復意則

力田夜則紡績辛苦自甘以母兼傳及長延師

表揚錄

壬辰 節婦

課讀遂得入庠人皆稱為義方之教

楊節婦張氏事實

張氏皋蘭縣人年十七適楊爾楠為妻雍正九年

夫故守節四十二載現年六十八歲

氏夫在日家道貧寒多在外耕作氏菽水奉親不

怠人稱其難

氏夫故後祖姑與翁姑年老在堂氏曲意承歡內

外無間言未三年祖姑與翁姑相繼而歿壹切

喪葬無不盡哀盡禮

氏夫故時遺腹兩月生男未幾夭亡氏傷慟失明

表揚錄

壬辰 節婦

妯娌憐其清苦以胞姪楊之碩承嗣氏脩歷艱

辛撫育成立克綿宗祧

程門雙節張氏暨閻氏事實

張氏西寧縣民張緒曾之女年十七適程肇麟為妻康熙五十壹年夫故守節六十壹載卒年八十六歲

氏于歸時翁姑俱週花甲家道清貧氏佐夫耕織以奉雙親越九年夫故遺子甫三齡家計愈艱氏養親撫孤不遺餘力能得雙親歡心又四載翁姑相繼而歿祭葬莫不盡禮每攜幼子清晨省墓三年不輟

采陽錄

三辰節婦

氏于程贈亡年二十有四遺媳閻氏暨幼孫興綱甫二歲氏以綿祀為重率媳撫孫俾至成立家業日興

閻氏西寧縣民閻化龍之女年十七適程贈為妻雍正七年夫故守節四十四載現年六十六歲氏于歸時孀姑年逾四旬實能承歡娛志越六載而夫歿遺子尚在襁褓氏以頭觸柱血流被面決意殉節而孀姑亦悲慟欲絕親族咸以兩代堂綫勢難存立為之婉導氏迺誓志相依為命

養老撫孤偏歷艱辛

氏奉養孀姑四十九載孝敬無怠偶遇饑饉粗糲自甘必以精潔奉姑鄉黨稱孝無間言

氏姑壽終梓踊哭泣水漿不入口者三日衣衾棺槨靡不如禮既葬之後猶日夜悲號不絕氏撫孤興綱至八歲即命就外傳及長嚴督課誦遂得入庠現在孫枝滿堂家門行慶里人咸謂壹門雙節兩世完貞之報

采陽錄

三辰節婦

世

武節婦王氏事實

王氏泰安縣民王廷輔之女十五歲適武文為妻
康熙五十年夫故守節六十壹載現年九十歲
氏于歸時翁姑在堂家甚清貧氏典賣粧奩以奉
雙親又勤紡績以佐夫讀聞里皆稱賢孝
氏夫故時翁已先逝停柩在堂子方十歲氏痛哭
欲絕姑命之曰武氏兩世在汝壹身何得從死
氏乃漸蘇

氏守節時餬口無資每多方籌畫以供飲食及姑

表揚錄

三辰節婦

殘盡心營葬衣衾棺木莫非鉅費所出人傳為

女中丈夫

氏撫孤時防範甚嚴今子亦年逾七旬孫曾同堂
四世而氏猶精神矍鑠論者以為貞壽之門

侯節婦蔡氏事實

蔡氏泰安縣庠生蔡曰延之女十九歲適邑庠生
侯麟趾為妻雍正九年夫故守節四十壹年現
年七十歲

氏承夫遺言奉養翁姑竭力承歡凡衣服飲食必
躬親其事不假手於人遂得親之歡心

氏無子有壹女女嫁後以叔之次子承嗣撫育恩
勤視若已出

氏營葬翁姑盡哀盡禮凡歲時致祭必親辦祭品

表揚錄

三辰節婦

氏監手陳設乃命子姪輩行禮而垂涕以展哀慕

氏夫弟夫婦相繼而歿遺二子四女俱幼別無所

恃氏撫養周至今俱出嫁成家是兩門之祚皆

氏壹人之力也

氏事繼姑終身無違事不稟命不敢行繼姑卧病

氏雖年逾六旬而侍奉維謹及歿壹切喪葬皆

能如禮隣里皆稱其孝

孝節婦侯氏事實

侯氏秦安縣民侯簡錫之女十九歲適儒童克積
德為妻康熙三十九年夫故守節三十七歲卒
年六十歲

氏于歸時姑已歿事翁極孝有小叔甫五歲小姑
甫七歲氏盡心撫養俾至成立迄今叔姑垂老
語及嫂恩猶為涕泣

氏當夫歿雖經欲絕小姑救之乃蘇老翁以子幼
無依諭之方勉強進食仍流泣不已

表揚錄

五辰節婦

五

氏夫歿時子甫三歲竭力撫養稍長即令就傅氏

勤女紅供誦讀功少間即加朴責如嚴父然

氏執翁喪營葬皆如禮期年其子又養復撫釋孫

倫極辛苦及歿猶以未克成名為憾後曾孫二

人同案入庠僉稱天貽節孝云

氏事繼姑朝夕問省繼姑以氏年長於已勸勿過

恭而氏益加敬謹將歿猶囑其孫曰我死汝事

曾祖母當如我在之日隣里稱孝無間言

成節婦王氏事實

王氏秦安縣民王嗣昌之女十六歲適儒童成四
衍為妻康熙六十壹年夫故守節四十載卒年
六十二歲

氏于歸時姑早逝翁在堂承歡惟謹佐夫讀書躬
勤紡織孝義兼盡

氏夫故時未有子嗣痛哭欲絕者數日翁勸之乃
進食得生厥後十壹年以兄之子承祀

氏守節時堅操不叛母家欲奪之嫁氏感然曰撫

表揚錄

壬辰節婦

其

孤綿嗣未亡人之責也何可陷我於不義母家

亦報然自愧遂無異言

氏撫孤時家甚清貧課子讀書由膏皆不能給氏

勤勞針黹以為課讀之資洵為女則

貞女張白氏事實

白氏通渭縣民白名之女許字素安縣僧禮生張
辨為繼室未婚辨故守貞四十五載現年六十
歲

氏三歲時其父因家歲饑攜眷至秦安就食未及
數月喪母有僧禮生張辨為之施棺殮埋氏父
感德抱氏至張辨家泣曰葬妻之恩無以為報
願將此女留以服役張辨憐其失恃許以暫留
撫養俟長成仍歸本宗擇配並資其父殮費而
去後竟不知所終

表揚錄

三原

貞女

其

氏年至十二張辨之妻高氏病劇卧床氏朝夕侍
奉逾二載而病革念子女俱幼難以存活遂取
已笄予氏謀於張辨請為繼室以育孤兒氏年
方十五又守喪禮未及成婚辨又卧病氏奉湯
藥歷經半載辨病日篤自知不起憐憫於子女
之託氏乃受命曰感君之德願與兒女相依為
命誓死靡他辨乃瞑目於是髮以常笄凡衣
棺槨皆氏親為措辦號泣盡哀聞者莫不起

氏於張辨伉儷未諧幽明頓隔萬念臨終之託撫
養遺孤不歎暨二幼女左提右挈情切骨肉如
同已出不啻繼母之賢

氏家計蕭條室如懸磬止藉鍼黹以供養殯四時
奠祭盡禮無缺子及亂延師教之出入必謹不
事姑息常冬夜績紡令不歇在旁讀書不時提
命訓以成人之道不歎應童子試即蒙守令賞
識知氏之賢于既婚配成家兩女皆適正人鄉
黨皆稱其治家有法誠為女中丈夫

表揚錄

壬辰

貞女

其

曹節婦黨氏事實

黨氏秦安縣民黨悌之女年十九適儒童曹傑忠為妻雍正八年夫故守節四十三載現年六十四歲

氏于歸時翁姑在堂僅有石田數畝氏勤織紡以奉雙親

氏夫故時翁姑俱逝停柩在堂生子甫週歲母家憐其孤苦意欲移居伊家以便照顧氏泣而言曰翁姑停柩七人在室今若移居曹門裡祀幾

未揚錄

壬辰 節婦

三

絕矣于是勤儉治家十有餘年始克營葬翁姑與夫鄰里稱為女中豪傑

氏撫子稍長即延師訓課嘗教子曰曹氏兩世婦行惟我孫輩惟爾若不成人何以見汝父於地下子果發憤讀書入庠名曰繼泰食稱賢孝所感云

邵節婦逄氏事實

逄氏秦安縣庠生逄爾康之女年十七適儒童邵旭為妻雍正二年夫故守節四十九載現年七十壹歲

氏于歸時善事翁姑無違及姑歿勸娶繼姑奉侍益謹

氏夫故志勵操上事老親下撫穉子未嘗以家貧稍替

氏有山田數畝不敷食用每以績紡補翁姑之養

未揚錄

壬辰 節婦

三

既歿凡喪葬大事不惜變產以盡禮里人欽服氏長子文輝甫三歲次子文蔚未週歲即丁憂氏鞠育勤勞稍長延師課訓今俱婚配成家嗣續繁衍閭邑咸推負孝之報

北學編四卷

〔清〕魏一鰲輯 尹會一續輯

清光緒十四年四川尊經書院

刻本

北京大學圖書館藏

光緒戊子秋鐫



北學編

四川尊經書院藏板

序

昔馮少載先生輯關學編其後中州則有洛學編湯文正公所訂也畿輔則有北學編魏進陞先生所集也湯與魏同學於孫徵君二編俱奉師命而成者余撫豫時既取洛學編而編之深以未見北學編爲憾嗣於徵君之曾孫用正得其書每欲徵洛學編附所見聞以就正當世幸於公事未遑也歲庚申陳情歸里道從定省餘檢魏本稍加釐訂補入四人而輔其後來者十三人既竣事有謂余者曰堯舜以來道學相承僅可指而數也北學原編由漢及明

二五編

序之一

一

既載三十餘入矣予於一方數十年中復舉世有餘人不疑於蓋乎余乃喟然而歎曰正學之失傳久矣異端害真猶在門牆之外俗儒庸蔽即在章句之中間得一二志士振奮於狂瀾既倒之時或砥節厲行或崇經湖傳勤之日起之雪空谷之登音也方愛之慕之表揚之不暇而敢輕爲求備乎余續訂是編在北言北亦猶之乎在洛言洛在關言關耳至於學無南北惟遠是趨五事五倫昭如大路學者讀是書而興起拔乎俗而不爲苟同志於道而不爲苟異千里百里有若比肩而立者孔曾思孟而還濂洛關

關其揆一也購得而政之視此爲北方之事也誠因識簡端時以自易且望後之事者相編於無窮云

乾隆八年歲次癸亥夏四月朔博陵後學尹會一敬題

北學編

序之一

二

補刊北學編序

學分南北乎曰否顧亭林光生日知錄以論諸兩難矣哉
章分屬南北之學似學以地殊者曰爲學而不學者言之
耳夫學自宋儒而後幾判爲二曰經學曰道學尊漢儒者
以道學爲空虛尊宋儒者視經學如糟粕噫子所雅言詩
書執禮經學出於斯道學亦出於斯士不通經無以致用
又烏能問所謂性道哉幾輔傳有北學編魏道陸先生韞
之尹元字戈芥舟兩公續之道光甲辰新城孔君刻於京
師予官儀部曾與校訂登斯經者自漢迄今代不乏人要
士必編

序之二

三

皆經術湛深事功卓著立身制行非託空談其耐饗廟廷
若漢董江都毛長公宋邵康節
國朝孫徵君諸大儒光垂史冊誠不朽矣他若祀鄉賢名
宦昭忠等祠及隱逸處士諸君子其經濟學問昭昭在人
耳目國蓋合經學道學而一之正學也亦實學也吾姻友
李子鏡梅既率諸賢從祀 聖殿復以此續原板無存重
付剞劂俾從遊者人手一編庶知先賢眞學問以身體力
行爲要非虛談性命者比則經術不至專於訓詁而精義
淹通道學不至流於異端而躬行無愧又何至有分門別

分黨同伐異之弊設然則學之爲北誠如元字先生所云
在北言北爾而亭林謂吾所用心者乃其自甘居於是編
之外者也吾願手是編者心手是編身乎是編將處可以
師鄉里出可以佐

盛治庶有當於補刊之意而不至爲編外人歟
同治六年丁卯六月清苑王發桂序

北學編

序之二

四

北學編凡例

一前續洛學編原本率從其舊今續編北學問易舊本者非敢僭妄因傳刻多謬且體例不符校訂苦心亦魏先生之所諒也

一原編不載韓太傅東廣微劉獻之似屬遺漏今兼採史漢儒林傳補之

一原編專爲搜輯理學而於節義經濟雖光昭史冊者亦不輕入但學如楊椒山先生似不得專以氣節目之今特增入原編并附數語於傳後以質同人

北學編

上例

五

一韓文公家世於送李愿序內自稱昌黎似可以正唐書之說但祖父墳墓俱在懷孟其爲修武原籍無疑所以稱昌黎者唐重族系宰相韓休本昌黎人故以此善姓猶云瑯琊王隴西李之類耳且卽遠祖實係昌黎亦與二程子之先世居博野相同不敢仍附至邵康節孫徵君俱產於此後寓中州故不妨兩編並載

一編內續輯

昭代名儒皆蓋棺論定者其間有詳有略詳者因其全傳

若行述墓誌無可蒐羅而通志所載事蹟寥參則不得不從略以俟高明補所未遺

一敦行爲正學督脈故茲編所載重在事實開取著述之多者亦必生平節行無甚可議若言雖多名雖盛而出處大節未免有虧則不敢隨聲濫入致違詬病一蔚州已隸京畿魏環極先生自當依直隸通志入於此編磁州張尚若先生亦然

一晚學孤陋僻處鄉園採訪權多遺漏且潛德懿行久而彌光後有所聞當再續輯

北學編

凡例

六

尹會一謹識

孫徵君原序

余輯理學宗傳成張仲誠梓於內黃因與湯孔伯商搜洛學一編與魏蓮陞商搜北學一編壬子冬魏子持北學編索序余謂學術之廢興繫世運之升降前有創而後有承人傑地靈相需甚殷亦後學之大幸也居其鄉居其國而不能盡友鄉國之善士何能進而友天下友千古哉以編中所載諸先正各有面目其出處隱見立言制行雖有不同要皆願學孔子不善文王而與之人故董韓而後若器之清修伯玉學本朱程克恭儕鶴伯順力肩陳王因念紫

北學編

原序

六

陽嘗五星聚東井之際及其身不免於僞學之禁陽明功在社稷當日忌者奪其爵禁其學非兩先生之不幸誠世道之不幸也我輩生諸賢之後自待豈宜菲薄魏子蚤歲掛冠亟亟於表章前誥自任則其居心可知矣編已成始獲見王端溪公所著海樵子七篇念去端溪之居周袁不越數百里某生與公上下不踰數十年而間見固陋至此益知余宗傳之多遺不敢謂北學之無遺也率題數語以引其端

北學編序

吾友高曉亭督學川中以樸學導蜀人士刊諸書矜式學人最後刊北學編成屬雲鶴一言雲鶴維學期明新至善止矣何分南北北學云者蓋集北直一省古今學人矜式學者使知所效法也孔子集羣聖大成爲萬世學者師表夫人知之然則上古諸聖人孔子其大宗後世諸聖人孔子其不桃之祖也顧孔子終身自居學知無一息已於學何耶茲編所錄自漢迄今諸學人其平生所師承所宗主與程途所從入及功力所至致用於世所成就大小各不

北學編

序

七

相律要無愧學人無愧孔子之徒而已辟如朝覲京師者或自正陽門人或自地安廣安廣渠東直西直諸門人總期叩首商廷而止惟北轍南轅踰垣由竇則萬無至闕之時矣覽是編者如知此意竊中人人我師也雲鶴向學吾晚識見如是不敢自信敬質之海內眞學者

光緒十四年戊子十月下泮新州黃雲鶴謹序

北學編姓氏

漢

董江都先生 廣川人即今景州

韓太傅先生 燕人

毛長公先生 趙人

盧子幹先生 范陽人

晉

束廣微先生 元城人

後魏

北學編

劉孝廉先生 懷陽人

唐

孔司業先生 衡水人

李習之先生 趙州人

宋

邵康節先生 范陽人

劉器之先生 杞人

劉立之先生 河間人

金

高正之先生 遼東人

元

劉文靖先生 附門人烏叔備林起宗王綱劉英等同時梁湛然同里李希直張希古

安敬仲先生 景城人

竇子聲先生 肥鄉人

蘇伯修先生 真定人

董太初先生 懷德人

伯顏宗道先生 懷陽人

王祭酒先生 中山人

北學編

王文忠先生 定興人

明

黃孟清先生 鄆人

秦教授先生 大名

賀醫閭先生 遼西人

王端溪先生 附同里劉伯珍王宗一

劉敬之先生 藁澤人

楊椒山先生 容城人

蔡汝濱先生 甯晉人

李仲仁先生 順天人

宋哲陽先生 永年人

趙忠毅先生 高邑人

魏樂吾先生 栢鄉人

鹿江村先生 定興人

朱勉齋先生 順天人

金忠節先生 武進人

北學編

目錄

三

北學編續輯姓氏

大清

孫徵君先生 容城人晚年
編名河和碑誌

杜徵君先生 定興人

王五公先生 新城人

刁蒙吉先生 所州人

魏果敏先生 蔚州人

陳半千先生 安州人

張尚若先生 磁州人

北學編續輯目錄

魏蓮陸先生 保定府人

張武承先生 大興人

顏習齋先生 嘉善人

李恕谷先生 嘉善人

王或庵先生 宛平人

馮周溪先生 甯晉人

四

北學編續輯姓氏

大清二

申孚孟先生

永年人

王仲穎先生

博野人

尹健餘先生

博野人

黃崑圖先生

大興人

黃玉圖先生

補遺

明

士學篇

續輯目次

孫文正先生

高唐

五

北學編卷之一

上谷魏一轅遵陸輯 博陵尹會一元手訂

漢

董江都先生

先生名仲舒廣川人

今景州

少治春秋其傳公羊氏也孝景

時爲博士下帷講誦弟子傳以久次相授業或莫見其面蓋三年不窺園其精如此進退容止非禮不行學士皆師尊之武帝卽位舉賢良文學之士前後百數先生以賢良對策爲江都相事易王易王帝兄素驕好勇先生以禮誼

北學編

卷之一

一

匡正王敬重焉久之問曰趙王勾踐與大夫泄庸種蠡謀伐吳遂滅之孔子稱殷有三仁寡人亦以爲越有三仁先生對曰昔者魯君問柳下惠吾欲伐齊何如柳下惠曰不可歸而有憂色曰吾聞伐國不問仁人此言何爲至於我哉徒見問耳且猶羞之况設詐以伐吳摩繇此言之越本無一仁夫人者正其誼不謀其利明其道不計其功是以仲尼之徒五尺之童羞稱五伯爲其先詐力而後仁誼也苟爲詐而已故不足稱於大君子之門也五伯比於他諸侯爲賢其比於三仁猶砥礪之與美玉也王曰善先生

治國以春秋災異之變推陰陽所以錯行故求雨閉諸陽縱諸陰其止雨反是行之一國未嘗不得所欲中廣爲中

大夫先是遼東高廟長陵高園殿災先生居家推說其意草藁未上主父偃私見嫉之竊其書而奏焉上召示諸儒先生弟子呂步舒不知其師書以爲大愚於是下吏當死詔赦之後進不敢復言災異先生爲人廉直是時方外擾四夷公孫弘治春秋不如先生而弘希世用事位至公卿先生以弘爲從諛弘嫉之膠西王亦帝兒也尤縱恣數害吏二千石弘乃言於上曰獨董仲舒可使相膠而王膠西

北學編

卷之一

二

王閭仲舒大儒善待之先生恐久獲罪病免凡相而國輒事驕王正身率下數上疏諫爭教令國中所居而治及去位歸居終不問家產業以修學著書爲事朝廷有大議使使者及廷尉張湯就其家而問之其對皆有明法年老以壽終於家家徒茂陵千及孫皆以學至大官先生所著皆明經術之意及上疏條教凡百二十三篇而說春秋事得失聞舉玉杯繁露清明竹林之屬復數十篇十餘萬言皆傳於後世元文宗時從祀孔廟明太祖追封江都伯尹會一曰漢興學術未明武帝始知尊崇孔子抑黜百

家立學校之官州都舉茂才孝廉皆自董子發之洵大有功於世劉向稱其有王佐之才伊呂無加惜未究其用也賢良三策實能見道之大原而深契乎內聖外王之學其告君必以堯舜而求其端於天推其本於正心盡其事於誠致行舉其要於擇吏養賢立教更化久爲藝林所傳誦故不具載考其生平可謂知仁誼重禮簡安處善樂循理矣蓋孔孟後繼承道統之人匪直北地儒宗也

士學編

卷之一

二

韓太傅先生

先生名嬰燕人也爲人精悍處事分明孝文時爲博士景帝時至常山王太傅先生推詩之意作內外傳數萬言其語頗與齊魯間殊然其歸一也淮南貢生受之燕趙間言詩者由先生先生亦以易授人推易意而爲之傳燕趙間好詩故其易微唯韓氏自傳之孝宣時涿郡韓生其後也以易徵待詔殿中曰所受易卽先太傅所傳也司隸校尉蓋寬饒本受易於孟喜見韓生說易而好之卽更從受焉尹會一曰韓太傅爲人史記儒林傳具之矣詩外傳世北學編

卷之一

四

所共聞讀漢書又知其深於易也

毛長公先生

先生名長字長公趙人治詩爲河間獻王傳士其學術淵源於卜子夏家傳訓詁釋鵠鵠與金膝合釋北山烝民與孟子合釋昊天有成命與國語合釋碩人清人黃鳥皇矣與左傳合序由庚六章與儀禮合視齊魯韓詩最後出而解經獨爲近古先生每說詩獻王悅之詩傳盛行於世謂之毛詩授同國貫長卿長卿授阿武令解延年延年授徐敖敖授九江陳俠俠授謝曼卿曼卿爲之訓授東海衛宏至鄭康成爲之箋而齊魯詩俱亡韓詩亦失其傳惟毛詩北學篇

卷之一

五

立於學宮唐太宗時從祀孔廟宋眞宗時追封樂善伯尹會一曰孔庭之教學詩爲先詩亡然後春秋作學者蓋難言之程子於漢儒亟稱董公毛公謂其最得聖人之意北學於斯爲盛矣原編稱大毛公稽之文獻通考則魯人毛亨也漢書儒林傳稱毛公而不名後漢謂趙人毛萇傳詩是爲毛詩以此爲徵故不復以大小別之云

盧子幹先生

先生名植字子幹范陽人身長八尺二寸音如洪鍾少與鄭元俱受業馬融融外戚豪家女倡歌舞列侍左右先生侍講積年未嘗一轉盼融甚敬之其學無所不窺研精而不守章句更不好詞賦性剛毅有大節貞齊世之志曹爲九江廬江太守俱有恩信蠻夷賓服仕至尚書董卓謀廢立羣僚唯唯先生獨抗義不阿卓將誅之蔡邕素與先生善往請於卓又議郎彭伯請卓曰盧尚書海內大儒人之望也謀之天下震怖乃罷去先生懼不免乃諛道從賴輟北學篇

卷之一

六

出卓果使人追之不及遂隱於上谷不交人事未幾卒平時敕其子葬於土穴不用棺槨附體惟單帛而已後曹操過涿告守令曰故北中郎將盧植名著海內學爲儒宗士之楷模國之楨幹也宜有殊禮爲式其墓并致祭焉子競知名

魏崑林曰先生之行無論其他即不肯隨董卓廢立方是讀書人不然谷永劉歆雖讀書萬卷何益

晉

東廣微先生

先生名哲字廣微陽平元城人漢疏廣之徒王莽末廣曾孫孟達避難自東海徙居沙鹿山南因去疎之足改姓焉先生博學多聞與兄瑒俱知名少游國學或問博士曹志曰當今好學者誰志曰陽平東廣微人莫及也太康中郡界大旱先生爲邑人請雨三日而雨注取請誠感歌曰東先生過神明請天三日甘雨零我黍以育我稷以生何以禱之報東長生性沈退不慕榮利作元君釋以擬客難張

北學編

卷之一

七

華見而奇之召爲掾轉左著作郎太康二年汲郡人盜發古塚得竹書數十車武帝以其書付秘書先生在著作得觀隨擬分釋皆有義證還尚書郎年四十卒市里爲之廢業所著五經通論發蒙記補亡詩文集數十篇行於世

後魏

劉孝廉先生

先生名獻之博陵饒陽人少孤貧雅好詩傳受業於渤海程元後博觀眾籍兄名法之言掩卷而歎曰若使楊墨之流不爲此書千載誰知其小也時人有從先生學者先生誠謂曰人之立身雖而行殊塗準之四科要以德行爲首子若能入孝出悌忠信仁讓不待出戶天下自知儻不能然雖復下帷針股躡屨從師其於立身之道有何益乎孔門之徒初亦未悟見臯魚之嘆方乃歸而養親睦乎先達

北學編

卷之一

八

何自覺之晚也眾修不易受之亦難敢布腹心子其圖之由是四方學者高其行義而希造其門善春秋每講左氏盡隱公八年便止云義例已了不須復解由是弟子不能究其說後本郡舉孝廉逼遣之至京稱病而還高祖幸中山詔徵典內校書固以疾辭魏承胤後五經大義雖有師說而海內諸生每有疑滯多決於先生撰三禮大義四卷三傳略例二卷毛詩序義一卷行世

唐

孔司業先生

先生名穎達字仲達衛水人八歲就學誦記日千餘言及長明服氏春秋傳鄭氏尚書詩禮記王氏易書屬文遍步歷隋大業初舉明經高第授河內郡博士煬帝召天下儒臣集東都詔國子秘書學士與其論議先生爲冠又年最少老師宿儒恥出其下陰遣客刺之匿楊元感家得免隋亂避地虎牢唐太宗平洛授文學館學士貞觀初封曲阜縣男轉給事中教以直言進帝問孔子稱以龍問於不能

士學編

卷之一

九

以多問於寡有若無實若虛何謂也對曰此聖人教人謙耳非特匹夫君德亦然故易稱蒙以養正明夷以渥眾若其據尊極之位街聰耀明恃才以肆則上下不通君臣道乖自古滅亡莫不由此帝稱善除國子司集旋拜祭酒侍講東宮太子稍不法先生爭不已乳夫人曰太子既長不宜數面折之對曰蒙國厚恩雖死不恨後致仕卒陪葬昭陵諡曰憲初先生與顏師古等受詔撰五經義訓凡百餘篇詔改爲正義志孫惠元三世俱爲司業時人美之

李習之先生

先生名翱字習之趙州人涼武昭王授裔也貞元中舉進士元和初爲國子博士史館修撰天子克淮蔡天下想望治平而帝意稍忠先生聽上正本六事又以史官紀事不得實乃建言人之行自非大善大惡暴於世者必訪於人不能周知必取其家行狀論賈質之然爲狀者類皆故吏門生苟言虛美竊於文面忘實故無所考信請自今作行狀者必指事載功則實不肖自見如言魏徵但記其諫爭語足以爲直言段秀實但記其倒用司農印追逆兵笏

士學編

卷之一

十

擊朱泚足以爲忠無爲浮稱不者數考功勿受文依質者始下太常服史館定諡詔從之再遍考功員外郎嘗入中書面數宰相李逢吉之過還移病滿百日欲自免去逢吉表爲盧州刺史時州旱疫連亡載路權豪賄市田屋牟厚利而棄戶仍輸賦先生下令以田占租無得隱收豪至萬二千緡貧弱以安太和初入爲議大夫知制誥改中書舍人坐舉栢耆宣諭滄州不稱左遷少府少監後歷桂管湖南觀察使徵爲刑部侍郎檢校戶部尚書出鎮山南東道卒諡曰文苟司以先生從韓昌黎爲文章辭致渾厚見

推當時故定謚亦同先生性剛直論議無所屈好推轂賢士韓文公嘗與言今天下汲汲於士者獨君與愈耳先生曰公好士惟於能文章兼附己者不然則不能翹推其賢是以不同又嘗以書責裴晉公居相位道不行忍恥內嬖不引退其忠告如此是時士並學古文辭游心於三代兩漢之盛而辭志於其本先生獨求端於性情動靜之際以發誠明之要作復性書三篇吳郡陸俊見而嘆之曰子之言尼父之心也又以爲生民之大法莫大於井田著平賦書以明其可復常言曰行己莫如恭自責莫如厚接眾莫如學

士學編

卷之一

二

如宏用心莫如直遠德莫如寡受益莫如擇友好學莫如改過其功夫近裏如此

尹會一曰唐之有道而能文者韓李並稱而韓尤著或以昌黎歸入洛學爲茲編之憾然讀先生復性書發中庸之蘊所以自勉而警人書甚至時年才二十有九志於道德而自懼未及儒夫聞之足以有立矣

宋

邵康節先生

先生名雍字堯夫范陽人幼從父古從其城北海李之才攝共城令先生從受學厭事之卽旅宿飯必欄坐必拜也刻厲自過蔬素不厭寒不爐暑不廟夜不就枕席數年道既通慨然嘆曰昔人尚友千古而吾未及四方可乎於是走吳適楚周流齊魯梁晉之墟久之幡然來歸曰道在是矣遂不復出結廬洛上蓬華環堵不蔽風雨躬爨以養其父母浩然樂也講學於家未嘗強以語人而就問者日服

北學編

卷之一

三

先生德器粹然望之可知其賢然清明坦易不事表暴不修防眇正而不諱通而不汙接人無貴賤親疏之間燕笑終日不取甚異於人也鄉里化之遠近尊之士大夫退洛有不之公府而必至先生之廬者病與寒暑嘗大寒大暑時輒不出常以仲春秋乘小車行遊洛城中隨意所之士大夫家聽其車聲爭倒屣迎致或留三五宿或至經月忘返與人言依於孝弟忠信以風論於道樂道人之善而未嘗及其惡故賢者悅其德不肖者服其化所以厚風俗成人才者多矣程純公每見之通輒太息以爲內聖外王之

學也遠近學者從問經義精深博應對不窮間與深知
論天下事雖究心世務者不及也新法行監司承風旨爲
嚴切吏州縣者苦操切不可爲爭欲投劾去先生勉之曰
此賢者盡力之時新法誠嚴第寬一分則民受一分之賜
徒投劬何益先生少以才自雄欲樹功當世年六十始爲
隱者之服曰病且老不復能爲從事矣熙寧十年夏感微
疾笑謂司馬溫公曰死生亦常事伊川問從此永訣更有
見告乎先生舉兩手示之曰而前路徑須令南路窄則自
無著身處況能使人行也一日有新報先生問何事曰某

北學編

卷之一

主

事先生曰我將講收却幽州也七月初四日大書詩一章
生於太平世死於太平世客問年幾何六十有七歲俯仰
天地間浩然獨無媿以是夜五更捐館明道誌其墓曰自
七十年學於仲尼其傳可見者惟曾子所以告子思子思
所以授孟子者耳其餘門人各以其材之所宜爲學雖同
尊聖人所因而入者門戶則贖矣況後此千餘歲師道不
立學者莫知其從來獨先生之學爲有傳也語成德者肯
難其居若先生之道可謂安且成矣元祐中韓維尹洛請
議於朝常博歐陽裴議曰雍少萬學有大志久而後知道

德之歸且以爲學者之思在於好惡先成乎心而挾其私
智以求於道則蔽於所好而不得其真故求之至於四方
萬里之遠天地陰陽屈伸消長之變無所不可而必折衷
於聖人雖深於象數先見默識未嘗以自名也其學純一
而不雜居之而安行之而成平易渾大不見圭角其自得
深矣按諡法溫良好善曰康能固所守曰節諡曰康節先
生所著皇極經世六十卷晚尤喜爲詩平易而造於理有
擊壤業二十卷自爲之序

先生子伯溫字子文入闕父教出與司馬溫公二程交

北學編

卷之一

古

故所聞日博以薦授大名府教授調長子尉章倬書事
康節因與伯溫論及康節之學曰嗟乎吾於先生不能
卒業也伯溫曰先君先天之學論天地萬物之理盡矣
苟其信也則人之警怨可忘矣倬時爲相方與黨獄故
伯溫以此諷之徽宗卽位伯溫上書辨宣仁誣謗解元
祐黨戒勞民用兵諸極懇惻紹興四年卒年七十八初
康節常語伯溫曰世亂獨安稍可暫居及宣和末伯溫
就家使蜀故免於難伯溫登皇極經世其言曰至大之
謂皇至中之謂極至正之謂經至變之謂世大中正正

應變無方之謂道以道明道道非可明以物明道道斯見矣物者道之形體也生於道而道之所成也故善觀道者必以物善觀物者必以道謂得道而忘物則可矣必欲遠物而求道不亦妄乎

先生門人周長孺字士彥開州人爲共城縣令師事先生告以先天之學士彥故性剛遇事輒發既從先生淡然若無意於世者季弟直孺怪而問之士彥曰此吾得於先生者士彥在共城獵有兔起草間自射中之卽其處不復見兔有石刻其文曰士彥當都而卒後士彥每

北學編

卷之一

三

至京師不暫留治平末以都官員外郎知劍州普城縣卒喪歸過洛賓不能行康節留其家經紀甚備教其子純明以學問爲娶程伊川先生之姪後登元祐三年進士

是仲明曰康節先生德器粹然清而不執和而不流樂天之中時萬憂時之意其量極大其心極細其才極密其機極警惜世無用之者富鄭公號稱知己而以簿丞薦是驥足而困之以鹽車宜乎其不就也生平之蘊世皆知其具於皇極經世而不知多寓於擊壤集誦其詩

可以想其人而或以術數少之可嘆也夫

北學編

卷之一

二六

劉器之先生

先生名安世字器之魏人從學司馬光光教之以誠自不妄語始宣仁太后臨朝擢爲右正言章惇以強市崑山民田罰金先生言惇與蔡確黃履邢恕相交結天下之人指爲四凶今惇父尚在而別籍異財絕滅義理止從薄罰何以示懲不報遂請外出知成德軍章惇州事惡之黜知南安軍再貶少府少監三貶新州別駕英州安置同文館獄起蔡京乞誅滅安世等家譴雖不行猶從海州懷與京卜必欲置之死因使者入海島譴令過先生脇使自裁又擢

七學編

卷之一

七

一臺吏爲轉運判官使殺之判官未至海守先遠其客來先生所勸其善自爲計先生不動對客飲酒談笑徐書數紙付其僕曰我死依而行之客密從僕所竊視皆經紀同貶當死者之家事甚悉判官未至而嘔血死故先生得免昭懷后正位中宮惇下復讒之時鄒浩亦貶詔以檻車收二人付京師行未數驛而徽宗即位放復至先生凡投荒七年甲令所載遠惡地無不經然後以集賢殿修撰知鄆州會布又惡之蔡京相復連七謫宣和七年卒年七十八先生儀狀魁碩音吐如鐘初除諫官未拜命入白母母曰

諫官天下諍臣汝父欲爲而弗得汝今幸得居此當捐身

以報國若得罪流放無問遠近吾當從汝故先生在職累廷爭或帝盛怒則執簡却立伺怒稍解復前抗辯旁侍者遠觀善縮悚汗成目之曰殿上虎云生平不作軍書不愛聲色貨利其忠孝正直皆則象司馬光常曰溫公言平生只是一箇誠字更僕不破誠是天道思誠是人道天人無兩箇道理因舉左右手顧之笑曰只爲有這軀殼故假思以通之及其成功一也事事着力畢竟不是只有一箇誠縱橫妙用無處不通以此杜門終日其樂無窮常與其徒

七學編

卷之一

六

馬永卿言曰紹聖初某謫嶺表北望中原慨然永嘆念惟先人遠體遠投炎荒不復生還忽憶司馬溫公之言北人處烟瘴之地惟絕嗜慾可以不死趙清獻欲絕不得乃掛父母像於臥側以自儆自偃臥其下而使父母儼然臨之漬亦甚矣卜居未都杜門屏跡人不得見其面然田夫野叟市井細民以爲過南京不見劉待制如過泗州不見大聖蘇軾論元祐人材曰器之眞鐵漢不可及也先生死葬祥符縣後二年金人發其墳貌如生相驚語曰異人也爲之蓋棺乃去

魏一鰲曰先生之學終身只一誠字賊臣不能殺炮臺
不能病東坡鐵漢之褒非過譽也世人口頭講說到利
害臨身一毫用不着皆那恕之流耳

劉立之先生

先生名安禮字立之河間人其父與程子有舊數歲而孤
程子收養於家自言事明道先生三十年未嘗見其忿厲
之容問臨民明道曰使民各得輸其情問御史曰正己以
格物後官晉城以循吏稱郭雍稱其及門最早精於吏事
云

金

高正之先生

先生名仲振字正之遼東人博極羣書尤深於易及皇極
經世書隱居嵩山安貧樂道足不涉城市山野小民亦知
敬之

北原翁

卷之二

五

北學編卷之二

上谷魏一鰲連陸輯 博陵尹會一元字訂

元

劉文靖先生

先生名因字夢吉容城人生之夕父述夢神人馬載一兒至其家曰善養之既覺而生乃名曰翱字夢驥後改今名及字先生天資絕人三歲識書日記千言六歲能詩七歲能屬文落筆驚人甫弱冠才器超邁日閱方策思得如古人者友之作希聖解國子司業硯璫堅教授真定因從之

北學編

卷之二

一

遊同舍生皆不能及初治經循覽訓詁疏釋輒嘆曰聖人精意殆不止此及得周程張邵朱呂書一見能發其微曰我固謂當有是也嘗許四子之學曰邵至大也周至精也程至正也朱子極其大盡其精而貫之以正也其高見遠識幸類此早喪父事繼母孝家雖甚貧非其義一介不取家居教授節道尊嚴弟子造其門者勵材誨教之皆有成就公卿過保定者聞其名往往來謁多遜避不與相見不知者或以爲傲弗恤也嘗愛諸葛孔明靜以修身之語表所居曰靜修不忽尤以先生學行薦於朝權承德郎右贊

善大夫初裕皇建學宮中命贊善王恂教近侍弟子恂卒乃命先生繼之未幾以母疾辭歸行丁內艱後有記復遣使者以集賢學士奏議大夫徵先生以疾固辭帝聞之曰古有所謂不召之臣其斯人之徒與年四十五卒無子聞者嗟悼虞文靖稱先生人品英邁卓然不可企及延祐中贈翰林學士資善大夫追封容城郡公諡文靖所著有書精要三十卷詩五卷號丁亥集先生所自適又有文集十餘卷小學四書語錄皆生徒所錄易繫辭說乃先生病中親筆云門人有安敬仲烏叔備林起宗王綱劉英梁泰

北學編

卷之二

二

李蒙王果李貞杜蕭等敬仲有別傳

林起宗自幼力學嘗從先生遊深得道學之指歸而教授於鄉後學多宗之嘗著志學指南心學淵源二圖及大學論語孟子中庸諸圖孝經圖解小學題辭發明魯庵家說等書

王綱新安三台人居母喪以哀毀致疾繼而其父病作綱竟以憂終先生爲銘其墓

劉英字厚蒙三百人遊靜修之門研精至理不求聞達早歲爲吏飯閒靜修之學折節相從先生始則拒之甚

嚴終則與之甚厚先生卒遂深隱

先生同時有梁至剛字浩然新安人好論古人該至理仕進之心淡如也與先生講學昕夕不倦人勸之仕則曰堯舜之世尚有巢由吾何仕乎隱居終身號曰南溪老人先生有南溪行

李伸字希直安次人以館陶訓導陞客城教諭上疏言劉靜修爲前元一代大儒應祀孔廟章數上未允告歸與弟都御史侃同日得旨歸里籍於容城私淑靜修之學

北學緒

卷之二

三

張處士紹烈字希古先世系出江右有宦客者遂籍焉雅慕靜修先生以爲孟軻復起其師李伸卒處士廬墓側編輯遺文成化年棄諸生益肆力靜修文集數上疏請從祀又感憤時事疏請潔職任御經筵抑奔競去淫詞息異端遵正道崇先儒興學校修馬政御邊疆前後二十餘條正德時上數出游戲羣小弄柄處士復上疏敕賜冠帶蒙徵書擢用固辭道瑾專權處士先縉紳與効數千言被法司禁錮有門弟解得後脫歸里七日不食臨終與生徒囑請易厲蕪心一爻衣冠正坐而卒侍

郎王寅處士門人也侍講無異童稚孫徵君嘗謂處士孤直果敢獨行一意其言人所不能言不敢言人視之爲迂爲怪彼率之爲性爲常與其師李伸皆篤信靜修故皆得配饗

北學緒

卷之二

四

安敬仲先生

先生名熙字敬仲號庵庵真定藁城人祖滔父松皆以學行著先生聞剴靜修之學心向慕焉將與定交而靜修已歿乃從其門人烏叔備問其緒說蓋自靜修篤信朱子之書實力踐行其教人必尊朱氏然靜修爲人高明堅勇其進莫過先生則簡說和易專務下學其用功平實切密可謂善學朱子者家居教授數十年四方來學者多所成就既歿鄉人爲立祠於藁城之西莞鎮門人蘇天爵爲輯其遺文而虞集序之

北學編

卷之二

五

竇子聲先生

先生名默字子聲初名傑字漢卿廣平肥鄉人避亂徙安得伊洛性理之書自謂學從此始歸隱大名與姚樞許衡講學蘇門至忘寢食繼還肥鄉以經術教授鄉里元世祖在潛邸遣使召之遂變姓名以自晦使者俾其友人往見而微服踵其後先生不得已乃拜命既至問以治道首以三綱五常爲對且曰先此則無以立於世矣又言帝王之道在誠意正心心既正則朝廷遠近莫敢不一於正一日三召奏對皆稱旨自是敬待加禮世祖問今之明治道者

北學編

卷之二

六

先生薦姚樞卽召用之俄命皇子從先生學賜以玉帶鉤諭之曰此金內府故物汝老人佩服爲宜且使我子見之如見我也久之請南還命大官順德各給田宅有司歲具衣物以爲常世祖卽位召至上都問曰朕欲求如唐魏徵者有其人乎先生對曰犯顏諫爭剛毅不屈則許衡其人也深識遠慮有宰相才則史天澤其人也天澤時宣撫河南帝卽召拜右丞相以先生爲翰林侍講學士時平章政事王文統頗見委用先生在帝前面斥文統曰此人學術不正久居相位必禍天下帝曰然則誰可相者先生曰以

臣觀之無如許衡帝不悅而罷文統深忌之乃請以爲太子太傅先生辭曰太子位號未正臣不敢先受太傅之名乃復以爲翰林侍講學士俄謝病歸未幾文統諒帝追憶其言謂近臣曰曩言王文統不可用者惟齊漢卿一人耳召還賜第京師命有司月給廩祿國有大政輒以訪之先生言三代所以風俗淳厚歷數長久者皆設學養士所致今宜建學立師博選貴族子弟教之以示風化之本帝嘉納之先生常與劉秉忠等侍立帝前先生言君有過舉臣當直言都俞吁咈古之所尚今則不然君曰可臣亦以爲

北學編

卷之二

七

可君曰否臣亦以爲否非善政也明日復侍帝於幄殿獵者失一鶴帝怒侍臣或從旁大聲謂宜加罪帝惡其迎合命杖之釋獵者不問既還秉忠等賀先生曰非公誠結主知安得感悟至此先生既老不視事帝數遣中使以珍玩及諸品物往存問焉至元十七年加昭文館大學士卒年八十五計間帝深爲嗟悼厚加贈賜皇太子亦贈以鈔二千貫命有司護送歸葬肥鄉先生爲人樂易平居未嘗評品人物與人居溫然儒者也至論國家大計面折廷諍人請汲黯無以過之帝嘗謂侍臣曰朕求賢三十年得一寶

漢卿又曰如賢漢卿之心姚公茂之才合而爲一可謂全人矣後累贈太師封魏國公諡文正子履集賢大學士

北學編

卷之二

八

蘇伯修先生

先生名天爵字伯修眞定人父志道歷官嶺北行中書省左右司郎中和林大饑救荒有惠政時稱能吏先生舉進士第一授修撰擢江南行臺御史明年錄囚於湖北地僻遠民獠雜居先生冒瘴毒徧歷其地盛夏暑燄燈治文書遇疑獄立剖拜監察御史在官四閱月章疏凡四十五上自朝廷政法利病以及稽古禮文間閭幽隱知無不言充京畿宣撫使詢民疾苦察吏姦貪都人有包韓之譽忤時相意竟坐不稱職罷歸有妖冠自淮右蔓延江東詔仍浙江

北學編

卷之二

九

行省叅知政事總兵于饒信克復六縣其方略之密節制之嚴雖老師宿將不能過也以憂勞積病遂卒於軍年五十九先生爲學博而知要長於紀載嘗著國朝名臣事略十五卷文類七十卷詩藁十卷文藁三十卷時中原前輩凋謝殆盡先生獨身任一代文獻之寄討論辯難老不倦學者因所居稱爲滋溪先生在鄂爲大叅時刊布伊洛淵源錄置郡學其他所著有松廳章疏五卷春風亭筆記二卷遼金紀年黃河原委未及脫藁云

董太初先生

先生名朴字太初順德人自幼強記比冠師事樂舜谷劉道濟幡然有求道之志至元十六年用提刑按察使薦起家爲陝西知法官未幾以親老歸養尋召爲太史院主事復辭不赴皇慶初詔以翰林修撰致仕延祐三年無疾而終年八十有五先生事親孝與人交智愚貴賤一待以誠或有犯之者夷然不與之校中山王結曰朴之學造詣既深充養交至其爲人清而道和而介君子人也家近龍岡學者稱爲龍岡先生云

北學編

卷之二

一

伯顏宗道先生

先生名師聖字宗道世居開州濮陽縣生三歲常以指畫地或三或六若爲卦者六歲從里儒授孝經論語卽成誦早喪父其兄買經傳等書以資之日夜誦不輟稍長受業宋進士建安黃坦坦曰此子穎悟過人非諸生可比因命以顏爲氏且名而字之久之坦辭曰余不能爲兩師羣經有朱子說具在歸求之可也年弱冠卽以斯文爲己任鄉之學者來相質難隨問隨辨咸解其惑中原之士聞而從遊者日益眾至正四年以隱士徵至京師授翰林待制預

北學編

卷之二

士

修金史既畢辭歸後起爲江西廉訪僉事數日以病免及還四方來學者至千餘人其爲學專務真知力踐不屑事舉子詞章而必期措諸實用士出其門不問知其爲伯顏氏弟子異端之徒亦多棄其學而學焉十八年河南賊蔓延河北先生言於省臣將結其鄉民爲什伍以自保而賊兵大至乃渡河北行邦人從之者數十萬家至磁與賊遇賊知先生名士生刼之見賊將誘以富貴先生罵不屈引頸受刃與妻子俱死之年六十有四有司上其事贈奉議大夫諡文節太常諡議曰伯顏無城守之責又無在官之

義以平生有用之學成臨難不奪之節乃古之所謂君子人者時以爲確論伯顏平生修輯六經著述皆燬於兵

北學編

卷之二

士

王祭酒先生

先生名恂中山人生而穎悟及長與楊恭懿皆篤信閭學爲太子伴讀太子問學先生曰在正心許衡言人心如印板板不差雖摹子百本不差板一差摹之無不差者故要在正心太子深然之授國子祭酒師道卓然居父喪致毀卒

北學編

卷之二

三

王文忠先生

先生名絳字儀伯定興人祖遯徙家中山先生嘗從太史董朴受經深於性命道德之蘊年二十餘遊京師上執政書陳時政八事曰立經筵以養君德行仁政以結民心育英才以備貢舉擇守令以正銓衡敬賢士以厲民節革冗官以正職制辨章經以定民志務農桑以厚民生其言剴切時宰不能用仁宗在潛邸或薦先生充宿衛乃集歷代君臣行事善惡可爲鑒戒者曰陳於前仁宗嘉納焉武宗卽位立仁宗爲皇太子以先生爲典牧太監近侍以俳優進先生言昔唐莊宗好此卒致禍敗殿下方育德春官視聽宜謹仁宗優納之仁宗卽位遷集賢直學士出爲順德路總管教民務農興學孝親弟長戴好禁暴悉登於書俾朝夕聞習屬邑有唐魏徵宋璟墓乃祠二公於學表其言論風旨以勵多士改督東昌路境有黃河故道而會通堤遏其下流夏月潦水壞民多禾先生疏斗門以泄之民獲其利至治二年叅議中書省事時拜住爲丞相先生言爲相之道當正己以正君正君以正天下除惡不可猶豫猶豫恐生他變服飾不可奢僭奢僭則害及於身丞相是

北學編

卷之二

十四

其言薦名士宋本韓鏞等十餘人泰定元年遷集賢侍讀學士會有月食地震風烈之異乃昌言於朝曰今朝廷君子小人混淆刑政不明官賞太濫故陰陽錯繆咎徵薦臻宜修敬事以弭天變遼東大水亟請於朝發粟以賑饑民天應初進中書叅知政事時方遣大臣迎周王於北邊近侍有求除拜賞資者先生曰俟天子至議之初上都之變失皇太子寶及更鑄新寶進侍請視舊制加大先生曰此寶當傳儲嗣不敢踰舊制也近侍怒譖詆曰甚罷爲集賢侍讀學士以內艱不起元統初拜中書左丞中宮命僧尼

北學編

卷之二

五

於慈佛殿作佛事已而殿災先生言僧尼褻瀆當坐罪左丞相疾革家人請釋重囚禳之不可先時有罪者北人則徙廣海南人則徙遼東去家萬里往往道死先生請更其法移鄉者止千里外改過聽遷其鄉因著爲令職官坐罪者多從重科先生曰古者刑不上大夫今貪墨雖多然士之廉恥不可以不養也聞者請其得體至元元年請復入翰林養疾不能應詔二年正月卒年六十有二先生立言制行皆法古人故相張珪曰王結非聖賢之書不讀非仁義之言不談晚達於易著易說一卷及卒公卿唁於朝士

大夫弔於家曰正人亡矣後追封太原郡公諡文忠有詩文十五卷行世

北學編

卷之二

二六

明

黃孟清先生

先生名鴻玉字孟清世爲鄆人十三歲時改元永樂命江南富民貢北京其父當行先生詣官請代官少之對曰父去日益老兒去日益長官異而從之踰年抵京授廬北城外十里所沙漠無人烟先生與同役築室成比閭傾貲給徭賦墾圃鬻蔬以爲生人不堪其劬瘁先生安之稍隙輒肆力於學以己心爲嚴師而斲造於賢聖擇然後語行無所苟焉京有富翁僅一女招先生寓宿其家而同貢先生

北學編

卷之二

七

辭或問之曰瓜田不納履也補郡庠生魁京闈會試授建昌府學訓導丁父憂改訓南昌拜行在交趾道監察御史出按湖廣平生著述甚富以朱子嘗欲編禮記附儀禮乃取儀禮析爲四卷以禮記比類附之不類者附諸卷首末而各疏其義又以五禮獨缺軍禮因取周官大田禮補之而以禮記諸篇載田事者附焉別爲一卷通五卷爲之註釋曰儀禮戴記附註以小學四書諸經註家或遺或誤撰經書補註以大學中庸旨皆淵奧撰學府通旨其他備論理事曰南山錄雜著詩文曰南山稿皆藏之家家居二十

載壽八十有九而卒

北學編

卷之二

七

秦教授先生歲輔通志作順天人

先生名亨字子真大名郡庠生究性理之學通五經尤長於易以易學見知於文皇帝召至京師欲處以顯職力辭願就教乃除往平教諭調利津縣尋陞四川永甯府教授所至訓迪有方從尚書黃福征交趾多贊畫功乞休歸學者猶質問經史正統間疾卒郡守李瓚觀其遺文知學有本源舉以配祀劉忠定祠

北學編

卷之二

元

賀閻先生

先生名欽字克恭別號醫閻遼西人少穎敏沉厚好學偶得近思錄朝夕翫讀爲戶科給事中見白沙論學嘆曰世卽用我我奚以爲用卽日上疏解官去執弟子禮既別肖其像懸室中事之甚謹後薦授陝西參議以老病母憂辭且陳四事一曰資真儒以講聖學二曰見賢才以輔治道謂陳獻章當世大賢爲士大夫矜式宜以非常之禮起或任內閣俾參大政或任經筵使養君德三曰遵祖訓以處內官謂宜深鑒已往之弊內不可使職掌奏牘得預大政外不可使鎮守地方掌握兵權四曰興禮樂以化天下乞申明正禮之當行革去教坊之俗樂疏入報聞尤辭義州以守臣貪故聚眾縱火劫財然相戒曰毋入東街驚賀黃門先生聞往諭之曰渠輩既知悔卽不殺人可解已而有言軍至且勦者眾復呼譟曰賀黃門無謾語趨跪其門先生曰城中擾亂至此鎮城焉得不發兵爾曹第不殺人必有爾無恐眾遂定先生不務博覽專讀五經四書小學靜思默識反身實踐冠婚喪祭遵用家禮每教人讀白鹿洞規小學鄉人由是興於行義老更好易手不釋卷

北學編

卷之二

三

王瑞溪先生

先生名崇慶字端溪大名府開州人性廉介有孝行讀書有志於正學師事湛甘泉正德戊辰舉進士初授戶部主事疏斥逆瑾爲武宗暴允已以論事下錦衣獄給事王元凱申救降壽康驛丞後爲山西冀南副使關邪桀正昭道啟學之功百年所未有以母老乞歸退耕澶淵之野安貧樂道若將終身尋由遼東苑馬寺卿起禮戶左侍郎知貢舉歷官南京吏戶禮三部尚書多所建白卒歸太子太保所著有五經心義元城語錄解端溪文集行世祀鄉賢先

北學編

卷之二

五

生著海樵子七篇內云物莫大於人人莫大於道故學道則明明則通通則變變則有爲是謂天下至學彼不知者方以道學歸之迂流曲士而不揣者又從而輒以道學自任哀哉

先生同里劉珂字伯瑄少孤奉母至孝登嘉靖癸未進士未授官卽上疏乞終養呂涇野雅重之贈以詩有曾子終能傳一貫孝經眞脉未曾差之句既歸里足不履公府定省之暇惟授徒講學平涼趙太史時春出其門後母卒哀毀過禮已而授刑部主事應郎中以廉平著

聲時有貴戚干犯法紀諸司皆避事大司寇委重珂

乃立爲劄判卒無異議尋擢陝西僉事甚著勞績上特勞以金幣歷陞本省副使俱有清譽然於仕進澹如也遂乞休歸又同里王處士名循吉字宗一潛心理學不事舉業齋居大成殿讀書十年著五經圖說及帝王憂世心法諸圖說獻於世宗下大臣議共奏云此理儒也欽賜處士號旌以銀幣道歸教授生徒端溪深爲契賞

北學編

卷之二

五

劉敬之先生

先生名誠字敬之世家雞澤賦質明粹幼知向學不煩督勸弱冠登天順丁丑進士擢翰林院檢討輔導德王尋陞秀王府左長史王薨改南國府同知遷湖廣右叅議童時獲父悲哀毀瘠如成人事母以孝聞家貧爲童子師資束修爲養既仕凡俸祿所入悉歸於母錙銖不入私室客至具盤殮必先以甘旨進母然後出待客終其身以爲常嘗以公事淹施州久不見母一日方治文書忽泫然不自勝從吏請其故曰吾思吾母不得見耳兄早喪事寡嫂以禮

北學編

卷之二

誼

楊椒山先生

先生名繼盛字仲芳號叔山容城人嘉靖丁未進士幼遭家難貧甚力學艱苦初仕爲南京吏部主事從尙書韓邦奇學樂三月而得其數手製十二律吹之聲畢和邦奇大喜盡以所學天文地理太乙六壬兵陣之書相授先生徧習之曰此儒者餘事也嘗諸僚有講學者先生又從講學人謂此曹多立黨作僞鼓譽先生曰道者吾性分之所當爲可逆億人之僞而不爲耶轉兵部員外郎成甯侯仇鸞議開馬市莫與俺答攜幸免戰國恩寵部議推先生先

北學編

卷之二

誼

生具疏條開市五事師尙書聞之曰如此則馬市不可開矣遂別遣主事行先生乃奏言十不可五謬疏入帝頗心動下大臣八人會議時鸞寵方盛皆中讎附和許聞市而鸞復進密疏先生遂遭獄訊請伏道典史故事請官者不事事先生乃日求民利病輿革之疏洮水以灌場國開煤山以省薪芻立書院以教諸生築道統祠上設義農黃帝堯舜禹湯文武之位前列左爲周公右爲孔子兩壁側則顏曾思孟漢董仲舒隋王通唐韓愈宋周程張朱元許衡劉因明薛瑄諸賢以示師法於是士知向往番民信愛之

呼曰楊父比去哭送者千餘人遷諸城知縣月餘調南京戶部主事已召入遷刑部員外郎旋改兵部武選司先生念起謫籍一歲官四遷思所以報國抵任甫一月遂而元旦日食具疏劾大學士嚴嵩專權誤國十罪五奸其略謂高皇帝詔罷丞相嵩乃儼然以丞相自居壞祖宗之成法罪一權者人君統御天下之具嵩伺陛下喜怒擅作威福竊君上之大權罪二人臣善則歸君過則歸己嵩將上諭及所進揭帖刊板頒行欲使天下後世謂朝廷善政盡出於彼掩君上之治功罪三陛下令嵩票本取君逸臣勞之

北學編

卷之二

五

意也嵩何所取而令子世蕃代票是嵩既以臣而弄君之權世蕃復以子而操父之柄縱奸子之僭竊罪四遷事廢壞由於功罪賞罰之不明嵩欲令孫得官故授其表姪歐陽進爲兩廣總督竄名奏捷冒朝廷之軍功罪五仇鸞以貪虐論革世蕃受賄薦爲大將引背逆之奸臣罪六俺答內犯兵法正宜擊其情歸嵩乃戒汝襲無戰及汝襲逮治而後知爲嵩所紿誤國家之軍機罪七考察巨典也陛下持之以激厲人心賊嵩竊之以中傷善類專黜陟之大柄罪八吏兵二部尤大利所在將弁納賄於嵩不得不剝

削士卒有司納賄於嵩不得不捨剝百姓失天下之人心罪九先朝風俗淳厚上嵩當國以守法爲固執以彌縫爲通敏以清介爲矯激以奔競爲練達壞天下之風俗罪十嵩有此十罪昭人耳目而陛下不知者蓋有五奸以濟之嵩以厚賄結陛下左右凡聖意所在嵩皆預知以陛下之侍從皆賊嵩之間謀也通政納言之官嵩令義子趙文華爲之疏到必有副本送閣先事彌縫是陛下之喉舌乃賊嵩之鷹犬也嵩畏嚴衛繹率令子世蕃締結姻親是陛下之爪牙皆賊嵩之爪葛也嵩畏科道多言達士非親知不

北學編

卷之二

五

得與中書行人之選知縣推官非通賄不得與給事御史之列是陛下之耳目皆賊嵩之奴隸也科過既入其牢籠而部臣之有才望者亦網羅門下聯絡蟠結深根固蒂是陛下之臣工皆賊嵩之心腹也五奸一破則十罪立見陛下或召問二王或詢諸閣臣重則置之憲典以正國法輕則勒令致仕以全國體疏奏帝怒嵩見內有召問二王語喜謂可指此爲罪密構於帝帝益怒下詔徵問何故引二王先生曰非二王誰不懼嵩者乃杖之百令刑部定罪侍郎王學益嵩黨也欲坐詐傳親王令旨律論死尚書何鰲

不敢違竟成獄先是嵩薦鸞起爲將後知帝疑鸞欲掩初
迹更互相排祗鸞敗先生內遷嵩與有力及入反見劾怒
遂不可解會都御史張經李天寵以失機坐辟嵩揣帝意
不赦比秋審因附先生名並奏得報其妻張氏伏闕上書
請代死嵩屏不奏遂棄西市年四十臨刑賦詩曰浩氣還
太虛丹心照千古生平未報恩畱作忠魂補天下相與涕
泣傳誦之初先生之將杖也或遺之蟒蛇膽却之曰椒山
自有膽何用蟒蛇爲及入獄死復甦太息曰嗟夫忽然而
死忽然而生如睡已又醒人死生固甚易也益脫然時部

北學編

卷之二

无

諸司皆憚嵩拘繫之甚固先生碎磁盃自割腐肉肉盡筋
挂膜復自截去獄卒執燈顧欲墜先生意氣自如朝審時
觀者塞衢皆歎息有泣下者後七年嵩敗穆宗立卹直諫
諸臣以先生爲首贈太常少卿諡忠愍予祭葬任一子官
已又從御史郝杰言建祠保定我

朝順治十三年

世祖章皇帝御製十二篇勒石旌之

尹會一曰編內不載椒山先生豈以北方多節義未可
勝書耶抑先生忠烈彪炳人間無藉此編之傳耶孫徵

君畿輔人物考書先生傳後云使公不以忠死必且爲
理學之宗夫孔曰成仁孟子曰取義君子之學孰大於是
信如徵君言古之學者以忠見先生之學以死掩乎余
謂氣節之興道學固不能不分若先生者無所不學而
又見其大觀其言曰道者吾性分之所當爲可道億人
之僞而不爲耶嗚呼學如是足矣

北學編

卷之二

无

蔡汝濱先生

先生名雲字天章甯晉人幼聰慧父授句讀九歲解文義十五歲父卒哀毀成疾三載始愈母督教益嚴進殫力爲學一日見有威逼人命當出贖者家貧父逼令自盡乃出麥三十石代贖之鄉人十三名被誣爲盜官司欲致之辟先生力白當事得釋邑中乏書籍出貲購求會集同志者講習登已丑進士任行人從韓苑洛湛甘泉二先生講學甘泉稱其體認力行不尚語言出使大同落王督總鎮還皆不受授浙江道御史巡視東城禁革太倉夙弊擣獲大

北學編

卷之二

三

盜都城肅清查盤內庫隨奏太監宋某太倉卿陳道瀛侵盜奸弊兵部尚書毛以侯決總兵十人疑義相咨先生答云眾寡不敵難生以死毛甚稱服一時十人俱獲有免差南直隸刷卷發鎮守太監王德爾守王桓鳳陽知府曹侵盜夙弊復岳忠武祭田給其後人岳清巡按河南鈐制皇親王府理冤獄表節義修前賢之祠興水田之利以及恤災傷黜貪酷善政班班也回都以論事下獄南京言官暨撫按薦舉至三十疏始得起用丁母憂服闋改河南道復因事落職家居教授生徒遠近從遊者三百餘人乃建書

院於汝水之陽置田三十頃以給生徒諸凡講產贖族修支廟置學田立小學以教貧家子弟行鄉約使人知事其父兄古鄉賢墳墓十有三處共置祭田五頃俾各歲生儒供祀平生自奉儉素不嗜聲伎凡有積輒散之教人以躬行孝弟爲本鄉里有無狀者一來見即釋然嘗語人曰但求在己無失在人者所當恕所著有四書坤傳書經便註汝濱文集語錄等書都御史毛介川檄云大人以道爲心斯性分中莫非宇宙仁者與物同體故大化內無間形骸舊斯世之橫流屹斯人之壁立蓋實錄云

北學編

卷之二

三

魏龍林曰甯昌文風在真定爲最盛皆汝濱先生培植之力也今書院學田猶有存者其語錄遺失余於京師舊故書得之付蔡子虛刻以行世

李仲仁先生

先生名天麟字仲仁順天人萬曆壬寅爲闕南守發明理學言簡而盡醇而不雜平談一帙門人楊修齡校而刻之其論孔門宗旨只是求仁孔門求仁之旨惟顏曾獨得其宗顏淵領復禮之訓至於三月不違曾子曰仁以爲己任不亦重乎死而後已不亦遠乎曾子生平全副精神都用在在故大學一書自格致誠正以及修齊治平渾然一仁也會子傳之子思中庸一書始自天命而歸於位育終自下學而達於天載亦渾然一仁也子思傳之孟子孟子曰

北學編

卷之二

五

仁人心也學問之道求其放心七篇中無非此仁顏曾思孟而後得道統者惟四大儒周子大極圖分明畫出一箇仁來程明道曰學者先要識仁仁者渾然與物同體義禮智信皆仁也識得此理以誠敬存之而已張子厚西銘一篇形容仁者天地萬物一體可謂曲盡朱晦庵以仁爲學以敬爲存之之道都是孔門家法若舍求仁之外別立宗旨恐非孔子與顏曾思孟授受之真傳及周程張朱所爲顧學孔子者也故有立志等篇十二則又繼之以體驗功課二十則所緣以適於仁之路者其在斯耶孫徵君先生

曰自董江都而下以至金忠節皆所稱學道人而各分尼山之一派晚得仲仁若素相孚契者故急收之嘗恨吾鄉理學一派寥寥其人若仲仁名雖不著而北方之學者莫之或先殆實勝而不求聞達者乎

尹曾一曰先生論孔門宗旨只是求仁可謂深契聖學之傳矣顏曾思孟之所以獨得其宗者大約言本體處少言功夫處多功在思誠慎獨而強恕乃其要也靜軒孫先生嘗教余體認三省章之忠信爲本孩提章之愛敬最良聖門求仁審端用力不外乎此余每三復斯言

北學編

卷之二

五

實覺須臾離之不可終身由之不盡也

宋哲陽先生

先生名學道字仲明永年人幼喪母廬墓側三年人稱其孝早有慕道之志萬曆庚戌登進士授長子縣學育才文風不變以孝友禮讓教民調封邱塞河有功民尸祝之嘗上宰相書二千餘言謂邊事之壞皆由於宰相之不能用入語甚剴切故當路以古君子儒今循良吏薦丁繼母艱家居構興學社與生徒講格致精一之旨士類景從著中語心語廣道詮根心解興學社編等書行於世號哲陽先生卒年六十有二

北學編

卷之二

語

趙忠毅先生

先生名南星字夢白號齊鶴高邑人卓犖負氣節以文章爲當世所推服問字者趾相錯萬曆甲戌進士除汝甯推官陞戶部主事張江陵臥病朝士建懋所安先生與同志戒勿往江陵歿調吏部考功引疾歸起歷文選員外郎疏陳天下四大害中所奏劾皆時相所庇給事中李春開駁之幾獲譴遂以病歸再起歷考功郎中主計典澄汰不假要津什時相奪職行人高攀龍抗疏分別忠佞極言閹臣不當陰除異已鋤善類以空人國遂謫去助教薛敷教疏

北學編

卷之一

奏

諍亦謫先生林居以名教爲己任海內清名之士淹久不用者應和益廣而羣小疾其病已遂譁然以高邑爲質的天啟初即家起太常少卿歷左通政工部右侍郎陞左都御史有申明憲職諸疏癸亥內察力絕情而作四兇議以處大猾十月進吏部尚書有再剖良心力挽干進諸疏推高攀龍總憲楊廷選副院左光斗僉院鄒維連夏嘉過程國祥等入銓曹魏大中袁化中輩相次柄用羣小滋不悅會高攀龍以考覈回道御史概闕之私人崔呈秀於是羣小合謀嗾魏忠賢曰東林必殺公忠賢怖且恚所謂東林者

蓋指先生與攀龍爲願惡成東林黨也甲子冬假會推事
盡逐東林爲魏廣微陳九疇等誣陷與攀龍同罷閣臣孫
承宗疏謂兩臣去而出於上意則皇上之獨攬未必協於
天下之公去兩臣而出於惡兩臣者將內結外援天下盡
人其牢籠而大患立至不報乙丑以張訥及梁夢環疏削
籍提問訥訊子甥皆遭痛捶太史錢士升貽書護持始得
請戊代州子甥并發遠衛先生坐短轅攜書僊至代僦居
小樓顏曰吉祥埽除士室顏曰味藥齋杜門讀書不報牢
餘崇禎改元肆赦遂卒戊所贈太子太保諡忠毅公爲文

士學編

卷之二

墓

章疏通軒豁能暢所欲言至於排擊朋黨伸雪忠憤萬歷
間推先生爲首其奏疏有曰臣年已八十矣每日與人爭
執若少年不曉事者然時危如此不救何待年老如此不
做何待其學守蓋晚年益厲不爲少挫也生年著書多散
佚其閒居擇言有云聖學之要一敬盡之矣大學中庸之
慎獨敬也敬於人之所知而忽於人之所不知非敬也慎
獨乃謂之敬出門如見大賓使民如承大祭慎獨也此道
甚易簡人人所知而不能行觀先生之言則其所得可知
矣

尹會一曰世傳先生家居恢奇跌宕間爲詩謠難以恢
諧無錫張夏輯洛圖源流錄用此爲疑遂不以入不知
先生自少至老砥名節扶世教顛危百折處之若故常
皆自主敬慎獨得之讀閒居擇言當爽然自失矣

士學編

卷之二

墓

魏樂吾先生

先生名大成字時夫號樂吾栢鄉縣人十五歲補諸生父衡山公令入國學以友天下士七試京兆不第乃歸里門靜坐攤書人罕見其面事父母以孝著庶母弟業拓落先生飲食教誨備極友愛嘗善養生弗佛二論其弗佛論略云佛產西域自謂能徹性除生死其說之大旨在不生二字謂有生卽有滅有生卽有死惟無生方無死所謂歷萬劫而當存者以此也孰知世界全在生之一字自太極動生陽靜生陰生生生化化萬彙萬品夫婦父子君臣上下舉

北聖編

卷之二

三

由此出如霄遵無生之旨則天地萬物不幾於息乎吾儒精一傳心乃聖人眞脈彼之所寶曰去貪去嗔去癡其鍊曰住曰定曰慧不過竊吾儒懋念室慾破愚及定靜安慮之緒餘耳儒道既明將焉用之學士大夫有化民成俗之責烏可不嚴此禁乎年七十五卒崇祀鄉賢子純粹萬歷間爲名侍御

鹿江村先生

先生名善繼字伯順號乾嶽定興人祖久徵御史以諫謫父正黨禍作傾身急左魏諸公難所謂鹿太公者也先生性端方謹懃少師祖父讀王文成傳習錄而契之慨然有必爲聖賢之志與容城孫鍾元先生爲友砥礪名行人非之不顧也每談說經旨曲折盡變動中妙理同儕謂其能記憶也先生曰只是要醒如何要記醒的如何是我則由我而周程而孔孟西湯文是舜無不靚面以相質六經四書皆我註腳夫豈有疑於心乎萬歷丙午舉於鄉癸丑成

北聖編

卷之二

三

進士與吳郡周順昌樸被蕭寺雞鳴風雨以節義相期勉選戶部山東司主事掌鹽法肥剝利病洞悉源委丁內艱毀戕滅性服除補戶部主事署廣東司事遼左方關餉輒發金花餉還神宗震怒遂降調一時省臺大列諸正人無不爲公訟言者解官歸門人日益進每以尋孔顏樂處爲立教提綱泰昌改元復原官典新餉清操絕俗尋改兵部職方主事時遼陽初陷中外洵洵先生爲大司馬草疏請逮某斬某以伸國法會王象乾以大司馬行邊因用廢弁與職方郎耿如杞左職方持之力首揆葉向高擬司官不

得違阻之旨乃上書向高言邊疆之虞由於偵帥中外諸貴人入其值而請求於職方職方自愛其官不得不徇諸貴人之請今幸得一愛國奉公不徇情面之人反奉不得違阻之旨胥天下以職爲市永無不償之帥自此一言始矣勿謂能違阻之司官爲易得去能違阻之司官爲小失也向高謂其刺已怒已而屈服焉歲主戊孫高陽以閣臣理部事請遣逃臣熊王於法先生舉手加額迨高陽自請督師遂請從迨吏部缺司官羣欲挽之先生不可曰軍中無苦樂但問所從誰相公一日在師中某當一日在幕中

北學編

卷之二

早

高陽嘗云子居東拓地四而里敵退七百里無一不出伯順經畫而口不言功功亦不及僅以久次在員外陞武選司郎中而忌高陽者百計阻之遂與高陽歸家居四年與孫徵君辨析實問痛除將就冒認影響浮游之病一言一動觸處逢源崇禎初起爲尚寶司卿陞太常寺少卿管光祿寺丞事細大兼營到處修明職掌未三載復請告歸先生遇事無所假借論學以認理爲主而言理即在事上其所自得可知矣先是神廟末年高景逸馮少墟鄒南阜講學京師同志者邀先生旣而間相戒不言朝政不談職掌

先生曰離職掌言學則學爲無用之物聖賢爲無用之人矣遂不往後數年與景逸偶遇於朝房辨析疑義景逸根相見晚具疏薦以佐高陽丙子秋七月定興破是時先生移疾江村無城守之責毅然授兵登陣守七日而城陷兵拔刃逼先生不爲動遂死之孫高陽聞而哭曰余向悉伯順之一窮通忘毀譽今乃親見其死生不二乎當事者以殉義聞詔贈嘉議大夫大理寺卿廕一子入監讀書專祠賜祭諡忠節所著有四書說約認眞草三歸草行於世門人陳鑑杜越孫立雅等輯先生年譜二卷子化麟舉辛酉

北學編

卷之二

早

順天鄉試第一伏闕訟父忠不勝喪死

朱勉齋先生

先生名之馮原名之裔字德止號勉齋順天人弱冠登賢書天啟乙丑成進士授戶部主事督催河西務事竣羨餘強半胥役以陋例請正色叱之入公帑以備縮額時逆閹魏忠賢用事遣其爪牙督理漕事勢張甚先生略不爲禮其人見先生少年風骨稜稜舌而去丁卯丁父艱歸里喪事後鏡戶讀性理諸書每言爲聖人之學舍此無繇庚午服闋先是逆閹時三殿工成羣臣濫冒加級先生在疚未及加至是應補疏辭有相忌者遂降浙江布政司理問

七學編

卷之二

聖

未幾陞行人遷東山少祭時海右戒嚴先生率屬沿岸修治墩墩造甲仗火器沂水爲盜事株連無辜幾傾一邑先生設法獲真盜一訊卽服無辜者盡釋進萬壽表入京時東兵將薄山東乃單騎北上已卯正月兵圍省會先生母妻在厯下聞城破妻馮氏先投井死姑亦絕粒死先生聞變亟奔至厯扶柩徙就入都葬畢廬墓側晨昏泣呱呱三年如一日也辛巳起補山西副憲以馮宜人節烈不復娶赴晉衣布茹素如廬墓時河東與秦豫接壤烽火無虛日先生飭備甚嚴宗室朱全宇招納亡命焚掠村社遙與秦

北學編

卷之二

聖

中賊逼撫按以其宗室不敢問先生知廢弁謝鳴進與善召至膝前論以大義遂擒全宇殺之四境帖然晉撫蔡懋德留心理學先生當戎馬倥傯建河東書院與諸生講經史著在疚記與蔡公遺相印證壬午賊事孔亟陞都察院巡撫宣大先生抵宣卽簡將領之庸怯者核權冊之虛冒著取爲肅然未幾東兵入陵寢戒嚴先生親擐甲進關防護上遣內臣慰勞所賜銀幣分編諸將奉兵道還鎮時宣鎮兵餉久缺司餉主事張碩抱素失軍心一日露刃大噪羣起縛之先生亟出撫服兵羅拜泣陳且曰惟我公在我輩不敢叛耳先生向商民借貸以給其餉立斬首惡七人糾張碩抱貪尅下獄總兵唐鈺不法先生指其罪狀上令械繫之甲申正月流賊攻潼關秦督孫傳廷敗潰二月初八日太原報陷蔡懋德死之先生設位哭二十二日報甯武陷周總兵遇吉舉家巷戰死先生嘆曰此眞男子也卽露宿城頭分兵扼險三月一日大同逆鎮迎降撫臣衛景瑄不屈死道臣朱家仕偕妻投井死人心震懾先生集文武紳士於城樓設太祖高皇帝位歃血誓死守集軍民諭以大義並闖賊之貪虐眾感泣檢臥所止衣被一篋出牆

兵存公服一襲付中軍官曰脫有不幸用以裹我監視內臣杜勳總兵王承胤以降請先生大罵之賊薄城下先生率標兵北面背城用砲擊賊所傷無數十一日叛監叛鎮開南門迎賊入軍民潰亂勢不可遏左右環哭擁行先生曰離此一步無死所矣遂登北城樓絕頂易公服南望九叩爲遺疏並家書付提塘官令總城而下揮眾去解腰帶自縊遺疏猶陳收人心培氣節之策其家書則囑子弟讀經世書佔畢之學無用呂新吾先生呻吟語不可不讀我以死報國此心慷慨無憾也先生蚤登科名與史公可法

七學編

卷之二

四

同恂恂如處女面好學知兵清節無不聞又同捐生以完古今之大義一時一地兩見偉人古所未有也

金忠節先生

先生名鉉字伯玉先武進人後籍順天少有慧質讀書目數行下天啟丁卯舉順天鄉試明年戊辰成進士乞教授爲讀書地授揚州教諸生先德業而後文藝轉國子監博士陞工部主事命修理安定四門軍器時中官張彝憲總理戶工二部錢糧令建公署向諸司官索儀注先生疏力請止之謂廉恥不可不維浮費不可不惜不報彝憲在任移檄兩部司官行謁見禮先生具監臣移檄非體疏極言彝憲抗顏昧心妄自尊大遂告病回籍彝憲以驗放火器

七學編

卷之二

四

炸損誣奏竟落職先生自訟一疏開門讀書究心物理性命之學悉取五經四子書暨諸儒語錄研思博覽於易尤獨有所窺嘗言善易者不談易也劉宗周爲少司空嘗就先生論學與陳龍正史可法未之馮道德經濟互相勸勉先生食約自甘所居不蔽風日中外有以起廢言者先生絕不問讀書之外輒靜坐每謂人曰人苦不學學則未有不日進者性至孝父嘗病衣不解帶者數月辛巳父卒於丹陽號泣奉喪焚然骨立服除補兵部車駕司主事巡視皇城職司禁門守軍先是皆中使虛冒先生下令嚴禁代

若然不到者革中使畏其剛直相戒勿犯逆關陷大同先生疏請撤宣府中官監不報未幾內監迎賊宣府失守先生謂其弟曰宣鎮陷都城不守矣我死分也惟無以處母目不瞑弟欲奉母隱母不允曰我受皇恩爲命婦決無生理宅中并可入也城陷易朝服拜母而哭曰兒職在皇城他非死所趨至御河邊賊已入先生指賊大罵躍入水死年三十有五母章知先生殉難卽投井死妾王氏從之先生生平訥訥然如不出口篤志力行惟義所在則千萬人不可奪置所謂學道人歟有宋儒四千合刻行世弟鏡梓

其遺集八卷

卷之二

魏一贊曰按伊洛淵源錄有王彥霖先生名巖叟大名入元祐中爲臺諫登政府正直不撓當世稱之墓碑本傳無存惟遺書前篇有其答問而其集中亦有記程夫子語數條又祭明道文有聞道於先生之語按畿輔人物考有劉汝功先生名大甯完縣人個儒有大志清朴如愚恂恂雅飭自幼天資穎異讀書雖寒暑不倦淹貫經史尤邃太極圖說成化十九年領鄉薦授臨西知縣改廣陵調安陸皆有政聲喬遺一先生名中和內邱人

生有慧性讀書能索人必求嫌獨知而後已由貢士爲令邊別駕卽致政而還與人處不立崖岸周人以急無求後償絕形影於公府寇至則導鄉丁保要害人服其略關小大二塾遠近來學者寒暑不倦晚年學易獨出心解爲說易編

大清

傳慶尹會一元字續韓

孫徵君先生

先生名奇達字啟泰號鍾元晚年僑居河南輝縣講學蘇門學者所稱夏峰先生也本籍直隸容城人舉萬歷庚子順天鄉試歷徵不仕化地會號徵君少與定興鹿忠節爲友以聖學相砥礪見義必爲教品行篤倫理弱冠連喪父母率兄弟廬墓側凡六年學使召以祀孝聞旌吳門天啟壬午爲

卷之三

一

乙丙間逆閹魏忠賢竊柄毒虐正人大興鉤黨獄桐城左公先斗嘉善魏公大中被逮是時高陽孫公承宗以樞輔督師榆關忠節參贊軍事其父鹿太公正督新城張果中與先生同志爭出身營救而先生密上書孫公公得書以軍事疏請入覲忠賢大恐謂將清君側適御牀而泣以嚴旨過於途遂坐左魏以賊各累萬榜追之先生與鹿正張果中謀陳金輪納炎蒸蹄一驢奔走數百里各得金數百齎送都門而兩公已先斃於杖矣越一年吳縣周公順昌復被逮坐以賊先生復力爲營救而周又已杖斃矣當是

時逆議方張諸公素所交游播手噤不敢發聲獨先生傾身爲之而諸公卒賴以歸骨世所稱范陽三烈士蓋謂先生與鹿正張果中也孫公高先生之義欲就請以職方起贊軍事使其友茅容儀先之不應茲丙子兵薄容城有司紳士分城而守先生率族黨領而北閭雉堞久圯兵突至隨輿隨築鄰邑多陷容城歸然獨存巡撫張其平上其事詔優秩擢用會南都大司馬范公景文亦以軍務馳聘先生俱不應其後烽烟四警城堡殘破乃攜家人易州五公山門生親故從而相保者數百家先生爲教條部署守禦而弦歌不輟入

北學編

卷之三

二

國朝以國子祭酒徵有司教趣卒固辭遁適於輝墓蘇門百泉之勝遂家焉率子孫躬耕自給弟子日進是時先生年六十有四矣先生講學以倫常爲本以慎獨爲宗隨時隨處體認天理治身務自刻砥而與人絕去町畦有來學者無賢愚必開以性之所近使自力於庸行故人皆服其誠聆其議論無不信聖賢之可爲其成人之美完人之節力持風化蓋終身以之所著有四書近指讀易大旨尙書近指理學宗傳家禮酌歲寒居答問孝友堂家規畿輔人

物考中州人物考取節錄諸書行於世卒年九十有二河南北學者歲時奉祀百泉書院而容城故壤與劉文靖因楊忠愍繼盛同祀北地從遊之士自先生南遷淵源可證如獻縣王餘佑定興耿極涿州陳鉉容城張子度清苑高薦馨新安崔玉階王之樞雄縣馬構思等並敦品力學鼓舞後進而魏道陸與先生子立雅博雅尤共相砥礪身任其傳

尹曾一曰吾卿尚氣節而蹈道爲難先生周旋左魏諸公之難壹似慷慨之爲而卒遠於禍觀其在白溝邂逅

北學編

卷之三

三

浮邱語聞心氣和平雖緹騎環伺莫能乘其隙蓋心泰而誠至物自無忤焉然則先生之養可知矣

杜徵君先生

先生名越號紫峯定興人篤學力行受業於鹿忠節之門康熙十七年舉鴻博不就巡撫使者以車過其門掖之登而行及至京師先生堅以老辭有詔昇入伏而不諾乃免試

命之出卽日趨駕歸里奉

旨特授中書舍人不拜時年八十有三

尹曾一曰先生傳志不得而見之矣於恕谷徵集見先生族事世稱杜徵君有以夫書讀綱目至東漢徵處士

北學編

卷之三

四

周黨嚴光王良至京師特書黨光不屈所以嘉節守而美先武之培士風也觀於斯而見千古之治有同道矣

王五公先生

先生姓王名餘佑字介祺保定之新城人隱五公山北地學者至今稱五公山人初先生父延善縣諸生尙義當明之末散萬金產結客三子長餘恪季餘嚴先生其仲也繼世父建善令魯山會閭賊陷京師先生自魯山歸父帥三子與雄縣馬魯建義旗傳檄起兵討賊容城孫徵君奇逢亦起兵共恢復雄新容三縣斬其僞官未幾賊敗清師入先生父爲仇家招執入京三子將行餘恪以先生後世父不可死揮餘嚴爲復仇計遂獨身赴難父子畢命燕市

北學編

卷之三

五

餘嚴歸帥壯士入仇家殲老幼三十口無子適於是急捕先生兄弟曾上官力爲解過免先生於是奉魯山公隱於易州之五公山此五公山人所由稱也先生少有大志嘗受業於孫徵君學兵法國變後更與徵君往來講學究經史授生徒教以忠孝務實學兼文武才薦紳先生遲遲構講堂具安車幣迎受業遠近從遊至數百人既隱五公學無不究嘗冀古人經世事爲居諸編數卷此書十卷萬勝車圖說一卷兵民經絡圖一卷諸葛八陣圖一卷皆弱王大略又湧幢草三十卷文集三十二卷自少壯數十年咸

慨激烈之致一發於詩爲文數千言立就每談兵達在事論忠孝大節目炯炯如電聲若洪鐘顧平居與人和易從容簡諒以講學著書爲事隱居教授不求聞達終其身年七十卒學者私謚文節先生

尹會一曰吾觀王或庵撰五公山人傳謂先生貢經世才其詳得自吾邑李剛主讀其遺書至撫卷太息曰此諸葛武鄉之流嗟乎吾嘗怪世之人動以儒術迂疎爲道學詬病如先生者隱而未見耳使復見用於世其不一雪斯言也與望溪先生嘗與余商訂北學亦爲先生

北學編

卷之三

六

屈一指余故采或庵所載書其略以志嚮往云

刁蒙吉先生

先生名基命以避廟諱易曰包字蒙吉別號用六居士邗州人父諱克俊有道而樂施與學者所稱貞惠先生也先生生而魁岸又性穎異年二十有五登天啟丁卯賢書既再請春官不遇遂絕舉子業以斯文爲己任於城隈開地爲齋曰清室亭曰肥遯讀書其中無間寒暑學者宗焉執經之履常滿戶外甲申國變設思廟主於所居之順積樓朝夕哭臨賊命致趣以死拒幾及於難會賊敗得解入國朝遂不仕日取四子五經及宋元以來諸儒書反復尋

上學編

卷之三

七

玩積二十餘年所著有易酌十三卷四書製註十六卷斯文正統十二卷辨道錄八卷潛室劄記二卷用六集十二卷其學以謹於言行爲要嘗曰君子守身之道三一曰言語不苟一曰取與不苟一曰出處不苟又曰吾日三省吾身心無乃有妄念言無乃有妄發事無乃有妄爲乎於梁溪高忠憲公尤篤好之曰乃所願則學高子也置主奉之如貞惠禮一言弗檢一行弗實必晨詣悔謝曰某不肖甚媿吾父吾師不可爲子不可爲人其勇於自克如此年六十有六以居母憂毀悴遂不起門人私謚爲文孝先生先

是貞惠卒三日勺水不入口母哭慰之始勉進一盪未幾

髮盡白杖而後起令門人治喪一徹文公家禮既葬廬於中庭檐下三年不飲酒不食肉不入內室每朔望忌辰悲號感路人居恆木訥似不能言及事至當言則正色而談上下傾聽故州有大事不能決者亦必待其一言爲斷流賊圍州城毀家糾眾誓固守城得不破兵退後流民載道設屋於西園聚養之疾病受傷者給以醫藥全活甚眾有山左難婦七十餘人不能歸命老成家人往送之臨行八拜以重託家人皆感泣竭力護送無一婦不得所者又僅

上學編

卷之三

八

於故舊終始如一慎於交遊然諾不苟與魏蔚州及東林諸君子爲神交各以所得遙相質正問學至老不倦先生歿後無錫人士遂於道南祠崇祀焉

尹會一曰先生承貞惠潛德所學由高顯而上溯程朱蓋醇乎其醇者也幽光之發厥後必大孫三人才名並著與余共學多年忽焉歿矣思其人愈思其人之詒謀所自不禁慨然增悲舉然高望也

魏果敏先生

先生名象樞字環極宣化蔚州人順治丙戌進士選庶吉士授給事中疏凡數十上風節大著以吏科掌大計陟廉鹽會計典肅清尋以事左通遂乞養母里居十年務修身敦家以化其鄉人丁母憂喪葬準古禮康熙初以大學士馮溥薦起貴州道御史累遷左都御史掌院事振肅憲綱中外嚴憚凡所陳奏俱關大體不爲一切近功小利姑且補苴之論進刑部尚書疏引漢臣汲黯自請爲中郎補過拾遺故事請辭司寇而留總憲奉

北學編

卷之三

九

旨加刑部尚書銜仍留原任於是感荷

聖祖恩遇益勵盡忱知無不言嘗因地震指斥撻責尤人所不敢言後爲刑部尚書治獄嚴明未嘗輕有縱釋而獲罪者亦往往稽首感服無異詞奉

命巡察畿輔未幾以疾乞休年七十一卒於家

上聞悼惜敕所司給祭葬如禮諡曰果敏雍正十一年入祀賢良祠先生在臺省孜孜以及引人才爲己任每聞一佳士賢員輒於眾中樂道不置雖數千里必寄書或贈詩以通殷勤所舉陞州湯潛庵定州郝冰濂平湖陸稼書

皆名臣鉅儒居恆究心理學常曰知一句行一句知一字行一字方是真實學問所著有儒宗錄知言錄弁寒松堂文集行世

尹會一曰大臣之義首在薦賢余讀先生薦十賢疏如見斷斷休休之氣象蔡聞之謂其可方羊叔子讓開府表信哉世徒仰其峻厲以爲風節異人而不知先生好善之量宏遠矣

北學編

卷之三

十

陳半干先生

先生名澎字半干安州人性倜儻負不羈才少好浮屠說
詎而覺其誤聞容城孫徵君講學蘇門千里從遊徵君深
引重之明末有賊自山東掠婦女百餘人人州境流離相
屬於道先生悉收養於州城朝陽觀中給以餘食問其里
居姓氏遣人送歸又遍收途次棄兒令家人飼養之全活
甚眾避地完縣受經稔其貧以金餽之先生辭不受曰
辱君誼良厚然於義無所處不敢安也時際喪亂有人攜
金二十鎰倉皇置先生寓中以去先生爲絨藏之逾年後

北學編

卷之三

三

訪其人與之故所封識猶如初友人張某嘗假舍於先生
輒私嚮之而取其直先生不問曰朋友之義固然此芟莠
者何較焉遽大名有史姓者以事繫於官先生察其無辜
言於太守因得解後一日史姓攜其女至願爲先生妾先
生正色曰吾以汝負深冤而力不能自達故不惜援手以
拯耳今以子女爲報將視我爲何如人疾驅之去順治庚
子舉順天鄉試力行讀書老而不倦尤得力於陽明傳習
錄及鹿忠節學樂大旨年七十五卒於家子鶴齡博學敦
行樂育人材孫惠樂惠華惠正俱有文名以科第至顯官

是仲明曰高景逸先生云貨色兩關落腳便成禽獸天
之生物惟人也得其秀而最靈顧可甘爲食獸而不恤
耶若先生者於貨色兩關可謂介然無取凝然不動矣
以此爲學非有所不爲而可以有爲者歟

北學編

卷之三

三

張尚若先生

先生名潛字尚若礪州人生而穎悟數歲讀書即通曉大義年十二補弟子員順治丙戌領鄉薦己丑捷南宮壬辰選翰林院庶吉士與湯潛庵先生共相砥礪爲聖賢之學性至孝聞母病卽力請終養躬親湯藥母病遂痊後逮丁內外艱哀毀骨立喪葬如禮服闋赴補適有詞林外轉之命同人錯愕先生怡然歸鍵戶讀書於身心性命之理靡不窮究蒼翠古人格言懿行訓勉子弟家居二十年不妄交遊惟與蘇門孫徵君先生往復論學無虛日嘗曰眞學

上世編

卷之三

七

間在行誼若知而不行猶未知也又曰除忠孝倫常外別無道學可以見先生之所得矣年五十八卒於家所著有潛南集十卷

魏運陸先生

先生名一黻字運陸保定府人少舉於鄉爲忻州刺史有惠政搜訪隱逸折節下士去官之日匹馬雙僮囊無長物世路升沉得先不介於胸恬如也聞孫徵君倡道蘇門千里就正曰道在是矣再補泗州嘆曰未能成己敢能成物不就乃於夏峯築室兼山堂畔顏曰雪亭居數載與睢州湯潛庵登封耿逸庵輩同堂問辨不倦嘗自記其所聞於師與夫讀書有得之言於雪亭夢語中潛庵稱其上下古今視千秋如旦暮惟是性高曠病不耐俗徵君謂之曰聖人之教爲愚夫愚婦所共由賢人之教乃高人士所獨契觀師範一章卽是聖人萬物一體胸襟位育參贊全體學者進此一層方完性分所固有職分所當爲蓋勉以知性誠身之學也康熙三十一年九月以疾卒崇祀鄉賢先生嘗於保定城中修上谷五賢祠後人遂以先生與張石鵠等配享焉所著有四書偶錄詩經偶錄北學編及雪亭夢語雪亭詩草行於世

北學編

卷之三

四

張武承先生

先生名烈字武承大興人康熙庚戌科進士除恩平令戊午薦舉博學鴻詞授編修元纂修明史官每立一傳必博考詳徵傳疑傳信勿敢附會遷贊善預纂修典訓館事盛暑嚴寒從不一假每當朝會敝車廢馬蹣跚風雪中弗少懈也筮仕後貧窘甚於諸生然性好施與每有所入必留其半爲利濟之用凡同年已故有親老子幼婚喪未終者竭力區畫如家事年六十四卒祀鄉賢先生生而英敏喜博聞強記晚尤嗜小學近思錄諸書遂以閑邪衛道爲己志

卷之三

五

任所著有太學論三難領說時中說公心道心論宋陸同異論王霸論諸篇而意所專注尤在王學質疑一書儀封張清恪公見之亟刊以行世蓋喜其力駁傳習錄以尊朱也宛平黃玉圃亦每道其學術之純云

顏習齋先生

先生名元字渾然博野人父祖爲蠡縣未翁義子遂姓朱爲蠡人崇禎戊寅父被掠至遼東母亦他適甲申鼎革癸巳爲庠生名朱邦良幼讀書二三過輒不忘學神仙導引取妻不近既而知其妄乃益折節學禮因悟堯舜之道在六府三事周公教士以三物孔子以四教於是普存性存學存治存人四編名其齋曰習齋師門弟子行孝弟存忠信曰習禮習樂習射習書數究兵農水火堂上琴竿弓矢簞簞森列舊曰心有事焉學之要也心有事則存身有事則修家之齊國之治皆有事也無事則進與治俱廢故正德利用厚生曰事不見諸事非德非用非生也德行藝曰物不微諸物非德非行非藝也先生之學以事物爲歸而生平未嘗以空言立教既歸宗欲尋親時方亂且嗣未立久之乃如關東誓不得親不反既而果得其蹤於瀋陽歿矣尋其墓哭奠如初喪禮招魂歸主奉而歸呈學丁憂格於成例遂棄諸生終三年喪自是用世之志愈殷曰蒼生休戚聖道明晦敢以天生之身偷先自私乎遂南遊中州張簪卜肆於開封以閱人所得甚眾與上蔡張仲誠及其

北學篇

卷之三

六

門人明辨實學言近世聖道之亡多因心內惺覺口中謊說紙上議論三者之間見進而身世乃不見道學堂輒稱講堂孔門爲學而講後人以講爲學千里矣先生隱居數十年且老令長及大吏數表其門或造廬而請有勸之仕者笑不答也先是自孫徵君外先生自謂父事者五人曰刁文孝曰李孝愨曰張石卿曰張公儀曰王五公而朝夕共學者曰王法乾法乾直諒友也嘗以雜霸規先生而先生則以空腐爲誡其後諸君子相繼沒法乾亦亡先生泣然曰吾無與爲善矣進修益刻厲不懈年七十卒學使陳

北學編

卷之三

七

遵牟先生檄縣崇祀鄉賢先生生平不欺暗室與王法乾共爲日記凡言行善否意念欺慊逐時自勸注之勇於改過以聖人爲必不可學跬步之間必遵古禮老而彌篤乃遭人倫之變艱危貧陋以終其身一子殤以族孫爲之後門人李塏王源編先生年譜二卷鍾錢輯言行錄二卷閻吳錄二卷

尹會一曰余方十歲時猶及見先生魁岸端嚴聽其議論娓娓傾四座自余稍知問學先生之沒已久矣閱歷既多益信好朱子故於先生之書弗服深考然跡其生

平言行間刻厲深矣崛起窮鄉力追古道而挽頹風異學俗學舐排欲盡其諸豪傑之士無待而興者與

北學編

卷之三

六

李恕谷先生

先生名堦字剛主號恕谷蠡縣人父明性有學行高隱不仕學者稱爲孝慈先生同時習齋顏先生倡明禮教因命先生師事之又學琴於張而素學射於趙思光郭金城學書於王五公彭通學數於劉見田後又學律呂於毛河右立日譜記身心言行得失時加改勉至老不倦與顏習齋商酌教養之具每夜分不寐有所得則錄之廖忘編學政平書訂閱史鄒視後依周禮約入擬太平策蓋於大學明親之業嘗欲見諸實事冉永光官教修太史集名賢會講

北學編

卷之三

九

都下先生與焉因歷及古今升降民物安危學術明昧之所以然以及太極河圖洛書經史之真偽屯田水利天文地理兵農禮樂之措置諸公悚聽相顧謂曰乾坤賴此柱礎也先生言語循循終日危坐肅敬而安和近之者不覺自歛抑北平王崑繩恢奇自命目空並世人年將六十見先生而大悅因與共事習齋先生由康熙庚午舉人選通州學正旋以疾告歸從遊者日眾遠方郵書請正絡繹不絕先生雖接引甚殷未嘗稍有矜色嘗云學者務身心修整祛妄戒昏天君湛如而又學爲有用之學則聖道不遠

矣李安溪王太倉相圖皆擬特薦於

朝先生力辭年七十五卒於家所著小學稽業大舉辨業學規纂易經論語學庸傳註學禮錄學樂錄擬太平策恕谷後集評乙古文版行於世詩春秋孟子傳註學射術書教錄及瘳忘編等書藏於家

尹會一曰先生傳習齋之學其本在於忍嗜欲苦筋力以勤家而養親而以其餘習六藝講世務以備天下國家之用以是爲孔子之學而自別於程朱晚受執友忠告遂取師說及所著諸編中之皆聳朱子者更定過半

北學編

卷之三

十

其勇於從善尤可以爲學者法也望溪先生云

王或庵先生

先生名源字崑繩號或庵直隸宛平人大父父明時世襲錦衣衛指揮明亡流轉江淮寓高郵先生少從其父喜任俠言兵長從甯都魏叔子學古文性豪邁所心慕獨漢諸葛忠武明王文成於文章自謂左邱明太史公韓退之外無肯北面者年四十以家貧父老始遊京師舉康熙癸酉順天鄉試然當自謂非其意焉於內行執兄之喪旬歲中貌若非人平生孝友可知也晚年師事博野顏圃齋學禮終日正衣冠對僕隸無疾言遽色五十後葬其親適縱遊

北學編

卷之三

三

名勝輒淹留時後他往逾六十客由陽省身錄編未嘗去側卒之夕神色夷然屬其子兆符收拾遺文不及家事尹會一曰余嘗讀先生所爲文跌宕淋漓不懈而及於古邈遊公卿間好奇節竊意先生故文章意氣自喜之士比見望溪先生傳四君子皆稱行修而學苑先生首列焉然後知先生不獨雄於文也所著有易傳十卷平書一卷兵論二卷惜余未及見之

馮周溪先生

先生名濂字周溪甯晉人故明大司寇英之元孫也少時寡言笑而內多慧問人性皆善語輒欣然若有得祖端祺異之遂命名濂而字曰周溪蓋以周元公之無所因承而繼絕學者期之也弱冠補弟子員旋食廩婦四試畿闈不售以恩貢補學士正安貧自好不及汲於仕進其讀書一遵朱子之法以居敬窮理爲務日用飲食動靜語默整肅不苟款人必由小學始不紛綸講說有未慊此而問彼者先生曰此猶未得何遽多求嘗以中庸尊德性道問學章句

北學編

卷之三

三

數語書置座右終日晤對於周易則專取本義諸家總不如朱子之潔淨精微實得四聖心傳日讀一卦十句一周往復無間至老如一日遊京師名公卿皆嚮慕就見未嘗投刺先謁也所至以發蒙育德爲己任量材設科蔚然有成高相國東軒從先生幾二十年嘗迎至江蘇織造署中朝夕觀摩請業如少時樂道忘勢人尤傳爲盛事年七十有四衣冠端坐而逝

尹會一曰東軒先生嘗爲余言馮先生之篤信程朱實足維正學於勿替昔人稱賈月川爲鐵板道學夫非其

流亞數近先生之居僅踰百里而親炙無從則余之孤
陋向學已晚也蓋雖十餘年間不勝後先相望之感云

北學編卷之四

樂城戈清并舟續輯

大清二

申孚孟先生

先生名涵光字孟世稱疊盟處士廣平永年人申端愍公長子也端愍以太僕寺丞殉甲申之難先生扶柩歸葬日夜環塚涕泣聞柏鄉魏相國文毅公爲給諫上褒錄幽忠疏端愍與焉格於部議遂徙耽至京號燕市中聞者感動給諫周公體觀及張公王治相繼上疏禮部執議如故北學編 卷之四 一

魏相再疏爭之乃予祀典於是先生之孝彰聞遐邇有司應詔以孝舉先生固辭之順治十四年年三十九謁孫徵君於夏峯執弟子禮得聞天人性命之蘊進語由是日遂作性習圖義利說及荆園小語進語自淑以淑其兩弟孫徵君爲之序稱其閱歷深而動忍熟蓋鵠論也仲弟涵煜季弟涵盼皆能自立先生貢成均以病辭不赴試卒年五十有九

尹嘉銓曰先生故以詩名卽余向亦以詩人目之嗣於

黃奉常家得其藏書攷諸年譜然後知先生親炙夏峰潛心理學不復措意於辭章其見道也深矣亟取魏敏果公所作墓誌以補遺庶幾信而有徵乎

北學編

卷之四

二

王仲穎先生

先生名之銳號退菴仲穎其字也世多知其字故以字傳先生幼志聖賢之學年十四讀書至吾十有五章惇然曰先師成童已志大學吾去成童一年耳曾小學之未通乎于是苦心焦思深自淬礪以中庸齊明盛服語書揭臥太夜必整衣端坐或竟夜不寢康熙丁丑學使安溪李文貞公按河間以課講受知召與語大歎賞曰南方無此學質也選貢使從遊攜之直撫幕下每公退輒與講說古先微言精義七年盡聞文貞性命河洛算數音韻之學文貞入北學編

卷之四

三

相招至京師邸第與景州魏大司空廷珍交河王少宗伯肅生偕一日語三公曰盍從我往迎

駕熱河乎于時

內廷新立東書房集文學才技之士先生知將薦已不欲以捷途仕辭文貞心重之不復強已而魏王入內廷癸巳魏捷鼎甲辛丑王賜第皆入翰林先生恬然安之嘗是時文貞以道德文章網羅才俊登高而呼天下聰明才辨之士雲集響應上者雄奇駉偉敦琢鴻業以經世垂久次猶雍容詞苑鼓吹休明其餘翹首跂足攀援而取仕宦者紛

綸不可勝數先生澹然沖默其間獨與江陰楊文定名時壹以切劘身心研究經義爲務文貞嘗語人曰從吾遊者不翅數千人然而潛心學問不求聞達南楊北王二人而已其爲文貞推重如此館于恂邸王雅敬禮之一日小疾王遣醫來醫署方必首發僕出王府先生曰吾疾果非僕弗瘳乎醫曰此故事耳役出可勿用也先生笑命去之以纂修周易折衷敘廣東陽春令至數月不能結樞獲上改敘職歸雍正六年里游鐵先生家餒困就依所親河南確山令適有

北學編

卷之四

四

旨召詣京師將有質豫督不知所緣遽之銀鑰送刑部至則固無罪也一訊罷遣除萬全教諭乾隆四年趙泰安相國疏薦其學行擢國子助教居國學十二年自大司成以下遇之皆有加禮年近八旬日與諸生講授不倦己巳冬詔舉經學之士梅總憲贊成何少司空國宗並以疏舉士申

上詢國子耆學祭酒以三人上先生與焉

召見病不能行其二人者皆超擢司業而先生意以明年謝病卒于家年七十有九先生之學王子躬行實踐孝弟

之氣滿容充體祭必敬喪必哀忘日不樂終其身有兄暴于行動遇以非道先生怡然順受事之如嚴君或以過先生先生曰世兄弟多貌相承吾兄遇我嚴弟我也吾何憾事之益謹及官太學兄書至必再拜然後發兄病就京師先生躬藥御衣不解帶月餘卒哀慟欲去官遂服以例不可止居恒莊肅如對賓客擬而言議而動口不道人過有德于人終身不使知之自奉極薄廩祿所入節縮以奉其兄及親戚之乏者未嘗蓄一錢其德行簡備自鄉之貴宿及太學士大夫稱道如出一口方望溪先生嘗言仲穎

北學編

卷之四

五

孝友本性學問法程其自命處真有矯矯不羣壁立萬仞狀而廉靜之操當世殆無其匹云

戈濤曰先生既沒之十年余里居始得據其生平概略爲之傳於戲先生純粹篤實好學君子也其居家眞孝弟立身真有本末諸書真有見地古所謂獨立之土行不媿影寢不媿衾孔子所謂善人孟子所謂善信先生眞足當之惜乎生無大表見歿無有傳其學者然而風期慕落古與徒矣初先生與余祖父善子自孩時卽聞余祖道其行義及見之京師每侍坐氣不屏自肅嘗過

其學居老屋空曠四壁颼颼有風時方冬了無爐火獨據一案經籍鱗次滿前凝然若不知寒者先生涵養堅定然每自視欲然嘗言被逮時內省無咎乃猶食不能下以爲學問之氣未充其言不欺志類如此諸經皆通貫允達于詩易自言自康熙丙戌迄雍正庚戌玩詩至子週余嘗見其手註易冊又聞四子書及詩皆有論述今索其家都不可得矣惜哉

北學編

卷之四

六

尹健餘先生

先生名會一字元孚別號健餘保定博野人幼孤事節母李太夫人以孝聞登雍正甲辰進士授吏部考功司主事遷員外郎丙午典試粵西丁未分校禮闈胥得人出守襄陽攝荊州荆石首縣饑賑萬餘餉洵以浮言相煽動先生單騎宣慰之賑撫其民而收其贊鼓倡首者眾立解移守揚州尋擢兩淮運使晉總鹽政加僉都御史楊俗汰侈先生躬節儉屏絕餽遺俗爲少革乾隆二年入覲巡撫廣東以母老辭

北學編

卷之四

七

上閱其情爲改河南北宋以來理學之傳河南爲盛明道伊川康節同源派衍歷金元明代不乏人而國朝湯文正潛菴張清恪孝先耿高陽逸菴尤爲後起卓卓先生慨然以振興絕業爲任增訂洛學編以詔學者立五社簡好修良士爲之長月朔望長吏集諸生講論德義因以察鄉之孝弟任郎與罷義不率者而勸懲之邇年教大行仿周官溝樹畜牧比伍保受之法以勸農靖民紆徐布之政成而民無擾閭闔水上章自劾因採宋富鄭公趙清獻救災事宜損益之條爲十六次第請行皆報可是年

不知有災內遷御史中丞甫數月以母病乞終養得允歸

築健餘堂以奉太夫人先生自早歲受書及通籍應仕至開府未嘗一日去太夫人膝下其承顏養志雖年五十依然猶嬰赤其居官行政每夕必告太夫人有不合或爲輟食則長跪不敢起以故先生之孝與太夫人之賢聲聞士大夫上達

天子御製詩章扁聯卽其家賜之當世以爲榮先生既家居待養之餘益博稽古人微言奧義思慮以求其精有所得著之讀書劄記立共學社招生徒相與講明義理之學

北學編

卷之四

八

學者翕然從之置義田以睦宗族設義倉義學慨惠其鄉里嘗曰爲學務在力行徒尙空言無益也太夫人卒哀毀壹衷諸禮服闋之歲

上預虛少司空待之既卽任

命督江蘇學政先生以江蘇文勝實鮮敦厲小學之教舉蘇人范文正公爲秀才法其管接諸生溫溫然復舊典答其拜也方望溪屏居清涼山下先生舍輟從手操几杖造其廬請以師事聞陽湖是鏡隱居有孝行親詣舜山訪之遂以薦于朝其敬德樂道虛已善下類如此晉少宰仍舊

學政尋卒于官年五十有八遺疏以任賢納諫爲言言不及私

上聞俾借賜一品齋祭于是鄉人請祀于鄉所歷治地皆以名宦請祀而蘇人兼祀之道南祠以配前賢先生之學淵懿純粹不爲岸異于古今人學術純駁審慎別擇之而未嘗顯言攻斥口吾惡從來學者好爲護罵也自居鄉蒞官外建節內長耳目感卓然有可稱道而自視儼然若毫無所得諸已而設施于世者望溪先生以是亟稱之所著有文集十卷詩草三卷奏議十卷劄記語錄讀書筆記凡

北學編

卷之四

九

十七卷講習錄二卷從宜錄一卷尹氏家譜八卷賢母年譜一卷撫豫條教四卷尺牘四卷君臣士文四鑑錄凡十六卷增訂洛學編五卷北學編三卷呂語集粹四卷重訂小學纂註六卷近思錄集解十卷並行于世

戈濤曰戊午己未間子居河南親見先生之爲政也師古而宜于民先生家去子家百里孝義蒸蒸播于士林景行者思恨不得負笈一從之遊及來京師與先生嗣子交盡讀先生書浸淫歷歷穆乎嚮往之矣

黃崑圃先生

先生諱叔琳字崑圃文興人始生具夙慧成童卽遺四書五經從學饒仲如研窮性理之異又從吳述菴究經世學年二十以康熙辛未探花及第列館職益自淬礪與衛旣齊討論宋人語錄恂恂然有醇儒風見者不覺其爲少年鼎甲也嗣歷議讀晉卿貳司文衡秉節鉞落職復起屏藩山左詹事春宮公餘常手壹經以至毫毫不廢當督學山東時毅然以興賢育才爲己任捐修三賢祠於泰山之麓奉宋胡安定孫明復石徂徠欲薦如舊俾學者知所景從

北學編

卷之四

十

又興復白雲松林兩書院延師儒選才薦捐備蠲火道士多窮釋數用之英翕然稱盛其巡撫浙江也肅除巨惡釋釋冤獄災傷則恤之貪墨則黜之尤以薦賢爲重所汲引者如萊州守嚴有禧長清令劉輝祖皆以循良是秩而分校禮闈主試江南所拔取者理學有如任宗丞啟運經學有如陳司業祖范文學有如徐孝廉文靖人祀賢良者則徐撫軍士林潘敏惠思渠也張太史消夏太史用修李觀察慎修輩皆端方博洽與先生教學相長其餘名士宿儒建樹接踵未可悉數先生善識天下才俊方望溪爲諸生

時來謁壹見稱莫逆交凡望溪所著周禮春秋之學皆與先生往復指畫無少間他如周大瓊顧進又數十人或不憚千里或不間歲時親炙就正則其學之及人遠矣生平著述有硯北易鈔蘭發河洛之精蘊詩經統說折衷羣說之異同夏小正傳注史通訓故補注文心雕龍輯注顏氏家訓節鈔硯北雜錄則于經濟學術各有指歸纂言粹美著語精純有功儒林豈小補哉計先生自五歲就塾享壽八十有五蓋二萬九千日中無日不學也可謂純篤君子矣

北學編

卷之四

七

尹嘉銓曰有是哉先生之虛懷善受至老不衰也甲戌秋先生行年八十有三授余史通訓故補注余讀至疑古惑經二篇請於先生欲取昌黎削荀揚不合聖籍之義酌爲節刪毋致貽誤來學先生怡然從之且作後序以志過於戲過亦何傷善補爲貴昔衛武公耄而好學日誦抑戒以自警終成睿聖之名先生有同揆矣

黃玉圃先生

先生名叔敬字玉圃崑圖先生之季弟也崑圖先生德性寬大先生則嚴厲自持其學以立誠爲本要其功于篤敬晚號篤齋以自勗云初康熙己丑成進士由太常博士遷戶部雲南司主事調吏部文選司遷稽勳員外再調文選以薦擢湖廣道御史巡視東城時王公貴人以追私通相屬甚夥皆曰務親治先生正告同列曰御史非王官何瑣瑣若是下所司理之有銜邸命至公署者昂然坐滿御史上先生詰以何時奉差視事噤不能對則立使衛生將疏劾之其大悚惕謝罪久乃釋去自是無敢以私干者時久停御史巡邊海之制

北學編

卷之四

三

上以臺灣亂初定特遣先生往視之至則翦餘孽釋脅從及側遂安雍正元年任滿特畱一年

命以所行事告後任先生爲列海疆十要既還京怨家以蜚語中之遂落職乾隆初起河南開歸道謁驛鹽糧道豫大水先生撫災民勸卹周至潯永城河口開儀封引河築虞城堤岸皆中窳要豫人至今頌之在豫四年以母憂歸

服除補江南常鎮揚道過疾暫解任疾已復原官又三年致仕家居七年卒年七十有七先生平居啗啖言不出口遇大事侃然執持不少撓屈罷職時究心宋五子書及元明諸儒果深造有得晚歲所養益粹嘗語人曰道學卽正學也親正人聞正言行正事斯爲實學不然空言性命何爲乎著有近思錄集朱慎終約編既倦錄廣字義諸書藏于家

尹嘉銓曰先公巡撫河南時每見先生必執後過禮稱爲立不易方和而不流君子人也序其廣字義曰茲編

北學編

卷之四

三

也匪惟知之且允蹈之其行己靜以廉其待人恭以恕其立政簡以清於戲可以見先生之生平矣

後序

先君子續輯北學編越五載而卒又三載崇祀鄉賢其後江蘇河南皆請以名宦祀於是戈侍御曰少宰公之論定矣吾郡王仲穎先生故醇儒也宜同續入北學爰出傳稿見示嘉也謹奉敎因思廣平申處士詩變至道當以補遺北平二黃公久爲士林所景仰并編列焉其有潛德未彰續有聞也敢不薰沐書之

乾隆二十九年歲次甲申春王正月博陵後學尹嘉銓謹識

北學編

後序

一

孫文正先生

先生名承宗字稚繩一字凱陽高陽人貌奇偉長身鐵面鬚髯如戟與人言聲殷牆壁以諸生授經邊郡往來飛狐拒馬間直走白登又從紇干清波故道南下喜從老兵究問險要曉暢邊事萬曆三十二年登進士第二人授編修益究經濟之學以天下爲己任歷遷左春坊司經局洗馬熹宗即位擢左庶子日講官進詹事少詹事加禮部右侍郎侍講如故是時

大清兵已破遼陽廷臣交薦先生未幾邊事愈急遂加先

北學編

補遺

二

生太子太保賜蟒玉以閣臣督師先生力闢羣言建議守甯遠大修邊防立六館拒天下豪傑自守山海關練精卒於甯遠分奇兵於覺華彌串辰鹿諸島厚犒毛文龍俾遠結朝鮮撤鎮江墩登帥沈有容據廣鹿凡戰守之具自關漸移前屯自前屯漸移甯遠招集流亡軍威大振於是烽煙頓息中外解嚴而廷臣忌之司農厭供億之煩本兵張節制之勢及先生西巡薊昌閱喜峰諸口取道京師會十月十四日爲帝生辰因請入賀當是時魏忠賢盜國柄以先生功高欲親附之屢遣其黨申意先生不與交一言又

屢請勿遣中官視師忠賢大慨會忠賢逐楊漣趙南星等先生聞而嘆曰抗疏帝未必親覽憶昔進講上輒爲心開倘老臣得因奏對極論奸邪諸狀萬一覺悟死無恨矣至是魏廣微語忠賢曰樞輔擁兵數萬清君側兵部侍郎李邦華內應公等盡粉矣忠賢悍甚繞御牀哭帝亦心動顧秉謙擬旨以離信地非祖宗法責之先生疏言薊門昌平一帶皆臣應巡之地忠賢亦偵知先生僅攜鹿善繞及僕從數人疑稍釋而其黨猶連効之其後臺諫數十人希忠賢旨請勒先生回關防秋先生曰此詔岳飛班師也抗章

北學編

利

三

求去帝許之先生在鎮四年復大城九堡四十五練精兵十一萬立車營十二水營五火營三蒲烽從動八沙唬船六百進四百里招集遼人四十餘萬莊烈帝卽位王在晉入爲兵部尙書極劾馬世龍恐先生復用力阻之及大清兵入大安破遵化將薊都城始詔先生出初守都城繼守通州袁崇煥被逮祖大壽驚而東奔舉朝震駭先生馳書諭使歸命大壽唯唯密奏遼將多世龍舊部臣已遣之前往可無慮遂督關營昌薊兵及天下入援之師可三十萬戰守七閱月復建昌三屯馬蘭松棚大安繼復永平

漢州遷安遵化及冷口瓦坡龍井潘閣諸堡四十有奇大善戰功居多皆先生力也四年正月出關東巡抵松山錦州還入關復西巡徧閱三協十二路而返條上遷政八事時輔臣非其入朝政大壞先生知事不可爲屢疏求去十一月得請賜銀幣乘傳歸十一年十一月大清兵破高陽先生于城樓北向再拜曰臣力竭矣以一死報國時年七十有六率子孫十九人投縶殉節惟長子高苑縣知縣銓銓子錦衣衛指揮僉事之澆以守官不及於難甲申春從僉事宋獻請賜諡文正

北學編

補遺

四

同治丁卯旣祀北學諸賢於蓮池書院復因北學編原板散失重付剞劂讀之益深嚮往獨於高陽孫相國尙未之及不無遺憾先生爲孫徵君鹿忠節諸公領袖亟宜補入因取明史列傳及徵君所撰墓誌銘胡統虔所撰墓表節錄之作先生小傳已已孟秋大興復學李嘉端謹識

北學編重刊校閱姓氏

魏煜 寶齋 蔚州

孫葆元 蓮塘 鹽山

步際桐 香南 樂強

劉仲璋 耘藍 滄州

陳鶴年 露坪 南宮

張鏐 振之 南皮

劉源濟 曉川 永清

王發桂 笑山 清苑

北學編

姓氏

陳椿年 秋坪 南宮

王仲倫 旌軒 易州

田憲中 年齋 安州

傅慶祥 考齋 新城

五

重刻北學編跋

北學編一書魏蓮陸先生所輯也嗣經尹元孚戈芥舟兩先生先後續輯迄今百餘年板久無存吾鄉鮮知有是書者新城孔君慶鈺攜其家藏舊本入都商欲重刻諸同人咸憇患之遂付剞劂是舉也不惟先正典型賴以不墜而讀書者亦當激發於立身制行一以先正爲法也

道光二十四年歲次甲辰暮春下浣東陽後學陳柱謹識

北學編

跋

六

補刊校閱姓氏

桑春榮 百齋 宛平

王發桂 笑山 清苑

王仲倫 號軒 易州

王振銖 仙五 易州

王 灝 文泉 定州

李光璧 星垣 寶坻

劉曉山 西岩 河間

王履恆 健庵 清苑

北學編

姓氏

歸繼先 壽彭 清苑

賀錫福 愷軒 清苑

張清元 肇一 清苑

周 洛 幼川 清苑

孫承洛 冠卿 清苑

程兆祥 芝庭 清苑

李嘉端 鐵梅 大興

張楷枝 鄉橋 滿城

鹿欣理 蘇髯 定興

七

尹煥章 樸園 博野

蜀尊經書院重刊北學經校閱姓氏

劉永鎮 子靜 雅安

方守道 廉史 成都

王 謫 濟廷 南河

伊人鏡 鑑湖 新安

沙繼榮 蔭先 南河